

東爲衛管叔監之殷都以西爲鄘蔡叔監之殷都以北爲邶霍叔監之是爲三監按二說各異未詳也

脩武

莽曰雅歌

左傳僖二十五年晉于是始啓南陽 又文五年晉陽處父過寧杜注寧晉邑今汲郡修武縣也 又定元年魏獻子還卒于寧杜注寧今脩武縣近吳澤 韓非子秦昭王去邯鄲西攻修武 韓詩外傳武王伐紂勒兵于寧更名寧曰脩武 史記秦本紀昭襄王三十三年魏人南陽以和徐廣曰河內脩武古曰南陽秦始皇更名 又項羽本紀漢王出成皋渡河走脩武 又曹相國世家從至河內下脩武 又白起傳昭王四十四年白起攻韓南陽太行道絕之徐廣曰此南陽河內脩武是也 本書高帝紀北渡河宿小脩武又臨河南嚮軍小脩武晉灼曰小脩武聚在大脩武城東 續郡國志脩武有南陽城 晉書東晉傳汲郡有吳澤良田數千頃洧水停滯人不墾植 水經清水出河內脩武縣之北黑山東北過獲嘉縣北又東過汲縣北又東入于河注云黑山在縣北白鹿山東清水所出也脩武故寧也亦曰南陽矣馬季長曰晉地自朝歌以北至中山爲東陽朝歌以南至軹縣爲南陽故應劭地理志風俗記曰河內殷國也周名之爲南陽又曰晉始啓南陽今南陽城是秦始皇改曰脩武臣瓚注漢書云韓非書秦昭王越趙長平西伐脩武時秦未兼天下脩

武之名久矣 元和志今懷州脩武縣本殷之寧邑漢以爲縣 三劉漢書刊誤于寧謂脩武則因武王伐紂名之 九域志懷州武陟縣有脩武鎮 地理通釋懷州脩武縣有南陽城晉啓南陽即此今孟懷州皆春秋南陽之地秦本紀魏入南陽以和張儀傳魏絕南陽白起傳攻南陽太行道絕之並指此 寰宇通志小脩武城在今脩武縣東四里 大清一統志脩武故城即今衛輝府獲嘉縣治縣志云故城在縣城外西北南陽故城在縣北 新據地理志高誘淮南子注云南陽晉山陽河北之邑河內溫陽樊之屬皆是是非定指脩武言之矣

溫故國己姓蘇忿生所封

左傳隱三年鄭祭足帥師取溫之麥杜注溫今河內溫縣 又十一年王與鄭人蘇忿生之田溫 又莊十九年王子頹伐王不克奔溫 又僖十年狄滅蘇子奔衛 又二十五年王與晉文公溫 又成十一年劉康公曰蘇忿生以溫爲司寇 史記魏世家昭王十年齊滅宋宋王死于溫 又安釐王元年秦軍大梁下于秦溫以和 續郡國志溫蘇子所都 水經沁水又東至溫縣西北爲濟水又東過其縣北屈從縣東南流過澗城西 水經注濟水于溫城西北與故澗分南逕溫縣故城西南歷號公臺西南流注于河述征記曰濟出河內溫縣注于河蓋沿歷之實證非爲謬說也其故澗于溫城西北東南出逕溫城北又東逕號公冢北當王莽之世川瀆枯竭其後水流逕通津渠勢改尋梁

脈水不與昔同 括地志故溫城在懷州溫縣西三十里漢晉爲縣 寰宇記古溫城在今孟州溫縣西南三十里 大清一統志溫縣故城在今懷慶府溫縣西南三十里亦曰蘇城周爲畿內邑

壘王

左傳隱十一年王取鄆劉鳶之田于鄭 又僖二十四年富辰曰邗晉應韓武之穆也 又宣十七年晉人執晏弱于壘王杜注壘王縣今屬河內 史記殷本紀紂以文王九侯鄂侯爲三公徐廣曰鄂一作邗武王子封在壘王縣西北 又白起傳昭襄王四十五年伐號之壘王壘王降秦上黨道絕 又貨殖傳壘王好氣任俠衛之風也 說文邗周武王子所封在河內壘王是也 孟康曰壘王故邗國今邗亭是也 京相璠曰故邗城在今壘王縣西北三十里 水經注沁水又東逕壘王縣故城北 又云邗水出太行之阜山即五行之異名也其水南流逕邗城西邗故國也又東南逕邗亭西 隋志河內郡河內縣舊曰壘王 括地志故邗城懷州河內縣西北二十七里 元和志今懷州郭下河內縣本春秋時壘王邑也漢以爲縣 大清一統志壘王故城即今懷慶府治 太行山在西北 禹貢太行恆山至于碣石入于海 左襄二十三年齊侯伐晉取朝歌爲二隊入孟門登太行 史記魏世家吳起曰殷紂之圖左孟門右太行 河圖括地象太行天下之脊 淮南子武

王欲築宮于五行之山周公曰五行嶮固德能覆也納貢迺矣使我暴亂則伐我難矣君子以為能持滿高誘注今太行山也在河內河內縣西北上黨關也 博物記太行山北去亦不知山所限極處亦如東海不知所窮 述征記太行山首始河內自河內北至幽州凡百嶺連互十三州之界有八陁第一軹關陁第二太行陁第三白陁此三陁今在河內第四溢口陁在鄴西第五井陘第六飛狐陁第七蒲陰陁此三陁在中山第八軍都陁在幽州 師古曰太行山在河內陁王之北上黨之南 括地志太行山在今懷州河內縣北二十五里連互河北諸州凡數千里始於懷而終於幽為天下之脊 郡縣道里記自晉陽趣河內入洛陽必經太行太行在懷澤間實據南北之喉嗑 地理通釋秦漢之間稱山北山南山東山西者皆指太行山太行在漢屬河內郡野王山陽之間今屬懷州在天下之中故指此山以表地勢焉 方輿紀要太行山一名五行山在今懷慶府城北二十里接山西澤州界羊腸險道在焉禹貢太行恆山至於碣石孔氏以為二山連延東北接碣石山也其山首起河內北至幽州今由廣平順德正定保定之西回環至京師之北引而東直抵海岸延袤二千餘里皆太行也從真定澤潞諸州而言則曰山東西自燕雲諸州而言則曰山前後石晉以山前後十六州入於契丹為中原之禍者數百年蓋太行隔絕華夷實今古之大防亦謂之燕山河北所恃以為固者也 禹貢

雖指按金史地理志云濟源縣有太行山以沁水為界西為王屋東為太行則此山實起於濟源蓋自河南懷慶府入山西澤州迤而東北跨陵川壺關平順潞城黎城武鄉遼州和順平定樂平以及河南之輝縣武安直隸之井陘獲鹿諸州縣界中皆有太行山延袤千餘里焉林少穎曰太行在今懷州之北連互數州為河北脊以接恆岳程子謂太行千里片石衆山皆石上起爾朱子語錄曰太行山一千里河北諸州皆旋其趾潞州上黨在山脊最高處過河便見太行在半天如黑雲然 又云天下之山莫大於太行然亦必有所止禹貢曰太行恆山至于碣石決無越恆山而仍為太行之理述征記謂太行首起河內北至幽州凡有八陁按軹關陁在今濟源縣太行陁在今河內縣白陁在今輝縣溢口陁在今武安縣歷觀傳記所載其所指為太行者皆在漢河內上黨二郡唐懷澤潞三州之境蓋溢口以南實太行山也又東北跨遼州入直隸正定府界為井陘亦謂之土門在今獲鹿縣廣武君所謂車不得方軌騎不得成列者也古未有指是為太行者然此在恆山之南即以為太行亦無不可若飛狐陁南直恆山之北今山西大同府蔚州之飛狐口是也又東為蒲陰陁在今直隸順天府易州境又東為軍都陁在今昌平州境此三陁者皆為恆山所隔不得為太行太行雖大亦千里而止耳後世沿述征記之說遂謂太行連互於幽州有數千里之遠而其實不然伊川考亭皆云太行千里此據

經立言不為近志所惑者也 地理今釋太行山延袤千餘里起於河南懷慶府濟源縣迤西東北跨山西河南直隸界 衛元君秦所奪自濮陽徙此 史記始皇本紀衛君角率其支屬徒壘王阻其出以保魏之河內 又衛世家衛元君十四年秦拔魏東地置東郡更徙衛壘王縣而并濮陽為東郡 本書地理志論風俗秦滅濮陽置東郡徙衛君子野王始皇既并天下猶獨置衛君二世時乃廢為庶人 荈曰平壘 獲嘉故汲之新中鄉武帝行過更名也 本書武帝紀元鼎六年春至汲新中鄉得呂嘉首以為獲嘉縣師古曰武帝在汲縣之新中鄉而得呂嘉首遂以新中鄉為獲嘉縣也 水經清水又東北過獲嘉縣北注云清水又東逕新樂城在獲嘉縣故城東北即汲之新中鄉也 隋書地理志新鄉舊有獲嘉縣 括地志懷州獲嘉即古之南陽 元和志懷州獲嘉縣本漢縣也故城在今衛州新鄉縣西南十里 寰宇通志獲嘉縣在衛輝府城西北百里本殷之寧邑周之脩武也 大清一統志獲嘉故城在今衛輝府新鄉縣西南十二里 軹 左傳隱十一年王與鄭人蘇忿生之田原杜注沁水西北有原城 竹書紀年梁惠成王十三年鄭使許息來致地我取軹道與鄭鹿 戰國策蘇代曰秦下軹道南陽而伐魏絕韓包二周

史記秦本紀昭襄王十六年左更錯伐魏取

軹 又蘇秦傳說趙曰秦下軹道則南陽危

章昭曰軹音紙 孟康曰軹即原鄉晉文公所

圍是 述征記太行八陁第一曰軹關 水經

淇水出河內軹縣西北山東過其縣北又東過

波縣北又東南當平陰縣東北南入于河 晉

書地理志軹故周原邑 隋書地理志懷州王

屋縣有軹關 括地志故軹城在今懷州濟源

縣東南三十里史記索隱軹音章是反 通典

漢軹縣故城在今濟源縣東南 元和志今河

南府濟源縣古軹邑屬魏秦取之漢為縣亦漢

軹縣地 寰宇記軹縣又河清縣故城在今懷

州河內縣西北二十七里 新唐書地理志孟

州濟源縣西有故軹關 寰宇通志懷慶府濟

源縣本東周王畿地蘇忿生食邑春秋名原戰

國名軹漢為軹縣 大清一統志軹縣故城在

今懷慶府濟源縣南十三里 按本書功臣侯

表文帝封薄昭為軹侯即此索隱以為縣名屬

河內是矣

沁水

水經沁水又南出過沁水縣北注云沁水南出

逕石門世謂之沁口魏土地記曰河內郡野王

縣西七十里有沁水左逕沁水城西附城東南

流也蓋藉水以名縣矣 師古曰沁音千浸反

河南通志沁河源出山西沁源縣穿太行山

出濟源縣至懷慶府武陟縣入黃河 大清一

統志沁水故城在今懷慶府濟源縣東北縣志

云廢城在縣東北沁水南沁臺西今呼王寨城

按沁水縣今屬山西澤州府漢時故城則在

河南懷慶府濟源縣也

隆慮

荀子強國篇秦地東在韓者險常山乃有臨慮

楊涼注臨慮即林慮 應劭曰隆慮山在北遼

殤帝名改曰林慮也 水經注縣北有隆慮山

縣因山以取名也漢高帝六年封周竈為侯國

隋圖經隆慮山一名林慮山有三峯其北有

偏橋即抱犢山也南接太行北連恆岳 師古

曰慮音慮 寰宇記隆慮山一名林慮在今相

州林慮縣西二十里 大清一統志隆慮故城

即今彰德府林縣治林慮山在縣西二十里

屬清河郡

入張甲河

說文洹水在齊魯間从水巨聲 九域志相州

彰德軍林慮縣有張甲河洹水 名勝志彰德

府安陽縣有安陽河即洹水也 水道提綱洹

水出彰德府西南山中北流合珍珠泉水折而

東南流經府城北又折而南流東入衛河 地

理志稽疑按水經注河水又東北逕衛國縣南

東為郭口津郭口一作國口亦作谷口 方輿

紀要晉太元十年秦苻丕與晉將檀元戰于谷

口胡三省注谷口在枋頭西即此處也凡漢志

所載之水大較皆見于水經注獨國水不著蛛

絲馬跡蓋賴此文胡東樵求其詳而不得竟以

淇水當之非也漢志淇出共而國出隆慮淇入

大河而國入張甲河源流判然水經以淇出隆

慮隆慮與共本接壤或是水源之互見然未可

遂以國水當之也東京以後張甲之瀆已枯而

國水無所考見道元亦遂失之使國水即是淇

水則遮害亭上淇已入河矣安得至此又以國

口名其津哉 新校地理志水經云洹水出上

黨茲氏縣東過隆慮縣北又東北出山過鄴縣

南又東過內黃縣入白溝又云淇水過內黃縣

為白溝東北過廣宗縣為清河注屯氏別河故

瀆又東北逕信成縣張甲河出焉又云清河又

東北與張甲屯絳故瀆合或異者亦互通稱

也據此則國水當作洹水 按左傳成十七年

聲伯夢涉洹杜注出汲郡林慮縣東北至長樂

入清水史記項羽本紀與章邯盟洹水之上應

劭曰洹水在湯陰界臣瓚曰洹水在今安陽縣

北續郡國志林慮有陵陽河東流為洹太平御

覽引隋圖經曰洹水出隆慮縣西北俗謂之安

陽河即聲伯夢涉之所源出林慮山東平地即

諸說觀之國水即洹水無疑胡氏以淇水當之

固誤而全氏謂有國水亦非也

過郡三行八百四十里

有鐵官

續志林慮縣有鐵 元和志林慮山出鐵 寰

宇通志汲縣倉山青鐵 名勝志漢時隆慮縣

有鐵官今林慮側近多鐵錮可鼓鑄後漢夏馥

黨禍起隱匿林慮山中為治家傭親視煙突即

此地也

蕩陰

史記魯仲連傳魏使將軍晉鄙救趙畏秦止于蕩陰不進 水經注縣因水以取名也 師古曰蕩音湯 元和志今相州蕩陰縣本七國時魏蕩陰邑也漢以為縣以縣有蕩水故取名焉 廣韻作蕩 大清一統志蕩陰故城在今彰德府蕩陰縣西南 蕩水東至內黃入黃澤

舊作蕩水東至內黃澤誤今據水經注改正 說文蕩水出河內蕩陰東入黃澤从水蕩聲 水經蕩水出河內蕩陰縣西山東又東北至內黃縣入黃澤注云蕩水出蕩陰縣西石尚山東流逕其縣故城南又東北至內黃縣合姜水又東逕內黃城南東注白溝 廣韻蕩水名在鄴今蕩陰縣單作蕩 元和志蕩水西去縣三十五里 寰宇記蕩陰縣蕩水在縣北源出縣西牟山下 集韻蕩水名或從竹通作蕩 彰德府志蕩水在蕩陰縣北二里唐貞觀元年以水性微温因改名湯出牟山下水經注謂石尚山或其別名 大清一統志蕩水本名蕩水自蕩陰縣北東流至內黃縣西南入衛河 西山姜水所出亦至內黃入蕩

水經注姜水出蕩陰西北四十里韓大牛泉東逕韓附壁北又東流逕姜城北故姜里也東至內黃與防水會又東歷黃澤入蕩水 九域志蕩陰縣有姜山湯水 河朔訪古記姜水在姜里北二里有橋曰姜橋橋下即姜水也 大清一統志姜水自蕩陰縣北流入安陽縣又東流

至內黃縣西南入湯河 水道提綱湯河即姜里河出蕩陰縣西山中東流經縣城北又東入衛河 有姜里城西伯所拘也

說文姜从羊久聲文王拘于姜里在蕩陰 韋昭曰姜音牖 師古曰姜音羊九反 元和志牖里一名姜里在今相州蕩陰縣北九里 封氏聞見記相州蕩陰縣有牖里周回可三百餘步其中平實高于城外地丈餘北開一門相傳文王演易之所 河朔訪古記姜里城周回二百五十步高二丈餘 大清一統志姜里城在今彰德府蕩陰縣北七里亦名牖里

漢書地理志補注卷九 河南郡

方輿紀要河南郡今河南府至開封府以西皆是其地 按漢河南郡今河南河南府之洛陽偃師鞏孟津四縣開封府之祥符中牟滎陽滎澤汜水密新鄭七縣及鄭州懷慶府之原武陽武二縣暨汝州治皆其地 故秦三川郡高帝更名

史記秦本紀莊襄王元年初置三川郡 又始皇本紀東至滎陽滅二周置三川郡 本書高帝紀二年冬十月漢王如陝河南王申陽降置三川郡 應劭曰三川郡今河南郡也 韋昭曰有河洛伊故曰三川 水經注項羽封申陽為河南王漢以為河南郡 史記索隱按呂不韋傳莊襄王元年封為文信侯食河南洛陽十萬戶而秦本紀莊襄王元年置三川郡地理志高祖更名河南此秦代而曰河南者史記後作據漢郡而言之耳 河朔訪古記河南府路禹貢豫州之域周武王定鼎于郊鄆則今王城也成王卜澗水東瀍水西即今府城也秦置三川郡謂大河伊洛三川也項羽以申陽為河南王至漢為河南郡 吳師道補注國策三川者河洛伊也張儀所謂天下朝市秦武王所謂車通以窺周室者也 廿二史考異凡漢志稱故秦某郡者謂因其地而改其名者也如三川漢更名河南泗水漢更名沛郡九原漢更名五原桂林漢更名鬱林象郡漢更名日南郡鄆漢為趙國碭郡漢為梁國薛郡漢為魯國是也

雒陽莽曰保忠信卿

卿舊作鄉誤 本書王莽傳初更河南郡曰東都河南大尹後又改名曰保忠信卿 地理志稽疑按保忠信鄉字當作卿王莽將都雒故欲進其官于京兆尹之上名之曰卿美其名曰保忠信是官名非地名也今俗本以卿為鄉大謬

屬司隸也有鐵官工官

九域志河南府有阜財監在京北四十里敖倉在滎陽

史記般本紀仲丁遷于傲 帝王世紀仲丁自亳遷于囂今河南敖倉是 詩小雅搏獸于敖

左傳宣十二年晉師在敖郟之間杜注敖郟二山名敖山在滎陽縣西北 史記項羽本紀漢軍滎陽樊甬道屬之河以取敖倉粟臣瓚曰

敖地名在滎陽西北山臨河有大倉 薛綜東都賦注敖鄭地今之河南滎陽也 續郡國志

滎陽有敖亭 宋武北征記敖山秦時築倉于其下漢高祖亦因敖倉傍山築甬道下水

水經注濟水又東逕敖山北其山上有城即仲丁所遷秦置倉其中故曰敖倉 括地志敖倉

在滎澤縣西北十五里石門之東北臨泚水南帶三皇山 大清一統志敖山在滎澤縣西北

與河陰縣接界

縣二十二

雒陽滎陽偃師京平陰中牟平陽武河南緱氏卷原武鞏穀成故市密新成開封成皋苑陵梁

新鄭

雒陽周公遷殷民是為成周

書序召公既相宅周公往營成周使來告卜作洛誥 書洛誥我又卜瀼水東亦惟洛食孔傳今洛陽也將定下都遷殷頑民故并卜之 鄭氏詩譜召公既相宅周公往營成周今洛陽是也 春秋昭二十六年天王入于成周杜注今洛陽 公羊傳成周者河東周也何休注名為成周者周道始成王之所都也 史記項羽本紀瑕邱申陽者張耳嬖臣也先下河南郡迎楚河上故立申陽為河南王都雒陽 本書司馬遷傳太史公留滯周南如淳曰周南洛陽也張晏曰洛陽而謂之周南者自陝以東皆周南之地也摯虞曰古之周南今之洛陽 本志論風俗昔周公營雒邑以為在于土中諸侯蕃屏四方故立京師 魚豢魏略漢火行也火忌水故洛去水而加佳魏于行次為土土水之牡也水得土而乃流土得水而柔故除佳加水變雒為洛 陸機洛陽記洛陽城周公所制東西十里

南北十三里 水經洛水又東過洛陽縣南伊水從西來注之注云地記曰洛水東入于中提山間東流會于伊是也 又云伊水又南至洛陽縣南入于洛注云伊水又東北至洛陽縣南逕園邱東又東北流注于洛水 水經注河水又東逕洛陽縣北洛陽周公所營洛邑也故洛誥曰我卜瀼水東亦惟洛食其城方七百二十丈南繫于洛水北因于邠山以為天下之漚方六百里因西方八百里為千里春秋昭公三十二年晉合諸侯大夫成成周之城故亦曰成

周也 括地志雒陽故城在今洛州雒陽縣東北二十六里周公所築即成周城也 元和志

雒陽縣本秦舊縣歷代相因故城在今縣東二十里東西七里南北九里 通鑑外紀周公營洛邑城方十七里 東萊大事記孔子序洛誥曰周公往營成周則成周乃東都總名河南成周之王城也洛陽成周之下都也王城非天子時會諸侯則虛之下都則保釐大臣所居治事之地周人朝夕受事習見既久遂獨指以為成周矣 方輿紀要洛陽故成周下都也在洛水

之北故曰洛陽 禹貢雒指王城即邠邑漢為河南縣其故城在今雒陽縣西北下都即成周漢為洛陽縣河南郡治其故城在今雒陽縣東北二十里二城東西相去四十里而今雒陽縣居其中隋大業初營新都始移二縣于都城內今又省河南入雒陽也 潛邱劄記雒陽縣即河南郡治以伍被賈誼及酷吏游俠傳考之河南在秦為三川郡治滎陽故李由為三川守守滎陽宋白以為是時治此至漢改為河南郡始

治雒陽 地理志稽疑宋白云秦三川郡治雒陽後徙滎陽胡三省云秦滅周置三川郡則其治宜在雒陽予謂二家之言皆有誤秦莊襄王元年取韓滎陽已置三川郡矣不治滎陽而安治乎其後或徙雒陽耳 大清一統志雒陽故城在今河南府雒陽縣東北二十里 按周禮職方豫州其川滎雒雍州其浸渭洛二字各別自古不紊本志弘農上雒下云禹貢雒水出家嶺山東北至鞏入河豫州川盧氏下云伊水出

嶺山東北至鞏入河豫州川盧氏下云伊水出

嶺山東北至鞏入河豫州川盧氏下云伊水出

嶺山東北至鞏入河豫州川盧氏下云伊水出

嶺山東北至鞏入河豫州川盧氏下云伊水出

嶺山東北至鞏入河豫州川盧氏下云伊水出

熊耳山東北入雒池下云穀水出穀陽谷東北至穀城入雒新安下云禹貢澗水在東南入雒河南穀成下云禹貢灑水出晉亭北東南入雒又河南之雒陽弘農之上雒二縣並作雒他如左傳僖七年伊雒之戎宣三年楚子伐陸渾之戎遂至于雒亦皆作雒此謂豫州水也北地歸德下云洛水出北轅夷中入洛直路下云沮水出西東入洛左馮翊懷德下云洛水東南入渭並作洛他如詩小雅瞻彼洛矣國語幽王時涇渭洛三川竭周本紀西伯獻洛西之地晉世家文公居河西口洛之間魏世家築長城自鄭濱洛以東亦皆作洛此謂雍州水也已上皆經數千年尚未誤者而說文洛字下不曰豫州水尤為二字分別之證後人書豫水作洛其誤起于裴松之注魏志引魚豢魏略云云以掩己紛更之咎且自詭于復古自此至今皆受其欺周禮春秋在漢以前誰改之乎尚書有豫水無雍水而蔡邕石經殘碑多士作雒鄭注周禮引召誥作雒是今古文尚書皆不作洛鄭蔡斷不擅改經文也自魏人書雒為洛而人輒改魏以前書籍故或致數行之內雒洛錯出頗不倫也春秋昭公二十二年晉合諸侯于狄泉以其地大成周之城居敬王

春秋僖二十九年盟于狄泉杜注今洛陽城內太倉西南池水也 又昭二十三年天王居于狄泉杜注狄泉時在城外傳云王師在澤邑賈逵曰澤即翟泉也 又定元年晉魏舒合諸侯之大夫于狄泉城成周 帝王世紀敬王徙居

成周城小不受王都故環狄泉而廣之 晉書五行志永嘉元年洛陽東北步廣里地陷陳留董養曰步廣周之狄泉地也 劉昭續志注補狄泉本在城外定元年城成周乃繞于城內水經注穀水東流入洛陽縣之南池即故狄泉也南北一百十步東西七十步京相璠曰今太倉西南地水名狄泉舊說狄泉本在洛陽北葛弘城成周乃繞之 洛陽伽藍記太倉南有狄泉周回三里水猶澄清洞底明淨 通典狄泉在洛陽東三十餘里 按敬王以昭二十三年居狄泉至二十六年始入成周蓋此時狄泉與成周猶為兩地也及定元年晉合諸侯之師城成周始繞狄泉于城內而狄泉與成周乃為一地自是迄春秋之末凡書京師者皆指成周也 莽曰義陽

舊作宜陽誤 按本書王莽傳地皇元年立子臨為統義陽王蓋莽將遷都洛陽故先封其子于此也 榮陽

禹貢榮波既豬孔傳榮澤波水已成遏豬 夏官職方豫州其川榮雒鄭注榮竟水也出東垣入于河溢為榮榮在榮陽正義按禹貢濟出王屋始出竟東流為濟南渡河溢為榮春秋戰于榮澤是也云出東垣者地理志文也 左傳隱元年鄭莊公曰制巖邑也號叔死焉杜注號叔東號君也今榮陽縣 國策范雎說秦王曰王下兵而攻榮陽則鞏成皋之道不通 史記韓世家桓惠王二十四年秦拔我榮陽 本書高

帝紀漢二年漢王兵大振榮陽破楚京索間又惠帝紀七年冬發車騎材官詣榮陽 又王莽傳分河南郡之榮陽諸縣別為郡曰祁隊又云天鳳元年七月詔以陳留以西付祁隊祁隊故榮陽 應劭曰榮陽故號國今號亭是也 虞翻曰此東號也姬姓 水經濟水又東過榮陽縣北又東北至礮礮南東出過榮澤北注云濟水又東逕西廣武城北又東逕東廣武城北夾城之間有絕澗斷山謂之廣武澗高祖與項羽臨絕澗對語即此處也又東合榮濱濱首受河水有石門謂之榮口石門地形殊卑蓋故榮播所導自此始也又東逕榮陽縣北又東南礮礮水注之 水經注索水又東逕榮陽縣故城南其城跨倚岡原居山之陽王莽立為祁隊者也又東流北屈西轉北逕榮陽城東而北流注于濟水 又云沁水又東南至榮陽縣北東入于河 孔氏詩譜正義地理志云河南有成皋縣故虎牢也一曰制左傳曰制巖邑也號叔死焉然則號國當在成皋而又以榮陽為號者傳言號叔特制與榮陽相近在號之境內故特之耳不言其都在制也 通典今鄭州榮陽縣故號國所謂東號也秦置敖倉又有鴻溝在縣西即楚漢分境之所 元和志今鄭州榮陽榮澤二縣及河南府河陰縣並漢榮陽縣地 括地志榮陽故城在今鄭州榮澤縣西南十七里殷時放地也 寰宇通志榮陽縣在今許州西七十里本古大索城地漢始置縣在今治西五十里 大清一統志榮陽故城在今開封榮澤

縣西南

下水

說文汜水出浚儀陰溝東入泗亦作汜汜 西征記三皇山上有二城東曰東廣武西曰西廣武汜從潤中東南流今涸 水經汜水出陰溝于浚儀縣北注云陰溝即蕩蕩渠也亦言汜受旃然水又云丹沁亂流于武德絕河南入滎陽合汜故汜兼丹水之稱河汜水斷汲承旃然而東自王賁灌大梁水出縣南而不逕其北夏水洪泛則是瀆津通故渠即陰溝也于大梁北又曰浚水矣故陳留風俗傳曰浚水逕其北者也又東汜水出焉故經云汜水出陰溝于浚儀縣北也 元和志汜梁在河南府河陰縣南二百五十步本漢滎陽縣地 九域志汜水古通濟渠也 程大昌禹貢論卞之爲汜如許叔重之書弱水而加水其旁爲溺元次山之加水于吾溪之吾而爲活卽其義也至道中太宗問張洎汜渠首末洎謂汜本爲汜後人惡其字之从反易汜爲汜此執一之論也許叔重固嘗書汜爲汜水經亦爲汜亦爲汜而東漢一史皆書爲汜則汜之通汜亦可證矣 輿地廣記汜渠卽古蕩蕩渠今名通濟渠首受黃河 今水經汜水源出滎陽縣大周山合京索須鄭四水東南至中牟縣北入于黃河 又云汜河舊自滎陽縣東逕開封府城內又東合蔡河名蕩蕩渠東注泗州至徐州城北入于河後因河決蔡河湮沒而汜自中牟入河矣 方輿紀要汜水或謂卽禹貢之雝水春秋之邠水秦漢之鴻溝上與河

涉通下與泗淮通隋以前自歸德府至蕭縣礪山縣間入泗隋以後則自歸德至泗州兩城間入淮宋時東南之漕大都由汜以達畿邑故汜河之經理爲詳自後則湮廢矣 禹貢雖指元至元中河徙出陽武縣南奪過入淮而新鄉之流遂絕及泰定元年改從汜渠至徐州城東北合泗以入淮卽今河所行是也 新制注地理志水經注以卞水爲卽晉楚戰于邲之邲考書滎播既都古文作滎波呂忱曰播水在滎陽以說文證之則應作播字也播波皆借字耳古聲播播相同播波相轉故並得通用卞爲弁字之俗播弁亦聲之同卞邲又聲之轉舊卞水出今滎陽西南大周山合京索等水至中牟縣入河今引爲賈魯河從開封別出東南由尉氏扶溝西華縣入沙水矣 馮池皆在西南 史記蘇秦傳鄧師宛馮徐廣曰卞水有馮池索隱曰謂宛人于馮池鑄劍故號宛馮 水經注礪礪水出滎陽城西南李澤澤中有水卽古馮池也東北流歷敖山南逕號亭北又東北逕滎陽縣北斷山東北注于濟世謂之礪石澗卽經所謂礪礪矣而云濟出其南非也 方輿紀要馮池在滎陽縣西北流歷河陰縣敖山南全祖望七校水經注馮池卽礪礪也水經云濟水東過成皋縣北又東過滎陽縣北又東北至礪礪南善長以濟水不自東北而出谿南故非之別爲注曰濟水東逕二廣武城北又東逕敖山北又東合滎濱又東逕滎陽縣北又東南

則礪礪北注之是卽經所言之水改正其道而未嘗別有所謂南礪礪也胡東樵以爲有南北二礪礪是讀誤本水經而不知正又讀破句以成其妄也 有狼湯渠首受涉東南至陳入潁 史記河渠書于東方則通鴻溝江淮之間 又項羽本紀項王乃與漢約中分天下割鴻溝以西者爲漢鴻溝以東者爲楚 文穎曰于滎陽下引河東南爲鴻溝以通宋鄭陳蔡曹衛與濟汝淮泗于楚卽今官渡水也 應劭曰鴻溝在滎陽縣東南三十里蓋引河東南入淮泗也 張華曰一渠東南流經浚儀是始皇所鑿引河灌大梁謂之洪溝一渠東經陽武南爲官渡水經云中牟臺下臨淮水是爲官渡水也 水經河水又東過滎陽縣北蕩蕩渠出焉 水經陰溝水出河南陽武縣蕩蕩渠注云陰溝首受大河于卷縣故瀆東南逕卷縣故城南又東逕蒙城北故瀆東分爲二世謂之陰溝水京相璠以爲出河之濟又非所究俱東絕濟隧右瀆東南逕陽武城北又東南絕長城逕安亭北又東北會左瀆左瀆又東絕長城逕垣雍城南又東逕開光亭南又東逕清陽亭南又東合右瀆又東南逕封邱縣絕濟瀆東南至大梁合蕩蕩渠梁溝既開蕩蕩渠故瀆實兼陰溝浚儀之稱故云出陽武逕大梁城北左屈與梁溝合俱東南流同受鴻溝沙水之目其川流之會左瀆東導者卽汜水也蓋津源之變名矣故經云陰溝出蕩蕩渠者也 師古曰狼音浪湯音宕涉音子

禮反本濟水字 曾鞏曰昔禹于滎澤下分大河爲陰溝出之淮泗至浚儀西北復分二渠其後或曰鴻溝或曰浪宕渠或曰浚儀渠或曰石門渠石門渠東合濟水與河渠東注至敖山之北而兼汴水又東至滎陽之北而旂然之水東流入汴滎陽之西有廣武二城汴水自二城間小澗中東流而出濟水至此乃絕桓溫將通之而不果者晉太和中也劉裕浚之始有湍流奔注以漕運者義熙之間也皇甫誼發河南丁夫百萬開之起滎陽入淮千有餘里更名之曰通濟渠者隋大業之初也後世因其利焉 蘇軾曰自淮泗入河必通于汴世謂隋煬帝始通汴入泗禹時無此水道以疑禹貢之言此特學者考之不詳禹貢九州之末皆記入河水道而淮泗獨不能入河帝都所在理不應爾意其必開此道以通之其後或爲鴻溝或爲官渡或爲汴上下百餘里間不可必知然皆引河水而注之淮泗也晉王濬伐吳杜預與之書曰自江入淮逾于泗汴沂河而上振旅還都王濬舟師之盛古今絕倫而自汴沂河可以班師則汴水之大小當不減于今又足以見秦漢魏晉皆有此水道非煬帝創開也 陳師道曰漢末河入于汴灌注兗豫永平中導汴自滎陽別而東北至千乘入于海而河于是故瀆在新渠之南水經注所謂絕河而受索自此始隋開皇中因漢之舊導河于汴大業初合河索爲通濟渠別而東南入于淮而故道竭今於畿爲白溝于宋爲沙于單爲石渠于徐爲汴而入于南清河南清河

故汴也 程大昌禹貢論受河之水至漢陽武縣分流其一派南下者自中牟原圃之東趨大梁未至則爲官渡官渡亦名沙水沙讀如蔡即蔡河也班固著荑蕩渠于滎陽而曰首受沛東南至陳留入潁者即此派也史遷謂三代以後鑿滎爲渠以通漕路使宋陳鄭蔡曹魏與濟汝淮泗得會于楚者亦此派也亦戰國之謂鴻溝而楚漢指以分境者也既至陳留蔡河正派之外支脈散布遶爲三名其在開封浚儀之北者爲浚儀渠稍東爲汴汴又東行至蒙爲獲獲至彭城北遂入于泗此從大梁之北而數之爲北來第一水也蔡河自開封南行至吹臺東又分二派其東行而在北派者爲睢睢自陳留逕宋州東南行至今淮陽軍睢口入泗北分蔡于陳留而從北數之是其首派也其東行而在睢之南者是爲渙水渙亦自陳留雍邱南來而趨臨渙縣以下入于淮是爲分蔡于陳留而從北數之此派則于沙爲次二也故曰蔡河至大望而別派自爲三流者也蔡河又南至陳之太康分派以入鹿邑則爲過過至義城入淮此又有一派而不在大梁分派之數也蔡河又至陳城而合于潁潁至壽春東入于淮今世之謂潁河者是也當蔡之入潁也即班固之謂荑蕩渠受沛于滎陽至陳入潁者是也若以班固所志爲正則惟蔡河自中牟分陽武濟派而下以至入淮皆可名爲荑蕩渠與戰國楚漢鴻溝之目相應然而分支于蔡而他出爲汴爲睢爲渙爲過者本其所受言之雖雜稱鴻溝荑蕩亦不爲非

實也故酈道元于浚儀渠曰汴涉陰溝也于陰溝曰望溝既開荑蕩故讀實兼陰溝浚儀之稱也于汴曰故汴兼丹水之稱也其他書雜指支流以爲汴鴻溝者又多也以其源派交貫則名稱相互亦不足怪矣 又曰水經渠水即荑蕩渠也經但言其受河而不言受河之地何在案水經河流至于滎陽之北乃曰荑蕩渠出焉而滎陽受河之口古今不一雖知不出滎陽邑境之內亦莫能的指何地史遷之記鴻溝也曰三代以後滎陽下引河東南爲鴻溝以通楚地四面之漕此時滎陽之地未有河陰滎澤二縣則自成皋以東卷縣以西皆滎陽地也漢建寧石門水經謂在敖城西北以地望言之則正滎陽也賈逵欲建大河水門以洩河怒而援引漕渠爲證曰滎陽漕渠足以卜之其水門但用水與土耳今作石堤當必堅安如淳釋之曰今礮礮口水門是也礮礮口者正在滎陽敖山西北而水門適與相當則既與水經契應礮礮之西放濟雖有枯瀆而河水不應北至礮礮南來北注然後此渠乃始有水故水經謂濟流既斷漕渠所承惟此水爲始者指礮礮索水言之也故知礮礮注濟之地正漢世汴口與之相對也遜之言曰水門但用木土者建寧之前水門未用石而用土也夫惟渠口既有其地而汴水之自礮礮北注者又爲此渠有水之始則謂汴名因卞而得非臆說也 胡渭禹貢錐指按古滎陽今爲滎澤河陰二縣地荑蕩渠首受河處即今河陰縣西二十里之石門渠是也河渠書言滎陽

下引河東南爲鴻溝亦卽其處班志河南滎陽縣下云有狼蕩渠首受沛沛卽河也漢人謂濟水截河而南故曰首受沛京相璠所謂出河之濟宋張埴云卽鴻溝也蕩蕩渠東南流爲滎濱濟水爲官渡水爲陰溝汲水凌儀渠其在太梁城南者爲鴻溝鴻溝南流兼沙水之目沙水枝津又爲睢水渦水名稱不一要皆河陰石門河水爲之委別而源同也志家不曉繫鴻溝于今滎陽縣漢京縣地繫蕩蕩渠于蒙澤縣繫石門渠于河陰縣似各爲一水源委不相貫者而又以河陰石門與滎口石門混爲一處故詳勢辨之若隋煬帝引板諸口水入汴則在汜水縣東北二十里漢成皋縣地其非古滎陽引河處亦明矣 又曰自滎陽引河後遞加疏導枝津交絡名稱互見使人目眩心搖今綜其大略以蕩蕩渠爲主水經注云渠水自河與濟亂東逕滎澤北東南分濟歷中牟縣之圃田澤與陽武分水又東爲官渡水又東至浚儀縣左則故渠出焉秦始皇二十二年王賁斷故渠引水東南出以灌大梁謂之梁溝世遂目故渠曰陰溝而以梁溝爲蕩蕩渠陰溝東南至大梁城合蕩蕩渠其東導者爲汲水至蒙縣爲獲水又東至彭城縣入泗蕩蕩渠自大梁城南南流爲鴻溝鴻溝又兼沙水之目沙水東南流至新陽縣爲百尺溝注于潁水此卽班固所謂狼蕩渠首受沛東南至陳入潁者也其一水自百尺溝分出東南流至義城縣西而南注淮謂之沙汭左傳昭二十七年楚子常以舟師及沙汭而還卽此也沙

水所出又有睢水渦水睢水自陳留縣首受東南流至下相縣入泗渦水自扶溝縣首受東南流至義城縣南而東注淮以上諸渠同源出于河之濟故言鴻溝者則指此爲鴻溝言蕩蕩渠者指此爲蕩蕩渠言汴水者指此爲汴水言凌儀渠者指此爲凌儀渠皆以下流之目追被上源也 全祖望經史問答地理志所云狼湯渠卽鴻溝也水經注作蕩蕩渠通典作浪沽渠一也忠曰河南郡滎陽有狼湯渠首受沛東南至陳入潁卽水經注之渠水篇也是鴻溝之經流志曰陳留郡魯渠水首受狼湯渠水東至陽夏入渦渠卽水經注渠水篇中附見之魯溝也是鴻溝之又一支志曰淮陽國扶溝縣渦水首受狼湯渠水東至向入淮卽水經注之陰溝水篇也是鴻溝之又一支志曰梁國蒙縣獲水首受蕩蕩渠水東北至彭城入泗按陰溝水之支爲汲水次爲獲水卽水經之汲水獲水二篇也是鴻溝之又一支志曰陳留郡浚儀縣睢水首受狼湯渠水東至取慮入泗卽水經注之睢水篇也是鴻溝之又一支蓋志所載狼湯渠之源流五合之則爲鴻溝今以水經注質之狼湯渠至尉氏始有鴻溝之名鴻溝又曰沙水自新陽入潁以入淮而支流自義城合渦水以入淮狼湯渠之東出爲官渡水秦人因之爲梁溝卽陰溝水也又東爲汲水爲獲水入泗以入淮而沙水之至浚儀者又合汴水爲睢水以入泗其所周流正慎鄭衛曹宋陳蔡六國之境故河渠書謂卞水下引河東南爲鴻溝以通宋鄭陳蔡曹

衛也 過郡四行七百八十里 過河南陳留淮陽汝南四郡 偃師 帝王世紀帝嚳作都于亳今河南偃師是也 徐廣曰偃師漢縣北亡之時尙有之 續志作 偃師 水經注洛水又東逕偃師故縣南又北 逕偃師城東 又云穀水又東逕偃師城南又 東流注于洛水 元和志河南府偃師縣本漢 舊縣帝嚳及湯盤庚並都之武王伐紂于此築 城息偃戎師因以名焉 寰宇記偃師縣至晉 始并入洛陽 輿地廣記周武王欲示休成之 意故名曰偃師 大清一統志偃師故城卽今 河南府偃師縣治 戶鄉殷湯所都 左傳昭二十六年劉人敗三城之師于尸氏杜 注卽尸鄉 史記殷本紀帝盤庚之時殷已都 河北盤庚渡河南復居成湯之居乃遂涉河 南治亳集解曰鄭玄云治于亳之殷地商家自 此改號曰殷 又曹相國世家還擊趙賁軍尸 北破之徐廣曰尸在偃師孟康曰尸鄉之北也 又田儋傳田橫與其客二人乘傳詣雒陽至 尸鄉旣置遂自剄 皇覽偃師縣有湯亭 帝 王世紀尸鄉在偃師縣西三十里 太康三年 地記尸鄉故殷湯所都本曰湯亭田橫死于此 故曰尸鄉南有亳板東有城卽桐宮也太甲所 放處 水經注湯渠東逕亳殷南昔盤庚所遷 改商曰殷于此始也亦曰陽亭 師古曰亳成

湯封邑今河南偃師湯亭是 括地志西亳故城在偃師縣西十四里 大淸一統志亳鄉在偃師縣西亦曰尸鄉縣志云今縣西十里新塞鋪即古尸鄉 按周書立政三亳阪尹皇甫謐曰蒙爲北亳穀熟爲南亳偃師爲西亳考偃師之亳乃成湯伐桀時所居也書序湯居亳從先王居孔安國曰契父帝嚳居亳湯自商邱遷焉蓋以南北二亳俱在商邱境故曰自商邱遷也此偃師乃西亳在今河南府偃師縣西二十里

又按春秋襄十一年諸侯伐鄭同盟于亳城北杜注亳城鄭地說者謂周鄭相近亳城即因偃師以得名其說甚謬亳城北亳字乃京字之譌公穀二傳可證蓋鄭本無亳地也

京

水經注作師氏

左傳隱元年鄭共叔段居京謂之京城太叔杜注今滎陽京縣 史記申子傳申不害者京人也集解曰劉向別錄今河南京縣本書高帝紀與楚戰滎陽南京案間應劭曰京縣名今有大索小索亭 賈逵曰京鄭都邑 京相璠曰京縣有大索亭小索亭昔有索氏大小兄弟居之故有大小之號 水經注索水出京縣西南嵩諸山與東關水同源分流即古旃然水也 括地志今滎陽縣理即大索城小索城在縣東北四里 元和志京縣故城在今鄭州滎陽縣東南二十里京水出縣南平地 寰宇記京水在縣東二十二里索水在縣南三十五里 今水

經索水源出滎陽小徑山北流入京水京水源出嵩諸山經鄭州西南十五里東北入鄭水方輿紀要大索城在京城西二十里東北四里爲小索城左傳昭四年晉韓起如楚鄭子皮勞諸索氏是也 又云嵩諸山在縣東南二十五里京索一水出焉北水北流入京水京水東北入鄭水 大淸一統志京縣故城在今開封府滎陽縣東南

水經注沫水東北流逕中牟縣故城南漢高帝十一年封單父聖爲侯國 又云東汜水又東北逕中牟縣南 元和志今鄭州中牟縣本漢舊縣論語佛肸以中牟叛即此 輿地廣記隋開皇初改中牟曰內牟十八年又改曰圃田唐武德三年復曰中牟北十二里有中牟臺是爲官渡城 方輿紀要牟山在中牟縣北五里 大淸一統志中牟故城在今開封府中牟縣東縣志云在縣東六里

圃田澤在西豫州藪

左傳昭二十二年子朝作亂晉籍談荀躒帥師軍于平陰 又二十三年晉師在平陰杜注平陰今河陰縣 史記高帝紀漢二年南渡平陰津至洛陽 又曹相國世家絕河津正義曰平陰津也 又陳丞相世家監諸將南渡平陰津正義曰古平陰津在今河南府東五十里 應劭曰在平城南故曰平陰 孟康曰平陰魏文帝改曰河陰 十三州志平陰縣在平津大河之間 水經澆水又東南當平陰縣之東北南入于河 水經注河水又東逕平陰縣北在平城之南故曰平陰也三老董公說高祖處陸機所謂幡幡董叟謨我平陰者也 括地志漢平陰縣在洛陽縣東北五十里 寰宇記平陰城東有平川謂之河陰川北枕黃河西互邨山北址 輿地廣記漢平陰縣故城在今洛陽縣北五十里 大淸一統志平陰故城在今河南府孟津縣東舊志云有古城在縣西牛莊其北面崩于河或是其處

夏官職方豫州澤藪曰圃田鄭注圃田在中牟左傳僖三十三年皇武子曰鄭之有原圃猶秦之有具圃也杜注原圃即圃田 爾雅十藪鄭有圃田郭注今滎陽中牟縣西圃田澤是穆天子傳祭公自圃田來謁郭注鄭有圃田因云圃田 史記魏世家秦七攻魏五入圃田中索隱曰圃田圃田圃田鄭藪時屬魏 水經渠水出滎陽北河東南過中牟縣之北注云風俗通曰渠者水所居也渠水自河與泲亂流東逕滎澤北東南分涉歷中牟縣之圃田澤北與陽武水分澤多麻黃草故述征記曰涉縣境便觀斯卉窮則知躡縣界今雖不能然諒亦不謬詩所謂東有甫草也澤在中牟縣西限長城東極官渡北佩渠水東西四十許里南北二百許里中有沙岡上下二十四圃津流逕通淵潭相接各有名爲有大斬小斬大灰小灰義魯練秋大白楊小白楊散嚇禺中羊圈大鶴小鶴龍澤密羅大哀小哀大長小長大縮小縮伯邱大蓋

中牟

中牟

牛眠等浦水盛則北注渠溢則南播故竹書紀年梁惠成王入河水于圃田又為大溝而引甫水者也 元和志圃田澤一名原圃在今中牟縣西北七里管城縣東三里其澤東西五十里南北二十六里 九域志鄭州管城縣有圃田旗圃田澤 困學紀聞詩車攻東有圃草鄭箋云鄭有甫田謂圃田鄭藪也止齋周禮說云詩不以圃田繫鄭愚謂宣王封弟友于鄭在畿內咸林圃田澤左氏謂之原圃在今開封之中牟宣王時非鄭地小雅安得繫于鄭乎爾雅鄭有圃田蓋指東遷後之鄭言之 閻若璩校困學紀聞按詩集傳宣王時未有鄭國圃田澤屬東都畿內故往田子謂前漢志中牟縣圃田澤在縣西有筦叔邑管叔為畿外諸侯則此澤亦畿外地可知古者川浸澤藪名在職方不隸諸侯之版謂圃田為管叔之封非也謂實在東都畿內者恐亦非也 顧棟高春秋大事表左傳昭二十年鄭國多盜取人于荏苒之澤即此 邵晉涵爾雅正義職方豫州澤藪曰圃田西周時圃田在東都畿內故小雅車攻云東有甫草鄭箋以為甫田之草也東遷後屬于鄭故左傳云鄭之有原圃杜注以為即圃田澤也

有筦叔邑

史記管蔡世家武王已克殷封弟叔鮮于管左傳宣十二年晉師救鄭楚子次于管以待之杜注管國在滎陽京縣東北故管叔邑也 韓非子魏安王釐王攻韓拔管 續郡國志中牟縣有管城 水經注卞家溝水出京縣東南梅

山北谿自谿東北流逕管城西故管國也周武王以封管叔矣俗謂之為管水 師古曰筦與管同 括地志今鄭州管城縣外城右管國地也即叔鮮所封之地 元和志今鄭州郭下管城縣本周封管叔之國自漢至隋皆為中牟縣地 一統志管城故城即今開封府鄭州治趙獻子自耿徙此

臣瓚曰中牟在春秋之時是鄭之疆內及三卿分晉則在魏之邦土趙界自漳水以北不及此春秋傳曰衛侯如晉過中牟按中牟非衛適之次汲郡古文曰齊師伐趙東鄙圍中牟此中牟不在趙之東也按中牟當在漯水之北 史記索隱此趙之中牟在河北非鄭之中牟 大清一統志中牟有二史記正義云相州湯陰縣西有牟山趙中牟邑在山側此中牟乃鄭地其名中牟始于漢非趙中牟也班志謂趙獻侯自耿徙此誤 全祖望經史問答中牟之地左傳論語史記漢書水經注皆有之而卒無定在細考之中牟有二其一為晉之中牟三卿未分晉時已屬趙其一為鄭之中牟三卿既分晉後鄭附于韓當屬韓臣瓚以為屬魏者非也左傳所云中牟晉之中牟即史記趙氏所都漢志所云中牟則鄭之中牟也而班志誤以趙都當之故臣瓚指其非以為趙都當在漯水之上杜預亦以滎陽之中牟回遠非趙都其說本了然道元強護班志謂魏徙大梁趙之南界至于浮水無妨兼有鄭之中牟不知終七國之世趙地不至滎陽而獻子定都時魏人未徙大梁則其說之妄

不待深究且鄭之中牟並不與浮水接其謬甚矣惟是臣瓚以為趙之中牟當在漯水之上則孔穎達亦闕之以為不知何所案據小司馬但言當在河北而終不能明指其地張守節則以湯陰之牟山當之按左傳趙執伐衛遂圍中牟是正佛於據邑以叛之時則晉之中牟與衛接其地當在夷儀五鹿左右顧祖禹曰湯陰縣西五十里有中牟城所謂河北之中牟也按湯陰縣有中牟山三卿所居皆重地韓氏之平陽魏氏之安邑趙氏之所重在晉陽而都在中牟則其險亦可知不知何以自是而後中牟之名絕不見于史傳鄭之中牟至漢始得名其前乎此絕不聞有中牟之名班志不審而誤綴之鄭注亦強主之並謬 王峻漢書正義以地理考之河南之中牟斷非趙地班氏謂獻侯自耿徙此者誤也此條乃漢書之誤顏氏因不敢議并略去瓚說 趙一清水經注釋按春秋定九年傳晉丰干乘在中牟杜預曰今滎陽有中牟縣回遠疑非也孔氏正義曰此中牟在晉境內趙世家云獻侯即位治中牟地理志云河南中牟趙縣獻侯自耿徙此又云三家分晉河南之中牟魏分也杜言今滎陽有中牟縣謂此河南之中牟也晉世分河南為滎陽郡中牟屬焉此地乃在河南計非晉境故云回遠又三家分晉中牟屬魏則非趙得都之趙獻侯治中牟亦非河南之中牟也此言晉車中牟哀五年趙執伐衛圍中牟論語佛於為中牟宰與趙獻侯所都或別是一地必非河南中牟當是河北別有中牟但

不復知其處耳 錢坫新校地理志春秋傳晉衛鞅伐衛圍中牟論語佛肸以中牟叛晏子春秋晏子之晉至中牟水經注魏徒大梁趙以中牟易魏中牟始為衛地繼為晉所取三卿分晉屬之趙則非此中牟也臣瓚曰中牟當在潔水之北按今彰德府湯陰縣西五十里有牟山獻侯所徙或其處與此中牟南北相隔幾六百里非也此七字疑為後人妄加

平

水經注河水又東逕平縣故城北俗謂之小平有高祖講武場河北側岸有二城相對河水南對首陽山春秋所謂首戴也河南有鈞陳壘世傳武王伐紂八百諸侯所會處河水至斯有盟津之目 括地志故平縣城在偃師縣西北二十五里 通典故小平縣城在今河南府鞏縣西北有津曰小平 寰宇記漢廢小平縣城在今鞏縣西北今有河津曰小平津即城之隅也 大清一統志平縣故城在今河南府孟津縣東漢高六年封公師喜為平侯即此

莽曰治平

水經注作河平

陽武 本書曹參傳自曲遇從攻陽武 又陳平傳陽武戶牖鄉人也 東征賦宿陽武之桑間 水經濟水又東北流逕陽武縣故城南 又云濟濱又東逕陽武縣故城北又東絕長城 又云渠水又左逕陽武縣故城南東為官渡水有高臺謂之官渡臺渡在中牟故世又謂之中牟臺

元和志今鄭州陽武縣本漢舊縣西南至鄭州百里 寰宇記陽武故城在今陽武縣東南二十八里 大清一統志陽武故城在今懷慶府陽武縣東南 有博浪沙 史記始皇本紀二十九年東游至陽武博浪沙中為盜所驚索隱曰今浚儀西北四十里有博浪城正義曰博浪沙今當官道 本書張良傳秦皇帝東游至博浪沙中良與客狙擊服虔曰博浪澤沙河南陽武縣地名也今有亭 晉書地道記陽武有博浪沙張良為韓擊秦始皇處 水經注清溝水歷博浪澤昔張良擊秦始皇于此 師古曰狼音浪 元和志博浪沙在今陽武縣東南五里 莽曰陽桓

河南

左傳桓二年臧哀伯曰武王克商遷九鼎于雒邑 又宣三年王孫滿曰成王定鼎于郊鄒杜注郊鄒今河南也河南縣西有郊鄒陌武王遷之成王定之 說文郊鄒河南縣直城門官陌地也 帝王世紀河南城西有郊鄒陌成王定鼎于郊鄒其南門名定鼎門蓋九鼎所從入也 京相璠曰郊山名鄒地名 晉書地道記河南城東去雒城四十里 水經洛水又東北過河南縣南 又云穀水又東過河南縣北東南入于洛注云河南王城西北穀水之右有石磧磧南出為死穀北出為湖溝 又云甘水出弘農宜陽縣鹿蹄山東北至河南縣南北入洛注

云甘水東十里許洛城南有故甘城北對河南故城世謂之鑿洛城鑿甘聲相近即故甘城也為王子帶之故邑矣師古曰郊音夾鄒音辱括地志河南故城在今洛州河南縣北九里 史記索隱按周書郊洛北山名音甲鄒謂田厚鄒故以名焉續通典河南城在唐苑城東北隅 寰宇通志河南縣在河南府城舊宮城西唐苑內周公所營洛邑也城西有郊鄒陌即定鼎之地 大清一統志河南故城在今河南府洛陽縣西五里 按郊山亦名邙山即北邙山也在今河南府治洛陽縣城北十里山連偃師孟津鞏三縣縣互四百里在城之北亦曰北山昭二十二年王田于北山杜注北邙山也亦謂之邙王城之別名桓七年遷盟向之民于邙襄二十四年齊人城邙杜注皆云邙王城也戴延之西征記云邙山西岸東垣互阜相屬楊倞期洛陽記云北山連嶺修互四百里餘古今東洛九原之地也東漢諸陵及唐宋諸名臣墓並在此 周公致太平營以為都是為王城

書洛誥我乃卜澗水西瀍水東惟洛食孔傳今河南城也 書序成王在豐欲宅洛邑使召公先相宅作召誥 鄭氏詩譜周公攝政五年成王在豐欲宅洛邑使召公先相宅既成謂之王城是為東都今河南是也 公羊傳王城者何東都也 杜預左傳注武王但營雒邑未有都城至周公乃卒營雒邑謂之王城即今河南城也 續郡國志河南周公時所城雒邑也春秋時謂之王城 博物記王城方七百二十丈郭

方一十里南望洛水北至邙山 水經注周書稱周公將致政乃作大邑成周于中土南繫于洛水北因于邙山以爲天下之大湊孝經援神契曰八方之廣周洛爲中謂之洛邑 東萊大事記洛誥我乃卜澗水東灋水西惟洛食先儒以爲今河南城所謂王城卽成王定鼎于邙鄰是也我又卜灋水東亦惟洛食先儒以爲今洛陽卽所謂成周也是時以成周爲下都所謂成周既成分正東郊是也至敬王時自王城遷而都之是成周去王城四十里漢之河南縣周公所成洛邑也 禹貢錐指禹貢導洛自熊耳又東會于澗灋傳曰會于河南城南于按河南卽王城洛水至其城西南澗水側城西來注之又東至其城東南灋水側城東來注之周公所謂澗水東灋水西者也二水入洛處相去甚近故連言之

平王居之

按平王東遷至景王十一世皆居此自敬王遷成周王城遂廢至赧王復居之

緄氏

左傳昭二十二年子朝作亂晉荀躒帥師于侯氏杜注侯氏周地卽緄氏也 戰國策張儀說秦王曰秦轅轅緄氏之口 史記項羽本紀沛公將曹參下轅轅緄氏絕河津 本書武帝紀元封元年春王月行幸緄氏 張衡東京賦邪徑捷于轅轅緄氏注轅轅道十二曲將去復還故名 臣瓚曰轅轅險道名在緄氏東南 杜預左傳注轅轅道在緄氏縣西南 遁甲

開山圖緄氏縣有轅轅山 十三州志河南緄氏縣以山爲名一名轅轅凡九十二曲是險道也 續郡國志緄氏縣有轅轅關 師古曰緄音工侯反 元和志緄氏縣本古滑國也左傳曰秦師滅滑其後屬晉至秦漢爲縣因山爲名 寰宇記古緄氏縣城在今縣西北六里轅轅山在縣東南四十六里 九域志偃師縣有緄氏鎮 大清一統志緄氏故城在今河南府偃師縣南二十里舊志云今有故縣村轅轅山在偃師縣東南五十五里鞏縣西南七十里登封縣西北二十八里當太室之西少室之北緄氏山在偃師縣南四十里 按緄氏縣本春秋時滑國春秋莊十六年會滑伯同盟于幽僖三十年秦人入滑左傳成十三年呂相絕秦曰殄滅我費滑杜注云滑國都費今河南緄氏縣孔疏云滑卽費春秋更無費國蓋國邑並舉也考滑本國名姬姓伯爵僖三十三年爲秦所滅而不能有爲晉所得然其地近鄭在所必爭成十七年鄭子駟侵晉虛滑杜注虛滑晉二邑滑卽故滑國時屬晉後屬周周語襄王十三年鄭人伐滑王使游孫伯請滑鄭人執之是也

劉聚周大夫劉子邑

左傳隱十一年王取鄆劉蔣邗之田于鄭杜注鄆劉二邑在河南緄氏縣西南有鄆聚西北有劉亭 又昭二十三年單子劉子樊齊以王如劉 水經注劉水出半石東山西北流注于劉聚謂之劉澗又西北流注于合水 大清一統志劉澗在偃師縣南劉聚在西南括地志云劉

累故城在緄氏縣南十五里蓋誤以劉子爲劉累也

有延壽城

搜神記緄氏縣有延壽亭 水經注休水屈靈星塢又逕延壽城南 寰宇記靈星隴卽延壽城嵩山記云此隴卽道士浮邱公接王子晉登仙之所 大清一統志延壽城在今偃師縣南舊志云在縣南三十五里

仙人祠

列仙傳王子晉于七月七日乘白鶴駐緄山巔拱手謝時人而去 水經注緄氏城有仙人祠謂之仙人觀 裴秀冀州記緄氏仙人廟者昔有王喬健爲武陽人爲柏人令于此登仙世遂誤以爲王子晉耳

莽曰中亭

卷

左傳僖二十八年晉文還至衡雍杜注衡雍鄭地今滎陽卷縣 又襄十一年諸侯伐鄭西濟于濟隧杜注闕 戰國策蘇秦說魏王曰北有河外卷衍燕酸棗 又無忌謂魏王曰王有鄭地得垣雍 史記秦本紀昭襄王三十三年客卿胡傷攻魏卷取之 又四十八年韓獻垣雍 字林卷音邱權反 東征賦歷滎陽而過卷 續郡國志卷縣有垣雍城卽古衡雍 徐廣曰垣雍城在卷縣屬魏也 水經注河水又東逕卷縣北楚莊祀河告成而還卽是處也 又云北濟水自滎澤東逕滎陽卷縣之武修亭左傳成十年鄭子然盟于修澤者也 又云濟隧

上承河水逕卷縣故城東又南逕衛雍城西
廣韻作卷音邱圓切 師古曰卷音去權反
史記索隱卷音邱友 括地志故卷城在今
鄭州原武縣西北即衛雍也 史記正義垣雍
城今在鄭州原武縣西北七里 輿地廣記卷
縣故城在今原武縣東 河南通志卷城在原
武縣北七里即今圈廂城也 大清一統志卷
縣故城在今懷慶府原武縣西北垣雍城在西
北五里

原武

東征賦食原武之息足 水經注濟瀆又東逕
原武縣故城南春秋之原圃也 通典今鄭州
原武縣本漢舊縣故城南春秋之原圃也 通
典今鄭州原武縣本漢舊縣故城在今縣西
名勝志原武縣在今開封府城西北一百二十
里 大清一統志原武故城即今懷慶府陽武
縣治

莽曰原桓

鞏

左傳昭二十五年尹文公涉于鞏杜注于鞏縣
涉洛水 又二十六年晉師克鞏逐王子朝
國語景王田于鞏 史記秦本紀莊襄王元年
韓獻成鞏鞏 水經河水又東過鞏縣北洛水
從縣西北流注之注云縣北有山臨河謂之崆
崆邱其下有穴謂之鞏穴直穴有渚謂之鮪渚
呂氏春秋武王伐紂至鮪水紂使膠鬲候周師
即是處也洛水於鞏縣東逕洛汭北對琅邪渚
入於河謂之洛口 又云洛水又東北過鞏縣

東又北入于河注云山海經曰洛水成皋西入
河是也謂之洛汭夏太康時五子作歌于是地
矣 又云濟水又南當鞏縣北南入于河 元
和志鞏縣古鞏伯之國春秋晉師克鞏縣本與
成皋中分洛水西則鞏東則成皋後魏并焉爾
雅鞏固也四面有山河之固因以為名 大清
一統志鞏縣故城在今河南府鞏縣西南舊志
云在縣西南三十里周五里餘城址尙存
東周所居

東周所居

述征記鞏縣本周鞏伯邑東周惠公居此 水
經注洛水又東逕鞏縣故城南東周所居也
晉書地理志周考王封周桓公孫惠公於鞏號
東周故戰國時有東西周號芒山首陽其界也
東萊大事記周貞定王二十八年考王初立
封其弟揭於河南是為河南桓公河南即鄭鄆
武王遷九鼎周公營以為都是為王城洛陽則
周公所營下都以遷頑民是為成周平王東遷
定都王城王子朝之亂敬王徙都成周至是考
王以王城故地封桓公焉平王東遷之後所謂
西周者豐鎬也東周者東都也威烈王以後所
謂西周者河南也東周者洛陽也何以稱河南
謂西周自洛陽下都視王城則在西也何以稱
洛陽為東周自河南王城視下都則在東也河
南桓公卒子威公立威公卒子惠公立考王十
五年河南惠公復自封其少子班於鞏以奉王
號東周沒亦諡惠是時東西周雖未分治河南
惠公既號奉王者為東都亦必自號西周矣顯
王二年趙與韓分周為二於是東西各為列國

顯王雖在東周特建空名是後史傳所載致伯
賜胙之類者周王也征伐謀策稱東西周君者
皆謂二國也周本紀云赧王時東西周分治非
也赧王特徙都西周耳當以趙世家為正 吳
澄東西二周考周敬王四年子朝奔楚王雖返
國然以子朝餘黨多在王城乃徙都於成周而
王城之都遂廢至考王封弟揭於王城是為周
桓公自此以後東有王西有公而東西之名尙
未立也桓公生威公威公生惠公惠公之少子
班又別封於鞏以奉王是為東周惠公而班之
兄則仍父爵居王城為西周武公自此之後東
有公西亦有公二公各有采食而周尙為一也
顯王二年趙韓分周地為二亦周公治之王寄
焉而已周之分東西自此始也自慎觀王以上
皆在成周赧王立復徙于王城蓋東西周之名
前後凡三變初言東西周者以鎬京對洛邑而
言中間言東西周者以王城對成周而言最後
言東西周者則以河南對鞏而言也 按周本
紀考王封其弟揭於河南以續周公之官職是
為西周桓公桓公卒子威公立威公卒子惠公
立惠公又封少子班於鞏以奉王仍襲父號曰
東周惠公是以有東西二周之分世本云西周
桓公居河南東周惠公班居洛陽誤也呂吳二
家之辨詳矣

穀成

左傳定八年單子伐穀城杜注在河南縣西
續郡國志穀城有函谷關 水經注穀水又東
逕穀成縣南城西臨穀水故縣取名焉 師古

曰穀成即今新安 括地志故穀成在今洛州河南縣西北十八里苑中 寰宇記故穀成在穀水之東岸 大清一統志穀成故城在今河南府洛陽縣西北

禹貢灑水出簪亭北東南入淮

淮南子作屢水 孔安國書傳灑出河南北山

博物志灑水出潛亭山 水經灑水出河南

穀成縣北山東與千金渠合又東過洛陽縣南

又東過偃師縣又東入於洛注云穀成縣北有

潛亭灑水出其北梓澤中其水歷澤東南流水

西有一原其上平敞古簪亭之處即潘安仁西

征賦所謂越街郵者也又東南流注於穀水謂

之千金渠 今水經灑水源出洛陽縣西北五

十里穀城山東流入於洛 河南府志穀城山

在府城西北五里漢置穀成縣取此以名灑水

源出於此 大清一統志灑水源出孟津縣東

南流至洛陽縣北又東南流入洛 又云穀城

山在孟津西六十里灑水出此 水道提綱灑

水出河南府城西北境簪亭山與穀成山相連

東南流經府城東北又東流入於洛

故市

水經注黃水又北至故市縣又東北逕故市縣

故城南 晉書地理志故市在酸棗縣東南

元和志故市城在管城縣西北三十里 大清

一統志故市廢縣在今開封府鄭州西北三十

五里 按史記高祖功臣侯表有故市侯閻澤

赤索隱曰河南是也而本表作敬市誤矣

密故國

春秋僖六年諸侯伐鄭圍新城傳作新密杜注新城鄭新密今滎陽密縣實新密而經言新城者鄭以非時與土功齊桓聲其罪以告諸侯也 晉書地理志密故周畿內國 水經注洧水又東逕密縣故城南春秋時謂之新城 師古曰此密即春秋僖六年圍新密者也蓋鄭地 寰宇記爾雅山如堂者曰密縣有大隗山因以為名故城在今縣東南三十里 大清一統志密縣故城在今開封府密縣東南二十里 有大隗山洧水所出南至臨潁 屬潁川郡

入潁

山海經大隗之山其陰多鐵 莊子黃帝將見

大隗於具茨之山陸氏釋文云司馬彪曰在滎

陽密縣東今名秦隗山 說文洧水出河南密

縣大隗山南入潁从水異聲 水經洧水出河

南密縣大隗山注云大隗山即具茨山也黃帝

登具茨之山升於洪隄之上受神芝圖於黃蓋

童子國語史伯答桓公曰主茨隗而食澮洧即

謂此矣洧水時人謂之救水非也出大隗山阿

而流為陂俗謂之玉女池東南入于潁 師古

曰隗音隗漢音翼又音昌力反 元和志具茨

山在密縣東南五十里亦謂之大隗山 河南

通志洧水一名魯姑河又名清流河源出大隗

山東南經長葛縣西又東至臨潁入于潁 大

清一統志大隗山在今開封府禹州北舊志云

在州北四十里接密縣東界新鄭縣西南界

又云洧水源出大隗山東流經密縣東南新鄭

縣南長葛縣西南入許州界合于潁 按山海經有黃山隗山青要山國語主茨隗而食澮洧 榮即黃古字通隗即大隗山青要山水經注云 今謂之彊山隗山乃其東阜也 又按說文洧 水出河南密縣東入潁水从水翼聲集韻灑吐 力切水出大隗山南入潁漢音同而字相近 其源委又同當即一水而復出者也 新成惠帝四年置

戰國策張儀曰秦攻新成宜陽以臨二周之郊

史記秦本紀昭襄王七年拔新成 又十三

年左更白起攻新成 又二十三年二十五年

與韓王會新成 本書高帝紀漢王至洛陽新

成三老董公遮說漢王 續志作新城 水經

伊水又東北過新成縣南 後書祭遵傳注新

成今洛州伊闕縣也 元和志今河南府伊闕

縣古戎蠻子國漢為新成縣 大清一統志新

成故城在今河南府洛陽縣南

蠻中故戎蠻子國

左傳成六年伊維之戎陸渾蠻氏侵宋杜注蠻

氏戎別種也河南新成縣東南有蠻城 又昭

十六年楚子使然丹誘戎蠻子嘉殺之遂取蠻

氏 續郡國志新成有鄆聚古鄆氏今名蠻中

水經注新成縣有鄆聚今名蠻中是也 又

云汝水自梁縣東逕麻鄉城北故鄆鄉城也謂

之蠻中俗以為麻鄉城非也蓋蠻麻聲相近故

誤耳 通典蠻中聚即戎蠻子國在今汝州梁

縣西南俗謂之麻城 河南通志鄆聚古名蠻 氏左傳楚殺蠻子是也今名蠻子城即漢祭遵

開封

殺張滿處 大清一統志蠻城在今汝州西南
史記韓世家釐王二十一年使暴戢救魏為秦
所敗載走開封 又曹相國世家圍趙賁開封
城中 又絳侯世家攻開封先至城下為多
水經注渠水又東南流逕開封縣睢渙二水出
焉 舊唐志汴州郭下東界開封縣本漢舊縣
在今縣南五十里 寰宇記開封故城在今縣
西十五里鄭莊公所築 北道刊誤志開封本
漢縣今縣南五十里開封故城即漢治所 大
清一統志開封故城在今開封府祥符縣南五
十里 按本書功臣侯表高祖封陶舍為開封
侯即此

逢池在東北或曰宋之逢澤也

左傳哀十四年逢澤有介麋焉杜注地理志言
逢澤在滎陽開封東北疑遠非正義宋都睢陽
計去開封四百餘里非徑行可到故杜以遠疑
史記秦本紀孝公二十年會諸侯逢澤徐廣
曰開封東北有逢澤 臣瓚曰汲郡古文梁惠
王廢逢忌之藪以賜民今浚儀縣有逢陂忌澤
是也 水經注逢池上承役水于苑陵縣別為
魯溝水東南流逕開封縣故城北魯溝南際富
城東南八百尺陂即古之逢澤也其水東北流
為新溝又東北注渠即沙水也楚東有沙水謂
此水也 括地志逢澤亦名逢池在今汴州浚
儀縣東南十四里 元和志逢池在今開封縣
東北十四里即左氏所謂逢澤也 集韻漢逢
池在開封縣 輿地廣記開封縣有逢池亦曰

逢澤故衛國之匡地 方輿紀要蓬陂即蓬澤
也在祥符縣東南二十四里亦名蓬陂塢亦名
蓬關 大清一統志逢澤在今開封府祥符縣
南舊志云府城南二十里有伯俞河一名東溝
河即逢池也

成皋故虎牢或曰制

穆天子傳虎在乎葭中天子將至七萃之士高
奔戎生捕虎而獻之天子命之為柙而畜之東
號號曰虎牢 左傳隱元年鄭莊公曰制巖邑
也杜注制鄭邑今河南成皋縣也一名虎牢
又隱五年鄭二公子敗燕師于北制 又莊二
十一年王與鄭伯武公之略自虎牢以東杜注
虎牢今河南成皋縣 又襄二年孟獻子請城
虎牢以逼鄭 又襄十年晉師城梧及制嚴啓
隆曰梧與制皆虎牢之旁邑城之所以翼虎牢
也 戰國策三晉分智氏地段規謂韓王曰分
地必取成皋韓王曰成皋石溜之地無所用之
段規曰不然一里之厚而動千里之權者地利
也萬人之衆而破三軍者不意也王用臣言則
韓必取鄭矣王曰善遂取成皋至韓之取鄭果
從成 史記秦本紀莊襄王元年伐韓韓
獻成皋 又項羽本紀漢王出滎陽行收兵復
入保成皋 水經河水又東過成皋縣北濟水
從北來注之注云河水自洛口又東左逕平皋
縣南又東逕懷縣南濟水故道之所入與成皋
分河河水又逕黃馬坂北又逕旋門坂北今成
皋西大坂者也升陟此坂而東趣成皋矣縣之
故城在坏山上縈帶亘絕岸峻周高四十許

丈即虎牢也秦以為關漢乃縣之 水經注汜
水又北逕虎牢城東漢破司馬欣曹咎于是水
之上 隋志滎陽郡汜水舊曰成皋即虎牢也
開皇十八年改 括地志今洛州汜水縣古東
魏國即鄭之制邑亦周穆王虎牢城也漢為成
皋縣 通典今河南府汜水縣漢謂之成皋縣
史記正義成皋城在今河南汜水縣東南二
里 胡安國曰虎牢鄭地故稱制邑至漢為成
皋今為汜水縣巖險開于天下猶虞之下陽趙
之上黨魏之安邑燕之榆關吳之西陵蜀之漢
樂地有所必據城有所必守而不可以棄焉者
也 呂祖謙曰滎陽成皋自春秋以來常為天
下重地由秦而上晉楚于此而爭霸由秦而下
楚漢于此而分雌雄天下既定七國淮南衡山
之變猶睥睨此地而決成敗焉 王應麟曰齊
晉楚之霸皆先服鄭范雎李斯之謀皆先破韓
蓋虎牢之險天下之樞也在號曰制在鄭曰虎
牢在韓曰成皋 方輿紀要汜水縣即漢成皋
縣汜讀曰凡又讀汎今俗呼曰似誤也 大清
一統志成皋故城在今開封府汜水縣東北
按虎牢在今開封府汜水縣西二里本周穆王
養虎之地漢為成皋隋為虎牢唐為武牢明更
曰山崎戰國時韓獻于秦十九年而遂亡今自
滎陽而東皆坦夷西入縣境地漸高城中突起
一山如萬斛困出西郭則亂嶺糾紛一道紆曲
其間斷而復續使一夫荷戈而立百人自廢然
自東都以後言形勢者及之者鮮矣蓋人事既
改則地之輕重亦有時而移也

苑陵

史記樊噲傳從攻宛陵先登 述征記成皋東南一百三十里有苑陵城鄭國之所都也 續志作苑陵 水經注汜水上承役水于苑陵縣縣故鄭都也役水枝津東派為汜水而世俗謂之泥溝水也左傳僖公三十年晉侯秦伯圍鄭晉軍函陵秦軍汜南所謂東汜者也 括地志宛陵故城在今鄭州新鄭縣東北三十八里 寰宇記廢苑陵縣城在尉氏縣南四十八里古苑陵城今見新鄭縣 方輿紀要苑陵城在新鄭縣東北三十八里 大清一統志苑陵故城在今開封府新鄭縣東北按今新鄭尉氏洧川三縣志並載有苑陵故城以地度之新鄭東北即洧川西北漢以來之苑陵本在于此唐武德四年始移置于尉氏界 莽曰左亭

梁

左傳哀四年楚為一昔之期襲梁及霍杜注梁南有霍陽山 國語楚惠王以梁與魯陽文子辭曰梁險而在北境 史記田齊世家宣王二年趙與韓共擊魏戰于南梁 臣瓚曰此梁周之小邑見于春秋 太康三年地記梁古蠻子邑戰國時謂之南梁別于大梁少梁也 續郡國志梁故國伯翳後 水經注霍陽山水逕梁城西春秋周小邑也于戰國為南梁矣俗謂之治城非也以北有注城故也服虔曰梁霍周南鄙也杜預曰河南縣西南有梁城即是縣也左傳所謂楚襲梁及霍者也 括地志古梁城在

今汝州梁縣西十五里 元和志今汝州郭下梁縣即漢舊縣又臨汝縣亦漢梁縣地 寰宇記漢舊梁縣在汝州之南 寰宇通志汝州在南陽府北三百七十里周王畿地春秋戎蠻子邑漢為梁縣 方輿紀要梁縣城在今汝州西二十五里 大清一統志梁縣故城在今汝州東 地理稽疑臣瓚以此梁為周之小邑見于春秋蓋即指楚人侵梁及霍之梁在戰國為南梁蓋大梁在浚儀少梁在夏陽此南梁在汝水之旁三梁不可混也

愚狐聚秦滅西周徙其君子于此 史記周本紀秦取九鼎寶器而遷西周公于愚狐 水經注三里水出梁縣西北而東南流逕其縣故城西故愚狐聚也 徐廣曰愚音憚 師古曰愚音乃旦反 括地志汝州外故梁城即愚狐聚也 大清一統志愚狐聚在今汝州西北四十里 陽人聚秦滅東周徙其君子于此 戰國策鄭矯以新城陽人子韓太子 史記秦本紀莊襄王元年以陽人地賜周君奉其祭祀 水經注魯公水上承陽人城東魯公陵城故梁之陽人聚也 徐廣曰兩聚相近在洛陽南百五十里梁新城之間 後書獻帝紀注陽人聚故城在汝州梁縣西 括地志陽人聚在汝州梁縣西四十里 大清一統志陽人聚在今汝州西亦名陽人城

新鄭詩鄭國鄭桓公之子武公所國 左傳隱十一年鄭莊公曰吾先君新邑于此杜

注河南新鄭縣在滎陽苑陵縣西南 國語史伯謂桓公曰若克二邑鄆蔽補丹依味歷華君之士也若前華後河右洛左濟主不隳而食漆洧修典刑以守之惟是可以少固章注言克號檜二邑則此八邑皆可得也後桓公之子武公竟取十邑之地居之今河南新鄭是也 史記鄭世家桓公為幽王司徒問太史伯曰王室多故予安逃死對曰獨洛之東土河濟之南可居以地近號檜也桓公于是東徙其民雒東而號檜果獻十邑竟國之 鄭氏詩譜鄭武公與晉文侯定平王于東都王城取十邑之地右洛左濟前華後河食漆洧焉今河南新鄭是也 春秋世族譜鄭姬姓周厲王子宣王母弟桓公友之後也宣王封友于鄭今京兆鄭縣及幽王無道友遷其民于號檜號檜之君分其地遂國焉今河南新鄭縣是也 說文宗周之滅鄭徙漆洧之上今新鄭是也 水經注洧水又東逕新鄭縣故城中左傳襄公元年晉師伐鄭入其郛敗其徒兵于洧上是也又東為洧淵水春秋傳曰龍門于時門之外洧淵即此澤潭也今洧水自鄭城西北入而東南流逕鄭城南水之南有鄭莊公望母臺 括地志新鄭故城在洧水北今在水南三里 元和志今鄭州新鄭縣本有熊之墟又為祝融之墟于周為鄭武公之國都漢以為新鄭縣至晉始省 寰宇記新鄭縣漆水在縣北洧水在縣南 朱子詩集傳鄭本在西周畿內咸林之地武公得號檜之地始徙其封而施舊號于新邑故曰新鄭 方輿紀要新

鄭故有熊地黃帝都焉周封黃帝後于此為檜國春秋時為鄭國曰新鄭以別于京兆之鄭也

大清一統志新鄭故城在今開封府新鄭縣

北

後為韓所滅韓自平陽徙都之

史記鄭世家鄭君乙二十一年韓哀侯滅鄭并

其國 又韓世家哀侯二年滅鄭因徙都鄭

漢書地理志補注卷十 東郡

史記案隱魏都大梁濮陽黎陽並是魏之東地

故立郡名東郡也 方輿紀要東郡今北直大

名府及山東東昌府之境是其地 按漢東郡

今山東東昌府之聊城堂邑博平茌平莘五縣

曹州府之菏泽鄆城范觀城朝城五縣兗州府

之陽穀壽張二縣泰安府之東阿縣及東平州

又直隸大名府之大名清豐東明三縣及開州

又河南衛輝府之延津滑二縣皆其地

秦置

史記始皇本紀五年初置東郡 又魏世家景

潛王元年秦拔我二十城以為秦東郡 魏書

地形志東郡秦置治滑臺城 地理志稽疑東

郡楚漢之際屬楚國高帝五年屬漢

莽曰治亭屬兗州

晉書地理志兗州為禹貢濟河之地舜置十二

牧則其一也周禮河東曰兗州春秋元命包云

五星流為兗州兗瑞也信也又云蓋取兗水以

名焉漢武帝置十三州以舊名為兗州自此不

改

縣二十二

濮陽畔觀聊城頓邱發于范茌平東武陽博平

黎清東阿離狐臨邑利苗須昌壽良樂昌陽平

白馬南燕廩邱

濮陽

史記項羽本紀項梁使沛公及項羽西破秦軍

濮陽東 本書武帝紀元光三年夏五月河水

決濮陽汜郡十五發卒十萬救決河 說文濮

水出東郡濮陽南入鉅野從水僕聲 應劭曰

濮水發源陳留入于鉅野衛風所云桑間濮上

謂此水也 杜預左傳注濮陽以地在濮水北

也 博物志濮陽縣桑中在其中 續郡國志

濮陽古昆吾國春秋時曰濮 水經瓠子河出

東郡濮陽縣北東至濟陰句陽縣為新溝又東

北過廩邱縣為濮水 水經注河水東北流而

逕濮陽縣北為濮陽津故城在南與衛河分水

城北十里有瓠河口有金隄宜房堰 又云濮

陽縣北十里即瓠河口也漢武帝元封二年前上

使汲仁郭昌發卒數萬人塞瓠子決河沈白馬

玉璧令羣臣將軍以下皆負薪卒塞瓠子口築

宮其上名曰宣房宮故亦謂瓠子堰為宣房堰

而水亦以瓠子受名焉平帝已後未及修理河

水東浸日月彌廣瓠子之水絕而不通惟溝瀆

存焉河水舊東流逕濮陽城東北濮水逕其南

故曰濮陽也 又云濮水又東逕濮陽縣故城

南昔師延為紂作靡靡之樂武王伐紂師延自

投濮水而死後衛靈公將之晉而設舍于濮水

之上夜聞新聲名師涓受之于是水也 又云

濮水有二源一上承濟水于封邱班固所云濮

水首受濟者也一受河于酸棗杜預所云濮水

出酸棗首受河者也 括地志濮陽縣在濮州

西八十六里古昆吾國也昆吾故城在縣西三

十里 史記正義濮水在曹州離狐縣界即師

延投水處也 元和志今曹州濮陽縣本漢舊

縣又滑州衛南縣亦漢濮陽也 明統志濮水

在開州東南六十里 方輿紀要濮陽廢縣今大名府開州治也昆吾城在州東二十五里濮水在州南六十里亦曰濮渠大河遷決不時濮水遂致堙廢 大清一統志濮陽故城在今大名府開州西南舊志云在西南二十里濮河自河南封邱縣流入大名府經長垣縣北又東徑東明縣南又東經開州東合洪河入山東濮州界俗訛爲普河

衛成公自楚邱徙此故帝邱顓頊墟

春秋僖三十一年狄圍衛衛遷于帝邱杜注今東郡濮陽縣帝顓頊之墟故曰帝邱 左傳昭十七年梓慎曰衛顓頊之墟也故爲帝邱 世本衛成公徙濮陽宋忠曰濮陽帝邱地名 帝王世紀顓頊都帝邱今東郡濮陽是也 皇覽顓頊家在東郡濮陽頓邱城門外廣陽里中續郡國志廣陽山高陽所葬俗號青冢山 水經注淇水又北逕白祠山東歷廣陽里逕顓頊冢西 明統志邱城在滑縣東北七十里土山村與濮陽城境相接也

莽曰治亭

按莽改郡曰治亭而縣亦曰治亭疑有誤字

畔觀

左傳昭元年夏有觀扈杜注觀國今頓邱衛縣 楚語士聲曰啓有五觀韋注五觀啓子太康昆弟也觀洛汭之地 竹書紀年梁惠成王二年齊田壽率師伐我圍觀觀降 史記平準書河決觀正義曰魏州觀城縣古觀國以其地臨河津故曰觀津 又魏世家惠王三年齊敗我

觀徐廣曰今之衛縣也 又田齊世家威王九年魏惠王請獻觀以和 又穰侯傳取趙氏觀

津 又樂毅傳趙封毅于觀津 應劭曰夏有觀扈世祖更名衛國以封周後 續郡國志衛

公國本觀故國姚姓光武更名 水經注大河

故瀆東逕五鹿之野又東逕衛國縣故城南古

觀觀也師古曰觀音工喚反元和志澶州觀

城縣即漢觀縣古之觀國也 困學紀聞韋昭

謂五觀即啓子太康昆弟觀洛汭之地愚謂五

子述大禹之戒以作歌仁義之人其言藹如豈

朱均管蔡之比韋說非也 大清一統志畔觀

故城在今曹州府觀城縣西 經史問答以有

扈氏與觀並稱見于春秋內傳以朱均管蔡與

觀並稱見于外傳而東郡之縣名畔觀則其不

良可知惟是以五觀爲太康之五弟因指洛汭

之地爲觀古人亦已疑之寧但以尙書駁詰其

韋鄭之說自相悖者未盡抉也夫東郡之畔觀

非洛汭也觀既爲侯國五國則不應聚于一方

一國則不可以容五子況五觀據國以逆王命

又何須于洛汭之栖栖也蓋五觀特國名猶之

三臞今以太康之弟適有五而以配之則誣矣

外傳以爲夏啓之姦子夫以追隨太康之弟而

反曰姦子曰畔則必其從孽而後可矣考後漢

郡國志曰衛故觀國姚姓乃恍然曰畔觀非夏

之宗室也而況以爲太康之母弟乎 陳景雲

漢書舉正畔字衍恩澤侯表溝洫志及翟方進

傳可證 錢坫新澗注地理志郡國志地形志

並云漢曰觀無畔字地形志又云聊城有畔城

莽曰觀治 聊城

左傳昭二十年晏子曰聊城攝以東杜注聊攝齊

之西界平原聊城縣東北有攝城 史記魯仲

連傳燕將保守聊城田單攻之不下 水經注

漯水又北逕聊城縣故城西城內有金城周匝

有水南門有馳道絕水南出自外泛舟而行矣

魯仲連所謂還高唐之兵卻聊城之衆者也

括地志聊城故城在今博州聊城縣西四十里

元和志今博州聊城縣本春秋聊攝地漢以

爲縣 寰宇通志聊城在東昌府西北十五里

即齊聊攝地 大清一統志聊城故城在今東

昌府聊城縣西北十五里

頓邱

詩衛風送子涉淇至于頓邱 爾雅釋邱邱一

成爲敦邱郭注成猶重也今江東呼地高堆者

爲敦邱邢疏成重也言邱上更有一邱相重累

者 竹書紀年晉定公三十一年城頓邱 戰

國策蘇代約燕王曰決宿胥之口魏無虛頓邱

尚書大傳舜販于頓邱 本書武帝紀元光

三年春河水徙從頓邱東南流入渤海 水經

注淇水又東屈而西轉逕頓邱北故闕駟曰頓

邱在淇水南又屈逕頓邱縣故城西古文尙書

以爲觀地矣 師古曰頓邱以邱名縣也邱一

成爲頓邱謂一頓而成也或曰成重也一重之

邱也 又曰頓邱本衛地志屬東郡今則在

魏州界也 通典今魏州頓邱縣漢舊縣故城

即今縣北陰安城是 元和志今澶州郭下頓

邱縣本漢舊縣因縣東北頓邱以為名 寰宇

記頓邱故城在今衛州衛縣西北二里頓邱在

澶州觀城縣南二十里 北道刊誤志澶州頓

邱縣本漢舊縣舊治在王莽河西後移于戚城

東南二十五里 九域志清豐縣有舊州鎮即

頓邱城也 困學紀聞頓邱今澶州開德府濮

陽清豐兩縣 明統志頓邱故城在今清豐縣

西南二十五里 大清一統志頓邱故城在今

直隸大名府清豐縣西南河南衛輝府濬縣西

莽曰順邱

發干

續郡國志竿城故發干城 水經注河水故瀆

東北逕發干縣故城西又屈逕其城北漢武帝

以大將軍衛青破右賢王功封其子登為侯國

括地志發干故城在今博州堂邑縣西南二

有濟渠之稱又北與將渠受河于范縣西北東

南逕秦亭南又東南逕范縣故城南將渠又東

會濟渠自下通謂之將渠北逕范城東俗又謂

之趙溝非也 後書荀彧傳注范今濮陽縣也

大清一統志范縣舊城在今曹州府范縣東

南縣志云在縣東南二十里城墟如故一塔孤

存風景較今治為勝 春秋大事表季氏春秋

私考疑濮州衛地晉不應以封其大夫予嘗考

春秋滅衛之壤入于狄者甚多至宣十五年晉

復滅狄而士會于宣十二年傳稱隨武子十七

年請老稱范武子以後終春秋之世稱范不稱

隨蓋士會以十六年與于滅狄之功晉得狄之

士以為士會賞功之邑耳其後范復入齊孟子

自范之齊即此蓋春秋之季范氏叛晉即齊齊

衛助之而范遂入齊為邑耳

莽曰建睦

說文荏艸兒濟北有荏平縣 應劭曰荏山名

縣在山之平地故名 述征記碭城即漢荏

平縣 水經河水又東北過荏平縣西注云其

城臨水西南崩于河城內有故臺世謂之時平

城非也蓋在時音相近耳 又云瓠子河又河

北過臨邑縣西又東北過荏平縣東為鄆里渠

注云自宜房已下將渠已上無復有水將渠下

水首受河自北為鄆里渠 師古曰荏音仕疑

反 通典荏音助淄反 元和志濟州治碭城

城本秦東郡之荏平縣地其城西臨黃河晉宋

時為河水所毀移治河北博州界故城在今博

州聊城縣東五十三里 宋祁曰荏韋昭音緇

字林曰荏草亦盛也 于欽齊乘荏平縣在今

聊城縣東北七十里 大清一統志荏平故城

粟津大河之北即東武陽縣也。潔水出焉。戴延之謂之武水。今潔水上承河水于武陽縣東南。而逕北武陽新城。東曹操爲東郡所治也。師古曰：潔音它。合反。元和志武河在朝城縣東十步。困學紀聞：太史公班孟堅謂禹斷二渠以引其河。一貝邱。一潔川。李垂導河書曰：東爲潔川者。乃今泉源赤河北出。貝邱者。乃今王莽故瀆。而漢塞宣房所行二渠。蓋獨潔川其一。則漢決之起。觀城入蒲臺。所謂武河也。武河以漢武帝導河北流而得其名。禹貢錐指：河自此與潔別。東北逕東河。往平等縣。至千乘入海。此自西漢末以迄後魏。潔川之源。委宋世河決。高河縣城流絕而舊迹之存者鮮矣。尙書地理今釋：今山東東昌府朝城縣南有潔河。陂廣十餘里。又青州府高苑縣北濟南府禹城縣西並有潔河。朝城漢之東武陽縣高苑漢之千乘縣禹城漢之高唐縣也。蓋潔水本出高唐。至千乘入海。自禹河導至大伾始分河之一支。東北流首經東武陽。至高唐合潔水。自合潔水則高唐以南武陽以北之河皆被以潔名矣。故漢志于平原郡高唐注則云：潔水所出于東郡東武陽。注則云：禹貢潔水東北至千乘入海。疏解：潔水源流固自瞭然。蔡傳未究斯旨。又誤解程大昌此河乃漢河。元非禹河之語。竟不知潔水所在。善乎陳師凱書傳旁通曰：程氏之意。非指潔爲漢河。蓋言潔入河處所受河水。乃漢以後所徙頓邱之河。非禹時澶相以北之河。其潔水仍以東武陽爲是也。

過郡三行于二十里

按三當作五。過東郡清河平原濟陽千乘五郡

莽曰武昌

博平

史記田齊世家威王六年晉伐我至博陵徐廣

曰東郡之博平也。又蘇秦傳說趙王曰：秦攻

齊則趙涉河至博關。正義曰：涉貝邱南河至博

陵。今博州博平縣漢屬東郡。又張儀傳說齊

王曰：悉趙兵渡清河指博關。臨淄即墨非王之

有也。水經注：潔水又東北逕博平縣故城南

通典：今博州博平縣本齊之博陵邑也。漢以

爲縣。故城在今縣東界。輿地廣記：博州屬齊

趙魏三國之交。金史地理志：博平縣有博平

鎮。即漢治。大清一統志：博平故城在今東昌

府博平縣西北三十里

莽曰加陸

水經注：瓠河又東逕黎縣故城南。世謂之黎侯

城。昔黎侯陽寓于衛。詩所謂胡爲乎泥中。毛云

泥中邑名。疑卽此地。土地汚下。城居小阜。魏漢

陽郡治也。元和志：黎城在鄆城縣西四十五

里。大清一統志：黎縣故城在今曹州府鄆城

縣西。地理志：稽疑黎在上黨之壺關。不在此

其得名蓋以此黎侯之所寓耳。孟康以此爲黎

侯國。謬矣。又以爲今黎陽。黎陽在魏郡。非黎縣

也。按左傳：哀十一年衛太叔疾置其妻之姊

于黎。杜注：黎衛邑。本書功臣侯表有黎頃侯。召

奴。史表作黎蓋黎黎古通用

莽曰黎治

清

左傳：成十七年齊侯使國勝告難于晉。待命于

清。杜注：今陽平樂平縣是。續郡國志：樂平故

清。章帝更名。水經注：潔水東北逕樂平縣故

城。東縣故清也。元和志：後漢樂平故城本漢

清縣。在今堂邑縣東三十里。大清一統志：清

縣故城在今東昌府堂邑縣東南。水經注：釋

高帝封室中。同于清。卽東郡之屬縣。又封衛無

擇爲樂平侯。其時已有樂平之名。班表明注：東

郡是舊有其名。不自章帝始矣。按樂平之名

始于章帝。而宣帝時已封霍山爲樂平侯。班氏

于恩澤侯表：霍山封邑。明注云：東郡則又非他

處。可知此不可解

莽曰清治

東阿

春秋：莊十三年公會齊侯。盟于柯。杜注：此柯今

濟北東阿齊之阿邑。猶祝柯。今爲祝可。左傳

襄十四年：衛獻公出奔齊。孫氏追之。敗公徒于

阿。澤杜注：濟北東阿縣西南有太澤。史記：項

羽本紀：項梁大破秦軍于東阿。又魯世家：頃

公卒于柯。索隱引杜注：今濟北東阿也。又趙

世家：成侯九年與齊戰阿下。又田齊世家：威

王九年烹阿大夫。又絳侯世家：擊秦軍阿下

破之。案隱曰：謂東阿之下也。又李斯傳：阿綯

之衣。集解曰：東阿縣。繒帛所出。應劭曰：衛地

也有西故稱東。水經：河水又東北過東阿縣

北注云：故齊邑也。有西故稱東。大城北門內西

側皋上有大井其巨若輪深六七丈歲嘗煮膠以貢天府本草所謂阿膠也故世俗有阿井之名又出佳繒縑故史記云秦昭王服阿縞之衣也 又云瓠子水又東北過東阿縣東注云瓠河故瀆又東北合將渠故瀆又東北逕東阿城南而東入瓠河故瀆又北逕東阿縣故城東括地志漢東阿縣城秦時齊之阿邑也 元和志今鄆州東阿縣本漢陽縣故城在今縣西二十里 大清一統志東阿廢縣在今兗州府陽穀縣東北五十里地名阿城鎮阿井亦在此

都尉治

離狐

魏書地形志作雜狐 水經注濮梁又東逕離狐縣故城南 史記索隱濮水首受河又受汴汴亦受河東北至離狐分為二俱東北至鉅野入濟 元和志今曹州南華縣本漢離狐縣舊傳初置縣在濮水南常為神狐所穿穴遂移水北故曰離狐 寰宇記離狐故城在今南華縣西北三十三里 明統志離狐城在曹州西四十里 肇城記離狐故城今謂之李二莊 山東通志離狐城在今荷澤縣西北四十里 大清一統志離狐故城在今直隸大名府東明縣東南山東曹州府荷澤縣西北

莽曰瑞狐

臨邑 水經注河水東北逕臨邑縣又北東流逕四瀆津西岸側臨河有四瀆祠以自河入濟自濟入淮自淮達江水經周通故有四瀆之名 通典

漢臨邑縣故城在今濟州盧縣東即馬坊城也 元和志今齊州臨邑縣本漢舊縣 山東通志臨邑故城在今茌平縣東南境 大清一統志臨邑故城在今泰安府東阿縣北東昌府在平縣界今濟南府臨邑縣北三十五里之臨邑故城乃劉宋僑置之縣非漢縣也 有泐廟

本書郊祀志宣帝神爵元年定制祀濟于臨邑界中 風俗通濟廟在東郡臨邑縣 水經注濟水又北逕臨邑縣東地理志曰縣有濟水祠水有石門以石為之故濟水之門也春秋隱公三年齊鄭會于石門鄭車償濟即于此也 大清一統志按山經地志俱稱濟水出臨邑故有濟廟今莫從考

莽曰穀城亭

大清一統志按水經濟水過臨邑縣東又北過平陰縣西則臨邑在濟水之西平陰之西南當在今東阿縣北界王莽改臨邑為穀城亭蓋亦取故穀城為名也

利苗

本書王莽傳天鳳元年以利苗男苗訢為大司馬如淳曰利苗邑名屬東郡 按利苗今不知所在

須昌故須句國太昊後風姓

左傳僖二十二年公伐邾取須句杜注須句故國在東平須昌縣西北 公羊作須句 水經注濟水又北逕須句城西臨側濟水故須句國安民亭北對安民山東臨濟水水東即無鹽

縣界又北逕須昌縣西京相璠曰須句一國二城兩名蓋遷都須昌句是其本秦以為縣師古曰句音胸 元和志漢須昌故城在今鄆州須昌縣東南三十二里又陽穀縣亦漢須昌縣地 輿地廣記春秋邾人滅須句須子奔魯魯伐邾取須句反其君焉秦置須昌縣在句須城北蓋須句子所遷也 山東通志須昌城在今東平州東二十里陽穀縣東南界 大清一統志須昌故城在今泰安府東平州西北 按本書功臣侯表高祖十一年封趙衍為須昌侯即此

壽良

史記梁孝王世家北獵良山索隱曰漢書作梁山述征記云今壽張縣南有良山際清水 又穰侯傳客卿竈欲伐齊取剛壽以廣其陶邑正義曰故剛城在兗州龔邱縣界壽張鄆州縣也 應劭曰世祖叔父名良故改曰壽張 水經濟水又東北過壽張縣西界安民亭南汶水從東北來注之注云濟水又北汶水注之戴延之所謂清口也述征記曰清河首受洪水北流入濟或謂即濟也禹貢濟東北會于汶今枯渠注巨澤巨澤北則清口水與汶會也濟水又北逕梁山東袁宏北征賦曰背梁山截汶波即此處也 水經注汶水又西南流逕壽張縣故城北春秋之良縣也縣有壽聚 續郡國志壽良春秋曰良漢曰壽良光武改曰壽張 元和志今鄆州壽張縣本漢縣又鄆城縣亦壽良縣地 肇城記古邑名良漢縣名壽良以縣舊良山也

後人訛爲梁山以梁孝王得名也 方輿紀要

梁山上有虎頭崖下有黑風洞南即古大野澤
大清一統志壽良故城在今兗州府壽張縣

東南五十里泰安府東平州西南 又云梁山
在今東平州西南五十里接兗州府壽張縣界

舊志云山周二十餘里宋政和中盜宋江等保
據于此其下爲梁山漂亦曰梁山泊久湮按本

書王莽傳有兗州牧壽良辛正王閔據本志壽
良爲東都屬縣則莽嘗分東郡之壽良爲郡矣

蚩尤祠在西北涉上

史記封禪書八神三曰兵主祠蚩尤蚩尤在東
平監陸鄉索隱曰監音闕章昭曰縣名屬東平

本書郊祀志宣帝時祠蚩尤于壽良 皇覽
蚩尤塚在東平郡壽張縣闕鄉城中高七丈民

間常以十月祀之有赤氣出如匹練名爲蚩尤
旗 晉書地道記壽張縣有蚩尤旗祠墟 大

清一統志蚩尤冢在今兗州府汶上縣西南南
旺湖中 按監鄉卽闕鄉古字通用

有胸城

水經注左傳杜預注曰須胸在須昌縣西北非
也地理志曰壽良縣西北有胸城者是也

樂昌

寰宇記今魏州南樂縣漢爲樂昌縣 北道刊
誤志瀘州南樂縣本漢樂昌縣屬東郡 名勝

志南樂縣在大名府城東南四十五里秦東郡
地漢置樂昌縣高后封張敖子壽宣帝封王武

並爲樂昌侯 大清一統志今大名府大名縣
治本漢樂昌縣地宋政和六年所移治之南樂

鎮也水經注以後魏所置之昌樂縣爲卽漢東
郡屬縣元和志因之舊唐志又以爲晉置而晉

志不載各書參錯不一今考漢志本作樂昌名
既不同且地在黃河西亦非東郡之界蓋昌樂

本魏郡魏縣地形志云太和二十一年分魏
所置是也

陽平

後書劉儒傳注陽平故城今魏州莘縣地 元
和志今魏州莘縣本衛地漢爲陽平縣屬東郡

莘亭在縣北十三里卽衛宣公二子伋壽爭死
處又博州武水縣亦陽平地 水經注深水于

東武陽城東北合爲一瀆東北出郭逕莘陽縣
之岡成城西又逕陽平縣故城東又北逕莘道

城之西北有莘亭衛宣公二子殞于此 方輿
紀要陽平城在今東昌府莘縣西圖經云縣西

南七里斗城其形如斗東云卽漢陽平縣舊
治也 大清一統志陽平故城卽今東昌府莘

白馬

縣治莘亭在縣北隋于此置莘亭縣也
詩鄙風言至于漕 左傳閔二年立戴公以廬

于曹杜注曹衛下邑 戰國策韓非初見秦王
曰決白馬之口以灌魏氏 又張儀說趙王曰

守白馬之津 又蘇代約燕王曰決白馬之口
魏無黃濟陽 史記河渠書孝文時河決酸棗

東潰金隄師古曰金隄河隄名也在東郡白馬
界 本書高祖紀三年使盧縮劉賈將卒二萬

人騎數百渡白馬津入楚地 又武帝紀元封
二年夏四月至瓠子臨決河曰瓠子之歌服虔

曰瓠子隄名也在東郡白馬 又成帝建始四
年秋大河水決東郡金隄師古曰金隄今在滑

州界 又五行志成帝陽朔三年隄石白馬八
鄭志答張逸曰漕邑在河南 西征記白馬

城者卽衛之漕邑左傳所謂立戴公以廬于曹
是也 城家記秦昭王逐白馬至此而臥遂築

城以擁之故名白馬城 水經注白馬故瀆東
逕鹿鳴城南又東北逕白馬縣之涼城北者舊

傳云白馬縣有神馬亭實中層峙南北二百步
東西五十許步疑卽開山圖所謂白馬山也山

下嘗有白馬羣行悲鳴則河決馳走則山崩津
與縣蓋取此山爲名 後書袁紹傳注白馬今

滑州白馬縣也故城在今縣東 括地志白馬
故城在今滑州衛南縣西南二十四里 又云

黎陽津一名白馬津在滑州白馬縣東北三十
里 又云金隄一名千里隄在白馬縣東五里

元和志今滑州郭下白馬縣本衛之曹邑漢
以爲縣因白馬津爲名又韋城縣殷伯冢韋之

國也亦漢白馬縣地 又云白馬故關在衛州
黎陽縣東一里五步 又云金隄在酸棗縣南

二十三里 寰宇記古白馬城在今瀘州衛南
縣西二十里 又云金隄在頓邱縣北十里清

豐縣南四十五里德清軍城東南五里下入南
樂縣界 北道刊誤志白馬城在衛南縣西二

十里古衛之曹邑 通鑑地理通釋白馬津一
名黎陽津今滑州也慕容德從滑臺至黎陽津

永合夜濟乃改名天津橋高齊移石濟關於此
造橋改名白馬關周世宗北征命學士爲文祭

白馬祠秉筆者疑其所出訪于尹拙拙歷數郡國祠白馬者凡十餘處 寰宇通志白馬山在大名府滑縣東北十四里 名勝志金隄在今開州南一百五十里上接清豐下入南樂 大清一統志白馬故城在今衛輝府滑縣東二十里白馬山在縣東三十四里白馬水在縣北舊為河水分流處一曰白馬津今湮 又云金隄在今大名府元城縣舊府城北十九里南自滑縣接界繞古黃河歷開州清豐南樂大名元城東北接館陶界即漢時古隄也

燕

舊作南燕誤

南燕國姑姓 帝後

左傳隱五年衛人以燕師伐鄭杜注燕南燕也今東郡燕縣 史記始皇本紀將軍鷲攻魏定燕虛拔之 又高祖本紀使盧綰劉賈彭越擊破楚軍燕郭西 又曹相國世家程處反于燕徐廣曰今東郡燕縣 春秋世族譜南燕伯爵不知所出 水經注濮渠又東北逕燕城南故南燕姑姓之國也 又云酸澗水又東北逕燕城南 師古曰姑音其乙反 元和志今滑州昨城縣本古之昨國左傳凡蔣邢茅昨祭是也又為古之燕國左傳衛師伐鄭是也漢為燕縣 河南通志南燕城在衛輝府昨城縣東龐固社即春秋南燕國也今併入延津縣 大清一統志南燕故城在今衛輝府延津縣北故昨城東縣志云故址在縣東三十五里俗呼為城上 按續志無南字杜預注左傳徐廣注史

記亦無之水經注亦無之春秋正義引此文亦無之然則南字衍也

廩邱

左傳襄二十六年齊大夫鄆餘以廩邱奔晉襲衛羊角杜注今東郡廩邱縣故城是縣所治即羊角城也 又哀二十年公會齊人于廩邱 又二十四年滅石會晉師伐齊取廩邱 史記六國表齊宣王五十一年田會以廩邱反 又趙世家敬侯三年救魏于廩邱大敗齊人 家語孔子在齊景公欲以廩邱之邑養孔子 晉書地道記廩邱春秋時齊邑實表東海者也 水經瓠子水又東北過廩邱縣為濮水注云瓠河之北即廩邱縣也瓠河與濮水俱東流經所謂過廩邱為濮水者也後書光武紀注廩邱縣故城在今濮州雷澤縣北 山東通志廩邱在今鄆城縣西南境 大清一統志廩邱故城在今曹州府范縣東南縣志云在縣東南七十里 義東保

漢書地理志補注卷十一 陳留郡

通典陳留郡春秋時鄭國地戰國時為魏都秦屬三川郡魏惠王自安邑徙居大梁即今浚儀縣也張儀說魏哀王曰魏地四平無名山大川之限鄴生說漢王曰陳留天下之衝四通五達之郊今郡西故城即魏惠王所築秦始皇二十三年攻魏引水灌城而拔之即此 北道刊誤志王莽天鳳元年以益歲以南付新平雍邱以東付陳定封邱以東付治亭陳留以西付祈隊則莽時陳留無復有郡矣 方輿紀要陳留郡今開封府東至歸德府西皆是其境 按漢陳留郡今河南開封府之祥符陳留杞尉氏蘭陽儀封六縣歸德府之寧陵柘城二縣及睢州衛輝府之延津封邱二縣又直隸大名府之長垣縣皆其地

武帝元年置

方輿紀要陳留郡本梁地呂氏七年分立濟川國文帝初復為梁地景帝中六年又為濟川國應劭曰濟川今陳留濟陽縣也據諸侯王表序梁分為五惟濟川不見于志應劭說見水經注濟水篇小顏失採後人遂不知濟川所在矣 地理志稽疑陳留故屬秦碭郡楚漢之際屬楚國高帝五年屬漢仍屬梁國文帝元年為郡景帝中六年為濟川國武帝建元三年為郡元狩五年改名永光三年復為濟陽國建昭五年復故 又云呂后以濟南為呂國又改呂國曰濟川不久即廢而非梁之濟川王也梁濟川王都

濟陽見水經注引應劭語胡梅磻失考乃曰在陳留東郡之間而不知濟川即陳留也 廿二史考異諸侯王表梁分爲五謂梁濟川濟山東陽濟陰也漢志無濟川郡亦不言濟川國所在據水經注引應劭說云濟川今陳留濟陽縣乃知陳留郡即濟川故地志稱陳留郡武帝元狩元年置不言故屬梁國者史之闕也濟川國除在武帝建元三年其時當爲濟川郡至元狩初移治陳留乃改爲陳留郡耳

屬兗州縣十七

陳留小黃成安寧陵雍邱酸棗東昏襄邑外黃封邱長羅尉氏僑長垣平邱濟陽浚儀

陳留

公羊傳古者鄭處於留後鄭伯取鄆遷鄭而野留 史記項羽本紀沛公項羽去外黃攻陳留

孟康曰留鄭邑也後爲陳所并故曰陳留

臣瓚曰宋亦有留彭城留是也此留屬陳故稱

陳留 水經注汜水又東逕陳留縣之餅鄉亭

北 魏書地形志開封有陳留城 括地志漢

陳留郡及陳留縣之地在今汴州東五十里

寰宇記陳留縣本古有莘城國語謂之莘墟史

記云鄭桓公以周衰徙都于留即此地秦始皇

二十六年置縣 方輿紀要陳留故城在今陳

留縣北二十里 大清一統志陳留故城即今

開封府陳留縣治

魯渠水首受狼湯渠東至陽夏

屬淮陽國

入渦渠

水經注沙水又東南逕牛首鄉東南魯溝水出焉亦謂之宋溝也又逕陳留縣故城南又東南逕圍縣故城北又東南至陽夏縣故城西又南入渦今無水 師古曰渦音戈 輿地廣記陳留縣有汴河唯溝其水首受荑蕩水東入泗 大清一統志古魯渠水在陳留縣西北東南流經杞縣南又東南入陳州府太康縣界又東南入歸德府鹿邑縣合潁水

小黃

史記春申君傳說秦昭王曰王取首垣以臨平邱小黃 水經注濟水又東逕小黃縣故城北

故陽武之東黃鄉也故因水以名縣沛公起兵

喪皇妣于黃鄉天下平定乃使使者以梓宮葬

于此 又云黃水出小黃縣黃鄉黃溝國語吳

子會諸侯于黃池者也 又云汜水又逕小黃

縣故城南 隋志譙郡譙縣舊曰小黃大業三

年改 括地志小黃故城在今汴州陳留縣東

北三十三里 北道刊誤志小黃在陳留縣東

北 方輿紀要小黃城在今陳留縣東北三十

里 大清一統志小黃故城在今開封府陳留

縣東北戰國時魏邑也

成安

水經注汜水逕外黃縣南又逕利望亭南陳留

風俗傳曰利望亭故成安也 括地志成安故

城在今汝州梁縣東二十三里 方輿紀要成

安城在今開封府杞縣東 按史記韓長孺傳

梁成安人據本志陳留潁川二郡皆有成安縣

而陳留爲梁故地潁川爲韓故地史稱梁成安

則爲陳留之成安無疑若潁川之成安本邾縣也武帝封韓千秋子延年爲侯國者也

寧陵

春秋桓十五年葛人來朝杜注葛國在寧陵縣

東北 史記魏豹傳兄魏咎故魏時封爲甯陵

君晉灼曰甯陵即今寧陵是在梁國索隱曰甯

甯字轉異耳又信陵君傳封爲信陵君而食邑

于甯 孟康曰寧陵故葛伯國今葛鄉是 水

經注汜水又東逕寧陵縣之沙陽亭北故沙隋

國矣春秋成公十六年于沙隋是也又東逕葛

城北故葛伯之國也葛于六國屬魏魏以封公

子無忌號信陵君其地葛鄉即是城也在寧陵

縣西十里 元和志今宋州寧陵縣本漢舊縣

寧亦作甯 又云故葛城在今寧陵縣北十五

里即古葛伯國以不祀爲湯所滅 大清一統

志寧陵故城在今歸德府寧陵縣南縣志云故

城在南關外俗呼寧王城 按路史載有二葛

以在陳留者爲黃帝之後姬姓在河內脩武者

爲嬴姓即左傳齊昭公母葛嬴之葛也

莽曰康善

雍邱

左傳哀九年宋皇瑗帥師敗鄭師于雍邱杜注

雍邱縣屬陳留 史記六國表韓景侯元年伐

鄭取雍邱 又始皇本紀五年將軍鷲攻魏雍

邱拔之 又項羽本紀沛公項羽西路地至雍

邱大破秦軍 水經注汜水又東逕鳴雁亭南

又東逕雍邱縣故城北有故渠出焉南通睢水

謂之董生決 又云睢水又東逕雍邱縣故城

北縣舊杞國也楚滅杞秦以為縣圈稱曰縣有五陵之名故以氏縣矣城內有夏后相音在二代享祀不輟秦始皇築其表為大城而以縣焉又云渙水又東南流逕雍邱縣故城南 寰宇記雍邱縣古雍國黃帝之後姑姓亦即杞國城也 大清一統志雍邱故城即今開封府杞縣治

故杞國也周武王封禹後東樓公先春秋時徙魯東北

史記杞世家東樓公者夏禹之後殷時或封或絕周武王克殷求禹之後得東樓公封之于杞以奉夏祀 春秋世族譜杞妘姓夏禹之苗裔武王克殷求禹之後得東樓公而封之于杞今陳留雍邱縣也 杜預左傳注杞國本都陳留雍邱縣推尋事迹桓六年淳于公亡國杞并之遷都淳于僖二十四年又遷緣陵襄二十九年晉人城杞之淳于杞又遷都淳于 四書釋地武王初封東樓公之杞國即今開封府杞縣漢陳留郡之雍邱縣也至春秋時杞已遷東國國雖未知的在何所要之隱四年莒人伐杞取牟婁桓二年杞侯來朝七月伐杞人之與今之莒州及曲阜縣相鄰可知逮桓六年淳于公即經所稱州公者其國亡杞并之杜注云遷都于淳于僖十四年杞避淮夷諸侯為城焉杜注云又遷于緣陵哀二十九年晉合諸侯以城杞即昭元年祁午數趙文子之功云城淳于者杜注云杞又遷都淳于淳于漢置縣屬北海郡其故城一名杞城在今青州安邱縣東北三十里其遺

跡宛然緣陵杜上注杞邑臣瓚曰漢北海之營陵縣春秋謂之緣陵以予考之殆今昌樂縣東南五十里營邱城是蓋杞當春秋去初封已千有餘歲而顛沛流離賴人之力以圖存故云文獻無徵也漢書陳留郡雍邱縣注云故杞國也先春秋時徙魯東北按今安邱縣正在魯東北惟先春秋而徙故入春秋邑輒為莒得明據至此以杜凱之博洽為不直引此文乃云推尋事跡始知之何也

二十一世簡公為楚所滅

史記杞世家簡公立一年楚惠王之四十四年滅杞 新據地理志按杞世家自東樓公至簡公十九世惟共公子德公徐廣曰世本云惠公春秋傳又有成公是惠公之子世家無之亦但有二十世也與此不合

酸棗

左傳隱元年太叔又收貳以為己邑至于廩延 又襄二十二年鄭游吉奔晉駟帶追之及酸棗與盟 戰國策蘇秦曰魏北有河外卷衍酸棗 竹書紀年魏襄王十年大霖雨疾風河水決酸棗郭漢世塞之 史記始皇本紀三年使蒙驁攻魏拔酸棗五年蒙驁又攻魏定酸棗 又魏世家文侯三十二年伐鄭城酸棗蓋取鄭地而城之也 又韓世家哀侯即位滅鄭遂都酸棗 說苑霍黃曰酸棗無令臣進北門而魏無齊憂 任昉述異記魏世河內冬雨棗舊說周秦時河南雨酸棗遂生野酸棗今酸棗縣是也棗之甚小者謂之酸棗 水經注河水自武德

縣東至酸棗縣濮水東出焉漢孝文時河決酸棗東潰金隄大發卒塞之今無水 又云濮渠又東北逕酸棗縣故城南故韓國也圈稱曰昔天子建國名都或以今名或以山材故豫章以樹氏郡酸棗以棘名邦漢官儀曰舊河隄謂者居之城北韓之市地也聶政死其姊哭之于此 又云濟瀆又東逕酸棗縣之烏巢澤北澤有故亭在酸棗東南 括地志酸棗故城在今滑州酸棗縣北十五里 通典秦拔魏置酸棗縣漢因之以其地多酸棗故名 元和志今滑州酸棗縣本漢秦舊縣以地多酸棗其仁入藥用故名故城在今縣西南十五里六國時韓王所理處舊址猶存 寰宇記韓王臺有二並在酸棗縣南十六里又韓王望氣臺在縣南十五里故老云韓王聽政之觀又有冰井在縣西南二十里韓襄王藏冰之所 輿地廣記酸棗縣戰國時嘗為韓所都刺客聶政為濮陽嚴仲子殺韓相俠累于此 河南通志酸棗廢縣在衛輝府延縣西北會安鎮按綱目張儀說魏王曰秦下兵攻河外據酸棗則趙不南梁不北而縱道絕注云酸棗在黃河南故云河外今黃河遷封邱祥符間則酸棗又在河北矣 衛輝府志酸棗山今延津縣東南二里黃河遠其下 大清一統志酸棗故城在今衛輝府延津縣北十五里 按本書王子侯表武帝封廣川惠王子某為酸棗侯即此 又按本志末所載十二國分城酸棗屬河南

東昏

左傳哀十三年會于黃池吳人囚子服景伯而還及戶牖歸之杜注戶牖陳留外黃縣西北東昏城是 史記陳丞相世家陽武戶牖鄉人徐廣曰戶牖今爲東昏縣屬陳留索隱曰秦時戶牖鄉屬陽武王至漢以戶牖爲東昏縣屬陳留也 水經注濟水又東逕東昏縣故城北陽武之戶牖鄉矣漢丞相陳平家焉 通典東昏俗曰東緒者誤 元和志東昏故城在今汴州陳留縣東北九十里東明縣西北本漢縣王莽改曰東明卽陽武之戶牖鄉陳平之故里也 史記索隱陳平所居里名庫上里知者據蔡邕陳留東昏庫上里社碑云惟斯庫里古陽武之牖鄉 寰宇記東明縣在開封縣東九十里東昏故城在今縣西北顧炎武金石文字記漢陳留郡有東昏後漢志注云陳留志曰故戶牖鄉有陳平祠而山陽郡有東昏後漢志春秋時曰緒注云左傳僖二十三年齊侯伐宋圍緒前書師古曰緒音晏左傳解緒宋邑高平昌邑縣東南有東昏城史記周勃世家攻爰戚東昏緒以往索隱曰山陽有東昏緒屬陳留者音昏屬山陽者音曷括地志云東昏緒故城在兗州金鄉縣界水經注引王淹碑辭曰使河陽隄謁者山陽東昏司馬登是以緒爲昏誤矣隸釋酸棗今劉熊碑陰故守東昏長蘇勝則陳留之東昏也又通鑑注李愬攻金鄉引東昏者故陽武戶牖鄉亦誤 方輿紀要東昏城在蘭陽縣東北二十五里相傳秦始皇東游至此昏霧四塞不能進故名有秦臺廢址存焉 大清一統志東昏故城在

今開封府蘭陽縣東北二十里 莽曰東明 襄邑 竹書紀年梁惠成王十七年宋景鼓衛公孫倉會齊師圍我襄陵十八年惠成王以韓師敗諸侯之師于襄陵 左傳文十一年叔仲彭生會晉卻缺于承匡 戰國策犀首以梁與齊戰于承匡 京相璠曰襄邑縣西三十里有承匡城春秋會于承匡者也 水經注睢水又東逕襄邑縣故城北 又云渙水又東逕承匡城又東逕襄邑縣故城南師古曰圈稱云襄邑宋地本承匡襄陵鄉也宋襄公所葬故曰襄陵秦始皇以承匡卑溼故徙縣于襄陵謂之襄邑縣西三十里有承匡城應劭以爲春秋之襄牛誤矣 元和志今宋州襄邑縣本漢舊縣承匡故城在縣西南二十五里 大清一統志襄邑故城在今歸德府睢州西一里 有服官 說文錦襄邑織文也 論衡襄邑能織錦恆婦無不巧 曹洪與子桓書遊睢渙者學藻綉之采 左思魏都賦襄邑錦繡 續輿服志襄邑歲獻織成虎文 陳留風俗傳襄邑縣南有渙水北有睢水故傳曰睢渙之間出文章故有黼黻漢錦日月華蟲以奉天子郊廟御服焉尙書所謂厥篋織文者也 任昉述異記睢渙二水波文皆若五色其地多文章故名續水 孫盛晉陽秋有司奏調睢陽綿 本書元帝紀注襄邑出文繡 孔氏尙書正義漢世陳留襄邑縣

置服官使制作衣服是兗州繡錦美也 元和志宋州出黃綿 莽曰襄平 外黃 左傳隱元年惠公之季年敗宋師于黃杜注黃宋邑陳留外黃縣東有黃城 戰國策蘇代曰決白馬之口魏無黃濟陽 史記項羽本紀沛公項羽還攻外黃未下 又魏世家惠王三十年齊擊魏魏太子申爲上將軍過外黃 又張耳傳亡命遊外黃外黃富人女甚美嫁之以故致千金乃官魏爲外黃令 又彭越傳漢二年越將其兵三萬餘人歸漢于外黃 又樊噲傳擊破王武程處軍于外黃 張晏曰魏郡有內黃故此加外 臣瓚曰縣有黃溝故氏之也 水經注汜水又逕外黃縣南 又云黃水東流逕外黃縣故城南東逕葵邱下春秋僖公九年齊桓公會諸侯處 括地志故周城卽外黃之地在雍邱縣東 通典外黃故城在今汴州陳留縣東北 元和志外黃故城在今汴州雍邱縣東六十里 史記正義外黃故城在今曹州考城縣東二十四里 輿地廣記外黃故城在今開封府雍邱縣東 吳師道國策補注今陳留外黃故宋城也後徙睢陽 方輿紀要外黃城在今開封府杞縣東北六十里 大清一統志外黃故城在今開封府杞縣東 封邱 左傳文十一年宋武公敗鄭瞞于長邱杜注長邱宋地 應劭曰封邱今翟溝是 東征賦涉

封邱而踐路 博物志封邱有狄溝即春秋敗

狄于長邱是也 陳留風俗傳封邱者高祖與

項氏戰厄于延鄉有翟母免其難故以延鄉為

封邱縣以封翟母焉 水經注濟水又東逕封

邱縣南 又云濟瀆又東逕封邱縣南燕縣之

地延鄉也其在春秋為長邱漢高帝以封翟母

元和志今汴州封邱縣本漢舊縣古封國之

地左氏傳所謂賜封父之繁弱是也 方輿紀

要翟灌在封邱縣南八里孟康曰春秋時宋敗

長狄于此因名或曰即白溝也因轉為翟西接

黃河支流引瀆東入環帶縈紆澄澈如鑑一名

滌渠亦曰淇渠 大一統志封邱故城即今

衛輝府封邱縣治

濮渠水首受洹東北至都關

屬山陽郡

入羊里水

水經瓠子河出東郡濮陽縣北東至句陽縣為

新溝又東北過廩邱縣為濮水又北過范縣為

濟渠注云瓠子北有都關縣故城縣有羊里亭

瓠河逕其南為羊里水首受洹北泆也 水經

注北濟水又東北逕定陶縣故城北又東北與

濮水會上承濟水于封邱縣即地理志所謂濮

渠水首受濟者闕駟曰首受別濟即北濟也

大清一統志古濮渠在今封邱縣西南東北流

入直隸長垣縣界濮水本大河分流自黃河遷

決濮流亦堙今衛輝府延津滑二縣境有衛南

陂柳清河沙河皆濮渠之餘流也 段玉裁說

文注今濮河自河南封邱縣流經長垣縣北東

明縣南又東經開州東南合洪河入山東濮州

界俗訛為普河顧宛溪云今濟絕河遷濮水源

流不可復考矣

過郡三行六百三十里

過東郡濟陰山陽三郡

長羅

水經注圈稱言長垣有羅亭故長羅縣也後漢

省并長垣有長羅澤即吳季英牧豬處又有長

羅置遵伯玉置 通典漢長羅縣故城在今滑

州匡城縣東北 寰宇記長羅縣城在今匡城

縣東北四十里 輿地廣記漢長羅縣故城在

今長垣縣東北古蒲邑在此子路為之宰 大

清一統志長羅故城在今大名府長垣縣北舊

志云在縣北十里

侯國

功臣侯表長羅壯侯常惠宣帝本始四年封

莽曰惠澤

尉氏

本書成帝紀永始三年尉氏男子樊並等十三

人謀反 應劭曰古獄官曰尉氏鄭之別獄也

臣瓚曰鄭大夫尉氏之邑故遂以為名 水

經注長明溝水又東逕尉氏縣故城南圈稱曰

尉氏鄭國之東鄙弊獄官名也 師古曰鄭大

夫尉氏亦以掌獄之官故為族耳應說是也

寰宇記秦始皇二年置尉氏縣 寰宇通志尉

氏縣在今開封府城南九十里 大一統志

尉氏故城即今開封尉氏縣治 地理志稽疑

鄭之尉氏以其官氏而食邑于此因以名獄非

僞 獄在此也

水經注睢水又東逕寧陵縣故城南歷鄆縣北

二城南北相去五十里故經有睢水出鄆縣之

文也 又云渙水又東南逕鄆城北 師古曰

僞音偃 元和志故鄆城在今宋州寧陵縣南

五十三里漢之僞縣也 寰宇記漢僞縣故城

在今柘城縣北二十九里 大一統志僞縣

故城在今歸德府柘城縣北 按僞續志作隔

水經注作鄆古字通也應氏以為即鄭伯克段

處則誤矣鄭伯克段于鄆乃穎川僞陵縣此非

也

莽曰順通

長垣

竹書紀年惠成王十三年鄭釐侯致平邱戶牖

首垣諸邑 戰國策韓修謂秦王曰進齊宋之

兵至首垣遠薄梁郭 史記趙世家肅侯七年

公子刻攻魏首垣 又春申君傳說秦王曰又

並蒲衍垣 東征賦到長垣之境界 北征記

長垣城周三里 水經注濮渠又東逕長垣縣

故城北故衛地也故首垣矣秦更從今名陳留

風俗傳曰縣有防垣故縣氏之 括地志長垣

故城在今匡城縣東北二十七里 元和志今

滑州匡城縣古衛之匡邑論語子畏于匡即此

至漢為長垣縣古匡城在今縣西南十里 又

云長垣故城一名倉垣城在今汴州開封縣北

二十里漢陳留太守所理 地理通釋按正義

以首垣為二邑首即牛首垣即長垣愚謂魏有

王垣有新垣此首垣國策謂遠薄梁郭當從水經注爲陳留之長垣 名勝志長垣故城在今縣東北四十里地名鮑垣漢置隋改匡城唐復今名 潛邱劄記元和志以長垣爲陳留太守所理則漢時陳留郡治長垣矣而又云陳留郡治陳留自相抵牾何也 大清一統志長垣故城在今大名府長垣縣東北十餘里明統志謂在今縣西南三十五里者誤

莽曰長固
平邱

春秋昭十三年會于平邱杜注平邱在陳留長垣縣西南 史記春申君傳說秦王曰以臨仁平邱索隱曰仁及平邱二縣名平邱屬陳留仁今不知所在 東征賦得平邱之北邊 陳留風俗傳平邱衛靈公所置邑 水經濟水又東過平邱縣南注云北濟也縣故衛地有臨濟亭田僮死處也 魏書地形志長垣縣有平邱城 寰宇記平邱故城在今陳留縣西北九十里 大清一統志平邱故城在今直隸大名府長垣縣西南五十里河南開封府封邱縣東四十里

濟陽

左傳桓十二年公會鄭伯盟於武父杜注武父鄭地陳留濟陽縣東北有武父城 竹書紀年惠成王三十年城濟陽 戰國策蘇代曰決白馬之口魏無黃濟陽 史記靳歙傳起冤胸攻濟陽 水經濟水又東過濟陽縣北注云北濟也自武父城北東逕濟陽縣故城北陳留風俗

傳曰縣故宋地也 水經注濟水又東逕濟陽縣故城南故武父城也城在濟水之陽故以爲名 後書光武紀注濟陽故城在今曹州宛胸縣西南皇考南頓君初爲濟陽令以哀帝建平元年生帝于濟陽宮 元和志濟陽故城在今宛胸縣西南五十五里 寰宇記濟陽故城在今宛胸縣西南三十五里 九域志應天府穀熟下邑二縣並有濟陽鎮 地理通釋今開封府東明縣濟陽鎮即漢濟陽縣地 方輿紀要濟陽城在今蘭陽縣東五十里 山東通志濟陽城在今曹縣西南五十里 大清一統志濟陽故城在今開封府儀封縣北舊志云在縣北五十里 按濟陽故城在今河南開封府儀封縣北五十里山東曹州府曹縣西南六十里漢景帝中六年封梁孝王子明爲濟川王應劭曰濟川即濟陽縣也 莽曰濟前 浚儀故大梁魏惠王自安邑 屬河東郡 徙此

竹書紀年梁惠王三十一年始爲大溝于北郭以行圃田之水像而儀之曰浚儀 史記魏世家惠王三十一年徙治大梁徐廣曰今浚儀又秦本紀襄王三十二年穰侯攻魏至大梁又始皇本紀三十二年王賁攻魏引河溝灌大梁大梁城壞 又信陵君傳魏有隱士侯嬴爲大梁夷門監者夷門者城之東門也 應劭曰魏惠王自安邑徙浚儀號曰梁 文穎曰今浚

儀縣有大梁亭 帝王世紀禹避商均于浚儀 晉書地道記儀封人浚儀人也 城家記大梁城畢公高所築 水經渠水又東至浚儀縣注云陳留風俗傳曰縣北有浚水像而儀之故曰浚儀予謂故汴沙爲陰溝浚之故曰浚其猶春秋之浚泝乎漢氏之浚儀水無他也皆變名矣 水經注渠水又東逕大梁城南陳留風俗傳曰大梁魏之都也畢萬十葉徙此本春秋之陽武高陽鄉也於戰國爲大梁秦滅魏以爲縣漢文帝封孝王子梁孝王以土地下濕東都睢陽又改曰梁自是置縣 輿地記夷門之下新里之東浚水之北像而儀之以爲邑名 元和志今汴州郭下西界浚儀縣本漢舊縣因浚水爲名也 寰宇記漢武帝元年廢新里城而立浚儀縣 北道刊誤志祥符縣本漢浚儀縣浚溝在開封縣東北五里輿地記云夷門之下新里之東浚水經其北而舊經不載其源鄴道元以爲汴于大梁北又曰浚水理或然也 輿地廣記祥符縣有夷門山夷門者大梁城之東門也魏人侯嬴抱關于此 方輿紀要詩爰有寒泉在浚之下志云今祥符縣西三十里有寒泉 破印詩所稱浚水爲汴所奪故汴水經大梁北亦兼浚水之名蓋不始于漢氏也 河南通志儀城在蘭陽縣西北二十里儀封人請見孔子處今縣北有儀封鄉 大清一統志浚儀故城在今開封府祥符縣西北浚水在縣北 睢水首受狼湯水東至取慮 屬臨淮郡

入泗

續志劉昭注補通俗文曰渠在浚儀曰蕘蕘也
水經睢水出梁郡鄆縣又東過睢陽縣南相
縣南屈從城北東流當蕭縣南入于泗注云睢
水出陳留縣西蕘蕘渠經言出鄆縣非也東南
流逕十二縣治入于泗謂之睢口經止蕭縣亦
非也 寰宇記睢溝在陳留縣東南五里其後
開通濟渠而此渠廢 今水經睢水有二一在
陳留縣東北四十里東逕睢州達寧陵縣一在
夏邑縣南二十里逕永城縣合沙白水過宿州
城二十里逕靈璧縣北入徐州境城南二十里
東流逕睢寧縣界又東北至宿遷縣入泗水
河南通志睢水在陳留縣東北四十里合小黃
河入杞縣睢州寧陵商邱即浚儀蕘蕘渠之下
流也東至江南虹縣而入于泗 大清一統志
睢水故汴水分流也自陳留東至杞縣北又東
入歸德府睢州界經永城縣東南流入江南鳳
陽府宿州北與徐州府蕭縣接界東流經靈璧
縣北六十里又東入睢寧縣界又東北至宿遷
縣入于泗

漢書地理志補注卷十二
潁川郡
水經注潁川郡蓋因水以著稱者也 後書光
武紀注潁川郡今洛州陽翟縣也 方輿紀要
潁川郡今開封府之禹州及汝寧府以至汝州
之境 按漢潁川郡今河南許州之臨潁襄城
鄆城長葛四縣汝州之郊寶豐二縣開封府之
鄆陵縣及禹州南陽府之舞陽葉二縣河南府
之登封縣陳州府之扶溝縣皆其地
秦置
史記始皇本紀十七年內史騰攻韓得韓王安
盡納其地以爲郡命曰潁川郡又韓世家王安
九年秦虜王安盡入其地爲潁川郡韓遂亡
戰國策游騰謂尚壽曰公何不以秦爲韓求潁
川于楚此韓之寄地也 按如國策之說則潁
川之名不始于秦矣
高帝五年爲韓國六年復故
史記高祖本紀五年立故韓王信爲韓王都陽
翟六年徙都太原
莽曰左隊
按本書王莽傳有左隊大夫王吳 後書郭暉
傳有左隊大夫遂並
陽翟有工官屬豫州
晉書地理志豫州按禹貢爲荆河之地周禮河
南曰豫州豫者舒也言稟中和之氣性理安舒
也春秋元命包云鈞鈴星別爲豫州地界西自
華山東至于淮北自濟南界荆山秦兼天下以
爲三川河東南陽潁川碭泗水薛七郡漢改三

川爲河南郡武帝置十三州豫州舊名不改
縣二十

陽翟昆陽潁陽定陵長社新汲襄城鄆鄉舞陽
潁陰密高許僞陵臨潁父城成安周承休陽城
綸氏

陽翟夏禹國

春秋桓十五年鄭伯突入于櫟杜注櫟鄭別都
也今河南陽翟縣 戰國策昭獻在陽翟周君
將令相國往 應劭曰陽翟夏禹都也 臣瓚
曰世本禹都陽城汲郡古文亦云居之不居陽
翟也 孟康曰夏啓有鈞臺之囂今鈞臺在陽
翟南 古史考鄭厲公入櫟卽陽翟也 徐廣
曰夏居河南初在陽城後居陽翟王隱晉書陽
翟本櫟也 晉書地道記陽翟去淮陽二百八
十六里 水經注潁水又東逕陽翟縣故城北
春秋經書鄭伯突入于櫟左傳曰突殺檀伯而
居之服虔曰檀伯鄭守櫟大夫櫟鄭之大都宋
忠曰今陽翟也故潁川郡治夏禹始封于此爲
夏國故武王至周曰吾其有夏之居乎遂營洛
邑徐廣曰河南陽城陽翟則夏地也 師古曰
陽翟本禹所受封耳應瓚之說皆非也 史記
索隱翟音狄俗又音宅櫟音歷卽鄭初得十邑
之歷也 通典今河南府陽翟縣禹所都也漢
爲潁川郡地 元和志河南府陽翟縣本夏禹
所都春秋時鄭之櫟邑 寰宇記陽翟縣在許
州西北九十里 皇王大紀禹受封爲夏伯在
禹貢豫州外方南于秦漢屬潁川本韓地今河
南陽翟是也 大清一統志陽翟故城卽今開

封府禹州治

周末韓景侯自新鄭徙此

史記六國表韓景侯九年鄭圍我陽翟 元和志韓自宜陽移都陽翟 新校地理志史記韓世家貞子徙平陽景侯徙新鄭不言景侯徙陽翟且哀侯在景侯之後與自鄭徙陽翟之說亦不符

莽曰潁川

昆陽

史記魏世家蘇秦說襄王曰南有昆陽 應劭曰昆水出南陽 水經注昆水出魯陽縣唐山東南流逕昆陽縣故城西蓋藉水以氏縣也 又云潢水又東南逕昆陽縣故城北漢光武大敗王尋王邑兵于此 括地志昆陽故城在今汝州葉縣北二十五里 後書光武紀注昆陽故城在今許州葉縣北 方輿紀要昆水源出魯山縣界東南流至舞陽縣界合于沙河昆陽縣即以此名 大清一統志昆陽故城即今南陽府葉縣治昆水一名渾河亦名萬金河源出葉縣西青山西麓東流至縣南關外又東至舞陽縣北舞鎮入于汝

潁陽

史記始皇本紀二世二年沛公南攻潁陽屠之 應劭曰縣在潁水之陽故氏之 水經潁水又東南過潁陽縣西 後書光武紀注潁陽縣故城在今許州西南 九域志登封縣有潁陽鎮 方輿紀要潁陽城在今登封縣東南八十里 大清一統志潁陽故城在今許州城西南

定陵

水經注汝水東北過潁川定陵縣西北又東入汝 帝元延二十年封侍中衛尉淳于長為侯國 後書光武紀注定陵故城在今鄆城西北 寰宇記定陵城在今舞陽縣北六十里 九域志舞陽縣有北壽鎮即故定陵縣也 大清一統志定陵故城在今南陽府舞陽縣北十五里有東不羹

左傳昭十一年楚子大城陳蔡不羹杜注定陵西北有不羹亭 韋昭曰陳蔡不羹三國楚別都也 師古曰羹音郎其後亦同集韻不鄭邑名通作羹 宋庠國語補音羹音魯當反 方以智通雅楚子城不羹注音郎廣韻韻會陽韻皆未收此字殆漏失也本作更更讀如岡又轉為郎耳 大清一統志東不羹城在舞陽縣西北

莽曰定城

長社

春秋隱五年宋人伐鄭圍長葛杜注潁川長社縣北有長葛城 史記秦本紀昭襄王三十三年客卿胡傷攻魏長社取之 本書樊噲傳從攻長社輟輟 應劭曰宋人圍長葛是也其社中樹暴長因更名長社 晉書地道記縣本名長葛社中樹暴長漢改名 水經注洧水又東逕長社縣故城北鄭之長葛邑也又云洧水又東南逕長社故城西北南漢北漢二水出焉 師古曰長讀如本字 後書靈帝紀注長社今

許州縣也故城在長葛縣西 隋志潁川縣舊曰長社開皇初改 括地志長社故城在許州長葛縣北十二里鄭之葛邑也 元和志今許州郭下長社縣本漢舊縣又長葛縣亦長社地故地在長葛縣西一里 寰宇記長社城俗亦呼長平城 大清一統志長社故城在今許州長葛縣西

新汲

水經注洧水又東逕新汲縣故城北漢宣帝神爵二年置于許之汲鄉曲洧城以河內有汲縣故加新也 後書王隆傳注新汲故城在今許州扶溝縣西 方輿紀要新汲城在今開封府洧川縣南春秋時曲洧也左傳成十七年公會諸侯伐鄭自戲童至于曲洧即此 大清一統志新汲故城在今陳州府扶溝縣西南舊志云在縣西南二十里今名雜下村 按本志末所載十二國分城新汲屬汝南

襄城

左傳僖二十四年王出邊鄭處於汜杜注此南汜也在襄城縣南 莊子黃帝將見大隗于具茨之山至于襄城之野 史記魏世家昭王元年秦拔我襄城 又始皇本紀二世二年項梁使羽別攻襄城 京相璠曰南汜水出襄城縣浮城山至鄭州汜水縣入河周襄王出居于此故名襄城 晉書地道記襄城城楚靈王築 水經注汝水又東南逕襄城縣故城南劉向說苑曰襄城君始封之日服翠衣帶玉珮徙倚于流水之上即是水也後乃縣之其城南對汜城

周襄王出鄭居汜卽是此城楚大夫莊辛所說處昔黃帝嘗遇牧童于其野故穠叔夜贊曰奇矣難測襄城小童倦游六合來憩此邦也元和志今汝州襄城縣本秦舊縣漢因之古城楚靈王所築莊子曰黃帝游于襄城之野七聖皆迷遇牧馬童子而問道門焉卽此地也寰宇通志襄城本春秋鄭之汜地楚靈王城之以周襄王出居焉因名 大清一統志襄城故城在今許州襄城縣西舊志云在今縣西墟外遺蹟連互達于城隅 按左傳僖二十四年王出適鄭處於汜成七年楚子重伐鄭師于汜襄二十六年楚代鄭涉于汜昭五年楚令尹子蕩如晉逆女過鄭伯勞諸汜此皆南汜也在今許州襄城縣南其東汜則在今開封府中牟縣南左傳僖三十年秦晉圍鄭秦軍汜南是也以在汜南故爲東汜各隨其地之所近而言也

有西不羹 杜預左傳注襄城縣東南有不羹城 晉書地道記西不羹城楚靈王所築 水經注汝水又東南流逕西不羹城南 又云澁水東逕西不羹亭南于定陵城北東入汝其亭北背汝水括地志西不羹城在襄城縣東三十里 方輿紀要西不羹城在襄城縣東南楚別都也 大清一統志西不羹在襄城縣東南二十里舊志云今呼爲堯城 莽曰相城

水經注汝水又東南流逕鄆縣故城北故魏之

下邑也史記楚昭陽伐魏取鄆是也 師古曰音一戰反 晉書音義音一健反 後書光武紀注鄆今豫州鄆城縣也 括地志故鄆城在今縣南五里 元和志今蔡州鄆城縣本漢鄆縣又褒信縣亦漢鄆縣地 通鑑地理志通釋鄆戰國策作鄆楚昭陽伐魏取鄆是也今屬潁昌府 寰宇通志漢鄆縣本古鄆子國在許州南一百二十里 大清一統志鄆縣故城在今許州鄆城縣南通志云有故城在今縣西南五里俗謂之道州城

郟

左傳昭元年楚公子圍使公子黑肱伯州犂城郟杜注郟縣屬襄城本郟邑此時已屬楚 又昭十九年楚令尹子瑕城郟叔孫昭子曰楚不在諸侯其僅自完也 鄭語史伯謂桓公曰惟謝郟之間其君驕侈章注問謂郟南謝北號檜在焉郟後屬鄭鄭衰楚取之魯昭元年傳曰葬王子郟謂之郟敖是也 史記始皇本紀二世元年陳勝將鄆龍將兵居郟秦章邯破之 又南越傳郟壯士韓千秋 水經注汝水又東南逕郟縣故城南澁水注之 師古曰郟音夾 後書光武紀注郟今汝州郟城縣也 元和志今汝州郟城龍興二縣並漢郟縣地 國語補音郟古洽反 大清一統志郟縣故城即今汝州郟縣治 按此卽楚公子圍葬郟敖處或以爲郟郟之郟者誤

舞陽

戰國策秦繞舞陽之北以東臨許則南國必危

矣 又蘇秦記魏王曰大王之地南有許鄆舞陽 史記信陵君傳謂安僖王曰秦葉陽昆陽與舞陽鄰 應劭曰舞水出南 說文灋水出南陽舞陽東入潁 水經注灋水又東北逕舞陽縣故城南 又云波水東逕舞陽縣故城北 元和志今許州舞陽縣本漢舊縣在舞水之陽因名漢封樊噲魏封司馬懿皆卽此地 舊唐書地理志許州舞陽漢縣治所在古城內元和十三年移治于吳城鎮 寰宇記舞水在今舞陽縣北六十里 大清一統志舞陽故城在今南陽府舞陽縣西

潁陰

水經潁水又東南過潁陰縣西南注云潁水又南逕潁鄉城西潁陰縣故城在東北舊許昌典農都尉治也 又云潁水又南逕潁陰縣故城西 大清一統志潁陰故城即今許州治舊志云自唐以後許昌皆治此 按潁陰卽漢高帝封灌嬰處今許州也故城則在開封府禹州東南四十里括地志寰宇記並云在南頓縣西北十三里者非是

密高武帝置以奉太室山是爲中岳有太室少室山廟古文以密高爲外方山也

禹貢熊耳外方桐柏至于陪尾 左傳昭四年晉司馬侯曰陽城太室九州之險 國語內史過曰昔夏之興也祝融降于密崇山章注崇嵩字古通用夏都陽城嵩高所近嵩高山有太室少室之山山有厚望故以名云爾雅釋山嵩高爲中嶽郭注太室山也 又云山大而高峻郭

今中嶽嵩高山蓋依此名 史記封禪書昔三代之君皆在河洛之間故嵩高爲中嶽 本書武帝紀元封元年春正月行幸緱氏詔曰朕用事華山至于中嶽其令祠官加增太室祠以山下戶三百爲之奉邑名曰崇高 又郊祀志宣帝神爵元年定制祀中岳泰室于嵩高 淮南地形訓少室太室在冀州高誘注少室太室在陽城嵩高下之別名 白虎通中央之嶽獨加嵩高字者何中央居四方之中而高故曰嵩高也 鄭氏詩譜外方之山卽嵩也山海經泰室之山郭注卽中岳嵩高山今在陽城縣西 釋名嵩字或爲崧山大而高曰嵩 西征記其山東謂之太室西謂之少室相去十七里嵩其總名也高八百六十丈方十里謂之室者山下各有石室也 水經注潁陰縣俗謂之崧陽城合而言之爲潁陰分而言之爲二室西南爲少室東北爲太室 師古曰謂之崇者亦尊崇也 孔氏詩正義堯時止有四岳而已不主中岳毛傳云崧高貌此則山高者自名崧不主中岳而言今之中岳名崧或取此以立名也 括地志嵩高山一名太室山一名外方山在洛州陽城縣西北二十三里 十道志河南名山曰嵩高 通典今河南府登封縣卽漢潁陰縣武太后因封中岳改爲登封 元和志嵩高山在登封縣北八里告成縣西北三十三里高二十里周一百三十里少室山在登封縣西十里告成縣西北五十里高十六里周三十里 國語補音崇古崇字 禹貢錐指古時皆指嵩高爲太

室而韋昭戴延之則兼二室並稱然前賢題詠猶以太室稱嵩山而少室則仍其本名故有嵩少之目 又云先儒皆以嵩高爲外方金吉甫曰嵩高世名中嶽安得與江夏內方相爲內外哉據唐志陸渾山一名方山蓋古外方云此說非是嵩高當禹時未爲中嶽卽爲中嶽而仍名外方與東岱西華南衡北恆一例理無可疑且陸渾方山亦何以知其爲外方乎 景日昡說嵩漢志潁陽陽城綸氏崇高四縣並置潁陽在少室南綸氏在少室西南陽城在少室東南崇高爲中岳奉邑在山下卽今登封縣治是已然四縣幅員不過百里內鱗次櫛比亦太狹矣故東漢省之尙書地理今釋外方卽今中嶽嵩山在河南府登封縣北十里西接洛陽縣北接鞏縣東接開封府密縣界縣互一百五十里 大清一統志潁陰故城卽今河南府登封縣治舊志云有故城在縣西北一里 又云中嶽廟在今登封縣東八里華蓋峯下漢志謂之太室廟 又云嵩山在登封縣北古曰外方又名嵩高亦曰太室其西曰少室 按密卽古崇字說文無嵩崧二字新附有之云嵩中岳嵩高山也從山從高亦從松 許故國姜姓四岳後太叔所封二十四世爲楚所滅

春秋世族譜許姜姓與秦同祖堯四岳伯夷之後也周武王封其苗裔文叔于許今潁川許昌是也戰國初楚滅之 說文靈炎帝太岳之胤甫侯所封在潁川从邑無聲讀若許 玉篇鄆 啟呂切甫侯所封在潁川 水經注洧水東逕許昌縣故許男國也穆天子傳天子見許男于洧上者也 又云潁水自潁陽城西又東逕許昌城南又東南入于潁 括地志許故城在許州許昌縣南三十里本漢許縣故許國也 集韻鄆或作鄆通作許 方輿紀要許昌城在今許州東二十里故許國秦爲縣漢因之魏黃初二年改爲許昌 大清一統志許昌故城在今許州城西南 按孔氏春秋正義引此云文叔世族譜亦云文叔又說文敍自云呂叔作藩俾侯于許然則封許者乃文叔非太叔亦非甫侯也 又按韓非子云許恃楚而不聽魏楚攻宋而魏滅許韓非戰國時人必悉近事許之亡蓋亡于魏非楚也 僞陵 左傳隱元年鄭伯克段于鄆杜注今潁川鄆陵縣 春秋成十六年晉楚戰于鄆陵 國語富辰曰鄆之亡也由仲壬韋住鄆邲姓之國爲鄆武公所滅 戰國策秦王謂安陵君曰寡人欲以五百里之地易安陵 續郡國志鄆陵春秋時曰鄆 李奇曰鄆陵六國時曰安陵 水經注洧水又東逕僞陵縣故城南李奇曰六國爲安陵也昔秦求易地唐且受使于此 師古曰僞音偃 晉書音義僞於晚反 元和志今許州鄆陵縣本漢舊縣春秋鄭伯克段于鄆晉楚戰于鄆陵並此地故地在今縣西北十五里 國語補音鄆本或作僞古字通 方輿紀要鄆陵舊城在今開封府鄆陵縣西南四十里 春

秋傳說彙纂鄢陵與鄢本一地鄭武公滅鄢初仍故名後改為鄢陵耳 大清一統志鄢陵故城在今開封府鄢陵縣西北縣志云在縣西北甘羅保北 按僞陵即鄢陵續志作陽陵古字通也六國時改曰安陵水經注分為二地非是莽曰左亭

九年費無極言于楚子大城城父而置太子建杜注今襄城城父縣此又一城父也哀六年昭王攻大冥卒于城父即此漢置父城縣王莽末馮異為父城長光武屯巾車鄉獲之即此處今河南汝州郊縣有父城城 江永春秋地理考實春秋城父俱當作父城即漢地理志潁川郡之父城縣也水經注汝水又東南與龍山水會水出龍山北流逕父城縣故城東楚平王大城父城以居太子建故杜預曰即襄城城父縣也故父城在今汝州東南因昭九年許遷于夷實城父此年傳與注俱訛作城父不知城父在譙郡父城在襄城郡杜注原有別也父城近葉之方城故費無極之讒言曰建與伍奢將以方城之外叛若城父在今潁州府去方城遠矣 按父城城父本是兩地據本志潁川郡有父城縣而沛郡有城父縣續志父城仍屬潁川而城父改隸汝南水經注言汝水又逕郟縣故城南激水注之水出魯陽縣將孤山東入父城縣與桓水會逕賈復城東北至郟縣入汝此正潁川之父城也楚平王大城城父居太子建即此左傳及注所云城父並當作父城無疑

左傳隱元年鄭莊公置母姜氏于城穎賈逵曰鄭地孔穎達曰即臨潁縣也 水經注潁水又東逕臨潁城北城臨水闕南面 又云春陵陂水又東入臨潁縣之狼陵潁水又東南流而歷臨潁縣也 元和志今許州臨潁縣本漢舊縣

應鄉故國周武王弟所封

襄宇通志臨潁故城在今許州臨潁縣西北舊志云在縣西十五里

左傳昭十九年費無極言于楚子大城城父而置太子以通北方故置太子建于城父杜注今襄城城父縣 又哀十六年太子建自城父奔宋 水經注激水出魯陽縣將孤山東入父城縣與桓水會 又云龍山水出龍山龍谿北流際父城縣故城東 後書光武紀注父城縣故城在今許州葉縣東北 括地志父城故城在今魯山縣東三十里 元和志父城故城在今郟縣東南四十里 大清一統志父城故城在今汝州寶豐縣東四十里縣志今縣東有父城保 顧棟高春秋大事表楚有兩城父一為夷城父在今潁州府亳州東南一為北城父昭十

莽曰監潁

應鄉故國周武王弟所封

左傳昭十九年費無極言于楚子大城城父而置太子以通北方故置太子建于城父杜注今襄城城父縣 又哀十六年太子建自城父奔宋 水經注激水出魯陽縣將孤山東入父城縣與桓水會 又云龍山水出龍山龍谿北流際父城縣故城東 後書光武紀注父城縣故城在今許州葉縣東北 括地志父城故城在今魯山縣東三十里 元和志父城故城在今郟縣東南四十里 大清一統志父城故城在今汝州寶豐縣東四十里縣志今縣東有父城保 顧棟高春秋大事表楚有兩城父一為夷城父在今潁州府亳州東南一為北城父昭十

應鄉故國周武王弟所封

左傳昭十九年費無極言于楚子大城城父而置太子以通北方故置太子建于城父杜注今襄城城父縣 又哀十六年太子建自城父奔宋 水經注激水出魯陽縣將孤山東入父城縣與桓水會 又云龍山水出龍山龍谿北流際父城縣故城東 後書光武紀注父城縣故城在今許州葉縣東北 括地志父城故城在今魯山縣東三十里 元和志父城故城在今郟縣東南四十里 大清一統志父城故城在今汝州寶豐縣東四十里縣志今縣東有父城保 顧棟高春秋大事表楚有兩城父一為夷城父在今潁州府亳州東南一為北城父昭十

應鄉故國周武王弟所封

左傳昭十九年費無極言于楚子大城城父而置太子以通北方故置太子建于城父杜注今襄城城父縣 又哀十六年太子建自城父奔宋 水經注激水出魯陽縣將孤山東入父城縣與桓水會 又云龍山水出龍山龍谿北流際父城縣故城東 後書光武紀注父城縣故城在今許州葉縣東北 括地志父城故城在今魯山縣東三十里 元和志父城故城在今郟縣東南四十里 大清一統志父城故城在今汝州寶豐縣東四十里縣志今縣東有父城保 顧棟高春秋大事表楚有兩城父一為夷城父在今潁州府亳州東南一為北城父昭十

應鄉故國周武王弟所封

之應鄉 臣瓚曰汲郡古文殷時已有應國 水經注潁水東逕應城南又左合橋水逕應山北又南逕應城西故應鄉也應侯之國詩所謂應侯順德者也戰國范雎所封邑矣 師古曰據左氏傳云邗晉應韓武之穆也是則應侯武王之子與志說不同 括地志應內口名去魯山縣東二十里 大清一統志應城在今寶豐縣西南

史記項羽本紀陳餘稱成安君正義曰地理志在潁川 水經注汝水又東逕成安縣故城北世謂之白泉城非也 大清一統志成安故城在今汝州東南 按本書功臣侯表武帝元朔五年封田延年為成安侯注曰郟據本志潁川陳留並有成安縣而屬潁川者曰侯國郟縣又屬潁川延年之父千秋本郟人則為潁川之成安無疑水經注汝水篇既以潁川之成安為延年封邑而汲水篇又以陳留之成安為延年所封亦考之未審矣

侯國 本書功臣侯表成安嚴侯郭忠昭帝元鳳三年封

周承休 括地志周承休城一名梁崔塢在今汝州梁縣東北二十六里 後書光武紀注承休所封故城在今汝州東北 方輿紀要周承休廢縣在今汝州治子城東 大清一統志承休故城在今汝州東

侯國元帝置

本書元帝紀初元五年春正月以周子南君姬延年為周承休侯師古曰承休國在潁川水經注汝水又東黃水注之水出梁山東南逕周承休縣故城東縣故子南國也漢武帝元鼎四年幸洛陽巡省豫州觀于周室邈而無祀詢問耆老乃得擊子嘉封為周子南君以奉周祀按汲冢古文謂衛將軍文子為子南彌牟其後有子南勁朝于魏後惠成王如衛命子南為侯秦并六國衛最後滅疑嘉是衛後故氏子南而稱君也初元五年為周承休邑故汝渡有周公之名蓋藉邑以納稱矣

元始四年更名邳

舊作鄭誤

本書恩澤侯表綏和元年進周承休侯姬黨爵為公地滿百里元始四年為鄭公王莽篡位為章牟公後書黃瓊傳瓊封邳鄉侯章懷注云說文邳潁川縣也漢潁川有周承休侯國元始四年更名曰邳音亢因是地有邳鄉也又袁紹傳拜勃海太守封邳鄉侯章懷注云邳音口浪反趙一清水經注釋其後袁紹亦封邳鄉侯明此鄭字是傳寫之誤段玉裁說文注按地理志文當是邳字大書周承休侯國五字小書注于下此侯國不與他侯國同故不以縣名為國名也郡國志無邳縣者并省也并省之故莽曰嘉美

陽城

史記夏本紀禹避舜之子商均于陽城劉熙曰今潁川陽城是也又高帝紀沛公戰洛陽東還至陽城又韓世家文侯二年伐鄭取陽城世本夏后居陽城太康三年地記河南陽城縣是為土中夏至之景尺有五寸所以為侯水經注潁水逕陽城縣故城南昔舜禪禹禹避商均伯益避啓並于此也亦周公以土圭測日景處縣南對箕山山上有許由冢堯所封也下有牽牛墟是巢父還牛處也括地志陽城縣在嵩山南二十三里通典河南府告成縣漢陽城縣因陽城山為名武太后封中岳故改曰告成方輿紀要陽城廢縣本周之潁邑在今河南府登封縣東南四十里戰國初屬鄭謂之陽城後入韓秦亦為陽城縣陳勝陽城人是也說嵩太室之原東五里曰告成古陽城治也秦置漢因之唐萬歲登封元年改為告成縣以封祀禮成告成功也五代以後廢入登封今村聚矣仍告成舊名大清一統志陽城故城在今河南府登封縣東南舊志云今為告成鎮在縣東三十五里陽城山洧水所出東南至長平屬汝南郡入潁

潁川陽城山東南入潁

潁川陽城山東南入潁從水有聲水經洧水出河南密縣西南馬領山東南過其縣南又東過新鄭縣南又東過長社縣北又東南過新汲縣東北又東南過芽城邑之東北又東過習陽城西折入于潁注云洧水出潁川陽城山在縣之東北蓋馬領之統目也習城西折入潁即地理志至長平縣入潁者也方輿紀要洧水出登封縣陽城山經密縣至禹州新鄭縣合漆水為雙泊河又經長葛洧川鄆陵扶溝至西華縣入潁大清一統志陽城山在今登封縣東北舊志云俗名車嶺山洧水自登封縣流入開封府經密縣南又東逕新鄭縣北長葛縣北洧川縣西南受大洧水為雙泊河東南流逕尉氏縣南鄆陵縣北東至陳州府扶溝縣北入蔡過郡三行五百里過潁川河南汝南三郡陽乾山潁水所出東至下蔡屬沛郡入淮說文潁水出潁川陽城乾山東入淮從水頃聲水經潁水所出潁川陽城縣西北少室山又東南過其縣南又東南過陽翟縣北潁陽縣西潁陰縣西南臨潁縣南潁強縣北西華縣北汝潁縣北南頓縣北新陽縣北慎縣東南入于淮注云今潁水三源奇發石水出陽乾山之潁谷東北流中水導源少室通阜東南流與右水合左水出少室南谿東合潁水師古曰乾音干括地志潁水源自洛州嵩高縣東南三十里

陽乾山今俗名爲穎墟故老云是穎考叔之故居 元和志陽乾山在今河南府穎陽縣東二十五里穎水水源出于此 今水經穎水有三源

左源出登封縣東二十五里陽乾山中源出嵩縣少室山右源出少室南谿流入鈞州界又東南過許州又東南過臨穎扶溝二縣又東南涪水東流注之又東過西華縣北又南過太和縣北又東南過潁上縣北又東南入于淮 大清一統志陽乾山在今登封縣西南舊志云在少室山正南穎水自許州臨穎縣流入陳州府經西華商水項城沈邱至江南潁州府界入淮

皇朝通志穎水源自登封縣北少室山南流經縣西折東南經密縣南禹州北分二派一東北流經新鄭長葛縣過許州至臨穎縣一東南流經襄城縣過許州至臨穎縣而合又東南有諸河自汝州經襄城臨穎縣來會又東流至商水縣西北會沙河 水道提綱穎水源自登封縣北中岳嵩山西南之少室山南流經城西折東南流山中經密縣南禹州北又東南分爲二派至臨穎縣復合凡二百三十里又東南于商水縣西北會西來之汝水又東稍北至周家口有滎陽東南諸水合爲一河自北來會至陳州府南復分二派一爲過河一爲沙河過河至河南太和縣與沙河合又經潁上縣與淮水合曰潁

口 過郡三行千五百里 過潁川汝南淮陽三郡 荊州籍

夏官職方荊州其浸潁漢鄭注潁出陽城宜屬豫州在此非也 說文穎豫州浸 孔氏周禮正義昭元年王使劉定公勞趙孟于穎亦在豫州說文亦以潁爲豫州浸 地理通釋潁水所出皆古豫州職方以爲荊州浸未詳 有鐵官

續志陽城縣有鐵 山海經少室之山其下多鐵 地理通釋潁川郡陽城縣有鐵官五行志陽朔三年潁川鐵官盜庫兵 說嵩漢書曰陽城有鐵官今嵩南鐵爐溝傳爲古官場也 傳梅嵩書今大熊山下亦多鐵山民鼓鑄爲業漢書陽城有鐵官卽指此 綸氏

竹書紀年楚吾得帥師及秦伐鄭圍綸氏 後書張霸傳注綸氏故城在今洛州洛陽縣城西 南 又黃瓊傳注綸氏縣今洛州故嵩陽縣城是也括地志洛州嵩陽縣在張氏東南六十里 元和志今河南府潁陽縣卽漢綸氏縣 經注狂水出陽城縣之大聶山又西逕綸氏縣故城南 方輿紀要綸氏城在今登封縣西北十里 大清一統志後魏天安二年改置潁陽縣于故綸氏縣其故城在今河南府登封縣西南 按續志潁川輪氏縣建初四年置按本志有綸氏疑縣不自建初置也但本志作綸續志作輪陳寔傳亦作輪爲不同耳又後書注及括地元和諸志並以綸氏爲卽夏綸國少康之邑 誤也少康綸邑在歸德府虞城縣此非也

漢書地理志補注卷十三 汝南郡

晉書地理志漢分梁沛立汝南郡 汝南圖經地在汝墳之間爲周文王化行之地 方輿紀要汝南郡今汝寧府北至開封府之陳州東至南直潁州皆是 按漢汝南郡今河南汝寧府之正陽上蔡新蔡西平遂平確山七縣及信陽州陳州府之商水西華項城沈邱四縣許州之臨潁鄆城二縣光州之固始息二縣又安徽潁州府之阜陽潁上太和三縣皆其地 高帝置

水經注汝南郡楚之別也漢高祖四年置 方輿紀要汝南郡秦潁川郡地高祖分置 地理志稽疑汝南故屬秦潁川南陽二郡楚漢之際屬楚國高帝四年屬漢分置十一年屬淮陽國十二年復故景帝二年別爲汝南國四年復故 金榜西漢郡國考汝南郡高帝四年置蓋漢既得潁川南陽故不待楚亡已分置矣 莽曰汝墳 舊作汝汾誤 分爲賞都郡 郡舊作尉誤 齊召南漢書考證汝汾當是汝墳之訛賞都尉當是賞都郡之訛蓋莽改汝南郡曰汝墳郡又分置賞都郡耳 錢大昕漢書考異王莽傳有賞都大尹王欽則賞都乃郡名後人妄改尉字耳宜祿縣莽改曰賞都亭此亦賞都爲郡名之證也 屬豫州縣三十七

平輿陽安陽城灑強富波女陽銅陽吳房安成
南頓朗陵細陽宜春女陰新蔡新息潁陽期思
慎陽慎召陵弋陽西平上蔡滎西華長平宜祿
項新鄭歸德新陽安昌安陽博陽成陽定陵

平輿

春秋文十年叔孫得臣會晉人伐沈杜注汝南
平輿縣北有沈亭 又定四年蔡人滅沈 史
記始皇本紀二十三年王翦擊荆取陳以南至
平輿虜荆王 應劭曰平輿故沈子國今沈亭
是也 世本沈國姬姓 水經注汝水又東逕
平輿縣故城南舊沈國也春秋蔡滅沈以沈子
嘉歸後楚以爲縣史記秦將李信攻平輿敗之
者也 師古曰輿音豫 後書明帝紀注平輿
縣故城在今豫州汝陽縣東北 元和志今蔡
州平輿縣本漢舊縣故城本古沈子國在汝南
縣東北六十里 寰宇記平輿故城在今汝陽
縣東汝水南 寰宇通志平輿故城在今汝寧
府城東汝水南春秋沈子國地 大清一統志
平輿故城在今汝寧府汝陽縣東南六十里其
在江南潁州府阜陽縣南者梁時僑置也

陽安

應劭曰陽安故道國也今道亭是 杜預左傳
注道國在汝南陽安縣南 後書皇后紀注陽
安故城在今豫州朗山縣東北故道國城是也
元和志道城故道國也在今蔡州朗山縣東
北二十里今爲故城鎮 方輿紀要陽安城在
光州息縣西南十里漢成帝綏和二年封丁明
爲陽安侯即此 河南通志道城在確山縣城

北二十里即春秋時道國城也 大清一統志
陽安故城在今汝寧府確山縣東

陽城

河南道志陽城故城在今汝寧府城界後漢省
入汝陽 新輿注地理志陽城在今汝寧府商
水縣西相承舊云後漢并入汝陽後漢之汝陽
今商水縣也

侯國

本書恩澤侯表陽城繆侯劉德宣帝元康四年
封 按潁川汝南皆有陽城而汝南之陽城注
云侯國故列于此

莽曰新安

灑強

說文灑水出潁川陽城少室山東入潁從水灑
聲 水經灑水出灑強縣南澤中東入潁注云
灑水出潁川陽城縣少室山東流注于潁而亂
流東南逕臨潁縣西北小灑水出焉爾雅曰潁
別爲沙郭景純曰皆大水溢出別爲小水之名
也是小灑水即沙水矣又東逕灑陽城北又東
逕灑強縣故城南予按灑陽城在灑水南然則
此城正應爲灑陰城而有灑陽之名者明在南
猶有灑水故此城以陽爲之名矣時人謂此爲
大灑水又東逕西華縣故城南至汝陽故城北
而東注于潁 又云潁水又東南過汝南灑強
縣北注云潁水又東逕灑陽城南竹書紀年曰
縣何取灑陽灑強城在東北潁水不得逕其北
也 師古曰灑音於謹反又音殷 後書陰興
傳注灑強縣在灑水之北 大清一統志灑強

故城在今許州臨潁縣東澗水即古灑水自鄆
城縣流逕西華縣南又東入商水縣北合于潁
俗亦名沙水 段玉裁說文注說文本作灑一
變爲灑再變爲澗今大澗水在鄆城縣南至商
水縣東二十里合潁水小澗水在臨潁縣西南
東流合于潁水

富波

水經注谷水又東逕富波縣故城北俗謂之成
閭亭非也十三州志曰以多陂塘漑稻故曰富
陂 大清一統志富波廢縣在今潁州府阜陽
縣南 按風俗通水經注並作富陂而本志續
志及後書王霸傳並作富波波陂古通用

女陽

應劭曰汝水出弘農入淮 水經潁水又南過
女陽縣北注云縣故城南有汝水支流故縣得
厥稱矣闕駟曰汝水別流其後枯竭號曰死
汝水故其字無水余按汝水乃方俗之音故字
隨讀改未必一如闕氏之說以窮通損字也
水經注汝水別瀆又東逕南利城其北三十里
又有北利城故瀆出于二利之間關女陽之
縣世名之曰死汝縣取水名故曰女陽也 師
古曰女讀曰汝其下女陰亦同 元和志今陳
州澗水縣本漢女陽縣 大清一統志女陽故
城在今陳州府商水縣西北 按今汝寧府附
郭之汝陽縣乃隋大業初析上蔡縣地所置非
漢縣也

銅陽

應劭曰在銅水之陽 孟康曰銅音紂 水經

注瀘水又東南左迤為葛陵葛水東出為銅
 水水逕銅陽縣故城南 後書陰興傳注銅陽
 故城在今豫州新蔡縣北 大清一統志銅陽
 故城在今汝寧府新蔡縣東北七十里 按銅
 字從同因字推音似乎孟說不合後人遂謂紂
 下脫能反二字不知銅字原有兩音而銅陽縣
 自當音紂據本書高帝紀嘗從王媼武負貫酒
 師古注云貫賒也李登呂忱並音式制反而今
 之讀者謂與射同引地名射陽作貫為證此說
 非也假令地名為射自是假借亦猶銅陽音紂
 蓮勺音酌當時所呼別有意義豈得即定其字
 以為正音乎又功臣侯表有東茅侯劉到曾孫
 銅陽公乘咸元康四年詔復家師古注亦云銅
 音紂據此則銅陽斷不讀紂能反明矣左傳襄
 四年楚師猶在繁陽杜注繁陽在汝南銅陽縣
 南陸氏釋文正音孟康此注作直又反後書陰
 興子慶封銅陽侯章懷注亦云銅音紂豈下文
 亦脫能反二字耶說文銅直龍切玉篇直壘切
 又直久切廣韻徒能切又直家直柳二切是則
 諸字書亦明有紂之一音矣

吳房

左傳昭十三年楚之滅蔡也靈王遷房于荆杜
 注汝南有吳防縣即防國 國語內史過曰昭
 王取于房 孟康曰吳房本房子國楚靈王遷
 房于楚吳王闔閭弟夫槩奔楚楚封于此為堂
 谿氏以封吳故曰吳房今吳房城堂谿亭是
 晉書地道記晉吳房有吳城 水經灑水出汝
 南吳房縣西北奧山注云縣故房子國漢高帝

八年封楊武為侯國 又云灑水東過吳房縣
 南注云灑水出吳房縣東入灑縣之西北既兩
 川之交會也 後漢書注吳房今豫州縣也
 元和志今蔡州吳房縣本漢舊縣堂谿村在今
 西平縣界 史記正義吳房縣在今豫州西北
 九十里 寰宇記吳房故城在遂平縣西南四
 十里即古文成柵也 九域志蔡州遂平縣有
 吳房山 大清一統志吳房故城即今汝寧府
 遂平縣治堂谿城在今西平縣西北百里 按
 史記項羽本紀杜預左傳注並作吳防房防古
 通用廣韻作棠谿堂棠古亦通

安成

史記秦本紀昭襄王二十四年取魏安城 後
 書皇后紀注安成縣廢城在豫州吳房縣東南
 寰宇記安成縣廢城在今汝陽縣東南七十
 里汝水之北 大清一統志安成故城在今汝
 寧府汝陽縣東南

侯國

本書恩澤侯表安成共侯王崇元帝建始元年
 封 按水經注以安成為劉蒼所封者誤

莽曰至成

南頓故頓子國姬姓

春秋僖二十五年楚人圍陳納頓子于頓杜注
 頓今汝陰南頓縣 應劭曰頓迫于陳其後南
 徙故號南頓故城尚存 十三州志故頓子城
 在潁水之南 水經潁水又東南過南頓縣北
 水經注谷水上承諸陂逕南頓故城南側城
 東注春秋左傳所謂頓迫于陳而奔楚自頓徙

南故曰南頓也今其城在南頓縣西三十餘里
 後書光武紀注南頓故城在今陳州項城縣
 西 元和志陳州南頓縣本漢舊縣其城楚令
 尹子玉所築後漢世祖父欽嘗為此縣令故號
 南頓君光武生于此縣中 九域志陳州商水
 縣有南頓鎮 大清一統志南頓故城在今陳
 州府項城縣北五十里

朗陵

應劭曰朗陵山在西南 元和志朗陵故城在
 今蔡州朗山縣西南三十五里朗陵山一名大
 朗山在縣西北三十里 大清一統志朗陵故
 城在今汝寧府確山縣西南三十五里朗陵山
 在縣東南四十里漢以此名縣府志云一名月
 明山

細陽

史記夏侯嬰傳益食細陽千戶 說文洵水出
 汝南新鄆入潁从水匈聲 水經注潁水又東
 南流於臨潁縣故城北細水注之細水又南逕
 細陽縣新潁水注之又東南逕細陽縣故城南
 屈而西南入潁 師古曰居細水之陽故曰細
 陽細水本出新鄆 後書虞延傳注細陽故城
 在今潁州汝陰縣西北 寰宇記細陽故城在
 今汝陰縣西北四十里 大清一統志細陽故
 城在今潁州府太和縣東縣志云在縣東茨河
 西岸茨河即古細水也 張庚綱目地理正誤
 戰國楚考烈王遷于鉅陽故城在今江南鳳陽
 府潁州西北四十里後譌為細陽 地理志稽
 疑按說文是洵字非細字 按水經注潁水篇

引本志云細水出細陽縣東南入潁今乃無其文

莽曰樂慶
宜春

水經注漆水逕北宜春縣故城北豫章有宜春故此加北矣 括地志宜春故城在今豫州汝陽縣西南六十七里 通典漢北宜春縣故城在今汝南郡汝陽縣西南 大清一統志宜春故城在今汝寧府汝陽縣西南 按漢有兩宜春縣一屬汝南一屬豫章後漢時屬汝南者加北字以別之

侯國

本書恩澤侯表宜春敬侯王訢昭帝元鳳四年封

莽曰宣孱

女陰故胡子國

左傳定十五年楚滅胡杜注胡楚屬國歸姓女陰縣西北有胡城 史記越世家商於析郟宗胡之地徐廣曰胡國今之女陰索隱曰宗胡邑名胡姓之宗因以名邑 水經注潁水又東南流逕胡城東故胡子國也杜預釋地曰女陰縣西北有胡城也又東逕女陰縣故城北高祖六年封夏侯嬰為侯國縣在汝水之陰故以汝水納稱 寰宇記故胡城在今女陰縣西北二里 江南通志今潁州有二城南城土垣周五里有奇相傳故女陰城也北城磚石修砌周四里有奇相傳即故胡國城二城相連並為州治 大清一統志女陰故城即今潁州府治 按括

地志胡城在豫州郟城縣界此春秋初鄭武公所伐之胡非楚所滅之胡也

都尉治

本書成帝紀永始三年山陽鐵官徒反殺汝南

都尉

莽曰汝墳

晉書地道記女陰縣有臨邱鄉即詩所謂汝墳新蔡

新蔡

本書宣帝紀甘露三年鳳凰集新蔡 晉書地道記新蔡縣有大呂亭故呂侯國 元和志今蔡州新蔡縣本漢舊縣古呂國也 寰宇記新蔡縣古呂國也國語當成周之時南有荆蠻申

呂周穆王時有呂侯訓夏贖刑 大清一統志新蔡故城即今汝寧府新蔡縣治

蔡平侯自蔡徙此

按左傳昭十一年楚滅蔡使公子棄疾為蔡公平王立復封蔡于是隱太子之子廬歸于蔡是為平侯本志新蔡縣注蔡平侯自蔡徙此當在此時也其事不見經傳惟杜氏釋例嘗言之宋

忠以為蔡仲復封于蔡謬矣

後二世徙下蔡

按左傳吳遷昭侯于州來即下蔡也宋忠以為

平侯遷下蔡者亦誤

莽曰新遷

服虔曰遷讀為僣 按後書郗暉傳注引謝承

書謂鄭敬閑居新遷都尉辟為功曹即此

新息

左傳隱十一年鄭息有違言息侯伐鄭杜注息

國今汝南新息縣 又莊十四年楚子滅息

說文鄭姬姓之國在淮北今汝南新郟 世本

息國姬姓為楚文王所滅 孟康曰新息故息

國其後徙東故加新云 水經淮水又東過新

息縣南注云淮水東逕故息城南又東逕新息

縣故城南 元和志今蔡州新息縣本春秋時

息侯國為楚所滅漢以為縣故城在今縣西南

十里 大清一統志新息故城在今光州息縣

東縣志云今為新息里又有古息里在縣西南

十五里即息侯國 洪亮吉補三國疆域志按

沈約州郡志汝南郡有南新息北新息俱云漢

舊縣今考二漢祇一新息縣晉志亦同南北之

名當屬江左及宋初分置沈志不能詳何時所

分而概云漢舊縣似誤 錢坫新校地理志春

秋傳息侯伐鄭杜以為即此新息考新息鄭南

北相去五六百里越國遠征息小國也未必能

如此知伐鄭之息是故息矣水經注汝水出梁

縣勉鄉天息山今汝州地在鄭之西疑未遷之

息是其處焉 按左傳息侯伐鄭杜以為即新

息是矣至哀十年公會吳子伐齊南鄙師于鄆

杜注明云齊地而後人亦以為即新息之息則

斷有不可者蓋息加邑為鄆其字可通而濟之

鄆與新息之息其地不可混也東漢馬援封新

息侯即此

莽曰新德

濯陽

說文濯水出汝南吳房入瀨從水瞿聲 應劭

曰濯水出吳房東入瀨 宋書州郡志作瞿陽

瀨

瀨

瀨

瀨

瀨

瀨

魏書地形志作源陽 水經注濯水出吳房縣西北與山東逕濯陽縣故城西又東流入颯水亂流逕其縣南又東入于汝 師古曰濯音劬 後漢書注濯陽故城在今吳房縣東 方輿紀要濯水在今遂平縣南東北流入汝 大清一統志濯陽故城在今汝寧府遂平縣東南濯水在縣北五里一名石羊河源出嶺峯梁山之黑龍池東南流合颯水

期思

左傳文十年楚王田于孟諸期思公復遂爲右司馬杜注今弋陽期思縣故蔣國也 又僖二十三年凡蔣邢茅胙祭杜注蔣國在弋陽期思縣 續郡國志期思有蔣鄉故蔣國 太康三年地記孫叔敖本期思人爲楚令尹 水經注水又東過期思縣北注云縣故蔣國周公之後也漢高帝十二年封賁赫爲侯國城之西北隅有楚相孫叔敖廟廟前有碑 後書臧宮傳注期思故城在今光州固始縣西北 通典今光州殷城縣本漢期思縣地 方輿紀要期思城在光州固始縣西北七十里 大清一統志期思故城在今光州固始縣西北蔣鄉在縣東

慎陽

應劭曰慎水出縣東北入淮 十三州志慎陽合作潢陽永平五年失印更刻遂誤以水爲心 水經注淮水又東合慎水水出慎陽縣西而東逕慎陽縣故城南縣取名焉其水東流積爲焦陂陂水又東爲中慎陂又東南爲下慎陂皆與鴻郟陂水散流其陂首受淮川左結鴻陂漢

成帝時霍方進奏毀之 師古曰慎字本作慎字音真後誤爲慎耳今猶有真邱真陽縣字或單作真知其音不改也 後書黃憲傳注慎陽在慎水之南因以名縣南陽有慎陽國而流俗書此或作順陽者誤 元和郡縣志今蔡州真陽縣本漢慎陽地縣因慎水爲名也水出縣西南二十里 義門讀書記今合馬伏波傳觀之知小學壞于王莽之亂矣誤以水爲心亦或因汝南更有慎縣故 大清一統志慎陽故城在今汝寧府正陽縣北四十里高帝十二年封欒說爲侯國慎水在縣南一里流遶縣城東北入汝

慎

左傳哀十六年吳人伐慎楚白公敗之杜注今汝陰慎縣 水經注潁水又東南逕慎縣故城南縣故楚邑白公所居以拒吳者又東南入于淮春秋昭公十二年楚子狩于州來次于潁尾蓋潁水之會淮也 後書安城侯傳注慎縣故城在今潁州潁上縣西北 輿地紀勝故慎城在今廬州梁縣西北四十里 大清一統志慎縣故城在今潁州府潁上縣西北按其地當在今縣西北四十里江口鎮

莽曰慎治 召陵

左傳僖四年齊伐楚盟于召陵杜注今潁川召陵縣 史記秦本紀惠文王十四年伐楚取召陵 又封禪書黃帝南伐至于召陵登熊山 水經注大灑水東南逕召陵縣故城南城內有

大井徑數丈水至清深闊闊曰召者高也其地邱墟井深數丈故以名焉 師古曰召讀曰邵 元和志召陵縣故城在今蔡州鄆城縣東四十五里 大清一統志召陵故城在今許州鄆城縣東三十五里

弋陽

應劭曰弋陽故黃國也今黃城是弋山在縣西北 杜預左傳注黃國嬴姓今弋陽縣 續郡國志弋陽縣有黃亭故黃國 水經注淮水又東逕浮光山北亦曰扶光山即弋陽山也 又云柴水又東逕黃城西故弋陽縣也城內有二城西即黃城也又東北入于淮謂之柴口 隋書地理志弋陽有弋水 後書成武侯傳注弋陽縣故城在今光州定城縣西 括地志黃國故城今弋陽縣也 通典今光州所理定城縣春秋黃國也漢弋陽縣地 元和志黃國故城在今定城縣西十二里光山一名弋山 寰宇記弋陽故城弋陽臺並在今光州定城縣西二里光山周回二十里俯映長淮海有光耀因名 大清一統志弋陽故城在今光州西黃故城在州西十二里浮光山在光山縣西北八十里一名浮弋山即弋陽山也

侯國

本書功臣侯表弋陽節侯任宮昭帝元鳳二年封 西平 本書五行志哀帝建平三年汝南西平遂陽鄉柱仆地生支如人形 應劭曰西平故柏子國

也今柏亭是 杜預左傳注汝南西平縣有柏亭 水經注灑水又東逕西平縣北縣故柏國也其西有呂墟即西陵亭也西陵平夷故曰西平 後書和帝紀注西平縣在豫州吳房縣西北 又劉玄傳注西平故城在今豫州鄆城縣南 括地志西平縣在今豫州西北一百四十里 元和郡縣志今蔡州西平縣本漢舊縣即春秋時柏國也 寰宇紀漢西平縣故城在今汝寧府西平縣西舊志云在縣西北四十五里師靈鎮

有鐵官 續郡國志西平縣有鐵 水經注太康地記曰縣有龍泉水可以砥礪刀劍特堅利故有堅白之論矣是以龍泉之劍爲楚寶也縣出名金古有鐵官 史記索隱天下之寶劍韓爲衆其劍皆出西平縣今有鐵官令一別領戶是古鑄劍之地也 寰宇記蘇秦說韓王曰韓有劍戟出于棠谿今西平縣西界有棠谿村是也 九域志西平縣有冶爐城韓國鑄劍之地 大清一統志冶爐城在今西平縣西七十五里戰國時韓王鑄劍處漢置鐵官於此晉亦置鐵官別領戶今城址猶存

上蔡 竹書紀年魏章帥師及鄭師伐楚取上蔡 水經汝水又東南過汝南上蔡縣西注云沛郡有下蔡故稱上 元和志今蔡州上蔡縣本漢舊

縣 寰宇記上蔡故城在今縣西南十里 潛邱劄記汝南郡先書平輿縣卻不爲治治上蔡以翟方進傳知之其傳首敘次與賈誼傳正同 元和志以爲治平輿誤矣據水經注東漢汝南郡始治平輿 大清一統志上蔡故城在今汝寧府上蔡縣西 故蔡國周武王弟叔度所封度放成王封其子胡十八世徙新蔡 史記管蔡世家武王克殷封弟叔度于蔡武王崩叔度作亂周公放之其子胡率德馴善復封于蔡以奉蔡叔之祀是爲蔡仲 春秋蔡侯作亂見誅成王復封其子蔡仲于蔡至平侯徙新蔡 括地志豫州北七十里古蔡國武王封弟叔度于蔡是也東十里古蔡岡 史記正義豫州新蔡縣在州北七十里古蔡國也縣外城即蔡國城

州固始縣春秋時濳縣濳或爲沈楚封孫叔敖之子在此 劉奉世漢書刊誤按後淮陽國已有固始此濳疑是別地 寰宇通志濳邱在鳳陽府潁州東四十里春秋孫叔敖子所封漢以爲縣 大清一統志濳邱故城在今陳州府沈邱縣東南縣志曰在縣東南三十里 地理志濳疑仲馮以淮陽國別有一固始縣故疑此濳非孫叔敖所封非也汝南之濳實與淮陽之固始接皆春秋時濳邱之地世祖并淮陽之固始入于陽夏而以汝南之濳爲固始志不盡詳故啓仲馮之疑 水經注釋漢志汝南郡有濳縣應劭以爲濳邱淮陽國有固始縣小顏又以爲濳邱故劉奉世疑之子謂非也淮陽之固始與濳本一地而分爲二縣漢王追項羽至固陵晉灼曰即固始小顏曰後改爲固始耳地理志屬淮陽續志光武改濳爲固始而淮陽之固始則并省陳之陽夏有固陵聚劉昭注補引晉灼云汝南固始縣以實之則二縣本相接也又何疑乎濳之更是一地乎 春秋大事表左傳宣十二年戰于郟沈尹將中軍杜注沈或作上蔡縣也今汝陰固始縣按此沈國之別邑楚以爲重鎮故沈尹見于春秋甚詳邑本名濳楚人因取之于沈遂謂之沈至光武時始名固始今屬河南光州至沈之本國定四年爲蔡所滅後入楚爲平輿邑則在今汝寧府汝陽縣

西華 水經潁水又東過西華縣北注云有東故言西

西華 水經潁水又東過西華縣北注云有東故言西

矣縣北有習陽潁水逕其南也 水經注灤水又東逕西華縣故城南 後書靈帝紀注西華今陳州項城縣 又阜陵王傳注西華故城在今潁水縣西北 舊唐志陳州西華縣漢舊縣武德元年改為箕城景雲元年改為西華復古名也 寰宇通志西華漢初為長平地尋置縣 大清一統志西華故城在今陳州府西華縣南

莽曰華望 長平

戰國策魏芒卯曰秦王欲魏長平 史記始皇本紀五年將軍驚攻魏定長平集解地理志汝南有長平縣 水經注洧水又南逕長平縣故城西又南分為二水又東逕習陽城西折入于潁 隋書地理志西華有舊長平縣 括地志長平故城在今陳州宛邱縣西北六十六里 九域志陳州西華縣有長平鎮 方輿紀要長平城在陳州西六十里 大清一統志長平故城在今陳州府西華縣東北十八里 按此即衛青所封之邑史表索隱注汝南其子封宜春侯亦在汝南則非上黨可知水經注以為卽汝氏縣之長平亭誤矣

莽曰長正 宜祿

水經注明水上承沙水枝津東出宜祿縣故城北 寰宇記宜祿故城在今陳州項城縣 大清一統志宜祿廢縣在今陳州府沈邱縣北 莽曰賞都亭

按本書恩澤侯表賞都侯王臨以莽子封賞都 卽宜祿 項故國 春秋僖十七年魯滅項杜注項國今汝陰項縣 後并于楚項氏世世為楚將封于項卽此 水經注潁水自新陽堰東南流逕項縣故城北又 東右合谷水谷水又東逕項城中楚襄王所郭 以為別都都內西南小城卽項縣故城也 元和志今陳州項城縣卽漢項縣古項子國至楚 襄王徙都陳以此為別都其城卽楚所築隋文 帝始加城字 寰宇記項國城在今縣北一里

新鄭 大清一統志項縣故城在今陳州府項城縣 東北 史記魏世家安釐王十一年秦拔我鄭邱徐廣 曰鄭邱一作廩邱又作邢邱今為宋公縣 應 劭曰秦伐魏取鄭邱漢興為新鄭章帝封殷後 更名宋 續郡國志宋公國周名鄭邱漢改為 新鄭章帝建初四年徙宋公于此 水經注細 水又東南逕宋縣故城北卽所謂鄭邱也漢成 帝綏和元年詔封殷後于沛以存三統平帝元 始四年改曰宋公章帝建初四年徙邑于此故 號新鄭為宋公國也 師古曰臣瓚云光武既 封殷後于宋又封新鄭非也封于新鄭號為宋 公耳鄭音千私反 後書皇后紀注新鄭縣故 城在今潁州汝陰縣西北鄭邱城是也音七私 反 地理通釋國策蘇秦說魏曰南有新鄭則 非漢改是名也 寰宇通志鄭邱在鳳陽府潁

州漢改為新鄭縣今古城尙存呼為潁陽城 方輿紀要新鄭城在今潁州東八里城西三里 有土阜屹然高大謂之鄭邱漢因置新鄭縣 大清一統志新鄭故城在今潁州府太和縣北 舊志云在縣北七十里俗訛為宋王城 莽曰新延 歸德侯國宣帝置 本書功臣侯表歸德靖侯先賢揮宣帝節四 年封 按歸德未詳所在

莽曰歸惠 新陽

史記陳涉世家涉既沒其故涓人將軍呂臣為 蒼頭軍起新陽攻陳下之 應劭曰縣在新水 之陽 水經注新溝水北逕新陽縣故城南今 無水故渠舊道而已東入澤潯而散流入細水 細水又東逕新陽縣故城北 括地志新陽故 城在今豫州真陽縣西南四十二里 大清一 統志新陽故城在今潁州府太和縣西北縣志 云今縣西北六十里有信陽城卽古新陽之訛 也 按史記高祖功臣侯表有新陽侯呂青 本表作陽信新信古字通而倒其文耳 莽曰新明 安昌

水經注洧水又東合洞口水水出安昌縣故城 東北大父山西南流謂之白水又南逕安昌故 城東屈逕其縣南又西南流而左會昆水 元和志今蔡州朗山縣本漢安昌縣地 方輿紀 要安昌城在今信陽州城西北七十里 大清

一統志安昌故城在今汝寧府確山縣西侯國

本書恩澤侯表安昌節侯張禹成帝河平四年封 按表注汝南是也而水經注曰河內據本志河內無安昌縣而屬汝南者曰侯國則表注確矣然張禹本河內人則鄙說又似可據者

莽曰始成

安陽 春秋文四年楚人滅江杜注江國在汝南安陽縣 應劭曰安陽故江國嬴姓今江亭是 水

經注淮水又東逕安陽縣故城南故江國也文帝八年封淮南厲王子勃為侯國 括地志安

陽故城在今豫州新息縣西南八十里 方輿紀要安陽城在今汝寧府真陽縣東與光州息

縣接界信陽北出之道也 大清一統志安陽故城在今汝寧府正陽縣西南

莽曰均夏

博陽 水經注潁水又東大灑水注之又東南逕博陽縣故城東城在南頓縣北四十里 寰宇記博

陽故城在今宛邱縣西南四十里 大清一統志博陽故城在今陳州府商水縣東北四十里

按漢博陽縣在今陳州府城西南四十里 鄗氏謂在南頓縣北南頓之北即今陳州府城之

南也

侯國 本書恩澤侯表博陽定侯丙吉宣帝元康三年封

莽曰樂家

成陽 水經注淮水又東北逕成陽縣故城南與大木水合水西出大木山東逕成陽縣北而東入于淮 方輿紀要成陽城在今光州息縣西 大清一統志成陽故城在今汝寧府陽州東北

侯國

本書恩澤侯表成陽節侯趙臨成帝永始四年封 按濟陰亦有成陽而屬汝南者曰侯國故

列于此

莽曰新利 通典漢定陵故城在今汝南郡鄆城縣西北

寰宇記定陵故城在今鄆城縣西北六十里 按潁川郡亦有定陵故城在今鄆城縣西北六

十里 按潁川郡亦有定陵縣續志潁川有定陵而汝南無蓋省并也此定陵在汝水之北潁

川定陵在汝水之南地雖近而不同 高陵山汝水出東南至新蔡

屬本郡 入淮

山海經汝水出天息山南入淮郭注今汝水出南陽魯陽縣大孟山東北至河南梁縣東南經

襄城潁川汝南至汝陰穰信縣入淮 淮南地形訓汝出猛山高誘注猛山一名高陵山在南

定陵縣汝水所出東南至新蔡入淮 說文汝水出弘農盧氏還歸山東入淮 博物志汝水出燕山又東南過潁川邗縣南又東南過定陵

縣北又東南過鄆縣又東南過汝南上蔡縣西又東南過平輿縣南又東至原鹿縣南入于淮

水經注今汝水出魯陽縣之大孟山蒙柏谷西即盧氏界也至原鹿縣南入于淮謂之汝口側有汝口成淮汝之會也 括地志汝水源出汝州魯山縣西伏牛山亦名猛山至豫州鄆

城縣名濱水 元和志汝水出汝州魯山縣西一百五十里天息山又名伏牛山 今水經汝水源出河南汝州天息山東流過鄆縣南又東

南潢水合沙河入之過襄城縣又東南過鄆城縣北又東南入汝寧府境經汝陽上蔡又東南經新蔡東流入于淮 方輿紀要今汝水出汝

州魯山縣西南七十里大孟山東北流出縣北經伊陽縣汝州南又東南經寶豐縣鄆縣南入南陽府裕州界葉縣北又東入許州之襄城

鄆城縣南而入汝寧府西平縣境東南流經上蔡縣西汝陽縣北又東經新蔡縣西息縣北至

江南潁州南而注于淮蓋非復漢以前故道矣 河南通志汝水源出嵩縣之天息山白龍池自嵩入伊陽自伊陽入汝州由寶豐及鄆縣界

入襄城縣西經葉縣北又東入鄆城縣南而入汝寧府西平縣境自縣北東南流經上蔡縣西汝陽縣北又東經新蔡縣西息縣北至潁州南

而注于淮 大清一統志汝水自南陽府舞陽縣界流入汝寧府經西平縣北又東南經上蔡縣東又南經汝陽縣東北又東南經新蔡縣北

又東南入光州息縣界即灑水今流俗謂之洪河 又云按汝源出天息山由許州鄆城縣流

入經西平縣水經注汝水逕鄧城西又東逕懸瓠城北又東南逕平輿縣南安城縣故城北又東南逕平陵亭北又東南逕陽遂鄉北又東逕樂亭北又東南逕新蔡縣故城之南又東南逕壺邱城北又東至褒信縣元和志汝水經鄧城縣西北去縣七十八里西去上蔡縣十五里在平輿縣南四十二里經汝南縣西南二里經新蔡縣南二里此古汝水舊道也自元末因汝水泛溢為蔡害于舞陽竭斷故汝遂以無水及西平縣西諸山之水為汝水上源縣志謂汝源出舞陽縣黑龍泉下入八里河東至西平縣合水鎮北與雲莊諸山水合流東經西平城北又至城東十餘里分為二一東南出會流堰河入汝陽縣界一北出會周家泊水東入上蔡縣界明嘉靖中西平水斷汝水遂祇上承濯澗諸水流繞府城而東下郡人指流堰河及朱里河濯澗為汝源又非雲莊舊流蓋汝源凡三易矣 皇朝通志南汝水源出遂平縣西南境之洪山龍陂東北流經縣城南又東經上蔡縣南汝陽縣北又東南有小沙河自確山縣來會又東南有吳寨河自泌陽縣經確山正陽二縣來會又南東經新蔡縣東有洪河自西平上蔡二縣來會經固始縣西北入于淮其一支經江南潁州府界亦入于淮 又云汝水源出嵩縣西南南陽府北界山東流經縣南之伏牛山即天息山又東北經伊陽縣南又東北經汝州城南又東南經寶豐縣北郟縣南又東北經襄城縣西南又東南會沙河 水道提綱汝水舊從舞陽縣

北而南入西平界自元末于渦河竭斷其流使東歸潁于是西平雲莊諸石二山之水明時亦塞今水道與古全異即名稱亦隨時不同所謂濯澗澆汝湊演亦難確鑿指證但據時俗所見稱為南汝水者源出遂平縣西南境之洪山龍陂有兩源即泌陽北界山也東北流經遂平縣城南折東南經上蔡縣南至汝陽縣北汝寧府城東北新蔡縣東南有洪河自西平上蔡二縣來會入東流經固始縣西北境東入江南潁州界支流南入淮 又云汝水源出嵩縣西南境南陽府北界山兩源合而東北經嵩縣南境之伏牛山北即古天息山也又東北經伊陽縣城南折東南經汝州城南寶豐縣北郟縣南襄城縣西南又東南沙河自葉縣來會又經舞陽縣東北郟縣城南會西來之澧河又東北經上蔡縣北商水縣西北會北來之潁水自會沙水以上皆仍古道今曰北汝水也 又云按元人竭斷故汝使東歸潁水遇其南由舞陽以達西平之路致汝寧府所名之汝水全非古之出天息山者沙本入汝又得澧河自西南來會而東于是南北汝水遂判然不相涉矣 新校地理志水經汝水出梁縣天息山今水出嵩縣伏牛山即天息山也東北流百餘里逕伊陽縣南折而東南流經汝州南寶豐縣北郟縣南襄城縣西南舞陽縣東北郟縣南而與澧水會而東出至商水縣下流曰沙河自元時竭斷故汝令東歸沙潁而汝水自故郟縣至上蔡之流遂絕故今咸以出天息之水為北汝矣南汝自泌陽縣

北山出而東流逕遂平縣南上蔡縣南汝寧府城東北至新蔡縣東南下流入于淮南汝之源與水經不侔而自上蔡以下則故流也但天息山與定陵東西相去數百里汝水不應源出定陵故說者以天息之源畫水經之水定陵之源畫漢志之水疑莫能定焉說文汝水出還歸山即天息山此北汝之源淮南子汝水出猛山注猛山一名高陵山此南汝之源 過郡四行千三百四十里 過南陽河南潁川汝南四郡 按本志云出定陵至新蔡入淮則在汝南一郡矣而云過郡四班氏蓋已知汝源不始于高陵山矣

漢書地理志補注卷十四

南陽郡

張衡南都賦於顯東都既麗且康陪京之南居

漢之陽注云南都南陽也光武舊里以置都

釋名南陽在中國之南而居陽地故以爲名

摯虞曰南陽郡治宛在京之南故曰南都 荆

州記南陽郡城周三十六里 史記音義荆州

之南陽郡本屬韓地 史記正義南陽今鄧州

也在漢水之北 地理志稽疑其時韓亦有南

陽蓋潁川之西如宛葉穰與楚南陽接故並取

名焉六國年表秦本紀韓世家可考也非故晉

所啓之南陽也晉之南陽趙得其溫源韓得其

州魏得其修武即河內也三晉同分河內之地

而魏獨多及韓趙相繼失上黨而河內道斷魏

之修武亦不保矣是非可并晉楚之南陽而合

之者也前志乃曰韓分晉得南陽秦滅韓徙天

下不軌之民于南陽宛西通武關東受江淮一

都之會也則即以爲楚南陽矣不知河內之南

陽其得名在春秋之世三晉分之非韓所獨有

而始皇十六年所受之南陽地在宛穰即與楚

境相犬牙者也奈何混而舉之秦并天下蓋并

韓地以入楚之南陽也 按漢南陽郡今河南

南陽全府二州十一縣及汝州之魯山縣又湖

北襄陽府之襄陽棗陽穀城光化四縣及均州

德安府之隨州皆其地

秦置

史記秦本紀昭襄王三十五年初置南陽郡

本書高帝紀三年六月沛公掠南陽郡 地理

志稽疑南陽故秦郡楚漢之際屬楚國高帝二

年屬漢

莽曰前隊

按本書王莽傳詔左隊大夫王吳率十萬衆迫

措前隊醜虜前隊即南陽醜虜指光武兄弟也

又有前隊大夫甄阜前隊屬正梁邱賜

屬荆州

習鑿齒襄陽記秦兼天下自漢以北爲南陽郡

晉書地理志荆州按禹貢荆及衡陽之地舜

置十二牧則其一也周禮正南曰荆州春秋元

命包云軫星散爲荆州荆強也言其氣躁強亦

曰警也言南蠻數爲寇逆其人有道後服無道

先強當警備也又云取名於荆山六國時其地

爲楚及秦取楚鄢郢爲南郡又取巫中地爲黔

中郡以楚之漢北立南陽郡滅楚之後分黔中

爲長沙郡漢高祖分長沙爲桂陽郡改黔中爲

武陵郡分南郡爲江夏郡武帝又分長沙爲零

陵郡及置十三部因舊名爲荆州

縣三十六

宛驪杜衍鄧育陽博山涅陽陰塔陽雒山都蔡

陽新野筑棘棘陽武當舞陰西鄂穰鄖安衆冠

軍比陽平氏隨葉鄧朝陽魯陽春陵新都湖陽

樂成博望復陽

宛

戰國策宮他謂周君曰宛恃秦而輕晉 史記

秦本紀百里奚亡秦走宛 又昭襄王十五年

白起攻楚取宛 又二十二年與楚王會宛

又韓世家釐王五年秦拔我宛 又貨殖傳宛

西通武關東受淮海一都會也 又高祖本紀

沛公引兵從他道還圍宛城 吳越春秋文種

爲宛令之三戶之里范蠡從大寶躡而吠之

會稽典錄范蠡楚宛三戶人文種爲宛令遣吏

謁奉 水經注清水又南逕宛城東其地故申

伯之都楚文王滅之以爲縣也秦昭襄王使白

起伐楚取郢即以此地爲南陽郡改縣曰宛大

城西南隅即宛城也荆州刺史治故亦謂之

荆州城王莽地皇二年朱鮪等共於城南會諸

將設壇燔燎立聖公爲天子今南陽郡治大城

內有舊殿基蓋更始所起也 大清一統志宛

縣故城即今南陽府治 閻若璩潛邱劄記縣

即郡治以霍方進及王莽傳知之又高帝紀云

南陽守齧戰敗于驪東走保城守宛知秦時南

陽亦治宛也 王鳴盛十七史商榷據霍義傳

云以南陽郡尉行太守事行縣至宛若南陽太

守治宛則不得言行縣至矣知宛亦非太守治

也

故申伯國有屈申城

左傳莊十八年楚文王縣申息杜注申國今南

陽宛縣 國語史伯曰當成周者南有申呂

史記齊世家太公望呂尚者其先祖嘗爲四岳

虞夏之際封於呂或封於申 博物記宛縣有

申亭 孔氏春秋正義外傳說伯夷之後曰申

呂雖衰齊許猶在則申呂與齊許俱出由夷同

爲姜姓也又曰齊許申呂由太姜得封也言由

太姜然則申之始封亦在周與之初其後申絕

至宣王時申伯以王舅改封於謝詩云王命召

伯定申伯之宅是也地志南陽宛縣故申伯國宛縣者謂宣王改封之後也以前則不知其地

元和志今申州即古申國也鄭武公娶於申在周為侯伯後為楚所滅又云今鄧州南陽縣本周之申國也平王母申后之家漢置宛縣

困學紀聞詩云維申及甫維周之翰甫即呂也呂刑亦曰甫刑國語史伯曰當成周者南有申呂左傳楚子重請申呂以為賞田申公巫臣曰不可此申呂所以邑也地志南陽宛縣申伯

國詩書及左氏注不及言呂國所在史記正義引括地志云故呂城在鄧州南陽縣西徐廣云呂在宛縣水經注亦謂宛西呂城四岳受封然

則申呂漢之宛縣也地里通釋申姜姓詩申伯故申城在鄧州南陽縣北二十里南陽秦宛縣國在今鄧州信陽軍之境呂姜姓書呂侯故

呂城在鄧州南陽縣西四十里路史新蔡為古呂國後來之呂近申在周亦曰甫一作郟上蔡有郟亭呂氏春秋云呂在宛西今廣亦云呂

在宛縣括地志云故申城在鄧州南陽縣北三十里故呂城在鄧州南陽縣西四十里是申呂

同一地也大清一統志申城在今南陽縣北二十里呂城在今南陽縣西三十里按平王

東遷申已被楚侵伐故平王戌之詩人與刺至莊十八年楚文王滅申已近百年矣終春秋之

世申最為楚重地每有攻伐必發其兵後光武亦從此起林氏曰楚有圖北方之志其君多居申於今諸侯亦在焉子重請申呂為賞田巫臣曰不可無申呂晉鄭必至於漢文十六年楚大

飢戎蠻交伐楚申息之北門不啓然則申為楚要地審矣

縣南有北筮山

寰宇通志北筮山在南陽城北二十五里地理志稽疑南陽郡宛縣有北筮山育陽縣有南筮聚按水經注引作滋或以為即禹貢之三滋者也

有工官鐵官

莽曰南陽

驪

左傳襄十八年楚伐鄭次於驪陵涉于魚齒之下又昭元年楚公子圍使伯州犂城驪杜注驪縣屬南陽本鄭邑此時已入楚史記曹參世家從攻驪與南陽守呂齮戰陽城郭東又樊

噲傳攻秦軍於驪本書何武傳哀帝即位更以南陽驪之博望鄉為汜鄉侯國水經注澠水又東逕驪縣故城北出於魚齒山下又東驪

水注之又云驪水俗謂之秋水非也水有二源東源出驪縣西南踐驪山東崖下西源出縣

西南頗山北阜下合而亂流北注于驪又云澠水出驪縣北魚齒山東南流歷山下為澠浦春秋楚公子格及晉師戰於澠陂即此周禮荆

州其浸潁澠鄭玄云未聞蓋偶有不照也師古曰驪音昌牛反後書岑彭傳注驪縣故城在今汝州魯山縣東南大清一統志驪縣故城

在今汝州魯山縣東南五十五里驪水在寶豐縣之南

杜衍

水經注梅溪水又南逕杜衍縣東故城在南漢高帝七年封王翳為侯國括地志杜衍故縣在鄧州南陽縣西八里寰宇記杜衍故縣在今南陽縣西南十三里大清一統志杜衍故

城在今南陽府南陽縣西南二十三里按本書功臣侯表哀帝封息夫躬為宜陵侯表注杜衍則宜陵為杜衍之鄉名矣

莽曰閩衍

鄴

說文鄴南陽縣从邑贊聲孟康曰音讚玉篇鄴子且切南陽有鄴縣水經河水又東南過鄴縣之西南注云縣治故城南臨河水謂之

鄴頭薛瓚曰今南鄉鄴頭是也茂陵書曰在南陽師古曰襄州陰城縣有鄴城鄉後書鄴

禹傳注鄴縣故城在今襄州穀城縣東北寰宇記漢鄴縣在乾德縣北三里西臨漢江集韻南陽有鄴縣蕭何子孫續封者方輿紀要

鄴城在襄陽府光化縣東北四十里大清一統志鄴縣故城在今襄陽府光化縣北府志云鄴城故址惟存二墩在舊縣前今傾入漢水

侯國

育陽

本書功臣侯表鄴恭侯蕭慶武帝元狩三年以何曾孫封莽曰南庚續志作清陽晉書音義清以六切水經清水又屈南過清陽縣東注云清水又南入清陽

縣逕小長安又西南逕其縣故城南 應劭曰
育水出弘農盧氏南入於沔 後書光武紀注
清陽故城在今鄧州南陽縣南在清水之陽清
音育 元統志今南陽縣西南有故城俗呼爲
綠楊村古清陽城也 大清一統志育陽故城
在今南陽府南陽縣南六十里一作清陽

有南筮聚在東北

續郡國志宛縣有南就聚 水經注清水之南
有南就聚予按清水左右舊有二澁所謂南澁
北澁者水側之墳聚在清陽之東北考古推地
則近矣

博山

續郡國志順陽故博山 寰宇通志順陽城在
南陽府內鄉縣境內今以名保俗呼龍城 明
統志內鄉縣有順陽保 方輿紀要順陽城在今
鄧州淅川縣東北三十里括地志謂穰縣西三
十里者誤 大清一統志順陽故城在今南陽
府淅川縣東

侯國哀帝置

本書恩澤侯表博山簡烈侯孔光成帝綏和二
年封 陳景雲漢書舉正按成帝欲拜孔光爲
丞相已刻侯印書贊翼日帝崩光於大行前拜
受侯印綬後十日哀帝始即位則博山封邑乃
置自成帝非哀帝也

故順陽

應劭曰明帝改曰順陽在今順水之陽也 水
經注均水南逕順陽縣西在順水之陽今于是
縣無開順水矣 師古曰順陽舊名應說非是

漢書舉孔光封博山侯表注曰順陽蓋本浙
縣之順陽鄉也至明帝始改爲縣名耳 按本
書平當傳察廉爲順陽長此亦順陽爲舊名之
證

涅陽

馬融廣成頌丹水涅池 應劭曰縣在涅水之
陽 水經注涅水出涅陽縣西北岐棘山東南
逕涅陽縣故城西又東南逕安衆縣又東南流
注於湍水 師古曰涅音乃結反 晉書晉義
涅音奴結反 史記正義涅音年結反 括地
志涅陽故城在今鄧州穰縣東北六十里 寰
宇通志涅陽城在今南陽府鄧州東六十里俗
呼赤眉城 大清一統志涅陽故城在今南陽
府鎮平縣南高帝七年封呂勝爲侯邑武帝元
封三年復封朝鮮降人呂最涅水源出鎮平縣
西北騎立山之三潭東南流經鄧州東北至隱
灘入於湍水亦名照河

莽曰前亭

陰

左傳昭十九年楚工尹赤遷陰于下陰杜注陰
縣今屬南陽郡 水經注沔水又東南逕陰縣
故城西下陰也 師古曰陰與鄴相近今襄州
有陰城縣縣有鄴城鄉 後書蘇竟傳注陰縣
故城在今襄州穀城縣界北 方輿紀要陰城
在襄陽府光化縣西今漢水西岸古縣城是也
春秋楚遷陰於下陰蓋遷陰地之戎於下陰也
陰地之戎卽陸渾之戎也 大清一統志陰縣
故城在今襄陽府光化縣西

堵陽

史記曹相國世家與南陽守鱗戰陽城郭東應
劭曰陽城今堵陽也 韋昭曰堵音者 水經
注漢水又東逕堵陽縣堵水入焉水出堵陽縣
北山數源並發南流逕小堵鄉謂之小堵水世
又名騰沸水南流逕於堵鄉謂之堵水以水氏
縣故有堵陽之名也 後書朱祐傳注堵陽故
城卽今唐州方城縣 元和志今唐州方城縣
本漢堵陽地在堵水之陽故名水西去縣三十
五里 寰宇記堵水一名柘水 九域志鄧州
內鄉縣有堵陽鎮 大清一統志堵陽故城在
今南陽府裕州東六里堵水自裕州西南流經
唐縣西又西南逕新野縣東又南流入於清
莽曰陽城

按堵陽本秦陽城縣漢始改名莽復故也

雒

水經注清水又東南流歷雒縣之雒衡山東逕
百章郭北 又云魯陽關出魯陽縣南分水嶺
歷雒衡山又西南逕雒縣故城南又屈而東南
注於清水 大清一統志雒縣故城在今南陽
府北八十里 師古曰舊讀雒音戈爾反而太
康地志云卽陳倉人所逐二童子名寶雒者雌
止陳倉爲石雒止此縣故名雒雒疑不可據也
按西京已有雒縣水經注云光武獲雒于此
以爲中興之祥故置縣以名之非也搜神記以
爲秦縣似爲得之
衡山澧水所出東至鄆
舊作鄆誤鄆縣屬潁川郡

入汝

山海經雅山渭水出焉東流注於澗水 說文
澗水出南陽雒陽山東入汝從水豐聲 水經
注澗水出南陽雒陽縣亦云導源雒陽山郭景純
以為南嶽非也在雒陽界故世謂之雒陽山其
水東南逕唐城北南入城而西流出城又東南
逕葉縣故城北又東逕鄆縣故城南左入汝
按衡山山海經作雅山亦作雒山說文水經注
隋志寰宇記並作雒陽山據中山經衡山去雒
山九十五里是其連麓故亦稱雒山亦作雒衡
山也山在今河南南陽縣北或以為即南嶽大
謬澗水經注作澗古字通用然未詳今為何水
也 又按本志無鄆縣以水經注證之自是鄆
字之訛而顏氏即音屋蓋不勸正於水經也
廣韻集韻始有鄆字注並云地名在南陽訛以
傳訛矣

山都

水經又東過山都縣東北注云沔南有固城口
側沔川即新野山都縣治也舊南陽之赤鄉矣
秦以為縣 水經注漢水又東逕山都縣東北
又東偏淺冬月可涉謂之交湖兵戎之交自此
濟 後書岑彭傳注山都故城在今襄州義清
縣東北今名固城也 寰宇記山都廢城在今
襄州中廬縣東北 方輿紀要山都城在今襄
陽府西北八十里 大清一統志山都城故城在
今襄陽府襄陽縣西北 按功臣侯表高后四
年封王恬啓為山都侯即此
蔡陽

史記秦本紀昭襄王三十三年攻魏蔡陽取之

應劭曰蔡水所出東入淮 水經澗水出蔡
陽縣東南過隨縣西又南過安陸縣西又東南
入於夏注云澗水出蔡陽縣東南大洪山山在
隨郡之西南竟陵之東北磐基所跨廣圓一百
餘里澗水出於其陰時人以澗水所導故亦謂
之澗山 後書光武紀注蔡陽縣故城在今隨
州棗陽縣西南括地志蔡陽今豫州上蔡水之
陽 大清一統志蔡陽縣故城在今襄陽府棗
陽縣西南蔡水在泌陽縣南俗名曰市河 按
應仲遠謂蔡水東入淮鄆氏駁之曰川流西注
苦其不東且淮源阻礙山河無相入之理不知
應氏所謂入淮之淮即漢中郡房陵縣淮山所
出之淮非桐柏大復山之淮也漢中廬故城
在今襄陽府南漳縣東五十里蔡陽故城在今
棗陽縣西六十里二城相距不遠自有可達之
勢鄆氏蓋誤會耳
莽之母恭顯君邑
河南通志莽母城在今信陽州城北即恭顯君
邑也

新野

水經澗水又東南至新野縣東入於清 又云
白水又東至新野縣西東入於清 又云泚水
又西至新野縣南入于清 水經注清水又南
入新野縣枝津分派又南與澗水會又南逕新
野縣故城西 又云棘水又南逕新野縣歷黃
郵聚謂之黃郵水自縣東而南流入于清水謂
之力口棘力聲相近當為棘口也 通典今鄆

州新野縣本漢舊縣 寰宇記廢新野縣在今
鄆州南陽縣東南七十里 九域志穰城縣有
新野鎮即故縣也 大清一統志新野故城在
今南陽府新野縣治南

筑陽

應劭曰筑水出漢中房陵東入沔 水經沔水
又南過筑陽縣東筑水自房陵縣東過其縣南
流注之注云沔水又南逕筑陽縣故城東又南
筑水注之杜預以為彭水也東南流逕筑陽縣
又東逕筑陽縣故城南又東注于沔謂之筑口
師古曰筑音逐 漢書音義筑音竹 後書
吳漢傳注筑陽故城在今襄州穀城縣西 通
典筑陽距鄆城三十餘里 元和志今襄州穀
城縣本春秋時穀國今縣北十五里故穀城是
也漢為筑陽縣蕭何子封筑陽侯即此筑水在
縣南一百二十步 元和志故筑陽城在今穀
城縣東四里東臨漢江西臨筑水 大清一統
志筑陽故城在今襄陽府穀城縣東筑水在穀
城縣南自鄆陽府保康縣流入至縣東南入漢
今名南河

故穀伯國

春秋桓七年穀伯綏來朝杜注穀國在南鄉筑
陽縣北 博物記筑陽縣今有穀亭 水經沔
水又南過穀城東注云沔水東逕穀城南而不
逕其東矣城在穀山上 方輿紀要穀山在襄
陽府穀城縣西北十里又有穀城山在縣西十
里 大清一統志穀城在穀城縣北穀伯墓在
縣西北穀山 按筑陽縣屬南陽郡或疑杜注

南陽鄉當作南陽非也建安十三年魏武分南陽西界立南鄉郡筑陽分隸南鄉耳晉武平吳又改南陽爲順陽郡故晉志又以筑陽敘順陽郡下也

莽曰宜禾

棘陽

小雅黍苗篇肅肅謝功召伯營之 大雅棣高篇于邑于謝南國是式 史記楚世家懷王二十五年與秦昭王盟於黃棘 本書王莽傳哀帝以黃郵聚戶三百五十益封莽服虔曰黃郵在南陽棘陽縣 應劭曰縣在棘水之陽 水經注棘陽縣有黃淳聚又謂之黃淳水南逕棘陽縣故城西應劭曰縣在棘水之陽是知斯水爲棘水也漢高帝七年封杜得臣爲侯國 又云謝水出謝城北城之西舊棘陽縣治故亦謂之棘陽城也 荊州記棘陽縣東北百里有謝城即古謝國周申伯之都自申遷此 後書光武紀注棘陽縣故謝國也故城在今唐州湖陽縣西北 元和志今唐州泌陽縣本漢棘陽縣 寰宇記棘陽故城古謝國之地在棘水之陽後爲縣廢城在今唐州湖陽縣北 元統志棘陽鎮在今新野湖陽兩縣間即故城也 大清一統志棘陽故城在今南陽府新野縣東北

武當

荊州圖記縣南二百里有武當山最高者爲天柱峯昔眞武曾棲止修煉於此後人謂非眞武不足以當之乃更名武當 郭仲產南雍州記武當山廣三四百里山高巖峻若博山香爐若

亭峻極干霄出霧學道者常百數相繼不絕有於此山學者心有隆替輒爲百獸所逐 水經

沔水又東北流又屈東南過武當縣東北注云縣西北四十里漢水中有湖名滄浪地說云水出荆山東南流爲滄浪之水是近楚都按禹貢言導滄東流爲漢又東爲滄浪之水不言過而言爲者明非他水決入也蓋漢沔水自下有滄浪通稱耳纏絡鄖地連紀鄖咸楚都矣漁父歌之不遠水地按考經傳宜以尙書爲正耳

後書光武紀注武當縣有武當山今均州縣也 又云武當山一名藥山一名太和山在縣南八十里高二千五百丈周回五百里 又云漢水去武當縣西北四十里水中有洲名滄浪洲即禹貢云又東爲滄浪之水是也 方輿紀要

武當城即今均州治武當山在州南一百二十里周八百餘里 大清一統志武當故城在今襄陽府均州北武當山在州南一百里

舞陰

說文無水東入潁從水無聲 山海經朝歌之

山無水出焉東南流注於滎 水經無水出無陰縣西北扶予山東過其縣南又東入於汝注云無水之道在西不得逕其南也且邑號無陰故無出南之理出南則爲陽矣 通典今唐州

泌陽縣漢舞陰縣故城在今縣北泌水在縣南 元和志舞陰故城在今唐州泌陽縣西北六十五里 河南通志舞水在唐縣北東入汝舞陰舞陽皆以此水名也 大清一統志舞陰故城在今南陽府泌陽縣西北舞水亦作無水源

出縣西北平地湧出勢若飛舞東北流經葉縣東南名千江河又東逕舞陽縣南爲三里河其南有舞泉流入焉又東會港河合滾河下流入汝寧府西平縣界

中陰山瀧水所出東至上蔡屬汝南郡

入汝

說文瀧水出南陽舞陰中陽山入潁從水親聲 山海經歲山視水出焉東南流注於汝水郭注或曰視宜爲瀧瀧水今在南陽也 水經瀧水出無陰縣東上界山東入吳房縣南濯陽縣南上蔡縣南東入汝注云瀧水山海經謂之視水 師古曰瀧楚人反又音楚刀反 方輿紀要中陽山在唐縣東七十里一名慈邱山隋因置慈邱縣瀧水自唐縣東北流經舞陽縣南又東南經泌陽縣東北又東經象河關入汝寧府遂平縣境 大清一統志瀧水在泌陽縣東北源出中陽山東流經象河關入汝寧府遂平縣東南東北流經上蔡縣界又東南經汝陽縣東南入汝俗名沙河 按中陰山說文作中陽山水經作上界山山海經作歲山皆山之殊目也

西鄂

應劭曰江夏有鄂故此加西 水經注清水又東南逕西鄂縣故城東 玉篇南陽有西鄂縣叔虞封也 括地志西鄂故城在今鄧州向城縣南二十里 河南通志西鄂故城在今南陽府南召縣南

史記秦本紀昭襄王二十四年與楚王會穰
 又韓世家襄王十一年秦伐我取穰 又穰侯
 傳秦昭王封魏冉於穰號曰穰侯 說文鄭今
 南陽鄴縣臣錯曰即秦鄴侯魏冉之所封假借
 穰字 南雍州記穰楚之別邑秦初侵楚封公
 子惲為穰侯後屬韓秦昭王取之 水經注朝
 水又東南逕穰縣故城南楚別邑也秦拔鄴鄧
 即以爲縣昭王封相魏冉爲侯邑 又云湍水
 又逕穰縣爲六門陂漢南太守召信臣以建昭
 五年斷湍水立穰西石碣至元始五年更開三
 門爲六石門故號六門碣溉穰新野昆陽三縣
 五千餘頃 廣韻鄴南陽縣名 師古曰穰今
 鄧州穰縣是也音人羊反 元和志今鄧州郭
 下穰縣本漢舊縣 通典元帝建昭中召信臣
 爲南陽太守於穰縣南六十里造鉗盧陂累石
 爲隄旁開六石門以節水勢澤中有鉗盧玉池
 因以爲名用廣溉灌歲增多至三萬頃 寰宇
 通志鄧州在南陽府城西南一百二十里本秦
 秋時鄧侯國秦爲穰邑漢爲穰縣鉗盧陂在州
 南六十里堰甚多惟此最大灌田萬頃故老相
 傳萬頃鉗盧殆不虛也 大清一統志穰縣故
 城在今南陽府鄧州外東南隅段玉裁說文注
 鄴者古字穰者漢字如鄴薊鄴許鄆息郟釐之
 例蓋許所取古籍作鄴漢時縣名字从禾也
 莽曰農穰

年七月沛公還攻胡陽遇番君別將梅鋗與偕
 攻浙鄴師古曰浙鄴二縣名析縣今內鄉鄴即
 菊潭縣也 水經注湍水東南流逕鄴縣故城
 東郭仲產曰鄴縣故城在攻離山東鄴舊縣也
 三倉曰樊鄴鄴有二城北鄴也漢祖入關下
 浙鄴即此其南有南鄴史記所謂下鄴也 史
 記正義鄴故城在今鄧州新城縣西北四十里
 隋志河南郡菊潭縣舊曰鄴開皇初開焉
 元和志今鄧州菊潭縣本漢鄴縣武陶戎之地
 集韻入聲二十二昔部鄴縣名在南陽或作
 階又二十三錫部鄴南陽縣名或省作麗 河
 南通志鄴縣城在內鄉縣東本有南鄴北鄴二
 城 大清一統志鄴縣故城在今南陽府內鄉
 縣東北縣志云今縣北十里有栗城即鄴城之
 譌 按本書功臣侯表有下鄴侯在將黃同注
 云南陽據史表作下鄴下鄴即鄴縣也則史表
 是矣 又按浙之鄴師古于高紀則謂蘇林音
 躄如淳音持益反兩音並同於吳芮傳則音郎
 益反於樊噲傳則音直益反及鄴商傳則音歷
 而本志鄴縣則又取如淳說音躄躄之躄紛紛
 不一漫無定解誠有如劉貢父所云不曉其所
 以者
 育水出西北南入漢
 山海經攻離之山清水出焉南流注于漢郭注
 今清水出鄴縣西北山中南入漢鄴離同音也
 水經清水出弘農盧氏縣攻離山東南過南
 陽西鄴縣西北又東過宛縣南又屈南過清陽
 縣東又南過新野縣西又西過鄴縣東南入於

沔 水經注清水導源弘農東流逕鄴縣故城
 北 大清一統志清水自南陽府唐縣流入襄
 陽府襄陽縣名唐河南流與濁水合名唐白河
 又南入於漢一名泌河 水道提綱唐河有三
 源至唐縣皆會故名唐河其北源曰趙河源出
 魯山縣南境大山南流百餘里出山又南折東
 南又西南至南陽縣東南又東南至唐縣西北
 其東源曰泌河東自泌陽來會其東南源曰盧
 家河西北自桐柏來會以下總曰唐河又西南
 入湖北界經襄陽東北境百數十里白河自北
 來會又西南流滾河自棗陽來會又西南至樊
 城東南入漢趙河即古之清水也 地理志稽
 疑應劭于清陽縣謂育水出弘農盧氏南入於
 河而漢志鄴縣注云育水出西北南入漢愚謂
 此二育水也育陽之育水即鈞水已見弘農郡
 水經注作均水者也鄴之育水則水經作清水
 者也不可瀾舉師古未能分晰踈通
 安衆
 水經涅水又東南逕安衆縣城而爲陂謂之安
 衆巷 後書宗慈傳注安衆故城在今南陽縣
 西南俗有其名無復基址也 九域志鄧州南
 陽縣有安衆鎮 元統志安衆故城在今南陽
 縣西南三十里金時割屬鎮平 河南通志安
 衆城在南陽府城西南三十里漢爲劉崇封邑
 有土魯山出紫石英即今安衆下鋪 大清一
 統志安衆故城在今南陽府鎮平縣東南
 侯國
 本書王子侯表安衆康侯丹武帝元朔四年以

長沙定王子封 按王莽居攝安衆侯劉崇起兵討莽攻宛不克敗死崇即丹之七世孫也

故宛西鄉

水經注滹水又東南逕安衆縣故城南縣本宛之西鄉也

冠軍武帝置

應劭曰武帝以封霍去病去病仍出征匈奴功冠軍故立冠軍縣以封之 水經注滹水又逕冠軍縣故城東 又云朝水東南逕冠軍縣界地名沙渠 元和志鄧州臨滹縣本漢冠軍縣地故城在今縣南四十里 寰宇記漢冠軍

城在今鄧州南陽縣西四十五里 鄴錄漢制封侯國雖以鄉邑之名爲稱間有寓嫩惡于其間如羹頡不義折姦宗民冠軍之號猶有褒貶考之後漢寶憲傳注冠軍仍是國名他可知已

寰宇通志冠軍城在南陽府鄧州境內漢霍去病封邑後漢寶憲亦封此今城中東北隅有去病墓西北隅有憲墓 大清一統志冠軍故城在今南陽府鄧州西北四十里

故穰盧陽鄉

按說文穰縣有鄭鄉从邑婁聲當即此盧陽鄉也古字婁盧聲轉

宛臨駮聚

師古曰駮音桃

比陽

呂氏春秋齊令章子與韓魏攻荆使唐蔑將兵應之夾泚而軍 應劭曰比水所出東入蔡水經泚水出泚陽東北大胡山東南流過

禹貢桐柏大復山

在東南淮水所出東南至淮陵

縣南又西至新野縣南入于濟注云大胡山即天封山在泚陽北張衡南都賦所謂天封大胡仙之阪是也泚水一名馬仁陵澆田萬頃西北流逕新野縣又西南注於清水 後書光武紀注比水在今比陽縣南廬江灣縣亦有泚水與此別也泚音比 元和志今唐州郭下比陽縣本漢舊縣比水所出故曰比陽比水出今慈邱縣東南太湖山南去比陽縣二里 明統志比

水源出唐縣大胡山一名馬仁陵乃聚澤也澆田萬頃漢因此水建縣 大清一統志比陽故城在今南陽府泌陽縣西泚水亦名泌水源出

泌陽縣東銅山西南流經唐縣西北名曰唐河又西南泚經新野東入於清水 按比陽爲縣

以在比水之陽也本志續志皆同應氏謂比水東入蔡後書光武紀與甄阜梁邱賜戰於比水

是也後人加水爲泚又訛而爲泌惟水經注作泚未審其據

平氏

水經注澧水源出桐柏山與淮同源而別流西注故亦謂之派水其水西北流逕平氏縣故城

東北又西流注于泚水 後書法雄傳注平氏故城今唐州平氏縣也 元和志今申州郭下

義陽縣本漢平氏縣義陽鄉之地 又云今唐州平氏縣本漢舊縣桐柏縣乃漢平氏縣之東

界也 九域志唐州泌陽縣有平氏鎮 方輿紀要平氏城在桐柏縣西北四十里 大清一

統志平氏故城在今南陽府桐柏縣西

禹貢桐柏大復山在東南淮水所出東南至淮陵

屬臨淮郡

入海

禹貢導淮自桐柏孔傳桐柏山在南陽之東

春秋說題辭淮出南陽桐柏淮者均也均其務也 河圖括地象桐柏山爲地穴上爲維星

本書郊祀志宣帝改元神爵祀淮于平氏 山海經淮出餘山餘山在朝陽東義鄉西入海在

淮浦北 說文淮水在南陽平氏桐柏大復山東南入海 風俗通南陽平氏縣桐柏大復山

在東南淮水潛流地下三十里許東出大復山南謂之陽口水南即復陽縣在大復山之陽故

曰復陽 荊州記桐柏淮源湧發其中潛流三十里東出大復山南 荊州圖副桐柏山禹貢

所謂導淮自桐柏者也其山則雲峯秀峙林維椅柏濶潤吐雷伏流數里 釋名淮圍也圍繞

揚州北界東至于海也 水經淮水出南陽平氏縣胎簪山東北過桐柏山又東過平春縣北

新野縣南期思縣北原鹿縣南安豐縣東北又東北至壽春縣西又東過壽春縣北當塗縣北

鍾離縣北又東北至淮陰縣北又東至淮浦縣入于海 水經注淮水與澧水同源俱導西流

爲醴東流爲淮自潛流地下三十里許東出桐柏之大復山南謂之陽口水南即復陽縣也

又云桐柏山南有淮源廟廟前有碑 孔氏書正義胎簪蓋桐柏之旁小山 括地志桐柏山

在唐縣東南五十里 元和志桐柏山一名大復山在今唐州桐

縣西南九十里淮濱廟在縣西六十里山之東北 史記正義桐柏山在

禹貢桐柏大復山在東南淮水所出東南至淮陵

屬臨淮郡

今唐州東五十餘里 寰宇記胎簪山在桐柏西北三十里 今水經淮水源發河南南陽府唐縣東南一百八十里桐柏山其支岡有水潛流三十里東出大復山又東逕汝寧府確山縣信陽州息縣至新蔡縣南汝水從西北來入之入潁上界至壽州西北潁水入之又東灑水入之至懷遠縣渦水入之又東至鳳陽府北境濠水入之又東池水入之又東北入泗水至清河口泗水入之又東邗溝南入焉又東濳泗淮安府城北五里又東流水入之過安東縣東入於海 禹貢錐指淮水至淮陵入海行三千二百四十里疑太遠按易氏云淮自桐柏縣東流二百八十里至真陽又三百里至汝陰又二百十里至下蔡又五百里至蘄縣又二百四十里至臨淮又二百七十里至漣水縣入海通計一千八百里金吉甫云自桐柏至海凡千七百里二說近是志云至淮陵入海淮陵故城在今盱眙縣西北八十五里此地距海甚遙准何得於縣入海淮陵乃淮陰之訛三千字亦謬也淮陰去海尚一百四十五里而志云淮陰入海者亦猶江都去海甚遠而蒯氏道下云江水東南至江都入海不言海陵也 地理今釋淮水發源河南南陽府桐柏縣桐柏山東流至光州東北會汝水又東由固始縣入江南鳳陽府潁州界又東流至潁上縣東南淝水入之又東北至懷遠縣合渦河又東經長淮衛至五河縣合澮河又東經泗州城南盱眙城北漫衍入洪澤湖東北出淮安府清河縣之清口與黃河會東則刷黃

河以入海南則入運河以濟漕歷揚州府寶應縣高郵州抵江都縣入揚子江 大清一統志桐柏山在南陽府桐柏縣西南三十里東南接湖廣德安府隨州界西接襄陽府棗陽縣界大復山在桐柏縣東三十里桐柏山之支峯也胎簪山在桐柏縣西南三十里禹貢疏云桐柏山之旁小山也淮水源出桐柏縣西三十里伏流數里湧三泉因浚為井曰淮井又六七里成河流入汝寧府信陽州北四十五里又東經正陽縣南羅山縣北又東入光州息縣界經縣南又經光山縣及州界又東北經固始縣又東北入江南潁州界 皇朝通志淮水出河南南陽府桐柏縣西南之桐柏山東南流經湖北隨州北界又折而北經桐柏縣東折東流經信陽州北正陽縣南羅山縣北有御河自信陽州來會經息縣南有小黃河自羅山縣來會又東分二派合於光州西北又東經固始西北有南汝水來會南有光山縣水來會又東北有曲河自商城縣史河自固始縣來會又東北入江南界經潁州府阜陽縣南南汝水支津來會東南流經霍邱縣北潁上縣南有澧河來會又東南有淝河自霍山縣經六安州來會折東北經壽州西有沙河合汝水潁水來會又東北有東肥河來會又東北有芍陂沿河水來會又東北有廬州府北水來會經懷遠縣南有渦河亦名西肥河自河南太康縣鹿邑縣經江南亳州分二支一經太和潁上二縣至壽州來會一經柘城鹿邑二縣過亳州蒙城懷遠二縣來會又東北有北

肥河自宿州來會又東有龍子河自鳳陽縣來會又東經鳳陽府北又經五河縣南有澮河水自河南永城縣分支經宿州來會又東有沱河自羊城湖來會分二支一東北為潼河一東流復合有池河自定遠縣來會又東經盱眙縣北泗州南東北匯為洪澤湖湖之西北有睢河自碭山蕭縣宿州靈璧睢寧來注之其西北為桃源縣境南岸迤西北為高家堰北岸為清河縣境為全湖之委北流至清口黃河自西來會東北並流入于海 殿板漢書考證齊召南曰淮陵當作淮浦各本俱誤淮浦故城在今安東縣淮水於此入海若淮陵故城在今盱眙縣西北去海尚遠水經曰淮水東至淮浦入海是也水道提綱淮水出河南南陽府桐柏縣西南桐柏山東南流經湖廣隨州北界之出山司折而北經桐柏縣城東始折東流經信陽州北始出重山經真陽縣南羅山縣北息縣南光州西北固始縣西北汝水合諸水來會水勢始大折東南流又東北入江南界經潁州南乃東南流經霍邱縣北潁上縣南折東北經壽州西有諸水來會又東北又有諸水來會又東北經懷遠縣城南又有諸水來會折東南經鳳陽府城北臨淮縣城北五河縣南又折而東經盱眙縣城北泗州城北又折而東北經桃源縣南境百五十餘里南岸為桃源縣高家堰北岸為清河縣御壩始為全湖之委北流至清口會黃河合而東北流經清江浦淮安府山陽縣阜寧縣北安東縣南又東北至雲梯關入於海 尚書後案地

志言淮水出桐柏大復山言桐柏又言大復水經則云出胎簪山東北過桐柏山言胎簪又言桐柏說似皆與禹貢不合其實皆是也據風俗通所言上源略胎簪不數七校水經注胡東樵之言非也地志以淮水之入海系之淮陵而以淮水所分之游水系之淮浦水經則但言淮浦以游水即淮水也漢志水經其實一也說者謂盱眙去海尚遠不知淮水至此而止其東即支分之游水故班固曰淮陵也何得改曰淮陰乎段玉裁說文注淮水自平氏至入海大致東北行東多北少今云東南南字疑誤按海內東經淮水出餘山義鄉西入海淮浦北水經淮水又東至廣陵淮浦縣入於海則淮陵當作淮浦無疑考證之說極是胡氏以爲淮陰固謬全氏以淮陵爲本志不誤亦非也

過郡四行三千二百四十里

新校地理志按淮水當過南陽江夏汝南廬江九江臨淮六郡四字疑誤十七史商榷三千當作二千

青州川

夏官職方青州其川淮泗鄭注淮或爲睢

莽曰平善

隨故國

左傳桓六年楚武王侵隨杜注隨國今義陽隨縣正義隨國姬姓不知始封爲誰哀元年隨侯見經後不知爲誰所滅史記春申君傳說秦王曰韓魏必攻隨陽右壤正義云楚都城陳而隨故國在西南是楚之右壤也水經溈水東

南過隨縣西注云縣故隨國左傳所謂漢東之國隨爲大者也楚滅之以爲縣溈水經其縣南隨城山北而東南會隨水水經注隨水出隨郡永陽縣東石龍山西北流南回逕永陽縣西又西南至安樂縣故城西溈水會之又云溈水出隨縣西北黃山東南逕隨縣故城西春秋莊公四年楚伐隨令尹鬬祁莫敖屈重除道梁澆營軍臨隨謂此水也水側有斷蛇邱即隨侯得明珠處邱南有隨大夫季梁池又南流注于溈廣韻隨國名本作隨漢爲縣後魏爲郡又改爲州隋文帝去走後書朱祐傳注隨縣故城在今隨州隨縣元和志隨州本春秋時隨國爲楚所滅漢以爲縣今州所理即隨國城也寰宇記今隨州隨縣及唐城光化二縣又安州應山縣並漢隨縣地金石文字記皇甫誕碑隋字作隨虞世南夫子廟堂碑歐陽詢九成宮醴泉銘王知敬李衛公碑高宗李衛公碑天后順陵碑于敬之華陽觀王先生碑裴灌少林寺碑皆然當日金石之文二字通用自司馬公作通鑑以後始一用隋字而水經溈水隨縣字作隋則知此是古人省筆之法謂文帝始去走而爲隋者未必然也方輿記要隨城山在隨州南七里山勢橫直如城郭然州因以名又云溈水出隨州西北二百里栲栳山東南流至州北一百十里有魯城河合焉又東南流入溈大清一統志溈水南流百數十里有溈水自西來會折而東經州南又東南經德安府治安陸縣西北又東南至府城西北又南又東南至

漢川北境又東南至溈口塘南入漢源流長五百餘里地理志稽疑按溈水豫州浸康成師古皆疑其地不應在豫然職方之地犬牙相錯荊州之浸爲類則知豫之溈亦其例也厲鄉故厲國也

春秋僖十五年齊師曹師伐厲杜注厲楚與國義陽隨縣北有厲鄉帝王世紀神農氏起列山稱列山氏亦曰厲山氏亦曰厲山今隨縣之厲鄉是也荊州記厲縣北界有一穴云是神農所生又有周回一頃二十畝地外有兩重壟中有九井相傳神農既生九井自穿每汲一井則衆井水動即以此地爲神農社年常祠之水經注溈水南至厲鄉西賜水入焉西經厲鄉南故賴國也有神農社賜水西南入于溈即厲水也賜厲聲相近宜爲厲水矣師古曰厲讀曰賴寰宇記厲山在隨縣北一百里山東有石穴云是神農所生所謂列山氏也春秋時爲厲國國語補音祭法作厲山左傳作列山國語作烈山皆通字也大清一統志厲鄉在今隨州北今名厲山店厲山在州北四十里一名烈山亦名重山又名麗山炎帝起於此

葉楚葉公邑

左傳宣三年鄭文公使公子士朝於楚楚人醜之及葉而死杜注今南陽葉縣又成十五年許畏鄭請遷於楚楚遷許於葉又昭十八年楚王子勝曰葉在楚方城外之蔽也土不可易楚子乃遷許於析而更以葉封沈諸梁號曰葉公史記秦本紀昭襄王十五年取楚葉皇

覽葉縣西北去城三里有葉公沈諸梁冢近縣祠之曰葉君邱 水經注醴水又東南逕葉縣故城北又東逕葉廟北廟前有葉公子高諸梁碑 師古曰葉音式涉反 晉書音義葉音攝 後書岑彭傳注葉今許州葉縣也 元和志今汝州葉縣本漢舊縣後漢書謂之小長安言地沃人豐也 寰宇記葉公廟在今葉縣東北三里古冢前 寰宇通志葉縣在南陽府裕州北一百二十里古應國地春秋為楚地許遷於葉即此後為沈諸梁之邑漢為縣 大清一統志葉縣故城在今南陽府葉縣南縣志云有舊縣治在縣南三十里有長城號曰方城

左傳僖四年屈完曰楚國方城以為城杜注方城山在南陽葉縣南 又文三年晉陽處父伐楚以救江門於方城 又襄十六年晉荀偃伐楚侵方城之外 國語齊桓公伐楚濟汝踰方城章注方城楚北之阨塞 史記秦本紀昭襄王八年齊使章子魏使公孫喜韓使暴鳶兵攻楚方城 荀子議兵篇緣之以方城 淮南兵略訓綿之以方城 盛宏之荊州記葉東界有故城始讎縣東至親水達沘陽界南北連數百里號為方城一謂之長城 水經注鄆縣有故城一面號為長城城之西隅其間相去六百里南北雖無基築皆連山相接漢水流其南楚霸南方欲爭強中國多築列城於北方故號此城為萬城或作方城 又云灑水之左即黃城山有谿水出山東北逕方城郭仲產曰苦菜于東

之間有小城名方城東臨谿水尋此城致號之由當因山以表名也苦菜即黃城也及于東通為方城矣世謂之方城山水東流注灑水 括地志楚嘗爭霸中國連山累石於此以為固號曰方城亦謂之長城 又云方城山在許州葉縣西南十八里 又云方城在房州竹山縣東南四十一里其山頂上平四面險峻山南有城長十餘里名為方城即此山也 元和志方城在汝州小縣西南十八里唐州方城縣東北五十里 大清一統志方城山在葉縣南四十里跨裕州境後魏因置方城縣 春秋大事表方城山名在今南陽府裕州東北楚人因山為固築連城東向以拒中國寇葉縣至唐縣連接數百里苞絡故申國之地僖二十五年楚子入居於申杜注申在方城內故曰入是也楚文王滅申在莊十八年至僖四年屈完對齊桓公即云楚國方城以為城蓋楚一得申地即經營方城楚之強橫莫制實始於滅申也

鄧故國

春秋桓七年鄧侯吾離來朝釋例今義陽鄧縣 史記秦本紀襄王十六年左更錯伐楚取鄧 正義鄧城在襄州 荀子議兵篇阻之以鄧林 淮南兵略訓垣之以鄧林 說文鄧曼姓之國今屬南陽 太康三年地記故鄧城在襄州安養縣北二十里即春秋之鄧國莊公十六年楚文王滅之 水經清水又西過鄧縣東南入於沔注云縣故鄧侯吾離之國也楚文王滅之秦以為縣清水右合濁水俗謂之弱溝水其水

上承白水于朝陽縣東南逕鄧縣故城南又東逕鄧寨南又逕鄧城東而入於沔 又云汝水又東南流逕鄧城西 史記索隱鄧在漢水之北故鄧侯城也 元和志今襄州臨漢縣本漢鄧縣即古樊城仲山甫之國也故鄧城在臨漢縣東北二十二里 寰宇記鄧城在今襄州北二十三里 寰宇通志鄧城在襄陽府二十里 大清一統志鄧縣故城在今襄陽府襄陽縣北按晉志有鄧縣屬義陽郡又有鄧城屬襄陽郡疑漢晉之鄧縣尚在新野襄陽之間自晉分置鄧城宋齊以後當即鄧城地為鄧縣自唐以後遂屬襄州是唐之鄧城未必古之鄧國也

都尉治

朝陽 應劭曰在朝水之陽 水經注朝水出新野縣西北赤石山而東南逕冠軍縣界又東南逕穰縣故城南又東逕朝陽縣故城北而東南注於清水應劭謂縣在朝水之陽今朝水逕其北而不逕其南也 後書泗水王傳注朝陽縣故城在今鄧州穰縣南今謂之朝城 又臧洪傳注朝陽故城在今楚州安宜縣東 寰宇記朝陽故城在今穰縣東南俗謂之潮溼城 河南通志朝水源出赤石山東南流逕冠軍縣城故界又東南入新野縣界合於清水 大清一統志朝陽故城在今南陽府鄧州東南府志云在州南八十里亦曰朝城俗呼刁城 莽曰厲信 魯陽有魯山故魯縣御龍氏所遷

左傳昭二十九年蔡墨曰劉累學擾龍夏后使

入汝

求之懼而遷於魯縣杜注魯縣今魯陽也今魯

說文澗水出南陽魯陽堯山東北入汝從水巛

陽故城在汝州魯山縣西北 國語史伯曰董

聲 水經澗水出南陽魯陽縣西堯山東北過

姓饒夷象龍則夏滅之矣韋注董姓己姓之別

穎川定陵縣西北又東過鄆縣東南入於汝注

受氏爲國者有饒叔安之裔子曰董父以擾龍

云澗水出魯陽縣之堯山堯之末孫劉累遷於

服事帝舜賜姓曰董氏曰象龍封之饒川當夏

魯縣故立堯祠於西山謂之堯山張衡南都賦

之與別封饒夷於孔甲前而滅矣傳曰孔甲不

曰奉帝命而追孝立唐祀於堯山山在太和城

能食龍而未獲象龍氏劉累學擾龍於象龍氏

東北澗水出焉東逕魯陽縣故城南又東南逕

以事孔甲 汲郡古文孔甲七年劉累遷於魯

昆陽縣故城北又東逕西不羹城南於定陵城

陽 史記魏世家武侯十六年伐楚取魯陽

北東入汝 又云汝水出魯陽縣之大孟山蒙

盛宏之荊州記魯陽縣其地重險楚之坎塞也

柏谷東屈堯山西嶺下水流兩分一水東逕堯

水經注澗水東逕魯陽縣故城南城即劉累

山南爲澗水即經所言澗水出堯山矣 師古

之故邑也十三州志曰縣有魯山縣居其陽故

曰澗音峙又音雉 元和志澗水出魯山縣西

因名焉 師古曰卽淮南所云魯陽公與韓戰

大陌山 寰宇記堯山俗名大陌山亦號大龍

日反三舍者也 括地志汝州魯山縣本漢魯

山因擾龍見稱 今水經澗水源出魯山縣西

陽縣也古魯縣以故魯山爲名 後書齊武王

堯山流至葉縣入沙河沙河源出桐柏山東流

傳注魯陽縣今汝州魯山縣也 元和志魯在

合三里河入泗水 大一統志堯山在今汝

今魯山縣東北十里 寰宇記魯陽公墓在魯

州伊陽縣西南 又云澗水源出魯山縣西吳

山東北去縣二十五里墓上石碑有魯陽公墓

大嶺東流逕縣城南又東逕寶豐縣南又東逕

四字 九域志魯山縣有魯陽關卽魯陽公與

南陽府葉縣北又東經舞陽縣北又東入許州

韓戰揮戈退日處又有象龍城卽劉累所居

襄城縣界俗名沙河 又云按左傳僖三十三年

名勝志魯山在今汝州魯山縣東北八十里一

年楚救蔡與晉師夾泚而軍杜注泚水出魯陽

名露山以高出羣山之表也 大一統志魯

縣東經襄城定陵入汝與漢志源流符合是泚

陽故城卽今汝州魯山縣治魯山在縣東十八

水卽澗水也 皇朝通志沙河卽古澗水源出

里孤高聳拔爲一邑巨鎮縣以此得名又曰露

魯山縣西境東流經縣南又東經寶豐縣南葉

山

縣北有輝河來會經舞陽縣東北有汝水來會

堯山澗水所出東北至定陵

又東有濃河自舞陽縣經葉縣郟城來會又東

屬穎川郡

經上蔡縣北又東至商水縣西北有潁水滎陽

水來會折東南流至陳州府南分二支一南流

爲項城北沈邱南之渦河有汾河自西北經項

城南來會又東南入江南界經太和縣西潁州

府北會北支一爲沈邱北之沙河東北流入太

和縣西北折東南至潁州府北有茨河來會又

東南與渦河合又東南經潁上縣北又東南入

於淮水 水道提綱沙河卽古澗水俗曰沙水

源出魯山縣西境之堯山東南流經縣城南寶

豐縣南葉縣北舞陽縣東北汝水自襄城來會

又東南至郟城縣南曰大澗水其上流卽古汝

水也俗總稱爲沙河有濃河自舞陽東流來會

經城東南又東經上蔡縣北商水縣西北潁水

自北來會俗曰沙河

又有昆水東南至定陵

屬穎川郡

水經注昆水出魯陽縣唐山東南流逕昆陽縣

故城西又屈逕其城南又東逕定陵城南注汝

水 大一統志昆水一名渾河亦名萬泉河

源出葉縣西青山麓東流經縣南關外又東至

舞陽縣入于汝 按水經注此下有莽曰魯山

四字

春陵侯國

續郡國志章陵故春陵世祖更名 水經注漢

元帝以長沙卑溼分白水上唐二鄉爲春陵縣

光武卽位爲改革陵置園廟焉 師古曰漢紀

云武帝元朔五年以零陵冷道之春陵鄉封長

沙王子買爲春陵侯至戴侯仁以春陵地形下

涇上書徙南陽元帝許之以蔡陽白水鄉徙仁為春陵侯 後書光武紀注春陵鄉名本屬零陵冷道縣在今永州唐興縣北元帝時徙南陽仍號春陵故城在今隨州棗陽縣東 元和志春陵故城在今棗陽縣東南三十五里 方輿紀要春陵城在今襄陽府棗陽縣南三十里望氣者蘇伯阿見春陵城嘆曰氣佳哉鬱鬱葱蔥然即此 大清一統志春陵故城在今襄陽府棗陽縣東 按王子侯表戴侯名熊渠孝侯名仁徙封者孝侯仁也顏說誤

故蔡陽白水鄉

水經注白水出安昌縣故城東北大父山水北有白水陂其陽有漢光武故宅基址存焉所謂白水鄉也 輿地紀勝白水在今棗陽縣南四十里俗名劉白河上有光武廟 方輿紀要棗陽縣有光武宅枕白水張衡所謂龍飛白水也 大清一統志白水源出棗陽縣東六十里大阜山西南流名滾河至襄陽縣界西流入唐白河

上唐鄉故唐國

左傳宣十二年楚子使唐惠侯杜注唐屬楚之小國義陽安昌縣東南有上唐鄉 國語史伯曰當成周者南有隨唐 史記楚世家昭王滅唐 水經注石水出大洪山謂之小潁水東北逕上唐縣故城南陽唐侯國本蔡陽之上唐鄉也 括地志上唐鄉故城在今隨州棗陽縣東北一百五十里即古之唐國劉累子孫所徙之處也 九域志隨州唐城縣有唐城山地

里通釋唐姬姓隨州唐城縣故唐國漢為上唐鄉屬春陵 大清一統志古唐城在今德安府隨州西北九十里 按唐本堯後在山西太原周成滅之以封叔虞後乃分徙舊唐之子孫於許鄆之間春秋時唐成公唐惠侯並其後其地在今湖北隨州西北八十五里

新都

續郡國志新野縣有東鄉故新都 水經注謝水又東南逕新都縣左注泚水又西南流逕新都縣故城西 方輿紀要東鄉城在今新野縣東王莽封於此既篡位改曰新林舊本新野之都鄉故封莽為新都東漢廢入新野謂之東鄉 大清一統志新都故城在今南陽府新野縣東

侯國

本書恩澤侯表新都侯王莽平帝元始四年封

莽曰新林

湖陽

竹書紀年楚共王會宋平公于湖陽 史記高帝紀秦二世二年沛公還攻湖陽 水經注泚水西南流逕湖陽縣故城南其水四周城漑南入大湖大湖之名藉茲而納稱也 寰宇記今唐州湖陽縣即漢縣光武封其姊為湖陽公主即此 寰宇通志湖陽城在今南陽府唐縣南漢光武封姊為湖陽公主地今以名保 大清一統志湖陽故城在今南陽府唐縣南八十里 按高帝紀作胡陽湖胡古通 故慶國也

左傳桓十一年鄭與隨絞州蓼伐楚師杜注蓼國今義陽棘陽縣東南湖陽城 又哀十七年楚子穀曰武王克州蓼 太康三年地記蓼國先在南陽 師古曰蓼音力救反左氏傳作蓼其音同耳經典釋文蓼音了本或作鄧同 名勝志今南陽府唐縣南九十里蓼山即古蓼國地 按慶蓼屬鄧古並通用此與文五年楚所滅六與蓼之蓼不同另為一國非臬陶庭之後也

紅陽

方輿紀要紅陽城在今裕州舞陽縣西南三十里有紅山在城北因名 大清一統志紅陽故城在今南陽府舞陽縣西北紅山之南

侯國

本書恩澤侯表紅陽荒侯王立元帝元始四年封

莽曰紅俞

師古曰俞音諭

樂成

方輿紀要鄧州南三十里有樂鄉城本漢樂成縣 大清一統志樂成故城在今南陽府鄧州西南三十里唐志襄陽郡有樂鄉城即此

侯國

本書恩澤侯表樂成敬侯許延壽宣帝元康二年封 按延壽所封樂成表注平氏縣屬南陽而南陽郡本有樂成侯國當即延壽所封分平氏置者也褚先生補史記作樂平水經注從之非是又河間國亦有樂成而不云侯國則非列

侯食邑可知

博望

史記田齊世家宣二年三晉之王皆因田嬰朝齊王于博望 又六國年表齊宣王與趙會博望伐魏 水經注清水又東南逕博望縣故城東郭仲產曰博望縣在郡東北一百二十里本饒縣鄉也漢武帝置 括地志博望故城在今鄧州向城縣東南四十五里 九域志鄧州南陽縣有博望鎮 元統志博望故城在南陽府城東北七十里 寰宇通志博望城在今南陽府城東北七十里漢張騫封邑今以名保 大清一統志博望故城在今南陽府南陽縣東北六十里

侯國

本書恩澤侯表博望侯許舜宣帝元康二年封 按張騫封博望侯師古謂取其能廣博瞻望則博望非地名矣然據本志南陽郡本有博望侯國水經注以為即騫所封當不謬也蓋騫以元朔六年封元狩二年失侯宣帝時復以其地封舜耳

莽曰樂宜

復陽

應劭曰在桐柏大復山之陽故名 水經注淮水潛流地下三十里許東出桐柏之大復山南謂之陽口水南即復陽縣也 師古曰復音房目反 大清一統志復陽故城在今南陽府桐柏縣東

侯國

本書王子侯表復陽侯延年宣帝元康元年以長沙頃王子封

故湖陽樂鄉

十三州志復陽縣故湖陽之樂鄉也元帝元延二年置

漢書地理志補注卷十五南郡

方輿紀要南郡秦郡也今荊州府北至襄陽府之境是其地 按漢南郡今湖北府之江陵監利松滋枝江宜都五縣襄陽府之宜春襄陽二縣安陸府之當陽縣及荊門州宜昌府之東湖縣及歸州漢陽府之沔陽州又四川夔州府之巫山縣皆其地

秦置

史記秦本紀昭襄王二十九年白起攻楚取郢為南郡 習鑿齒襄陽記秦兼天下自漢以南為南郡 水經注秦昭襄王使白起拔郢鄢以漢南地置南郡周書曰南國名也南氏有二臣爭權君弗能制用分為二南國按韓嬰詩云其地在南郡南陽之間呂氏春秋所謂禹自塗山巡省南土是郡取名焉 地理志稽疑其時韓亦有南郡秦本紀昭襄王四十四年攻韓南郡取之是也蓋與楚接壤之地後殆并入

高帝元年更為臨江國五年復故

史記項羽本紀義帝柱國共敖將兵擊南郡功多因立敖為臨江王都江陵 又荆燕世家劉賈與盧縮擊臨江王共尉尉死以臨江為南郡 又斬欽傳別定江陵降江陵柱國大司馬以下八人因定南郡 廿二史考異按高帝元年楚柱國共敖為臨江王都江陵即南郡故地本項羽所封史家繫之高帝耳其五年敖子尉為漢所虜則復為南郡矣

景帝二年復為臨江中二年復故

新校地理志按諸侯王表景帝二年三月立子闕為臨江王二年薨諡曰哀無後愍王榮七年十一月立三年自殺闕榮並景帝子立又異時是闕國在先榮國在後也志統舉之

莽曰南順屬荊州有發督官師古曰主教放弩也

縣十八

江陵臨沮夷陵華容宜城鄖鄖當陽中廬枝江襄陽編穉歸夷道州陵若巫高成

江陵故楚鄖都楚文王自丹陽徙此

史記楚世家熊渠立長子康為句亶王張瑩曰今江陵也 又云文王熊賁始都鄖 左傳文

十年子西為商公沿漢沂江將入鄖王在渚宮

下見之正義商在漢水北漢水東流而南入江子西自商縣沿漢水順流而下至江乃沂流逆

上渚宮當鄖都之南故王在渚宮下見之 本志論列國風俗江陵故鄖都西通巫巴東有雲

夢之饒亦一都會也 說文鄖故楚都在南郡江陵北十里 世本楚鬻熊居丹陽武王徙鄖

杜預左傳注楚國今南郡江陵縣北紀南城也 郭璞山海經注江陵近地無高山所有皆

陵阜之屬故名江陵 荊州記昭王十年吳通漳水灌紀南城決赤湖進灌鄖城遂破楚是前

攻紀南而後破鄖也今江陵縣北十餘里有紀南城楚王所都東南有鄖城子囊所築 水經

注江水又東逕江陵縣故城南縣故楚也子革曰我先君僻處荊山以供王事遂遷紀鄖今城

楚船官地也春秋之渚宮矣 又云夏水出江

津於江陵縣東南江津豫章口東有中夏口是夏水之首江之沱也屈原所謂過夏首而西浮顧龍門而不見龍門即鄖城之東門也 又云

江陵西北有紀南城楚文王自丹陽徙此班固言楚之鄖都也 廣韻荊州名夏及周並為州

秦為江陵即鄖都之渚宮春秋正義世本及譜皆云武王都鄖又左傳沈尹戌曰若敖蚡冒至

於武文土不過圻猶不城鄖則楚之都鄖并不始於武王矣蓋經營數世至武文而始定耳

括地志楚武王始都鄖紀南故城是也在今荊州江陵縣北十五里 渚宮舊事文王熊賁都

鄖今江陵北鄖城紀城是也 通典今荊州所理江陵縣故楚之鄖地秦分郡置江陵縣今縣

界有故鄖城 通鑑地理通釋屈原哀鄖曰顧龍門而不見孰兩東門可蕪注云楚都南關二

門一名龍門一名修門兩東門鄖都東關有二門也 寰宇通志江陵一名龍門一名修門兩

東門鄖都東關有二門也 寰宇通志江陵故楚鄖都秦分鄖為江陽縣漢改為江陵 又云

鄖城在荊州府城東北按元統志謂鄖城在安陸州然楚成王使鬬宜申為商公沿漢沂江將

入鄖王在渚宮下見之夫沿漢而下沂江而上則鄖在江上而不在漢上明矣又汪克寬春秋

纂疏謂文王遷鄖在江陵故鄖城平王時囊瓦城鄖在安陸不知何據 大清一統志江陵故

城即今荊州府治本春秋楚渚宮地漢置江陵縣歷代因之渚宮在城內西北隅 又云紀南

城在今荊州府江陵縣北楚文王以後所都一

名鄖城 趙一清水經注釋或據荊州記所說

以駁鄖注予按史記索隱云楚都鄖今江陵北紀南城是平王更城鄖今江陵東北故鄖城是

楚子革曰我先君僻處荊山以供王事遂遷紀鄖則鄖與紀南為二城明矣然紀南本號鄖鄖

注亦未盡非也 段玉裁說文注按楚有二鄖所都曰鄖別業邑曰鄖左傳鬬廉曰君次於

郊鄖以禦四邑杜曰鄖鄖楚地此必非鄖都也故前志曰江陵縣故楚鄖都又曰鄖縣楚別邑

故鄖劃然二縣故鄖二字正故郊鄖之誤也許君於他邑不言距今縣方向里數獨此云在南

郡江陵北十里詳之者以見非漢鄖縣之鄖也後九世平王城之

括地志平王城鄖在荊州江陵縣東北六里即吳公子光伐楚楚平王恐而城鄖者也 按是

年為楚平王十一年後十世秦拔我鄖

史記楚世家頃襄王二十一年秦將白起遂拔我鄖燒先王墓 又白起傳昭襄王三十年攻

楚拔鄖 徒陳

舊作徒東誤 史記楚世家頃襄王兵散遂不復戰東北保於陳城 又白起傳楚王亡去鄖

東走徒陳 殿板漢書考證齊召南曰徒東當作徒陳此頃襄王二十一年事也志於九江壽

春邑自注曰楚考烈王自陳徙此即與此文相應各本俱誤

莽曰江陸

臨沮

應劭曰沮水出漢中房陵東入江 水經注沮水南逕臨沮縣西又屈逕其縣南 師古曰沮水即左傳所云江漢臨沮漳楚之望也音千余反 後書公孫述傳注臨沮縣故城在今荊州當陽縣西北 寰宇記今襄州南漳縣峽州遠安縣並漢臨沮縣地沮水逕當陽縣北十餘里東南流一百里入沱江 地理通釋沮水在今荊門軍當陽縣 方輿紀要臨沮城在今襄陽府南漳縣西南六十里 大清一統志臨沮故城在今安陸府當陽縣西北沮水在縣北自襄陽府南漳縣流入荊州府遠安縣又南入安陸府當陽縣界合漳水南至荊州府江陵縣西入江 水道提綱沮河源出遠安縣北境之北風山南流百餘里曰潮水河南經縣城西折東南至當陽縣西北境有鞏河自東北來會折東南經當陽城北又東南至古麥城西又東南漳河自東北來會又南百五十里入大江 禹貢南條荆山在東北 禹貢荆河惟豫州孔傳豫州西南至荆山 又荆及衡陽惟荊州孔傳荊州北據荆山 左傳昭四年晉司馬侯曰荆山九州之險也 又十二年楚右尹子革曰昔我先王熊繹僻在荆山 中山經荆山今在新城沔鄉縣南 荊州記荆山西北三十里有青谿谿北即荆山首曰景山即卞和抱璞處 王粲登樓賦蔽荆山之高岑 水經注荆山在景山東一百餘里雖羣峯競舉而荆山獨秀 唐六典山南道名山曰荆

括地志荆山在今襄州荆山縣西八十一里

荆山縣本漢臨沮縣地 元和志荆山在今南漳縣西北八十里三面絕險惟東南一隅纔通人徑 寰宇記卞和得玉於荆山即此 輿地廣記荆山在今南漳縣東北荆豫二州於是分境 地理今釋荆山在今襄陽府南漳縣西北八十里左傳所謂荆山九州之險指此 大清一統志荆山在今襄陽府南漳縣西八十里 按左傳昭十三年楚遷許胡沈道房申於荆 杜注荆荆山也然則荆山能容六小國之衆其為地亦廣矣蓋自宜城南漳以至房縣迤邐而西與歸州相接皆荆山也亦曰西山 漳水所出東至江陵 屬本郡

入陽水陽水入沔行六百里

說文南漳出南郡臨沮 山海經荆山漳水出焉東南流注於雒郭注出荆山至南郡當陽縣入沮水 水經漳水出臨沮縣東荆山南至枝江縣北烏扶邑入于沮注云漳水東南流又屈西南逕編縣南又南歷臨沮縣之章鄉南又南逕當陽縣又南逕麥城東又南流注之地理志云注于沔非也今漳水于當陽縣之東南一百里餘而右會沮水也 又云揚水上承江陵縣赤湖北流逕竟陵縣西又北流注於沔 方輿紀要漳水出南漳縣南境經當陽縣北又南東與沮水合流達縣南之沱江至荊州府枝江縣而入大江 大清一統志漳水出荆山馮家嶺自南漳縣南流入安陸府當陽縣界經縣東

又南合於沮水 又云揚水在安陸府天門縣

西發源京山縣虎爪山名揚水河南流名馬溪河又南流入中水河據水經注所言與今水道不合 水道提綱漳河源出沮縣東北五十里之勸湯巖南流至清水鋪西曰清溪河又東南流至麥城東又南與沮水會二水自源至江行四百餘里 又云南漳縣在襄陽府西南一百二十里宜城西北一百四十里其西與鄖陽府保康縣連界其南境多大山自竹山而東南為房山景山為五柯樹為龍潭山高雞寨東為老龍山北風山至縣與遠安接界綿互不斷而東南至荊門州之西北凡數百里禹貢荊州之荆山在縣西北八十里漳水所出即今清涼河也源出南漳縣西北大山即穀城縣南界保康縣東北界襄陽縣西南界諸山相連者也東南流循山麓八十里至縣東北龍門集之北又東南流百餘里至武安鎮西南會歇馬河東流曰蠻河又東稍北經宜城縣西境朱家嘴南稍東折東南流八十里至縣東南境之新店又東南八十里入漢源流行四百餘里 按水經注是揚水自入沔漳水乃入江耳

夷陵

史記白起傳昭襄王三十年攻楚拔郢燒夷陵 索隱曰夷陵陵名後為縣 宣都記自黃牛灘東入西陵峽至峽口一百里許山水紆曲兩岸高山重嶂非日中夜半不見日月絕壁或千許丈林木高茂猿鳴至清山谷傳響冷冷不絕所謂三峽此其一也 水經江水又東過夷陵縣

南注云縣南臨大江秦令白起伐楚三戰西燒夷陵即此應劭曰夷山在西北蓋因山以名縣也 後書光武紀注縣有夷山故曰夷陵故城在今峽州夷陵縣西北 通典峽州楚夷陵漢屬南郡魏武置臨江郡蜀改爲宜都吳破蜀改爲西陵常爲重鎮 方輿勝覽夷陵山一名西陵峽在夷陵縣西北二十五里 名勝志夷者平也言江路至此始平也今夷陵州西北十五里有白起洞相傳武安伐楚時憇師于此 大清一統志夷陵故城在今宜昌府東湖縣東按夷陵故城有四此晉宋以前故城也又在東湖西北下牢戌隋以前故城又在東湖西北石鼻山宋建炎中所移又在東湖縣東南宋端平元年所移

都尉治莽曰居利

華容

水經江水又東至華容縣西夏水出焉又東南當華容縣南涌水出焉注云江水左迤爲中夏水右則中郎浦出焉又東涌水注之水自夏水南通於江二水之間謂之涌口春秋傳所謂閭敖游涌而逸者也 後書胡廣傳注華容故城在今荊州東 通典今荊州石首縣復州監利縣並漢華容縣地若岳州華容縣乃漢房陵縣隋所置非漢之華容縣也 大清一統志華容故城在今荊州府監利縣西北 按春秋定四年許遷於容城後二年鄭即滅許傳所謂因楚敗也容城在今河南南陽府葉縣西應仲遠以爲即南郡之華容誤矣南郡之華容爲今湖北

荊州府監利縣在郢都之側豈能至此乎水經注復仍其說非是 雲夢澤在南荊州藪 禹貢雲土夢作又孔傳雲夢之澤在江南其中有平土邱水去可爲耕作畝畝之治 夏官職方荊州澤藪曰雲膏鄭注雲夢在華容 爾雅十藪楚有雲夢鄭注今南郡華容縣東南巴邱湖是也 裴駟曰孫叔敖激沮水爲此澤 鄒誕生曰夢音蒙 水經江夏水又東逕監利縣南縣土卑下澤多陂池西南自州陵東界逕于雲杜沌陽爲雲夢之藪矣 元和志史記司馬相如傳云楚有七澤其小者名雲夢方九百里左傳邠女棄子於夢中無雲字楚子濟江入雲中復無夢字以此推之則雲夢二澤本自別矣而禹貢及爾雅皆曰雲夢者蓋雙舉二澤而言之故後代以來通名一事 寰宇記雲夢澤在安陸縣東南關數十里南接荆湘 大清一統志雲夢澤在今德安府安陸縣南五十里東南接雲夢縣界按左傳楚昭王涉睢濟江入於雲中杜注謂睢至枝江入注漢志謂南郡華容有雲夢澤故先儒有蔡沈注禹貢以爲雲夢方八九百里華容枝江江夏安陸皆其地也今考古之華容杜佑以爲今監利胡三省以爲今石首曹操赤壁之敗行雲夢澤中失道當在監利石首間而令尹子文初生棄於夢中石晉安審暉破南唐兵于雲夢則當在安陸也要之安陸以南華容以北枝江以東皆古之雲夢澤後世悉爲邑居聚落 皇朝通志雲夢澤跨江南北蓋

八九百里自枝江而東爲松滋爲公安爲石首爲華容濱江南岸多澤藪即所謂江南之夢也江北尤巨自荊州府江陵以東監利以北河陽州前後左右諸湖皆受漢水支津至嘉魚縣東北漢陽府西南境分流以入於江漢水之東北岸自京山天門應城雲夢孝感東南至黃州羣水瀦匯亦即古澤皆入漢之水所瀦而又分流以入於漢水 水道提綱雲夢跨江南北蓋八九百里今自枝江而東爲松滋東南爲公安又東南爲石首爲華容濱江南岸多澤藪即古所謂江南之夢也江北尤巨自荊州府江陵以東潛江以南監利以北河陽州前後左右諸湖渠皆首受漢水支津于大澤口之西張集港之南東南流至嘉魚東北至新灘司及漢陽西南境之沈口分流入江者也總曰沔水東西地四百餘里南北二百餘里 按雲夢澤江水所溢也禹貢荊州雲土夢作又職方荊州澤藪曰華容爾雅十藪楚有雲夢可見雲夢一藪也左傳昭三年楚子與鄭伯田於江南之夢宣四年媢夫人使棄諸夢中定四年楚子涉睢濟江入於雲中雲夢二字分舉後儒遂謂夢在江南雲在江北唐人改禹貢爲雲土夢作又以爲從古本尚書于是雲與夢分爲二地轉致疑於職方爾雅然史記夏本紀敘禹貢云雲夢土爲治本志序文引禹貢云雲夢土作又俱連舉雲夢則唐人所云尚書古本未足據矣左傳雲夢分舉不過偶從省文傳文謂之江南之夢則江北有夢地可知故杜注云楚之雲夢跨江南北後儒謂夢

八九百里自枝江而東爲松滋爲公安爲石首爲華容濱江南岸多澤藪即所謂江南之夢也江北尤巨自荊州府江陵以東監利以北河陽州前後左右諸湖皆受漢水支津至嘉魚縣東北漢陽府西南境分流以入於江漢水之東北岸自京山天門應城雲夢孝感東南至黃州羣水瀦匯亦即古澤皆入漢之水所瀦而又分流以入於漢水 水道提綱雲夢跨江南北蓋八九百里今自枝江而東爲松滋東南爲公安又東南爲石首爲華容濱江南岸多澤藪即古所謂江南之夢也江北尤巨自荊州府江陵以東潛江以南監利以北河陽州前後左右諸湖渠皆首受漢水支津于大澤口之西張集港之南東南流至嘉魚東北至新灘司及漢陽西南境之沈口分流入江者也總曰沔水東西地四百餘里南北二百餘里 按雲夢澤江水所溢也禹貢荊州雲土夢作又職方荊州澤藪曰華容爾雅十藪楚有雲夢可見雲夢一藪也左傳昭三年楚子與鄭伯田於江南之夢宣四年媢夫人使棄諸夢中定四年楚子涉睢濟江入於雲中雲夢二字分舉後儒遂謂夢在江南雲在江北唐人改禹貢爲雲土夢作又以爲從古本尚書于是雲與夢分爲二地轉致疑於職方爾雅然史記夏本紀敘禹貢云雲夢土爲治本志序文引禹貢云雲夢土作又俱連舉雲夢則唐人所云尚書古本未足據矣左傳雲夢分舉不過偶從省文傳文謂之江南之夢則江北有夢地可知故杜注云楚之雲夢跨江南北後儒謂夢

在江南者非也吳師五戰及鄧昭王自郢西走涉沮水渡江而南東行入雲中故杜注云入雲夢中澤所謂江南之夢是雲中即江南之夢後儒謂雲在江北者非也雲夢一澤而跨江南北統爲一藪故鄭康成職方注應劭風俗通義高誘呂覽注及淮南注韋昭國語注郭璞爾雅注俱本漢志之文漢之華容今爲荊州府監利石首二縣監利在江北石首在江南又編縣及江夏西陵二縣並有雲夢宮編縣今安漢府荊門州也西陵今黃州府黃岡蘄水二縣及蘄州之境也又有雲杜縣今安陸府京山縣也蓋春秋以來楚地日闢苑囿益廣戰國策楚王游于雲夢結駟千乘高唐賦云襄王與宋玉遊於雲夢之臺是當日離宮別苑俱稱雲夢水經注雲杜縣東北有雲夢城則宮囿所在必增置城隍子虛賦云雲夢者方八九百里雖賦家夸大之辭亦可見後世遊觀之侈非復殷周藪澤之舊矣然則東抵蘄州西抵枝江京山以南青草以北皆爲古之雲夢孔穎達所謂雲夢一澤而每處有名者也

夏水首受江東入沔行五百里

鄭康成尙書注華容有夏水首受江尾入沔此所謂沱也 水經夏水出江津于江陵縣東南又東過華容縣南又東至雲杜縣入于沔 水經注江水又東至華容縣西夏水出焉十三州記曰江別入沔爲夏水源夫夏之爲名始於分江冬竭夏流故納厥稱既有中夏之目亦苞大夏之名矣當其決入之所出謂之堵口自堵口

下沔水通兼夏目而會於江謂之夏沔也左傳稱吳伐楚沈尹射奔命夏沔杜預曰漢水曲入江即夏口矣夏水出江流江陵縣東南又東過華容縣南江津豫章口東有中夏口是夏水之首江之沱也 寰宇記沔陽縣夏水南入大江一名長夏水郭仲產云此水冬寒夏通因名夏水 大清一統志夏水在荊州府江陵縣東南東流入監利縣界又東流入安陸府沔陽州界一名長夏港又名魯泝江又名大馬長川 一統志潛水在今湖北安陸府潛江縣東南流逕漢陽府沔陽州西北合夏水今名蘆泝河府志云蘆泝河自漢江分流爲排沙渡又南逕潛江縣城東爲縣河又南爲總口又南爲許家口又東至沔陽州柏口至柳口會潛河又東播爲蘆蒿河又東合夏水是爲正流一支自縣河分流爲洛江河東入沔陽州界又一支自總口分流爲馬丹河西通直路河宋置潛江縣以此得名按此即禹貢荊州沱潛既道之潛水今水由漢出與爾雅正合 水道提綱荊州府治江陵縣城北有大暉港自北而南折而南折而東經城北又東數十里形如曲尺此水無所入其北有池水當港曲平地干龍背橋南東流六十里有小水自西北來會匯爲太白湖自西迤而東南長九十里至潛江縣西境梅家嘴西有三湖水西南自江陵東南境來會又東有漢水支津東北自大澤口西南流來會南流有紅馬湖水南自江東岸之郝穴東北流又西合觀音寺東之水來會即古所謂夏水首受江後人曰長夏

河者也 按夏水在今荊州府監利縣東南所謂魯泝江也馬融鄭康成皆以夏水爲即滄浪之水來會誤矣 宜城故鄆惠帝三年更名 左傳桓十三年楚屈瑕伐羅及鄆亂次以濟杜注鄆水在襄陽華容縣入漢釋例云鄆水出新城汭鄉縣東南經襄陽至宜城縣入漢 又昭十三年靈王沿夏將入鄆杜注夏即漢之別名順漢水入鄆也本爲楚別都故靈王欲入 史記秦本紀昭襄王二十八年大良造白起取鄆正義鄆在襄州 又楚世家頃襄王十六年與秦昭王好會于鄆 說文鄆南郡縣孝惠三年改名宜城 水經沔水又南過宜城縣東夷水出自房陵縣東流注之注云夷水蠻水也桓溫父名彝故又改曰蠻水東南流逕羅川城故羅國也又謂之鄆水春秋楚人伐羅渡鄆者也其水自新陂東入城城故鄆鄆之舊都也秦以爲縣漢惠帝改曰宜城 括地志故鄆城在今襄州安養縣北三里襄州北五里南去荊州二百里五十里鄆水源出義清縣西托伏山 元和志故宜城在今襄州率道縣南九里本楚鄆縣秦昭王使白起伐楚引蠻水灌鄆城拔之遂取鄆即此城也 渚宮舊事楚惠王因亂遷鄆今宜城是既立復歸而舊史缺見 寰宇記蠻水西自義清縣界東南流入宜城縣 元統志漢宜城故城在今縣南十五里 大清一統志宜城故城在今襄陽府宜城縣南鄆水源出南漳縣南康狼山東流入宜城縣南入漢一作滹水亦

名夷水又名蠻水今名蠻河 按鄆本古國後入楚為別都其後昭王徙鄆於都更稱鄆鄆以鄆與都俱在宜城縣地相近故稱鄆鄆以別于江南之紀鄆也

鄆楚別邑故鄆 左傳襄十四年楚子囊將死遺言謂子庚必城鄆楚於是始城之 又昭二十三年楚囊瓦為令尹城鄆水經注江水又東逕鄆城南子囊遺言所築也又東得豫章口夏水所通也 大清一統志鄆縣故城在今荊州府江陵縣東南楚平王所都 按本志故鄆二字段氏謂故下脫郊字甚是詳前江陵下

鄆 按文鄆南郡縣从邑已聲 孟康曰鄆音忌 周成雜字解詁鄆音忌 水經沔水又南過鄆縣東北注云縣故楚邑也秦以為縣漢高帝十二年封黃極忠為侯國 又云三澱江在南郡鄆縣之北注云池流多矣論者疑焉亦不能辨其所在 師古曰鄆音其已反 晉書音義鄆音起又渠記反 後書泗水王傳注鄆縣故城在今襄州鄆音其紀反 元和志今襄城宜城縣本漢鄆縣地城東臨漢江古諺曰鄆無東言其東逼漢江其地短促也 方輿紀要故鄆城在宜城縣北九十里王莽地皇二年鄆人秦豐起兵 禹貢錐指三澱當在清水入漢處一在襄城北一在樊城南一在三洲口東皆襄陽縣地在古鄆縣之北也 大清一統志鄆縣故城

在今襄陽府宜城縣東北 按水經載禹貢山川澤地所在南郡鄆縣有三澱地而本志無之當陽

水經注沮水又東南逕當陽縣故城北城因岡為阻北枕沮川其故城在東一百四十里謂之東城在綠林長坂南又南逕楚昭王墓又南與漳水合焉 又云漳水又南逕當陽縣又南逕麥城東於當陽城之東南一百里餘而右會沮水王仲宣賦曰來清漳之通浦倚曲沮之長洲是也 寰宇記當陽縣在今荆門軍西一百五十里漢陽縣也故城在今縣北 大清一統志當陽故城在今安陸府當陽縣東 地理志稽疑施廷樞云當陽謂當陽水之上也

中廬 左傳桓十三年羅與廬戎兩軍之杜注廬戎南蠻 國語富辰曰廬之亡由荆嬀韋注廬嬀姓之國 續郡國志作中廬 水經沔水又東逕中廬縣東淮水自房陵淮山東流注之注云縣即春秋廬戎之國也 師古曰中廬在襄陽縣南今猶有次廬村以隋室諱忠故改中為次後書臧宮傳注中廬故城在今襄州襄陽縣南 通典今襄陽郡中廬縣即漢縣也蓋貉越人徙於此在襄水之陽 元和志中廬故縣在今襄州清義縣北二十里本春秋廬戎之國秦時謂之伊廬項羽亡將鍾離昧家在伊廬是也 方輿紀要中廬城在今襄陽府南漳縣東北五十里 大清一統志中廬故城在今襄陽府襄陽縣西南 按左傳文十六年自廬以往振廩

同食廬即廬戎國傳所謂羅與廬戎兩軍之者也楚滅之以為廬邑正義云廬與廬通漢置中廬縣而應仲遠謂廬江郡即古廬子國通典因之而復云左傳自廬以往即此地廬州府志古蹟有同食館唐元和中刺史路應求建此真俗語不實流為丹青者矣

枝江

史記楚世家楚之先出自帝顓頊高陽至周文王之時其苗裔曰鬻熊事文王早卒曾孫熊繹當成王時封於楚姓辛氏居丹陽徐廣曰丹陽在南郡枝江縣正義曰穎容云傳例曰楚居丹陽今枝江縣故城是 又韓世家宣惠王二十一年與秦共攻楚將屈丐斬首八萬於丹陽 續郡國志枝江縣有丹陽聚 荊州記枝江縣舊治沮中後移出百里洲西去郡一百六十里縣左右有數十洲繁布江中百里洲最大自縣西至上明東及江津其中有九十九洲 水經江水又東過枝江縣南沮水從北來注之注云江水又東逕上明城北又東會沮口楚昭王所謂江漢沮漳楚之望也 又云沮水又東南過枝江縣東南入於江注云沮水注江謂之沮口 通典今荊州枝江縣漢陽縣楚文王自丹陽徙都亦曰丹陽 渚宮舊事周成王時封熊繹於楚以子男之國居丹陽實枝江 寰宇記枝江縣在今荊州西一百二十里漢舊縣也 九域志江陵府松滋縣有枝江鎮 寰宇通志枝江在荊州府城西一百八十里以蜀江至此分枝為諸洲故名 大清一統志枝江故城在今

荆州府枝江縣東丹陽城在縣西
故羅國

左傳桓十二年羅人欲伐楚師杜注羅熊姓國
在宜城縣西山中後徙枝江縣 續郡國志枝
江本羅國 水經注枝江縣其民故羅徒羅故
居宜城西山楚文王又徙之於長沙今羅縣是
矣 大清一統志羅川城在今襄陽府宜城縣
西南故羅國

江沱出西南東入江

南字從水經注增 禹貢荆州沱潛既道 詩
召南江有沱 爾雅釋水江爲沱 鄭康成曰
南郡枝江縣有沱水其尾入江耳首不於江出
也華容有夏水首出江尾入沔此所謂沱也

水經荆州沱水在南郡枝江縣注云江水自夷
道縣北又東逕上明城北其地夷敵北據大江
江沱枝分東入大江縣治洲上故以枝江爲稱
孔氏書正義導江言東別爲沱是沱爲江之
別名也 師古曰沱即江之別出者也 經典
釋文沱徒何反 禹貢錐指按枝江沱水爲江
洲所隔而成何不言於江出華容夏水自江陵
縣東南首受北江東北流經監利沔陽與潛江
縣分界又東北至京山縣東南而注於漢此本
沱水枝分而爲夏非出於大江鄭以爲沱者蓋
北江久已盛大世目爲岷江之經流因以所出
者爲沱耳禹時無此沱也不可從 大清一統
志禹貢岷山導江東別爲沱又東至於澧而今
澧水北去江二百餘里說者遂以禹貢之文爲
不可解考水經注云江水又東逕上明城北江

襄陽

沱枝分東入大江縣治洲上故以枝江爲稱江
水又南逕江陵縣南縣江有洲號枚迴洲江水
自此兩分而爲南北江寰宇記云百里洲首派
別南爲外江北爲內江王晦叔云枝江縣百里
洲夾江沱二水之間其與江分處謂之上沱與
江合處謂之下沱蓋南江在古時爲岷江之正
流江陵縣西南二十里有虎渡口南江從此東
南流注於澧水而北江則沱水也其後北江漸
盛南江漸微世反以南爲沱北爲江矣

應劭曰縣在襄水之陽 荆州記襄陽舊楚之
北津從襄陽渡江經南陽出方關是通周鄭晉
衛之道其東津經江夏出平津皋門是通陳蔡
齊魯之道 宋書州郡志襄陽本漢爲中廬縣
漢初徙略越之人居之 水經沔水又東逕襄
陽縣北注云沔水又東合檀濱水水出縣西柳
子山下北流注於沔一水東南出應劭曰城在
襄水之陽是水當即襄水也城北枕沔水楚之
北津戌今大城西壘是也其土故鄢都盧羅之
地秦滅楚置南郡號此爲北部焉 元和志今
襄州郭下襄陽縣本漢舊縣古諺云襄陽無西
言其界促近也 輿地紀勝以地在襄山之陽
爲名 方輿紀要襄陽城相傳漢晉時故址背
負漢水東北一帶皆綠城爲隄以防潰決謂之
大隄漢樂府有大隄曲謂此也 按襄陽即今
襄陽府附郭縣也寰宇記云荆楚之地水駕山
而上者皆呼爲襄其名爲無定故陸澄地理志
謂襄陽無襄水則應氏之說亦未的矣水經注

復宗之非是其地去江陵陸道五百里勢同輔
車無襄陽則江陵受敵故東晉後代爲重鎮
莽曰相陽

孟康曰音鞭 水經注漳水東南流又屈西南
逕編縣南縣舊城在東北一百四十里高陽城
西南移治許茂故城南臨漳水 晉書音義
編音步典反 寰宇記今荆門軍長林縣即漢
編縣地 荆州圖經前漢南郡臨沮當陽編縣
皆荆門之地而編乃今長林也 大清一統志
編縣故城在今安陸府荆門州西又襄陽府南
漳縣亦有編縣故城乃晉隆安五年所移治之
縣非漢縣也

有雲夢宮

大清一統志雲夢宮在今荆門州西 新校地
理志今江南自枝江縣而東爲松滋公安石首
江北自荆州府而東爲監利沔陽漢水以西南
爲潛江東北爲鍾祥京山天門雲夢孝感羣水
豬焉皆曰古雲夢也故編西陵並有雲夢宮
莽曰南順

秭歸歸鄉故歸國

春秋僖二十六年楚人滅夔以夔子歸杜注夔
楚姓國今建平秭歸縣 史記楚世家文王三
十九年滅夔夔不祀祝融鬻熊故也服虔曰夔
楚熊渠之孫熊摯之後在巫山之陽秭歸鄉是
也 孟康曰秭音姊 荆州記縣北一百里有
屈平故宅方七頃累石爲屋基今其地名樂平
宅東北有女須廟 宜都記秭歸蓋楚子熊繹

之始國而屈原之鄉里也 水經注江水又東逕秭歸縣南又東逕其城北城北對丹陽城南枕大江楚子熊繹始封丹陽之所都也縣東北數十里有屈原舊田宅縣北一百六十里有屈原故宅宅之東北六十里有女嬃廟擣衣石在焉袁山松因事立證恐非名縣之本旨 又云江水又東南經夔城南故歸子國也樂緯曰昔歸典叶聲律宋忠曰歸即后夔歸鄉蓋夔鄉矣

輿地志秭歸縣東八里有丹陽城周回十二里熊繹始封也 後書和帝紀注秭歸縣古之夔國今歸州也袁山松曰屈原此縣人既被流放忽然暫歸其姊亦來因名其地為姊歸也秭亦姊也 通典今歸州所理秭歸縣漢陽縣昔周成王封楚熊繹初都丹陽今東南故城是也後移枝江亦曰丹陽 史記索隱譙周作楚滅歸歸即夔之地名歸鄉也 寰宇記今歸州秭歸與山二縣及夔州大昌縣並漢秭歸縣地夔子城今在歸州東 地理通釋熊繹初封丹陽今秭歸縣東南七里故城是也 大清一統志秭歸故城即今宜昌府歸州治丹陽城在州東亦稱王楚城 按春秋時夔國即今湖北宜昌府之歸州歸即夔也若四川之夔州府乃遙取夔國為名實非其地

夷道

應劭曰夷水出巫東入江 水經注江水又東南過夷道縣北夷水從徂山縣南東北注之注云漢武帝伐西南夷路由此出故曰夷道桓溫父名彝改曰西道為二江之會也夷水又東北

逕夷道縣北又逕宜都北東入大江有涇渭之比亦謂之假山北溪其水所經皆石山略無土岸其水虛映俯視遊魚如乘空也 通典今荆州宜都縣漢夷道縣故城在今縣西 寰宇記故夷道縣城在今峽州宜都縣東五十里 大清一統志夷道故城在今荆州府宜都縣西北 莽曰江南 州陵

左傳桓十一年鄖人軍於蒲騷將與隨絞州麥伐楚師杜注州國在南郡華容縣東南 史記楚世家考烈王元年納州于秦以平集解南郡有州陵縣 水經注長洋港又東北流逕石子岡岡上有故城即州陵縣之故城也莊辛所言左州侯國矣 晉書地理志州陵楚嬖人編侯所邑 方輿紀要州陵城在荆州府監利縣東三十里 大清一統志州陵故城在今漢陽府沔陽州東南 莽曰江夏

若楚昭王畏吳自郢徙此後復還郢

左傳僖二十五年秦晉伐都杜注都本商密秦楚界上小國其後遷于南郡都縣正義曰言本在商密者據在後移都稱舊都以為本耳其實此時在商密後始遷於都縣國至彼縣而滅故彼縣專以都名當此秦晉伐都之時國名為都所都之邑名商密楚以申息之師戍商密者正謂成都國也 又定六年令尹子西遷郢於都而改紀其政以定楚國 史記楚世家昭王十二年吳復伐楚楚恐去郢北徙都都 字林都

巫

楚邑楮斫反 水經注沔水又逕都縣故城南故都子之國也秦楚之間自商密遷此為楚附庸楚滅之以為邑其城南臨沔津北有大城即楚昭王為吳所迫自紀郢徙都之所謂郢都盧羅之地也秦以為縣 括地志楚昭王故城在襄州樂鄉縣東北三十三里去故都城東五里 元和志襄州樂鄉縣本春秋都國之城在縣北三十七里都國故城是也在漢為若縣地 韓愈宜城驛記楚昭王廟後有小城蓋王居也其內處偏高廣圓八九十畝號殿城當是王朝內之所也多甃可為書硯 曾鞏韓公井記跋楚故城今謂之故牆城改為牆者由梁太祖父召試當時避之故至今猶然 輿地廣記故都國為楚所滅昭王自郢遷焉後復還郢唐改為樂鄉 方輿紀要若城在今宜城縣東南九十里 大清一統志若縣故城在今襄陽府宜城縣東南楚王城在宜城縣南府志以為在東北誤矣

戰國策蘇秦曰楚西有巫郡 史記秦本紀昭襄王三十年伐楚取巫郡及江南為黔中郡 應劭曰巫山在縣西南 水經注江水又東逕巫縣故城南縣故楚之巫郡也秦省郡立縣以隸南郡緣山為墉周十二里一百二十步東西北三面皆帶傍深谷南臨大江故夔國也又東逕巫峽杜宇所鑿以通江水郭仲產曰地理志巫山在縣西南而今縣東有巫山將都縣居住無恆故也 通典今夔州巫山縣楚置巫郡秦

漢爲南郡巫縣故城在今縣北有巫山及高都山卽楚詞所謂巫山之陽高邱之岵也 元和志今施州清江建始二縣在春秋爲巴國之界七國爲楚巫郡之地秦屬黔中郡漢爲巫縣之地巫縣卽今夔州巫山縣是也 寰宇記巫山縣在夔州東南七十二里故城在今縣北 方輿紀要巫山在夔州府巫山縣東三十里亦曰巫峽爲三峽之一長一百六十里所謂巴東三峽巫峽長也戰國策蘇秦說楚威王曰西有黔中巫郡蓋郡據巫山之險因以山名也蜀人以其在蜀地東亦謂之東峽云 大清一統志巫縣故城在今夔州府巫山縣東巫山亦在縣東夷水東至夷道

屬本郡

入江

水經夷水出巴郡復縣東南過佷山縣南又東過夷道縣北東入於江注云夷水卽佷山清江也水色清照十丈分沙蜀人見其澄清因名清江昔廩君浮土舟於夷水據捍關而王巴卽此 通典施州清江縣西有都亭夷水所出一名清江 晏殊類要清江水在漢巫縣地今夔州府巫山縣也江在州北一里源出都高山本名夷水 名勝志晉桓公河在荆門州雞鳴澗北卽夷水也桓溫父名彝因改名蠻河唐王建荆門行云喚起官程渡蠻水卽此 方輿紀要蠻水源出鄖陽府房縣界流經南漳縣至襄陽府宜城縣南四十里地名破河腦入于漢江本名鄖水其後曰夷水桓溫以父嫌名改曰蠻水

大清一統志夷水源出思南府施縣西北羅

鍋堰東南流逕縣東北又東流入夔州府建始縣界又東流入宜昌府長陽縣界又東流入荆州府宜都縣界今名清江府志云清江至白巖鋪入宜都縣界過斬塘灣市至清江口入江水道提綱清江源出施南府西北境與四川之石龍關東交界之山東南至恩施縣北又東南經府城東北又東南至宜都縣城西北會漢陽河東入大江卽古夷水也行六百餘里受數縣諸小水無數 水經注釋按應劭曰夷山在夷陵西南又云夷水出巫東入江然夷水之源最遠方輿紀要云源出蠻水南流名柘林溪經天池洛浦名黔黎溪南至金洞唐崖入黔江縣名黔江又云黔江自貴州思州之上費溪發源經五十八節名灘至黔州境分流入黔江縣界爲施州江入湖廣施州衛謂之清江是也水源之遠如此是以善長不記其所出而以佷山清江爲限至應劭所云夷山似因夷水得名大類常曠漾山漾水之殊目不足爲據江水篇經云江水又東南過夷道縣北夷水從佷山縣南東北注之注云夷道縣爲二江之會是夷水出江入江而胡朏明云禹循江而南且東以至於巫山乃不出三峽而並夷水以東且南逾澧水沅水以至於衡山導江云東別爲沱又東至于澧則不經三峽可知又云夷水首出魚復江尾入宜都江行五百餘里是亦荆州之沱也古時自巴入楚避三峽之險皆由此路史記張儀說楚王曰秦西有巴蜀大船積粟起於汶山浮江以下

至郢三千餘里舫船載卒一日行三百餘里不

至十日而拒捍關捍關驚則從境以東盡城守矣黔中巫郡非王之有此言舟師自夷水以入楚也楚世家肅王四年蜀伐楚取茲方于是楚爲捍關以拒之水經注江水自江關東逕弱關捍關蓋大江出三峽經弱關江沱出佷山經捍關劃然兩道儀言浮江以下拒捍關則不經巫峽明矣夷水受江處不知何時日就湮塞後漢建武中公孫述遣將田戎等乘枋算下江關拔夷道夷陵光武命岑彭吳漢伐之沂江而上則皆取道於三峽而不復由夷水矣蓋其時水已淺狹不勝戰艦自後荆梁用師未有不由峽江者然鄴注云河梁裁得通船則後魏時猶存下逮唐初建始之北遂成斷港故章懷注西南夷傳寰宇記明一統志不復知此水出西北奉節之大江而以爲西南施州衛之山源然自漢志已不言首受江未知何故班氏疎略頗多水經注源委詳明而又有張儀之言爲證無可疑者禹導江自梁入荆必浮此水也東樵此言較宛溪爲覈然則夷水乃跨有荆梁之沱禹貢所記二州指此已備紛紛鄖江至輪江鄖江枝江皆後起之名耳 過郡二行五百四十里 過巴郡南郡 有鹽官 水經江水又東過巫縣鹽水從縣東南流注之注云巫溪水南有鹽井鹽水下通巫溪溪水於是兼鹽水之稱矣 隋書地理志清江郡有鹽

水縣後周置 寰宇記大寧監本夔州大昌縣前鎮煎鹽之所在縣西六十九里 晏殊類要山嶺峭壁之中有鹽泉湧出土人以竹引泉置鑊煮鹽

高成

通典今荆州松滋縣本漢高成縣地 方輿紀

要高成故城在今松滋縣東三十里 大清一

統志高成故城在今荆州府松滋縣南

澧山澧水所出東入緜緜水南至華容

屬本郡

入江

山海經宜諸之山澧水出焉南流注於漳郭注今流水出南郡東澧山至華容縣入江也 說

文流水出南郡高成澧山東入緜从水危聲

又云油水出武陵孱陵西東南入江从水由聲

水經油水出武陵孱陵縣西界東過其縣北

又東北入於江 水經注漳水又南流水注之

流水出高成縣澧山東逕其縣下東至孱陵入

澧水 又云江水又東近孱陵縣之樂鄉城北

縣有白石山油水所出東逕其縣西與澧水合

又逕公安縣西又北流注於大江 師古曰澧

音危緜讀曰由 寰宇記澧山今在荆州松滋

縣 又云油水一名白石水在今公安縣 名

勝志澧山即今之高山也 江陵志油河在公

安縣西九十步出施州由松滋入江 大清一

統志起龍山古名澧山在今荆州府松滋縣西

南八十里澧水所出南河出山南北河出山北

合而東流入王家湖至公安縣界入油河今名

梅谿河 又云油水在今荆州府公安縣西自松滋縣流入油古作緜一名白石水今名油河過郡二行五百里

過武陵南郡

莽曰言程

漢書地理志補注卷十六 江夏郡

應劭曰沔水自江別至南郡華容爲夏水過郡

入江故曰江夏 後書光武紀注江夏郡故城

在今安州雲夢縣東南 通典江夏郡自春秋

以來皆屬楚有江漢二水 元和志雲夢縣東

南澧水之北有江夏故城周數里據山川言之

此城南近夏水餘址寬大則前漢江夏郡所理

也 寰宇記江夏故城漢爲郡城在今雲夢縣

東南 輿地紀勝其地跨大江南北而夏水注

其境故名江夏郡 方輿紀要江夏郡今德安

承天漢陽武昌黃州諸府境皆是 大清一統

志漢江夏郡治在今德安府之雲夢縣孫吳築

城魯山則在今漢陽府漢陽縣之魯山也魏文

聘爲江夏太守治石陽則在今黃陂縣嘉平中

王基表城上昶徙江夏郡治之則又在今德安

府界蓋是時吳魏各有江夏郡晉既平吳仍魏

之舊治于安陸至劉宋之季又移江夏郡于江

南之夏口城自後無復移易 按漢江夏郡今

湖北武昌府之江夏武昌二縣及興國州黃州

府之黃岡蘄水二縣及蘄州安陸府之天門縣

德安府之安陸縣漢陽府之沔陽州又河南汝

寧府之羅山縣及信陽州皆其地

高帝置

水經注江夏郡高帝六年置 通典秦屬南郡

漢高祖分置江夏郡 地理志稽疑楚漢之間

分九江置衡山郡漢因之又分爲江夏郡見月

表及吳芮傳亦見英布傳所以知江夏屬衡

山者以吳芮都邾知之也及文帝復置國則都六矣 又云江夏郡故屬秦九江楚漢之際屬衡山國仍屬楚國高帝五年屬漢以屬淮南尋分衡山置郡文帝十六年復別屬衡山國武帝元狩元年復故

屬荊州縣十四

西陵竟陵西陽襄陽鄂安陸沙羨蕪春鄒雲杜下雒鍾武

西陵

廣韻黃故邾國地秦屬南郡漢西陵縣也隋為黃州 括地志西陵故城在今黃州黃岡縣西二里 元和志今黃州黃岡黃陂麻城三縣並漢西陵縣地 輿地紀勝今雲夢縣即漢西陵縣 方輿紀要西陵城在黃州府東北百里

大清一統志西陵故城在今黃州府黃岡縣西北蕪水縣西南亦有西陵城乃三國吳所置水經所謂江水又東逕西陵故城南是也酈注以江水所經之西陵即白起所取之地者誤 又云明統志舊通志武昌府志皆云漢江夏郡治沙羨今考後漢郡國志云凡縣名先言者郡所治也兩漢書江夏郡並先書西陵可見江夏治西陵非沙羨矣 按孫吳時陸抗破步闡及陸遜所守之西陵乃今之宜昌府治即漢南郡之夷陵縣吳破蜀後改為西陵史記楚世家秦將白起拔我西陵即此非江夏郡之西陵也 有雲夢宮

輿地廣記按漢志西陵縣為江夏郡治而有雲夢宮疑今安州雲夢縣即其地也

莽曰江陽 竟陵

史記越世家齊威王使人說越王曰竟陵澤楚之材也索隱曰言竟陵之山澤出材木也 又白起傳昭襄王三十年攻楚拔鄧東至竟陵 水經注中水出竟陵縣東一百九十里西逕竟陵縣北注于楊水謂之中口 後書劉玄傳注竟陵縣故城在今鄧州長壽縣南 元和志今復州管下景陵縣漢舊縣也石晉天福初改為景陵故城在今鄧州長壽縣界竟陵大城是也 輿地紀勝孫宗鑑東皋雜錄云渡江至石首始有淺山謂之竟陵者陵至此而竟也謂之石首者石自此而首也 吳師道國策補注竟陵在鄧州長壽縣南今復州亦其地 方輿紀要竟陵故城在今沔陽州景陵縣西南 大清一

統志竟陵故城在今安陸府天門縣西北 章山在東北古文以為內方山 禹貢導嶓冢至於荊州山內方至於大別孔傳內方在荊州漢水之所經也 續郡國志立章山本內方 荊州記內方山高三十丈周回百餘里 水經注沔水自荊城東南流逕當陽縣之章山東禹貢所謂內方至於大別者也既濱帶河流實會尚書之文矣 括地志章山在荊州長林縣東南六十里漢水附山之東 方輿紀要章山在安陸府東四十里古文以為內方

山左傳定公四年蔡侯吳子唐侯伐楚舍舟於淮汭自豫章與楚夾漢圖經云豫山即章山也一名障山晉太安二年華宏討義陽賊帥張昌

於江夏敗於章山即此 禹貢錐指元和志云內方山在沔州漢川縣南九十里漢川今為漢川縣屬漢陽府此別是一山寰宇記謂即禹貢之內方非也 地理今釋內方山在今安陸府鍾祥縣西周回百餘里接荊門州界 大清一

統志章山在今安陸府鍾祥縣西南接荊門州界即內方山一名馬良山又名馬仙山漢志以為在竟陵東北括地志通典皆以為在長林蓋是山周百里所屬甚廣故也 水道提綱三尖山西自荊門山東北綿連數十里至安陸府城西山甚高大其東南為黃土陂山東臨漢江隔岸即府城也疑即古內方後人名為章山 漢書商榷章山鄭康成注立章山郡國志同不知是別名抑或傳寫誤分章字頭別加立字 鄖鄉楚鄖公邑

左傳桓十一年鄖人軍於蒲騷杜注鄖國在江夏雲杜縣有鄖城 水經注竟陵大城古鄖國也鄖公辛所治所謂鄖鄉矣 師古曰鄖音云 括地志今安州安陸縣城本春秋時鄖國城 大清一統志鄖城在今漢陽府沔陽州境鄖

一作坛 莽曰守平 西陽 水經注江水又東逕西陽郡南郡治即西陽縣也 通典今黃州所理黃岡縣漢西陽縣地 元和志西陽故城在今黃州府黃岡縣東南一百三十里晉初弋陽郡治此 大清一統志西陽故城在今黃州府黃岡縣東

陽故城在今黃州府黃岡縣東

襄

按本書高帝紀秦二世三年沛公至丹水襄侯
王陵降臣瓚曰江夏有襄是陵所封索隱云王
陵封安國侯是定天下為丞相時封耳此言襄
侯當如臣瓚解然未審其確也

莽曰襄非

邾

文穎曰音朱 晉書地道記楚滅邾徙其君於
此 大康三年地記楚滅邾遷其人於江南因
以名縣 晉書陶侃傳武昌北岸有邾城 水
經注江水又東逕邾縣故城南楚宣王滅邾徙
居於此故曰邾也其城南對蘆洲亦謂之羅洲
後書順帝紀注邾縣故城在今復州景陵縣
東 通典邾城臨江與武昌相對 元和志故
邾城在今黃州黃岡縣東南一百二十里故邾
國也後為楚所滅漢以為縣 地理通釋今蘄
舒黃三州之北有大山綿亙八百里俗呼為西
山邾城在山之南 大清一統志邾縣故城在
今黃州府治西北二十里

衡山王吳芮都

史記項羽本紀鄒君吳芮率百越佐諸侯又從
入關故立芮為衡山王都邾 漢書商權凡縣
之為王都者如江夏郡邾縣注云衡山王吳芮
都清河郡清陽縣注云王都泰山郡盧縣注云
濟北王都桂陽郡郴縣注云項羽所立義帝都
此南海郡番禺縣注云尉佗都信都國信都縣
注云王都廣陵國廣陵縣注云江都易王非廣
陵王胥皆都此可見王都不必定在第一縣其

書法詳略參差并以現在之王與已往之故王
雜錯而書之不必論但王都多矣獨見此七處
何也其義例不可曉

軼故弦子國

左傳僖五年楚人滅弦林注弦國在弋陽軼縣
東南 本書功臣侯表高后二年封朱蒼為軼
侯 裴駟曰軼音大 孟康曰音汰 水經注
江水又東逕軼縣故城南故弦國也城在山之
陽南對五洲江中有五洲相接故以五洲為名
漢惠帝元年封長沙相朱倉為侯國 師古曰
軼音徒系反 大清一統志軼縣故城在今黃
州府蘄水縣西四十里 按左傳昭三十一年
吳圍弦蓋楚復其國也今湖北黃州府蘄水縣
西北有軼縣故城為弦國地又河南光州西南
有弦城蓋因光山縣西有僑置軼縣故城而誤
地道記以為弦子國在西陽非也杜氏通典與
地廣記並主其說非是 又按說文軼車輶也
从車大聲來翺音笛計反自來字書有軼無軼
集韻始有軼字韻會且引本志為證並謬 又
按集韻去聲十四太又有馱字云縣名在江夏
更謬

鄂

史記楚世家熊渠立中子紅為鄂王熊渠卒長
子康早死子熊摯紅立即鄂王紅也 江夏記
漢高祖析南郡置江夏郡處於鄂即武帝封其
姊為鄂長公主之邑也 九州要記鄂今武昌
也鄂王城在武昌縣西南二里 水經注江水
又東逕鄂縣北右得樊口右岸有鄂縣故城舊

樊楚地太康地記以為東鄂矣孫權改鄂曰武

昌鄂縣徙治于袁山東今武昌郡治城南有袁
山即樊山也城東故城漢將灌嬰所築 括地
志武昌縣鄂王舊都今鄂王神即熊渠子之神
也 元和志今鄂州武昌縣舊名鄂楚熊渠封
子紅於此漢以為縣 寰宇記鄂王城在今鄂
州西北一百八十里楚子熊渠封中子紅于鄂
僖稱王居此城今武昌是也 方輿紀要鄂城
在今武昌府武昌縣西南二里 大清一統志
古鄂城即今武昌府武昌縣治

安陸

水經澗水又南過江夏安陸縣西又東南入於
夏注云江夏郡舊治安陸故郢城也因岡為墉
峻不假築澗水逕縣而東分為二水東通澗水
西入于沔謂之澗口 後書劉玄傳治安陸今
安州安陸縣也 括地志安州安陸縣城本春
秋時鄖國城 元和志安州本春秋時鄖國安
陸即漢舊縣其城三里西枕澗水 又云今鄖
州雷水縣沔州漢陽漢川二縣安州孝昌吉陽
應城三縣並漢安陸縣地 寰宇記今安州安
樂孝感雲夢應城漢川五縣並漢安陸縣地
輿地廣記漢陽軍漢陽縣本漢安陸縣 大清
一統治安陸故城在今德安府安陸縣北據漢
志鄖鄉在竟陵左傳注鄖國在雲杜今考鄖川
雲夢及蒲騷皆在德安府界疑括地元和二志
之說為長

橫尾山在東北

鄭康成曰山若橫尾故名 括地志橫尾山在

今安州安陸縣北六十里元和志陪尾山一名橫尾山在今安陸縣北六十里 大清一統志橫尾山在今德安府安陸縣北六十里

古文以爲倍尾山

朱長孺禹貢長箋凡言至于以相去之遠也太華去鳥鼠遠故曰至于則陪尾亦應遠矣觀經文導淮自桐柏東會于泗沂則爲徐州之陪尾可知 古文尙書疏證周禮保章氏疏外方熊耳以至泗水陪尾屬瑤光星賈公彥實從春秋緯文來則漢人早作是解博物志謂泗出陪尾固有所受之也 禹貢雖指安陸縣北橫山漢志所謂陪尾者淮水曷嘗經此傳誤矣隋志泗水有陪尾山 尙書地理今釋陪尾山在今山東兗州府泗水縣東五十里按孔傳淮出桐柏經陪尾今湖廣德安府安陸縣北有橫山漢志所謂橫尾山古文以爲陪尾者也淮水不經此山下吳澄書纂言曰唐志泗水縣有陪尾山泗水出焉蓋此是也以橫尾爲陪尾者非是 殿板尙書注疏考證按漢志誤以安陸橫尾爲禹貢陪尾疏引其文以證孔傳獨不思果在安陸是荊州山傳不得云四山相連東南在豫州界矣又不得云淮出桐柏經陪尾矣以陪尾爲淮所經其誤與衡山江所經正同 按禹貢熊耳外方桐柏至於陪尾孔傳云四山相連東南在豫州界淮出桐柏經陪尾正義正引本志釋之真所謂以誤傳誤矣倍尾禹貢作陪尾倍陪古通用史記作負尾負讀爲倍猶賁讀爲倍也

沙羨

晉灼曰羨音夷 荀子強國篇今秦南有沙羨與俱是乃江南也 水經江水又東北至江夏沙羨縣河水從北來注之河水又南至沙羨縣北南入于江注云庾仲雍曰夏口一曰沔口水經注江中有沙陽州晉沙陽縣治也縣本江夏之沙羨矣 晉書地理志沙羨縣有夏口對沔口有津 宋書何尚之傳夏口在荆江之中正對沔口 元和志今鄂州郭下江夏縣及唐年蒲圻二縣並漢沙羨縣地 丹鉛錄沙羨之羨音夷蓋方言耳 方輿紀要沙羨城在今武昌府治西南 禹貢雖指漢陽縣本漢沙羨縣地後漢末嘗爲江夏郡治 大清一統志沙羨故城在今武昌江夏縣西南或以爲即夏口城非也沙羨漢縣夏口城吳孫權始築至晉武帝以後則沙羨縣城始即夏口城耳

蕲春縣

說文江夏有蕲春亭 晉灼曰蕲音祈 水經江水又東過蕲春縣南蕲水從北東注之注云江水自西塞山又東蕲水注之又東逕蕲春縣故城南 又云蕲水出江夏蕲春縣北山南過其縣西又南至蕲口南入於江注云即蕲柳也水首受希水枝津西南流歷蕲山出蠻中故以此蠻爲五水蠻五水即謂蕲水希水巴水赤亭水西歸水也蕲水南對蕲陽洲入于大江謂之蕲口 元和志今蕲州治蕲春黃梅蕲水廣濟四縣並漢蕲春縣地 寰宇記地名解云蕲春以水隈多蕲菜因以爲名 方輿紀要蕲春廢縣即今蕲州治 大清一統志蕲春故城在今

黃州府蕲州西北蕲水今名蕲河亦名童子河源出州東北浮山西南流合二十六水又西南流合鉅水入赤東湖至州西蕲口入大江水道提綱蕲水出蕲州東北浮山有數源一源西流曰童子河一源西南流曰開口河二河合流曰兩河口又南分爲二派一東匯爲赤東湖一西南流而合又西南數十里至州城之北西入江其口對沙洲

郟

左傳定四年吳伐楚自淮涉漢楚左司馬戍請還塞大隊直轅冥阨自後擊之 戰國策楚弋者對襄王曰王出寶弓涉郟塞而待秦之倦史記信陵君傳說安僖王曰秦不敢攻冥阨之塞 淮南地形訓天下九塞楚有滎阨 字林郟芒耿反 蘇林曰郟音官 徐廣曰冥或爲郟今江夏郟縣 水經注潯水又東逕石城山北山甚高峻史記曰魏攻冥阨音義冥阨在郟縣舊地又逕郟縣故城南 師古曰郟音萌又音莫耿反 晉書音義郟武庚反 史記正義申州羅山縣本漢郟縣有平靖關蓋即古郟縣之阨塞 元和志今申州鍾山羅山二縣並漢郟縣地 方輿紀要郟縣城在信陽州羅山縣西南黃峴關外 大清一統志郟縣故城在今汝寧府羅山縣西南九里即春秋楚之冥阨地 按古字郟冥聲相近郟與滎亦通用漢郟縣故城即今汝寧府信陽州東南八十里羅山縣西南九里之平靖關也

雲杜

本書王莽傳地皇元年南郡張霸江夏羊牧王匡等起雲杜綠林號曰下江兵 應劭曰左傳若敖取于邳今邳亭是也 韋昭國語注禹貢

雲土夢作又雲土今爲縣屬江夏 水經沔水又東南過江夏雲杜縣東夏水從西來注之注

云縣故邳亭左傳所謂若敖娶於邳是也禹貢所謂雲土夢作又故縣取名云縣有雲夢城在

東北 晉書地理志雲杜故雲子國 後書劉玄傳注雲杜故城在今復州沔陽縣西北 元

和志今鄂州京山縣本漢雲杜縣地 方輿紀要雲杜城在今沔陽州景陵縣東南王莽地皇

二年綠林將王匡等敗莽兵于雲杜遂攻拔竟陵 大清一統志雲杜故城在今漢陽府沔陽

州西北 又云按古邳國括地志元和志俱以爲在安州水經注以安陸縣爲古邳城而竟陵

雲杜亦以爲古邳國諸說互異 按雲邳郎瀆古並通用蓋一字也禹貢雲土夢作又國語楚

有藪曰雲連徒州杜即土亦即徒也皆字之通

耳 下雒

史記淮南王傳伍被曰守下雒之城絕豫章之

口 如淳曰雒音羊氏反 按南陽郡有雒縣故此加下 水經注水又東過下雒縣北利水

從東陵西南注之注云江水又西北逕下雒縣

陵鄉江夏西陵縣故是言東矣尙書云江水過

九江至於東陵者也 元和志下雒故城在今永興縣東南一百四十里永興本鄂縣 方輿

紀要下雒城在今興國州東南一百四十里 大清一統志下雒故城在今武昌府興國州東

南州志云今州東昌平鄉下洋有下雒潭 莽曰閔光

按水經注作閔光 鍾武

水經注漸水又東逕鍾武縣故城南 後書臧宮傳注鍾武故城在今申州鍾山縣西南 寰

宇通志故鍾武縣在今汝寧府信陽縣南臧宮

徇鍾武竹里皆下之即此 大清一統志鍾武

故城在今汝寧府信陽州東南 侯國

本書王子侯表鍾武節侯度宣帝元康元年以

長沙頃王子封漢書考異志有兩鍾武縣一屬

零陵一屬江夏度爲長沙頃王子其初封必在

零陵之鍾武而志以江夏之鍾武爲侯國蓋後

來徙封也 莽曰當利

漢書地理志補注卷十七 廬江郡

方輿紀要廬江郡今廬州府南至安慶府境是

其境 按漢廬江郡今安徽安慶府之桐城潛

山太湖宿松四縣廬州府之廬江巢舒城三縣

及無爲州六安州之霍山縣又湖北黃州府之

黃梅縣河南光州之商城縣皆其地 故淮南文帝十六年別爲國

方輿紀要漢高帝七年封兄子信爲頡羹侯食

邑于舒文帝十六年分淮南爲廬江國封淮南

厲王子賜爲廬江王居舒元狩初復爲郡 地

理志稽疑廬江郡故屬秦九江郡楚漢之際分

置郡屬九江國高帝五年屬漢仍屬淮南國文

帝十六年別爲廬江國景帝三年徙故班志不

特不知廬江爲漢初所置亦并失去景帝徙而

復郡之故 金榜西漢郡國考按胡三省通鑑

注云文帝初分淮南爲廬江國在江南廬江水

出陵陽東南而北入于江陵陽屬丹楊郡若班

志之廬江郡其地盡在江北今據淮南厲王傳

廬江王賜以邊越數使使相交徙爲衡山王

江北此廬江在江南之證胡氏之說非是 按

廬江郡乃楚漢之間分秦九江郡所置漢因之

見英布傳楊雄自序亦云楚漢之興也楊季官

至廬江太守則以爲文帝始置者實誤

金蘭西北有東陵鄉瀆 舊作淮誤

水出 禹貢錐指班志廬江郡下云金蘭西北有東陵

鄉淮水出淮當作灌雩婁縣下云灌水北至麥入決是也 水經江水東逕西陵縣故城南又東逕下雒縣南刊水從東陵西南注之酈元云江夏有西陵縣故是言東尚書曰江水過九江至於東陵者也又云灌水導源廬江金蘭縣西北東陵鄉大蘇山蓋漢初實有金蘭縣中廢故志不書晉宋間復置故酈注據以爲言考酈縣故城在今河南光州固始縣北灌水出金蘭縣西北之東陵鄉而東北至蓼縣入決水則金蘭當在固始之西南南直黃梅之北矣薛士龍以爲東陵在漢陽蘄州間者非是 新校地理志舊解以巴邱當東陵爲今岳州府地非也江自岳州府下流至九江府過九江始得東陵則不應反在其上此金蘭當在今安慶府境水經注灌水導源廬江金蘭西北東陵鄉大蘇山然則大蘇山卽東陵也在今光州固始縣南一百五十里淮水卽灌水也

屬揚州

晉書地理志揚州按禹貢淮海之地舜置十二牧則其一也周禮東南曰揚州春秋元命包方牽牛流爲揚州分爲越國以爲江南之氣躁勁厥性輕揚亦曰州界多水水波揚耳于古則荒服之國戰國其地爲楚分

廬江出陵陽

屬丹揚郡

東南北入江

山海經廬江出三天子都入江 水經廬江水出三天子都北過彭澤縣西北入于江 新校

地理志陵陽在今池州府青陽縣南五十里廬江卽今之清弋江也水經廬江水出三天子都北過彭澤縣西北入于江蓋卽此水而酈道元以長沙國之廬水當之誤矣按海內東經廬江出三天子都入江下釋云彭澤西此彭澤非九江郡彭澤縣也丹揚郡宛陵縣有彭澤聚是此彭澤耳水經衍一縣字而誤以長沙國之廬水當廬江更以潯陽之廬山當三天子都不知漸江水出三天子都與此同發一地漸江出三天子都都在今黟縣廬江出三天子都在今太平縣相去密邇彭澤聚在宛陵西南則爲今寧國縣西境地聚在東江在西則爲清弋江無疑矣惟是清弋江有三源惟中源出太平縣南山卽黟山亦曰黃山爲廬江之正源今曰舒溪其東源出旌德縣東鳧山今曰梅溪者則卽清水也亦曰溼水西源出石埭縣分水嶺今曰陽溪者則又廬江之別源也下流統名之曰清弋江亦曰魯陽江于蕪湖縣南入江古字廬魯聲同故轉廬爲魯與舒亦同又轉爲舒耳後世存清弋之名而無廬江之目遠求之而莫得其實是爲巨謬矣

有樓船官

按武帝以楊僕爲樓船將軍擊南越東越故置官于此

縣十二

舒居巢龍舒臨湖雩婁安樅陽尋陽灄皖湖陵邑松茲舒故國

魯頌荆舒是懲 左傳僖三年徐又取舒杜注舒國今廬江舒縣 又文十二年羣舒叛楚楚注羣舒偃姓舒鳩舒庸之屬廬江有舒城舒城西南有龍舒 又宣八年楚人滅舒麥杜注舒麥二國名正義曰二國當作一國蓋轉寫之誤 本書循吏傳朱邑少時爲舒桐鄉耆夫 玉篇舒始居切 後書光武紀注舒縣故城在今廬州廬江縣西 集韻舒鄉名在廬江通作舒 趙鵬飛曰舒同宗而異國故謂之羣舒舒麥庸庸舒鳩皆舒也杜氏以舒麥爲二國然則舒庸鳩亦豈二國乎 大清一統志舒縣故城在今廬州府廬江縣西縣志云有大城在縣西南三十里 又云按舊說及府縣志皆以舒城爲古舒縣而以廬江爲古龍舒考之蕭齊志廬江郡舒縣注建元二年爲郡治隋書廬江縣注齊置廬江郡梁置湖州據隋志所云置郡之地與齊志合是舒與廬江皆爲郡治而今之廬江卽古之舒縣明矣又按漢志廬江郡所領有舒龍舒二縣左傳文十二年杜預注今廬江南有舒城舒城西南有龍舒明是舒縣在東龍舒在西今舒城在廬江之西則舒城之爲龍舒尤爲明證且其縣唐時所置上取古舒城爲名後人泥其名以爲卽古舒縣遂反以廬江爲龍舒誤矣 莽曰昆鄉 居巢

居巢

尚書成湯放桀於南巢 書序巢伯來朝芮伯作旅巢命 春秋文十二年楚人圍巢杜注巢吳楚間小國也廬江六縣東有居巢城 又昭

四年楚使遠啓疆城巢 又二十四年吳人滅巢 史記楚世家太子建母在居巢 又項羽本紀居鄆人范增 韋昭國語注桀奔南巢揚州地巢伯之國也今廬江居巢縣是 皇覽廬江郭東居巢亭中有亞父井吏民親事皆祭亞父于居巢廳上 水經沔水與江合流又東過彭蠡澤又東北出居巢縣南注云古巢國也括地志廬江巢縣有巢湖即尚書成湯放桀於南巢者也 通典今廬江巢縣漢居巢縣也古巢伯之國湯放桀於南巢即此 元和志巢湖在巢縣西五十里周回五百里 寰宇記古巢湖在桐城縣南六十五里俗號爲古重城春秋但名東後爲居巢蓋詞有詳略耳後陷爲巢湖湖去縣十五里水自合肥經過一名蕉湖或作樵湖 輿地紀勝古巢湖水北合於肥河故魏窺江南則循渦入淮自淮入肥自肥而達巢湖吳人欲撓魏亦必由此厥後肥河壅塞不復通於巢湖 名勝志巢廬乃江淮下派南臨江湖受水患爲甚古名居巢取下者爲巢之義 方輿紀要巢湖在廬州府東五十里亦曰焦湖亦曰漢湖周四百餘里占合肥舒城廬江巢四縣之境居巢山在巢縣西南八十里谿谷間有石研如墨因名墨山 大清一統志居巢故城在今廬州府巢縣東北五里舊志云有桀王城在縣治臥牛山北巢湖在今合肥縣東南六十里廬江縣北七十里舒城縣東北一百三十里巢縣西十里周回四百餘里港汊大小三百六十納諸水以注大江爲淮西巨浸 水道提綱巢

湖在廬州府合肥縣南境廬江縣北界東西廣百餘里南北八十餘里形稍方中有姥山孤山近西岸爲江北巨澤周回百里自合肥南界諸水皆匯注之其上源則肥水及舒城縣之巴洋河也 按項羽本紀巢作鄆晉灼音勦絕之勦師古曰居鄆縣名音巢字亦作巢孫權於此築濡須塢曹操四越巢湖不成即此 龍舒

應劭曰羣舒之邑 寰宇記龍舒故城在今廬州廬江縣西一百二十里龍舒山在縣西一百里龍舒水在縣南三里 方輿勝覽龍舒山形如臥龍故又名龍眠山在安慶府桐城縣西北六十里又屬廬州之舒城縣 大清一統志漢龍舒縣至東晉末廢唐開元中復于此置舒城縣即今廬州府舒城縣也龍眠山在縣西北八十里古龍舒山也在安慶府桐城縣界 臨湖

名勝志漢臨湖縣在今無爲州西南六十里濡須瀆水之交 方輿紀要臨湖城在今無爲州西南七十里今爲臨湖鎮 大清一統志臨湖故城在今廬州府無爲州西南 州志云臨湖廢縣今爲臨湖圩在州西南八十里臨壁山下 零婁

師古曰零許于反婁力于反 晉書音義零沈于反 寰宇記廢零婁縣在今壽州霍邱縣西南八十里 大清一統志廢零婁縣在今光州商城縣東北 按淮南子云楚相孫叔敖決期思之陂灌零婁之野期思陂即芍陂在今河南光州固始縣境零婁地在今安徽潁州府霍邱縣西南蓋二邑相鄰並也水經注云零婁故吳地此誤傳文本云知吳有備而還是未入吳境也又爲叔敖陂水所溉其爲楚地明矣當以服氏之說爲確 決水北至蓼 屬六安國 入淮

左傳襄二十六年楚子秦人侵吳及零婁聞吳有備而還杜注零婁今屬安豐郡 又昭五世楚使遠啓疆待命于零婁以備吳 史記吳年家餘祭十二年楚伐吳至零婁服虔曰零婁楚之東邑 晉書地道記零婁在安豐縣西南

說文廬江有決水出大別山从水夬聲 水經決水出廬江零婁縣大別山北過其縣東又北過安豐縣東又北入於淮注云其水歷山委注而絡其縣西北流逕蓼縣故城東又逕其北又西北灌注之及北右會陽泉水又北入于淮俗謂之決口非也斯決灌之口矣 寰宇記決水在今廢零婁縣城南屈曲至光州固始縣入淮 大清一統志決水源自光州商城縣之牛山名牛山河南東北流經固始縣東南名史河又東至江南潁州府霍邱縣界入淮 又有灌水亦北至蓼 見上 入決

說文灌水出廬江零婁北入淮从水霍聲 水經注灌水導源廬江金蘭縣西北東陵鄉大蘇

山卽淮水也俗謂之澮水東北逕蓼縣故城西而注決水決水又北入于淮俗謂之澮口 寰宇記大澮水在固始縣西四十里亦曰澮水又有小澮水 大清一統志澮水自商城縣流入固始縣界名石槽河北流合史河入于淮 段氏說文注澮水卽澮水澮澮聲相倫習俗害真爾

過郡二行五百一十里

襄安

襄安

九域志無爲州有襄安鎮卽漢故縣也 續通

典無爲軍本巢縣之無爲鎮曹操攻吳築城於

此無功而還因號無爲軍本漢襄安縣地也

大清一統志襄安故城在今廬州府無爲州南

州志云在州南四十里西對臨湖東下繁昌

莽曰廬江亭也

棧陽

本書武帝紀元封五年冬自尋陽浮江親射蛟

江中獲之薄棧陽而作出盛唐棧陽之歌師古

曰棧音千松反又音七容反 元和志棧陽水

出桐城縣東南硤石山東南入于江 寰宇記

棧陽故城在今舒州桐城縣東南一百里棧陽

湖在桐城縣東一百五十里 名勝志引水經

注云棧陽湖水遶圍亭與江水合而東流 方

輿紀要棧陽河在桐城縣東南一百二十里其

源自懷寧縣界之連湖引流入界經縣南一百

三十里爲石塘湖又東流繞棧陽故城曰棧陽

河府西北境諸水及縣東北諸水皆流入焉達

於大江 禹貢維指桐城在安慶府東北一百

二十里春秋時桐國漢置棧陽縣史記秦始皇

自雲夢浮江渚下觀籍柯括地志云在同安縣

東隋改棧陽曰同安也漢書武帝自尋陽浮江

薄棧陽而出今縣東南有射蛟臺 大清一統

志棧陽故城在今安慶府桐城縣東南舊志云

今有棧陽上下鎮在縣東南一百二十里西去

府城六十里棧陽河今曰練潭河 水道提綱

棧陽水有數源東北曰魯王河出桐城縣東北

二硤關西北山東南流至縣東南又南流至懷

寧縣界會倒流河掛車河三安河沙河諸水又

東南經桐城東南界棧陽鎮之西入大江 按

棧陽續志無之蓋爲世祖所省并然據太平御

覽引謝承後漢書稱劉騶除棧陽長騶騶仕

於鄧太后時是安帝之世尚有棧陽矣又晉書

陶侃傳稱侃初領棧陽令而晉志亦無棧陽縣

實不可解至蕭梁時復置棧陽縣並置棧陽郡

陳因之隋開皇十八年乃改置同安縣唐更曰

桐城至今因之

尋陽

宋書州郡志尋水入江因水以爲縣 廬山記

尋陽縣在大江北尋水之陽也咸和以後始移

於江南 尋陽記今蘄州界古蘭池城亦謂之

尋水城卽漢尋陽縣也 通典今江州潯陽縣

漢舊縣在江北今蘄春郡界晉溫嶠始移治于

江南 地理通釋晉惠帝永興初分廬江武昌

立尋陽郡治豫章之柴桑而尋陽之名亂成帝

咸和中移江州治尋陽而江南之尋陽著江北

之尋陽益晦久之遂廢尋陽入柴桑 大清一

統志尋陽故城在今黃州府黃梅縣北 又云

按漢時尋陽縣本在江北今湖北黃梅縣界晉

時移郡治柴桑義熙八年又省尋陽入之自是

以後皆以郡治之柴桑爲尋陽而江北之尋陽

始晦隋廢柴桑于益口故城改置尋陽縣唐因

之於是益口爲尋陽而名益清益口在六朝

爲江濱鎮守要地其地則屬柴桑柴桑乃尋陽

郡治至隋時始移尋陽之名於益口後人不知

多混而爲一

禹貢九江在南皆東合爲大江

戰國策秦破荆襲郢取洞庭五瀘 史記魏世

家吳起曰三苗氏左洞庭右彭蠡 後書南蠻

傳吳起相悼王南并蠻越遂有洞庭蒼梧 中

山經洞庭之山帝之二女居之是常游於江淵

澧沅之交蕭湘之浦是在九江之間出入必以

飄風暴雨 水經九江在長沙下雋縣西北注

云江水又東至下雋縣北澧水沅水合而東流

注於洞庭之陂湘水從南來注之所謂江水會

者也 朱子九江辨九江若云派別爲九則江

流上下洲者不一今所計以爲九者若必首尾

短長均布如一則橫斷一節縱別爲九一水之

間當有一洲九江之間沙水相間乃得有七

道於地將無所容若由參差取之不必齊一則

又不知斷自何許而數其九也況洲渚出沒其

勢不常江陵先有九十九洲後乃復生一洲是

豈可以爲地理之定名乎此不可通之妄說也

若曰旁計橫入小江之數則自岷山以東入於

海處不知其當爲幾千百江矣此又不可通之妄說也且經文言九江孔殷正以見其吐吞壯盛浩無津涯之勢決非尋常分派之小江之可當又繼此而後及夫沱潛雲夢則又見其決非今日江州甚遠之下流此又可以證前二說者爲不可通之妄說也惟國初胡祕監且近世晁詹事說之皆以九江爲卽今洞庭湖其說極是

蔡氏書傳九江卽今之洞庭也水經言九江在長沙下雋西北楚地記曰巴陵瀟湘之淵在九江之間今岳州巴陵縣卽楚之巴陵漢之下雋也洞庭正在其西北則洞庭之爲九江審矣今沅水漸水無水辰水敘水白水澧水資水湖水皆合於洞庭意以是名九江也 地理通釋洞庭湖在岳州巴陵縣西南一里五十步廣圓五百餘里與青草湖相連青草在南洞庭在北薛氏云洞庭卽巴邱也合沅湘諸水至岳州巴陵縣入江胡氏晁氏皆以九江爲卽洞庭九江在下雋縣此正荊州之地與禹貢合漢志沅漸無辰澱白澧湘資水左合洞庭而北入于江今水經洞庭湖在岳州府城西南一名九江沅漸無辰澱白澧資湘九水皆合也又沅資湖最大皆自南而入荆江自北而過洞庭瀦其間名爲五瀦 方輿紀要九江卽今之洞庭湖在岳州府城西南一里以沅漸無辰澱白澧資湘九水所會故曰九江今大江橫過洞庭之口又東引而北出九江之水灌輸焉卽過九江之謂矣

禹貢錐指劉歆以湖漢九水爲九江此九水者同注彭蠡以入大江謂之九江亦可然彭蠡

揚州之澤而指爲九江則荆之水而移於揚矣其可乎禹貢之九江洵非洞庭不足以當之既有山水二經爲據又得朱子之辨其不在尋陽亦明矣 又云巴陵臨江而金蘭之東陵去江六百餘里安得云至於東陵一非也江自巴陵以東至沙羨卽迤北使九江在尋陽東陵在金蘭則是先迤北而後至於東陵二非也書江漢朝宗於海盡之矣而復於其下書九江孔殷不亦贅乎三非也朱子之辨昭昭若揭日月敢以是爲熾火之助云 又云周禮荊州無九江蓋已包在藪澤雲夢之中矣然自是九江之名遂不著故或稱江南之夢或稱洞庭之渚或又稱巴邱湖郭璞爾雅注云雲夢今華容縣南巴邱湖是也後世既不知洞庭爲九江見尋陽江中多沙水相間處遂指其九派爲九江而導山導江之文義皆不可通矣太史公不敢言山海經然其中亦有可信者如謂澧沅瀟湘在九江之間賴此一言而九江遺迹猶可推尋其有造於禹貢不小也 尙書地理今釋九江卽洞庭湖在今湖廣岳州府巴陵縣西南北接華容安鄉二縣西南接常德府龍陽縣東南接長沙府湘陰縣界爲湖南衆水之匯 大清一統志洞庭湖在今岳州府巴陵縣西南宋儒以爲禹貢九江也爲湖南衆水之匯巴陵居其東華容及澧州之安鄉二縣居其北常德府之龍陽縣居其東南西南沅江縣居其南長沙府湘陰縣居其東南每夏秋水漲週迴八百餘里沿邊諸湖并合而爲洞庭至冬春水落衆湖俱涸則退爲洲汊

溝港 皇朝文獻通考按禹貢荊州先之以江漢朝宗而卽繼之九江孔殷水經謂九江在長沙下雋縣西北楚地記謂巴陵瀟湘之淵在九江之間至宋儒胡旦及朱子等皆以爲卽洞庭湖蓋長江爲四瀆之長古稱天塹實當今之湖北境洞庭爲五湖之長古稱天險實當今之湖南境必九江治而後荆之全境始底於作也

皇朝通志洞庭湖互岳州常德荊州三府澧州一州巴陵臨湘監利沅江益陽安鄉寧鄉華容八縣周回八九百里至岳州府西北入於大江 水道提綱洞庭湖在岳州府治巴陵縣西南境一名青草湖又名赤沙湖實一水也周回八九百里爲海內藪澤之冠 按九江之說孔安國班固郭璞並謂大江分爲九派故張僧鑒尋陽記樂史寰宇記李宗諤九江圖所列九江之名相同孔氏書正義賈耽十道四番志張須元九江圖羅泌路史名雖不同而江分九派之說則一鄭康成則謂九江各自別源下流始合於江劉歆則以湖漢九水同注彭蠡而入大江故謂之九江傳寅又謂九江實一江而名九江如太湖實一湖而名五湖竊以爲皆非也九江若卽是大江則上文既云江漢朝宗於海不應下文又復出九江且導江之文不曰播爲九江而曰過九江則九江非卽大江所分其源委各別而大江特過之可見矣若如張僧鑒諸人所數沿江枝浦愈取愈多不難累加而至千百何但九派如專指尋陽說則尋陽乃揚境而非荆地故曾氏彥和以爲東陵卽巴陵九江者一沅

二漸三無四辰五激六白七澧八湘九資也並在澧州之下巴陵之上而不在尋陽其說最當朱子取之蔡傳從之實不刊之論矣

澧

左傳昭二十七年吳公子燭庸帥師圍澧杜注澧楚邑在廬江六縣西南 又三十一年吳人侵澧六楚左尹戌帥師救澧吳師還楚邊澧於岡南 應劭曰音若潛 文穎曰音涔 晉灼曰音潛 續志作潛 水經注希水出澧縣霍山西麓山北有澧縣故城澧者山水名也開山圖澧山圍繞大山為霍山郭景純曰澧水出焉縣即其稱矣 通典今壽州霍山縣漢澧縣也 史記正義澧縣故城在今霍山縣東二百步 大清一統志澧縣故城在今六安州霍山縣東北舊志云在縣東北三十里 天柱山在南有祠

爾雅釋山霍山為南嶽郭注即天柱山澧水所出 史記封禪書武帝登禮澧之天柱山號曰南嶽置祠 本書郊祀志宣帝神爵元年定制祀南嶽澧山于澧 應劭曰南嶽霍山在澧 文穎曰天柱山在澧縣有祠 三國志張遼傳澧中有天柱山高峻二十餘里道險狹步徑裁通 搜神記漢武徙南嶽之祭著廬江澧縣之霍山 郭璞爾雅注霍山在廬江郡澧縣別名天柱山漢武以衡山遼遠因識緯以霍山為嶽故祭之 徐靈期南嶽記衡山者五嶽之南嶽也至軒轅乃以澧霍之山為副焉漢武南巡因衡山遼遠道隔江漢于是乃徙南嶽之祭于澧

山亦承軒轅副義 寰宇記霍山一名衡山一名天柱山在今壽州六安縣南五里漢武以衡山遼遠遂以霍山為南嶽今其土俗皆呼為南嶽泰山至隋開皇九年始以江南衡山為南嶽

廢霍山為名山也 圖經澧山高七千有二十丈廣二百五十里周五百里道家以為第十四洞天 輿地紀勝圖經云以地言之則曰澧山以其皆澧也以國言之則曰皖山以皖伯所封之國而言也以峯言之則曰天柱以其峯之最高而名之也以嶽言之則曰澧嶽以其為南嶽之副也 地理通釋澧山在安慶府懷寧縣西北二十里 方輿紀要澧山在澧山縣西北二十里縣互深遠與六安州霍山縣接界即霍山矣舊志云澧山與皖公天柱三峯鼎峙層巒疊嶂為長淮之扞蔽說者皆以澧皖天柱為三山其實非也蓋以形言之則曰澧山謂遠近山州勢皆伏澧也以地言之則曰皖山謂皖伯所封之國也或謂之皖公山亦曰皖伯臺以峯言之則曰天柱其峯突出衆山之上峭拔如柱也名雖有三實一山耳又或謂山南為皖山北為澧雪山盤其東霍山屏其西皆即一山而強為之說耳 按澧山一曰霍山一曰皖山又曰天柱山自漢武元封五年巡南郡至江陵而東登禮置祠以代南嶽故一稱霍嶽又謂之副南嶽六安霍山在其北安慶澧山在其南二邑皆以此山得名一澧一霍實無二山也周大夫皖伯封國亦以此山而名

泚山泚水所出北至壽春

屬九江郡

入芍陂

說文潁水出汝南弋陽垂山東入淮从水畀聲入芍陂 水經泚水出廬江澧縣西南霍山東北過六縣東北入於淮 水經注地理志曰泚水出泚山不言霍山泚或作潁潁水又東北逕博安縣泄水出焉又西北流逕六安縣故城西芍陂出焉 又云淮水又東北潁水注之水出弋陽縣南垂山西北流出山又東北流注于淮俗曰白鷺水 又云芍陂上承洛澗水於五門亭東北流逕白芍亭東積而為湖謂之芍陂長一百二十許里在壽春縣南八十里楚相孫叔敖所造北流入壽春城中又北出城注肥水 師古曰泚音比又音布几反芍音酌又音鵠 元和志畝陂周三百二十四里徑百里 集韻泚水名出廬江天柱山 方輿紀要潁水水源出六安州霍山中入河南固始縣界又東經霍丘縣至壽州境北流入淮水經注所謂泚水也一名白沙河俗呼二郎河 大清一統志潁水即泚水一名白沙河源出六安州霍山縣南境北流經縣西繞城而東又東北流經州城西又北入潁州府霍邱縣界經縣東北入淮 又云芍陂在今鳳陽府壽州南亦名期思陂 水道提綱潁河出霍山縣南潁山縣西北境山北流逕霍山縣城西南折而東北經六安州城西北又北至霍邱縣東有清河通芍陂水來注之又北入淮 又云芍陂塘在壽州東南周數十里其西南支津西南流合清河西北入混水其西北支津西

皖

北流曰沿河經州城東北又西北經兩山入淮

師古曰音胡管反 後書光武紀注皖縣故城在今舒州懷寧縣有皖水音下板反又下管反

又馬援傳注皖城在皖水之北 通典今舒州古皖國也所領五縣懷寧宿松望江太湖桐城並漢皖縣地皖音患 元和志今舒州懷寧縣本漢皖縣皖山在縣西十里皖水西北自壽州霍山縣流經縣北二里又東南流二百四十里入大江謂之皖口縣城居皖水之北 寰宇記舒州春秋時皖國也偃姓皋陶之後春秋時楚滅之為東都秦屬九江郡在漢為皖縣屬廬江郡 集韻皖地名在舒 九域志懷寧縣有皖口鎮 路史國名紀舒之懷寧有皖故國皖與皖通 吳任臣字彙補皖古侯國少昊氏之後也 方輿紀要皖水在安慶府西源出潛山合於潛水又南至府西東至皖口入江流長三百四十里 大清一統志晉懷寧故城即今安慶府潛山縣治漢之皖縣也皖山在潛山縣西北皖水今名長河源出潛山縣西北天堂山 按本志作皖後世地志皆作皖蓋通用也

有鐵官

唐書地理志舒州同安郡土貢鐵器 寰宇記漢時皖有鐵官鑄鐵作牛埋於城北十步以鎮此地至北齊皇建二年刺史王洪掘牛尚未鑄鑄而城中人馬多疫因問巫覡咸曰鐵精為祟遂使人送牛本處理之 宋史地理志安慶府有同安監熙寧八年置鑄銅鐵 大清一統志

鐵牛在安慶府城內

湖陵邑

按湖陵邑自來地志未詳疑即今安慶府太湖縣

北湖在兩

地理志稽疑北湖即樅陽湖與丹陽郡漂陽縣之南湖隔江對岸 新校地理志北湖今日南泊湖也在今望江縣西四十里合宿松太湖二縣諸水東入於江

松茲

史記楚世家肅王四年蜀伐楚取茲方正義曰古今地名云荊州松茲縣古鳩茲地即茲方也 通典今壽州霍邱縣本漢松茲縣 寰宇記今舒州宿松縣本漢皖縣地元始中分為松茲縣晉武平吳以荊州有松茲遂改為宿松廢松茲縣在今潁州霍邱縣東十五里 方輿紀要松茲廢縣在今宿松縣北五十里 大清一統志松茲廢縣在今安慶府宿松縣北縣志云有故縣在今縣北五十里其地曰仙田有嘉禾無種自生故名潁州府霍邱縣東亦有松茲故城乃晉初改置

侯國

本書王子侯表松茲戴侯霸昭帝始元五年以六安共王子封 陸錫熊炳燭偶鈔漢表祝茲侯徐厲史記作松茲按地志松茲侯國屬廬江而祝茲未見徐厲以呂后四年四月封十一年薨而表文有祝茲侯呂榮以呂后八年四月封二侯同時不應並封一地且班氏於表末總數

莽曰誦善

內已明言祝茲在恩澤外戚則功臣表之徐厲自當從史記作松茲為是恐傳寫有誤耳 又云王子侯表又有膠東康王子祝茲侯延年云在琅邪當是呂榮所封之國又有六安共王子松茲戴侯霸當是徐厲所封之國

漢書地理志補注卷十八

九江郡

水經注九江郡兼得廬江豫章之地故以九江為名 史記正義九江郡今壽州也 朱子語類漢九江郡本在江北而今所謂江州者實豫章之柴桑縣後以江北之尋陽并柴桑而立郡又自江北徙治江南以故江南得有尋陽之名後又因尋陽而改為江州實非古九江地也 地理通釋朱文公謂漢之尋陽縣在江北今之江州非古九江地其說明矣然漢柴桑縣屬豫章郡而王莽以豫章郡為九江柴桑縣為九江亭則九江之名其誤久矣 方輿紀要九江郡今鳳陽府壽州及滁和州至廬州府境是其地 按漢九江郡今安徽鳳陽府之鳳陽懷遠定遠鳳臺四縣及壽州廬州府之合肥巢二縣穎州府之霍邱縣滁州之全椒縣暨和州州治皆其地

秦置

水經注九江郡秦始皇二十四年置 史記正義楚考烈王自陳徙壽春號曰郢至王負芻為秦將王翦所滅於此置九江郡

高帝四年更名為淮南國武帝元狩元年復故 地理志稽疑楚漢之際為九江國高帝三年復屬楚國四年屬漢更名淮南國文帝六年為九江郡十六年復為淮南國淮南王安國除復為九江郡

莽曰延平屬揚州有陂官湖官縣十五

壽春邑浚適成德臺泉陰陵歷陽當塗鍾離合

肥東城博鄉曲陽建陽全椒阜陵

壽春邑

史記荆燕世家劉賈南渡淮圍壽春 本書五行志文帝二年六月淮南王都壽春大風毀民室殺人 本志論風俗壽春合肥受南北湖皮革鮑木之輸亦一都會也 南齊書州郡志壽春淮南一都會之地方千餘里有陂田之饒 水經注淮水又東北流逕壽春縣故城西又北左合椒水亦謂之清水東北流注于淮謂之清水口 又云肥水自黎漿北逕壽春縣故城東又西逕壽春縣故城北又西分為二水又西北注于淮是曰肥口也 通典今壽州壽春縣漢陽縣 寰宇記壽春縣在壽州南二十五里壽春故縣在壽春縣西一里 九域志壽州壽春縣有壽春山壽春鎮 寰宇志壽春縣在今壽州西四十里秦置有楚王祭淮壇 大清一統志壽春故城即今鳳陽府壽州治 楚考烈王自陳徙此

史記楚世家考烈王二十二年東徙都壽春命曰郢 戴侗六書故郢楚所都今為江陵府江陵縣楚子西遷郢於都考烈王自陳徙壽春亦曰郢名雖同而地則異也 文獻通考壽春羅城楚考烈王所築

浚適

晉志作浚適 晉灼曰適音會熟之會 水經注施水于合肥縣北流逕浚適縣西積為陽湖 師古曰會音才由反 舊唐書地理志廬州慎縣即漢浚適縣古城在今縣南 寰宇記浚

適故城在今廬州慎縣南二十五里 輿地紀勝浚適故城在今廬州梁縣南三十里 大清

一統志浚適故城在今廬州府合肥縣東舊志云今其地名清水橋

成德

水經肥水出九江成德縣廣陽鄉西別北過其縣西北入芍陂又北過壽春縣東北入于淮注云呂忱字林曰肥水出良餘山俗謂之連柳山亦或以為獨山也北流分為二水施水出焉肥水首受施水於合肥縣城東西流逕成德縣注於肥水也肥水自荻邱北逕成德縣故城西又北入芍陂 大清一統志成德故城在今鳳陽府壽州之東南 按如鄆氏說則成德縣當在今廬州府城西北也 莽曰平阿

臺泉

春秋哀十二年公會吳於臺泉杜注臺泉在淮南邊會縣東南 孟康曰音拓姑 括地志臺泉故城在今巢縣西北五十六里 國語補音臺音托或為洛諸本或為柘之夜反誤也內傳釋臺音章夜反一音托與此相反宜從內傳名勝志臺泉河源出合肥流槎山入巢湖 大清一統志臺泉故城在今廬州府巢縣西北 按漢時浚適臺泉二縣並屬九江後漢省臺泉入浚適晉又改為浚適屬淮南郡故杜元凱謂在淮南邊會縣也今廬州府巢縣西北六十里有會吳城即故臺泉縣後訛為拓泉宋高宗紹興十一年兀朮陷廬州屯兵拓泉為劉錡等所

敗即此今又訛為柘皋有柘皋鎮襄拓因音相近而誤拓柘又因形相似而誤也

史記項羽本紀項王自垓下夜馳渡淮至陰陵

迷失道左陷大澤 水經注淮水又北逕莫邪

山西南有陰陵縣故城 元和志陰陵縣故

城在今濠州定遠縣西北六十五里 輿地紀

勝陰陵山在烏江縣西北四十五里即項羽迷

失道處 方輿紀要陰陵城在鳳陽府定遠縣

西北縣志云城周三里故址猶存陰陵山在靈

璧縣東十五里與泗州接界和州北八十里接

江浦縣界

莽曰陰陵 按通典王莽改陰陵為陽陵

歷陽

淮南子歷陽之都一夕反而為湖高誘注漢時

歷陽淪為歷湖湯放桀於歷山即歷陽之山也

後書下邳王傳注歷陽今和州縣也 括地

志和州歷陽縣本漢舊縣項羽封范增為歷陽

侯即此 十道志縣南有歷水故曰歷陽 通

典歷陽漢舊縣後漢為揚州刺史所理 輿地

紀勝歷陽山在歷陽縣西北四十里即吳孫皓

時石印封發處 方輿紀要麻湖在和州西三

十里周回七十里舊稱巨浸一作瀦湖又為瀝

湖 大清一統志歷陽故城即今和州治秦置

項羽封范增為侯邑舊志云今州城亞父所營

也歷陽山在州西北四十里歷湖一名麻湖在

都尉治

廣韻和州名在淮南漢九江都尉居之

莽曰明義

當塗

說文禽會稽山一曰九江當塗也民以辛壬癸

甲之日嫁娶虞書曰子娶塗山 應劭曰禹所

娶塗山侯國也有禹墟 韋昭國語注塗山國

名禹所娶在今九江 杜預左傳注塗山在壽

春縣東北 帝王世紀禹會諸侯于塗山今九

江壽春有禹廟 太康三年地紀塗山古當塗

國夏禹所娶也今九江當塗縣有禹娶之所邑

界有當塗山故城存焉即漢縣也當塗山在壽

春東北今驗無差 水經淮水又東過當塗縣

北注云淮水自莫邪山東北逕馬頭城北魏馬

頭郡治故當塗縣之故城也 水經注荆塗二

山相連為一派禹以桐柏之流氾濫為害鑿山

為二以通之禹墟在塗山西今當塗縣即其地

廣韻禽塗山古國名禹所娶也亦作塗又作

塗 元和志當塗縣故城在今濠州鍾離縣西

南十七里塗山在縣東北 隋志鍾離郡塗山

縣舊曰當塗開皇初改 寰宇記古當塗國在

今濠州西一百十七里 集韻禽山亦作塗亦

作淦 輿地紀勝當塗古塗山國塗山在壽春

東北即今濠州之塗山也自晉成帝時以江北

之當塗流入過江僑立當塗縣於是江南始有

當塗之名後漢徐鳳反當塗章懷注以為宣州

之當塗蓋不察江南之當塗乃東晉因流入僑

立非古之當塗也古之當塗乃在今濠州之西

耳 寰宇通志當塗城在今鳳陽府懷遠縣東

南三里塗山北麓下塗山在縣東南八里與荆

山對峙 明史志鳳陽府懷遠縣荆山在縣西

南塗山在縣東南淮水經兩山峽間 大清一

統志當塗故城在今鳳陽府懷遠縣東南縣志

云今為馬頭集在縣西南二十里塗山在縣東

南八里淮河東岸亦名當塗山周四十六里高

三百十三丈 按呂氏春秋云江淮以辛壬癸

甲為嫁娶日此足以證當塗即禹所娶塗山之

國矣若太平之當塗乃漢時丹陽縣地西晉分

置於湖縣東晉僑立當塗縣名耳杜元凱謂塗

山在當塗東北李吉甫謂當塗故城在濠州鍾

離縣西南是矣而柳子厚塗山銘蘇子由塗山

詩並以指濠州者為非是實誤野客叢書又以

宜之當塗為禹之娶所更謬矣惟小司馬以塗

山為在九江則與本志正合

侯國 本書功臣侯表當塗康侯魏不害武帝征和二

年封 莽曰山聚

鍾離 左傳成十五年諸國大夫會吳於鍾離杜注鍾

離楚邑淮南縣 又昭二十四年楚子為吳師

以略吳疆還吳踵楚遂滅巢及鍾離 史記秦

本紀作終黎 又楚世家吳之邊邑卑梁處女

與楚邊邑鍾離小童爭桑服虔曰鍾離州來西

邑 又絳侯世家與穎陰侯共食鍾離 應劭

曰縣古鍾離子國 世本終犂嬴姓之國楚滅

鍾離

鍾離

之以爲縣 晉書地理志鍾離故州來邑 水經注淮水又東逕鍾離縣北 括地志鍾離故城在今濠州鍾離縣東北五里 通典今濠州鍾離縣漢陽縣東四里有古鍾離城卽楚城之以備吳者 寰宇記濠水出鍾離縣東濠塘山古鍾離城在今濠州東六里州有東西二城濠水界於其中 集韻濠水名在鍾離 九域志鍾離徐之別封也 輿地廣記鍾離縣有濠水卽莊子與惠子觀魚之所 寰宇通志鍾離城在鳳陽府舊城東六里土人呼爲魯城 名勝志鍾離城在鳳陽府臨淮縣東四里四面城濠現在 大清一統志鍾離故城在今鳳陽府鳳陽縣東 按水經注濠水出陰陵縣之陽亭北合之寰宇記所云一也此東濠也又有西濠在懷遠縣界見元和志二濠相近然東濠爲大莽曰蠶富

合肥
水經注肥水出九江成德縣廣陽鄉北流分爲二水施水出焉施水受肥于廣陽鄉東南流逕合肥縣應劭曰夏水出城父東南至此與肥合故曰合肥闕駟亦言出沛國城父東至此合爲肥接川流派別無沿注之理應駟二說非實證也蓋夏水暴長施合於肥故曰合肥非謂夏水自城父東逕合肥縣也 又云施水自成德東逕合肥縣城南城居四水中施水又東分爲二水又東逕湖口戍東注巢湖謂之施口也 後書滕撫傳注合肥故城在今廬州北 通典今廬州所理合肥縣漢舊縣故城在縣北 元和

志淮水與肥水合故曰合肥 輿地紀勝曹明之合肥新城記天文一星在南斗曰合肥對九江星夾輔黃道而合肥入斗度最多故號金斗 通鑑釋文辨誤按應劭所云酈道元固疑之矣道元以夏水出城父而東南流入於淮則與淮合無絕淮而南流至合肥縣與肥水合之理而施水上承肥水于廣陽鄉東南逕合肥縣又東南流而入於巢湖肥水西北注淮而施水東南入巢湖已自分流惟夏月暴水漲溢則二水復能合于合肥縣界故合肥以此得名道元之說似乎信而有徵矣 中都志肥水出廬州府西南七十里紫蓬山經合肥城下其東有沿河之水入焉自洗馬灣黃連門來二河異源而下流相合故曰合肥 大清一統志合肥故城在今廬州府合肥縣北 舊志云故城在今治東北名金斗城遺址尙存 又云按灑水有三一出沛郡城父縣曰夏灑水在今潁州府蒙城縣西南入淮不經縣界一出沛郡山桑縣曰北灑水卽今蒙城縣北三十里之北灑河對夏灑言故加北一出九江郡成德縣曰東灑河在今廬州府合肥縣界三水源流各別應劭誤以夏灑爲合肥之肥而其水近北灑與合肥殊遠舊志多混 水道提綱肥水出合肥西之雞鳴山亦曰金斗河東南流逕府城北又東有店埠河來會又南流九十里入巢湖 地理志稽疑夏肥水在淮北導源于沛郡之城父南至下蔡入淮肥水在淮南導源于九江之成德北至壽春入淮其入淮有南北之分而夾岸適對故淮人至

今以東西二肥河目之原非謂夏肥水能伏流潛達與肥合也若合肥又在壽春之東二百餘里乃九江之肥所經由其於沛郡之夏肥水風馬牛不相及也應劭乃曰夏水出城父東南至此與淮合故曰合肥闕駟亦曰夏水至此合爲肥則沛郡之水既能伏流潛達又能引而長之以至於芍陂之間矣酈氏疑之于是曲爲之說謂肥水之同源而出者尙有施水已各分流注于巢湖若夏水暴漲則復合故以名其水然則沛郡之夏肥水得自爲川而九江亦不礙于夏肥水之目斯固騎郵之支詞而胡梅圃復附和之何也 水經注釋按漢志沛郡城父縣下云夏肥水東南至下蔡入淮而應劭于九江合肥縣下云夏肥水出城父東南至此與淮合所謂城父卽沛郡之城父非潁川之屬縣又云與淮合則亦何關於合肥之名耶道元引之而改曰出城父與肥合且又證以闕駟之說肥在淮南夏肥水安能截淮南過而與之合且所謂與肥合者夏肥水也是肥與肥合矣道元知其說之謬妄故折之曰非謂夏水非謂夏水者非謂夏肥水也又曰夏水暴長施合于肥故曰合肥施水亦出九江成德之廣陽鄉而流合於肥故曰合肥夏月水暴漲二水相合與導薄澤被孟諸之義相扶道元所謂水盛方乃覆被者也夏肥水源流已具淮水注中班志在城父下本自不錯應劭移之合肥之下則舛矣唐盧潘合肥辨曰漢書淮南王殺開章葬之肥陵肥陵肥水之上也應劭曰夏水出城父東南至此與肥合故

曰合肥今按肥水出雞鳴山北流二十里所分而為二其一東南逕合肥縣南又東南入巢湖其一西北流二百里出壽春西投於淮二水皆曰肥爾雅歸異出同流肥言所出同而歸異也是山也高不過百尋所出惟一水分流而已其源實同而所流實異也故皆曰肥今二州圖記皆不見夏水與城父惡賭其為夏與肥合者乎合于一源分而為肥合亦同也故曰合肥而與夏與肥合者亦應氏之失也此文見唐文粹中其言足發鄭氏之所未備

東城

史記項羽本紀項王乃復引兵而東至東城本書高帝紀漢五年十二月灌嬰追斬羽東城楚地悉定水經注池水出東城縣東北流逕東城縣故城南又東北流歷二山間東北入于淮謂之池口隋志鍾離郡定遠縣舊曰東城梁改括地志東城故城在濠州定遠縣東南五十里通典今和州烏江縣本烏江亭漢東城縣也方輿紀要東城城在今鳳陽府定遠縣東南五十里秦邑漢分曲陽縣置大清一統志東城故城在今鳳陽府定遠縣東南秦置按史記孝文八年封淮南厲王子良為東城侯即此

博鄉

水經泄水出博安縣北過芍陂西與泚水合西北入于淮注云博安縣即地理志之博鄉縣也泄水上承泚水西北出歷濡溪謂之濡水逕安

豐縣北流注于泚謂之濡須口亂流同歸于淮大清一統志博鄉廢縣在今潁州府霍邱縣南按本志博鄉縣屬九江續志無之殆後漢省并而說文云泄水受博安洶波豈順帝以前曾改博鄉為博安乎不可考矣

侯國

本書王子侯表博鄉節侯交元帝竟寧元年以六安繆王子封

莽曰揚陸

三國魏志甘露二年諸葛誕據壽春吳遣朱異赴救留輜重于都陸胡三省通鑑注都陸即揚陸也方輿紀要都陸城在今安豐縣南即漢博鄉縣

曲陽

應劭曰在淮曲之陽太康地理志東海復有曲陽故以此為西曲陽縣水經注淮水納洛川于西曲陽縣北逕西曲陽縣故城東下邳有曲陽故此加西也寰宇記古曲陽城在今濠州定遠縣西北九十五里廢西曲陽縣在今濠州壽春縣東北八十三里中都志今壽州東北八十三里有故西曲陽城方輿紀要曲陽城在今鳳陽府定遠縣西北九十五里大清一統志曲陽加西字在今鳳陽府鳳臺縣東北水經注釋九江之曲陽續志始加西字東海之曲陽續志改隸下邳地形志彭沛二郡領南陽中陽洛陽三縣南陽縣有曲陽城即漢九江郡之曲陽縣也洛陽即洛澗之陽也漢書考異按東海郡曲陽縣注亦引應劭曰在淮曲之

陽二注當有一誤續志以此為西曲陽漢書商榷常山有上曲陽鉅鹿有下曲陽此西字斷不可省

侯國

本書恩澤侯表曲陽煬侯王根元帝河平二年封

莽曰延平亭

建陽

輿地紀勝建陽故城在今滁州清流縣東四十里南畿志建陽城在滁州東四十里本秦縣後漢時省入全椒江南通志按後漢志無建陽縣據李吉甫十道圖清流縣有建陽城即此也大清一統志建陽故城在今滁州東州志云在州東四十里

全椒

後漢馬成傳注全椒今滁州縣也通典今滁州全椒縣漢舊縣又清流縣亦全椒也元和志滁州春秋時楚地漢為全椒縣地縣在州南五十里晉琅邪王佃出滁州即此九域志滁州全椒縣有全椒鎮大清一統志漢全椒舊縣即今滁州全椒縣治江寧府志六合縣本漢堂邑全椒二縣地

阜陵

晉書地理志阜陵漢明帝時淪為麻湖後漢書注阜陵故城在今全椒縣南寰宇記阜陵縣故城在今滁州全椒縣西南十八里輿地紀勝阜陵城在今滁州全椒縣東十五里地名赤土堠高一丈四尺大清一統志阜陵故城

在今滁州全椒縣東南十五里漢文帝八年封淮南王子安爲侯國

莽曰阜陸

漢書地理志補注卷十九

山陽郡

方輿紀要山陽郡今山東兗州府西至河南歸德府東境是其地 按漢山陽郡今山東濟寧州之金鄉嘉祥魚臺三縣曹州府之單城武鉅野曹四縣及濮州兗州府之嶧陽鄒二縣東昌府之冠縣皆其地 故梁景帝中六年別爲山陽國武帝建元五年別爲郡

地理志稽疑山陽郡故屬秦碭郡楚漢之際屬楚國高帝五年屬漢仍屬梁國景帝封梁孝王子哀王定九年薨無後國除爲郡天漢四年更爲昌邑國宣帝本始元年復故元帝竟寧元年復爲山陽國成帝河平四年復故

莽曰鉅野屬兗州有鐵官

本書成帝紀永始三年山陽鐵官徒攻殺長吏盜庫兵

縣二十三

昌邑南平陽成武湖陵東緡方與橐鉅壘單父薄都關城都黃爰戚郛成中鄉平樂鄭瑕邱留鄉栗鄉曲鄉西陽

昌邑

史記彭越傳沛公初起從碭北擊昌邑彭越助之 本書吳王濞傳條侯用鄧都尉策堅壁昌邑南輕兵絕吳餉道 水經注潁水又東逕昌邑縣故城北縣故梁也 元和志昌邑故城在今兗州金鄉縣西北四十二里其中城周十餘里外城周三十餘里有鐵柱出地數尺 與

地廣記濟州金鄉縣本漢昌邑縣地縣所治名金鄉山漢司隸校尉魯恭嘗於此鑿石爲冢得白兔白蛇不葬更葬山南鑿而得金故曰金鄉山 金史地理志濟州金鄉縣有昌邑鎮 肇城記金鄉縣西四十里有昌邑城東西六里南北六里 山東通志昌邑城在鉅野縣東南六十里與金鄉接界 大清一統志昌邑故城在今濟寧州金鄉縣西北四十里本秦縣 按今萊州府之昌邑縣乃漢北海郡之都昌縣非此地也

武帝天漢四年更山陽爲昌邑國

本書武五子傳天漢四年封子哀王躡至孫賀廢國除復爲昌邑縣

有梁邱鄉春秋傳曰宋齊會于梁邱

春秋莊三十二年宋公齊侯遇於梁邱杜注梁邱在高平昌邑縣西南 穀梁傳梁邱在曹邾之間去齊八百里 水經注潁水分濟于定陶東北又東北逕梁邱城西又東北于乘氏縣西而北注潁水 括地志梁邱故城在今曹州成武縣東北三十二里 大清一統志梁邱城在今曹州府城武縣東北二十五里

南平陽

竹書紀年梁惠成王二十九年齊田盼反宋人伐我東鄙圍平陽 孟子一戰勝齊遂有南陽 水經注泗水又南逕平陽縣故城西縣卽山陽郡之南平陽也世謂之漆鄉 又云洙水又西南逕南平陽縣之顯閭亭西故邾邑也春秋襄公二十一年邾庶其以漆閭邱來奔今漆鄉

在縣東北漆鄉東北十里有閭邱亭 方輿紀要南平陽城在今兗州府鄒縣西三十里河東郡有平陽故此加南 大清一統志平陽城即今兗州府鄒縣治本春秋時邾地後為魯平陽邑戰國時為齊南陽邑

莽曰暹平

成武

史記絳侯世家故東郡尉于成武破之 續郡國志漢高祖過魯祀孔子駐驢于楚邱亭以武功告成改楚邱為成武 水經注黃溝又東逕成武縣故城南 後書成武侯傳注成武今曹州縣也 元和志曹州成武縣本漢舊縣 大清一統志曹州府城武縣春秋時郟國地後屬宋秦置成武縣漢屬山陽郡明時諱成為城有楚邱亭

春秋隱七年戎伐凡伯于楚邱以歸杜注楚邱衛地濟陰成武縣西北有楚邱亭 齊桓公所城遷衛文公于此

春秋大事表穀梁於兩楚邱皆言衛邑而不必明其處至隋開皇十六年同時置兩楚邱縣一在漢己氏縣以戎伐凡伯之楚邱為名己氏春秋時為戎州在今山東曹州府曹縣東南四十里一在漢白馬縣即齊桓公所封者在今河南衛輝府滑縣東六十里截然甚明班氏地理志于山陽成武下注云有楚邱亭齊桓公遷衛文公於此則以滑縣混同曹縣矣謬極 按左傳僖二年諸侯城楚邱而封衛杜注雖無明文而詩定之方中篇毛傳鄭箋孔疏言之甚晰水經

注云白馬津有白馬城衛文公東徙渡河都之其不得混于山陽之成武明矣古楚邱城在今衛輝府滑縣東于漢為東郡之白馬縣南北朝謂之滑臺劉宋元魏力爭之于此為四鎮之一非此楚邱也此楚邱當是戎邑凡伯經其地戎遂伐之以歸杜注以為衛地亦微誤

子成公徙濮陽

按濮陽即東郡濮陽縣春秋僖三十二年衛遷于帝邱是也 莽曰成安

湖陵

史記項羽本紀秦嘉軍敗走追至湖陵 又高祖紀沛公初起攻湖陵方輿 本書五行志哀帝建平四年山陽湖陵雨血 水經注鄆水又西至湖陵縣入于泗故京相璠曰薛縣鄆水首受蕃縣西注山陽湖陸是也 魏書地形志高平郡高平縣有湖陸城 後書光武紀注湖陵縣故城在今兗州方輿縣東南 寰宇記漢湖陵故城在今單州魚臺縣東南六十里有湖陵城楚邑春申君所謂魏氏將出而攻留方輿鉅湖陵傷蕭相者也其東北為滕縣 方輿紀要湖陵城在徐州沛縣東五十里與山東魚臺接界 大清一統志湖陵故城在今濟寧州魚臺縣東南六十里與江南沛縣接界戰國時湖宋陵邑秦置縣 按說文作胡陵史記諸紀傳亦作胡陵湖胡古通用 禹貢浮於淮泗通於河水在南 禹貢浮於淮泗通于河又導荷澤被孟豬孔傳

荷澤在湖陵 又導沈水東至於荷 說文荷澤水在山陽湖陵禹貢浮於淮泗達於荷从水苛聲 水經濟水又東至乘氏縣西分為二其一東南流者過乘氏縣南又東過昌邑縣北又東過金鄉縣南又東過東緡縣北又東過方輿縣北為荷水又東過湖陸縣南東入於泗水注云澤水所鍾也尚書曰浮於淮泗達於河是也 水經注泗水又南逕方輿縣東荷水從西來注之荷水即沛水之所苞注以成湖澤者也而東與泗水合於湖陸縣西六十里穀庭城下俗謂之黃水口黃水西北通鉅野澤蓋以黃水沿注於荷故因以名焉又屈東南過湖陸縣南左會南梁水又南瀋水注之 元和志兗州魚臺縣荷水一名五丈溝西自金鄉縣流入吉縣十里又東南流合泗水泗水東北自任城縣界流入經縣東與荷水合又東北入徐州沛縣界黃公韶韻會舉要荷或作荷予按舊注尚書導荷澤被孟豬集韻亦作荷按淮泗入河必導於汴世謂汴是隋煬帝始通而疑禹貢有浮於淮泗達於河之文說者牽合傳會或謂鴻溝引河水入泗安知非禹之迹或謂當時必有可達之理蔡氏書傳亦莫知所折衷今按說文荷字音柯注引禹貢浮於淮泗達於荷與導荷澤同則是達於荷非達於河也謹慎所見蓋古文尚書後人傳寫之譌不知從艸例以禹貢上下文達于河為句改荷為河陸德明又以河音如字遂啓後人淮泗不能達河之疑然陸氏于荷澤下注徐音柯又工可切於浮於淮泗達於河下亦

注云說文作荷益明矣工可切荷水出山陽湖
陵南則非九河之河明矣如字之音陸氏誤也
近世惟新安王氏曰濟入河溢爲滎會於荷注
於泗則河爲荷益明矣 金履祥尙書表注達
于河古文尙書作達於荷說文引書亦作荷今
俗本誤作河耳荷澤與澤水相通而泗水上可
以通荷下可以通淮徐州浮淮入泗自泗達荷
也青州書達于濟則達河可知故徐州書達于
荷則達濟可知 尙書古文疏證按浮於淮泗
達于荷今本作河二孔無傳疏止陸德明引說
文作荷予考之荷字是也蓋荷者澤名爲濟水
所經又東至于荷者是在豫之東北即徐之西
北舟則自淮而泗自泗而荷然後由荷入濟深
達于河此徐之貢道也或曰曷不詳言之予曰
以上文兗州浮于濟深達于河次青州便浮于
汶達于濟不復言達于河矣又次徐州浮于淮
泗達于河亦不復言達于濟矣至揚州則沿于
江海達于淮泗且不復言達于荷矣不復者蒙
上文也一層脫卸一層雖由當日水道之自然
而其敘法從變字法從簡真屬聖經之筆直言
達于河不識其何途之從惟言達于荷而水道
歷歷然在目矣 禹貢雖指按荷謂荷澤在今
兗州府定陶縣東北說文荷字下云禹貢浮于
淮泗達于荷从水荷聲徐鉉音古俄切隸從艸
作荷俗遂訛爲荷又訛爲河也許慎時經猶作
荷而史記漢書並作河蓋後人傳寫之誤濟水
豬爲荷澤此經蒙青之文曰達於荷則由濟入
深可知矣徐之東北境可浮沂泗以達濟不必

從淮其西北境亦可浮汶以達濟不必從泗也
又云漢志山陽郡湖陵縣下云禹貢浮于淮
泗達于河水在南漢時湖陵縣安得有黃河此
河字明係荷字之誤水在南謂荷水在縣南也
鄭道元泗水注引此文云荷水在南北水經濟
水篇言荷水過湖陸縣東南入泗皆確證不獨
說文作荷也 又云青承竟曰達于濟則由濟
入深可知矣徐承青曰達於荷則由荷入濟可
知矣揚承徐曰達於淮泗則由淮入泗由泗入
荷可知矣淮通泗泗通荷荷通濟濟通河泗州
之貢道無不由濟者 又云兗青徐揚四州之
貢道前後相承不復不亂汶與濟連故青曰浮
于汶達于濟徐揚道由淮泗從泗入濟必由荷
澤故書曰達于荷若作河則複而無理河深青
且不言矣而徐復云達于河陵亂失次禹貢必
無此書法而人猶謂作河爲是者總由不知荷
澤之原委耳 大清一統志荷水即泇水分流
其上游在今曹州府及定陶鉅野二縣界禹貢
所謂導荷澤及泇水東至于荷是也而其下流
則自金鄉方與至湖陸以合于泗方與湖陸即
今魚臺縣地禹貢所謂浮于淮泗達于荷蓋自
泗至荷自荷至泇也 尙書後案漢志引禹貢
通于河河當作荷漢湖陵在今魚臺縣之東南
安得有黃河也水在南謂荷水在縣南也荷本
澤名泇水所豬在今曹州府定陶縣東北爲豫
之東北徐之西北境導泇水之東至于荷是主
澤言即豫州之荷澤也此達于荷則自是乘氏
以至湖陵乃荷澤之支流說文名曰荷澤水者

漢書顏注拾遺應劭曰尙書一名湖按尙書
何曾有一名湖之文此湖字亦是荷字之誤蓋
仲瑗引經文之荷以證漢注河字之當依經作
荷也而水經注引此注云應劭曰尙書一名湖
陵更增一陵字尤爲謬誤然而相承已久宜師
古之不能細審也
莽曰湖陸
應劭曰章帝封東平王蒼子爲湖陵侯更名湖
陸 鄧展曰湖陵屬山陽章帝元和元年改爲
湖陸 殿板漢書考證齊召南曰莽改湖陵爲
湖陸光武中興郡縣名皆復其舊至章帝又改
湖陵爲湖陸也
東緡
春秋僖二十三年齊侯伐宋圍緡杜注緡宋邑
高平昌邑縣東南有東緡城 左傳昭四年桀
爲仍之會有緡叛之 戰國策鄒衍曰余登緡
城以望宋都 史記絳侯世家攻爰戚東緡以
往索隱曰緡音晏非陳留之東昏也屬陳留者
音昏屬山陽者音晏 水經注濟水又東逕東
緡縣故城北故宋地也十三州志曰山陽有東
緡縣 師古曰緡音晏 元和志兗州金鄉縣
本漢東緡縣即古之緡國城 大清一統志東
緡故城在今濟寧州金鄉縣東北二十里本夏
時緡國
方輿
戰國策楚人說頃襄王外擊定陶則大宋方輿
二郡者舉矣 史記陳涉世家秦嘉等引兵至
方輿 本書高祖紀沛公還軍九父至方輿

又五行志哀帝建平四年山陽方與女子田無
齋生子不舉葬之三日復生 晉灼鄭德並音
房豫 水經濟水東過方與縣北為蒗水 元
和志兗州魚臺縣即漢方與縣 寰宇記魚臺
縣北有小城即古方與縣也 大一統志方
與故城在今濟寧州魚臺縣北春秋時宋邑秦
為縣

橐

本書五行志元帝建昭五年山陽橐茅鄉社有
大槐樹吏伐斷之其夜復立其故處師古曰茅
鄉橐縣之鄉也 臣瓚曰音拓 續郡國志高
平故橐章帝更名 水經泗水又南過高平縣
西泚水從西北流來注之注云縣故山陽之橐
也所謂泚水者泚水也蓋泚泚相入互受通稱
矣 大一統志漢橐縣後漢更置高平故城
在今兗州府鄒縣西南 地理志稽疑臣瓚音
拓是也而師古于功臣侯表乃以公老反音之
則橐字矣大謬 按史記高祖八年封陳錯為
橐侯本表作陳錯然侯名皆是橐字據索隱云
屬山陽則是橐字矣臣瓚音拓而顏氏注本表
讀作公老反是唐人已誤橐為橐矣續郡國志
亦作橐而東平憲王傳仍是橐字然則橐之與
橐竟未能一定也錢獻之曰王莽改縣名為高
平本以橐高字聲相近又州郡志云高平前漢
名橐疑表作橐為是

鉅壑

按章帝改橐曰高平復莽故號也

鉅壑

水經注蒗水又東與鉅壑黃水合蒗澤別名也
黃水又東逕鉅壑縣北 師古曰鉅壑澤名因
以為縣今屬鄆州 元和志鄆州鉅壑縣本漢
舊縣 邢昺爾雅疏鉅即大也由其旁有大澤
故縣以鉅壑為名 大一統志鉅壑故城在
今曹州府鉅壑縣南縣志云故城本在大野澤
中後經南徙元至正八年以水患復徙於城北
邢家務即今縣治也

大壑澤在北兗州藪

禹貢大野既豬 夏官職方兗州澤藪曰大野
鄭注大野在鉅壑 爾雅十藪魯有大野郭注
今高平鉅壑縣東北大澤是也 左傳哀十四
年西狩於大野杜注大野在高平鉅壑縣東北
大澤是也 史記河渠書元光中河決瓠子東
南注大野通於淮泗 又彭越傳嘗漁大野澤
中為盜 服虔曰大野藪名魯圃田之常處蓋
今鉅壑是 劉昭注補大野澤春秋西狩獲麟
之所 國都城記鉅壑故城東十里澤中有土
臺廣輪四五十步俗云獲麟堆去魯城可三百
餘里 水經注何承天曰鉅壑湖澤廣大南通
洙泗北接濟濟舊縣城正在澤中衍東北出為
大野矣昔西狩獲麟於是處也 元和志大野
澤亦名鉅壑澤在鄆州鉅壑縣東五里南北三
百里東西百餘里 蔡氏書傳按水經至乘氏
縣分為二南為蒗北為濟鄆道元為一水東南
流一水西北流入鉅壑澤則大野為濟之所歸
其所聚也大矣 禹貢雖指鉅壑屢遭河患自
漢以來衝決填淤凡四五度高下易形久已非

禹跡之舊逮元至正四年河又決入此地及河
南徙澤遂涸為平陸而畔岸不可復識矣 大
清一統志鉅壑澤在今縣北五里亦曰巨澤濟
水故瀆所入也 按濟水至曹州府分為二一
水東南流為蒗水一水東北流入鉅壑澤為濟
瀆春秋僖公三十一年取濟西田傳云分曹地
自洙以南東傳於濟鄆道元云濟水自是東北
流出巨澤即此地也鉅壑即今曹州府鉅壑縣
大野澤在縣東亦謂之廣野漢高帝封酈食其
為廣野君韋昭以為即鉅壑縣澤連南旺蜀山
諸湖方數百里即梁山灤也亦稱梁山泊北出
為清河元末為黃河所決涸為平田矣王明逸
以南旺湖為即古大野澤非也

單父

呂氏春秋宓子行其術于單父 史記高祖紀
單父人呂公 又仲尼弟子傳宓不齊字子賤
為單父宰 說苑宓子賤理單父彈琴身不下
堂而單父理巫馬期以星出以星入而單父亦
理孟康曰音善甫 水經注黃溝又東逕單父
縣故城南 地形志單父有單襄公祠 元和
志今宋州單父縣古魯邑也漢以為縣 路史
國名紀帝舜師單卷所居故號單父周成王封
少子臻于此為單子國 大一統志單父故
城在今曹州府單縣南一里春秋時魯邑宓子
賤巫馬期皆嘗為邑宰
都尉治莽曰利父

春秋桓十二年公會宋公燕人盟于穀邱杜注

穀邱宋地 又莊十二年宋公子御說奔毫

又僖二十一年公會諸侯盟于薄釋宋公 左

傳哀十四年桓魋請以蠶易薄景公曰不可薄

宗邑也 荀子議兵篇古者湯以薄楊涼注薄

與毫同 如淳曰薄即毫也 臣瓚曰薄湯所

都 水經注睢水又東逕毫城北南毫也即湯

所都矣又東逕穀熟縣故城北又東斬水出焉

又云澗水又逕毫城北帝王世紀曰穀熟為

南毫即湯都也又東逕穀熟城南 括地志南

毫故城在今宋州穀熟縣東南五十五里 後

書梁節王傳注薄故城在今曹州考城縣東北

元和志今宋州穀熟縣本漢薄縣地置於古

穀城春秋時為穀邱亦殷之所都謂之南毫漢

于此置薄縣屬山陽郡薄與毫義同字異後漢

分置穀熟縣 寰宇記穀熟縣在今宋州東南

四十里穀邱在縣南二百步 方輿紀要穀熟

城在今歸德府東南四十里本漢山陽郡薄縣

及梁國睢陽縣地後漢建武二年封更始子歆

為穀熟侯邑於此尋為穀熟縣取春秋穀邱之

名也 大清一統志薄縣故城在今山東曹州

府曹縣南二十餘里曹南山之陽河南歸德府

商邱縣西北 按此穀熟之毫所謂南毫湯自

北毫遷此今歸德府商邱縣東南四十里有穀

熟故城薄即毫也伊尹曰天誅造攻自牧宮朕

載自毫即此

都關

史記絳侯世家攻都關索隱曰縣屬山陽 本

書五行志成帝元延四年隕石都關二 水經

注瓠子河北有都關縣故城縣有羊里亭瓠河

逕其南為羊理水也 方輿紀要都關城應在

今曹州東北 山東通志都關城在今鄆城縣

西濮州界 大清一統志都關故城在今曹州

府濮州東南

城都

春秋隱五年邾侵衛京相璠曰東郡廩邱縣南

三十里有邾都故城 水經注瓠河之北又有

邾都城山陽縣也 山東通志城都在濮州

南六十里邾伯初封之國 大清一統志城都

故城在今曹州府濮州東南

侯國

本書恩澤侯表成都景成侯王商元帝河平二

年封

莽曰城穀

黃

史記齊世家宣公四十三年田莊子伐晉毀黃

城 又趙世家敬侯八年敗魏黃城 又肅侯

十七年圍魏黃不克 水經注黃縣有黃水西

北通鉅野澤 括地志冠氏縣南十里有黃城

亦以黃溝為名 大清一統志黃城在今東昌

府冠縣南漢時陳留郡有外黃縣魏郡有內黃

縣而山陽郡有黃縣俱在大河旁為魏趙齊戰

爭之地

侯國

本書王子侯表黃節侯順元帝建始元年以梁

敬王子封表注濟陰而志屬山陽

爰戚

史記曹參世家攻爰戚先登正義曰爰戚縣也

近亢 肇城記滕縣南七十里有戚城即漢爰

戚縣 山東通志爰戚城在今嘉祥縣南二十

五里大鼎山之麓俗稱團城 大清一統志爰

戚故城在今濟寧州嘉祥縣西南

侯國

本書功臣侯表爰戚靖侯趙延年宣帝地節二

年封

莽曰戚亭

部成

春秋隱十年取部杜注濟陰成武縣東南有部

城 又桓二年取部大鼎於宋杜注濟陰成武

縣東南有北部城 徐才宗國都城記南北兩

部周成王庶子所封富辰所謂部雍曹滕者也

水經注黃溝又東逕城父縣故城南又東北

逕部城北十三州志曰今成武縣東南有部城

俗謂之北部者也 又云洮水東逕孟諸澤東

北逕邛城縣故城南地理志曰山陽縣也王莽

更名曰部城故世有南部北部之論也 寰宇

記南部在北部南二里 肇城記城武縣東南

十八里有北部城桓二年取部大鼎于宋是也

又二里有南部城隱十年取部是也 大清一

統志部成故城在今曹州府城武縣東南十八

里按今本漢志有部成縣無邛城縣與水經注

以在城武東南者為宋邑謂之北部在單縣之

西者為漢縣謂之南部相去亦不止二里寰宇

記則以水經之北部為南部謂即漢縣而北部

不知所 水經注釋外戚侯表有邛成侯王

奉光注曰濟陰據地志濟陰無邛成而山陽有邛成水經注云孟諸澤東北逕邛成縣故城南

地理志曰山陽縣也王莽更名之曰邛成是縣在前漢本名邛成至王莽始改曰邛成矣宋子京亦云邛當作邛 漢書考異表未見封邛成

者宋子京云邛當作邛外戚侯表邛成屬濟陰濟陰與山陽相距不遠疑子京說是也 新校地理志邛成即邛成也表作邛成說文邛地在濟陰邛邛字形相近而誤墨子堯葬蚩山之陰

蛩亦邛字 段氏說文注今本地志云山陽郡邛成侯國宋祁云邛當作邛外戚侯表邛成屬濟陰與山陽相距不遠予按宋說是也玉篇邛字下曰山陽邛成縣此邛成之確證希馮蓋以前表正說文而不知說文與表合前漢時容有改屬故志表不符耳志云侯國即表之邛成侯王奉光也邛成之誤邛成者以莽曰告成之故也郡國志成武有邛城與此無涉

侯國 本書外戚侯表邛成侯王奉光宣帝元康二年封

莽曰告成 中鄉侯國 本書王子侯表中鄉侯延年元帝建昭元年以梁敬王子封

平樂 水經注黃溝又東逕平樂縣故城南又東右合泡水即豐水之上源也 寰宇記單父縣東四十里有漢平城即平樂城也 大清一統志平

樂故城在今曹州府單縣東四十里 侯國 本書王子侯表平樂節侯遷元帝建始元年以梁敬王子封

泡水 舊作淮水誤 東北至沛 舊作沛誤 屬沛郡入泗 說文泡水出山陽平樂東北入泗从水包聲 水經注黃水又東逕平樂縣右合泡水水上承睢水于下邑縣界東北注一水上承睢水於杼秋縣界北流世謂之瓠盧溝水積為渚渚水東北流二渠雙引左合豐水俗謂之二泡也自下豐泡並得通稱矣故地理志曰泡水自平樂縣東北至沛入泗者也 大清一統志泡河在今徐州府沛縣南自山東單縣流逕豐縣北又東逕沛縣界循城東南至泗亭驛而合於泗 按淮水當作泡水即豐水之上源說文可證水經注兩引本志亦並作泡明嘉靖年刊本尙作包字惟去水旁耳又沛非縣名乃沛字之訛水經注引此亦作沛

鄭侯國 本書王子侯表鄭頃侯罷軍元帝建昭元年以梁敬王子封

瑕邱 左傳哀七年季康子伐邾以邾子益來囚諸負瑕杜注高平南平陽縣西北有負瑕城 應劭

曰瑕邱在縣西南 水經泗水西過瑕邱縣東屈從縣東南流渚水從東來注之 水經注洙水又南逕瑕邱城東而南入石門 後書鍾離意傳注瑕邱今兗州縣也 元和志今兗州郭下瑕邱縣本漢舊縣即魯之負瑕也 金史地理志兗州磁陽縣本瑕邱 名勝志磁陽山在今磁陽縣西三十里縣以此名本漢瑕邱縣隋避先聖諱故改之 按水經注以瑕邱為即公叔文子所升之處考衛之瑕邱在今大名府開州東南三十里秦置濮陽郡即衛之帝邱成公自楚邱來遷之處文子所升宜在彼地也

甯鄉 師古甯音側其反 侯國 本書王子侯表甯鄉釐侯就元帝建昭元年以梁敬王子封

栗鄉侯國 本書王子侯表栗鄉頃侯護成帝鴻嘉元年以東平思王子封

莽曰足亭 曲鄉侯國 本書王子侯表曲鄉頃侯成帝永始三年以梁荒王子封

西陽 按今濟寧州金鄉縣西有西防城本春秋時宋防邑春秋隱十年公敗宋師於菅取防杜注高平昌邑縣西南有西防城是也後書劉永傳遣使拜西防城帥山陽佼儻為橫行將軍章懷注

西防縣名在宋州單父縣北考兩漢志無西防縣而山陽郡有西陽縣疑陽爲防之訛

侯國

本書王子侯表西陽頃侯並成帝元延二年以東平思王子封

漢書地理志補注卷二十

濟陰郡

方輿紀要濟陰郡亦梁地今山東曹州府至東昌府之濮州是其地 按漢濟陰郡今山東曹州府之菏澤城武鉅野定陶四縣及濮州皆其地

故梁景帝中六年別爲濟陰國

水經注漢景帝以濟水出其北東注于定陶置濟陰國指北濟而定名也

宣帝甘露二年更名定陶

地理志稽疑濟陰故屬秦碭郡楚漢之際屬楚國高帝五年屬漢以屬梁國景帝六年別爲濟陰國武帝建元三年爲郡宣帝甘露二年更爲定陶國黃龍元年復故成帝河平四年復爲定陶國哀帝建平二年復故 漢書顏注拾遺按諸侯王表景帝以中六年封梁孝王子不識爲濟陰王始有濟陰之稱故地志云濟陰郡故梁景帝中六年別爲濟陰國不識立二年而薨無後則是國已除矣其時或仍屬於梁或立爲郡志不之詳也又云宣帝甘露二年更名定陶是又爲王國矣其時以封王子翳後徙王楚迨元帝永光八年徙王子山陽王康爲定陶王是爲共王王子欣即哀帝既入繼大統立楚思王子景爲定陶王奉共王後二年徙景王信都如淳曰不復爲定陶王立後者哀帝自以己爲後故哀帝崩無後徵立中山孝王之子衍爲帝是爲平帝其時王莽擅權與傅丁爲仇之際定陶國之廢必在斯時故續志云濟陰郡治定陶劉昭

補注惟以郡故梁景帝分置爲言而其顛末亦不暇詳也獨怪班氏既詳建國之始乃遺立郡之由不幾犯張冠李戴方鑿圓柄之謂耶 禹貢菏澤在定陶東

禹貢導菏澤被孟諸東出於陶邱北又東至於菏 水經注濟水又東北荷水出焉水上承濟水於濟陰縣東又東逕陶邱北尙書所謂導荷水自陶邱北是也 又云濟水自定陶縣東北又東至乘氏縣西分爲二南爲荷水北爲濟濱 師古曰荷音和 括地志菏澤在曹州濟陰縣東北九十里定陶城東今名龍池亦名九卿陂 元和志菏澤在曹州濟陰縣東北九十里故定陶城東北其地有荷山故名其澤爲荷澤 通典菏澤在濟陰縣東北九十里 傅寅曰說文云荷澤在山陽湖陵正與孔傳同而班固以爲在定陶何也蓋在定陶者其澤也在湖陵者其流也其流東與泗合正在單州之魚臺魚臺在單州東北百里而近正古湖陵地也而孟諸在睢陽東北則所謂被諸孟者導荷流之在定陶魚臺間者以被之於南也 方輿紀要菏澤在今曹州東南三十里舊志云濟水西自河南考城縣界來會于荷水東入武城縣界今泗水伏流至陶邱北上奮馳波跳沫東北匯於荷澤又東北絕鉅野至琅槐入海者爲濟濱其一枝東南流至湖陵入泗者後人目之曰荷水漢志湖陵縣下云荷水在南者是湖陵今爲魚臺縣地也許慎云菏澤水在湖陵謂澤之下流入

泗者亦未為誤自孔傳襲其文曰荷澤在湖陵而遺一水字則在湖陵者為澤矣釋此至於荷又增一水字曰荷澤之水則定陶之荷澤與湖陵之荷水無別矣酈道元時孔傳已盛行故宗其說言尚書有導荷澤之說自陶邱北東至於荷水又以湖陵入泗為澤水所鍾而不知此特荷澤之下流其所鍾則在定陶也且豫州導荷澤被孟豬乃導澤水之餘波南入于孟豬非謂東南至湖陵入泗之荷水酈乃混而為一種種

紕繆皆為孔傳所誤說禹貢者當以漢志為正經文三荷字皆以澤言在定陶與湖陵無涉也又云荷之為澤也濟貫其中太半是濟水所匯酈注云即沛水之所包注以成湖澤是也寰宇記云荷水西自考城來水經以此水為五丈溝即近世命為五丈河者正荷水首末也按曹州志荷山在州東南三十里以近荷澤而言蓋澤本名荷後人因澤以名其山也說者謂荷水出荷山非是據酈注荷水分濟于定陶東北此即經所謂濟水東至乘氏縣西分為二南為荷水北為濟瀆者也乘氏故城在今鉅野縣西南然曹州之東境亦兼得乘氏地州東南與定陶接界荷澤在焉注所謂定陶東北即經所謂乘氏縣西也但不言荷澤為疎漏耳荷水只是荷澤分流酈以所出之五丈溝為荷水蓋難採他說而有此謬元和志因目魚臺之荷水曰五丈溝而程泰之據以為荷水之首末正當如此皆非地志水經之荷水起乘氏訖湖陵之本意也屬兗州縣九

定陶 宛句呂都葭密成陽郵城句陽稔乘氏定陶

史記始皇本紀二世二年章邯等破項梁定陶又項羽本紀沛公項羽攻定陶未下 又越世家范蠡止于陶自謂陶朱公徐廣曰今之濟陰定陶也 又穰侯傳秦昭王封魏冉于穰復益封陶索隱曰即定陶也 本書高帝紀五年以魏故地封魏相國彭越為梁王都定陶 又云五年二月甲午漢王即皇帝位于汜水之陽張晏曰東濟陰界取其汜愛宏大而潤下也師古曰據叔孫通傳云為皇帝於定陶則此水在定陶是也汜音敷劍反 水經注濟水又東北逕定陶縣故城南側城東注縣故三驪國湯追桀伐三驪即此 又云荷水東北出於定陶縣北屈左右合汜水汜水西分濟瀆東北逕濟陰郡南呂忱曰水決復入為汜昔漢祖既定天下即帝位於汜水之陽汜水之名於是乎在矣其水又東北合黃水枝渠又合荷水而北注濟瀆也 又云北濟水又東北逕定陶縣故城北又東北與濮水會 史記正義定陶今曹州城也 通典今曹州所理濟陰縣即漢濟陰郡城亦定陶縣之地 寰宇記定陶故城在今曹州濟陰縣東北四十七里 大清一統志定陶故城在今曹州府定陶縣西北四里 故曹國周武王弟叔振鐸所封 史記曹世家武王克殷封叔振鐸於曹宋忠曰濟陽定陶縣 鄭氏詩譜曹者禹貢兗州陶邱之北地名今濟陰定陶是也其封城在雷夏荷

澤之野夾於魯衛 春秋世族譜曹姬姓文王子叔振鐸之後武王封之陶邱今濟陰定陶縣是也魯哀公八年為宋所滅 元和志古曹國在今濟陰國縣東北四十七里故定陶是也自曹叔至伯陽凡十八葉為宋所滅

禹貢陶邱在西南 禹貢東出于陶邱北 爾雅釋邱再成為陶邱郭注今濟陰定陶城中有陶邱邢疏邱形上有兩邱相重累者名陶邱李巡曰再成其形再重也 說文陶再成邱也在濟陰从阜甸聲陶邱有堯城堯嘗居此故號陶唐氏 釋名陶邱于高山上一重作之如陶竈然也 帝王世紀舜陶於河濱即禹貢之陶邱今濟陰西定陶是也 水經注濟水屈從定陶縣東北流又東逕陶邱北墨子以為釜邱即竹書紀年魏襄王十九年薛侯來會王于釜邱者也 國都城記定陶城中高邱即古之陶邱 括地志陶邱在濮州甄城西南二十四里 元和志今曹州理中城蓋古之陶邱也一名左城 禹貢錐指漢志言陶邱在定陶縣西南而郭璞言在城中蓋其時郡徙西南包陶邱而為城耳今縣則又徙於東北故陶邱與漢城皆在西南也 大清一統志陶邱在今定陶縣西南七里 陶邱亭 帝王世紀定陶西南有陶邱亭 按水經注引此文亭下有在陶二字是也 水經注濟水又東北逕宛句縣故城南呂后元

年封楚元王子劉執爲侯國 又云北濟水自濟陽縣北東北逕袁棗城南郡國志曰宛句縣

有煮棗城卽此也又東北逕宛句縣故城北師古曰句音劬 元和志今曹州宛句縣本漢

舊縣 史記正義宛句在今曹州西四十七里寰宇記宛句縣有宛水縣之得名以此 集韻宛卽古宛濮句卽須句縣處其間因名焉

方輿紀要宛句城在今曹州西南四十里 大清一統志宛句故城在今曹州府荷澤縣西南

按史記封禪書絳侯世家及本書王子侯表靳歙傳並作宛胸盧縮傳及晉志並作宛句古

通用也史記孝武紀又作宛侯本書郊祀志又作冕侯冕卽宛之譌侯句聲相近也

莽改定陶曰濟平

按後漢書耿純傳父艾爲莽濟平大尹則莽嘗改濟陰郡爲濟平矣此云王莽改定陶曰濟平

當是改郡名爲濟平也 宛句縣曰濟平亭

呂都 水經注北濟水又東北逕呂都縣故城南 肇域記按恩澤侯表周呂令武侯呂澤高祖六年

封索隱曰濟陰有呂都縣又呂后稱制封呂產爲梁王更名梁爲呂都於此縣因得名後省入

宛句 方輿紀要呂都城在曹州西南二十里或曰高后割濟南郡爲呂國封呂臺爲呂王此

其所都也後因置呂都縣 大清一統志呂都故城在今曹州府荷澤縣西南州志云今名呂

都集在縣西南三十里

葭曰祈都 葭密

竹書紀年幽王十三年魯季孫會晉侯於楚邱取葭密遂城之 史記田齊世家威王以田忌

爲將大破魏師於葭密 水經注濮水又東逕葭密縣故城北 師古曰葭音家 寰宇記葭

密故城在今乘氏縣卽魯元公所取者 肇域記今曹州府荷澤縣西北二十五里有葭密寨

西通志云在縣西南二十五里府志云今名葭密寨

成陽

史記秦本紀昭襄王十七年成陽君入朝 本書高帝紀沛公西略地道碭至成陽 又曹參

傳擊王離于成陽南 水經注雷澤東南卽成陽縣故史記曰武王封弟季載于成應劭曰其

後乃遷于成之陽故曰成陽也高祖封奚意爲侯邑 隋志東平郡雷澤舊曰成陽開皇十六

年置 括地志濮州雷澤縣本漢成陽縣古郟伯國也在州東九十一里 元和志今濮州臨

濮縣本漢成陽縣地 胡三省通鑑注成陽縣與定陶濮陽皆相近非城陽國之城陽也 方

輿紀要成陽城在今曹州東北六十里 大清一統志成陽故城在今曹州府濮州東南或作

郟又作城皆非是 有堯冢靈臺

本志論風俗昔堯作遊成陽如淳曰成陽在定陶師古曰作游者言爲宮室遊止之處也 呂

氏春秋堯葬穀林 述征記成陽縣東南有堯母慶都墓上有祠廟堯母陵俗亦名靈臺大母

皇覽堯冢在濟陰成陽 帝王世紀堯葬濟陰成陽西北四十里是爲穀林 水經注成陽

城西二里有堯陵陵南一里有堯母慶都陵於城爲西南稱曰靈臺鄉曰崇仁邑號修義皆立

廟堯陵東城西五十餘步爲中山夫人祠堯妃也 後書和帝紀延光三年使使者祠唐堯於

成陽 括地志堯陵在濮州雷澤縣西三里雷澤本漢成陽縣 元和志堯陵在雷澤縣西

三里堯母廟在縣西南四里 文獻通考曹州東北有堯冢 日知錄宋神宗熙寧元年知濮

州韓鐸言堯陵在雷澤縣東穀林山林南有堯母慶都靈臺廟請敕本州春秋致祭置守陵五

戶免其租奉洒掃從之而集古錄有漢堯祠及堯母祠碑是廟與碑宋時猶在也然開寶之詔

帝堯之祠乃在鄆州意者自石晉開運之初黃河決於曹濮堯陵爲水所浸乃移之高地乎而

後代因之不復考正矣 大清一統志堯陵在荷澤縣東北五十里舊雷澤城西與濮州接界

高四丈五尺廣二十餘丈上有廟 按後漢堯母碑文云堯母慶都感赤龍而生堯慶都仙歿

蓋葬于茲欲人莫知名曰靈臺上立黃屋堯所奉祠據此則靈臺乃堯冢也

禹貢雷澤在西北 禹貢雷夏既澤澗沮會同 鄭康成尙書注雷

夏兗州澤澗水沮水相觸而合入此澤中 水經注瓠河故瀆自句陽縣西又東逕雷澤北雷

澤在大成陽故城西北一十餘里其陂東西二十餘里南北一十五里即舜所漁也 括地志雷夏澤在濮州雷澤縣郭外西北 元和志灑沮二源俱出雷澤縣西北平地去縣十四里雷

夏澤在縣北郭外灑沮二水會同此澤 後山談叢瓠子在雷澤黃河故道今呼為沙河沙河西北其跡猶在土人謂之瓠岡也 金史地理志濮州甄城縣有雷澤鎮舊縣也 方氏通雅舜漁雷澤正成陽之雷澤而周處風土記乃以吳之太湖大雷山小雷山當之誤矣 禹貢雖指據水經注雷澤在瓠河之南成陽故城之西北陶墟之西南歷山之東北灑沮皆濟水所出於河無與也 四書釋地雷澤下流未知何往大抵不南注濟則北注濮亦終歸於濟也 大清一統志雷澤在今曹州府濮州東南接濇澤縣界

鄆城

春秋莊十四年單伯會諸侯于鄆杜注鄆衛地今東郡鄆城也 又十五年復會于鄆 又十九年公子言及齊侯宋公盟於鄆 又襄十四年衛獻公如鄆 左傳昭二十年衛公孟縶狎齊豹奪之司寇與鄆 又哀十七年衛侯自鄆入 史記趙世家成侯十年攻衛取鄆 又田齊世家威王九年趙伐我取鄆 又宣王八年與魏惠王會鄆 說文鄆衛地今濟陰鄆城从邑聖聲 水經注河水又東逕鄆城縣北故城在河南岸十八里河上之邑最為險固 師古曰鄆音工掾反 後書荀彧傳注鄆城今濮州

甄城縣也今作鄆音絹 通典今濮州所理鄆城縣本漢舊縣 大清一統志 城故城在今曹州府濮州東二十里 莽曰鄆良

句陽

春秋桓十二年公會宋公燕人盟于穀邱傳作句瀆之邱杜穀邱宋地句瀆之邱即穀邱也 水經注瓠子水東至濟陰句陽縣為新溝注云瓠河故瀆又東逕句陽縣之小城陽北 水經注濮水又東與溝瀆會首受濮水枝渠于句陽縣東南逕句陽縣故城南春秋之穀邱也左傳以為句瀆之邱縣處其陽故以氏焉 師古曰句音鈞 通典漢句陽故城在今曹州乘氏縣北左傳盟於句瀆之邱是也 寰宇記句陽故城在乘氏縣北三十五里 方輿紀要穀邱在今曹州府曹縣北三十里 春秋傳說會纂今曹州北有句陽古城即句瀆故地 大清一統志句陽故城在今曹州府濇澤縣北舊志云今名句陽店 按左傳襄十九年執公子牙於句瀆之邱二十一年執公子買于句瀆之邱哀六年內王豹于句瀆之邱皆齊地非句陽也又左傳莊九年殺子糾於生竇杜注生竇魯地史記作筮賈賈遠曰即句瀆也亦非此地

稔

說文廐从广稔聲濟陰有廐縣 孟康曰稔音妒在濟陰城武今有亭 晉書地道記成武有稔城 水經注瓠河又東逕稔縣故城南 元和志稔縣故城在今成武縣西北二十九里

大清一統志稔縣故城在今曹州府城武縣西北 按功臣侯表武帝封商邱成昭帝封金日磾並即此縣 莽曰萬歲

乘氏

戰國策張儀謂魏王曰齊伐趙取乘邱 史記周本紀安王三年三晉伐楚至乘邱而還 博物記乘氏古乘邱 水經濟水又東至乘氏縣西分為二注云濟水自是東北流出巨澤南為荷水北為濟瀆 水經注濮水又東北逕鹿城南郡國志曰濟陰乘氏縣有鹿城鄉春秋僖公二十一年盟於鹿上者也濮水又東與句瀆會句瀆又東入乘氏縣左會濮水與濟同入鉅野 元和志今曹州乘氏縣本漢舊縣 寰宇記乘氏故城在鉅野縣西南五十七里 肇城記舊曹州本漢之乘氏縣 方輿紀要乘氏城在今曹州府鉅野縣西南 又云鄆注濟水至乘氏西分為二其一南流者即荷水其一東北流入鉅野澤則濟瀆也又云逕乘氏縣與濟渠濮溝合是南濟為瀆北濟為渠也二水至鉅野始合又合濮水自此不分南北通謂之濟水故瀆矣濟多伏流今自定陶以西遺跡多湮 按王子侯表孝景中元五年封梁孝王子子買為乘氏侯即此非春秋公敗宋師於乘邱之地詳見泰山郡乘邱縣下

水經注稔縣故城王莽之萬歲也世猶謂為萬歲亭 水經注稔縣故城王莽之萬歲也世猶謂為萬歲亭

荷水

舊作泗水誤

東南至睢陵

屬臨淮郡

入淮

水經注荷水分濟于定陶東北東南逕乘氏縣故城南地理志郡國志並云乘氏縣有泗水此乃荷澤也尚書有導荷澤之說自陶邱北東至於荷無泗水之文 禹貢錐指按泗水不經是縣鄭元云此乃荷濟即所謂荷水分濟於定陶東北者也志以其下流合泗而于乘氏縣即謂之泗是猶以泗之下流合荷而于卞縣即謂之荷也可乎不可乎班氏往往有此失 地理志稽疑據水經注乃是荷水非泗水也泗水見魯國卞縣下 漢書商權睢陵屬臨淮郡今為睢寧縣治非泗水入淮處蓋班氏誤以荷水為泗水耳

過郡六

過濟陰山陽沛楚東海臨淮六郡

行千一百一十里

漢書地理志補注卷二十一

沛郡

說文郝沛郡从邑市聲 方輿紀要沛郡今南直徐州鳳陽府泗州宿州淮安府邳州皆是 按漢沛郡今安徽鳳陽府之懷遠鳳臺靈璧三縣及宿州潁州府之蒙城縣及亳州泗州之五河縣又江蘇徐州府之蕭豐沛三縣又河南歸德府之鹿邑夏邑永城三縣又山東兗州府之滕縣皆其地

故秦泗水郡高帝更名

本書高帝紀秦泗水郡將兵圍豐文穎曰泗水今沛郡也師古曰泗水郡川字或為水其實一也 晉書地理志漢改泗水曰沛郡 水經注始皇二十四年置泗水郡 地理志稽疑按泗水郡楚漢之際屬楚高帝二年始屬漢四年更名

莽曰吾符屬豫州縣三十七

相龍亢竹穀陽蕭向銓廣戚下蔡豐鄆譙蘄岷輒與山桑公邱符離敬邱夏邱浚沛芒建成城父建平鄴栗扶陽高高柴漂陽平阿東鄉臨都義成祁鄉 漢書商權周勃勃東定楚地泗水東海郡凡得二十二縣泗水即沛郡今地志沛東海二郡共有七十三縣蓋元始時漢新置之縣比秦已多再倍有餘又云降太原六城今地志太原凡二十一縣亦比秦多再倍有餘又云定雁門郡十七縣雲中郡十二縣今地志雁門十四縣比舊反少三縣雲中十一縣比舊反少一縣又云定代郡九縣今地志代郡十八縣

則比舊多其半又云定上谷十二縣右北平十六縣遼東二十九縣漁陽二十二縣今地志上谷十五縣比舊多三縣右北平十六縣數適相符而遼東止有十八縣漁陽止有十二縣比舊反少甚多又高帝紀十年趙相國昌奏常山有二十五城今地志常山屬縣僅十八比舊反少七縣斬欽傳降邯鄲郡六縣今地志趙國邯鄲郡屬縣僅四比舊反少二縣其分割之詳不可考矣

相

戰國策黃歇說秦昭王曰魏氏將出而攻錕陽蕭相故宋必盡 史記高祖紀司馬尼將兵北定楚地屠相 又曹相國世家定相 水經注睢水又東逕相縣南故宋地也又東逕相縣故城南宋共公之所都也國府園中猶有伯姬黃堂基即伯姬焚死處城西有伯姬冢相亦睢水之別名也應劭曰縣以水名 又云過水又屈東逕相縣故城南其城卑小實中邊詔老子碑文云老子楚相縣人也相縣虛荒今屬苦故城猶存在賴游鄉之東過水處其陽疑即此城也自是無郭以應之 魏書地形志相縣有相山 括地志故相城在今徐州符離縣西北九十里 元和志故相城在今宿州符離縣西北九十里蓋相土舊都也 寰宇記故相城蓋即相土所居後因名之宋共公自睢陽徙都此城唐入符離縣今在虹縣西北 寰宇通志相城在鳳陽府虹縣西北即商之先相土所居 方輿紀要相山在宿州西北九十里山甚危峻相縣

蓋因山名也 大清一統志相縣故城在今鳳陽府宿州西北

莽曰吾符亭 龍亢

晉灼曰亢音岡 晉書音義亢古郎反 十三

州志山桑縣人俗貪僞好持馬鞭行邑故語曰沛國龍亢至山桑詐託旅使若奔喪道遇寇鈔遂失資糧 水經沙水又東南過龍亢縣南注云沙水逕龍亢縣故城北又東南逕白鹿城北而東注也 水經注過水又東南逕龍亢縣故城南 寰宇記龍亢故城在今宿州蕪縣南八十里 方輿紀要龍亢城在鳳陽府懷遠縣西北八十五里過水之陽 大清一統志龍亢故城在今鳳陽府懷遠縣西縣志云龍亢城俗名柴王城今爲龍亢集在縣西北七十五里

史記曹相國世家定竹邑 李奇曰竹今竹邑也 續郡國志竹邑故竹 水經注睢水又東南逕竹縣故城南 後書彭城靖王傳注竹邑故城在今徐州府符離縣竹邑或爲邕字傳寫之訛也 寰宇記朝解城西南七十里有竹邑故城 大清一統志竹邑故城在今鳳陽府宿州北舊志云在州北二十五里

莽曰篤亭 穀陽

應劭曰在穀水之陽 水經注渙水又東逕穀陽縣又東逕穀陽城南又東南逕穀陽縣故城 東北又云解水東北流逕穀陽城南即穀水也

又東北流注于渙 寰宇記穀陽故城在今蕪縣東七十里 大清一統志穀陽故城在今鳳陽府靈璧縣西南舊志云在縣西南七十五里

蕭 陵

按功臣侯表有穀陽侯馮定即此史記作穀

左傳莊十二年宋萬弑閔公羣公子奔蕭杜注蕭宋邑今沛國蕭縣 又僖三十年介人侵蕭杜注蕭宋附庸國 又宣十二年楚子伐蕭蕭潰 史記項羽本紀項王乃西從蕭晨擊漢軍 又曹相國世家定蕭 北城記蕭城周十四里南臨汴水 水經獲水又東過蕭縣南睢水北流注之注云蕭縣南對山世謂之蕭城南山戴延之謂之同孝山取陽城侯劉德所居里名目山也城東西南三面側臨獲水獲水又逕同孝山北山陰有楚元王冢 元和志今徐州蕭縣本古之蕭國春秋時宋邑秦置爲縣漢因之 大清一統志蕭縣故城在今徐州府蕭縣西北

故蕭叔國宋別封附庸也

按今徐州府蕭縣北十里有蕭城即今宋之蕭邑光武封蕭王即此考新唐書宰相世系表宋戴公生子衍字樂父裔孫大心平南宮長萬有功封于蕭以爲附庸自是遂爲國莊二十三年蕭叔朝公穀梁云微國之君未爵命者至宣十二年爲楚莊王所滅然楚滅之而不能有還爲宋邑襄十年楚子囊鄭子耳伐我西鄙還圍蕭克之定十一年宋公之弟辰入于蕭以叛是仍

爲宋邑之明證也

向故國春秋曰莒人入向姜姪炎帝後

春秋隱二年莒人入向杜注向小國也譙國龍亢縣東南有向城 京相璠曰向沛國縣今并屬譙國龍亢也 水經注北肥水又東南逕向縣故城南俗謂之圓城非也 師古曰音餉

大清一統志向故城在今鳳陽府懷遠縣東北四十五里 日知錄春秋隱二年莒人入向桓十六年城向宣四年伐莒取向襄二十年仲孫宿會莒人盟於向向之名也四見于經而杜氏於隱二年注云譙國龍亢縣東南有向城于宣四年注云向莒邑東海承縣東南有向城疑遠竊以爲其實一地也先爲國後并於莒而或屬莒或屬魯則以攝乎大國之間耳東海承縣固遠而龍亢在今鳳陽之懷遠則更遠矣惟于欽齊乘言今沂州西南一百里有向城鎮者庶幾近之 春秋地理志考實按春秋襄十四年諸侯會吳於向杜注鄭地按十三國大夫會吳于向地當近矣此當爲龍亢之向杜以爲鄭地則是尉氏之向矣非也

鉅

史記秦本紀百里奚曰臣嘗游困而乞食鉅人正義鉅音珍栗反地名在沛縣 又陳涉世家葛嬰攻鉅下之 水經注渙水又東逕鉅縣故城南又東苞水注之 師古曰鉅音竹乙反 史記正義音珍栗反 後書徐防傳注鉅縣故城今亳州臨渙縣也 大清一統志故鉅城舊志云在今鳳陽府宿州西南四十六里

廣戚

水經注泗水又東南逕廣戚縣故城南城在沛縣東北 魏書地形志留縣有廣戚城 後書姜肱傳注廣戚故城在今徐州沛縣東 通典徐州沛縣即漢廣戚故城 方輿紀要廣戚故城在今沛縣東北四十里 大清一統志廣戚故城在今徐州府沛縣東北

侯國

本書王子侯表廣戚侯勳成帝河平三年以楚孝王子封

莽曰力聚

下蔡故州來國爲楚所滅後吳取之

春秋成七年吳入州來杜注州來楚邑淮南下蔡縣是也 左傳昭十三年吳使延州來季子聘於上國杜注季子本封延陵後復封州來故曰延州來 宋玉登徒子好色賦惑陽城迷下蔡 水經注淮水又北逕下蔡縣故城東淮之東岸又有一城卽下蔡新城也二城對據繫帶淮濱 元和志今潁州下蔡縣本漢舊縣古蔡國又吳州來之邑也 名勝志下蔡廢縣在今壽州北三十里之下蔡鄉 方輿紀要硤石城在壽州西北二十五里硤石山上兩岸相對淮水經其中硤石東北卽下蔡城是也 大清一統志下蔡故城在今鳳陽府鳳臺縣北舊志云下蔡鎮在壽州西北三十里 按杜元凱注州來卽下蔡今爲江南鳳陽府壽州卽壽春也自成七年吳入州來至昭四年然丹城州來以備吳其後迭屬吳楚二十三年雞父之戰楚師大

奔州來遂爲吳有封季札於此爲延州來季子自是入郢之禍兆矣蓋吳爭之七十餘年而後得至哀二年吳遷蔡於州來謂之下蔡由是壽春城在淮之南下蔡城在淮之北相去三十里夾淮爲固翼蔽淮濱歷東漢至南北朝迭爲苦戰之地汴宋南渡以下蔡爲北壽春而壽春縣爲南壽春劉錡楊沂中敗劉麟於此今壽春治卽古壽春縣城爲楚考烈王所築州北三十里有蔡國城卽下蔡矣

至夫差遷蔡

舊說蔡字誤

昭侯於此

左傳哀二年吳洩庸如蔡聘因襲之蔡侯哭而遷墓冬蔡遷於州來謂之下蔡 後四世侯齊竟爲楚所滅 史記蔡世家侯齊四年楚惠王滅蔡侯齊亡蔡遂絕祀

豐

史記高祖紀到豐西澤中止飲 又樊噲傳擊泗水監豐下破之 本書高帝紀沛豐邑中陽里人也 封禱書高祖初起禱豐枌榆社 文穎曰梁惠王孫假爲秦所滅轉東徙于豐故周市謂雍齒曰豐故梁徙也 續郡國志豐西有大澤高祖斬白蛇於此 水經注泡水又逕豐西澤謂之豐水又東逕豐縣故城南又東合黃水時人謂之狂水蓋狂黃聲相近俗傳失實也 自下黃水又兼通稱矣 後書牟融傳注豐今徐州豐縣 通典今徐州豐縣漢高帝所生邑

亦舊縣 輿地廣記豐縣本秦泗水郡沛縣之豐邑漢高帝生於此後以爲縣 名勝志舊志云中陽里在今豐城東北有坊高祖廟在焉廬館與高祖同里故中陽里又有燕王宅 大清一統志豐縣故城卽今徐州府豐縣治本秦沛縣之豐邑 莽曰吾豐

郟

水經注苞水又東逕郟縣故城南東流入渙郟音多 通典今濮州鹿邑縣漢郟縣地 九域志鹿邑縣有郟城鎮 大清一統志郟縣故城在今歸德府鹿邑縣西南七十里縣志云今爲郟城集 地理志稽疑沈炳巽曰漢書周緡傳景帝中元年封子應爲郟侯蘇林音多塞反讀如郟郟之郟也 史記周緡傳亦引蘇音則曰音多漢志引孟康之音亦曰多蓋脫去塞反二字也丁度遂造爲當何反之音以附會之觀水經注所引則六朝本已如是不始於小顏小司馬矣

莽曰單城

水經注作留城 宋祁曰單當作留 地理志稽疑沈炳巽曰水經注作留城宋祁亦曰單當作留蓋承六朝誤本以莽所改之單城爲留城之謬若作留音則又添一疑網矣

譙

左傳僖二十三年楚成得臣帥師伐陳遂取焦夷城頓而還杜注焦今譙縣也陳邑 又襄元年晉以諸侯之師伐陳遂侵楚焦夷 史記陳

涉世家葛嬰攻讎下之 水經注過水又東逕

讎縣故城北沙水自南枝分北逕讎城西而北

注過水四周城側 元和志今濮州郭下讎

縣本漢舊縣故讎城在今宋州下邑縣北三十

一里 寰宇記讎郡城古之焦國城也後改爲

讎 寰宇通志漢讎縣在今鳳陽府亳縣城內

中街北 大清一統志讎縣故城即今潁州府

亳州治 按史記周本紀武王封神農之後子

焦注引本志弘農陝縣有焦城故焦國不知陝

縣之焦乃姬姓神農之後爲姜姓其非一地可

知通典云亳州理焦縣周武王封神農之後子

焦卽此得之矣

莽曰延成亭

史記高祖本紀秦二世元年陳勝等起斬 又

楚世家王負芻四年秦將王翦破我軍于斬而

殺將軍項燕 蘇林曰斬音機又音祁 水經

注斬水又東南逕斬縣縣有大澤鄉陳涉起兵

有斬鄉集

緡鄉高祖破黥布

晉灼曰緡斬縣鄉 徐廣曰緡鄉在斬縣西

師古曰緡音直恚反 按史記高祖紀云擊布

軍會緡本書高帝紀云破布軍於會缶今據本

志沛郡斬縣有緡鄉顏氏音直恚反卽此會緡

也隸書垂似缶故高紀譌爲缶耳孟康讀會爲

僧保之僧蘇林曰缶音緡是也

都尉治莽曰斬城

水經注渙水又東南逕埵城南浚水注之 續

志作虹 廣韻埵音絳 師古曰埵亦音貢

元和志今宿州虹縣本漢舊縣虹音貢漢書作

埵 方輿紀要埵縣城在今鳳陽府虹縣西七

十里 大清一統志虹縣故城在今泗州五河

縣漢置埵縣後漢改曰虹唐貞觀十三年移於

夏邱城卽今虹縣而故城遂廢 按左傳昭八

年大蒐于紅自根牟至於商衛革車千乘杜注

紅魯地沛國蕭縣西有紅亭疑遠根牟魯東界

山桑

水經沙水又東南過山桑縣北注云山桑故城

在渦水北沙水不得逕其北明矣經言過北誤

也 水經注渦水又東左合北肥水北肥水出

山桑縣西北澤藪東南流左右翼佩數源異出

同歸蓋微脈涓注耳東南流逕山桑邑南俗謂

之北平城又東逕山桑縣故城南俗謂之都亭

城非也今城內東側猶有山亭傑立陵阜高峻

十三州志所謂山生於邑其地有桑因以氏縣

者也 後書王常傳注山桑今亳州縣 元和

志蒙城縣有檀公城檀道濟所築本山桑縣城

寰宇記山桑故城在今蒙城縣北三十七里

文獻通考山桑城在今蒙城縣北三十六里

有亭基存高峻若陵阜然 大清一統志山桑

故城在今潁州府蒙城縣北四十里

公邱故滕國周文王子

舊作懿王子誤

南十五里夏侯嬰初為滕令故號滕公此時高祖未立屬縣故滕為秦縣至武帝改為公邱縣始屬沛郡 肇域記滕縣西南十五里有古滕城周文王子叔繡所封秦為縣漢夏侯嬰為令號滕公因秦舊也後置蕃縣屬魯國至武帝復分置公邱縣屬沛郡 大清一統志滕國故城在今兗州府滕縣西南十四里秦為滕縣漢為公邱縣

侯國 本書王子侯表公邱夷侯順武帝元朔三年以魯共王子封 符離

戰國策冷向曰楚南有符離之塞 史記陳涉世家符離人朱雞石 又游俠傳符離人王孟 魏書地形志斛城縣有扶離城即符離也 水經注睢水又東逕符離縣故城北 後書高詡傳注符離故城在今徐州符離縣東 通典今徐州符離縣秦漢舊縣 元和志宿州符離縣本秦舊縣漢因之爾雅莞符離也以地多此草故名縣南臨汴河有桶橋為軸轆之會 方輿紀要符離廢縣在今宿州北二十五里故楚邑今名符離集 大清一統志符離故城即今鳳陽府宿州治離邑在州北五十里產符離草爾雅所謂莞也漢以此名縣 按史記功臣侯表武帝元狩四年封路博德為符離侯漢表作邳離注云朱虛誤也據驃騎傳博德本封符離則史表是矣 莽曰符合

敬邱 應劭曰春秋遇於犬邱明帝更名太邱 水經注睢水又東逕太邱縣故城北故敬邱也漢明帝更從今名 後漢書注敬邱故城在今永城縣西北 寰宇記敬邱故城在今鄆縣東北七十里 大清一統志敬邱故城在今歸德府永城縣西北三十里

侯國 按王子侯表武帝元朔三年封魯共王子政為瑕邱侯據本志瑕邱屬山陽郡然不云侯國疑為敬邱之誤

夏邱 水經注淮水又東逕夏邱縣南又東渙水注之又云潼水南逕夏邱縣絕斬水又逕夏邱縣故城西 又云斬水又東入夏邱縣東絕潼水逕夏邱縣故城北 後書陶謙傳注夏邱故城今泗州虹縣是 方輿紀要夏邱城在今鳳陽府虹縣東一里漢縣治此相傳堯封禹為夏伯此其故邑縣因以名 大清一統志夏邱故城即今鳳陽府虹縣治 按本書王子侯表代共王子千章侯遇其後更封夏邱侯當即此 莽曰歸思 浚 說文邳國有浚縣 應劭曰浚水所出南入淮水經注浚水首受斬水于斬縣東南流逕穀陽縣又東南逕浚縣故城北又東南入於淮浚音絞經之絞 師古曰音肴又高帝紀注音衡交反又王子侯表注音交又音爻 後書陳寵

傳注浚縣故城在今虹縣西南浚音戶交反 史記索隱浚音交 晉書音義胡交反 寰宇記濠城在今宿州虹縣西南七十八里即漢浚縣也 大清一統志浚縣故城在今鳳陽府靈璧縣南五十里縣志云今為濠城集浚水在縣東南或曰即今沱河

侯國 本書王子侯表浚夷侯周舍武帝征和元年以趙敬肅王子封 新校地理志凡封趙王子皆分趙地齊王子皆分齊地一例也間有別封者此類是也或以周舍所封為在常山石邑浚水非是 按史記惠景間侯表呂后元年封呂產為郊侯索隱曰郊縣名屬沛郡一作浚今據本志沛郡浚侯國浚與郊同史表是也而本書外戚侯表作汶侯呂產蓋以字形相似而譌師古即音問汶是水名在齊魯境內不在沛也略不考正于史表疏謬極矣

垓下高祖破項羽 本書高帝紀五年十二月漢兵圍羽垓下李奇曰垓下沛郡浚縣聚邑名應劭曰垓音該 史記索隱張揖三蒼注云垓堤名在沛郡 史記正義垓下是高岡絕巖今猶高三四丈其聚邑及堤在垓之側因取名焉今在亳州真源縣東十里與老君廟相接 元和志垓下聚在今宿州虹縣西南五十四里 寰宇記垓下在今虹縣西五十里有項王廟 大清一統志垓下聚在今鳳陽府靈璧縣東南舊志云在縣東南陰陵之南

莽曰有成

水經注釋漢志作有水經注作育成並誤也此是莽改浚縣曰看城耳師古曰浚音看是也

莊子孔子南之沛見老聃 李斐曰沛小沛也

水經濟水又東南過沛縣東北注云濟與泗

亂故沛納兩稱矣 水經注泗水又南逕小沛

縣東縣治故城南垵上東岸有泗水亭漢祖為

泗水亭長即此亭也今有高祖廟廟前有碑班

固為文昔許由隱於沛澤即是縣也蓋取澤為

名在泗水之濱于秦為泗水郡治 又云泡水

又東逕沛縣故城南豐水於城南東注泗即泡

水也秦末兵起蕭何曹參迎漢祖于此城述征

記曰城極大四周塹通豐水 通典今徐州沛

縣漢舊縣即廣戚故城 元和志今徐州沛縣

本秦舊縣泗水即理於此漢與改名沛郡領三

十七縣理相城以此為小沛 九域志沛在徐

州西北一百四十里 胡氏通鑑注沛郡治相

縣而沛自為縣屬沛郡漢時人謂沛縣為小沛

劉備領徐州刺史屯小沛是也 方輿紀要沛

縣故城在徐州沛縣東南微山下其山無石隆

然一土岡耳漢高初起於此為沛公後漢興平

元年陶謙表先主為徐州刺史屯小沛建安初

呂布奪徐州先主仍屯小沛三年布遣兵拔沛

城四年先主取徐州復屯小沛為曹操所敗自

是沛縣皆兼小沛之名蕭齊建武三年魏主宏

如小沛是也 大清一統志沛縣故城在今徐

州府沛縣東

有鐵官

本書五行志成帝河平二年沛郡鐵官鑄鐵不下隆隆如雷聲地陷數尺爐中銷鐵散如流星皆上去按沛郡鐵官即利國監也詳見楚國彭城縣

芒

應劭曰世祖更名臨睢睢水出焉 蘇林曰音

忙遽之忙續郡國志臨睢故芒光武更名 水

經注睢水又東逕芒縣故城北縣北與碭縣分

水有碭山芒碭二縣之間山澤深固漢高祖隱

此呂后望氣知之即是處也 師古曰芒音莫

郎反 後書鄧曄傳注芒縣故城在今亳州永

城縣北一名臨睢城 寰宇記芒縣故城即今

永城縣地 集韻作叩縣 大清一統志芒縣

故城在今歸德府永城縣東北縣志云故芒城

俗呼為大睢城在縣東北甫城集 按功臣侯

表高祖六年封彭越為芒侯即此

莽曰博治

水經注作博治

建成

史記曹相國世家楚懷王封參為執帛號曰建

成君索隱曰建成縣屬沛郡 水經注斬水首

受睢水于穀熟城東北東逕建成縣故城北

後漢書注建成故城在今鄆縣西北 方輿紀

要建成城在今亳州東北八十里 大清一統

志建成故城在今歸德府永城縣東南

侯國 本書王子恩澤侯表建成侯黃霸宣帝五鳳

城父

左傳僖二十三年楚伐陳取焦夷杜注焦今譙

縣夷一名城父今譙郡城父縣也二地皆陳邑

又昭九年楚公子棄疾遷許於夷實城父杜

注此時改城父為夷故傳實之 又三十年楚

城夷以處徐子章羽 又三十一年吳人侵楚

伐夷 史記秦本紀二世二年遣司馬欣董翳

佐章邯殺陳勝於城父 又項羽本紀韓信乃

從齊往劉賈軍從壽春並行屠城父 水經注

潁水又東南逕城父縣故城北沙水枝分注沙

水東南逕城父縣西南枝津出焉俗謂之章水

通典今亳州城父縣春秋時陳國之夷邑左

傳楚靈王敗於乾谿即此 大清一統志城父

故城在今潁州府亳州東南 按楚有兩城父

此所謂夷城父取諸陳者也故城在今亳州東

南七十里土人名曰城父村又有北城父詳見

潁川郡城父縣 又按功臣侯表高帝六年封

尹恢為城父侯即此 又按史記陳涉世家陳

王之汝陰還至下城父其御莊賈殺以降秦續

志山桑縣有下城父聚師古曰下城父在城父

縣東考下城父聚在今潁州府蒙城縣西北八

十里以近故城父縣故加下

夏肥水東南至下蔡屬本郡

入淮

水經注淮水於壽陽縣西北肥水從城西而北入於淮謂之肥口淮水又北夏肥水注之水上承沙水于城父縣右出東南流逕城父縣故城南春秋所謂夷田在濮水西者也然則濮水即沙水之兼稱得夏肥之通目矣 大清一統志夏肥水自潁州府潁上縣界東南流入鳳陽府鳳臺縣西北又東南入淮亦名西肥河 地理志稽疑漢志沛郡城父縣夏肥水此別是一水與九江成德之肥水無與也近志稱肥水曰東肥夏肥水曰西肥

過郡二

按城父與下蔡皆屬沛不得云過郡二也

行六百二十里莽曰思善

建平

水經注渙水又東逕建平縣故城南 後書姚期傳注建平故城在今濮州鄆縣西北一名馬頭城 大清一統志建平故城在今歸德府永城縣西南府志云在縣西南鄆縣鄉

侯國

本書功臣侯表建平敬侯杜延年昭帝元鳳元年封注曰濟陽誤也

莽曰田平

鄆

春秋襄十年公會諸侯及齊世子光于祖 史記陳涉世家葛嬰攻鄆下之徐廣曰在沛 說文鄆沛國縣从邑盧聲 應劭曰音嗟 水經注渙水又東逕鄆縣故城南 玉篇鄆祚柯切

沛郡縣也亦作鄆 廣韻鄆縣名在譙郡或作鄆鄆本音贊 師古曰此縣本為鄆應說是也 中古以來借鄆字為之耳讀皆為鄆而莽呼為贊治則此縣亦有贊音 晉書音義鄆音才何反 元和志今亳州鄆縣本秦漢舊縣蕭何封鄆侯即此邑也 大清一統志鄆縣故城在今歸德府永城縣西南縣志云今為鄆縣鄉 按漢志鄆縣有二一在滎陽一在沛郡索隱云蕭何初封沛之鄆音贊後其子續封滎陽之鄆音嗟今據說文鄆沛國縣从邑盧聲與滎陽之鄆形聲俱別漢志俱作鄆字而滎陽之鄆孟康音讚沛郡之鄆應劭音嗟師古云此縣本為鄆中古以來借鄆字為之讀皆為鄆而莽呼為贊治則此縣亦有贊音錢竹汀謂沛郡之鄆亦有贊音乃後來借鄆為鄆之故非本音也其說甚是 考班固泗水亭銘云文昌四友漢有蕭何序功第一受封於鄆鄆與何同叶班氏漢人必知本朝故實且封功臣當就本土張良封留可為成例蕭何沛人自當封沛沛江統徂淮賦亦云戾鄆城而倚軒實蕭功之故國戴規辨字姚察訓纂並從其說定為不謬故知小司馬謂何初封沛後嗣改滎陽其說為最當矣

莽曰贊治

栗

史記項羽本紀章邯破楚軍至栗徐廣曰栗縣名在沛 又絳侯世家攻爰戚東緝以往至栗取之 本書高帝紀沛公引兵至栗章昭曰栗沛郡縣名也 水經注睢水又東逕栗縣故城

北 大清一統志栗縣故城即今歸德府夏邑縣治

侯國

本書王子侯表栗侯樂武帝征和元年以趙敬肅王子封

莽曰成富

扶陽

通典漢扶陽縣故城在今徐州蕭縣西北 寰宇記扶陽故城在蕭縣西南六十五里 大清一統志扶陽故城在今徐州府蕭縣西南

侯國

本書恩澤侯表扶陽節侯韋賢宣帝本始三年

封

莽曰合治

高侯國

王子侯表高質侯舜元帝建昭元年以梁敬王子封

高柴侯國

王子侯表高柴節侯發元帝建昭元年以梁敬王子封

王子封

漂陽

如淳曰漂音票 按王子侯表有漂陽侯欽亦梁敬王子元帝建昭元年封注曰沛據本志沛郡有漂陽而漂陽則屬丹陽郡梁地不得至丹陽而沛郡實其境內表誤無疑而師古即音票亦可笑矣

平阿

史記魏世家惠王三十五年與齊宣王會平阿

南 水經注淮水又東逕當塗縣淮之西有平阿縣故城郡國志云平阿縣有當塗山是也方輿紀要平阿城在鳳陽府懷遠縣北三十里戰國時齊邑 大清一統志平阿故城在今鳳陽府懷遠縣西南縣志云有平阿集在縣西南六十里平阿山下魏志譙州高塘郡有平阿縣在今天長縣及高郵州界蓋南北朝僑置非漢縣也

侯國

恩澤侯表平安侯王譚成帝河平二年封莽曰平寧

東鄉

按王子侯表東鄉節侯方元帝建昭元年以梁敬王子封即此

臨都

按王子侯表臨都節侯未央元帝建昭元年以梁敬王子封即此

義成

左傳昭二十七年令尹子常以舟師及沙汭而還杜注沙水名也 水經淮水又東逕當塗縣北渦水從西北來注之注云淮水於荆山北渦水自南注之又東北逕義成縣東 又云沙水又東南過義成縣西南入於淮注云沙水東流注於淮謂之沙汭義成縣故屬沛後隸九江京相璠曰楚東地也 水經注北肥水又東南逕義成縣南世謂之楮城非也其地常渦水入淮處亦名渦口 方輿紀要渦口城今訛為拖城渦拖音韻聯而水經注又有楮城之目殆字形

之變耳 禹貢錐指按沙水在懷遠縣南渠水篇云沙音蔡許慎正作沙音言水散石也續述征記汴沙到浚儀而分汴東注沙南流至義成縣西南而東注於淮謂之沙汭杜預曰沙水名也考漢義成故城在今懷遠縣東北十五里今名拖城魏收志云汴水在大梁城東分為蔡渠即今祥符縣東南首受汴之蔡河蔡與沙字異而音近常讀如二百里蔡之蔡 大清一統志

義成故城在鳳陽府懷遠縣東北縣志云有拖城在縣東北十五里即古渦口城亦即義成縣矣明統志謂在縣西北四十里者誤 按功臣侯表宣帝竟寧元年封甘延壽為義成侯即此

祁鄉

史記曹相國世家取碭狐父祁善置文穎曰穀熟有祁亭善置置名也孫檢曰漢謂驛為置晉灼曰祁音坻 括地志故祁城在宋州下邑縣東北四十九里 大清一統志義成故城在今歸德府夏邑縣東北縣志云今縣北有祁邑

侯國

王子侯表祁鄉節侯賢成帝永始二年以梁夷王子封

莽曰會穀

漢書地理志補注卷二十二 魏郡 寰宇記安陽縣魏郡城即漢以來為郡之所故城在今縣東北 北道刊誤志北京大名府春秋時為晉地時為衛魏二國之境秦以魏地置東郡以趙地置邯鄲郡漢高祖使韓信定河北以秦邯鄲郡之南郡並東郡之邊縣置魏郡方輿紀要魏郡今彰德府及大名府是其地 大清一統志魏郡故城在今彰德府安陽縣東北春秋晉獻公始封畢萬於此為魏國 按漢魏郡今河南彰德府之安陽臨漳武安沙內黃五縣衛輝府之濬縣又直隸廣平府之肥鄉邯鄲成安三縣及磁州大名府之大名元城清豐三縣又山東臨清州之邱縣皆其地

高帝置 水經注漢高帝十二年置魏郡治鄴縣後分魏郡置東西部都尉故曰三魏 後漢書岑彭傳注魏郡秦時置故城在今相州安陽縣東北方輿紀要魏郡秦邯鄲郡地高帝時析置地理志稽疑魏郡故屬秦河東郡高帝十二年分置 莽曰魏城 按本書王莽傳魏城大尹李焉

屬冀州

晉書地理志冀州按禹貢周禮並為河內之地舜置十二牧則其一也春秋元命包云昂畢散為冀州分為冀州趙國其地有險有易帝王所都亂則冀安弱則冀強荒則冀豐舜以冀州南

北闕大分衛以西爲并州燕以北爲幽州周人因焉及漢武置十三州以其地依舊名爲冀州縣十八

鄴館陶斥邱沙內黃清淵魏繁陽元城梁期黎陽即裴武始卽會陰安平恩邯溝武安

鄴

管子築五鹿中牟鄴以衛諸侯 史記始皇本紀十一年王翦等攻鄴取八城 又河渠書西門豹引漳水溉鄴以富魏之河內 又魏世家文侯任西門豹守鄴而河內稱治 又安釐王十九年使晉鄙救趙邯鄲畏秦之強止壁于鄴 又趙世家悼襄王六年魏與趙鄴九年秦攻鄴拔之 徐之才聖賢城家記翟滅邢齊桓公築鄴城以衛諸夏鄴由此始 水經濁漳水又東過武安縣南又東出山過鄴縣西注云司空鄴城本齊桓公所置管子曰築五鹿中牟鄴以衛諸夏是也後屬晉魏文侯七年始封此地漢高帝置魏郡治鄴縣今臨漳縣西南有古鄴城

水經注洹水自鄴東逕安陽縣故城北魏土地記曰鄴城南四十里有安陽城城北有洹東流者也 元和志今相州鄴縣本漢舊縣故城在縣東五十步春秋時齊桓公所築也濁漳水在縣北五里今天井堰卽西門豹遺址 九域志相州臨漳縣有鄴鎮 輿地廣記相州臨漳縣本漢鄴縣 河朔訪古記臨漳縣本漢鄴縣地晉建興二年以愍帝諱改名臨漳 寰宇通志鄴城在臨漳縣西二十里 大清一統志鄴縣故城在今彰德府臨漳縣西

故大河在東北入海

蔡氏書傳周時河徙磔磔至漢又改向頓邱東南流與禹河迹大相背戾地志魏郡鄴縣有故大河在東北直達於海疑卽禹之故河孟康以爲王莽河非也 禹貢錐指故大河者卽王橫所云禹之行河水本隨西山下東北去者也河自汲縣南北流至黎陽縣西南出大伾上陽三山之間蘇代謂之宿胥之口酈道元謂之宿胥故瀆李垂謂之西河故瀆潯縣舊志云在縣西十里蓋禹迹也自此而北歷蕩陰安陽鄴縣斥邱至列人斥章之境左會衛漳經所謂北過漳水也河自此東北入海及定王時南徙則衛漳東出循河故道而下至東光縣西與大河合王莽時河益徙而南漳水遂專達於海故斥章以下水經通謂之漳水西北歷平恩曲周鉅鹿經縣南宮堂陽扶柳信都昌成西梁桃縣鄴縣下博樂鄉武強武隧武邑東昌弓高阜城樂成建威成平浮陽至章武平舒入海蓋皆禹河之故道也說者皆以王莽河爲禹河謬矣 又云地理志鄴縣故大河在東北入海水經注宿胥故瀆受河於遮害亭東黎山西者卽王橫所云禹之行河隨西山下東北去者也自黎陽以下水經所稱大河故瀆一名北瀆俗謂之王莽河者卽周定王時所徙西漢猶行之王莽時遂空者也所稱河水自鐵邱南東北流至千乘入海者卽王景所治東海以後見行之河也禹河遺迹久失其傳漢魏諸儒皆以北瀆爲運河司馬遷知禹引河北載之高地而不知當時所行者非

禹河王橫知禹河隨西山下東北去矣而不能實指其地名班固知有鄴東故大河矣而不知其上承宿胥口酈道元知宿胥故瀆爲白溝矣而不知其下流卽鄴東之河杜佑知衛漳至肥鄉入河矣而不知其河卽北過降水之河故自大伾以下凡降水大陸九河迤河之所在皆不得其真也 皇朝文獻通考史記河渠書謂禹導河至於大伾斷二渠以引河北載之高地二渠其一爲深川自黎陽大伾山南北流至千乘入海其一則河之經流自大伾山西南折而北流至列人斥章縣界合漳水自此東北入海今之肥鄉乃漢列人縣地今之曲周乃漢斥章縣地爲禹河北過降水處後世河益徙而南漳水遂專達於海故自列人斥章以下凡水經所載漳水經行之地皆禹河故道也 新校地理志此禹河也由故鄴縣東斥邱縣東至列人縣東得橫漳東北入於海王橫曰禹之行河水本隨西山下東北去此是也

館陶

左傳哀十五年齊伐晉取冠氏杜注冠氏晉邑今陽平館陶縣 水經注淇水又東北過館陶縣北注云縣卽春秋所謂冠氏縣 元和志今魏郡館陶縣春秋時晉冠氏邑也趙時置館於其側因爲縣名漢屬魏郡隋開皇中又分館陶東界置冠氏縣因古冠氏邑名也 續通典館陶城西北七里 有陶邱亦曰陶山趙置館於邱側漢因以名縣 金史地理志館陶縣有館陶鎮卽故縣也 方輿紀要館陶故城在今臨清

州館陶縣西南四十里今名南館陶 山東通志館陶故城在今東昌府館陶縣西南四十里今名南館陶 大清一統志館陶故城在今臨清州邱縣西南四十里遺址八里 河水別出為屯氏河東北至章武 屬勃海郡

入海 本書溝洫志自塞宣房後河復北決於館陶分

為屯氏河東北經魏郡清河信都勃海入海廣深與大河等故因其自然不隄塞也 水經注之故瀆自沙邱堰南分屯氏河出焉 水經注大河故瀆北出為屯氏河逕館陶縣東溝洫志曰自塞宣房後河復北決於館陶縣分為館陶

河其故瀆又東北屯氏別河出焉屯氏別河故瀆又東北逕信成縣張甲河出焉地理志曰張甲河首受屯氏別河於信成縣者也張甲故瀆北絕清河於廣宗縣又東北至修縣東會清河

屯氏別河自信成城南東北至繹幕縣南分為二瀆其北瀆東北至信陽縣故城北而東注於海南瀆自平原城北首受大河故瀆東出亦謂之篤馬河東北至陽信縣故城南東北入海屯氏河故瀆東逕靈縣北又東北逕鄒縣與鳴犢

河故瀆合地理志曰河水自靈縣別出為鳴犢河者也 師古曰屯音大門反而隋氏分析州縣誤以為毛氏河乃置毛州失之甚矣 元和志屯氏河俗名毛河在館陶縣西二里夏津縣

北 通典魏州貴鄉縣有屯氏河大河故瀆俗曰王莽河 九域志大名府元城館陶夏津三

縣並有屯氏河 北道刊誤志屯氏河在館陶縣西三十里 今水經衛河一名御河漢名為屯氏河源出河南衛輝府輝縣西北七里蘇門

山東流經衛輝府城北一里又東流淇水西北來注之又東流過大名府濬縣內黃界漳水入焉又東北入東昌府館陶縣西二里至臨清汶

水即會通河 北流入之過東昌府武城縣界入濟南府境逕德州城西北過河間府界去景州城東二十里歷故城吳橋東光縣境下至滄州

西流經興濟縣入青縣界合濳沱河又東北過靜海至武清與桑乾河合又東北入於海 大清一統志衛河舊名御河亦名永濟渠一名白溝又名清河源出河南輝縣西蘇門山柵刀泉

東南流入新鄉縣界又東入衛輝府治汲縣界又東北經淇縣與淇水合流東北至濬縣城西又東北經滑縣內黃界又受洹漳二水至山東之臨清州城西會於漕河至直沽入海 又云

按元和志謂永濟渠南自汲郡引清淇二水東北入臨清此渠蓋漢屯氏故瀆也後人緣此為說淇屯氏遂合為一而以水經注考之屯氏河自大河決出經館陶清淵之東而東出清河縣

之南清淇水經館陶清淵之西而出清河之北今考衛河所行自臨清以上則皆古清淇也自臨清以下行清河縣南則古屯氏也與元和志之言頗合然今衛河自武城以下又皆清淇所

行非屯氏所能至矣 按溝洫志所言則屯氏河起於武帝晚年而鄭康成尚書注則以屯氏河為禹河故道今考館陶臨清清平高唐景州

南皮滄州鹽山界中並有故屯氏河則屯河行清河之東故瀆之西其為禹河故道理或有之然鄴縣故大河在東北入海本志有明文禹河既自宿胥口北行至鄴豈復東行至館陶而與屯氏相接哉其非禹迹亦明矣 又按溝洫志元帝永光五年河決清河靈鳴犢口而屯氏河遂絕蓋屯氏河漢世絕後不復流行賴有水經注猶存故道而別河而南北二瀆而張甲河亦得附見否則遺迹罔知名稱莫辨如顏氏所云誤以屯氏河為毛河乃置毛州之失也

過郡四 過魏郡清河信都勃海四郡 行千五百里

斥邱 左傳昭二十八年公如晉次於乾侯杜注乾侯晉境內邑在魏郡斥邱縣 應劭曰有斥邱在西南 水經注漳水又東右逕斥邱縣北十三

州志曰斥邱縣在魏郡東八十里地多斥鹵故曰斥邱 又云洹水又北逕斥邱縣故城西縣西南角有斥邱蓋因邱以氏縣也又屈逕其城北東北流注於白溝 後書袁紹傳注斥邱故

城在今相州成安縣東南 元和志今相州成安縣本漢斥邱縣地故城在今縣東南三十里 史記正義相州成安縣東南三十里斥邱故城本春秋時孔侯之邑 方輿紀要斥邱城在今臨清州邱縣北四十里平邱山在縣治東小邱也縣因以名 大清一統志斥邱故城在今

廣平府成安縣東南舊志云在縣東南十三里

按王子侯表有陽邱侯安以文帝四年封而史表無之史表有瓜邱侯寧國索隱云在魏郡而本志魏郡無瓜邱疑是斥邱之誤漢表有氏邱侯寧國即史表之瓜邱侯寧國也氏邱亦斥邱之訛 又按氏邱侯封十一年而薨十五年侯偃嗣十年爲景帝三年以反誅楊邱侯封十二年而薨十六年侯偃嗣十一年爲景帝四年坐出國界爲司寇嗣侯名爲偃其封薨與嗣總差一年一似氏邱之卽楊邱者未知史表脫一人歟抑漢表多一人也

莽曰利邱

水經清漳水東過涉縣西屈從縣南 元和志今潞州涉縣本漢舊縣屬魏郡因縣南涉河水爲名 又云涉縣濁漳水一名涉河在縣南一里 方輿紀要涉縣在今磁州西二百里漢置涉縣後漢因之後因漳水汎溢人民徙涉因改曰涉 大清一統志涉縣故城在今彰德府涉縣西北二里本漢涉縣後漢末始改曰涉 按沙本古侯國漢置爲縣續志亦作沙三國時始有涉名魏志云太祖圍鄴涉長梁岐以縣降是也蓋字形相近相承互異耳水經注云漳水於此始有涉河之稱蓋名因地變也

內黃

史記趙世家肅侯十七年圍魏黃不克正義曰黃城在魏州 又曹相國世家王武反於黃 本書溝洫志哀帝時賈讓奏言內黃界中有澤方四十里環之有隄往十餘歲太守以賦民

應劭曰陳留有外黃故此加內黃澤在西 水經淇水又東過內黃縣南爲白溝注云白溝又北左合澠水又東北流逕內黃縣故城南縣右對黃澤郡國志云縣有黃澤者也史記廉頗伐魏取黃卽此縣 又云洹水又東過內黃縣北東入于白溝注云許慎說文呂忱字林並云洹水出晉魯之間 元和志今相州內黃縣本漢舊縣魏以河北爲內河南爲外以陳留有外黃故此爲內黃黃澤在縣西北五里今堙廢 地理通釋梁太祖幸河北至內黃顧李瑋曰何爲內黃瑋曰河南有外黃故此名內黃太祖曰外黃下黃何在瑋曰秦有外黃都尉今在雍邱下黃爲北齊所廢今在陳留 戰國策補注外黃下黃封邱皆屬陳留外黃有黃溝故指爲黃池而內黃隸相者亦有黃溝水經注所謂河水決通□濟黃溝者也 方輿紀要內黃舊城在今大名府內黃縣西北十八里戰國時魏之黃邑也 大清一統志內黃故城在今彰德府內黃縣西北縣志云在縣西北二十里

清河水出南

水經注清水又東入於河謂之清口卽淇河口也蓋互受其名耳地理志曰清河水出內黃縣南無清水可來所有者惟鍾是水耳蓋河徒南注清水漬移匯流逕絕餘目尙存故東川有清河之稱相嗣不斷曹公開白溝遏水北注方復故瀆矣 元和志內黃縣永濟渠本名白渠隋煬帝導爲永濟渠一名御河北去縣二百步 大清一統志衛水自衛輝府輝縣流入彰德府

經湯陰縣東南五十里與濬縣接界又自濬滑二縣東北流經內黃縣西北又東北入直隸大名縣界其在內黃界者卽古淇水一名清河亦名永濟渠漢志內黃縣清水出南是也

清淵

應劭曰清河在縣西北 水經注淇水又東逕清淵縣故城西又歷縣之西北爲清淵故縣有清淵之名世謂之魚池城非也 北道刊誤志大名府臨清縣本漢清淵縣地 肇域記臨清州西四十里有清淵城漢縣也晉懷帝永嘉元年荀晞擊破汲桑於東武陽桑退保清淵卽此 方輿紀要清淵在今臨清州西南五十里晉志隋志俱作清泉唐人爲高祖諱也 大清一統志清淵故城在今臨清州西南州志云在州西南四十里

魏

水經注白溝又東洹水從西南來注之又北逕問亭東卽魏界也魏縣故城應劭曰魏武侯之別都也城內有武侯臺 通典今魏郡魏縣本漢舊縣 輿地廣記左傳晉賜畢萬魏卜偃曰魏大名也其地于今爲河中之永樂非元城之魏也五代後漢時以大名名此失矣 地理通釋按舊唐書田悅稱魏王以魏州爲大名府其失始此 明統志故魏城在大名府西三十五里今爲舊縣店 名勝志縣居洹漳二水下流衝決爲患遷徙靡恆其故城一距縣東四十里今呼舊縣村一距縣南三十里遺址頽然或卽洹水縣宋熙寧間省爲洹水鎮 方輿紀要故

魏城在今大名府西三十里相傳魏縣舊治此自漢以來皆屬魏郡隋末宇文化及自黎陽北趨魏縣稱許帝於此後益徙而西此城遂廢今名舊縣店亦曰魏店 大清一統志魏縣故城有三漢隋唐地俱在今大名府大名縣西 按文穎曰魏初封今河東河北縣其後為秦所逼徙都今魏郡魏縣考史記及世本畢萬封魏在河北昭子徙安邑惠王徙大梁並無都魏郡魏縣者不知文說何所本也 都尉治莽曰魏城亭 繁陽

繁陽

春秋襄二十年盟於澶淵杜注澶淵在頓邱縣南今名繁汙此衛地又近戚田 史記趙奢傳趙使廉頗伐魏繁陽拔之 應劭曰縣在繁水之陽 張姜曰其地為繁淵 十三州志澶水在頓邱西南三十里伏流至繁城西南 水經注河水左會浮水故澶上承大河於頓邱縣而北出東逕繁陽故城南春秋盟於澶淵澶淵即繁淵也亦謂之浮水焉昔魏徙大梁趙以中牟易魏故志曰趙南至浮水繁陽即是澶也 後書姚期傳注繁陽故城在今相州內黃縣東南內黃故城在西北 括地志內黃故城在今相州內黃縣東北三十七里 通典內黃有繁河方輿紀要繁陽城在今大名府內黃縣東北二十七里戰國時魏地繁水在縣東二十六里舊自頓邱縣流入境又東北入東南縣即浮水也 大清一統志繁陽故城在今河南彰德府內黃縣東北澶水在今直隸大名府開州西南

大河分流也一名繁水一名浮水 按繁陽故城在今彰德府內黃縣東北二十七里古頓邱約略在濬縣之南則澶淵之地當在內黃之南開州之北也往時大河經流於此五代時晉王李存勗于河之南北各築一城謂之夾河寨亦名德勝津宋真宗時謂之南城北城盟契丹於澶淵即此續郡國志于沛國杼秋縣下云故梁國有澶淵聚劉昭注補遂以春秋盟於澶淵實之考杼秋故城在今江南徐州府蕭縣西七十里去直隸大名府開州不啻千有餘里其為謬誤不待明者而後辨矣 元城

元城

左傳僖十四年沙鹿崩杜注沙鹿山名陽平元城縣東有沙鹿山在晉地 春秋成七年同盟於馬陵杜注馬陵衛地陽平元城縣東南有地名馬陵 又定七年齊侯衛侯盟於沙傳作瑣杜注瑣即沙也陽平元城縣東南有沙亭 史記魏世家惠王三十年齊用孫子計救趙擊魏魏使龐涓將而令太子申為上將軍與齊人戰敗于馬陵虜申殺涓 本書元后傳王翁孺自東平陵徙魏郡元城委粟里為三老 應劭曰魏武侯公子元食邑於此因遂氏焉 水經注大河故瀆又東北逕元城縣故城西北而至沙邱堰以沙鹿山而名也堰南分屯氏河出焉 通典今魏州元城貴鄉二縣並漢元城縣地 九域志大名府元城南東二縣並有大河故瀆 禹貢錐指水經大河故瀆東北經元城縣西北而至沙邱堰其下文曰至於大陸北播為九

河酈注云郭東有五鹿墟故沙鹿春秋僖公十四年沙鹿崩是也縣北有沙邱堰障水也禹貢曰不遵其道曰降播為九河自此始及齊桓霸世塞廣田居同為一河故自堰以北館陶貝邱兩般以東城地並存川瀆多亡今按水經以王莽河為禹河故以沙邱堰為禹迹推其意似謂古河本東行禹作此堰以障之使北而九河自此播焉不遵其道是為障水唐人云河自貴鄉縣界分為九道宗此說也然禹河不經元城此堰必非禹所作黃文叔云今澶州臨河有隄隄自黎陽入北至恩州清河歷亭皆有之然則障水者自元城以北隄塌之水是也蓋以堰為縣所作或曰元城為戰國魏地北與趙接壤賈讓云隄防之作近起戰國雍防百川各以自利齊與趙魏以河為境趙魏瀕山齊地卑下作隄遏水使西泛趙魏趙魏亦為隄以防之沙邱堰者疑趙所作以障水使不得北而注於齊魏所謂以鄰國為壑者也 大清一統志元城故城凡三漢縣在沙鹿旁隋治故殷城唐治王莽城皆在今元城縣東又今大名府大名縣治亦漢元城縣地

梁期

水經注漳水又東逕梁期城南地理風俗記曰鄴北五十里有梁期城故縣也 寰宇記梁期故城在今相州鄴北 河南通志古梁期城在今彰德府臨漳縣東北二十里 大清一統志梁期故城在今廣平府磁州東 按史記項羽本紀注引張晏說作梁淇案隱云淇當作淇晉

八王故事云王浚伐鄴前至梁湛蓋梁湛在鄴西四十里而梁洪在鄴北故舛誤耳 又按功臣侯表武帝元鼎五年封任破胡為梁期侯即此

黎陽

臣瓚曰今黎陽縣山臨河乃大伾也 晉灼曰黎山在其南河水經其東其上碑云縣取山之名取水之陽以為名也 水經河水又東北過黎陽縣南注云黎侯國也今黎山之東北故城蓋黎陽縣之故城也山在城西城憑山為基東阻於河 隋書地理志黎陽縣有大伾山 孔氏書正義釋山云再成英一成伾李巡曰山再重曰英一重曰伾鄭玄云大伾在修武武德之界張揖曰成皋縣山也臣瓚以為修武武德無此山成皋縣山又不一成今黎陽縣山臨河豈不是大伾乎瓚言當然 括地志大伾山今名黎陽東山又名青壇山在衛州黎陽縣南七里 通典今衛州黎陽縣漢舊縣有大伾山今名黎陽東山張揖云成皋山即大伾山謬也 元和志今衛州黎陽縣古黎侯國漢以為縣在黎陽山北又相州臨河縣亦漢黎陽縣地 寰宇記黎侯寓衛居之故縣得名 九域志衛州黎陽縣有大伾山 程大昌禹貢論大伾山張揖以為在成皋薛瓚以為在黎陽山北竊意大伾山在大河垂欲趨北之地經之於河方其自北而東嘗即華陰以記折東之始今其流東已遠垂欲折北亦當以地之極東者記之參揣其敘則黎陽實為愜當而成皋則為太早也當以

瓚記為是 寰宇通志衛河淇水合流至黎陽故城為黎水洛語所謂我卜河朔黎水即此 又云大伾山在大名府濬縣東三里禹貢所謂導河至於大伾即此 方輿紀要大伾山在大名府濬縣城東黎陽白馬之津皆在其境昔為天下要衝今則一望平陸耳 禹貢錐指大伾山一名黎陽山今在濬縣東南二里即賈讓所謂東山也 大清一統志黎陽故城在今衛輝府濬縣東北大伾山在縣東南二里山高四十八周五里亦曰黎山峯巒秀拔若倚屏障 按水經載禹貢山川澤地所在河南成皋縣有大伾山張氏之說蓋本此然本志無之知水經之說未諦矣

莽曰黎蒸

即裴

應劭曰裴音非 王子侯表作柳裴注引鄭氏曰柳裴音即非肥鄉縣南五里 水經注漳水又東逕即裴縣故城南地理風俗記曰列入縣西南六十里有即裴城故縣也 廣韻即裴縣名應劭音非本又音陪 集韻即裴漢侯國或作裴 山東通志即裴城在今斥邱縣城北 大清一統志即裴故城在今廣平府肥鄉縣西侯國

本書王子侯表柳裴戴侯道武帝征和元年以趙敬肅王子封 按表注東海而志屬魏郡又為侯國且此侯為趙王子趙魏相去不遠表注誤也 莽曰即是

武始

史記秦本紀昭襄王十三年向壽伐韓取武始 括地志武始故城在今邯鄲縣西南五十里 大清一統志武始故城在今廣平府邯鄲縣西南 按王子侯表武始侯昌武帝元朔三年以趙敬肅王子封即此據後漢書建武五年張純亦封武始侯而續志無此縣蓋尋省也 溢水東至邯鄲 屬趙國

入漳

戰國策吳起曰殷紂之國左孟門而右漳溢 史記趙世家武靈王曰我先王阻漳溢之險立長城 北山經神廡之山溢水出焉東流注於歐水 淮南地形訓釜出景高誘注景山在邯鄲西南釜水所出南入漳其源沸湧勢如釜中湯故曰釜今謂之釜口 劉劭趙都賦清漳發源濁溢汨越 魏都賦北臨漳溢則冬夏異治注云溢水熱若出於釜故名 劉昭注補引水經鄴西北溢水熱故名溢口亦合漳之大川也 太平御覽引水經注溢水發源石鼓山南巖下泉源奮涌若釜之揚湯矣其水冬溫夏冷流注於漳謂之合河 元和志溢水出磁州溢陽縣西北四十五里鼓山亦名溢山太行八陁第四曰溢口即此山嶺高深實為險阨 寰宇通志神廡山在磁州西四十里以形似名溢水出此 大清一統志溢水源出廣平府磁州神廡山東北流經邯鄲縣東又東北經永年縣南曲周縣東又北經雞澤縣東又東北入順德府經

平鄉縣東又北經任縣東又北入趙州經隆平縣東俗呼清水河又東北至寧晉縣東南匯於胡盧河 皇朝通志滏陽河即滏水源自磁州西東北流經邯鄲縣東南又經廣平府城東肥鄉縣北由周縣東南雞澤縣東平鄉縣東又北至鉅鹿縣西南有南泊水自順德府城邢臺縣來會又經鉅鹿縣西隆平縣東入北泊 水道提綱滏陽河即滏水源自磁州西山中兩水合於彭城鎮之東東流經州城南又東北經邯鄲縣東南廣平府城東南肥鄉縣北由周縣東南折而北經雞澤縣東平鄉縣東又西北至鉅鹿縣西南會南泊水又東北經鉅鹿縣西隆平縣東入北泊

又有拘澗水東南至邯鄲屬趙國

入白渠 應劭曰拘音矩 水經注白渠水逕邯鄲縣南又東與拘澗水合水導源武始東山白渠之北俗謂是水為拘河 餘詳趙國邯鄲縣下

邯鄲 史記趙世家惠文王十七年樂毅攻魏伯陽張晏曰漳水之別自城西南與邯山之水會今城旁猶有溝渠在也 水經注濁漳水又東北逕西門豹祠前方與枝水合其水上承漳水于邯會西而東別與邯水合水發源邯山東北逕邯會縣故城西北注漳水故曰邯會也 師古曰邯音下安反 括地志伯陽故城一名邯會城在相州鄴縣西三十五里七國時魏邑也

方輿紀要邯會城在廣平府肥鄉縣西南二十里 大清一統志邯會城在今彰德府安陽縣西北本魏伯陽城也

侯國 王子侯表邯會衍侯仁武帝元朔二年以趙敬肅王子封

陰安 水經注大河故瀆又北逕陰安縣故城西 括地志陰安故城在魏州頓邱縣北六十里 胡氏通鑑注陰安城一名頓邱故城蓋以故頓邱亦嘗治此也 大清一統志陰安故城在今大名府清豐縣北舊志云在縣北二十里 按王子侯表武帝元朔三年封濟北貞王子不害為陰安侯恩澤侯表元朔五年封衛不疑為陰安侯並即此

平恩 水經注漳水又東北逕平恩縣故城西 又云淇水又東北逕平恩縣故城東地理風俗記曰縣故館陶之別鄉也漢宣帝地節三年置 元和志今洛州平恩縣本漢舊縣 金史地理志曲周縣有平恩鎮 大清一統志平恩故城在今臨清州邱縣西

侯國 恩澤侯表平恩戴侯許廣漢宣帝地節三年封莽曰延平 邯溝 水經注邯溝歷邯溝縣故城東蓋因溝以氏縣也地理風俗記曰即表城西北二十里有邯溝

城故縣也 師古曰邯水之溝 舊唐書地理志肥鄉漢邯溝縣地 寰宇記邯溝故城俗名桓公城在肥鄉縣西北十里 大清一統志邯溝故城在今廣平府肥鄉縣西北

侯國 王子侯表邯溝節侯偃趙頃王子宣帝地節三年封師古曰邯音寒音溝 按溝溝古通用武安

史記秦本紀昭襄王二十九年封白起為武安君 又三十六年趙奢救關與秦軍軍武安西鼓譟勒兵武安屋瓦皆震 又四十八年王齧伐趙取武安 又項羽本紀懷王以沛公為碭郡長封武安侯 徐廣曰武安屬魏郡在邯鄲西 水經清漳水東至武安縣南黍窰邑入于濁漳又濁漳水又東過武安縣注云漳水于縣東清漳水自涉縣東南來流注之世謂決入之所為交漳口也 括地志武安故城在今洛州武安縣西南七里六國時趙邑也 元和志今磁州武安縣本七國時趙地趙將李牧封武安君即此縣也漢屬魏郡故城在今縣西南六里又滏陽縣亦武安縣地 寰宇記通志磁州在彰德府城北七十里本漢武安縣地漢縣在州北一百二十里 方輿紀要武安故城在今縣西南五十里 大清一統志武安故城在今河南彰德府武安縣西南又直隸廣平府磁州亦武安縣地 按王子侯表楚思王子授封武安侯恩澤侯表田蚡封武安侯並即此

欽口山白渠水所出東至列人

屬廣平國

入漳

水經注白渠水出武安縣欽口山東南流逕邯鄲縣南又東與拘澗水合又東牛首水入焉逕列人右會漳津今無水 大清一統志今邯鄲以下滏陽河所經蓋卽白渠故道也

又有滏水東北至東昌

屬信都國

入庫池河

說文滏水出魏郡武安東北入呼沱水从水窰聲籀文作𣶒 師古曰滏音子衹反庫音呼池音徒河反 按滏水在今彰德府武安縣東三十里下流合滏水溢水所行皆滏水也

過郡五行六百一里

過魏趙廣平鉅鹿信都五郡

有鐵官

續志武安有鐵 九域志磁州武安縣有鐵冶務

莽曰桓安

漢書地理志補注卷二十三

鉅鹿郡

方輿紀要鉅鹿郡秦郡今順德府及真定府南境是其地 按漢鉅鹿郡今直隸順德府之平鄉廣宗鉅鹿唐山任五縣保定府之束鹿縣正定府之晉州趙州之隆平寧晉二縣冀州之新河縣皆其地 又按漢泰山郡尉宙碑分趙地爲鉅鹿後魏弔比干文碑陰有鉅鑿伯魏祐北史有鉅鑿郡守元道龍則鹿字之加金旁其來已久廣韻一屋部鑿字注云鉅鑿郡名漢書只作鹿而顧寧人謂鉅鹿之鹿不當从金亦未之深考也

秦置

水經注秦始皇二十五年滅趙以爲鉅鹿郡漢因之 地理志稽疑鉅鹿故秦郡楚漢之際屬趙國尋屬常山國後屬趙國高帝三年屬漢四年復以屬趙國高后六年復故文帝元年復屬趙國景帝三年復故四年復屬趙國後以支郡收

屬冀州縣二十

鉅鹿南緣廣阿象氏廩陶宋子楊氏臨平下曲陽貫鄒新市堂陽安定敬武歷鄉樂信武陶柏鄉安鄉

鉅鹿

戰國策蘇厲曰燕距沙邱而至鉅鹿之界三百里 史記般本紀紂盈鉅橋之粟服虔曰鉅橋倉名許慎曰鉅鹿水之大橋有漕粟也 又始皇本紀二世二年章邯北渡河擊趙王歇等於

鉅鹿 又項羽本紀將卒二萬渡河救鉅鹿大破秦軍 本書五行志平帝元始二年隕石鉅鹿二 應劭曰鹿林之大者也 臣瓚曰山足

曰鹿 水經注衡漳水又北逕鉅鹿縣故城東應劭曰鹿林之大者堯將禪舜納之大麓之野縣取名焉又北逕巨橋邱關西昔武王伐紂發鉅橋之粟卽此 後書光武紀注鉅鹿縣故城在今冀州鹿城縣東 括地志邢州平鄉縣城本漢鉅鹿城也路溫舒縣之東里人 元和志平鄉縣西至邢州九十里秦爲鉅鹿郡張耳與趙王歇走入鉅鹿城王離圍之卽此地也 舊唐書地理志平鄉漢鉅鹿郡故郡城在今縣北十一里古鉅鹿城卽今治也 大清一統志鉅鹿故城卽今順德府平鄉縣治

禹貢大陸澤在

禹貢恆衛旣從大陸旣作 又北過降水至於大陸 爾雅十藪晉有大陸郭注今鉅鹿北廣阿澤是也孫炎曰廣阿猶大陸以地名言之爲近是也 呂氏春秋九藪趙之鉅鹿高誘注廣阿澤也 水經注鄭玄注尙書引地說云大河東北流過絳水千里至大陸爲地腹如志之言大陸在鉅鹿也 孔氏書正義大陸在鉅鹿縣北春秋魏獻子田于大陸還卒于寧杜氏嫌鉅鹿絕遠以爲汲郡修武縣吳澤寧卽修武然此二澤相去正遠所以得爲大陸者以爾雅廣平曰陸但廣而平者則名大陸故異所而同名焉然此一澤地形卑下得以廣平爲陸者雖卑下旁帶廣平之地故統名焉 元和志大陸澤一

名鉅鹿在今邢州鉅鹿縣西北五里其澤東西二十里南北三十里葭蘆菱蓮魚蟹之類充牣其中澤畔又有鹹泉藁而成鹽百姓資之 寰宇記廣阿澤一名大陸一名鉅鹿一名大麓一名沃川 方輿紀要大澤澤在今趙州隆平縣東北三十里自順德府鉅鹿縣流入境至寧晉縣為胡蘆河縣有廣阿大澤之名以此舊志云縣北有肖莊泊東北七里又有小泊與大陸諸水皆浸鄉也孫炎云鉅鹿北廣阿澤去古河絕遠杜佑李吉甫以邢趙深三州皆古大陸地此為得之 禹貢錐指大陸地也非澤也以地為澤自班固始安國於冀州云地名而導河又云澤名前後違戾反若乞靈於班固者朱子疑孔傳為後人偽譌有以也若爾雅十藪自當主澤言孫炎解不誤穎達引以證經之大陸則誤耳然自禹河徙後去古日益遠大陸不知所在賴有其澤名大陸猶可因澤以表地耳穎達謂澤雖卑下旁帶廣平之地故統名焉此說得之又云冀州有三大陸一在鉅鹿郡北班固繫諸禹貢又名鉅鹿澤呂氏春秋云趙有鉅鹿又名廣阿澤爾雅晉有大陸孫炎云今鉅鹿縣廣阿澤是也此真禹貢之大陸也一在河內修武縣左傳定公元年魏獻子田於大陸還卒於寧杜預云大陸即吳澤陂近寧是也一在太原鄆縣班固云九澤在縣北是為昭餘祁鄆元云呂氏春秋謂之大昭是也斯二者皆非禹貢之大陸也 尚書地理今釋大陸澤跨今直隸保定府東鹿縣順德府鉅鹿縣正定府隆平縣寧晉縣

深州上承漳沱陽漳唐諸河水匯為巨浸又東北流為新漳河至大城縣為子牙河至天津衛入海 大清一統志大陸澤又名廣阿澤在今順德府任縣東北與鉅鹿縣及趙州隆平縣接界舊志云在今任縣東北十里許周數十里諸河之水皆匯於此一名小東湖又名張家泊 皇朝通志北泊即大陸澤西受槐河西南受滏陽南泊水南受漳水支津北受滹沱河至冀州北東北流經衡水武強北又至獻縣南分二派以會於直沽 水道提綱北泊即古大陸澤亦曰鉅鹿亦曰廣阿西受槐河於寧晉南西南受滏陽南泊水於隆平東北南受漳水支津於新河西南而北受滹沱於東鹿南至冀州北東北流經衡水武強北又東北至獻縣南分為二派以會於直沽東入海實北方大澤也自西南而東北長百餘里南北三百餘里或二十餘里俗稱寧晉北泊其上流曰葫蘆河即漳水也大澤村在寧晉東北古淩水舊道南入泊 紂所作沙邱臺在東北七十里 史記殷本紀紂益廣沙邱苑臺多取野獸蜚鳥置其中大聚樂戲於沙邱以酒為池懸肉為林使男女僕相逐其間為長夜之飲 又始皇本紀三十七年七月崩於沙邱平臺徐廣曰趙有沙邱宮在鉅鹿武靈王死處 又趙世家惠文王四年主父及王遊沙邱異宮公子章作亂公子成殺章圍主父三月餘餓死沙邱 水經注衡漳水又逕沙邱臺東紂所成也在鉅鹿故城東北七十里趙武靈王與秦始皇並死於此

括地志沙邱臺在今邢州平鄉縣東北二十六里 大清一統志沙邱臺在今順德府平鄉縣東北舊志云今平鄉東北有王固岡岡東北十餘里有大平臺村其東又有小平臺村即故沙邱臺遺址 南繚 左傳哀四年齊國夏伐晉取欒杜注欒晉邑在趙國平棘縣西北本繚武子封邑其後南徙因曰南繚 孟康曰繚音良全反 蘇林曰繚音人手足擊躡之擊 師古繚音力專反 後書光武紀注繚今俗謂之倫城聲之轉也 通典今邢州鉅鹿縣本漢南繚縣地漢鉅鹿縣今平鄉縣也 集韻繚古作攀 大清一統志南繚故城在今順德府鉅鹿縣北漢武帝封趙敬肅王子佗為侯國光武與王郎將戰于南繚即此元和志以鉅鹿為漢南繚地舊唐志又以鉅鹿為即漢南 故城任縣為漢南繚地其說雖殊皆不離乎鉅鹿也至後漢書注所云在邢州柏人縣東北者乃後趙所改置舊志又謂在趙州柏鄉縣東北者亦誤 莽曰富平 廣阿 後書光武紀注廣阿故城在今趙州象城縣西北 隋志趙州大陸縣舊曰廣阿大業初改元和志今趙州昭慶縣本漢廣阿縣廣阿澤在縣東二十五里故縣取名焉 方輿紀要廣阿城在今趙州隆平縣東十里光武初拔廣阿登樓與鄧禹閱天下地圖處也 大清一統志廣

阿故城在今趙州隆平縣東縣志云在縣東十二里俗呼舊城村 尙書後案高誘注呂氏春秋云鉅鹿藪即廣阿澤考此郡所屬又有廣阿縣殆因此澤而名歟 按功臣侯表高帝十一年封任敖爲廣阿侯即此

象氏

趙記舜弟象嘗居此故名 寰宇記故象城在昭慶縣西北三十里 大清一統志象氏廢縣在今趙州隆平縣東北二十五里

侯國

王子侯表象氏節侯武帝元朔三年以趙敬蕭王子封

莽曰寧昌

廩陶

說文廩安止也从广嬰聲鉅鹿有廩陶縣 師古曰廩音一井反 晉書音義上音嬰下音遙

後書桓帝紀注廩陶故城在今趙州廩陶縣西南 寰宇記廩陶故城在今趙州寧晉縣南二十九里 大清一統志廩陶故城在今趙州寧晉縣西南舊志云在縣西南二十五里

宋子

史記燕世家燕軍至宋子趙使廉頗擊破之又刺客傳高漸離變名姓爲人庸保匿作于宋子宋子傳客之 水經注白渠水又東逕宋子縣故城北又謂之宋子河昔高漸離自此入秦也 後書光武紀注宋子故城在今趙州平棘縣北三十里 河朔訪古記趙州東北三十里平棘縣境有漢宋子故城即秦高漸離匿作而

歌之所也 大清一統志宋子故城在今趙州北舊志云在州東北二十五里城址尙存 按功臣侯表高帝八年封許惲爲宋子侯即此 莽曰宜子

楊氏

後書孟敏傳注十三州志曰楊氏縣在魏郡北地 元和志今趙州寧晉縣本春秋時晉楊氏邑漢以爲縣 寰宇記趙州寧晉縣本漢楊氏縣 大清一統志楊氏故城即今趙州寧晉縣治 按漢楊氏廢縣即今趙州寧晉縣治而括地志云春秋時爲晉邑魏賦子使僚安爲楊氏大夫寰宇記云伯僑自晉歸周即此皆誤也此楊城即漢河東郡之楊縣在今山西洪洞縣東南非鉅鹿之楊氏縣也

莽曰功陸

臨平

魏書地形志曲陽縣有臨平城 通典漢臨平縣故城在今定州鼓城縣東南 大清一統志臨平故城在今正定府晉州東南後漢紀建武四年進幸臨平即此

下曲陽

左傳昭十二年晉荀吳滅肥以肥子縣歸杜注鉅鹿下曲陽縣西有肥壘城古肥國白狄別種 又昭十五年晉荀吳滅鮮虞圍鼓杜注鼓白狄別種鉅鹿下曲陽有鼓聚 戰國策全趙之時下曲陽爲燕 東觀漢紀王莽分鉅鹿爲和成郡居下曲陽以邳彤爲卒正 水經注白渠枝水又東逕下曲陽城北十三州志曰常山

有下曲陽故此云下 括地志下曲陽故城在定州鼓城縣西五里元和志今恆州鼓城縣本

春秋時鼓子國白狄別種也漢爲下曲陽縣

隋志趙郡鼓城縣舊曰曲陽後齊廢開皇十六年分置晉陽縣十八年改爲鼓城 寰宇記下

曲陽廢城在今鎮州鼓城縣西 大清一統志

下曲陽故城在今正定府晉州西 日知錄左

傳昭十二年晉荀吳僞會齊師者假道於鮮虞

遂入昔陽秋八月壬午滅肥杜氏謂鮮虞白狄

別種在中山新市縣又謂鉅鹿下曲陽有肥壘

城是也其曰昔陽肥國都樂平沾縣東有昔陽

城則非也疏載劉炫之言以爲齊在晉東僞會

齊師當自晉而東行假道鮮虞遂入昔陽則昔

陽當在鮮虞之東也樂平沾縣在中山新市西

南五百餘里何當假道於東北之鮮虞而反入

西南之昔陽也既入昔陽而別言滅肥則肥與

昔陽不得爲一安得以昔陽爲肥國之都也昔陽既是肥都何以復言鉅鹿下曲陽有肥壘城謂肥名取於彼乎肥爲小國境必不遠豈肥名取鉅鹿之城而建都於樂平之縣也十五年荀吳伐鮮虞圍鼓杜云鼓白狄之別種鉅鹿下曲陽有鼓聚炫謂肥鼓並在鉅鹿晉陽郡即是鼓都在鮮虞以東南也二十二年傳云秦吳使師僞繹者負甲以息於昔陽之門外遂襲鼓滅之則昔陽爲鼓都斷可知矣漢志鉅鹿下曲陽應劭曰晉荀吳滅鼓今鼓聚昔陽亭是也水經注泚水東逕肥壘縣之故城南又東逕昔陽城南本鼓聚十三州志曰今其城昔陽亭是矣京相

璠曰白狄之別種也下曲陽有鼓聚其說皆同史記趙世家惠文王十六年廉頗將攻齊昔陽取之夫昔陽在鉅鹿故屬之齊豈得越太行而有樂平乎 高士奇曰漢沾縣屬上黨郡晉屬樂平郡地在太行之東去中山絕遠故劉炫駁之如此蓋杜見滅肥之文繫於入昔陽之下遂疑昔陽為肥郡而不復計其乖於滅鼓之傳今按前後漢志及水經注所稱皆同劉說當從之

都尉治

水經注白渠水又東謂之斯浚水東分為二水枝津右出東南流謂之百尺溝又東南逕貫城西 又云白渠枝水又東逕貫縣入斯浚水師古曰音式制反 索隱曰音世一音時夜反 通典漢貫縣城在今深州鹿城縣西南 大清一統志貫縣故城在今保定府東鹿縣西南 漢高帝六年封越將傅胡喜為侯邑後漢更始二年光武馳赴信都擊堂陽貫縣皆降即此

鄒

舊作鄒誤 說文續志水經注皆作鄒 說文鄒鉅鹿縣名从邑鼻聲 玉篇作鄒輕彫切鉅鹿郡有鄒縣 廣韻縣在鉅鹿 集韻鄒牽么切或作鄒 師古曰音苦么反又差鼻反 晉書音義口堯反 水經注衡漳水又北逕鄒故城東地理風俗記曰縣北有鄒阜蓋縣氏之後書光武紀注鄒縣屬鉅鹿郡故城在今冀州鹿城縣音苦堯反 又竹書紀年云衛鞅封於鄒臣賢按下文云吳漢將突騎來會清陽又追

至館陶並與鄒地相近俗本多誤作鄒而蕭該音一古反云屬太原郡臧於又作鄒音一建反屬襄陽郡並誤也 隋書地理志鹿城縣舊曰鄒 寰宇記漢鄒縣廢城在今鎮州東鹿縣東 大清一統志鄒縣故城在保定府東鹿縣東 舊志云在縣東北二十里 按鄒是鄒之誤觀 真定國縣臺縣下分注作鄒可見說文云鄒鉅鹿縣名顏氏詳其音而不詳其形何也

新市

史記楚世家考烈王七年至新中秦兵去索隱曰趙地無名新中者疑中當作市 水經注白渠水俗謂之祇水其水承白渠於藁城縣之烏子堰又東逕新豐城北地理志鉅鹿有新市縣而無新豐之目所未詳矣 後書光武紀注新市縣故城在今恆州東北 按中山國亦有新市縣 侯國 王子侯表新市康侯吉昭帝元鳳五年以廣川繆王子封 按注曰堂陽應是分堂陽縣置 莽曰市樂 水經注作樂市

堂陽

應劭曰在堂水之陽 水經注衡漳水自沙邱堰分為二水其一水北出經縣故城西其一水東北注出石門謂之長蘆水蓋變引葭之名也 長蘆水東逕堂陽縣故城南今縣故城南更無別水惟是水東出可以當之蓋包堂水之兼稱

矣 後書光武紀注堂陽故城在今冀州鹿城縣西南 元和志今冀州堂陽縣本漢舊縣按長蘆水亦謂之堂水在縣南二百步縣因取名焉 九域志冀州南宮縣有堂陽鎮 方輿紀要堂陽渠在故縣南三十里或曰即堂水也據唐志堂陽渠景龍初新開自鉅鹿入縣界又東北入南宮縣即堂水故瀆矣 大清一統志堂陽故城在今冀州新河縣西按水經注漳水自南宮北流始至堂陽元和志堂陽縣東至冀州六十五里以道里考之疑即今新河縣治舊志謂在南宮縣西南二十里者誤 按功臣侯表高帝十一年封孫赤為堂陽侯即此

有鹽官

方輿紀要漢堂陽縣有鹽官蓋以地近廣阿澤也 嘗分為經縣 大清一統志今順德府廣宗縣漢鉅鹿堂陽二縣地元和志云後漢分堂陽于今縣西二十里 置經縣後魏并入南宮孝文又分經置西經縣 北齊省隋復置經縣在今廣平府威縣界是漢之經即後魏之西經也 按水經注云漳水又歷經縣故城西據續志安平國有經縣而前志無之志於堂陽縣下云嘗分為經縣蓋前漢時已置是縣旋廢而後漢時復置也

安定

元和志深州鹿城縣東至州二十五里本漢安定縣地 舊唐書地理志東鹿縣本漢安定侯國今縣西七里故城是也 方輿紀要安定城

在今冀州西南 大清一統志安定故城在今保定府東鹿縣西北舊志云在縣西北三十里後漢馬武從世祖擊尤來五幡等進至安定即此

侯國

王子侯表安定侯賢宣帝本始元年以燕戾王子封

敬武

水經注白渠水又東逕敬武縣故城北漢元帝封女敬武公主為湯沐邑十三州記曰楊氏縣北四十里有敬武亭故縣也今其城實中小邑耳故俗名之曰敬武壘即古邑也 大清一統志敬武故城在今趙州東北

歷鄉

水經注百尺溝水逕歷鄉東入泚湖 魏書地形志慶陶縣有歷城 一統志歷鄉故城在今趙州寧晉縣東二十五里

侯國

王子侯表歷鄉康侯必勝宣帝神爵四年以廣川繆王子封

莽曰歷聚

樂信

水經注白渠水又東逕樂信縣故城南又云斯浚水又東北逕樂信縣故城南又東入衡水 一統志樂信廢縣在今保定府東鹿縣東

侯國

王子侯表樂信頃侯強宣帝神爵三年以廣川繆王子封

武陶侯國

王子侯表武陶節侯朝宣帝五鳳元年以廣川繆王子封

柏鄉

舊唐書地理志漢柏鄉城在今縣西南十七里 寰宇記柏鄉故城在今邢州堯山縣東北二十二里與趙郡柏鄉縣東西中分爲界 一統志柏鄉故城在今順德府唐山縣東北趙州柏鄉縣西南

侯國

王子侯表柏鄉戴侯買元帝竟寧元年以趙哀王子封

安鄉

水經注白渠枝水又東逕安鄉縣故城南 一統志安鄉故城在今正定府晉州東

侯國

王子侯表安鄉孝侯喜元帝竟寧元年以趙哀王子封

漢書地理志補注卷二十四 常山郡

史記張儀傳說楚王曰秦席捲常山之險必折天下之脊索隱曰常山於天下在北有若人之脊也 張晏曰恆山在西避文帝諱故曰常山 廣韻春秋時鮮虞國地漢爲恆山郡因山以爲名也 寰宇通志恆山郡城在真定府城南漢陽郡後魏道武嘗登此望安樂壘 方輿紀要常山郡今真定府西南以至趙州之境是其地 按漢常山郡今直隸正定府之井陘獲鹿元氏靈壽欒城平山行唐藁城八縣順德府之內邱縣趙州之柏鄉高邑二縣定州之曲陽縣皆其地

高帝置

本書高帝紀三年冬十月韓信張耳東下井陘擊趙斬陳餘獲趙王歇置常山代郡 方輿紀要常山郡本趙國地呂后二年分置恆山國文帝初復爲趙地景帝中三年置常山國元鼎四年爲郡 地理志稽疑常山故屬秦邯鄲郡楚漢之際屬趙國尋爲常山國復屬趙國高帝三年屬漢爲郡四年復以屬趙國高后二年復爲常山國武帝元鼎三年復故 漢書考異按項羽封張耳爲常山王都襄國是常山之名不始於高帝蓋趙歇既滅遂因爲郡耳高帝紀稱常山二十五城志止十八縣蓋後止稍分析之襄國本王都所在而志隸趙國亦一證也

莽曰井關屬冀州縣十八

元氏石邑桑中靈壽蒲吾上曲陽九門井陘房

子中邱封斯關平棘鄗樂陽平臺都鄉南行唐元氏

史記趙世家孝成王十一年城元氏 十三州志趙公子元之封邑故曰元氏 元和志今趙州元氏縣本漢舊縣故城在今縣西北十五里兩漢常山太守皆理於此 容齋隨筆應劭謂元城以魏公子元得名闕駟謂元氏以趙公子元得名二說並可疑 大清一統志元氏故城在今正定府元氏縣西北

泚水

舊作沮水誤

首受中邱

屬本郡

西山窮泉谷東至堂陽

屬鉅鹿郡

入黃河

說文泚水在常山从水氏聲 本書張耳陳餘傳注蘇林曰泚音祇晉灼曰問其鄉人音祇師古曰二說皆是也蘇音祇敬之祇音執夷反古音如是晉音根祇之祇音丁計反今其土俗呼水則然 廣韻泚水名在常山陳餘死處也 元和志泚水俗亦名脂溝在贊皇縣西南三十里即韓信斬陳餘處 大清一統志槐河源出贊皇縣西北流入順德府境逕元氏縣南又東流入高邑縣界即古泚水說為沮水者也此為北泚水又有南泚水自趙州臨城縣流入順德府境東逕內邱唐山二縣北又東經隆平縣至任縣東北入大陸澤即山海經臨城敦輿

山之水也後人混為一水誤矣 皇朝通志槐河郡古泚水亦名沮水源出贊皇縣西南東經元氏縣南高邑縣北樂城縣南趙州南柏鄉縣北又東南經寧晉縣南入泊 水道提綱槐河源出贊皇縣西南山中合諸水東流出山經縣城北又東經元氏縣南高邑縣北樂城縣南趙州南柏鄉縣北又東南經寧晉縣城南東南入泊 地理志稽疑漢志常山郡元氏縣下云沮水首受中邱西山窮泉谷而水經注無聞及讀郭氏山經注云泚水今出常山中邱縣窮泉谷乃悟泚水之誤為沮水也 新校地理志今泚水出內邱縣西山逕唐山南和二縣境北入胡蘆河與下洩石濟二水所并之泚水異 按入黃河當依山海經作入濁漳蓋濁漳經堂陽而河水不經堂陽也

莽曰井關亭

石邑

韓非子董闕于為趙上地守行石邑山中深澗峭如廡深百仞喟然太息曰吾能治矣 史記趙世家武靈二十一年攻中山取石邑 又廉頗傳秦伐趙拔石城索隱曰即石邑 又陳餘傳趙王武臣使李良略太原至石邑 通典今鎮州石邑縣本漢舊縣故城在今縣西北 括地志石邑故城在恆州鹿泉縣南三十五里六國時舊邑也 元和志今鎮州石邑縣本戰國中山邑也漢因置縣又獲鹿縣亦漢石邑縣地 寰宇記石邑故城在鎮州石邑縣西北俗謂之人文城 九域志真定府獲鹿縣東南有石

邑鎮 大清一統志石邑故城在今正定府獲鹿縣東南 按續志無石邑縣而三國魏志建安二十五年石邑縣言鳳皇見蓋中興省并而漢末復立也 井陘山在西 詳井陘縣下

泚水所出東南至廩陶屬鉅鹿郡

入泚

說文泚水出常山石邑井陘東南入於泚从水交聲 師古曰泚音效又音爻 方輿紀要泚河自正定府平山縣甘陶河分流東南入樂城縣境合元氏縣之沙河又東南經趙州南下流注於蘆蘆河 大清一統志洩河源出正定府獲鹿縣東南流逕樂城縣西又南入趙州界東經寧晉縣南合胡蘆河舊志云泚水上源有四泉四水交流故名泚水下流至寧晉縣入大陸澤 水道提綱泚水源出獲鹿縣西南蓮花山曰白鹿泉東流為西河經樂城北趙州南下流入胡蘆河 七校水經注斯泚水與泚水不可溷也漢志斯泚水一見於常山郡蒲吾縣又見於真定國縣蔓縣泚水見於常山郡石邑縣今世水經非足本濁漳清漳二篇脫失尤甚斯泚水之附於篇中尚幸詳悉而泚水則無之猶幸寰宇記所引舊本鄭注足以存其一線考斯泚水與泚水並行于常山鉅鹿之間首尾亦時貫輸而實各自為水古今注云永平十年作常山呼沱河用太白渠水以通漕亦謂之蒲吾渠此

用斯浚水者也通鑑長編咸平五年河北漕臣
景望開鎮州常山南河入浚水至趙州以利漕
此用浚水者也

桑中

水經注桃水又東南逕桑中故城北世謂之石
勒城蓋趙氏增城之故擅其目又謂之高功城
一統志桑中故城在今鎮定府平山縣東南
侯國

王子侯表桑中戴侯廣漢宣帝地節三年以趙
頃王子封

靈壽

史記樂毅傳其先祖曰樂羊爲魏文侯將伐取
中山文侯封樂羊以靈壽死葬於此子孫因家
焉 後書邳彤傳注靈壽故城在今恆州靈壽
縣西北 元和志今恆州靈壽縣本中山國都
也按中山武公本周同姓其後武公不恤國政
魏將樂羊拔之封之靈壽漢於此置靈壽縣
寰宇記舊靈壽縣城在今縣西北晉移於此今
廢縣尚存 九域志真定府行唐縣有靈壽鎮
地理通釋荀子強國篇云其在趙者有剡然
有芥而據松柏之塞楊倞注芥地名未詳所在
或曰芥與靈同地理志常山郡有靈壽縣清河
郡有靈縣皆趙地也松柏之塞蓋趙樹松柏與
秦爲界 一統志靈壽故城在今正定府靈壽
縣西北縣志云在縣西北十里地名靈壽村
中山桓公居此

史記趙世家獻侯十年中山武公初立 史記
音義西周桓公之子桓公孝者王弟而定王子

史記索隱中山古鮮虞國姬姓也系本云中
山武公居顯桓公徒靈壽爲趙武靈王所滅不
言誰之子孫徐廣以爲西周桓公之子亦無所
據

禹貢衛水出東北東入虜池

通典衛水在今西山東北入漳沱河 皇朝通
志衛河源出山西潞安府南經澤州東南入河
南懷慶府北入於沁水其分一支經溫縣北武
涉縣北修武縣東南又東北經嘉縣北有五峪
水自山西陵川縣東南入河南輝縣西來會又
東北有白泉水來會又經新鄉縣北衛輝西南
至淇縣東南有淇水來會東流經滑縣西南潞
縣西又經湯陰縣東有湯河來會又東北經安
陽東南內黃縣北入大名縣南樂縣北又經
元城縣東北境入山東冠縣西界有漳河支流
來會又經館陶縣臨清州入運河北至天津會
白河諸水入海 提綱衛河出大同北邊城外
南流入邊經得勝堡東又南經府城東又東南
會武州川衛河一名如渾水亦名御河源在微
外太僕右翼牧地西北山 大清一統志衛河
在今靈壽縣東縣志云在縣東十里俗名雷溝
河源出縣東北十四里良同村南流至縣東南
合漳沱河 禹貢錐指或問恆瀼漳沱漢志明
列爲四水子謂恆即瀼衛即漳沱亦有所據乎
曰有之水經注云瀼水東過上曲陽縣北恆水
從西來注之自下瀼水兼納恆川之通稱即禹
貢所謂恆衛既從也此非恆即瀼之明證耶水
經無漳沱之目見濁漳易瀼巨馬諸篇中僅一

二語故衛水無考然鄭注凡二水合流言自下
互受通稱者不可枚舉則漳沱受衛之後亦得
通稱衛水可知也不然恆水出曲陽縣西北至
縣東北入瀼衛水出靈壽縣東北至縣東南入
漳沱其所歷不過數十里之地曾謂尋常之溪
澗而勤禹功之荒度乎哉雖至愚者亦知其無
是理矣 又云周禮職方并州其川虜池嘔夷
虜池即今之漳沱河嘔夷即後世所謂瀼水也
此即禹貢之恆衛二水也然禹主名山川曲陽
以下之瀼本名恆靈壽以下之漳沱本名衛其
出高是泰戲者則恆衛之別源也自周以虜池
嘔夷爲并州之川其名著而恆衛之名遂隱於
是冀州二大川以恆陽溪雷溝河數十里之原
委當之蔡氏因目恆衛爲小水而經義幾不可
通矣 又云漢志云瀼水東至文安入大河漳
沱東至參戶合漳沱別從河東至文安入海是
恆衛二水皆於文安入河也據水經注易水逕
容城縣南又東合瀼水自下互受通稱又東至
文安縣與漳沱合又東至泉州縣南東入於海
此即合漳御二河由潮河至獨流口入海之道
也自塘澗與而文安大城諸水趨入白河其行
潮河者惟漳御二河耳古時瀼易漳沱混而爲
一自文安會大河入海西漢時猶然而程泰之
謂漳易中高不與河通何耶惟二水皆入河故
禹必先道九河而後治恆衛從河以入海不然
海口壅塞雖欲治二水不可得也 按胡東樵
謂恆水即瀼水衛水即漳沱水古今異名其說
甚確蓋言恆衛而燕趙諸水無弗該矣王西莊

極駁其說妄也

蒲吾

史記六國年表作鄱吾索隱曰鄱音婆又音盤
又趙世家番吾君自代來徐廣曰番音盤常
山有番吾縣 又蘇秦傳說趙肅王曰秦甲渡
河踰漳據番吾則兵必戰於邯鄲之下矣 又
李牧傳秦攻番吾牧擊破之 劉昭注補史記
番吾君杜預云晉之蒲邑也 括地志番吾故
城在恆州房山縣東二十里番蒲古今字異耳
後書耿純傳注蒲吾城在今恆州靈壽縣南
元和志今鎮州房山縣本漢蒲吾縣地故城
在今縣東二十里 一統志蒲吾故城在今正
定府平山縣東南
有鐵山

方輿紀要鐵山在今趙州臨城縣西南三十五
里石色如鐵元末土人結寨於此號鐵山寨
一統志今正定府平山縣西北有房山舊志云
即漢志蒲吾縣鐵山也亦曰西山
太白渠首受縣曼水東南至下曲陽
屬鉅鹿郡

入斯凌

水經注綿蔓水上承桃水東北流逕蒲吾縣故
城西又東南流合井陘山水又屈從城南東逕
烏子堰枝津出焉又東謂之太白渠地理志所
謂首受綿蔓水者也 又云白渠水又東謂之
斯凌水地理志曰太白渠東南至下曲陽入斯
凌河者也 史記正義綿蔓水一名阜將一名
回星自并州流入井陘界即韓信背水陣陷之

死地即此水也 九域志縣蔓水圖經云韓信
背水為陣即此水也 名勝志縣蔓水即穆天
子傳所云西河也源出陘山上後漢光武封郭
況為縣蔓侯以此水名也 方輿紀要縣蔓水
源出山西平定州即甘洵河之支流也東流入
真定府井陘縣界經城南至縣東二十里決口
橋入於甘洵河一名阜漿水又名回星水孔穎
達謂韓信出背水陣蓋在此水上 大清一統
志按古太白渠下流分二道經今藁城晉州之
南又東入東鹿界據水經注白渠枝水所行之
處今皆湮沒無考即今濼沱河所經也

上曲陽

史記趙世家武靈王二十一年攻中山合軍曲
陽 又灌嬰傳從擊陳豨于上曲陽 水經注
上曲陽縣本岳牧朝宿之邑縣在山曲之陽是
曰曲陽有下故此為上矣 括地志上曲陽故
城在今定州曲陽縣西 元和志今定州恆陽
縣本漢上曲陽縣高齊天保七年始除上字
隋志博陵郡恆陽舊曰上曲陽後齊去上字開
皇六年改為石邑七年改為恆陽 寰宇通志
曲陽縣在真定府定州城西南六十里漢置上
曲陽縣取太行之陽轉曲處為名 大清一統
志上曲陽故城在今定州曲陽縣西舊志云在
縣西四里

恆山

舜典歲十有二月朔巡狩至於北岳 禹貢太
行恆山至於碣石入于海 爾雅釋山河北恆
郭注北岳恆山 又恆山為北嶽郭注常山也

管子恆山北臨代南俯趙東接河海之間早
生而晚殺五穀之所蕃熟四種獲焉 史記趙
世家無卹曰從常山上臨代代可取也 又楚
世家張儀說楚曰秦地半天下席捲常山之險
必折天下之脊 白虎通北方為常山者何陰
終陽始其道常久故曰常山 晉書地道記常
山在上曲陽縣西北一百四十里 括地志恆
山在今定州恆陽縣西北 元和志恆山漢以
避文帝諱改曰常山至周武平齊復曰恆山
北岳記恆山頂一名無卹臺以趙襄子嘗登此
以觀代國下瞰東海也 道書福地記恆山高
三千九百丈上方三十里周回三千里 寰宇
記北岳恆山在今定州曲陽縣西北四十里
名山記恆山在大同府渾源州南二十里即北
嶽也水經謂之玄岳 禹貢錐指隋改曲陽曰
恆陽故其志云恆陽縣有恆山又滋陽縣有大
茂山韓琦岳廟碑云恆山一名大茂山也在今
阜平縣東北七十里接曲陽界乃恆山之脊俗
名神尖石晉與契丹分界處今阜平曲陽唐縣
皆緣大茂之麓 大清一統志恆山在今定州
曲陽縣西北亦曰常山亦曰北嶽互直隸保定
府西境山西大同府東境

北谷在西北

史記孝文紀後六年冬以中大夫令免為車騎
將軍軍飛狐臣瓚曰飛狐在代郡西南 晉書
地道記自上曲陽縣北行四百二十五里得常
山坂號飛狐口 太康三年地記常山曲陽有
恆山坡飛狐口 魏土地記代城南四十里有

飛狐關 水經注祁夷水又東北得飛狐口

後書王霸傳注飛狐道在今蔚州飛狐縣北通

媯州懷戎縣即古之飛狐口 史記正義蔚州

飛狐縣北一百五十里有秦漢古郡城西南有

山俗號飛狐口 常山圖經山北四百餘里號

飛狐口 大清一統志飛狐口在今易州廣昌

縣北其地兩崖峭立一線微通迤邐蜿蜒百有

餘里 按恆山北谷即飛狐口地道記云自縣

北行四百二十五里得常山坂號飛狐口則飛

有祠

狐口即代郡之常山關與上曲陽縣相接者也

本書郊祀志宣帝神爵元年定制祀北嶽常山

於上曲陽 元和志恆嶽觀在恆陽縣南百餘

步又有恆嶽下廟在縣西四十步 夢溪筆談

北嶽祠舊在山下石晉之後稍遷近裏今其地

謂之神棚祠之北有望嶽亭新晴氣清則望見

大茂山山在阜平縣東北一名神尖石晉與契

丹分界處即恆山之支麓也 大清一統志按

恆山漢志以為在上曲陽歷代諸志皆因之尚

書周禮注疏亦云自漢宣帝神爵元年祀北岳

恆山於曲陽唐宋祀典皆在定州至宋始有恆

山沒于遼從曲陽縣望祀之說明人乃定山西

渾源州之玄岳為恆山弘治六年尚書馬文升

請釐正祀典乃修治渾源州舊廟而秩祀尚在

并州山

曲陽本朝順治十七年准科臣粘本盛奏始改

夏官職方并州山鎮曰恆山鄭注恆山在上曲

陽

禹貢恆水所出東入澧

禹貢恆水既從 水經注澧水又東南逕中山

上曲陽縣北恆水從西來注之自下恆澧通稱

焉即禹貢所謂恆澧既從也 禹貢雖指據水

經注恆水即澧水也曲陽隋為恆陽縣地理志

有恆陽溪即恆水之源也縣志云澧水在縣東北

尚書地理今釋恆水一名長溪源出恆山自

直隸正定府阜平縣龍泉關北迤邐流經大派

山為大派水亦曰沙水又東南至保定府祁州

界合滋河入於唐水唐水即澧水也 大清一

統志恆水在今定州曲陽縣西禹貢恆澧既從

舊志有橫河在縣北源出恆山東南流入澧即

恆水恆澧聲近而訛也 皇朝通志沙河即古

恆水亦名派河源出山西繁峙縣東入長城經

阜平縣東南曲陽縣西南又南經行唐縣東北

新樂縣南又東經定州南無極縣北深澤縣北

又東至祁州東南會滋河入於唐河

莽曰常山亭

九門

史記趙世家武靈王十七年王出九門為野臺

以望齊中山之境徐廣曰九門在常山 又惠

文王二十八年藺相如城九門 水經注衡漳

故瀆東南逕九門城南 又云長蘆水又東逕

九門故縣也 元和志今恆州九門縣本戰

國時趙邑漢於此置九門縣 河朔訪古記藁

城縣西北三十里荒城一區蓋戰國時趙邑本

門鎮野臺在城側俗呼為寒臺 大清一統志

九門故城在今正定府藁城縣西北縣志云在

縣西北二十五里

莽曰久門

井陘

穆天子傳天子至於斄山之下郭璞注斄音邢

斄山今在常山石邑縣 史記始皇本紀十八

年王翦將上地下井陘 又淮陰侯傳建大將

旗鼓出井陘口與張耳馳入趙壁拔趙幟樹漢

赤幟大破趙軍 又廣武君李左車曰井陘之

道車不得方軌騎不得成列 服虔曰井陘山

名在常山今為縣因山為縣也 應劭曰井陘

山在縣南故縣氏焉陘音刑 述征記燕趙間

凡山脊名之陘 水經注井陘水世謂之鹿泉

水東北流屈延陳餘壘又東注縣蔓水即泚水

也韓信斬陳餘於此 史記正義井陘山在井

陘縣東南十八里 元和志陘山在井陘縣東

南八十里四面高平中央下似井故名之井陘

口今名土門口在獲鹿縣西南十里有井陘關

一名土門即太行八陘之第五陘也 唐書地

理鎮州獲鹿縣有故井陘關一名土門關 集

韻邦陘趙魏地山險名 方輿紀要井陘關在

直隸真定府獲鹿縣西十里山西平定州東九

十里道出井陘之要口也井陘水在獲鹿縣西

南自井陘縣境流入下流注於漳沱 一統志

井陘故城在今正定府井陘縣北自漢至唐皆

治此宋熙寧六年改置於天威軍而故城廢井

陘山在井陘縣東北關在山上與獲鹿縣接界

二十五史補編 漢書地理志補注

第一八九頁 開明書店製版

亦曰土門關即呂氏春秋九塞之一也

房子

穆天子傳天子東至於房郭璞注房子屬趙國
史記趙世家敬侯十年與中山戰於房子

又武靈王十九年北略中山之地至于房子

又惠文王二十四年廉頗攻魏房子拔之因城

而還 元和志今趙州臨城縣本戰國時趙房

子邑也漢以為縣故城在今高邑縣西南縣志

云俗呼其地曰倉房村又臨城縣亦房子縣地

按後書光武紀作防子注云防與房同古字

通用

贊皇山

穆天子傳癸丑至房子登贊皇山郭注房子縣

有嶺山 續志補注贊皇山在房子縣西南六

十里 元和志贊皇山在今趙州贊皇縣東南

二十六里隋因以名縣 一統志贊皇山在今

贊皇縣西南舊志云在縣西南二十餘里高百

餘丈

石濟水所出東至廩陶

屬鉅鹿

入泚

說文濟水出常山房子贊皇山東入泚从水齊

聲 元和志今趙州贊皇縣濟水源出贊皇山

西北流去縣南十里此別一濟水應劭以為四

瀆誤也 說文繫傳房子縣贊皇山石濟水所

出此非四瀆之濟四瀆之濟古皆作泚今人多

亂之又云泚水今多作濟故與常山石濟水相

亂 寰宇記隋圖經云贊皇山濟水去縣十里

此自別是一濟所謂石濟水也即詩云出宿于

濟非四瀆也 地理通釋濟兗州之川職方及

漢志說文並作泚今禹貢从水从齊乃字之誤

當以古文為正濟水出常山郡房子縣贊皇山

別是一水名音同實異 方輿紀要石濟水在

今趙州高邑縣治南一名沙河又名白溝水亦

謂之漕河源出贊皇縣贊皇山經臨城縣又東

流入縣境至縣東南而合於黑水或謂泚水

一統志石濟水在今正定府贊皇縣南東流經

趙州高邑縣界南二里又東經柏鄉縣北合槐

河一名白溝水今名沙河舊志云在縣西南六

十里源出本縣大石門寰宇記謂即槐水誤

提綱石濟水出贊皇縣西南贊皇山亦曰泚水

或疑謂即今之魏河但其水東經贊皇高邑之

南不在北也 全祖望曰說文四瀆之泚泚聲

常山贊皇之濟齊聲絕不相混漢志所引禹貢

職方古文皆泚也惟贊皇之濟則別焉自應仲

遠誤合之然鄙善長即已非之而徐堅徐諸王

應麟陳大猷諸人又皆辨之雖沿譌莫能改正

要之混泚而為濟未聞有以濟為泚者蓋贊皇

之濟在漢志名石濟續志始脫去石字但稱濟

水寰宇記遂從而甚之反以濟為泚而引衛詩

以證之夫衛封城中有泚水無濟水衛女不得

出宿于贊皇廩陶之間也諒矣而顧宛溪亦仍

其謬何也 趙一清曰按地志河東郡垣縣王

屋山在東北泚水所出其前載禹導泚水文俱

作泚字又常山郡房子縣贊皇山石濟水所出

說文云泚泚也東入海又云濟水出常山房子

贊皇山東入泚後人學有師承孟堅地志叔重

說文尤精駁謹嚴千古取證應仲瑗始誤以常

山之濟為四瀆之泚鄙元非之是矣而猶云二

濟同名未免騎牆之見矣元吳澄書纂言乃云

導水章所敘冀州之濟兗州之泚實一水濟泚

二字通用說文因二字而以北濟南濟為二水

非也今說文具在何嘗有南濟北濟之分且全

不考水道之源委果於自信輕毀古義厚誣前

哲徐堅初學記云二濟既南北異岸相去亦踰

千里渠雖習尚詞章尚能別白不似草廬解經

反致淆亂也 按此濟字應作濟泚州之水古

作泚今經史皆瀾之濟水本名石濟水又名沙

河水出今趙州贊皇縣流經高邑縣南二里又

東經柏鄉北合今槐河據本志泚水石濟水俱

至廩陶入泚而水經注泚泚濟三水俱缺惟有

百尺溝南入泚湖今據注泚泚濟三水俱缺惟有

當即今寧晉縣東南之寧晉泊俗稱胡盧河者

蓋即古泚湖也

莽曰多子

中邱

十三州志縣西北有蓬山邱在其間故曰中邱

後漢屬趙國 後書趙孝王傳注中邱縣故

城在今邢州內邱縣西隋室諱忠故改為內焉

元和志今邢州內邱青二縣並漢中邱縣地

一統志中邱故城在今順德府內邱縣西

蓬山長谷

水經注中邱有蓬鵠之山昔扁鵲同統太子遊

此採藥因以名之 元和志鵠山在內邱縣西

六十三里 寰宇記內邱有蓬鵠山亦名龍騰山即地理志蓬山也 一統志鵠山在今內邱縣西即古蓬山也縣志云上有白石形如鵠故名

諸水所出東至張邑屬廣平

入濁

諸當作渚邑字衍濁當作渚 說文渚水出常山中邱逢山東入濁从水者聲爾雅小州曰渚 寰宇記礪水一名渚水在內邱縣西北十三里源出攬山其水可礪刀劍下流入沙溝水

九域志內邱縣有渚水 集韻作瀟云水名在恆山 全祖望曰渚水是渚水考之說文始得了然入濁乃入濁也石勒與遼西段氏兄弟盟於渚陽蓋其地矣胡梅磻不知故渚注之 按諸當作渚濁當作濁說文可證張縣後省入任縣其地一名渚陽城在渚水之陽邑字蓋衍莽曰直聚

封斯 元和志平棘縣有封斯村 一統志封斯廢縣在今趙州界舊志云有河屯營城在州西北二十里疑是

侯國 王子侯表封斯戴侯胡傷武帝元朔二年以趙敬肅王子封

關 春秋哀四年齊國夏伐晉取欒杜注欒晉地在趙國平棘縣西北本欒武子封邑其後南徙漢

於其地置關縣後漢改曰欒城 水經注白渠水又東南逕關縣故城北又東南為成郎河又東逕欒城南 後書張禹傳注今定州行唐縣西北有故關邑城 通典今趙州欒城縣本漢關縣地故關邑城在今定州唐昌縣西北 元和志欒城縣東南至趙州三十九里本漢關縣 寰宇記關縣在今鎮州南五十里 河朔訪古記欒城縣春秋晉靖公孫賓食邑賓因以欒為氏西漢為關縣即今治也後漢為關城縣故城在今趙州西北十六里今日輪城是也 一統志關縣故城在今正定府欒城縣北縣志云在縣北十里董保邱 按何義門據通鑑注謂關當作開宋白曰欒城縣本漢開縣是也其說甚新存參

平棘

左傳哀元年伐晉取棘蒲 史記趙世家敬侯六年伐魏取棘蒲 十三州志平棘本晉之棘蒲戰國時改為平棘 水經注浚水又東逕平棘縣南 師古曰功臣表棘蒲侯陳武平棘侯林摯是則平棘棘蒲非一地也 元和志今趙州平棘縣本春秋時晉棘蒲邑漢文帝三年濟北王興居反遣棘蒲侯柴武擊之武帝時又有平棘侯薛澤為丞相蓋漢初為棘蒲後改為平棘也 寰宇記漢廢平棘在今平棘縣南 名勝志平棘山有二在趙州北者曰大平棘在趙州南者曰小平棘皆去城百步許因其頂平而生棘故名 一統志棘蒲故城即今趙州治平棘故城在趙州南後漢時亦謂之南平棘光武

建武元年從薊至中山行到南平棘諸將固請正位號即此舊志云平棘在棘蒲之南後移治於棘蒲故以平棘為南平棘也 又云平棘山有二在州北者曰大平棘在州南者曰小平棘皆去城百步許山頂平而多棘故名漢因以山名縣 錢大昕曰按趙世家敬侯六年伐魏取棘蒲正義云今趙州平棘縣古棘蒲邑也今考陳武以高帝六年封棘蒲侯而七年又封林摯為平棘侯則平棘非即棘蒲或其地相去不遠棘蒲國除之後省入平棘耳 錢坫曰應劭云平棘即棘蒲非也棘蒲魏邑斬欽傳所謂安陽以來東至棘蒲者是平棘在安陽西數百里本趙邑不得合而為一

鄒世祖即位更名高邑

左傳哀四年齊國夏伐晉取鄒杜注鄒即高邑縣也 史記趙世家武靈王二十一年攻中山王軍取鄒石邑封龍東垣中山獻四邑以和又燕世家使栗腹將而攻鄒趙使廉頗擊破之又信陵君傳趙王以鄒為公子湯沐邑 本書王子侯表敵侯舟以趙敬肅王子封師古曰敵鄒古通 東觀漢記諸將上尊號乃命有司設壇場于鄒千秋亭五成陌皇帝即位改鄒為高邑 說文鄒常山縣世祖所即位今為高邑 字林鄒火沃反 李彥曰音羹臙之臙 廣韻音高 師古曰音呼各反 後漢書光武紀注音火各反 元和志今趙州柏鄉贊皇二縣本春秋時晉鄒邑之地漢以為縣 寰宇記高邑故城本漢鄒縣也在今趙州柏鄉縣北二十

一里 國語補音部作鎬本音故老反又有郝音常山縣漢世祖即位為高邑者非周地也集韻鄆同隔讀作上聲類高同 九域志鄆春秋時晉邑管仲對齊桓公鄆邑之黍是也 鄭端禮曰鄆水各反本一名分而為高邑者光武也 大清一統志鄆縣故城在今趙州柏鄉縣北

莽曰禾成亭

地理志稽疑功臣侯表有禾成孝侯公孫昔鄆元曰和成則新莽分置下曲陽之郡也屬鉅鹿然非也蓋常山之鄆莽改為禾成者也 新校地理志禾亦作和莽有和成郡故此曰亭也樂陽

水經注綿蔓水東流逕樂陽縣故城西又屈從城南俗名曰臨清城非也 後書銚期傳注樂陽今恆州藁城縣也故城在縣西 一統志樂陽故城在今正定府獲鹿縣北

侯國

王子侯表樂陽繆侯說宣帝地節三年以趙頃

王子封

莽曰暢苗

一本作陽苗

平臺

後書鄆彤傳注平臺縣屬常山縣諸本多云平

臺者誤也

侯國

恩澤侯表平臺康侯史玄宣帝元康二年封

莽曰順臺

都鄉侯國

王子侯表都鄉孝侯景宣帝甘露二年以趙頃

王子封注曰東海而志屬常山表注誤也

有鐵官

續志都鄉縣有鐵

莽曰分鄉

南行唐

史記趙世家惠文王八年城南行唐徐廣曰南行唐在常山 括地志行唐縣屬冀州 後書光武記注南行唐今恆州縣也 元和志今恆州行唐縣本趙南行唐邑漢以為縣後魏始去南字 名勝志阜平縣在真定府西北二百五十里本漢行唐縣地 大清一統志南行唐故城在今正定府行唐縣北 按本志凡郡國縣邑名同者則加東西南北上下或新字以別之 惟常山郡之南行唐考他郡別無行唐縣而此加南字未審何故

牛飲山白陸谷滋水所出東至新市

屬鉅鹿郡

入庫池水

說文滋水出牛飲山白徑谷東入呼沱从水茲聲 續志作石向谷 山海經高是之山滋水出焉南流注於滹沱郭注今在本地靈邱縣元和志滋水出靈邱縣西南枚回山與高是山連麓接勢其水懸河五丈湍激之聲響動山谷樵杙之士咸由此渡巨木淪滑久乃方出或落崖石無不粉碎 又云滋水在行唐縣南二十里北去真定縣三十里 寰宇記滋水在今

鎮州行唐縣南三十六里從九門縣東北入無極縣界東南入滹沱河 大清一統志行唐縣西北五十里有箕山其西為牛飲山滋河源出山西五臺縣界亦名資水與射虎山川東西分流十餘里即入邊塘至正定府界漢行唐縣是也元和志據山海經注謂源出靈邱又謂至行唐縣合流與今水道不合又古時滋水與滹沱合流今折而東北與滹沱二水合不入滹沱矣 皇朝通志滋河即古資水源出山西五臺縣東穿長城入直隸平山縣西北經靈壽縣北行唐縣南又經真定府北無極縣南東北流經晉州西北深澤縣北又東北至祁州東南合沙河會唐河為豬龍河 水道提綱滋河源出山西五臺縣東界烏牛山北麓東流穿長城入直隸平山縣西北界山中東南流經靈壽縣北行唐縣南正定府北又東經無極縣南折而東北流經晉州西北深澤縣北祁州東南與沙河會而北合唐河

都尉治莽曰延億

漢書地理志補注卷二十五

清河郡

水經注屯氏別河又東北逕清河郡南又東北逕清河故城西地理風俗記曰甘陵郡東南十七里有清河故城者世謂之鵲城也 今水經清水源出輝縣西南七十里山陽鎮東南流經獲嘉縣界又東南至淇縣界注于淇淇水又東流入于衛 大清一統志清水自輝縣西南東流經獲嘉縣北又東流經新鄉縣西北至合河店西入衛河 方輿紀要清河郡今廣平府南至東昌府北境是其地 按漢清河郡今直隸廣平府之清河縣冀州之南宮棗強二縣山東東昌府之清平恩二縣及高唐州濟南府之平原縣臨清州之武城夏津二縣皆其地清水即淇水蓋以水氏郡也

高帝置

方輿紀要清河郡本趙地景帝中二年分爲清河國建元五年爲郡元鼎二年復爲國地節三年復爲郡初元二年又爲國永光初仍爲郡平帝元始二年置廣宗國或曰在清河境內 地理志稽疑清河故屬秦鉅鹿郡高帝分置仍屬趙國景帝中三年別爲清河國武帝建元六年復故元鼎三年復爲國宣帝地節四年復故元帝初元二年復爲國永光元年復故

莽曰平河屬冀州縣十四

清陽東武城釋幕靈厝鄒貝邱信成愬題東陽信鄉棗棗強復陽

清陽

水經注清河又東北逕清陽縣故城西漢高祖置清河郡治此 括地志清陽故城在今清和縣東北八里 元和志今貝州清陽縣本漢舊縣又博州清平縣亦漢清陽縣地 寰宇記古清陽縣城在今貝州清陽縣東南三十五里 大清一統志清陽故城在今廣平府清和縣東

王都

漢書考異按漢志稱王都者惟清河之清陽信都之信都若泰山之盧則云濟北王都江夏之邾則云衡山王吳芮都以郡與國不同名也廣陵之廣陵則云江都易王非廣陵厲王胥皆都此此外無言王都者淮南王安都壽春則朱贛言風俗及之 炳燭偶鈔漢書功臣表清和定侯王吸史記作清陽按地志清陽縣爲清河郡下第一縣列侯無以郡封者則史記作清陽爲是然注於清陽下又注王都二字蓋景帝子清河哀王乘所都乘立十二年薨無後國仍爲郡計哀王受封正吸曾孫不害爲侯之時其地既爲王國何得又爲侯國豈中經徙封而史略之耶 按史記漢興以來諸侯年表孝景中二年初置清和都濟陽濟陽當作清陽注云王都是其證也

東武城

史記平原君傳相趙三去相三復位封於東武城 水經注清河又東北逕東武城縣故城西定襄有武城故此加東 後書濟南安王傳注東武城今貝州武城縣是 通典今貝州武城縣漢曰東武城縣七國時趙封平原君勝於此

一統志東武城故城在今臨清州武城縣西舊志云在縣西十里 錢坫曰東海郡南成即南武城也故此云東

釋幕

應劭曰釋音亦師古日本音弋尺反 續志殷祖乙時置驛於此 水經注大河故瀆北逕釋幕縣故城東北又云屯氏別河北瀆東逕釋幕故城南東絕大河故瀆 寰宇記作驛幕城在平原縣西北二十里 一統志釋幕故城在今濟南府平原縣西北

靈

孟子孟子謂蚺醜子之辭靈邱而請士師 史記趙世家敬侯二年敗齊於靈邱 又惠文王十四年樂毅將趙秦韓魏燕攻齊取靈邱 又田齊世家威王元年三晉因齊喪來伐我靈邱 寰宇記靈縣故城在今博州高唐縣西二十里 胡三省通鑑注靈縣殆即齊之靈邱 金史地理志博州高唐縣有靈邱鎮即漢縣 肇城記北平縣東北四十里有靈城漢縣也 山東通志靈城在今東昌府博平縣東北四十里 高唐南鎮之畔 一統志靈縣故城在今東昌府高唐州西南與博平縣接界 河水別出爲鳴犢河東北至蓀

屬信都國

入屯氏河

本書溝洫志元帝永光五年河決清河靈鳴犢口而屯氏河絕帥古曰清河之靈縣鳴犢河口也 晉書地道記靈有鳴犢河 水經注大河

故瀆又東北逕靈縣故城南別出為鳴犢河鳴犢河東入鄒縣而北合屯氏故瀆又東北合大河故瀆謂之靈鳴犢口十三州志曰鳴犢河東北至薺入屯氏縣考犢則不至薺也 寰宇記鳴犢河在今東光縣東南 寰宇通考志毛河在河間府滄州西南五十七里即漳水也一名棣河又名屯氏河自南皮縣流經州境至益山縣城南東北入於海 大清一統志鳴犢河故瀆在今河間府景州西南 按鳴犢河在今東昌府博平縣北高唐州南三十五里河決鳴犢至鄒縣東出薺今河間府景州地與屯氏北瀆遠不得至薺也 鄺注說是

莽曰播
水經注作播亭

厓

續郡國志甘陵故厓安帝更名 應劭曰安帝以孝德皇后葬于厓改曰甘陵 水經注大河故瀆又東逕甘陵縣故城南地理志所謂厓也是周之甘泉市地也 玉篇厓秦昔切縣名在清河 師古音趨亦反 寰宇記故厓城在今貝州清陽縣東南三十里 寰宇通志廣平府清河縣秦為厓縣屬鉅鹿郡漢屬清河 大清一統志甘陵故城在今東昌府清平縣南漢置厓縣後漢改曰甘陵

鄒

史記河渠書田蚡為丞相其奉邑食鄒鄒居河北河決而南則鄒無水災邑收多蚡言於上久

之不事復塞也 蘇林曰音榆 玉篇鄒庚娛切清河郡鄒縣又音輸 師古曰音輸 史炤通鑑釋文音俞 水經注河水故瀆又東逕鄒縣故城東又東逕平原縣故城西 又云屯氏故瀆又東北逕鄒縣與鳴犢河故瀆合 後書馬武傳注鄒縣故城在今德州平原縣西南 寰宇記鄒縣故城在今德州西南五十里 肇城記夏津縣東北三十里有鄒城高后封呂它孝景封樂布皆此處又為武安侯田蚡食邑 山東通志鄒城在平原縣南三十里 大清一統志鄒縣故城在今濟南府平原縣西南隋改置于夏津縣實非漢時故地元和志謂夏津即漢鄒縣而諸志從之誤也 按鄒史表作俞如淳曰俞卽鄒也蓋古通用

莽曰善陸

貝邱

本書溝洫志宣帝地節中光祿大夫郭昌使行河北曲三所水流之勢皆邪直貝邱縣恐水盛隄防不能禁乃各更穿渠直東經東郡界中不令北曲三所渠通利百姓安之 水經注大河故瀆又東逕貝邱縣故城南 元和志今貝州永濟縣本漢貝邱縣地 寰宇記貝邱故城在今貝州臨清縣東南五十里城內有邱高五丈周回六十八步 北道刊誤志大名府永濟縣本漢貝邱縣之地 大清一統志貝邱故城在今東昌府清平縣西南舊志云在西南四十里 按左傳莊八年齊侯田於貝邱杜注貝邱齊地在樂安博昌縣南京相璠曰博昌縣南有地

名貝邱續志博昌縣其中有聚是也應仲璩引以證清河之貝邱誤矣

信成

水經注清河北逕信成縣故城西應劭風俗記曰甘陵西北五十里有信成亭故縣也 元和志今貝州郭下清河縣本漢信成縣地 寰宇記信成故城在今貝州西北十二里故州城外 寰宇通志漢分厓縣置信成縣屬清河 大清一統志信成故城在今廣平府清河縣西北張甲河首受屯氏別河東北至薺 屬信都國 入漳水

水經注

張甲河受屯氏別河故瀆北絕清河於廣宗縣分為二瀆右瀆注絳左瀆注清漳十三州志曰張甲河東北至薺縣入清漳者也 元和志張甲河東去經城縣十里 九域志大名府臨清宗城二縣並有張甲河 大清一統志張甲河故瀆在今河間府故城縣及景州界又順德府之廣宗縣東

懸題

師古曰懸古莎字 寰宇記懸題縣地理書並失其所在按郡國縣道記云在貝冀德三州之界即今棗強地也 漢書考異說文無懸字當是為之譌說文蕊心疑也讀若易旅瑣瑣與瑣音相近 按功臣侯表有題侯張富昌注曰鉅鹿而本志無之徐位山謂即清河之懸題縣未知確否苟悅漢紀作蹋蹠則以其踏戶救太

子故也

東陽

左傳襄二十三年齊侯伐晉取朝歌趙勝率東陽之師以追之 又昭二十二年晉荀吳略東陽遂襲鼓滅之杜注東陽晉之山東魏郡廣平以北正義鼓在鉅鹿居山之東山東曰朝陽知東陽是寬大之語總謂晉之山東故為魏郡廣平以北 國策國子曰兼魏之河南絕趙之東陽則趙魏亦危矣 韓非子應侯謂秦王曰弛上黨以臨東陽則邯鄲口中蝨也史記趙世家

惠文王十八年王再之衛東陽決河水伐魏氏正義東陽先屬魏今屬趙河歷貝州南東北流過河注屯氏別河枝津又東北逕東陽縣故城南地理風俗記曰東武城東北三十里有東陽鄉故縣也 括地志東陽故城在今貝州歷亭縣界 通典今貝州漳南歷亭二縣並漢東陽縣地 地理通釋自漢以前東陽大抵為晉太行山東地非有城郭邑也楚漢之間始置東陽郡漢置東陽縣今山東東昌府恩縣西北六十

里有東陽城猶南陽為河內之總名而別有南陽城則在修武也 山東通志東陽城在今武城縣東北三十里 大清一統志東陽故城在今東昌府恩縣西北舊志云在縣北六十里衛河南岸

侯國

王子侯表東陽節侯弘宣帝本始四年以清河

綱王子封

莽曰胥陵

信鄉

孟康曰順帝更名安平 水經注屯氏河故瀆東逕信鄉縣故城南應劭風俗記曰甘陵西北十七里有信鄉故縣也 水經注清河又東北逕信鄉故城西 一統志信鄉故城在今臨清州夏津縣西亦曰新鄉 按孟康之說水經亦因引之今考續志實無此縣

侯國

王子侯表新鄉侯豹宣帝本始四年以清河王綱子封師古曰古新信通

繚

水經注泔水故瀆又東南逕繚城縣故城北十三州志曰經縣東五十里有繚城故縣也 師古曰音良笑反 寰宇記繚縣故城在今冀州南宮縣東南二十六里故城猶存 一統志繚縣故城在今冀州南宮縣東南 按功臣侯表有輦陽侯江喜注曰清河全謝山以為即繚縣未審其確

棗彊

水經注清河又東北逕棗彊縣故城西地理風俗記曰東武城西北五十里有棗彊城故縣也 元和志今冀州棗彊縣本漢陽縣高帝以留盼為棗彊侯其地棗木強盛故名 寰宇記棗彊故城在今縣西南十五里 一統志棗彊故城在今冀州棗彊縣東南 按王子侯表有棗彊侯晏武帝元朔三年以廣川惠王子封即此復陽

應劭曰復音腹 水經注清河又東北逕復陽

縣故城西地理風俗記曰東武城西北三十里

有復陽城亭故縣也世名之曰檻城非也 寰宇記復陽故城在今冀州棗強縣西南十八里 名勝志今冀州棗強縣西南有復陽隄 一統志復陽故城在今臨清州武城縣東北 按史記功臣侯表復陽剛侯陳胥高祖七年封索隱曰屬南陽水經注以為在清河據本志南陽郡復陽注云侯國似索隱之說為當矣然清河郡亦有復陽縣顧宛溪云復陽故城在今棗強縣西南十八里漢縣後漢時省此即陳胥之封邑非南陽之復陽也南陽之復陽關駟曰故湖陽之東鄉元帝元延二年置安得以為陳胥封邑乎

莽曰樂歲

漢書地理志補注卷二十六 涿郡

水經注應劭曰涿郡南有涿水蓋氏焉關駟亦言是矣今於涿郡南無水以應之惟西南有是水應劭又云涿水出上谷涿鹿縣按涿水自涿鹿東注灤水灤水東南逕廣陽郡與涿郡分水涿之為名當受涿水通稱矣故郡縣並氏之但物理潛通所在分發故在上谷為涿耶 後書光武紀注涿郡故城在今幽州范陽縣 寰宇記涿州東北至幽州一百三十里南至冀州一百六十里 又云涿水源出范陽縣西土山下東北流經縣北五里又東注聖水 王曾上契丹事自新城七十里至涿州又六十里至良鄉 武經總要涿州故涿鹿之野漢置涿郡 方輿紀要涿郡秦上谷郡地今順天府之涿州至保定府之境又真定府之東河間府之西皆是 又云涿水源出保安州之涿鹿山經山谷中歷房山縣界東南流至涿州北又南會於挾河 按漢涿郡今直隸順天府之良鄉固安房山三縣及涿霸二州保定府之清苑定興新城博野容城雄高陽七縣河間府之河間獻任邱三縣易州之涑水縣深州之饒陽安平二縣定州之深澤縣皆其地

高帝置 應劭曰涿郡故燕高帝六年置 地理志稽疑涿郡故屬秦漁陽郡楚漢之際屬燕國高帝六年分置仍屬燕國武帝元朔二年復故元狩三年復燕國昭帝元鳳元年復故

莽曰垣翰屬幽州

晉書地理志幽州按禹貢冀州之域舜置十二牧則其一也周禮東北曰幽州春秋元命包云箕星散為幽州分為燕國言北方太陰故以幽冥為號武王定殷封召公於燕其後與六國俱稱王及秦滅燕以為漁陽上谷右北平遼西遼東五郡漢高祖分上谷置涿郡武帝置十三州幽州依舊名不改其後開東邊玄菟樂浪等郡亦皆屬焉元鳳元年改燕曰廣陽郡幽州所部凡九郡 有鐵官

本書五行志征和二年涿郡鐵官鑄鐵銷皆飛上去 後書和帝紀永元十五年復置故安縣鐵官

縣二十九

涿酒穀邱故安南深澤范陽蠡吾容城易廣望鄭高陽州鄉安平樊輿成良鄉利鄉臨鄉益昌陽鄉西鄉饒陽中水武垣阿陵阿武高郭新昌

涿

通典涿縣在范水之陽漢涿郡故城亦在此 大清一統志涿縣故城即今順天府涿州治漢為涿郡治 桃水首受涑水分東至安次 屬勃海郡

入河

水經注聖水自涿縣東與桃水合桃水首受涑水於徐城東南良鄉西分垣水世謂之南涉溝即桃水也東逕涿縣北又東逕涿縣故城下與

涿

史表作逾 水經注涑水上承故瀆于涿縣北垂重源再發結為長潭東南流逕涿縣故城東謂之拒馬河亦曰渠水也 師古曰涿古逾字音字由反 隋志上谷郡涑水縣舊曰涿縣開皇十八年改 括地志古涿城在易州涑水縣北一里 通典今易州涑水縣漢之涿縣酒即由反 寰宇記廢涑水縣本漢涿縣故城在易州北二十四里 集韻逾縣名在涿郡或作酒名勝志今涑水縣北有逾欄鋪即漢涿縣 大清一統志涿縣故城在今易州涑水縣北舊志云漢時故城在拒馬河西北二里俗名周城 濠 按功臣侯表孝景中元三年封匈奴降王陸彊為涿侯即此 莽曰酒屏 水經注作酒平

涑水合世以為涑水亦謂之桃水水出涿縣故城西南奇溝東八里大坎下東北與樂堆泉水合注于涑水涑水又東南逕涿縣故城西流注于桃 又云涑水東逕涿縣故城下與涑水合謂之拒馬河亦曰拒水 大清一統志拒馬河在今涿州西北自涑水縣流入與琉璃河合即古桃水也 又云安次在今東安縣界水經注于下流已但言聖水今更為渾河所奪而東安縣南五十里有桃河泊當猶以桃水得名也古拒馬水至涑水縣北折而南其東分者為桃水今拒馬河直至州北涑水之故瀆絕而不續亦與古不同矣 按入河入拒馬河也

穀邱

寰宇記穀邱故城在今深州安平縣西南十五里 大清一統志穀邱故城在今深州安平縣西南志云今訛為角邱社

故安

後書王常傳注故安故城在今易州縣南 隋志涿郡固安縣舊曰故安開皇六年改 元和志今易州郭下易縣本漢故安縣文帝以申屠嘉為故安侯即此故城即燕之南鄙周回約三十里 史記正義今易州界武陽城中東南隅有故安故城 名勝志故安故城在今易州南七步故燕之南鄙也 方輿紀要武陽城在今易州東南二十七里故燕之下都也 史記趙與燕易土燕以武陽與趙水經注武陽燕昭王所城東西二十里南北十七里其東南又有小城東西二里南北一里即故安縣故城也又圖經云州南有故燕國延袤六十里召公以後皆都此亦謂之古燕城 大清一統志故安故城在今易州東南戰國燕武陽邑 史記趙孝成王十九年與燕易土燕以武陽與趙即此 閻鄉易水所出東至范陽

屬本郡

入濡也并州竊

夏官職方并州其浸溲易鄭注易出故安 戰國策燕南有溲洳易水 又云趙之攻燕也渡溲洳涉易不至四五日而距國都矣 水經易水出涿郡故安縣閻鄉西山注云易水出西山寬中谷高誘云易水逕故安城南城外東流誘

是涿人事經明證其水東經武陽東武陽大城東南小城即故安城之故城也今水被城東南隅世謂之故安河自故安縣東逕范陽縣故城南又東與濡水合 括地志易水一名故安河又名北易水源出易州易縣西谷中之東東南流過歸義縣東與溲洳河合 元和志易水出今易縣西寬中谷燕太子丹送荆軻易水之上即此水也 寰宇記易水有三南易水一名電水源出易州西南六十里之石虎岡北易水一名濡水源出易州西北三十里之窮獨山亦名馬頭山二水會於黑龍口在容城新安二縣之間即古燕趙分界處中易水即水經云出涿郡故安縣閻鄉城谷中者也今在易州西入廣昌縣界東經易京城與北易水合流入拒馬河

今水經易水源出易州閻鄉西山東過涿州南又東過安州城北與保定府境沙河合又東至雄縣南為瓦濟溫義河來注之至保定縣為磁河過向府境任邱縣西六十里至獻縣五里鋪入于溲洳河 大清一統志易水在今順天府易州古為并州之浸有中南北三水出易州西者謂之中易以在濡電二水之中也出州西北者曰濡水謂之北易出州西南者曰電水謂之南易自宋興塘樂故道多湮 又云易水源出易州西東流入保定府定興縣西南與拒馬河合即中易水也 又云南易水在今易州南六十里源出州西南東流入保定府安肅縣續郡國志云故安電水出水經注代之易水出代郡廣昌縣東南即山其水東流俗謂之為電

河又東逕故安城南即閻鄉城也班固闕駟之徒咸以斯水謂之南易 水道提綱易水源出易州西山龍華店西北東流有濡水來會又東出山經州城西南又東南經定興縣有涑水來會又東南過楊村北又東南至新城縣南與北來之拒馬河會其水至清故俗稱白溝河 又云長流河即古南易水一名電水一名鮑河源出易州西南山在易水源東南三十餘里兩澗合而東南流經安肅縣北容城縣西南有諸水來會東入泊又東為趙北口又東與拒馬河會于雄縣又東北自泊流出為清水河

濡水 舊脫濡字今從水經注增 亦至范陽入涑 說文濡水出涿郡故安東入涑从水需聲 水經注濡水出故安縣西北窮獨山山谷東流與源泉水合又東南流經樊於期館西荆軻館北又東逕武陽城西北又東逕紫池堡又東得白楊水口又東合檀水又東南流于容城縣西北大利亭東南合易水而注拒馬水也故地理志曰易水至范陽入濡濡水亦至范陽入涑也 大清一統志濡水在今易州北即北易水也東南入定興縣界為沙河舊志云在州北三十里源出州西北會數水入定興縣界為沙河即古濡水也元和志濡水在北平縣西五里舊志源出伊祁山俗名祁水古濡水有二方順河為南濡其北濡即北易下流為定興縣之下流沙河 皇朝通志濡水出窮獨山為三易上源之一

乾隆二十六年特加疏濬賜名安河 水經注釋水經注謂二易俱出一鄉同入濡水南濡北易至范陽縣會北濡並亂流入涑按南濡會蒲蘇諸水合于雹河何曾至范陽與涑水合方順河即曲逆水後人醜其名故易之道元此注謬甚 按水經注此句水字上當有濡字言濡水亦至范陽入涑也今本漢書脫之耳師古注謂易水又至范陽入涑大謬

南深澤

方輿紀要南深澤城在今祁州深澤縣東南五十七里十道志云漢置深澤縣屬中山國今縣治是也又于滹沱河南置南深澤縣屬涿郡此城是也後漢廢深澤縣而南深澤如故後魏改為深澤縣北齊廢復置縣於滹沱河北即漢故深澤縣而南深澤遂廢 漢書考異按元和志云定州深澤縣本漢南深澤縣以涿郡有深澤縣故此加南然則中山之深澤有南字涿郡之深澤無南字矣與今本互易以里望準之中山實在涿郡之南然續漢志于安平國之南深澤亦云故屬涿似今本元不誤 新校地理志中山之深澤今為定州深澤縣地而涿郡之深澤志地理者皆未言及考王莽以容城縣改稱深澤容城即今保定容城縣則涿郡深澤即為此縣之地未可知矣

范陽

史記張耳陳餘傳為陳勝略地燕趙命范陽人蒯通說范陽令先下之趙地聞之不戰而下者三十餘城 應劭曰縣在范水之陽 水經注

易水又東梁門陂水注之梁門陂北接范陽陂陂在范陽縣西十里俗亦謂之鹽臺陂東南流出長城注於易謂之范水易水自下有范水通目又東逕范陽縣故城南又云涑水東南流逕酒縣故城東謂之拒馬河又東南逕范陽縣故城北易水注之 元和志范陽故城秦范陽縣也在今易州易縣東南六十二里 名勝志金大定中以范陽黃村置定興縣地得磚有紅字云大魏太和八年日月幽州范陽縣史小磁妻某氏銘記尤足證此地為范陽縣屬也 又云范陽縣故城在今易州東南六十里之故城鎮 方輿紀要范水在涿州南自易州涑水縣流入下流合于拒馬河范陽之名本此 大清一統志范陽故城在今保定府定興縣南舊志云今為故城鎮詎為固城在縣南四十里 按功臣表景帝中元三年封匈奴降王代為范陽侯即此

莽曰順陰

地理志稽疑以在順水之陰故名

蠡吾

水經注涑水又東北逕蠡吾縣故城南地理風俗記曰縣故饒陽之下鄉也 師古曰蠡音禮

後書桓帝紀注蠡吾故城在今瀛州博野縣西 名勝志博野縣在今保定府城東南九十里本漢蠡吾縣地 大清一統志蠡吾故城在今保定府博野縣西南舊志云今有蠡吾鄉人云按今之博野乃古之蠡吾今之蠡縣乃漢之博陵後魏及唐宋以來之博野自北齊廢蠡吾

容城

入博野蠡吾故地遂為博野之西境宋置永寧軍金改蠡州並以博野為倚郭元初省博野其後復置於今蠡縣界其時蠡州與博野始分然博野之名猶在故地也明洪武元年遷于西南十八里為今治由是博野蠡縣名稱互易皆非故地明統志但據現在之名不考分合徒之由所載沿革皆誤且彼此混淆今特訂正

水經注易水東逕容城縣故城南又東涑水注之 又云拒馬水又東逕容城縣故城北渾濤東注至平舒縣與易水合 後書耿弇傳注容城故城在今易州酒縣 元和志今定州容城縣本漢陽縣 寰宇記漢容城縣在今雄州西北五十里 北道刊誤志雄州容城縣戰國時其地屬燕漢為縣漢志曰燕地南屆涿郡之容城 方輿紀要容城故城在今縣西北三十里距易州八十里漢唐以來縣蓋治此 大清一統志容城故城在今保定府容城縣西北舊志云有古城在今縣北十五里城子村周迴七里即故縣也 按容城中興後省故續志無之而三國魏志孫禮容城人盧毓封容城侯則縣於漢末魏復置也 又按功臣侯表孝景中元三年封匈奴降王徐盧為容城侯即此

易

史記趙世家惠文王五年與燕鄭易 又絳侯世家以將軍從擊燕王臧荼破之易下索隱曰謂荼軍於易水之下言近水也 世本燕桓侯

徙臨易宋忠曰今河間易縣是也 水經注易

水又東逕易縣故城南昔燕文公徙易即此城

也 關駟稱太子丹遣荆軻刺秦王祖道于易

水之上疑即此地 括地志易縣故城在歸義

縣東南十五里 史記索隱易水名因以為縣

通典今易州所理易縣及幽州歸義縣並漢

易縣也 寰宇記歸義縣東南十五里有大易

故城是燕桓侯之別都 北道刊誤志雄州本

歸義縣之瓦橋歸義即易縣地易于西漢屬涿

郡 名勝志雄縣在保定府城東二百三十里

本戰國燕桓侯之別都漢稱易縣以為易水所

逕也 大清一統志易縣故城在今保定府雄

縣西北舊志云在縣西北十五里太平社 按

功臣侯表孝景中元三年封匈奴降王僕儼為

易侯即此

廣望

水經注博水又東逕廣望縣故城北 寰宇記

廣望故城在今保州清苑縣西南五十里 大

清一統志廣望故城在今保定府清苑縣西南

舊志云有王莽城在縣東南四十里疑即廣望

之訛也

侯國

王子侯表廣望節侯忠元帝元朔二年以中山

靖王子封 按史表作望廣誤

鄭

史記趙世家惠文王五年與燕鄭易 應劭曰

音莫 水經注易水逕安次縣南鄭縣故城北

東至文安縣與漳沱合史記蘇秦曰燕長城以

北易水以南正謂此水也是以班固關駟之徒

咸以斯水謂之南易 後書張敏傳注鄭今瀛

州鄭縣 寰宇記任邱縣本漢鄭縣地鄭縣廢

城在今莫縣東北三里 通典開元十三年命

集賢學士衛包改古文以鄭類鄭去邑作莫今

莫州任邱縣即古鄭地 大清一統志縣故城

在今河間府任邱縣北 按王子侯表鄭侯異

衆宣帝元延二年以南郭侯霸弟紹封即此

又按史記扁鵲傳稱勃海郡鄭人則漢初鄭縣

嘗隸勃海也

莽曰言符

高陽

應劭曰縣在高河之陽 水經注涿水又東北

逕依城北世謂之依城河地記無依城之名即

古葛城也郡國志曰高陽有葛城燕以與趙者

也 通典今瀛州高陽縣漢舊縣 寰宇記高

陽故城在瀛州西北七十里 名勝志呂原記

云高陽故城在今高陽縣東二十五里龍化村

按即豬龍河也俗傳顛頂時有豬化龍而成是

河故曰豬龍河村曰龍化村至今河流清泚或

時浪湧作龍起之勢 方輿紀要高陽城在今

保定府安州高陽縣東二十五里高河自馬家

湖分流其別出者曰豬龍河俱引而東經高陽

故城南又東北經安州界下流入白洋淀合雄

州之瓦橋河志云高河舊流自縣境東南流入

河間府河間縣又東南流至交河縣入漳沱河

此非故流矣 大清一統志高陽故城在今保

定府高陽縣東舊志云明洪武三年河溢縣始

遷豐家口即今治東去古城二十五里戰國時

燕封宋榮蚡為高陽君即此史記索隱謂縣即

古高陽氏所興高陽記古城一名化龍城顛頂

所築今其地名化龍村皆傳訛也 按王子侯

表有安都侯志以齊悼王子封正義以為高陽

則涿郡也

莽曰高亭

州鄉

通典今瀛州所理河間縣本漢州鄉縣漢武帝

得鈎弋夫人於此 寰宇記漢州鄉故城在今

瀛州河間縣東北四十里後漢并入武垣 一

統志州鄉故城在今河間府河間縣東北

侯國

王子侯表州鄉節侯禁武帝元朔二年以河間

獻王子封

安平

後書桓帝紀注安平今定州縣也 元和志今

深州安平縣本漢陽縣 九域志安平縣在深

州西北八十五里 一統志安平故城即今深

州安平縣治 按功臣侯表高帝六年封鄂千

秋為安平侯恩澤侯表昭帝元鳳六年封楊敞

為安平侯並即此

都尉治莽曰廣望亭

樊輿

水經注易水又逕樊輿縣故城北地理風俗記

曰北新城縣東二十里有樊輿亭故縣也 寰

宇記樊輿廢城在今保州清苑縣東南三十五

里一名隅城 大清一統志樊輿故城在今保

定府清苑縣東南舊云今謂之御城據水經注
樊輿城在北新城東容城西應在今清苑縣東
北安肅縣界與寰宇記不合

侯國

王子侯表樊輿節侯修武帝元朔五年以中山

靖王子封

莽曰握符

成侯國

王子侯表成獻侯喜昭帝元鳳五年以中山康

王子封

莽曰宜家

良鄉

水經注灤水又東南逕良鄉縣之北界歷梁山

南高粱水注焉梁良古字通 又云聖水南流

歷良鄉縣西又南逕良鄉縣故城西 寰宇記

良鄉縣今屬幽州 名勝志良鄉縣在今順天

府西南七十里即漢縣春秋時燕中都地 大

清一統志漢良鄉故城在今順天府房山縣東

舊志云在涿州北四十里

侯國

王子侯表梁鄉侯交成帝綏和元年以趙共王

子封

垣水東南至陽鄉

屬本郡

入桃

水經注垣水上分涑水于良鄉縣之桃水世謂

之北涉溝又東逕涿縣北東流注於桃 大清

一統志胡良河源出房山縣大安山流入涿州

北又東南合拒馬河入琉璃河即古垣水也
水道提綱胡良河即古垣水出房山縣西南之
大安山東南流經涿州北又東南入拒馬河

莽曰廣陽

利鄉侯國

王子侯表利鄉侯安宣帝甘露元年以中山

次王子封注曰常山據本志常山乃都鄉而良

鄉屬涿則表注誤也

莽曰章符

臨鄉

史記趙世家孝成王十九年與燕臨樂徐廣曰

方城有臨鄉 水經注濩澗水東南逕臨鄉城

南地理風俗記曰方城縣南十里有臨鄉城故

縣也 括地志臨鄉故城在今涿州固安縣南

五十七里 大清一統志臨鄉故城在今順天

府固安縣南

侯國

王子侯表臨鄉侯雲元帝初元五年以廣陽

頃王子封

益昌

水經注拒馬水東逕益昌縣故城南地理風俗

記曰方城縣東八十里有益昌城故縣也 寰

宇記益昌故城在今涿州固安縣東南五十里

名勝志永清縣在今順天府西南一百五十

里本漢益昌縣地 大清一統志益昌故城在

今順天府霸州東北

侯國

王子侯表益昌頃侯嬰元帝初元五年以廣陽

頃王子封
莽曰有秩
按秩即表字水經注作有秩宋祁曰當作有秩

陽鄉

水經注聖水又東南逕陽鄉縣城西縣故涿之

陽亭也地理風俗記曰涿縣東五十里有陽鄉

亭後分爲縣即長鄉縣也太康地記涿有長鄉

而無陽鄉也 後書耿弇傳注陽鄉故城在今

幽州固安縣西南 寰宇記陽鄉故城在今順

天府涿州固安縣西北七十二里亦謂之長鄉

城 方輿紀要陽鄉城在今良鄉縣西北 大

清一統志陽鄉故城在今順天府固安縣西北

侯國

王子侯表陽鄉侯發侯元帝初元五年以廣

陽頃王子封

莽曰章武

西鄉

水經注恆河水出良鄉縣西甘泉原東逕西鄉

縣故城北世謂之都鄉城按地理志涿郡有西

鄉城而無都鄉城蓋世傳之非也 寰宇記西

鄉故城在今涿州范陽縣西北二十里 大清

一統志西鄉故城在今順天府涿州西北

侯國

王子侯表西鄉侯容元帝初元五年以廣陽

頃王子封

莽曰移風

饒陽

史記趙世家悼襄王六年封長安郡君以饒徐

廣曰今饒陽在河間正義曰饒即饒陽也故城在瀛州饒陽縣東二十里 應劭曰縣在饒河之陽 後書光武紀注饒陽故城在今瀛州饒陽縣東北 元和志今深州饒陽縣本漢舊縣 寰宇記饒陽故城在今深州饒陽縣東北二十里 九域志恩州武城縣有饒陽鎮 大清一統志饒陽故城在今深州饒陽縣東饒河在縣西南舊志云本滹沱支流昔時北注入易水今湮 按饒陽故城有二並在今深州饒陽縣一在縣東本趙饒邑即漢縣一在縣南名魯口城乃北齊時所移治也

中水

應劭曰縣在易滹二水之間故曰中水 郡國縣道記中水城南枕滹沱北背高河 寰宇記中水故城在今深州樂壽縣西北三十里地居兩河之間故曰中水 九域志中水城圖經云夏少康所造 方輿紀要中水廢縣在河間府縣西九十三里 大清一統志中水故城在今河間府獻縣西 地理志稽疑桑欽云易水出北新城西北東入滹其言與漢志大相參錯滹入易易不入滹其入滹者支流耳酈氏故以互受通稱調停之其說實本之應劭 按功臣侯表高祖七年封呂馬童爲中水侯即此

武垣

史記趙世家孝成王七年武垣令傅豹王容蘇射率燕衆反燕地九年秦圍武垣 又曹相國世家擊魏王於曲陽追至武垣 應劭曰垣水出良鄉東入桃 水經注垣水出良鄉東逕武

垣縣故城北世謂之頃城也非 括地志武垣今瀛州城是 寰宇記武垣故城在瀛州西南三十八里有東西二城 名勝志武垣城有東西武垣城在今河間縣西南三十八里有故城存即秦所置其北少東三十里又有一城時人謂之東武垣城乃漢城也 大清一統志武垣故城在今河間府河間縣西南府志云在縣西南三十五里肅寧縣境內去縣東南僅十餘里有內外二城外城周四十里內城可十六里俗名元城遺址現在

莽曰垣翰亭

阿陵

水經滹水又東北逕阿陵縣故城東又東北至長城注於易水 寰宇記阿陵故城在今莫州任邱縣東北舊志云其地今皆爲水鄉 按功臣侯表高帝六年封郭亭爲河陵侯河是阿之譌史表本作阿

莽曰阿陸

阿武

寰宇記阿武廢城在今深州樂壽縣西北三十里 九里 一統志阿武故城在今河間府獻縣西北 侯國 王子侯表阿武戴侯豫武帝元朔二年以河間

獻王子封

高郭

寰宇記高郭故城在今莫州鄭縣西南二十六里滹沱河經其南西亦稱裏角城以水裏其角

而過也 一統志高郭故城在今河間府任邱縣西十七里

侯國

王子侯表高郭節侯曠宣帝地節三年以河間

獻王子封

莽曰廣隄

新昌

寰宇記新昌故城在今幽州固安縣南三十里其地下濕俗亦謂之陷城 一統志新昌故城在今保定府新城縣東三十里 按魏書地形志新昌前漢屬涿後漢屬遼東今據本志涿郡及遼東並有是縣則非後漢改屬矣

侯國

王子侯表新昌節侯慶宣帝地節四年以燕刺

王子封

漢書地理志補注卷二十七
勃海郡高帝置莽曰迎河

史記河渠書禹乃斷二渠以引其河北載之高
地過降水至於大陸播為九河同為逆河入于
渤海孟康曰二渠其一出貝邱西南南折者也
其一則漯川也臣瓚曰河入海乃在碣石元光
二年更注渤海禹時不注也 本書天文志中
國山川東北流其維首在隴蜀尾沒于勃碣
說文邑部郭海地以邑字聲一曰地之起者
曰郭又水部澗勃澗海之別名也 應劭曰海
之橫出者曰勃 高誘淮南子注勃大也 字
林渤海之別名也 郭璞南山經注勃海海岸
曲崎頭也 子虛賦注渤海別枝也 齊都賦
注海旁曰勃斷水曰澗 孔氏書正義禹貢導
河入于海傳云入于渤海渤海之郡當以此海
得名 師古曰在勃海之濱因以為名 史記
索隱崔浩云勃旁跌也旁跌出者橫在濟北故
齊都賦云海旁出為勃名曰勃海郡 困學紀
聞漢勃海郡在勃海之濱今滄棣霸濱諸州之
地皆是 方輿紀要海在山東東北境者皆謂
之勃海蘇秦曰齊北有勃海田肯曰西有濁河
之限北有勃海之利又謂之少海韓非子齊景
公遊于少海少海猶云小海也書疏云青州之
境越海而有遼東又云青州東北據海蓋跨有
此小海也北自平州碣石南至登州沙門島皆
為勃海之口闊五百里西入 沽幾千里 又
云逆河當九河之下流為海河相接之交孔氏
曰九河至滄州同合為一謂之逆河以海水逆

潮而得名蓋海水內吞河水外灌不惟水力可
以刷沙而海之潮淤亦藉水力以敵之此禹以
水治水之法也潘季馴曰九河非禹所鑿特疏
之耳蓋九河乃黃河必經之地勢不能避而禹
仍合之同入于海其意蓋可見也 又云勃海
郡秦上谷鉅鹿二郡地高帝分置今河間以東
之滄州北至順天府通州霸州之南南至山東
武定州濱州之北皆是 禹貢維指禹貢同為
逆河入于海傳曰同合為一大河名逆河而入
于勃海正義曰鄭玄云下尾合名為逆河言相
向迎受王肅云同逆一大河納之于海其意與
孔同蘇氏曰逆河者既分為九又合為一以一
迎八而入于海即勃海也薛氏曰河入海處舊
在平州石城縣東望碣石其後大凡逆河皆漸
於海舊道堙矣程氏曰逆河世謂之勃海者也
逆河之地比九河又特窪下故九水傾注焉雖
其兩旁當有涯岸其實已與海水相合不止望
洋向若而已黃氏曰逆河碣石今皆淪于海予
按經所謂海乃東海在碣石之東其西則逆河
後世謂之渤海河渠書曰同為逆河入于勃海
蓋漢人以勃海為海而不知其為逆河遂謂逆
河在南皮浮陽自章武入海不至碣石矣千年
積謬至蘇薛程黃四公而一正蔡氏不收何也
又云地理志勃海郡莽曰迎河南皮縣莽曰
迎河亭溝洫志亦云同為迎河入于勃海迎河
即逆河說者謂莽多忌諱改逆曰迎也寰宇記
云迎河在清池縣西南二十三里從南皮來清
池即浮陽水經淇水注云清河自東光縣西又

東北右會大河故瀆又東北逕南皮縣故城西
又北逕浮陽縣故城西又東北滹沱別瀆注焉
漳水注云衡漳自成平縣南又東左會滹沱別
河故瀆又東北入清河謂之合口蓋莽時大河
南徙清河自東光縣西行其故瀆歷南皮浮陽
至成平與漳水合水經東漢時作故指為清河
實西海大河之經流也漢人以九河播自元城
之沙邱堰東北至南皮浮陽縣西仍歸大河是
謂同為逆河云爾不知禹河自成平東逕二縣
之北未嘗由東光而北歷其西九河下尾東北
出抵高城柳縣章武之東同合為一大河以入
海南北廣二百餘里東西長三百里占地甚多
非逆河縱而九河橫東流至二縣之西為逆河
所截而各注之也總之大任以東漢人不詳禹
河之所經而以北瀆為禹河禹河一差則降水
大陸九河逆河無所不差矣逆河以班志言之
似為橫絕之河而鄭王以為迎受之河其義較
長然終不能指言逆河在某地至東坡始云逆
河即勃海薛士龍又因王橫之言更定其地云
逆河皆漸于海而後經旨乃明與鄭王之義亦
正協也 又云河之播而為九也勢至此不得
不分非禹有意分之也其同為逆河也勢至此
不得不合非禹有意合之也所以名逆者鄭義
盡之自漢人以渤海為海而逆河無所容其地
唐人亦不明逆河在何處徐堅初學記曰逆迎
也言海口有潮汐以迎河水此義最優至宋而
謬論迭出貽惑滋甚矣 潛邱劄記按齊都賦
海旁出為勃不獨今天津衛之海名勃碣石之

海亦名勃太史公天官書中國山川東北流其維首在隴蜀尾沒于勃碣班固增其文曰尾沒于勃海碣石益明顯矣 又云今海自山東登州成山折而西經寧海州福山蓬萊招遠縣又西經萊州掖縣昌邑濰縣又西經青州壽光樂安諸城縣北界折而西北經濟南利津濰化海豐縣又北經直隸河間鹽山滄州靜海縣東界又北至天津衛折而東經順天寶坻豐潤縣又東經永平灤州樂亭盧龍昌黎縣又東出山海關經遼東寧遠廣寧衛南界折而南經海蓋復金四衛西界又折而東經金州南界有旅順口南與登州海口相對皆謂之勃海太史公多言勃海河渠書謂永平府之勃海也封禪書登萊兩府之勃海也蘇秦列傳指天津衛之海言朝鮮列傳指海之在遼東者言勃海之水大矣非專謂近勃海郡者也 大清一統志渤海在永平府南一百六十里東連遼海西抵天津南通山東登萊浩瀚千有餘里自直沽之北折而東去豐潤灤州之南各一百二十里樂亭縣南四十五里又迤邐東北繞昌黎撫寧二縣東南歷山海關接寧遠州界 水道提綱古稱勃海本大海之支港說者言禹時青州隳勃海北兼營州之地其勢固自然也 程瑤田通藝錄勃蓋海旁跌宕聲緩讀爲旁跌宕讀則勃也此人口中自然之聲初無義有聲而後義具也 桂馥札樸史記天官書中國山川東北流其維首在隴蜀尾沒于勃碣案此勃海謂登萊兩府中隴盡處通鑑楊僕從齊浮勃海以討朝鮮胡注云

僕浮勃海蓋自青萊以北幽平以南皆濱于城其海謂之勃海也 地理志稽疑勃海故屬秦鉅鹿郡高帝分置仍屬趙國景帝後以支郡收武帝元狩三年屬燕國昭帝元鳳元年復故按漢勃海郡今直隸天津府之青南皮鹽山三縣及滄州河間府之河間阜成交河寧津吳橋東光六縣及景州順天府之東安文安大城三縣又山東武定府之陽信樂陵二縣皆其地又按勃海史記封禪書作渤海本書武帝紀作渤海楊雄傳作勃澥或作郭海或作渤澥皆轉寫之譌

屬幽州縣二十六

浮陽陽信東光阜城千童重合南皮定章武中邑高成高樂參戶成平柳臨樂東平舒重平安次修市文安景成東州建成章鄉蒲領

浮陽

水經注清河東北浮水故瀆出焉按史記趙之南界有浮水焉浮水在南而此有浮陽之稱者蓋浮水出入津流同逆混并清漳二瀆河之舊道浮水故迹又自是斯別是縣有浮陽之名也應劭曰浮陽縣浮水所出入海潮汐往來日再今無復有水也 後漢劉植傳注浮陽縣在浮水之陽今滄州清池縣也 隋志渤海郡清池縣舊曰浮陽開皇十八年改 元和志今滄州郭下清池縣本漢浮陽縣 九域志滄州清池縣有浮陽水 大清一統志唐滄州故城在今天津府滄州東南即今浮陽縣也浮河在州東南

莽曰浮城

陽信

本書衛青傳平陽侯曹壽尙武帝姊陽信長公主 水經注屯氏別河又東北逕陽信縣故城南東北入海 又云篤馬河又東北逕陽信縣故城南東北入海 括地志陽信故城在棗州無棣縣東南三十里 通典今棗州陽信縣本漢舊縣 又云今棗州無棣縣亦漢陽信縣地故齊境北至無棣在此 方輿紀要陽信城在直隸棗州慶雲縣東南三十里 山東通志漢陽信故城在今陽信縣西南五里地名鹹河鋪 大清一統志陽信故城在今武定府陽信縣南海豐縣界 按功臣侯表高祖時呂青孝文時劉揭並封陽信侯即此

東光

水經注大河故瀆又東北至東光縣故城西而北與漳水合 後書耿純傳注東光故城在今景州東光縣南 寰宇記東光故城在今定遠軍東光縣東二十里 大清一統志東光故城在今河間府東光縣東 有胡蘇亭

許商曰胡蘇河在東光 李巡曰胡蘇者其水下流故曰胡蘇胡下也蘇流也 孫炎曰胡蘇者水流多散胡蘇然 水經注清河又東至東光縣西南逕胡蘇亭世謂之羌城非也又東北右會大河故瀆又逕東光縣故城西 師古曰胡蘇者下流疾急之貌 通典胡蘇河在東光縣北 元和志胡蘇河在饒安縣西五十里

寰宇記胡蘇河一名赤河自臨津流逕饒安無棣入海胡蘇古亭在今滄州臨津縣西南二十三里 寰宇通志胡蘇河在今河間府南皮縣北十里 禹貢錐指許商云胡蘇在東光今東光寧津南皮滄州慶雲海豐界中並有胡蘇河寧津縣本漢東光縣地其西有胡蘇亭蓋即在東光者齊乘以景州南之大連澗為胡蘇河得之矣 地理今釋今直隸河間府東光縣東南有胡蘇河東經寧津縣滄州慶雲縣界至海豐縣入海 大清一統志按今河間府之南界景州德州之間本古九河所經之地其在府境者惟胡蘇河為有據今在東光縣東南 程瑤田通藝錄九河據爾雅之次五曰胡蘇居九者之中邢疏云許商曰徒駭胡蘇鬲津蓋舉首中尾之三河以包其六是以下文即著其地曰今現在成平東光鬲縣界中然則徒駭在成平胡蘇在東光鬲津在鬲縣矣九河之次從北而南則太史馬頗覆舖三河在東光之北居成平之南簡潔鉤盤三河在東光之南居鬲縣之北胡蘇為九河之中出者無疑矣其曰胡蘇者言九河分布派流胡蘇然舉其中者象形名之得其九也蓋胡蘇猶扶疏七發云龍門之桐根扶疏注引說文扶疏四布也上林賦垂條扶於郭璞曰猶扶疏也扶疏扶於轉之皆得為胡蘇而胡蘇之命名今居九河之中餘河則四布于其外故得象分布派流之形也孫炎曰胡蘇水流多散胡蘇然說義最精然指一河言而不知其為象九河之形猶皮傳也

阜城

水經注衡漳水又東右會陽溝水水自陵東逕阜城南 舊唐書地理志阜城故城在今縣二十里 寰宇記阜城故城在今冀州阜城縣東二十二里 大清一統志阜城故城在今河間府阜城縣東按前漢志阜城縣屬勃海郡別有昌城縣屬信都國續漢志謂阜城即故昌城宋書州郡志疑二城非一而無定說蓋後漢省勃海之阜城而移其名於信都之昌城且改屬安平至晉時又移還故治耳魏書地形志阜城縣注前漢屬勃海後漢屬安平晉還屬勃海竟混為一城誤矣

莽曰吾城

千童

應劭曰靈帝改曰饒安 水經注無棣溝枝瀆又東南逕千童縣故城東 元和志今滄州饒安縣本漢千童縣即秦千童城始皇遣徐福將童男女千人入海求藥築此城以居之故名 方輿紀要輿地志云高城縣東北有卯兮城秦始皇遣童男四千人至海求蓬萊不死藥築此城僑居之號曰卯兮漢因置千童縣 大清一統志饒安故城在今天津府滄州東南按後漢志無饒安縣前漢志注水經注皆引應劭曰靈帝改曰饒安元和志謂即千童城則饒安與千童即是一城而舊唐志寰宇記皆云唐武德初移治故千童城疑是靈帝時改置本非一城或唐以前嘗移治也 殿板漢書考證齊召南曰杜佑作安童宋祁作平童皆非也自是千萬之

千安與平皆非也水經注可證 王子侯表千章侯遇武帝元朔三年以代共王子封注曰平原而字作章蓋童之訛也

重合

水經注屯氏別河故瀆又東北逕重合縣故城南 元和志重合故城在今滄州樂陵縣東二百步漢武帝征和二年封莽通為重合侯即此方輿紀要重合城在今河間府吳橋縣西南二十里舊志云東至樂陵郡五十里樂陵今山東屬縣 大清一統志重合故城在今武定府樂陵縣西

南皮

史記項羽本紀成安君陳餘棄將印去不從入關然有功於趙聞其在南皮故因環封三縣 又陳餘傳說齊王田榮曰願假臣兵請以南皮為扞蔽因悉三縣兵襲常山王張耳 水經注清河又東北無棣溝出焉東逕南皮故城南又東北逕南皮縣故城西十三州志曰章武有北皮亭故此曰南皮地理風俗記曰南皮城北五十里有北皮城也 又云衡漳水又東左合滹沱別河故瀆又東北合清河謂之合口又逕南皮縣之北皮亭而東北逕浮陽縣西浮水東北注之 括地志故南皮城在今滄州南皮縣北四里即陳餘所封處也 寰宇記齊桓公北伐山戎至此繕修皮革因築城焉 續通典南皮縣北有迎河河北有故南皮城即後漢晉勃海郡治 九域志滄州南皮縣有南皮鎮 大清一統志南皮故城在今天津府南皮縣東北八

里北皮城又在南皮縣東北 按恩澤侯表孝文後元七年封竇彭祖爲南皮侯卽此

莽曰迎河亭

定

水經注屯氏別河故瀆又東北逕定縣故城南

地理風俗記曰饒安縣東南三十里有定鄉城

故縣也 寰宇記漢定縣廢城在今滄州饒安

縣東南四十里 方輿紀要定縣城在滄州舊

饒安縣東南三十里 大清一統志定縣故城

在今天津府滄州東南

侯國

王子侯表定敷侯越武帝元朔四年以齊孝王

子封 按史表諡敬侯而漢表作敷索隱曰說

文云敷讀如躍據說文敷音芳无切無躍音疑

索隱之說爲謬近趙東潛云敷字當是敷字之

譌中山靖王子有臨樂敷侯光戰國時齊有太

史敷徐廣音躍可證

章武

水經注 衡漳水自章武縣故城西枝瀆出焉

謂之濺水縣故濺邑也 又云浮水又東逕章

武縣之故城北漢文帝後元中封后弟竇廣國

爲侯國 後書竇融傳注章武故城在今滄州

魯城縣 寰宇記章武縣卽今乾符縣在清池

東南鹽山縣西北 大清一統志章武故城在

今天津府滄州東北 按今順天府大成縣南

四十七里亦有章武城乃後魏正光中所分置

西章武縣以在章武之西故名非漢之章武也

又按本志金城郡河關縣下云河水至章武

入海章武今天津之滄州蓋大河故道自河間

府東光縣流入天津府南境逕南皮滄州青縣

靜海而達於天津此西漢時大河入海之道亦

卽宋時大河合永濟渠北流之道也

有鹽官

本書溝洫志平當言渤海鹽池可且勿禁以救

民急 唐書地理志渤海有鹽 寰宇記滄州

土產鹽 天津衛志天津滄州鹽山等處俱有

鹽場 大清一統志鹽場在天津府界者凡十

莽曰桓章

中邑

寰宇記漢中邑縣舊地理書並失其所在蓋卽

今滄州清池縣地也 大清一統志中邑廢縣

在今天津府滄州界按功臣侯表高后四年封

朱進爲中邑侯卽此

莽曰檢陰

高成

左傳僖四年管仲曰北至於無棣杜注無棣齊

境 本書公孫弘傳以高成之平津鄉戶六百

五十封爲平津侯 伏琛齊記無棣今渤海高

成縣也 水經注無棣溝又東南逕高成縣故

城南與枝瀆合 又云浮水首受清河於浮陽

縣界東北逕高成縣之苑鄉城北 後書巴肅

傳注高成故城在今滄州鹽山縣南 隋志勃

海郡鹽山縣舊曰高成開皇十八年改 寰宇

記鹽山縣在滄州東六十里本春秋無棣邑漢

置高成縣故城在今縣南四十里高齊時移於

今邑隋改爲鹽山縣 續通典今滄州鹽山縣

古高成縣也有平津鄉 大清一統志高成故

城在今天津府鹽山縣東南縣志云舊城鎮在

縣東北三十里 春秋大事表隋改高成爲鹽

山屬滄州通典鹽山春秋之無棣邑也自後廢

置不一至元分其地置兩無棣縣一仍舊治屬

河間路之滄州一屬濟南路之棣州明改河間

之無棣爲慶雲屬滄州改濟南之無棣爲海豐

屬武定州今海豐滄州之境皆有無棣濟舊合

高津河東入海唐世嘗疏之以通濱海魚鹽之

利亦曰無棣河今淤

都尉治也

高樂

水經注無棣溝又東逕樂高亭北又東新鄉城

北卽地理志高樂故城也 寰宇記高樂故城

在今滄州南皮縣東南三十里今謂之思鄉城

亦曰西鄉城 大清一統志高樂故城在今天

津府南皮縣東南縣志云卽今董鎮村按王子

侯表齊孝王子某封高樂侯卽此

莽曰爲鄉

參戶

左傳襄二十七年衛侯之弟縛出奔晉托于木

門杜注木門晉邑在參戶縣西北 水經注濺

水東北逕參戶亭北地理風俗記曰東平舒縣

西南五十里有參戶城故縣也世謂之平虜城

元和志今滄州長蘆縣本漢參戶縣地故城

一名木門城在今西北四十里 寰宇記參戶

故城在今滄州清池縣西北四十六里輿地志

云中有大樹因名木門 方輿紀要參戶城在

今滄州城西北三里 大清一統志參戶故城
在今天津府青縣南舊志云木門鎮在縣西南
三十里即漢參戶故城也

侯國

王子侯表參戶節侯免武帝元朔三年以河間
獻王子封

成平

水經注成平縣故城在建成縣北二城南北相
直 後書樂成靖王傳注成平在今景城縣南
寰宇記成平故城在今瀛州景成縣南二十
里 大清一統志成平故城在今河間府交河
縣東 按王子侯表平成侯禮武帝元朔三年
以河間獻王子封平成當作成平水經注亦以
此縣爲禮所封索隱云表在南皮而今無此文
則脫誤也

康池河民曰徒駭河

許商曰徒駭河在成平 李巡曰禹疏九河以
徒衆起故曰徒駭 孫炎曰禹疏九河用功雖
廣衆懼不成故曰徒駭 郭璞曰徒駭在成平
縣 水經注漳水又東北逕成平縣南又東左
會漳沱別河故瀆又東北合清河謂之合口
孔氏書正義禹疏九河云復其故道則名應先
有不宜徒駭太史因禹立名此郭氏注爾雅所
以未詳也 新唐書地理志清池縣西五十里
有徒駭河隄永徽三年築 寰宇記徒駭在滄
州清池 禹貢錐指許商云徒駭在成平今德
平樂陵齊河濟陽慶雲海豐界中有土河志以
爲徒駭安也漳水不經此安得有徒駭徒駭最

北豈反出鬲津之南哉 地理今釋今直隸河
間府景州之西交河縣之東北六十里有徒駭
河即漢志所謂漳沱河民曰徒駭河是也 按
許商云徒駭在成平此指漳沱別河非禹迹也
在今河間府獻縣南

莽曰澤亭
柳

水經注浮水故瀆又東北逕柳縣故城南地理
風俗記曰高成縣東北五十里有柳亭故縣也
世謂之辟亭非也 寰宇記故柳城在今滄州
鹽山縣東七十里 大清一統志柳縣故城在
今天津府鹽山縣東縣志云在縣東五十里

侯國

王子侯表柳康侯陽己武帝元朔四年以齊孝
王子封

臨樂

史記趙世家孝成十九年以臨樂與燕 水經
注無棣溝自南皮縣又東逕樂亭北地理志云
臨樂縣故城也晉書地道記太康地記並言臨
樂國有新樂縣即此城矣寰宇記臨樂地理書
並失其所在在今臨津縣界 方輿紀要臨樂
城在今滄州南皮縣南 大清一統志臨樂故
城在今河間府寧津縣北

侯國

王子侯表臨樂敦侯光武帝元朔四年以中山
靖王子封
莽曰樂亭
東平舒

水經注漳水枝瀆逕東平舒縣故城南代郡有
平舒故此加東魏土地記曰章武郡治東平舒
縣世以爲章武故城非也 又云衡漳水又東
北逕平舒縣故城南東入海 又云澧水又東
逕東平舒縣故城南又東北注漳沱謂之澧口
與清漳亂流東注于海 括地志衡漳水在瀛
州東北一百二十五里平舒縣界 寰宇記大
成縣西北去霸州九十五里本漢東平舒縣
名勝志大城縣在通州城南一百三十里即漢
之東平舒縣也 大清一統志平舒故城即今
順天府大城縣治

重平

水經注屯氏別河北瀆又東北逕重平縣故城
南應劭曰重合縣西南八十里有重平鄉故縣
也 大清一統志重平故城在今河間府吳橋
縣南舊志云今吳橋縣南三十里有重合城即
重平之訛也 按今濟南府德平縣西北亦有
重平故城乃後魏孝昌中所改置非漢縣也後
漢書注及寰宇記方輿紀要諸書所言皆誤

安次

水經注易水又東逕安次縣南 又云聖水又
東逕安次縣故城南又東西流注于巨馬河
後書光武紀注安次今幽州縣也故城在縣東
寰宇記安次縣在今幽州東南一百里本漢
舊縣東枕永濟渠 名勝志東安縣在今順天
府南一百五十里本漢安次縣也 大清一統
志安次故城在今順天府東安縣西北縣志云
在縣西北四十里其址尚在俗呼古縣

修市

應劭曰修音條 水經注桑社舊瀆又東逕修市縣故城北俗謂之溫城非也地理風俗記曰修縣西北二十里有修市城故縣也 金史地理志修縣有修市 大清一統志修市故城在今河間府景州西北

侯國

王子侯表修市侯原宣帝本始四年以清河綱王子封 按周亞夫傳文帝封爲條侯師古云縣在渤海地志作舊其音同今據本志在勃海郡者曰修市字亦不作舊應劭音條在信都國者亦作修不作舊師古亦音條竊意亞夫所封當是信都之修非勃海之修市也當以水經注之說爲是至修市之侯國乃清和王子所封無疑

莽曰居寧

文安

史記趙世家惠文王二十一年徙漳水武平西二十七年徙漳水武平南正義曰武平亭在今瀛州文安縣北七十二里 又三王世家本始元年封廣陵王子爲平曲侯正義曰平曲城在瀛州文安縣東七十里 水經注易水東至文安縣與漳沱河合史記蘇秦曰長城以北易水以南正此水也 後漢書注文安故城在今縣東北 寰宇記古文安城在今縣東北三十里 方輿紀要文安漢舊縣在今霸州東南七十里文安縣東三十里 大清一統志文安故城在今順天府文安縣東縣志云今縣東北柳河

景成

鎮有古城上有漢縣今趙夔祠文安故城也 元和志今之景州本漢景成縣 寰宇記今清池縣西南二里有五壘城輿地志曰宣帝封河間王子雍爲景成侯五子分居城中俗呼爲五壘城 九域志瀛州樂壽縣有景成鎮 金史地理志交河縣有景成南鎮 大清一統志景成故城在今河間府交河縣東北舊志云在縣東北六十里獻縣東九十里

侯國

王子侯表景成原侯雍宣帝地節三年以河間獻王子封

東州

本書彭宣傳少爲縣鄉嗇夫爲東州丞 水經注易水又東逕東州縣南其城舊有三重 寰宇記東州故城在今瀛州東城縣東北十四里隋置東城縣以東州爲名也 九域志瀛州河間縣有東城鎮 大清一統志隋東城故城在今河間府河間縣東北即漢東州縣也

建成

水經注衡漳水又東逕建成縣故城南又東左會漳沱別河 又云陽津溝水又東北逕建成縣左入衡水謂之陽津口 寰宇記建成故城在今瀛州景成縣東南三十里故址尙存 大清一統志建成故城在今河間府交河縣東考漢時建成成平景成三縣寰宇記俱入樂壽縣是時未有交河縣故也自金時分樂壽東境置交河則三縣俱在縣境明統志仍入獻縣而以

交河爲故中水縣皆誤 又云建成山在今河間府獻縣境縣志云漢嘗以此名縣高祖封曹參爲建成侯後又封呂澤

章鄉

水經注十三州志曰饒河縣東南二十里有童鄉亭故縣也字類而訛 寰宇記童鄉即故章鄉縣童章字相類後漢并入饒安 大清一統志童鄉廢縣在今天津府滄州東南

侯國

恩澤侯表童鄉侯謝殷平章元始五年封 按功臣侯表有童鄉童鄉侯鍾祖童鄉亦是童鄉之

蒲領

水經注衡漳水自弓高縣又東北合柏梁澗東逕蒲領縣故城南地理風俗記曰修縣西北八里有蒲領鄉故縣也 寰宇記漢蒲領城在今冀州阜城縣北三里 大清一統志蒲領故城在今河間府阜城縣東縣志云在縣東北三里關

侯國

王子侯表蒲領煬侯祿昭帝始元六年以清河綱王子封

漢書地理志補注卷二十八

平原郡

管輅別傳此郡所以名平原者本有原山無木石與地自然 水經注地理風俗記曰原博也故曰平原 方輿紀要平原郡今濟南府德州武定濱州之境皆是、按漢平原郡今山東濟南府之禹城臨邑長清陵德平原六縣及德州武定府之惠民樂陵商河三縣又直隸河間府之寧津吳橋二縣及景州皆其地

高帝置

胡三省通鑑注平原本齊地漢高帝置郡禹疏九河皆在平原勃海郡界 地理志稽疑平原故屬秦齊郡高帝六年分置屬齊國見水經注景帝後以支郡收

莽曰河平屬青州

晉書地理志青州按禹貢為海岱之地舜置十二牧則其一也舜以青州越海又分為營州則遼東本為青州矣周禮正東曰青州蓋取土居少陽其色為青故以名也春秋元命包云虛危流為青州漢武帝置十三州因舊名不改

縣十九

平原 高唐 重邱 平昌 羽般 樂陵 祝阿 瑗 阿陽 深陰 枋 富平 安慮 合陽 樓 虛 龍 領 安

平原

史記始皇本紀三十七年至平原津而病正義曰今德州平原縣南六十里有張公故城城東有水津名張公渡恐此即平原郡古津也 又曹相國世家攻平原 本書武帝紀建元三年

春河水溢於平原大飢人相食 水經注大河故瀆又東逕平原縣故城西而北絕屯氏二瀆

又云河水又北逕平原縣故城東晉灼曰齊西有平原河水東北過高唐高唐即平原也故經言河水過唐縣東非也地理志曰高唐深水所出平原則篤馬河導焉明平原非高唐大河不得出其東審矣 又云商河又北逕平原縣

東 通典今德平縣本漢舊縣 舊唐書地理志平原故城在今縣西南二十五里今縣治城北齊所築 大清一統志平原故城在今濟南府平原縣南 按平原在春秋時為齊西下邑

戰國時為趙所并封公子勝為平原君食邑於此秦始置縣屬齊郡漢為平原郡治水經河水北逕平原縣故城東是也今濟南府平原縣南張官店有故城北距管輅墓十里南距古高唐城五十里與魏志十三州記所載道里符合其為故平原郡縣之城無疑

有篤馬河東北入海行五百六十里 本書溝洫志鴻嘉四年丞相史孫禁以為開通大河令入故篤馬河至海五百餘里河隄都尉許商以為孫禁所欲開者在九河南篤馬河失

水之迹處勢平夷旱則淤絕水則為敗不可許公卿皆從商言 水經注屯氏別出南瀆自平原城北首受大河故瀆東出亦通謂之篤馬河 蔡氏書傳馬頰河元和志在德州安德平原

東南寰宇記云在棗州滴河北輿地志云即篤馬河也 地理通釋篤馬河在平原縣今德州也樂史以為即馬頰河誤矣 尙書地理今釋

山東濟南府平原縣北有篤馬河東北經陵縣德平商河樂陵諸縣界其流或斷或續相傳即馬頰河也 幾輔通志篤馬河在慶雲縣南三十里即禹貢簡河也 大清一統志土河在河

間府寧津縣南二十五里自山東陵縣流入又東入山東樂陵縣界相傳即古篤馬河

高

左傳襄四年靡奔有鬲氏杜注有鬲國名今平原鬲縣 本書曹參傳從下齊還收平原鬲盧續郡國志鬲侯國夏時有鬲君滅湼立少康

經典釋文鬲音革 師古曰讀與耿同 郡國縣道記鬲國鄒姓皋陶之後漢為縣 括地志鬲縣故城在今德州西北五十里後書吳漢傳注鬲縣故城在今德州西北 通典鬲縣故城在今德州安德縣西北 齊乘德州西北古

有鬲國漢為縣 方輿紀要鬲縣城在德州德平縣東十里 山東通志鬲城在德平縣東南三十里 大清一統志鬲縣故城在今濟南府德州北古鬲國也

平當以為鬲津

本書平當傳以經明禹貢使行河為騎都尉領河隄 又溝洫志河隄都尉許商曰鬲津在鬲縣界中自鬲以北至徒駭間相去二百餘里今河雖數移徙不離此城 郭璞爾雅注水多阨狹可隔以為津而橫渡故名 魏都賦注鬲縣北有蓋節淵即鬲津也 蔡氏水經注大河故瀆西流逕鬲縣故城西地理志曰鬲津也 蔡氏書傳鬲津河寰宇記云在樂陵東西北流入

饒安許商云在鬲縣輿地記云在無棣 九域

志滄州無棣樂陵二縣德州安德縣並有鬲津河 名勝志鬲津枯河在今河間府獻縣西二

里東北流入饒安縣界入海 禹貢錐指許商云鬲津在鬲縣按鬲津最南最長較諸河差有

考據今德州北有鬲津枯河東逕陵縣北又東逕德平縣北又東逕樂陵縣北又東逕慶雲縣

南又東北逕鹽山縣東南又東北逕海豐縣西北又東北入海齊乘以濱州北士傷河為鬲津

云即漢時所輔求代劉雄處今按輔代雄處為厭次津在今武定州南東漢大河之經流士傷

河在濱州北蓋即唐景福後黃河所徙之道自物海縣西北六十里東北流經無棣縣東南六

十里又東北逕馬谷小山西而東注於海者非輔代雄處也齊乘指此為鬲津未審是否據許

商言自鬲以北至徒駭間相去二百餘里則當在此地 尚書地理今釋德州西南有鬲津河

東經吳橋寧津德平樂陵慶雲諸縣界至海豐縣大沽口入海 大清一統志河間府寧津縣

西三十里有古黃河自吳橋縣流入又東北入南皮縣界兩岸隆然峭立俗謂之臥龍岡疑即

漢時鬲津河也宋時為大河所經禹貢蔡注黃河經樂陵臨津鹽山入海即此

莽曰河平亭 高唐

左傳襄十九年齊夙沙衛奔高唐以叛杜注高唐齊邑在祝柯縣西北 又二十五年祝佗父祭於高唐杜注高唐有齊別廟蓋齊之宗邑也

又哀十年趙鞅帥師伐齊毀高唐之郭 孟

子繇駒處于高唐而齊右善歌 史記趙世家肅侯六年攻齊拔高唐 又田齊世家威王曰

吾臣有盼子者使守高唐則趙人不敢東漁於河 水經河水又東北過唐縣東注云河水於

唐縣深水注大河經其西而不出其東經言出東誤耳 後書第五倫傳注高唐故城在今齊

州祝阿縣西 元和志今博州高唐縣本齊邑漢以為縣 寰宇記古高唐邑在今禹城縣南

五十里春秋杜注云在祝阿縣西北此為古之齊邑若漢志平原郡有高唐則漢縣非齊邑也

肇城記今之高唐州本漢平原郡之高唐縣非古齊之高唐也 大清一統志高唐故城在

今濟南府禹城縣西南舊志云高唐城在今縣西四十里即漢縣也 按齊之高唐邑在今禹

成縣南漢之高唐縣在今禹城縣西二地雖殊界實相近蓋禹城西南境與東昌府高唐州連

接春秋時齊地西至聊攝則今高唐州為齊履無疑不必以其非古高唐所在而外之也

桑欽言深水所出 師古曰深音它合反 宋祁曰深作濕下同

水經注深水又東北逕高唐縣故城地理志桑欽曰深水出高唐尋其沿歷逕趨不得近出高

唐桑氏所言蓋津流所出次於是間也俗以是水上承於河亦謂之源河矣 禹貢錐指源河

乃深之再出者桑欽惟知此而不知起東武陽則疏矣河既與深合復分為二深由深陰縣故城北河由平原縣故城東蓋自高唐以西至武

陽河在南而深在北自高唐以東至海則深在南而河在北矣今禹城縣南有源陽故城高唐

縣在源陽之北故名 按閻百詩謂深水有二一出東武陽一出高唐析一水而二之甚矣其

妄也 重邱

春秋襄二十五年諸侯同盟於重邱杜注重邱齊地 水經注駕馬河又東北逕重邱縣故城

西應劭風俗記曰安德縣北五十里有重邱鄉故縣也 輿地廣記永靜軍將陵縣漢重邱縣

地 方輿紀要重邱城在今濟南府陵縣北五十里 山東通志重邱在今德州東北境故城

應在吳橋縣境內 大清一統志重邱故城在今濟南府德州東 按左傳襄十七年衛孫蒯

田于曹隧飲馬于重邱杜注重邱曹地考六韜周志古亡國三十其有重邱國以美女遺青陽

路史曰重邱在曹州 寰宇記重邱在乘氏縣東北三十一里漢乘氏縣隋以後俱屬曹州今

故城在曹縣東北五十里是也又史記樂毅傳齊潛王強南敗楚相唐昧于重邱此亦曹地非

平原之重邱縣也杜氏明注兩國顧宛溪混而一之非是 又按王子侯表有重擔侯武帝元

朔四年以河間獻王子封注曰平原當即重邱也 平昌

水經注駕馬河又東北逕平昌縣故城北北海有平昌故此加西 又云商河又東北逕平昌

縣故城南 元和志平昌縣馬頰河在縣南十

里 通典今德昌平昌縣本漢舊縣 寰宇記

平昌故城在今德州德平縣西南三十里 方

輿紀要平昌城在德州德平縣東北一里 大

清一統志平昌故城在今濟南府德平縣西南

後漢顯宗時曰西平昌以北海有平昌故加西

也 按本志有兩平昌一屬平原一屬琅邪續

志北海國平昌侯國故屬琅邪而平原郡無之

平原郡凡十九縣數之適合是省并也曹魏時

復置改曰西平昌以別於琅邪之平昌也晉志

平原國有西平縣蓋俗本脫去昌字耳

侯國

外戚侯表平昌節侯王無故宣帝地節四年以

帝舅關內侯封

羽侯國

王子侯表羽康侯成武帝元朔三年以濟北武

王子封

莽曰羽貞

般

如淳曰音如面般之般 韋昭曰音通垣反

郭璞爾雅注水曲如鈎流盤桓也 水經注大

河故瀆東北逕般縣故城北 又云篤馬河自

西平昌縣故渠川派東入般縣為般河 又云

商河又東逕般縣故城南 師古曰漢般縣即

爾雅之鈎盤今其土俗用如韋之音 後書禰

衡傳注般縣故城在今德州平昌縣東 又袁

紹傳注故鈎盤河道在今德州昌平縣界入滄

州樂陵縣今名枯盤河 寰宇記漢般縣廢城

在今德州德平縣東北二十五里九河有鈎盤

河縣以此名也 方輿紀要般城在德州德平

縣東北三十五里 地理今釋今濟南府樂陵

縣東南有鈎盤河自平原德平去縣界流入至

海豐縣東入海 大清一統志般縣故城在今

濟南府德平縣東北 洪亮吉漢書發伏此處

般字師古云今土俗用如韋音下濟南郡般陽

即讀如盤蓋土音有正有不正也

莽曰分明

樂陵

水經注篤馬河東逕樂陵縣故城北 又云商

河又東逕樂陵縣故城南漢宣帝地節三年封

侍中史子長為侯國 師古樂音來各反 後

書邳彤傳注樂陵故城在今滄州樂陵縣東

元和志滄州樂陵縣本燕將樂毅攻齊所築漢

以為縣 方輿紀要樂陵故城在今武定州樂

陵縣南二十里 大清一統志樂陵故城即今

武定州樂陵縣治

都尉治莽曰美陽

祝阿

禮記武王克殷封帝堯之後於祝 春秋襄十

九年諸侯盟于祝阿傳作督揚杜注祝阿縣今

屬濟南郡督揚即祝阿也 水經瓠子水又東

北過祝阿縣為濟渠注云河水自四瀆口出會

濟水二瀆合而東注于祝阿也 水經注玉水

導源泰山朗公谷西北流逕祝阿縣故城東而

北注於濟春秋盟于祝阿左傳所謂督揚者也

漢興改之曰阿矣俗謂是水為祝阿澗水北流

注於濟 後書耿弇傳注祝阿今齊州縣也故

城在山荏縣東北 元和志今齊州禹城縣本

漢祝阿縣故城在今豐齊縣東北二里 寰宇

記祝阿縣在今長清縣東北四十五里禹城縣

東南八十里 續通典故祝阿城在今豐齊縣

北二里唐改名禹城 名勝志祝阿故城在今

濟南府長清縣東北三十里豐齊城北城址尚

存 肇域記禹城縣本漢之祝阿縣古祝國春

秋作祝柯猶東阿作東柯也 方輿紀要祝阿

城在今禹城縣西南十七里 大清一統志祝

阿故城在今濟南長清縣東北

莽曰安成

左傳哀十年晉趙鞅帥師伐齊取犁及轅杜注

祝阿縣西有轅城 水經注漯水又東北逕援

縣故城西 寰宇記援縣故城在今棗州陽信

縣東北五里禹城縣東一百里 山東通志援

城在今高唐州東南境 大清一統志援縣故

城在今濟南府禹城縣南 按右瑗援轅三字

並通用

莽曰東順亭

阿陽

水經注河水又東北逕陽阿縣故城西應劭曰

深陰縣東南五十里有陽阿鄉故縣也 寰宇

記阿陽故城在今禹城縣南七十里廢禹城縣

西北五十五里今縣南去七里 山東通志阿

陽城在今禹城縣南七里 大清一統志阿陽

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

故城在今濟南府禹成縣東 按本書外戚傳

孝成趙皇后屬陽阿主家學歌師古曰陽阿

平原之縣也今俗書阿字作河又或爲河陽皆後人所妄改據此則阿陽當作陽阿蓋傳寫誤也水經注本作陽阿

深陰

左傳哀十年晉趙鞅帥師伐齊取犂及轅杜注犂一名隰濟南有隰陰縣又二十三年晉荀瑤伐齊戰于犂邱又二十七年陳成子謂顏晉曰隰之役而父死焉杜注犂邱隰也史記曹相國世家攻深陰索隱曰深陰縣屬平原應劭曰深水出東武陽東北入海續郡國志作濕陰水經注深水又東北逕深陰縣故城此縣故犂邑也歷北深陰城南伏琛謂之深陽城地理風俗記曰平原深陰縣今巨深亭是也縣在深水之南因名寰宇記漢深陰廢縣城在今臨邑西十里宋武平齊移理於縣西北五十里名北隰陰城謂漢城爲隰陰城肇域記臨邑縣西十里有濕陰城漢書作深陰山東通志深陰城在今臨邑縣西境深一作隰本齊桓公封子廖之所大清一統志深陰故城在今濟南府臨邑縣西按功臣侯表武帝元狩三年封匈奴降王昆邪爲濕陰侯濕陰即深陰也

莽曰翼成

應劭曰音力水經注河水東北逕枋鄉應劭風俗記曰般縣東南六十里有枋鄉城故縣也又云商河又東逕枋鄉故城南元和志枋縣故城在滴河縣北十五里漢成帝鴻嘉四

年河水泛溢爲害河隄都尉許商鑿此河以通海故以商字爲名後人加水旁爲滴河又云今棗州滴河縣本漢枋縣隋開皇十六年于此置商河縣因北有滴河以名之肇域記商河縣本漢之枋縣縣南三里商河故道漢河隄都尉許商所鑿後人改爲商又加水旁隋因置滴河縣宋始改爲商大清一統志枋縣故城即今武定府商河縣治按王子侯表文帝四年封齊悼惠王子辟光武帝元狩元年封城陽頃王子讓並即此又按悼惠王傳作枋服虔曰音勒通鑑亦作枋史炤釋文亦音勒胡梅圃曰易大傳歸奇於枋王制用數之仞並音勒與應氏異

莽曰張鄉富平

應劭曰明帝更名厭次續郡國志厭次本富平明帝更名元和志今棗州郭下厭次縣本漢富平縣後漢更名曰厭次則厭次前已廢矣相傳以秦始皇東游厭氣至碣石次舍於此因名之寰宇記富平故城在今棗州陽信縣東三十里山東通志富平城在陵縣東北二十五里神頭店大清一統志武定府惠民縣本秦漢厭次縣後改富平爲侯國後漢永平五年復曰厭次義門讀書記地理志平原郡富平縣應劭曰明帝更名厭次顏注本傳云高祖功臣表有厭次侯爰類是則厭次之名其來久矣而說者乃云後漢始爲縣於此致疑斯未通也或漢初本名厭次中更富平至明帝乃復其故

中間曲折失其傳耳地理志稽疑功臣侯表厭次侯爰類厭次即富平酈道元云應劭謂明帝改富平爲厭次以表觀之知厭次舊名非始明帝殆復故耳予謂不然凡地名多屬古人所有而後世取以氏其縣如郟之改名禾成出自王莽而高祖已以禾成封公孫曲周置自武帝而高祖已以曲周封酈商金鄉置自東京而班氏王子侯表中已有之皆其例也按水經注云闕駟曰厭次縣本富平侯張安世封邑非也據本傳昭帝元鳳六年封右將軍張安世爲富平侯薨子延壽嗣國在陳留別邑在魏郡租入歲千餘萬延壽自以身無功德上書請減戶天子以爲有讓徙封平原并食一邑戶口如故而稅減半然則陳留之富平乃安世始封平原之富平乃延壽徙封也蓋平原之富平本名厭次功臣表高祖以之封爰類者又東方朔傳云平原厭次人是也自宣帝徙封富平侯張延壽于此因改爲富平至東漢明帝復更名厭次耳漢志略之顏注亦未及細考

侯國
恩澤侯表富平敬侯張安世昭帝元鳳六年封莽曰樂安亭

按御覽引此作樂陵亭
安惠

師古曰惠古德字水經注河水左逕安惠縣東又云篤馬河東北逕安惠縣故城西又云商河又北逕安惠縣故城南元和志今德州郭下安惠縣本漢舊縣又將陵縣亦安德縣

地馬頰河在縣南五十里 山東通志漢安縣治在今陵縣城舊學後 大清一統志今濟南府陵縣治即漢安縣也

合陽

寰宇記合陽故城在今信都縣東後漢併入扶鄉

侯國

功臣侯表合陽愛侯梁喜宣帝元康四年封莽曰宜鄉

樓虛

史記太倉公傳身居陽虛侯國 水經注河水又逕楊虛縣之故城東俗猶稱是城為陽城也 又云深水又東北逕楊虛縣東城在高唐城之西南 大清一統志楊虛城在今濟南府禹城縣西南 新校地理志樓虛當在今東昌府茌平縣東

侯國

功臣侯表樓虛侯嘗順元帝三年封 殿板漢書考證樓虛當作楊虛各本俱誤文帝封齊悼惠王子將闔為楊虛侯後漢光武封馬武為楊虛侯皆此縣也水經注可證 地理志稽疑按史表齊悼惠王子楊虛恭侯將廬漢表作楊邱恭侯安而別有楊虛侯將闔考楊邱漢志作陽邱在濟南楊虛倉公傳亦作陽虛酈道元以為在高唐引地志證之然今之地志無此文齊次風因以為即平原之樓虛但功臣表元帝時別有樓虛嘗順則齊氏之言亦未的要之道元以商河出於楊虛則自在高唐平原之間不可以

樓虛當之耳是楊邱楊虛為二地不可溷也將闔後嗣為齊諡孝則安得為侯時先諡恭乎是恭與孝為二諡亦不可溷也 水經注釋按漢志平原郡有樓虛無楊虛齊氏云樓乃楊之訛當以水經注證之然功臣表元帝封樓虛侯嘗順而范史馬武亦封楊虛侯續志無樓虛并無楊虛似是明章以後所省樓虛楊虛二名並見漢封抑或原是楊虛後改樓虛東京始建旋復故稱迨乎廢并杏爾無聞如以為誤殆不然矣

龍頰

師古曰今書本頰字或作額而崔浩云有龍頰村作額者非 又昭帝紀注云龍頰漢書本作頰字功臣侯表弓高壯侯韓諱封龍頰侯荀悅漢紀亦仍為頰崔浩曰頰音洛今河間有龍頰村與弓高相近然此地既名無別指義各依字書而讀之斯則通矣 寰宇記龍頰故城在廢禹城縣東南二十五里 山東通志龍頰城在長清縣東境 大清一統志龍頰故城在今河間府景州東三十里

侯國

功臣侯表龍頰侯韓諱武帝元朔五年封 按索隱曰平原是也而寰宇記則與弓高皆在信都非是

莽曰清鄉

安

水經注大河故瀆又北逕安陵縣西本修縣之安陵鄉地理風俗曰修縣東四十里有安陵鄉故安縣也 寰宇記安陵縣在德州西北一百

侯國

里本漢安縣舊地並失理所今縣東七里晉所置東安陵縣即漢安縣舊理微有遺址 大清一統志晉所置東安陵縣故城在今河間府吳橋縣西北即漢之安縣也舊志云在縣西北二十五里衛河東窰場店南里許

侯國

王子侯表安陽侯樂武帝元朔三年以濟北貞王子封注曰平原據本志平原但有安縣注云侯國則陽字終衍

漢書地理志補注卷二十九

千乘郡

應劭曰和帝更名樂安 續郡國志高帝西平昌置爲千乘永元七年更名樂安國 後書明帝紀注千乘郡今青州千乘縣也故城在今淄州高苑縣北 名勝志濱州漢千乘郡地五代周設爲濱州以地濱于海也 方輿紀要千乘郡今青州府以北至濟南府東境是其地 按漢千乘郡今山東青州府之博興高苑樂安三縣武定府之青城蒲臺二縣濟南府之新城縣皆其地

高帝置

地理志稽疑千乘郡故屬秦齊郡高帝六年分置屬齊國見水經注景帝後以支郡收

莽曰建信

按後書崔駰傳崔篆爲新建大尹新信字通也

屬青州有鐵官鹽官均輸官縣十五

千乘東鄒涇沃平安博昌蓼城建信狄琅槐樂安被陽高昌繁安高苑延鄉

千乘

史記田儻傳韓信使灌嬰破殺齊將田吸于千乘正義曰千乘故城在高苑縣北二十五里伏琛齊記千乘城在齊城西北一百五十里有南北二城相去三十里其一城縣治一城太守治 水經注潔水又東北逕千乘縣二城間隔會水即潔水之別名也又東北爲馬常坑坑東西八十里南北三十里亂河支流而入于海河

海之饒茲焉爲最 又云河水又東逕千乘縣故城北伏琛之所謂千乘北城者也 通典今青州千乘縣本漢舊縣 齊乘高苑縣北二十五里古千乘縣以齊景公有馬千駟敗於青邱得名縣有青邱濼即今清水泊也 肇域記千乘縣爲千乘郡治後漢徒治狄 大清一統志千乘故城在今青州府高苑縣北二十五里本齊邑漢置縣並置千乘郡治焉

有鐵官 按郡下已云有鐵官矣此處復出

東鄒

水經注潔水又東北逕東鄒縣故城北 大清一統志東鄒廢縣在今武定府青城縣以其在鄒平之東故加東字也晉志樂安國復領鄒縣蓋卽古東鄒矣或以鄒爲鄒平者誤

涇沃

水經注河水又東北爲涇沃津在涇沃縣故城南地理風俗記曰千乘縣西北五十里有大河河北有涇沃城故縣也 元和志今棣州蒲臺勃海二縣本漢涇沃縣也 肇域記蒲臺縣本漢之涇沃縣隋所置也 大清一統志涇沃故城在今武定府蒲臺縣西北 禹貢錐指濟涇之涇說文本作濕从水焜聲焜濕之濕說文本作溼从暴省聲隸改曰爲田又省一系遂作溼而濕轉爲溼溼溼二字遂混而無別漢千乘郡有濕沃縣溼水之所經故名而地理志誤爲溼司馬彪魏收皆溼承其誤惟水經注涇沃當從之 漢書商榷此縣之名當從溼水得名流俗

誤以濕水之濕爲燥溼之溼而濕水則改爲溼溼字廢不用今此刻反以燥溼之溼當濕字用小學謬亂不可爬梳 漢書考異溼當作溼音它合反 按本志平原之溼陰諸書引者皆作隕陰或濕陰而千乘郡之溼沃諸書引者又皆作溼沃或隕沃不知何故其實此三字皆有意義不可混也

莽曰延亭

平安

水經注濟水又東北逕爲淵渚謂之平州坑潔沃縣側有平安故城俗謂之會城非也應劭曰博昌縣西南三十里有平安亭故縣也世尙存平州之名矣 大清一統志平安故城在今濟南府新城縣東北舊志云會城在縣東北四十里與高苑縣接界或謂之高會城卽故平安也侯國

地理志稽疑云侯國而侯表中無以平安封者蓋失之 按孝成許皇后傳后姊子平安剛侯謁則是平安之封邑可知但侯表中無之耳 漢書考異史記將相名臣年表河平三年太僕平安侯王章爲右將軍此王舜之子漢志千乘郡有平安侯國卽舜所封也恩澤侯表外戚傳俱作安平誤

莽曰鴻陸

博昌

書序成王東伐淮夷遂踐奄遷其君于蒲姑左傳昭九年王使詹伯辭于晉曰蒲姑商奄吾東土也杜注博昌縣東北十五里有蒲姑故城

戰國策千乘博昌之間方數百里 應劭曰

昌水出東萊昌陽巨瓚口從東萊至博昌經歷宿水不得至也取其嘉名耳師古曰瓚說是

水經注濟水又逕薄姑城北郡國志曰博昌縣有薄姑城也 又云繩出營城東世謂之漢濤

水西北流經營城北又西逕博昌縣故城南十三州志曰縣處勢平故曰博昌又西北入時水

自下通謂之繩水昔晉侯與齊侯晏齊曰有酒如繩指此水也 括地志曰蒲姑故城在青州

博昌縣東北六十里蒲姑殷諸侯封於此周滅之也 後書魯恭王傳注博昌今青州縣也

元和志今青州博昌縣本漢舊縣昌水其勢平博故名 金史地理志博興縣有博昌鎮 肇

城記博興縣南二十里有博昌城漢縣也 大清一統志博昌故城在今青州府博興縣南二十

十里 新校地理志按郡國志縣有蒲姑城古字博薄同聲通用加美名曰昌故曰博昌

時水東北至鉅定 屬齊郡 入馬車瀆幽州篇

夏官職方其浸舊時 春秋莊九年公及齊師戰於乾時杜注乾時齊地時水在樂安界枝流

旱則乾竭故曰乾時 水經注時於博昌縣合繩水自下通謂之繩水故曰時繩之水又屈而

東北逕博昌城北又東北逕齊利縣故城北巨淀縣故城北廣饒縣故城北東北入淄水 又

云京相璠曰今樂安博昌縣南界有時水西通濟其上出盤陽北至高苑下有死時中無水杜

預亦云時水于樂安枝流旱則竭涸為春秋之乾時也 餘詳齊郡臨淄縣 蓼城

按蓼城非聊城也聊城今屬東昌府兩漢時並屬東郡續志云聊城有聶城劉昭注引左傳聊

攝是也又於樂安國蓼城注引杜預曰縣東北有攝城據杜言聊城有攝城非蓼城也又云聊

城有聶城注亦引左傳聊攝以東蓋因聊蓼二字聲音之近誤引杜解并忘其自相牴牾矣聊

城之西即衛地所謂齊西界也今雖未詳蓼城所在要是齊北之地不得與聊城混而為一矣

都尉治莽曰施武 建信

水經注潔水又東北逕建信縣故城北漢高帝七年封婁敬為侯國應劭曰臨濟縣西北五十

里有建信侯城都尉治故城者也 一統志建信故城在今青州府高苑縣西北 按本書婁

敬傳高帝七年封為關內侯號建信侯是虛名非封國猶魏晉之名號侯耳故史漢表中俱不

列敬封爵而本志亦不注侯國然應氏載有建信侯城之名則又何也全謝山曰漢家關內侯

之制不得稱國而未嘗不有食邑敬所食邑在建信故以名其城未審確否

狄

戰國策田單攻狄三月不下 史記陳涉世家

周市北徇地至狄狄人田儋殺令自立為齊王徐廣曰狄今之臨濟 又田儋傳章邯大破齊

楚軍殺田儋於臨濟 又曹參世家擊章邯軍

取臨濟 應劭曰安帝更名曰臨濟 續志臨

濟本狄安帝更名 晉書地道記狄伐衛懿公即此 水經濟水又東北過臨濟縣南注云縣

故狄邑也 漢記安帝永初二年改從今名以臨濟故風俗記曰樂安太守治 肇城記高苑

縣西北二里有狄城史記曰田單狄人也 一統志臨濟故城在今青州府高苑縣西北本齊

之狄也漢置狄縣後漢改曰臨濟 按史記項羽本紀立齊將田都為齊王都臨淄據高紀及

田儋傳並云都臨濟非臨淄也 莽曰利居 琅槐

水經注濟水又東北至甲下邑南東歷琅槐縣故城北山海經曰濟水絕鉅野注勃海入濟琅

槐東北者也地理風俗記曰博昌城東北八十里有琅槐鄉故縣也又東北河水枝津注之經

以為入河非也斯乃河水注濟非濟入河也又東北入海又云枝水東北逕琅槐縣故城南

師古曰槐音回 一統志琅槐故城在今青州府樂安縣東北一百十里

樂安 水經注濟水又東北逕樂安縣故城南應劭曰

取休令之名矣 後書和帝紀注樂安故城在今青州府博興縣北 按隋志博昌舊曰樂安開皇

十六年改 唐志博昌武德八年省樂安安平二縣入焉是隋以樂安入博昌唐初復置尋又

省入博昌也蓋隋以前之樂安非即今縣而今

之樂安乃隋唐及宋之千乘縣耳水經注樂安縣故城在博昌城西北五十里元和志千乘故城在高苑縣北二十五里自隋移千乘縣于廣饒金改爲樂安皆非漢縣矣又按水經注漢武帝元朔五年封李蔡爲樂安侯據本書公卿表及李廣衛青諸傳並同惟功臣表作安樂師古以爲表誤是也

被陽

水經注晏謨齊記云博昌城西北五十里有南北二城相去三十里中隔濟水北爲狄城南即被陽故城也後書歐陽欽傳注被陽故城在今淄州高苑縣西南八十步一統志被陽故城即今青州府高苑縣治如淳曰一作疲音罷軍之罷史表作披陽索隱曰蕭該披音皮劉氏音皮彼反宋祁曰被或作彼師古曰音皮彼反

侯國

王子侯表被陽敬侯燕武帝元朔四年以齊孝王子封

高昌

水經注濟水又東北逕高昌縣故城西世謂之馬昌城非也肇域記博興縣南有高昌城漢縣也一統志高昌故城在今青州府博興縣西南按功臣侯表宣帝地節四年封董忠爲高昌侯即此

繁安侯國

王子侯表繁安夷侯忠武帝元朔四年以齊孝王子封

莽曰瓦亭
高宛

史表作高苑續志作高宛苑苑古通用齊策軍重駐高宛鮑注高宛屬樂安水經注時水又西逕高苑縣故城南有東西二城東城則膠西王都西城則丙猜侯國括地志高苑故城在淄州長山縣北二十四里肇域記長山縣北二十里有高宛故城相傳爲齊桓公之苑圍今爲苑城店一統志高宛故城當在今濟南府新城縣青州府高苑縣之界閻若璩曰按水經注千乘郡治千乘縣然元和志云淄州高苑縣本漢舊縣漢千乘郡故城在縣北二十五里則漢時千乘郡治似在高苑縣矣全祖望曰史記膠西王都宛按膠西後改爲高密無宛縣徐廣遂以高宛當之殆非也或者膠西之苑縣武帝以後并省耳抑或高宛初屬膠西而後割爲千乘耶按功臣侯表有高宛制侯丙猜高帝六年封即此又按王子侯表有沈猶夷侯歲孝景元年以楚元王子封據元王傳沈猶屬千乘之高宛殆高宛之鄉名也

莽曰常鄉

延鄉

水經注蓋野溝水導源延鄉城東北平地出泉西北逕延鄉城北地理志曰千乘有延鄉世謂故城爲從城延從字相似讀隨字改所未詳也魏書地形志樂陵郡濕沃縣有延鄉城方輿紀要延鄉城在今青州府樂安縣西北山東通志延鄉城在今新城縣東牟莊東北一

統志延鄉故城在今濟南府新城縣東按功臣侯表成帝永始四年封李譔爲延鄉侯即此

漢書地理志補注卷三十 濟南郡

括地志濟南郡故城在今淄州長山縣西北二十五里 名勝志濟南郡以在濟水之南而名方輿紀要濟南郡今濟南府是其地 按漢濟南郡今山東濟南府之歷城章邱鄒平淄川長山濟陽六縣皆其地 故齊

地理志稽疑濟南故屬秦齊郡高帝六年分置封子肥為齊王仍屬之高后元年以濟南封呂台為呂國七年更為濟川國文帝元年復屬齊國 又云高后封平昌侯太為呂王已而改號濟川王見史記則濟南即濟川也胡梅欄失考乃曰在濟南濟川之間誤也顧宛溪又失考謂太所封之濟川即梁之濟川而不知梁之濟川是陳留乃景帝所封梁孝王子在濟陽其國名亦曰濟川而非太所封之濟川也 秦漢郡國考按高帝紀六年以膠東膠西臨淄濟北博陽城陽郡七十三縣立子肥為齊王膠東濟北皆王國臨淄齊國都博陽濟北國都明肥得王三齊故地也餘皆齊所私置郡秦滅齊分其國為齊郡琅邪郡都既大大其後齊復王勢不得以國名郡故楚漢之際齊所置郡較多於他國史記齊悼惠王世家孝惠時齊王獻城陽郡以為魯元公主湯沐邑高后割齊之濟南郡為呂王食邑孝文帝以齊之城陽郡立朱虛侯為城陽王以齊之濟北郡立東平侯為濟北王後齊孝王將閭以悼惠王子楊虛侯為齊王故齊別郡

盡以王悼惠王子志為濟北王辟光為濟南王賢為菑川王印為膠西王雒渠為膠東王與城陽齊凡七王皆因故齊別郡為國志於諸郡國俱云故齊文帝別為國不更著其為故某郡史例如此

文帝十六年別為濟南國景帝二年為郡 地理志稽疑文帝十六年封悼惠王子辟光為濟南王辟光立十一年以謀反誅國除為濟南郡

莽曰樂安屬青州縣十四 東平陵鄒平臺梁鄒土鼓於陵陽邱般陽管朝陽歷城獫狁宜成

東平陵

春秋莊十年齊師滅譚杜注譚國在濟南平陵縣西南 本書五行志元帝初元四年東平陵王伯墓門梓柱卒生枝葉上出屋 說苑齊桓公之平陵見家人有年而自養者 後書靈帝紀注東平陵故城在今濟州東 元和志今齊州金節縣春秋譚國之地齊滅之漢以為東平陵縣 水經注武原水又北逕東平陵縣故城西故陵城也後乃加平 齊乘濟南東七十五里春秋譚國漢為東平陵縣右扶風有平陵故此加東此城漢為王都唐為州治故城周二十餘里雉堞高峻 山東通志東平陵城在今歷城縣東七十五里章邱界上與龍山鎮相對 大清一統志東平陵故城在今濟南府歷城縣

有工官鐵官

續郡國志東平陵有鐵鄒平

水經注漯水又東逕鄒平縣故城北故鄒侯國舜後姚姓也 元和志今淄州鄒平縣本漢舊縣 寰宇記鄒平故城俗名趙臺城在今縣西南十五里 大清一統志鄒平故城在今濟南府鄒平縣北 日知錄漢書濟南郡之縣十四二曰鄒平三曰臺功臣表有臺定侯戴野後漢書濟南郡十城其四曰臺其八曰鄒平安帝紀云延光三年二月戊子濟南上言鳳皇集臺縣丞霍收舍樹上章懷注云臺縣屬濟南郡故城在今齊州平陵縣北晏子春秋景公為晏子封邑使田無宇致臺與無鹽水經注亦云濟水又東北逕臺縣北尋其上下文句本自了然後人讀後書誤從鄒字絕句因以鄒為一縣平臺為一縣齊乘遂謂漢濟南郡有鄒縣後漢改為鄒平又以臺平臺為二縣此不得其句讀而妄為之說 殿板漢書考證齊召南曰宋本監本及別本俱以鄒為一縣平臺為一縣此大誤也鄒平故城在今鄒平縣北與臨縣屬魯國者不同臺縣即高帝封功臣戴野為侯者與常山郡所屬之平臺縣宣帝封史玄為侯者又不同也當以鄒平連寫 春秋地理考實按輿地廣記謂淄州鄒平縣乃古鄒國即邾國兗州鄒縣乃邾文公所遷之邑今校水經注所云則鄒平非邾國明矣鄒平距鄒縣數百里地非相接豈能越遠而遷都文十三年邾文公卜遷于繹蓋自其國都遷於繹山之下必非自鄒平來徙也 按

魯國自有驕縣古驕與鄒通此濟南郡則當爲鄒平縣非鄒縣也水經注鄒平故鄒侯國舜後姚姓亦非遷釋之邦國也

臺

晏子春秋公爲之封邑使田無宇致臺與無鹽

三齊記高唐縣西南四十里有臺城 水經

濟水又東北過臺縣北注云武原水合關廬水

西出注巨合水西北逕臺縣故城南 後書安

帝紀注臺縣故城在今齊州平陵縣北 通典

齊州全節縣即漢臺縣故城也在今縣北 輿

地廣記漢臺縣故城在今歷城縣西 按功臣

侯表臺定侯戴野高祖六年封卽此 又按寰

宇記已誤以臺爲平臺矣其誤不自齊乘始也

惟齊乘分臺平臺爲二縣則更謬耳

莽曰臺治

梁鄒

水經濟水又東過梁鄒縣北 水經注時水西

北至梁鄒城入于濟非濟入時蓋時來入濟也

又云隴水又西北至梁鄒東南與魚子溝水

合隴水卽古袁水故京相璠曰濟南梁鄒縣有

袁水者也又西北逕梁鄒縣故城南而北注于

濟 元和志今淄州濟陽縣本漢梁鄒縣 肇

城記梁鄒故城在今鄒平縣北四十里卽孫家

鎮是也 山東通志梁鄒城在鄒平縣東十二

里 大清一統志梁鄒故城卽今濟南府鄒平

縣治 新校地理志魯詩傳云古有梁驕者天

子之田也依義則此鄒字應作驕 按功臣侯

表梁鄒孝侯武虎高帝六年封卽此

土鼓

水經注百脈水出土鼓縣故城西源方百步百

泉具出故謂之百脈水東北流注於濟 肇城

記淄川縣西五十里有土鼓城 大清一統志

土鼓故城在今濟南府淄川縣西 按魏書地

形志東魏郡博平縣有土鼓城蓋嘗徙治也

於陵

左傳昭十年陳桓子召子周而與之夫子杜注

濟南於陵縣西北有于亭 孟子陳仲子避兄

離母居於陵 晏謨齊記於陵城西三里有長

白山卽陳仲子夫妻所隱處 水經注魚子溝

水南出長白山東柳泉口卽陳仲子夫妻所

隱處其水逕於陵縣故城西北流注於隴水

元和志今淄州長山縣本漢於陵縣地 寰宇

記於陵故城在今淄州長山縣南二十五里

寰宇通志於陵城在今濟南府長山縣長白山

北 大清一統志於陵故城在今濟南府長山

縣西南舊志云在縣西南二十里

都尉治

山東考古錄漢濟南郡太守治東平陵而都尉

治於陵者以長白山多盜賊也

莽曰於陵

水經注百脈水西北流逕陽邱縣故城中世謂

之章邱城非也 通典今齊州章邱縣本漢陽

邱縣地 寰宇記陽邱故城在今章邱縣東南

十里 山東通志陽邱城在章邱縣北二十五

里 大清一統志陽邱故城在今濟南府章邱

縣東南 按王子侯表有楊邱其侯安齊悼惠

王子文帝四年封水經注曰濟南則陽邱也古

字楊陽本通史記倉公傳楊虛亦作陽虛是其

證已藝文志陽邱侯偃尤可據

般陽

應劭曰縣在般水之陽 水經注般水出般陽

縣東南龍山俗謂之左阜水西北逕其城南入

隴水又南 師古曰般音盤 元和志今淄州

郭下淄川縣本漢般陽縣 寰宇通志般水一

名頭河源發淄川縣南十五里北流分爲二派

俱入王孝婦河 肇城記今淄川縣城卽漢之

般陽縣 大清一統志般陽故城在今濟南府

淄川縣治般水在縣東南十五里 按今般水

一名峪頭河在淄川縣南十八里冬則東溫西

涼夏則東涼西溫俗呼爲溫涼河 又按宋書

州郡志魏書地形志並作盤陽北齊平州刺史

朱岱林墓誌又作盤陽蓋古字通用

莽曰濟南亭

山東考古錄地理志般陽莽曰濟南亭而後漢

書章帝紀元和二年進幸濟南注云縣名今淄

川及考郡國志又無此縣不知章懷何所據而

云然也

管

應劭曰音姦 水經濟水又東北過管縣南注

云東逕管縣故城南右納百脈水 元和志今

齊州臨濟縣本漢管縣 齊乘管縣城在今章

邱縣臨濟鎮北舊地記引太康記志以爲管叔

之後封于此齊滅管故其子孫仕齊按書稱致

辟管叔古史謂管叔鮮罪大無後管夷吾出自周穆王至夷吾始顯豈管叔之後耶鄭州管城乃管叔所封魯有管邑大夫采地惟齊無管城此卽漢之管城而傳寫致誤 肇域記故管城在今章邱縣西北二十五里今名水寨 山東通志管城在今章邱縣西北六十餘里臨濟鎮北 大清一統志管縣故城在今濟南府章邱縣西北 按王子侯表有管共侯罷軍孝文四年以齊悼惠王子封管乃管之譌卽濟南之管縣也齊王子所封其地自當在齊境索隱以榮陽之管城當之誤矣

朝陽

應劭曰縣在朝水之陽 水經注漯水又東北逕東朝陽縣故城南地理風俗記曰南陽有朝陽故此加東 後書耿弇傳注縣在朝水之陽今朝陽在濟水北有漯河在今齊州臨濟縣東 寰宇記朝陽故城在臨濟縣東四十里 輿地廣記齊州臨邑縣有朝陽城漢朝陽縣也後漢爲東朝陽後廢入臨邑 齊乘朝陽故城在章邱縣東二十五里 肇域記章邱縣西北六十里有臨濟城漢爲朝陽縣 大清一統志朝陽在今濟南府章邱縣西北 按朝水卽漯水也東朝陽後漢所改

侯國

王子侯表朝陽荒侯聖宣帝本始元年以廣陵

厲王子封

莽曰修治

歷城

春秋桓十八年公會齊侯於濼杜注濼水在濟南歷城縣西北入濟 史記晉世家平公元年伐齊齊靈公與戰於靡下 又田齊世家王建四十年秦兵次於歷下 又淮陰侯傳渡河襲齊歷下軍徐廣曰濟南歷城縣也 又高祖紀三年使酈食其說齊王田廣罷歷下軍 三齊記歷下城南對歷山城在山下故名歷下城也

水經注歷城縣南對山卽歷山也上有舜祠舜耕歷山亦云在此下有穴謂之舜井泉源競發謂之歷水與濼水會 又云濼水出歷城故城西南泉源上奮水湧若輪春秋公會齊侯於濼是也其水北流注於濟謂之濼口濼音洛 後書安帝紀注歷城縣今齊州縣也 元和志今齊州郭下歷城縣古齊歷下城對歷山之

下漢舊縣也 寰宇記歷山在齊州歷城縣南五里一名舜耕山歷水在縣東門外十步與濼水同入鵝山湖 方輿紀要歷下城在濟南府城西或以爲卽春秋時齊之鞏邑成二年齊晉戰於鞏是也其後謂之歷下遂謂之歷城 高士奇春秋地名考略左傳成二年師陳於鞏近志云鞏卽古之歷下此不易之論也 史記云戰於靡下徐廣云靡當作歷蓋因靡笄之下省文爲靡下靡字又譌而爲歷耳 大清一統志歷下故城在今濟南府歷城縣治西歷山在縣南五星歷水在縣東

有鐵官

續郡國志歷城縣有鐵 新唐書地理志歷城有鐵 名勝志按三齊記歷城縣有鐵牛山爲

一郡之鎮今在府學大門內微露其脊漢志謂歷城有鐵蓋指此 山東考古錄漢時濟南爲產鐵之地故東平陵歷城並有鐵官後書韓稜傳肅宗賜陳寵寶劍曰濟南權成注權直追反漢官作鍛成是不惟產鐵又出名劍今府學之鐵牛靈山石寺之鐵袈裟皆鐵之精英發見於地上者也

獡

應劭曰音篋 蘇林曰音交今東朝陽有獡亭 蔡謨曰音由又音鴉 師古曰蔡音是音于虬反 錢大昕曰交由聲相近 錢坫曰古無獡字如應音則虬字之誤如蘇蔡音則虬字之誤 大清一統志獡縣故城在今濟南府章邱縣北

侯國

王子侯表

侯起武帝征和元年以趙敬肅王子封

莽曰利成

著

本書曹參傳從下齊收著師古曰詩齊風俟我于著乎而卽著縣也 水經注漯水又東北逕著縣故城南 寰宇記著縣在臨邑縣東南五十里 師古曰著音竹庶反又音直庶反而韋昭以爲著龜之著字乃音弛咨反失之遠矣 山東通志著縣在濟陽縣卽今曲堤鎮之故城址 大清一統志著縣故城在今濟南府濟陽縣西南 按寰宇記云相傳地生神著每年貢四十九莖齊乘亦沿其說蓋後人因韋昭所讀

而神其說也

宜成侯國

功臣侯表宜成侯燕倉昭帝元鳳元年封 按王子侯表菑川懿王子偃封宜成侯注曰平原考本志平原無宜成縣而濟南之宜成爲侯國則表注誤也況菑川王子所封則不在平原可知

漢書地理志補注卷三十一

泰山郡

方輿紀要泰山郡今濟南府泰安州以北及兗州府東北境皆是其地按漢泰山郡今山東泰安府之泰安肥城新泰萊蕪四縣兗州府之嶧陽寧陽滕汶上四縣沂州府之費蒙陰沂水三縣濟南府之淄川長清二縣皆其地

高帝置

方輿紀要泰山郡故齊國地文二年分置濟北國三年國除十六年復分齊爲濟北國元狩初濟北王獻泰山及其旁邑于是立泰山郡後元二年以濟北并入泰山郡 地理志稽疑泰山故屬秦齊郡楚漢之際屬齊國尋爲濟北國復屬齊國分置濟北博陽二郡高帝四年屬漢改博陽曰泰山仍屬齊國文帝二年別屬濟北國四年復故十六年復屬濟北國景帝四年復故五年復屬濟北國武帝元鼎元年獻泰山及其旁邑其國如故後元二年并濟北入泰山 又云博陽郡楚漢之間分濟北置見高紀以封齊王按月表濟北國都博陽則本屬濟北及封齊王已分置矣蓋卽漢之泰山而後并濟北入之者也東京又分泰山濟北爲二則泰山仍得博縣是其証也 又云前志泰山郡云博縣卽博陽也劉貢父疑博陽置郡之無徵不知卽泰山也奉高未置縣以前泰山卽治博縣以是益知其爲博陽也

屬兗州有工官汶水出萊毋西入濟

師古曰汶音問毋與蕪同 漢書考異萊蕪縣

下云又禹貢汶水出西南入泲汶水桑欽所言

與此文重出而有詳略之異小顏注既云毋與蕪同則萊蕪縣下云云爲衍字矣此文汶水上常有禹貢二字入濟下常有桑欽所言四字濟當作泲 新校地理志汶水出萊毋西入濟八字疑後人所加

縣二十四

奉高博茌廬肥成地邱剛柴蓋梁父東平陽南武陽萊蕪鉅平贏牟蒙陰華寧陽棗邱富陽桃山桃鄉式

奉高

邱淵之齊記泰山東岳也贏博二縣共界漢武封禪割此縣以供祀泰山故曰奉高 水經注汶水又東南逕奉高縣北漢武帝元封元年立以奉泰山之祀泰山郡治也 寰宇記奉高分贏博二縣所置大清一統志奉高廢縣在今泰安府泰安縣東北十七里 有明堂在西南四里武帝元封二年造

史記封禪書泰山東北趾古時有明堂處處險不敞上欲治明堂奉高旁未曉其制度濟南人公玉帶上黃帝時明堂圖於是上令奉高作明堂汶上如帶圖 本書武帝紀元封二年夏祀泰山秋作明堂於泰山下 水經注北汾水又東南流逕明堂下世謂此水爲石汶 括地志博城東北三十里汶水上有明堂故址此周明堂也其在泰安州東十里者爲漢明堂 肇城記泰安州東北四十里有周明堂址州東十里 有漢明堂址

有工官博

左傳哀十一年公會吳伐齊克博杜注博齊邑屬泰山 史記項羽本紀項羽方渡河救趙田安下濟北數城引兵降羽羽故立為濟博王治博陽 又灌嬰傳追齊相田橫至贏博破其騎 又傅寬傳屬相國參殘博師古曰屬曹參以殘破博縣也水經汾水過奉高縣北屈從縣西南流過博縣西北注云汾水南逕博縣故城東屈從其城南西流不在西北也 元和志兗州乾封縣本齊之博邑漢之博縣也 肇域記泰安州東南三十里有博城漢縣也 大清一統志博縣故城在今泰安府泰安縣東南 按功臣侯表高后元年封馮無擇為博成侯張守節謂今兗州博成本漢縣不知其為泰山之博縣而非博成也本表別有博城見後

有泰山廟 本書郊祀志宣帝神爵元年定制祀東嶽泰山於博 風俗通岱宗廟在博縣西北三十里 水經注從征記曰泰山有下中上三廟牆闕嚴整廟中柏樹夾兩階大二十餘圍蓋漢武所植也亦眉嘗斫一樹見血而止今斧創猶存門閭三重樓榭四所三層臺一所樹前有大井香冷異於凡水不知何代所掘中廟去下廟五里屋宇又崇麗於下廟廟東西夾澗上廟在山頂即封禪地也 大清一統志岱廟在今泰安縣城西北隅廟內有漢柏唐槐 岱山在西北兗州山

在

舜典歲二月東巡狩至於岱宗 詩魯頌泰山巖巖魯邦所瞻 夏官職方兗州山鎮曰岱山 鄭注岱山在北博 爾雅釋山河東岱郭注岱宗泰山 又泰山為東嶽 尸子泰山中有神房阿閣三十六洞天之一也 史記貨殖傳泰山其陽則魯其陰則齊 五經通義泰山一曰岱宗東方萬物始交代之處宗長也言為羣嶽之長也 風俗通舊說岱宗上有金篋玉策能知人年壽修短漢武帝探策得十八因倒讀曰八十其後果壽長八十 博物志泰山一曰天孫言為天帝之孫主召人魂魄知人生命之長短 道書福地記泰山高四千九百丈二尺週迴二十里括地志泰山在兗州博城縣西三十里 唐六典泰山周一百六十里高四十餘里 元和志泰山在乾封縣西北三十里 文獻通考泰山為岱宗者以其處東北居寅丑之間萬物始終之地陰陽交泰之所為衆山之所宗主也 大清一統志泰山在今泰安府城北五里是為東嶽亦曰岱宗

續志作在 應劭曰在東北音淄 水經注濟水又東北與中川水合水出山在縣北流逕盧縣故城北入濟俗謂之沙溝水 師古曰音仕疑反 元和志今齊州豐齊縣本漢在縣也取縣東北在名 寰宇記在縣城在今長清縣東北四十里 宋祁曰在當作在 肇城記長清縣東北三十里有山在城漢縣唐改名豐齊今為鎮 山東通志在城在長清縣東

盧

南五十里 大清一統志曹魏時山在故城在今濟南府長清縣東北即漢在縣 左傳隱三年齊鄭盟於石門尋盧之盟也杜注盧齊地今濟北盧縣故城是 又成十七年齊高弱以盧叛 又襄十八年晉趙武韓起以上軍圍盧 史記曹相國世家考盧索隱曰盧縣屬泰山 晉書地道記盧扁鵲所生 水經注濟水又西逕平陰城西春秋襄十八年晉侯沈玉濟河會於魯濟同伐齊齊侯禦諸平陰京相璠曰平陰齊地在盧縣故城西南十里其水引濟故潰尚存 通典今濟州所理盧縣漢舊縣有盧水 元和志今鄆州盧縣本漢舊縣又齊州長清縣亦漢盧縣地 史記正義扁鵲為醫或在齊故又號盧醫 寰宇記盧城在長清縣南五十里 大清一統志盧縣城在今濟南府長清縣南舊志云在縣南二十五里 都尉治濟北王都也

水經注濟水又東北逕盧縣北又逕盧縣故城北今世謂之盧子城濟北郡治也蓋以濟水在北故名勝志濟北城在今濟南府長清縣西三十里舊志以為隋大業間名非也 地理志稽疑按濟北王傳云國除為北安縣今志無此縣殆其後改名為盧者 新校地理志濟北淮王長子勃所封本傳云國除為北安縣屬泰山郡是始名北安後改名盧也史無可考之地矣 肥成 水經注泌水出肥成縣東北白原西南流逕肥

成縣故城南樂正子春謂其弟子曰子適齊過肥肥有君子焉即此處也 後書章帝紀注肥成縣故城在今濟州平陰縣東南 元和志今鄆州平陰縣本漢肥成縣地 名勝志肥河在今肥成縣東十里與縣東北之孤山河東南之合溝河合 方輿紀要肥成故城在今濟南府肥城縣西 大清一統志今泰安府肥城縣漢置肥河在縣南即古蛇水也 按應仲遠謂肥成即古肥子國據本志真定國縣蠻縣注云故肥子國又杜氏左傳注肥子國在鉅鹿下曲陽縣西南今有肥壘城則肥子國屬真定者爲是元和志復主應氏之說非也

蛇邱

鄭德讀蛇爲移 師古蛇音移 左傳襄二十三年臧宜叔娶於鑄杜注鑄國濟北有蛇邱縣所治鑄鄉城是也春秋定十三年築蛇淵囿京相璠曰濟北有蛇邱城下有水魯囿也 呂氏春秋武王勝殷未下鑿命封黃帝之後於鑄高誘注鑄國名 水經注汶水又西逕蛇邱縣南縣有鑄鄉故城 又云汶水又西蛇水注之出水泰山西南流逕鑄城西左傳所謂蛇淵囿也俗謂之濁須水非矣 輿地廣記按水經注云汶水又西洗水出焉又西逕蛇邱縣南又云蛇水西南逕下謹城南蛇水即謹水也今洗水謹水並在龔邱縣則龔邱亦蛇邱地矣 山東通志蛇邱城在泰安縣西南一百餘里 大清一統志蛇邱故城在今泰安府肥城縣南春秋魯蛇淵囿也亦曰鑄鄉 按樂記武王封帝堯

之後於祝鄭注祝或爲鑄考古祝鑄同音淮南俶真訓曰冶弓之鑄器高誘注云鑄讀作祝隧鄉故隧國春秋曰齊人殲於隧也

春秋莊十三年齊人滅遂杜注遂國在濟北蛇邱縣東北 又十七年齊人殲於遂 又昭八年史趙曰舜重之以明德實德於遂遂世守之及胡公不淫故周賜之姓使祀虞帝杜注殷之興存舜之後而封於遂胡公滿遂之後也武王賜姓曰媯封諸陳 史記齊世家桓公伐魯魯莊公請獻遂地以和 水經注京相璠曰遂在蛇邱縣東北十里今城乃在蛇邱西北也 大清一統志遂城在今肥城縣南 按隧當作遂春秋史記郡國志並同此真是流俗之譌而顏氏不能正之反曰隧音遂可謂謬極

剛閩

春秋哀八年齊人取剛杜注剛在東平剛縣北戰國爲齊之剛邑 史記穰侯傳昭王三十六年穰侯言客卿竈欲伐齊取剛壽以廣其陶邑徐廣曰濟北有剛縣 水經注汶水又西南逕剛縣北縣本魯剛邑也京相璠曰剛縣西四十里有剛城亭 又云洙泗逕南平陽縣南洗水注之呂忱曰洗水出東平陽上承汶水于剛縣西闡亭東爾雅曰汶別爲闡其由洛之有波矣 又云於延水又東逕剛城南 後書戴封傳注剛縣故城在今兗州龔邱縣東北 大清一統志剛縣故城在今兗州府寧陽縣東北五十里 按水經注作剛縣據王莽更名曰柔則剛字爲是

莽曰柔

柴 水經注淄水又西南逕柴縣故城北世謂之柴汶矣 山東通志柴城在泰安縣東南五十餘里 大清一統志廢柴縣在今泰安府泰安縣南舊志云今有柴城堡柴汶在府治東北四十里源出嶽旁仙臺嶺南流經府東三十里入汶 按王子侯表有柴原侯代武帝元朔四年以齊孝王子封即此

蓋

說文鄆地名從邑盍聲 師古曰蓋讀如本字又音古盍反又音公臘反 後書琅邪孝王傳注蓋縣故城在今沂州沂水縣西北 肇域記沂水縣西北八十里有蓋城孟子蓋大夫王驩陳仲子兄蓋蓋祿萬鍾並即此 大清一統志蓋縣故城在今沂州府沂水縣西北七十里戰國時齊邑也 按恩澤侯表景帝中元五年封王信王子侯表武帝元朔三年封河間獻王子讓並即此

臨樂于山

寰宇記艾山一名臨樂山在今沂州新太縣東北三十里沂水新出也 齊乘蒙縣東北地名南河川小阜之下有狗泉即沂水之源也疑此即臨樂山 大清一統志臨樂山在今沂州府蒙陰縣東北 按說文及水經並作臨樂山無于字故後世地志多宗之則于字當衍 沂水所出西北至蓋入泗舊作池誤水 春秋莊九年浚洙京相璠曰洙水在魯城北浚

深之為齊備也 說文洙水出泰山蓋臨樂山北入泗水朱聲 水經洙水出泰山蓋縣臨樂山西南至卞縣入於泗注云洙水自山西北境逕蓋縣又西逕東平陽縣又西南流於卞城西泗水亂流西南至魯縣東北又分為二水西北流逕孔里北自謂洙泗之間矣又南逕瑕邱城東又西南逕南平陽縣之顯閭亭又南洙水注之又南至高平南入於泗水 元和志洙水東去瑕邱縣二十三里泗水東自曲阜縣界流入與洙水合 闕里志今洙水與泗水不通上源在聖林之東北止一溝瀆似古魯城之隍也穿聖林而橫流過先聖墓前出林復西南流入於沂其古道不可考矣 大清一統志洙水在今曲阜縣北四里泗水分流也上源既不遠而下流即入西沂與水經注故道迥殊其分流之處或以為今之濟河自府城東金口閘分流貫城而西出至濟寧州界會洙水入運河疑即洙水故瀆又以府城北二十五里有沙河三十里有漕河九折而下矯若游龍亦名九龍灣皆自寧陽縣流入又西入洙疑即洙水枝津也 殿板漢書考證齊召南曰池水應作泗水水經注引此文云西北至蓋入泗水或作池字字誤也 觀此則鄭氏以前本已有誤作入池者矣

又沂水南至下邳 屬東海郡

入泗

鄭康成周禮注沂山沂水所出也在蓋 賈公彥周禮正義沂出沂水山水乃取名於山故知

沂水出焉 說文沂水出東海費縣東西入泗 一曰出泰山蓋縣青州浸 水經沂水出泰山蓋縣艾山南過琅邪臨沂縣東又南過開陽縣東又東過襄贛縣東屈從縣西南流又屈南過郟縣西又南過良城縣西又南過下邳縣西南入於泗注云鄭玄云沂水出沂山亦或云臨樂山有二源南源世謂之柞泉北源世謂之魚窮泉俱東南合流成一川又東逕蓋縣故城南又東南逕東莞縣故城西又南逕東安縣故城東又南逕陽都縣故城東又南逕臨沂縣故城東於下邳縣北西流分為二水並入泗 齊乘鄭康成云沂水出沂山今蒙陰縣東北地名南河川小阜之下有曰狗泉此沂源也東南經馬頭固山有泉東流與之合北望沂山五十里殊無別源據周禮沂山因沂水得名康成又齊之大儒不應有誤疑沂山水源古流今竭耳 今水經沂水源發青州府沂水縣西北一百九十里雕崖山南流經縣南二里至沂州枋水入之枋水源發大崖阜東南流經沂州郟城縣入郟州界合沂水西流過下邳城西西南入於泗水 禹貢錐指黃子鴻云周禮青州鎮曰沂山鄭康成謂沂水所出今沂水實出雕崖山北去東泰山尚五十餘里則古沂山當即指此隋唐時始移沂山之名於東泰山而祀之以為東鎮其實二山不可混也此言甚覈臨樂艾山雕崖疑即沂山支阜之異名山跨蒙沂二縣之境故縣志各載為沂源耳齊乘所謂狗泉者即北源之魚窮泉其出馬頭固山者即南源之作也

尚書地理今釋沂水出今沂州府沂水縣西一百七十里雕崖山即古沂山也或云艾山皆沂山支阜之異名耳其水接蒙陰縣界南流至江南淮安府宿遷縣北匯為駱馬湖又南入運河 大清一統志沂水源出蒙陰縣北東南流經沂水縣西又南流沂州界經蘭山縣東又南流經郟城縣西又南流入江南郟州界 皇朝通志沂河源出沂水縣西北經縣城西折而西南有東汶河自蒙陰縣來會南流至沂州府東北有枋河自費縣來會又南有涑河亦至費縣來會又西南經郟城縣西又西南入江南郟州界有涑河支津來會又西南分三派其二支先入運河一支匯為駱馬湖於湖之南入運河 水道提綱沂河即古沂水源出沂水縣西北之東鎮沂山俗曰東泰山是也其西麓曰大弁山與雕崖山亦曰艾山東南流又折而南經縣城西又折而西南有東汶河自西北來會水勢益盛東汶河即沂水西源也亦名桑泉河出蒙陰縣五女山東流經蒙山東又東南與沂水會既合而南流入江南郟州界匯為駱馬湖入運河 按徐兗之水以沂名者非一其出曲阜縣尼山西北經魯之雩門者金仁山謂此曾點浴沂之沂齊乘所謂沂水也其出東武陽之冠石山者即說文所謂沂水出東海費縣東西入泗俗謂之小沂水是也而沂水之大則莫有出於泰山之蓋縣者 過郡五行六百里

按過泰山城陽琅邪東海四郡五字誤

青州籍

夏官職方青州其浸沂沭 漢書商榷按禹貢沂在徐州職方云青州浸者徐地周入青也

邑爲魯所取顧宛溪高江村於宣八年城平陽並引哀二十七年盟越后庸事是誤以鄒縣之西平陽爲卽此東平陽矣

臣謝息者 從征記萊蕪城在萊蕪谷當路阻絕兩山間道由南北門漢未有范史雲爲萊蕪令言萊蕪在齊非魯所得引舊說云齊靈公滅萊萊民播流此谷邑落荒蕪故曰萊蕪禹貢所謂萊夷也 後書范丹傳注萊蕪故城在今淄川縣東南 元和志今兗州萊蕪縣本漢縣也故城在今淄州東南六十里 大一統志萊蕪故城在今濟南府淄川縣東南地形志云東清河郡貝邱縣有萊蕪城又泰山郡牟縣亦有萊蕪城蓋在魏晉間已嘗西徙於今萊蕪縣界也

史記始皇本紀二十八年禪梁父刻所立石臣瓚曰梁父泰山下小山也 又封禪書八神二曰地主祠泰山梁父 白虎通增泰山之高以放天附梁父之基以報地 水經注淄水又逕梁父縣故城南縣北有梁父山開山圖曰泰山在左亢父在右亢父主生梁父主死王者封泰山禪梁父故縣取名焉 又云柴汶水出泰山梁父縣東南流逕菟裘城北又逕梁父縣故城南 師古曰以山名縣也父音甫 括地志梁父故城在今兗州府泗水縣北八里 肇城記泗水縣北四里有梁父城漢縣今爲故縣村 大一統志梁父故城在今泰安府城南六十里舊志云與兗州府泗水縣接界梁父山在府南一百十里新泰縣西四十里

南武陽 後書陳俊傳注南武陽故城在今沂州費縣西年改 大一統志南武陽故城在今沂州府費縣西北七十里以東郡有武陽故此加南字冠石山治水所出南至下邳 屬東海郡

原山 水經注萊蕪縣在齊城西南原山又在縣西南六十許里 元和志原山去臨淄縣六十里寰宇記原山在今淄州淄川縣東南七十里淮南子謂之殆山 齊乘原山在般陽府東南七十里今名岳陽山跨臨淄益都兩縣界淄出其陰汶出其陽 明統志原山在萊蕪縣東北八十里今名岳陽山 方輿紀要原山在淄川縣南九十里西去萊蕪縣七十里東接益都縣界淄水出其陰汶水出其陽 山東通志原山在淄川縣東南四十里爲萊蕪博山淄川三縣界 大一統志原山在今青州府博山縣東二十五里岳陽山在博山縣東南三十里與原山相去五十餘里齊乘混而爲一誤也 又云原山在今泰安府萊蕪縣東北七十里高二十餘里一名飴山府志云淮南子淄水出飴山卽原山別名東接益都西接章邱北接淄川發出羣

東平陽 春秋宣八年城平陽杜注今泰山有平陽縣本書灌嬰傳擊破楚騎於平陽師古曰此平陽在河南地理志泰山有東平陽縣 水經注洙水又西逕泰山東平陽縣河東有平陽故此加東 元和志今沂州新泰縣春秋時魯平陽邑也漢爲東平陽縣 山東通志東平陽城卽今新泰縣之外郭 大一統志東平陽故城在今泰安府新泰縣西北 按魯有兩平陽此東平陽也西平陽在兗州府鄒縣西三十里本邦

入泗 應劭曰武水所出南入泗 水經注治水出泰山南武陽縣之冠石山地理風俗記曰冠石山武水出焉蓋水之異名也東流逕蒙山下又東南逕顯與城北又東南逕費縣故城南俗亦謂之小沂水又東南逕勸城南又東南注於沂 大一統志聰山在費縣西北百里卽古冠石山凌水發源於此 又云武河在江南邳州南自山東嶧縣流入卽古治水也 又云小沂水源出費縣西北聰山東南至蘭山縣入於沂古名治水亦名武水又名凌河

過郡二 過泰山東海二郡 行九百四十里 按自南武陽至下邳無九百四十里當有誤字 莽曰桓宣 萊蕪 應劭曰萊蕪縣本魯萊柞邑季孫所以與孟氏

東平陽 春秋宣八年城平陽杜注今泰山有平陽縣本書灌嬰傳擊破楚騎於平陽師古曰此平陽在河南地理志泰山有東平陽縣 水經注洙水又西逕泰山東平陽縣河東有平陽故此加東 元和志今沂州新泰縣春秋時魯平陽邑也漢爲東平陽縣 山東通志東平陽城卽今新泰縣之外郭 大一統志東平陽故城在今泰安府新泰縣西北 按魯有兩平陽此東平陽也西平陽在兗州府鄒縣西三十里本邦

過郡二 過泰山東海二郡 行九百四十里 按自南武陽至下邳無九百四十里當有誤字 莽曰桓宣 萊蕪 應劭曰萊蕪縣本魯萊柞邑季孫所以與孟氏

過郡二 過泰山東海二郡 行九百四十里 按自南武陽至下邳無九百四十里當有誤字 莽曰桓宣 萊蕪 應劭曰萊蕪縣本魯萊柞邑季孫所以與孟氏

山之上一名馬耳山舊有馬耳山關為扼險之所亦曰馬耳谷

留水所出東至博昌

屬千乘郡

入泲幽州

禹貢瀕淄其道 夏官職方幽州其浸菑時鄭

注淄出萊蕪 淮南子淄水出萊蕪館山 水

經淄水出泰山萊蕪縣原山又東北過臨淄縣

東又東過利縣東又東北入於海 水經注淄

水出萊蕪縣西南原山下世謂之原泉東北流

逕萊蕪谷屈而西北流逕其縣故城南又西北

轉逕城西又北出山謂之萊蕪口自山東北流

逕牛山西又東逕臨淄縣故城南又北逕其城

東又東北逕東安平城北又東逕巨淀縣故城

南又東北逕廣饒縣故城南又東北馬車瀆水

注之亂流東北逕琅槐故城南又東北至皮邱

坑入於海 元和志淄水出淄川縣理東南原

山去縣六十里俗傳禹理水功畢土石黑數里

之中波流若漆故謂之淄水 齊乘淄水出今

益都縣顏神鎮東南二十五里岳陽山東麓地

名泉河古萊蕪地岳陽即原山也東北流經萊

蕪谷又北經長峪道出峪東流又東北經牛山

折而北漸臨淄東城又東北經安平故城北又

東北經東安縣東又北入巨淀又北出注馬車

瀆合時水入臨淄多伏流俗謂上下有十八漏

杜預謂淄入汶班固謂淄入濟桑欽謂淄入海

諸說惟桑氏為有據 今水經淄水出泰安州

萊蕪縣原山之陽北流經臨淄至壽光縣時繩

之水注之又東北入於海 禹貢長箋淄水地

志云入濟水經獨云入海者馬車瀆以下乃濟

水入海處淄水入海之道與濟水正同非經志

互有齟齬也 禹貢雖指說文有菑字淄字而

無淄字淄或作菑或作菑周禮幽州浸曰菑時

是也 尚書地理今釋淄水出今青州府益都

縣西南顏神鎮東南二十五里岳陽山即原山

也其山接濟南府章邱淄川萊蕪三縣淄水出

于山之東谷東北流至青州府壽光縣北曰清

水泊入海禹時淄水入海不入濟水經注敘述

甚明史記河渠書亦云禹治水之後于齊則通

菑濟之間是二水不通可知蔡傳因漢書淄水

入濟一語遂云淄水東入濟非是 大清一統

志淄水源出博山縣西二十五里原山之陰東

北流逕長峪道歷益都又東北經臨淄縣東又

北經東安縣南又東北逕壽光縣東北合清水

泊入海 水道提綱淄水源出淄川縣西南與

萊蕪接界之原山東東流經青石關又東至石

門山下折而北流又東出牛山口又北經臨淄

城東樂安縣東南又東北六十餘里入清水泊

會北陽河東北入海 皇朝通志淄水源出淄

川縣西南東北流經臨淄城東又北經樂安縣

東南又東北入清水泊以入海 地理志稽疑

河渠書云於齊則通菑濟之間按地志所言即

齊所通也但淄水經流入海其支流則齊人導

之由形水以入濟地志亦微有失 漢書商榷

淄水禹貢在青州而職方以為幽州浸者青地

北至千乘博昌入海而原文作入泲蓋由濟以

入海也

又禹貢汶水出西南入泲汶水桑欽所言

禹貢浮於汶 水經汶水出泰山萊蕪縣原山

西南過其縣南又東南過奉高縣北屈從縣西

南流過博縣西北又西南過地邱縣南剛縣北

章縣南無鹽縣南壽張縣北至安民亭入於濟

從征記汶水出萊蕪縣西南流自入萊蕪谷

夾路連山數百里水隍多行石澗中 元和志

汶水源出乾封縣東北原山西南經縣理南去

縣三里又有北汶羸汶柴汶牟汶合焉縣界凡

有五汶皆源別而流同也 齊乘入海之汶見

禹貢及論語即今之大清河也入濰之汶見漢

書入于沂之汶見水經齊有三汶清河為大述

征記云泰山郡水皆名為汶有北汶羸汶柴汶

牟汶皆源別流同又在三汶之外者也 今水

經汶水其源有三一發濟南府城南七十里泰

山之旁仙臺嶺一發萊蕪縣東五十里原山之

陽一發萊蕪縣寨子村至泰安州靜封鎮合焉

名曰塹汶西南流與泰安州東南四十里徂徠

山陽之小汶河合又西南流入兗州府境逕寧

陽平陰汶上縣界又西至東平州界注於大清

河大清河即濟河之故道蓋濟水伏流不見故

惟汶水由濟以入於海 四書釋地論語在汶

之汶指徐州言以魯事也汶出泰山萊蕪縣原

山西南入濟與出琅邪朱虛縣東泰山至安邱

入濰者別在齊之南魯之北二國之境以汶分

今濟南府萊蕪縣其源非一合流於泰安州之靜封鎮謂之大汶又有小汶出新泰縣宮山下至徂徠山南入大汶汶水舊由安民亭合濟水東北入海自明永樂九年於東平州東六十里築戴村壩盡遏汶水出南旺南北分流南流達於濟寧州會沂泗諸水入淮者十之四北流達於臨清州會漳衛諸水入海者十之六矣

大清一統志汶水源出萊蕪縣東北八十里原山之陽西南流經泰安縣東左合牟汶瀛汶西流又北合柴汶經泰安縣東南至泰汶口與小汶水會合流而西入寧陽縣界又西經東平州南又西南流入汶上縣俗呼爲大汶河小汶水源出新泰縣東北三十里龍池西南流百里經泰安縣東南繞徂徠山之南麓西流合汶河所謂大汶口也 皇朝通志汶水源出萊蕪縣東北西流經縣城西北有牟汶水來會又西有會河諸水來會又西繞泰山支麓經泰安府南有泮河水自濟南府來會折南流有汶河自新泰蒙陰經泰安縣來會經寧陽縣北又經汶上縣北有淨泉水自東平州來會又西南至汶上西南境之南旺分流南北置二閘南並蜀山湖北貫馬踏湖爲連河水脊 水道提綱汶水源出萊蕪縣東北之原山西南流經城西北又南而西有牟汶瀛汶二水自東來注之又西經泰安府南境小汶河自東南來會水勢始盛俗稱大汶河折而西經寧陽縣北又西南至汶上縣北又西南經汶上縣西南境之南旺分流南北南置閘曰柳林並蜀山湖北曰北閘貫馬踏湖當

汶水口之西爲分水龍王廟汶水舊本西會濟水東北入海明永樂九年尙書宋禮用白英策以南旺當水脊于戴村壩遏汶西注建閘分流至今猶享其利 按水經注有牟汶北汶石汶柴汶元和志又有瀛汶胡東樵云汶水有五北汶瀛汶柴汶牟汶其一則經流也萊蕪縣志又以北汶瀛汶柴汶沔汶牟汶爲五汶其說不一蓋汶者紊也述征記泰山郡水皆名爲汶源別流同是也

鉅平

春秋桓六年公會紀侯於成杜注成魯地在泰山鉅平縣東南 左傳襄十七年師自陽關逆臧孫杜注陽關在泰山鉅平縣東 水經注汶水又西南逕陽關汶城西本鉅平之陽關亭矣又南逕鉅平縣故城東而西南流城東有魯道詩所謂魯道有蕩齊子由歸者也今汶上來水有文姜臺又西南流詩云汶水滔滔矣 括地志鉅平城今爲故城社汶水經其東其東南即魯之成邑也 肇域記寧陽縣東北有鉅平城漢縣今爲故城社 方輿紀要鉅平在今兗州府寧陽縣東北九十里春秋時魯之成邑 大清一統志鉅平故城在今泰安府泰安縣西南 按成即魯孟孫氏之邑桓六年公會紀侯于成莊三十年次於成襄十五年齊人圍成公救成於是城成鄂十六年齊復圍成自後爲孟氏邑昭七年晉人來治杞田季孫以成與之後復歸魯二十六年齊人圍成弗克定十二年仲由爲季氏宰將墜成公斂處父曰墜成齊人必至

於北門哀十五年成叛入於齊孟武伯伐成弗克遂城輸以逼成既而齊歸成是成爲魯之北境近齊之邑檀弓子羔爲成宰史記齊宣公四十八年田和取魯之成邑並即此 又按陽關本魯邑後屬齊定七年齊人歸鄆陽關八年陽虎入於謹陽關以叛其後復爲齊所有史記齊威王六年晉伐我入陽關是也 有亭亭山祠

史記封禪書昔黃帝封泰山禪亭亭索隱曰應劭云亭亭山在鉅平北十餘里服虔以爲牟陰非也 水經注汶水又西南逕亭亭山東黃帝所禪也 山有神廟水上有石門舊分水下跌處也 大清一統志亭亭山在今泰安府南五十里 按漢唐志並無牟陰縣知服氏之說誤也

羸

春秋桓三年公會齊侯於羸杜注羸齊邑今泰山羸縣 左傳哀十一年會吳子伐齊克博至羸 又十五年公孫宿以其甲入羸 孟子自齊葬於魯反於齊止於羸 史記田儋傳灌嬰敗田橫之軍於羸下晉灼曰泰山羸縣也 水經注汶水又西南逕羸縣故城南季札之聘上國也喪子於羸博之間即此處也從征記曰羸縣西六十里有季札兒冢冢圓其高可隱也 括地志漢羸故城在博城東北百里 後書韓詔傳注羸縣故城在今兗州博城縣東北 大清一統志羸縣故城在今泰安府萊蕪縣西北縣志云在縣西北四十里北汶水之北俗名城

子縣羸汶自縣南三十里宮山之陰石漏河發源北流至瀘馬河合牟汶 水道提綱羸汶出宮山即古新甫山也北流合於牟汶

有鐵官 續郡國志羸縣有鐵山 魏書地形志羸縣有銅冶山 元和志詔山在萊蕪縣西北二十里

其山出鐵漢置鐵官至今鼓鑄不絕 唐書地理志萊蕪有鐵冶十三銅冶十八銅坑四 寰

宇記萊蕪監在萊蕪縣界古冶鐵之務管一十八冶 大清一統志鑛山在萊蕪縣西北三里高二里舊產鐵

牟故國

春秋桓十五年牟人來朝杜注牟國今泰山縣左傳僖五年公孫茲如牟娶焉 水經注汶

水出牟縣故城西南阜下俗謂之胡盧堆又謂是水為牟汶也城在縣東北春秋時牟人朝魯

故應劭曰魯附庸也其水又西南逕奉高縣而西南流注於汶 肇域記萊蕪縣東二十里有

牟城古牟漢牟縣也牟汶水在南門外 大清一統志牟縣故城在今泰安府萊蕪縣東二十

里牟汶水在縣南西流經泰安縣東徂徠山北南至靜豐鎮入汶水 水道提綱牟汶出萊蕪

東南海眼泉合諸泉水於盤龍莊又西合孝義河又西合羸汶 按通典謂牟子國在登州蓬

蒙陰

萊縣疑去魯太遠當以左傳注為是 左傳哀十七年公會齊侯盟於蒙杜注云蒙在東莞蒙陰縣西故蒙陰城也 水經注羸泉水

又東南逕蒙陰縣故城北今謂之西城子又一城在縣東十里縣山下為東城于晉之蒙陰城也 後書承宮傳注蒙陰故城在今沂州新泰縣東南 大清一統志舊志云漢蒙陰故城在今縣西南十五里又有故城在縣東十里即後魏所置新太縣也

禹貢蒙山在西南 禹貢蒙羽其藝 魯頌奄有龜蒙 論語夫顓

與昔者先王以為東蒙主 後漢書注蒙山在新太縣東南 劉芳徐州記蒙山高四十里長

六十九里西北接新太縣界 水經注蒙陰水出蒙山東北流入沂 齊乘龜山在今費縣西

北七十里蒙山在龜山東二山連屬長八十里禹貢之蒙羽論語之東蒙正此蒙山也後人感

於東蒙之說遂以龜山當蒙山蒙山為東蒙而隱沒龜山之本名矣 方輿紀要孟子云孔子

登東山而小魯東山即蒙山也頂有白雲巖巖下有蒙城 四書釋地東蒙山名即書之蒙羽

其藝詩之奄有龜蒙之蒙也自元和志誤析為二謂在沂州費縣西北八十里者為蒙山在費

縣西北七十五里者為東蒙山相距僅五里覺論語與詩書遂各有所屬 明公鼎龜蒙二山

辨蒙山高峯數處俗以在西者為龜蒙中央者為雲蒙在東者為東蒙其實一山未嘗中斷龜

山自在新太縣境其北有沃壤所謂龜陰之田也 大清一統志蒙山在今蒙陰縣南接費縣

界舊志云蒙山綿互百二十里 按蒙山在今蒙陰縣南四十里西南接費縣界邢氏論語疏

云山在魯之東故曰東蒙然則東蒙即蒙山而元和志之所謂蒙山乃龜山也金吉甫謂東蒙在蒙山之東亦沿元和志之誤 有祠

大清一統志蒙山神祠在今費縣西北蒙山之陽 顓與國在蒙山下

左傳僖二十一年任宿須句顓與風姓也杜注顓與在泰山南武陽縣東北 水經注治水從

臨沂縣東流逕蒙山下又東南逕顓與城北郡國志曰南武陽縣有顓與城冉有所謂固而近

於費者也 方輿紀要顓與城在今沂州費縣西北八十里蒙山之陽隋開皇十八年曾於此

置顓與縣 大清一統志顓與城在今沂州府費縣西北八十里

莽曰蒙恩 後書琅邪孝王傳注華縣故城在今費縣東北

北六十里 按華縣續志無之顧宛溪以為建武六年并入費縣然據後書光武十王傳永平

二年以華縣益琅邪是明帝之世尚有華縣矣三國志稱臧霸泰山華人郭班世語曹嵩在泰

山華縣又泰山尉孔宙碑陰所列門生故吏諸名亦有題泰山華者然則東京元有華縣殆省

并未久而復著耳 莽曰翼陰

寧陽

寧陽

水經注洸水又南逕泰山寧陽縣故城西又南洸水枝津注之 元和志寧陽故城在今兗州龔邱縣南十七里 方輿紀要寧陽故城在今寧陽縣東北十九里 大清一統志寧陽故城在今兗州府寧陽縣南 按本書夏侯勝傳作寧鄉屬大河郡

侯國

王子侯表寧陽節侯恬武帝元朔三年以魯共

王子封

莽曰寧順

蔡邱

春秋莊十年公敗宋師于蔡邱杜注蔡邱魯地

戰國策齊伐趙取蔡邱 爾雅釋邱如蔡者

蔡邱郭注形如車乘也或曰乘者謂稻田墜埽

水經注洸水西南逕泰山蔡邱縣故城東又

東南流注於洸 括地志在瑕邱縣西北三十

五里 吳師道國策補注蔡邱故城在兗州安

邱縣西北 大清一統志蔡邱故城在今兗州

府嶧陽縣西北 按顏氏于此蔡邱以為公敗

宋師之地是矣乃于濟陰之乘氏又引應仲遠

說謂亦以為公敗宋師之地據杜注明云魯地

則為泰山之蔡邱無疑若濟陰之乘氏乃宋地

也道元注水經亦復狐疑何怪顏氏 又按王

子侯表有蔡邱節侯將夜以中山靖王子封案

隱曰表在深澤而今本漢書無之水經注以為

泰山疑遠姑存之以俟考

富陽

按王子侯表六安夷王子賜東平思王子萌並

封富陽侯當即此

桃山

大清一統志桃山故城在今兗州府滕縣東今

縣東南有桃山漢縣當以此得名 按杜預左

傳注魯國弁縣東南有桃虛疑即此桃山縣也

當在今泗水費二縣之交

侯國

王子侯表桃山侯欽成帝永始四年以城陽孝

王子封 按恩澤侯表有哀魯節侯公子寬注

曰南陽平據本志泰山郡有南武陽有東平陽

山陽郡有南平陽而獨無南陽平況哀魯者王

莽所改泰山郡之桃山縣也存以俟考

莽曰哀魯

桃鄉

春秋襄十七年齊侯伐我北鄙圍桃 水經注

洸水又西南逕桃鄉縣故城西世以此為鄆城

非也蓋因亡新之故目耳洸水自桃鄉四分當

其派別之處謂之四洸口 後書劉永傳注桃

鄉故城在今兗州龔邱縣西北 肇域記汶上

縣東北四十里有桃城漢縣也 方輿紀要桃

鄉城在濟寧州東北六十里 山東通志桃鄉

城在汶上縣北五十里乃汶口之西南 大清

一統志桃鄉故城在今兗州府汶上縣東北

春秋地理考實春秋襄十七年齊侯伐我北鄙

圍桃杜注魯國弁縣東南有桃虛按傳云伐我

北鄙圍桃則桃亦當在魯北弁縣今泗水縣在

魯東非北鄙汶上縣東北正當魯之北鄙此桃

當是桃鄉非弁縣之桃虛也

侯國

王子侯表桃鄉頃侯宣東平思王子成帝鴻嘉

二年封

莽曰鄆亭

式

漢書商權式縣郡國志作成云本國按左傳衛

師入郟杜注剛東平剛父縣西南有郟鄉作式

誤也 燭炳偶鈔按前書地志泰山郡二十四

縣有式縣而無成縣後漢分泰山置濟北國郡

國志泰山郡十二縣無式縣濟北國五縣有成

縣蓋東都省式而置成也王子侯表城陽荒王

子式節侯憲下注泰山郡劉盆子傳盆子者泰

山式人祖父憲封為式侯章懷注式縣名中興

縣廢是泰山之有式縣史文正明豈得據東都

濟北之成縣而遂以西都泰山之式縣為誤耶

漢書地理志補注卷三十二

齊郡

史記封禪書齊之所以為齊者以天齊也 水經注臨淄縣故城南東得天齊水口水出南郊山下謂之天齊淵水在齊八祠中齊之為名起於此矣 方輿紀要齊郡今青州府是其境按漢齊郡今山東青州府之益都臨淄博興樂安臨朐五縣濟南府之淄川縣皆其地

秦置

史記始皇本紀二十六年使將軍王賁攻齊得齊王建置齊郡 又曰齊世家秦虜王建遷之共遂滅齊為郡 方輿紀要齊郡秦郡也高帝六年為齊國元朔四年國除元狩六年復為齊國元封初廢為郡 地理志稽疑齊郡楚漢之際改名臨淄郡屬齊國漢復曰齊郡仍屬齊國五年屬楚國六年復為齊國武帝元朔三年復故元狩二年復為國元封元年復故 莽曰濟南屬青州縣十二

臨淄 臨淄昌國利西安鉅定廣廣饒昭南臨朐北鄉平廣臺鄉

戰國策蘇秦說齊宣王曰臨淄城中七萬戶 史記田齊世家湣王四十年燕將樂毅入臨淄盡收齊之寶藏器潛王出亡 本書王莽傳居攝三年廣饒侯劉京上書言齊郡臨淄縣昌鄉亭長辛當一暮數夢吾天公使也 三齊記古齊城周五十里蓋臨淄有大城又有小城也 水經注淄水自原山東北流逕牛山西又東逕

臨淄縣故城南又北逕其城東城臨淄水故曰臨淄城中有營邱爾雅云水出其前左為營邱秦始皇三十四年滅齊為郡治此 括地志青州臨淄縣即古臨淄城一名齊城古營邱之地所封齊之都也 通典今青州臨淄縣齊國都也一名營邱為海岱之間一都會也漢舊縣復為營陵縣 元和志臨淄在府北五十里縣理小城與古城相去僅十里 大清一統志臨淄故城在今青州府臨淄縣北八里亦曰齊城縣志云今為古城店

師尚父所封

鄭氏詩譜齊者古少皞之世爽鳩氏之墟周武王伐紂封太師呂望于齊是謂齊太公地方百里都營邱 春秋世族譜齊姜姓太公望之後其先四岳佐禹有功或封于呂或封於申故太公曰呂望也太公股肱周成王封之于營邱今臨淄是也 臣瓚曰臨淄即營邱也故晏子曰始爽鳩氏居之逢伯陵居之太公居之又曰先君太公築營之邱今齊之城中有邱即營邱也 師古曰臣瓚之說是也築營之邱言于營邱地築城邑也 孔氏詩正義水之營繞故曰營邱孫炎云今齊之營邱淄水過其南及東是也以邱臨水謂之臨淄與營邱一地也應劭言獻公自營邱徙臨淄是其謬也當云自薄姑徙臨淄耳齊世家云哀公之弟胡公始徙都薄姑而周夷王之時哀公之同母少弟山殺胡公而立是為獻公因徙薄姑都治臨淄據此則齊惟一世居薄姑耳以後復都臨淄也孫氏云仲山甫

徂齊傳曰古者諸侯逼隘州王者遷其邑而定其居蓋去薄姑遷于臨淄以為宣王之時始遷臨淄與世家異者史記事多疏略則所言獻公之遷臨淄未可信也毛公在馬遷之前其言當有準據故不與馬遷同也 通典今之青州少皞之代有爽鳩氏虞夏時有季荊湯末有逢公伯陵殷末有蒲姑氏皆為諸侯國於此地周成王時蒲姑氏與四國作亂成王滅之以封太公是為齊國所謂營邱後徙都臨淄亦其地如西北至梁鄒屬濟南郡

入泲

水經注時水出齊城西北二十五里平地出泉即如水也亦謂之源水因水色黑俗又目之為黑水其水西至石洋墟分為二水謂之石洋口枝津西北至梁鄒入泲 又云時水即郚水也春秋襄公三年齊晉盟於鹹形外杜預曰郚水名京相璠曰今臨淄惟有澧水西北入濟即地理志之如水矣形如聲相近然則澧水即郚水也蓋以澧水與時合得通稱矣 齊乘時水之源南近淄水詳其地形水脈蓋伏淄所發其源岐流早則乾竭故又名乾時今不通矣 大清一統志時水一名郚水亦名如水俗名烏河源出臨淄縣西南平地西北流逕濟南府新城界又西北至博興縣南合小清河東入海

有服官

墨子錦綉紵亂君之所造其本皆與于齊景公喜奢而忘儉幸有晏子以儉鑄之猶不能勝

齊俗之侈蓋自景公始 范子計然能綉綺文
出齊上價正二萬中萬下五千也 本志論風
俗齊俗靡侈織作冰紈綺綉純麗之物號爲冠
帶衣履天下 本書元帝紀初元五年罷齊三
服官 又哀帝紀初即位令齊三服官正無作
輸 急就篇齊國給獻素繒帛 李斐曰齊國
舊有三服之官春獻冠幘縱爲首服紉素爲冬
服輕綃爲夏服凡三 論衡程材篇齊部世刺
綉恆女無不能 按元哀二紀及貢禹傳並言
齊有三服官吳斗南謂有官舍三所不取李氏
說

鐵官

晉書慕容德載記拜晏謨尙書郎立鐵冶于商
山 元史合刺普華傳爲商山鐵冶都提舉
大清一統志商山在臨淄縣西即古鐵山崔炎
述征賦云登鐵山望齊岱是也
莽曰齊陵

昌國

史記趙世家惠文王二十五年燕周將攻昌城
取之 又樂毅傳燕昭王封毅于昌國號昌國
君 史記正義昌國故城在今淄州淄川縣東
北四十里 大清一統志昌國故城在今濟南
府淄川縣東北三十五里
德會水西北至西安

屬本郡

入如

水經注時水至西安城西南分爲二水枝津別
出西流德會水注之德會水出昌國縣黃山西

利

北流逕昌國縣故城南又西北入時 山東通
志德會水源出淄川縣東北范王莊又名泉河
頭 大清一統志德會水在今淄川縣東北府
志云今名豐水亦曰朱龍河

水經河水又東北過利縣北又東北過甲下邑
濟水從西來注之 又云濟水又東北過利縣
西晏謨曰縣在齊城北五十里 又云淄水又
東過利縣東注云淄水自利縣東北流逕東安
平城北 齊乘樂安西北二十里有利城漢齊
郡之利縣也 肇域記博興縣南四十里有利
城漢縣也 大清一統志利縣故城在今青州
府博興縣東四十里縣志云今日利城遺蹟
尙存其東即樂安縣界 按王子侯表有利昌
侯嘉武帝元朔三年以代其王子封索隱曰志
屬齊郡今據本志齊郡有利縣無利昌縣且代
王子不應分封于齊也存以俟考
莽曰利治

西安

左傳昭十一年楚申無宇曰齊渠邱實殺無知
杜注渠邱今齊國西安縣也齊大夫雍廩邑北
距時水 水經注時水又西北逕西安縣故城
南本渠邱也齊大夫雍廩之邑矣又東北流繩
水注之 後書耿弇傳注西安故城在今青州
臨淄縣西北 肇域記臨淄縣西南三十里有
西安城漢縣也耿弇討張步于臨淄言西安城
小而堅即此 山東考古錄西安即今索鎮在
西安之西 山東通志西安城在今新城縣東

鉅定

三十里即今之索鎮 大清一統志西安故城
在今青州府臨淄縣西三十里 按王子侯表
元始元年封東平思王子漢爲西安侯即此
莽曰東寧

史記河渠書東海引鉅定 本書武帝紀征和
四年二月上耕于鉅定應劭曰齊國縣也 水
經注淄水又東逕巨淀縣故城南縣東南有巨
淀湖蓋以水受名也 又云時水又東北逕巨
淀縣故城北 齊乘巨淀湖即今樂安東北清
水泊也一名青邱澗 大清一統志鉅定故城
在今青州府樂安縣北舊志云在壽光縣西北
八十里 又云清水泊在樂安縣東北四十里
接壽光縣界淄水女水北陽水俱匯于此即古
鉅定湖也 水道提綱清水泊即高家港即古
馬車瀆爲淄水北陽河所匯亦即古鉅定湖也
漢書考異鉅定水經注作巨淀定澱音語之
轉也後人又加水旁 新校地理志定讀如殿
今俗或爲澱爲澱皆即定字也 按鉅定本水
名因以氏縣定澱古今字魏都賦注云澱者如
淵而淺是也

馬車瀆水首受鉅定東北至琅槐
屬千乘郡
入海

水經注淄水又東北馬車瀆水注之水首受巨
淀淀即濁水所注也淄水入馬車瀆亂流東北
逕琅槐故城南又東北至皮邱坑入于海故晏
謨伏琛並言淄繩之水合于皮邱坑西地理志

蓋舉縣言也 又云女水又北為馬車瀆北合
淄水又北時繩之水注之 大清一統志馬車
瀆在樂安縣東北五十里今名高家港

北至樂安縣東南入清水泊會淄水入海
廣饒
水經注淄水又東北逕廣饒縣故城南 又云
時水又東北逕廣饒縣故城北東北入淄水
肇城記樂安縣東北有廣饒城漢縣也 大清
一統志廣饒故城在今青州府樂安縣東北舊
志云東北二十里 按王子侯表武帝元鼎元
年封菑川靖王子國為廣饒侯即此

齊乘孟都府南瀑水潤側漢廣縣故城也後魏
置青州于此遺址猶存土人目為古青州 大
清一統志廣縣故城在今青州府孟都縣西南
四里 按王子侯表河間獻王子順菑川孝王
子便皆封廣侯又功臣侯表有廣嚴侯召歐並
即此

昭南
臨胸
應劭曰臨胸山有伯氏駢邑 師古曰胸音劬
通典漢置臨胸縣以縣東有胸山也 元和
志今青州臨胸縣本漢縣縣東南二里有胸山
因取為名 寰宇記胸山在臨胸縣東七十里
縣因山建名 齊乘臨胸古駢邑齊大夫伯氏
所封今故城西七里許有伯氏冢 山東通志
胸山在今臨胸縣東二里水經所謂覆釜山是
也在巨瀾水東岸石皆黑色剛之往往為鐵柱
形 大清一統志臨胸故城即今青州府臨胸
縣治本戰國時齊之胸邑胸山在縣東南二里
一名覆釜山胸水出焉 按胸是山名又是水
名縣名臨胸以城臨胸山之側故耳應氏云臨
胸山謂臨于胸山側也水經注謂臨胸山名故
縣氏之誤矣

為山濁水所出東北至廣饒
屬本郡
入鉅定
說文濁水出齊郡廣饒山東北入鉅定從水蜀
聲 水經注馬車瀆水首受巨淀淀即濁水所
注也呂忱曰濁水一名瀾水出廣饒為山世謂
之治嶺山東北流逕廣固城西城在廣饒西北
四里四周絕澗岨水深隍其水亦或名之為繩
水今曰北陽水也東北流逕廣縣故城西又北
流注巨淀 齊乘九迴山俗名九扈山即古為
山也北陽水出此山東北經五龍口又北經廣
固廢城行乎絕澗之底水激而岸峻古諺所謂
瘦馬不渡澗指此非淄澗之澗也 大清一統
志九迴山在益都縣西四十里即古為山北陽
水源出此東北流逕城北又東北逕壽光縣西
又北入清水泊即古濁水也 水道提綱北洋
河即北陽河源出青州府治益都縣西北牛山
東流經府城北境折而東北經壽光縣西又東

有逢山祠
本書郊祀志宣帝時祀蓬山石社石鼓于臨胸
師古曰地理志作逢山 述征記蓬山有石鼓
齊地將亂鼓必有鳴聞數十里 元和志逢山

在今臨胸縣西二十二里 齊乘逢山在臨胸
西十里逢伯陵始封于逢在開封逢澤後改封
于齊猶稱逢公山因名焉其山四面斗絕惟一
徑可登 大清一統志逢山在臨胸縣西二十
五里般諸侯逢伯陵之國祠在山之西北是山
跨兩縣境在臨胸者名逢山在益都者名石膏
山實一山耳

石膏山
說文作高山 晉書地道記作石高山 水經
注逢山即石膏山也上有石鼓鳴則年凶 齊
乘石膏山即逢山之西麓也
洋水所出東北至廣饒
屬本郡
入鉅定
說文洋水出齊臨胸高山東北入鉅定從水羊
聲 水經巨洋水出朱虛縣泰山北過其縣西
又北過臨胸縣東又北過劇縣西又東北過壽
光縣西又東北入于海注云巨洋水出朱虛縣
東小泰山即國語所謂具水矣袁宏謂之巨昧
王韶之以為巨蔑或曰胸瀾皆一水也而廣其
目焉其水北流逕朱虛縣故城西北入臨胸縣
逕縣故城東古伯氏駢邑也又東北逕委粟山
東又東北洋水注之水西出石膏山西北石澗
口東南逕逢山祠西又東南歷逢山下即石膏
山也洋水歷其陰而東北流世謂之石膏水而
東注於巨洋水謂之石溝口亦或謂之龍泉水
巨洋水又東北逕劇縣故城西又東北逕孟縣
故城東又東北積而為潭枝津出焉謂之百尺

溝西北流注于巨淀又東北逕壽光縣故城西
又東北注于海 師古曰洋音祥 齊乘巨洋
水今謂之洱河漢志洋水東北至廣饒入鉅定
卽此水也但因北洋而誤其源因枝津別出而
誤云入鉅定耳曾肇南洋橋記乃以洋爲南陽
非也洋爲齊之大川故以巨名道元所謂羣書
盛稱孟堅不應捨大而志小 大清一統志巨
洋水亦名瀾河源出臨朐縣南沂山西麓北流
經臨朐縣東又北歷孟都縣又東北經壽光縣
東又東北會黑塚泊入于海 皇朝通志瀾河
卽古巨洋水源出臨朐縣南北流經益都縣東
南有陸康河李家河來會又東北有南洋河自
青州府來會經壽光縣東南有大丹河小丹河
自臨朐昌樂二縣來會又東北入海 水道提
綱瀾河卽古巨洋水源出臨朐縣南之東鎮沂
山卽東太山之北麓也北流百里至縣城東經
益都縣東南又東北有南洋河來會又東北經
壽光縣東南折而東有大小丹河合槐河水來
會又東北至源河口入海南洋河卽南陽水出
孟都縣西北之石膏山東北流經府城北其北
隔北洋河僅半里南洋與北洋相背勢如兩弓
又南流折而東入瀾河 地理志稽疑洋水卽
巨洋水地志偶脫巨字耳 新校地理志以地
志合水經是巨洋卽此洋水水經之源在朱虛
地志之源在臨朐其下流則同也
莽曰監朐

北鄉侯國 王子侯表北鄉侯譚元帝建昭四年以菑川孝
王子封 莽曰禺聚 平廣侯國
按王子侯表有平節侯服以菑川孝王子封注
曰齊郡據本志齊郡無平縣而有平廣曰侯國
疑表脫廣字耳若河南之平縣則遠矣
臺鄉 按王子侯表菑川孝王子畛封臺鄉侯當卽此

漢書地理志補注卷三十三
北海郡 左傳僖四年楚子使與師言曰君處北海 方
輿紀要北海郡故齊地今青州府以東是其境
按漢北海郡今山東青州府之益都壽光昌
樂安邱四縣萊州府之濰昌邑高密三縣皆其
地 景帝中二年置
續郡國志北海國景帝置 地理志稽疑北海
故屬秦齊郡文帝十六年屬菑川國景帝中二
年分置尋以支郡收 屬青州縣二十六
營陵劇魁安邱輒淳于益平壽劇都昌平望平
的柳泉壽光樂望饒樹桑犢平城密鄉羊石樂
都石鄉上鄉新成成鄉膠陽
營陵或曰營邱 春秋僖十四年諸侯城緣陵 史記齊世家太
公東就國萊夷來伐與之爭營邱 應劭曰師
尙父封於營邱陵亦邱也 臣瓚曰營邱卽臨
淄也營陵春秋謂之緣陵 師古曰臨淄營陵
皆舊營邱地 括地志營陵故城在青州北海
縣南三十里 齊乘昌樂縣東南十餘里有營
陵城 方輿紀要營陵城在青州府昌樂縣東
南五十里卽太公望所封之營邱也 肇域記
漢書齊郡治臨淄北海治營陵二郡並云師尙
父所封然史記言營邱邊萊其地烏鹵人民寡
呂氏春秋言太公封于營邱之諸海阻山高險
固之地而臨淄之徙乃在太公之後六世獻公

則營邱之東邊者為是今謂之營邱社 新校地理志志於齊郡臨淄下云師尚父所封又于此下云或曰營邱兩說並存者不審信也爾雅水出其左曰營邱郭注云齊之營邱淄水出其南及東則非此矣水經注營邱城無水惟城北有一水世謂之白狼水則亦以此為非矣史記武王封太公於營邱胡公徙薄姑獻公徙臨淄又云營邱邊萊則又以此營邱為是矣 按左傳諸侯城緣陵而遷杞杜注緣陵杞邑蓋是時淮夷病杞齊桓遷之稍北以自近如楚遷許于葉吳遷蔡于州來然杜云杞邑則仍為杞地之錯入於齊者耳今青州府昌樂縣東南十里有營臺即漢營陵故城也 又按功臣侯表高帝十一年封劉澤為營陵侯即此

莽曰北海亭

劇魁

方輿紀要漢劇魁縣屬北海郡又有劇縣亦屬北海蓋非菑川所治之劇縣也後漢時劇魁與劇縣俱省而移北海郡治菑川之劇縣 山東通志劇魁城在昌樂縣西十里 大清一統志劇魁故城在今青州府昌樂縣西北蓋亦與二劇相近 新校地理志劇魁疑即近劇之地賈逵云小阜曰魁

侯國

王子侯表劇魁夷侯黑武帝元朔二年以菑川

懿王子封

莽曰上符

安邱

左傳成八年申公巫臣與渠邱公立於池上杜注渠邱公莒子朱也渠邱邑名莒縣有遺里本書宣帝紀本始四年鳳皇集北海安邱 孟康曰安邱今渠邱是 伏琛齊記渠邱城在安邱東北十里 續郡國志安邱縣有渠邱亭

晉書地道記安邱有渠邱城 水經注汶水又東逕安邱縣故城北城對牟山漢高帝八年封將軍張說為侯國 後書光武紀注安邱即今

密州安邱縣 通典今密州安邱縣漢舊縣有渠邱亭古昌安故城即今縣外城 元和志今密州輔唐縣本漢安邱縣 寰宇記漢安邱縣

城在今縣西南二十里即莒渠邱邑是也 山東通志安邱城在今安邱縣西南十五里即古渠邱城也 大清一統志安邱故城在今青州府安邱縣西南 按漢時安邱有二一屬北海

一屬琅邪屬北海者為古渠邱即今青州府之安邱縣也屬琅邪者在今縣東南但渠邱亦有二一在齊郡西安一在北海安邱在西安者為齊大夫雍廩邑在安邱者為古淳于國地周武

王封少昊之裔茲與于莒初都計後遷莒至莒子朱居渠邱即與申公巫臣立池上者諸家並言渠邱在安邱而非莒縣境與杜不合然地自

相隣也 莽曰誅邾

師古曰輒即執字 集韻入聲二十六緝部輒縣名在北海 日知錄王子侯表輒侯師古云輒即瓠字又音孤地理志北海郡輒縣又云輒

即執字二音不同而功臣表輒侯又云輒與狐同河東郡下作狐譚未知即此一字否也地理志稽疑東平王傳瓠山晉灼引漢注作輒山則瓠音是也若執音則誤耳其又通而為狐亦一也流俗字則且以輒為報矣 新校地理志河東郡狐譚縣表作輒譚恐此亦狐字誤也顏籀之說非是

侯國 王子侯表輒節侯息武帝元狩元年以城陽頃

王子封 莽曰道德 淳于

春秋桓五年州公如曹左傳淳于公如曹杜注淳于州國所都城陽淳于縣也後入于杞

本書宣帝紀本始四年鳳皇集北海淳于 水經汶水又北過淳于縣西又東北入于濰注云汶夏后氏之斟灌國也周武王以封淳于公號曰淳于國其城東北則汶濰兩川交會處也

又云濰水又北過淳于縣東注云濰水又北左會汶水逕平城亭西應劭曰淳于縣東北六十里有平城亭 括地志淳于國在密州安邱縣東三十里古之州國 後書鄧禹傳注淳于縣

故城在今密州安邱縣東北 大清一統志淳于故城在今青州府安邱縣東北三十里 春秋地志考實桓五年州公如曹或謂州稱公與蔡公同此為畿內之地即河內郡之州縣考河

內之州乃蘇忿生邑隱十一年桓王既與鄭矣此時豈復有州公乎蓋州即淳于淳于即漢北

海郡之淳于縣也 按春秋正義引世本云州國姜姓春秋經書州公傳言淳于公杜解淳于州國所都是也 杞并淳于在州公不復之後齊乘謂杞伯別號州公而又妄造州公州公之稱且謂周封杞于牟婁可謂巨謬矣

益

水經注巨洋水又東北逕益縣故城東晏謨曰南去齊城五十里又西北流而注于巨波矣山東通志益縣城在今壽光縣南七里 大清一統志益縣故城在今青州府壽光縣西 按今青州府壽光縣南二十里有益城即漢縣也至武帝封菑川王子湖為益都侯乃鄉聚之名俗稱王胡城者是其地在今壽光縣北十五里曹魏時始即于此置益都縣即今青州府附郭之益都縣也與壽光縣南之益城無涉按水經注云巨洋水又東北逕益縣故城東又東北積而為潭西北流逕北益都城蓋當時益縣已廢故稱故城而益都則見設為縣也一南一北序次極明元和志寰宇記輿地廣記及齊乘所言並誤

莽曰探湯

舊作探陽誤 按後書劉盆子傳有王莽探湯侯田況章懷注云莽改北海益縣曰探湯則知舊本陽字之誤矣水經注又誤作滌蕩

平壽

左傳襄四年后羿用寒泥寒泥殺羿滅斟尋氏杜注寒國名北海平壽縣東有寒亭斟尋夏同姓諸侯平壽縣東南有斟亭 史記夏本紀禹

後有斟尋氏索隱曰系本尋作鄒張救地理記云濟南平壽縣其地即古斟尋國 應劭曰平壽故斟尋禹後今城是也 師古云斟音斟

水經注平壽故城在白狼水西水上承營陵縣之下流東北逕城東西入別畫湖東北注海括地志斟尋故城今青州北海縣是 通典今青州北海縣本漢平壽縣 山東通志平壽城即今濰縣治本商周故邑 大清一統志平壽故城在今萊州府濰縣西南 漢書考異壽光縣下亦引應劭云古斟灌禹後注中諸斟字皆斟之譌也草書甚作古與土相混因誤為斟師古不能是正乃音斟為斟廣韻二十二侵部亦兼收斟斟二字蓋六書之不講隋唐人已然矣

劇

水經注西丹水自凡山北流逕劇縣故城東二丹水注之東丹水出方山北逕劇縣合西丹水而亂流 齊乘爾雅云七達謂之劇北海劇縣有此路 方輿紀要劇故城在今青州府昌樂縣 按漢時劇縣有二一屬北海一屬菑川屬北海者其地在今昌樂縣屬菑川者其地在今壽光縣昌樂壽光今並屬青州府去府東各七十里壤地相接是漢時二十縣亦連壤也後漢省并郡縣始廢菑川之劇而移北海之劇治菑川自來地志多未明晰

侯國

王子侯表劇原侯錯武帝元朔二年以菑川懿王子封

都昌

左傳襄二十八年與晏子邸殿其鄙六十杜注邸殿齊別都蓋以邸殿邊鄙六十邑與晏嬰也晏子春秋景公封晏子以都昌辭不受 水經注濰水又東北逕都昌縣故城東又東北入于海 本書韓信傳注師古曰都昌一名臺昌一統志都昌故城在今萊州府昌邑縣西二里後漢書注謂在青州臨朐縣東北乃宋徒治之都昌非漢縣也 按都昌即春秋之邸殿也 又按史記功臣侯表有都昌嚴侯朱軫高帝六年封水經注以為即此而本志無之存以俟考

有鹽官

平望

水經注丹水又東北逕望海臺東東北注海蓋亦縣所氏者也 又云巨洋水又東北逕望海臺西東北流伏探晏謨並以爲平望亭在平壽縣故城西北八十里故縣也又或言秦始皇升以望海因曰望海臺未詳也又東北注于海後書皇后紀注平望縣屬北海郡今青州北海縣西北平望臺是也一名望海臺 一統志平望故城在今青州府壽光縣東北三十里

侯國

王子侯表平望夷侯賞武帝元朔二年以菑川懿王子封

莽曰所聚

平的

史記作平酌 師古曰的音丁歷反其字從白

宋祁曰的當作昉曰

侯國

王子侯表平的戴侯彊武帝元朔二年以菑川

懿王子封

柳泉

一統志柳泉故城在今青州府益都縣東

侯國

王子侯表柳泉節侯強宣帝地節四年以膠東

戴王子封 注曰南陽誤也膠東王子並封北

海

莽曰弘睦

宋祁曰睦當作陸

壽光

左傳襄四年寒泥滅斟灌氏杜注斟灌夏同姓

諸侯樂安壽光縣東南有灌亭 應劭曰壽光

古斟灌禹後今灌亭是 水經注巨洋水自北

益都城西北流而注于巨淀又自巨淀湖東北

流逕壽光縣故城西 括地志斟灌故城在青

州壽光縣東五十四里 通典今青州壽光縣

本漢舊縣也 寰宇記斟灌城亦名東壽光

方輿紀要壽光縣在今青州府東北七十里

山東通志壽光城在今縣西北六十里清水泊

東 大清一統志壽光故城在今青州府壽光

縣東 按王子侯表有陸元侯何菑川靖王子

注曰壽光當是壽光縣之鄉名

有鹽官

金史地理志壽光縣廣陵鎮有鹽場 齊乘官

臺在壽光縣北七十里有鹽官壽光縣志官臺

場在縣北八十里產鹽

莽曰翼平亭

按王莽傳有翼平連帥田況據本志翼平即壽

光而莽置連帥則莽嘗分北海之壽光為郡矣

樂望

齊乘壽光縣東有樂望城漢縣今名王望店

大清一統志樂望故城在今青州府壽光縣東

五十里

侯國

王子侯表樂望孝侯光宣帝地節四年以膠東

戴王子封

饒侯國

王子侯表饒康侯成宣帝地節四年以膠東戴

王子封

斟故國禹後

史記夏本紀禹後有斟氏 京相璠曰斟城西

北去灌城亭九十里 寰宇記故斟城在萊州

東南五十里 大清一統志廢斟縣城在今萊

州府濰縣東亦古斟尋國也

桑犢

說文作桑犢 寰宇記廢桑犢縣在今濰州東

三十里 大清一統志桑犢故城在今萊州府

濰縣

覆飯山溉水所出東北至都昌

屬本郡

入海

說文溉水出北海桑犢覆飯山東北入海从水

既聲 水經注覆飯山世謂之塔山溉水世謂

之鹿孟水亦曰戾孟水皆非也其水北流逕斟

亭西北今日白狼水 師古曰溉音功代反

寰宇記唐天寶六載敕改覆飯山為溉源山

齊乘溉水即今東丹河 大清一統志溉源山

在今濰縣東南四十里即古覆飯山也溉水出

此北流至昌邑縣境入海舊志謂之東丹河

平城

水經注濰水又北左會汶水北逕平城亭西應

劭曰淳于縣東北六十里有平城亭故縣也

方輿紀要平城城在今昌邑縣西南四十里

大清一統志平城故城在今萊州府昌邑縣東

侯國

王子侯表平城釐侯邑成帝建始二年以膠東

頃王子封

密鄉

春秋隱二年紀子帛莒子盟于密杜注密莒邑

城舊淳于縣東北有密鄉 水經注濰水又東

北逕密鄉亭西應劭曰淳于縣東北六十里有

平城亭又四十里有密鄉亭故縣也 大清一

統志密鄉故城在今萊州府昌邑縣東南十五

里

侯國

王子侯表密鄉頃侯林成帝建始二年以膠東

頃王子封

羊石侯國

王子侯表羊石頃侯回元帝永光三年以膠東

頃王子封

樂都

侯國

王子侯表樂都煬侯訢成帝建始二年以膠東

頃王子封

莽曰拔壘一作杖一作枝也

宋祁曰南本無一作以下七字

石鄉

侯國

王子侯表石鄉煬侯理元帝永光三年以膠東

頃王子封

一作正鄉

宋祁曰南本無此四字

上鄉

侯國

王子侯表上鄉侯欽元帝永光三年以膠東頃

王子封

新成

侯國

王子侯國新城節侯根元帝永光三年以膠東

頃王子封

成鄉

寰宇記成鄉故城在今安邱縣北界 一統志

成鄉廢縣在今青州府安邱縣北

侯國

王子侯表成鄉釐侯安成帝建始二年以高密

頃王子封

莽曰石樂

膠陽

水經注膠水又北逕膠陽縣東晏謨伏琛並謂

之東亭是自亭結路南通夷安地理風俗記曰
淳于縣東南五十里有膠陽亭故城也 一統
志膠陽故城在今萊州府高密縣西北

侯國

王子侯表膠陽侯漢元帝初元二年以高密哀
王子封 按今高密縣西北三十四里有高陽
城寰宇記云漢成帝封淮陽王孫並為高陽侯
一名膠陽亭今據本志膠陽屬北海高陽屬琅
邪王子侯表膠陽侯恁以成帝建始二年封而
高密膠陽侯並封于平帝元始元年時高密王子
恁正侯膠陽其不得為一國明甚水經注膠水
又北逕膠陽縣東又東北會張奴水按其地適
在高密之北則此城為膠陽故縣無疑俗以膠
音近高因訛其讀而寰宇記遂附會為高陽侯
並之封國又以平帝為成帝齊乘復承其誤何
也

漢書地理志補注卷三十四
東萊郡

禹貢青州萊夷作牧 國語通齊國之魚鹽于
東萊韋注東萊齊東萊夷也 師古曰古萊子
國也通典今萊州春秋萊子國也齊侯遷萊子
于郟在齊國之東故曰東萊 蔡氏書傳萊夷
萊山之夷即今萊州之地 方輿紀要東萊郡
故齊地今登萊二府是其境 尚書地理今釋
蔡傳以萊夷為今萊州之地然元和志云故黃
城在登州黃縣東南二十五里古萊子國是今
之登州府亦禹貢萊夷地不獨萊州府矣 按
漢東萊郡今山東萊州府之掖縣及平度州登
州府之黃萊陽文登榮成四縣及寧海州皆其
地

高帝置

地理志稽疑東萊故屬秦琅邪郡高帝分置屬
齊國景帝後以支郡收

屬青州縣十七

掖 掖睡平度黃臨胸曲成牟平東牟轍育黎昌陽
不夜當利盧鄉陽樂陽石徐鄉

掖

戰國策魯仲連謂田單曰將軍東有夜邑之奉

通鑑周赧王二十六年齊封田單於掖 後

書歐陽欽傳注掖今萊州掖縣 元和志今萊
州郭下掖縣本漢舊縣也掖水出縣南三十五
里塞同山故縣取為名 大清一統志掖縣故

城即今萊州府掖縣治掖水亦名掖河出縣南
西北注于海 水道提綱南陽河即古掖水源

出萊州府掖縣東南山西北流經府城西而北至海神廟東北入海 新校地理志楚漢春秋有夜侯蟲達即此縣古夜掖字通

莽曰掖通

史記作鍾 應劭曰音甄 徐廣讀爲緄 師古音直瑞反又音丈瑞反 集韻腫或作鍾

史記始皇本紀並勃海以東過黃腫集解東萊有黃縣腫縣 本書主父偃傳秦始皇使天下

飛芻輓粟起于黃腫琅邪負海之郡轉輸北河師古曰黃腫二縣名 十三州志牟平縣古腫

縣也 通典今登州文登縣漢腫縣北有文登山 寰宇記腫縣故城在今文登縣西七十里

清陽水側近與之累山相對 齊乘腫城在寧海州東三十里臨清陽水故名清陽城又名陽

庭城 名勝志漢腫縣在今登州府文登縣西七十里清陽水側 大清一統志腫縣故城在

今登州府文登縣西 按恩澤侯表高后三年封呂嘉爲腫侯六年又封呂通爲腫侯並即此

有之累山

史記始皇本紀二十八年登之累立石頌德三十七年又自琅邪連舟下海登之累射巨魚

本書武帝紀太始三年行幸東海登之累 括地志之累山在萊州文登縣西北一百九十里

文登即古腫縣也 寰宇記之累山在海中高九里周五十里東南水中有壘石俗傳漢武帝

造橋有兩石銘猶存 齊乘之累山在寧海州西北五十里西南至福山縣長三十餘里 大

清一統志之累山在今登州府福山縣東北三十五里接文登縣界三面距海一徑南通 祠居山上

舊作居上山誤 史記封禪書八神五曰陽主祠之累 本書郊祀志宣帝時祠之累于腫

大清一統志陽主祠今在之累山下

聲洋丹水所出東北入海

師古曰洋音祥 齊乘寧海州東三十里有腫城秦漢負海縣後并入牟平唐初置清陽縣後

廢入文登城對之累山臨清陽水故名清陽城清陽漢志作聲洋 方輿紀要清陽水即清洋

河在登州府福山縣東十里北注于海聲清音相近聲洋即清陽也 大清一統志清洋河亦

名大海發源棲霞縣翠屏山東遶城北流折而東經福山縣東北入海又白洋河源出靈山邊

翠屏山而西又義井河源出翠屏山西麓並北流合清洋河 水道提綱清洋河即義井河源

出棲霞縣東南翠屏山西北流經縣城南又東北流經福山縣城東南又北入海 地理志稽

疑樂史更于文登縣云丹水蓋在今縣西七十里清陽水側近與之累山相對顧宛庵云亦謂

之清陽河殆即聲洋之轉今福山境也然則漢志殆失去一河字 新校地理志太平御覽引

此作梁山丹水所出疑聲洋二字誤也

平度

本書五行志哀帝延平三年東萊平度出大魚長八尺高丈一尺七枚皆死 水經注膠水又

北逕平度縣縣有土山膠水北歷土山注于海

海南土山以北悉鹽坑相承修養不輟北眺巨海杳冥無極天際兩分白黑方別所謂溟海者也 元和志平度故城在今萊州膠水縣西北

六十七里城西北有土山古今羨鹽處 肇城記今平度州西北六十里有平度故城漢膠縣

水經此城北入海 大清一統志平度故城在今萊州府平度州西北六十里 按王子侯表

平度康侯行武帝元朔二年以菑川懿王子封即此

莽曰利盧

黃

春秋宣七年公會齊侯伐萊杜注萊國今東萊黃縣 又襄六年齊侯滅萊 左傳襄十四年

齊人以邾寄衛侯杜注邾即齊所滅萊國 又哀五年齊景公實羣公子于萊杜注萊齊東鄙

邑 通典今登州所理蓬萊縣漢黃縣地武帝于此望海中蓬萊山因築城以爲名遂置蓬萊

縣 元和志今登州黃縣本漢舊縣故城在縣東南二十五里又郭下蓬萊縣亦漢黃縣地

寰宇記黃縣故城在今登州黃縣東南二十五里古萊子之國 方輿紀要故黃縣在今膠州

黃縣東二十五里一名東黃城即今萊子國都也 大清一統志黃縣故城在今登州府黃縣

東南 按齊世家云太公東就國萊夷與之爭營邱然則萊爲殷時諸侯也其地今名龍門居

山峽之間鑿石通道極爲險隘土人呼爲萊子關路史謂即萊朱國以其地有黃山故縣取名焉

有萊山

晉書地道記縣東二百三十里至海中連岑有土道秦始皇登此山刻二碑東二百三十里有始皇漢武帝二碑 元和志萊山在今黃縣東南二十里 大清一統志舊志云萊山一名萊陰山下有黑虎洞

松林萊君祠

史記封禪書齊八祠萊山爲月主山有月主真人祠 本書郊祀志宣帝時祠萊山于黃 名勝志黃縣萊山漢人祠月之處 大清一統志月主祠在萊山之麓

莽曰意母

臨胸

師古曰齊郡已有臨胸而東萊又有此縣蓋各以所近爲名也此類非一 寰宇記臨胸故城在今萊州北二十三里 方輿紀要掖縣北二十里有臨胸故城此東萊郡之臨胸也 大清一統志漢東萊郡臨胸縣故城在今萊州府掖縣北 按王子侯表有臨胸夷侯奴武帝元朔二年以菑川懿王子封注曰東海而本志屬東萊蓋東海是胸東萊是臨胸則表誤也

有海水祠

寰宇記郡國縣道記云臨胸有海水祠今故城北去海三十里南去海神祠五六里與漢志注同 齊乘今海神廟宋初所盪去修海才二三里與古不同矣 大清一統志海神廟在今萊州府城西十八里祀四海之一也 莽曰盪胸

曲成

寰宇記曲成故城在今萊州掖縣東北六十里 方輿紀要曲成廢縣在今萊州府東北六十里 大清一統志曲成故城在今萊州府掖縣東北 按王子侯表中山靖王子萬歲封曲成侯當卽此 又按功臣侯表有曲成侯蟲達索隱曰表在涿而今本無之據本志東萊有曲成縣胡梅欄以爲卽蟲達所封考列侯位次曲成侯又稱夜侯夜卽古掖字曲成與掖俱屬東萊益知非涿地審矣

有參山

史記封禪書八神四曰陰主祠三山索隱曰顯氏案地理志東萊曲成有參山卽此三山也小顏以爲海中三神山非是 本書郊祀志宣帝時祠參山八神于曲成 寰宇記三山島在掖縣北五十里 齊乘三山在萊州北二十里 萬里沙祠

封禪書於是天子旣出無名乃禱萬里沙應劭曰萬里沙神祠也在東萊曲成孟康曰萬里沙徑三百餘里 三齊記水北有萬歲亭漢武所築 括地志萬里沙在掖縣東北三十里 寰宇記夾萬歲水兩旁皆沙 方輿紀要萬歲沙在今萊州府東北三十里其兩旁卽萬歲沙也 秦皇漢武皆常禱此 大清一統志萬里沙在掖縣東北舊志謂之萬歲河其入海處卽小石灣海口也

陽邱山

大清一統志陽邱山在今萊州府掖縣東南三

十里亦名馬鞍山

沽水 舊作治水誤 所出南至計斤 屬琅邪郡舊作臨沂誤 入海 說文治水出東萊曲城陽邱山南入海从水台聲 左傳昭二十年晏子曰姑尤以西杜注齊東界也姑尤二水名皆在城陽郡東南入海 齊乘姑卽大沽河尤卽小姑河沽水起北海至南海行三百餘里絕齊東界故曰姑尤以西 今水經沽河有二大沽河源出登州府黃縣躡犬山小姑河源出萊州府東南馬鞍山大沽南流小姑東南流至平度州乃合至膠州卽墨縣入海 大清一統志沽河有二源一自登州府黃縣躡犬山南流逕萊陽縣入平度州界名大沽河一自萊州府掖縣馬鞍山南流至平度州東七十七里名小姑河至州東南朱毛城東合流逕卽墨膠州至麻灣口入海 水道提綱大沽河出黃縣東南之盧山亦曰躡犬山二源並導合而南流經萊陽縣西小沽河自西北來會又南流至膠州東北會南膠河經州東又南至麻灣口入於海 全氏七校水經注漢志齊魯之間有二治水一出太山南武陽冠石山南至下邳入河一出東萊曲成陽邱山南至臨沂入海說文有曲成無武陽似曲成之治水較大于武陽者酈氏于河水篇之治水作沕水以爲卽武水但並不言沕水所出而于臨沂之治水則

不言其出于曲成之陽邱即以爲出於武陽之冠石又不言其入海而以爲入沂則此臨沂之治水其所入皆與漢志戾且引應劭之言以爲卽武水則一武水也俄而爲泲水則入河俄而爲治水則入沂真不可曉顧宛溪曰泲河有二東泲入沂西泲入河蓋沂沂交會之處故有此謬然則并臨沂之治水亦是泲水也而出自曲成之治水究安屬乎蓋漢志暨說文東萊之治水但當于膠濰之間入海不應間關二千里而至臨沂歷河濟淮三瀆以入海也況續志晉魏諸志以及元和寰宇九域諸志皆無曲成治水之目又深可疑也予親至東萊訪諸古跡方知漢志曲成之治水卽春秋之泲水左氏云姑尤以西杜注姑大泲水也尤小泲水也地形志曰長廣郡長廣縣有泲水樂永言曰泲水乃齊境也漢之曲成在今掖縣小姑水出焉其東則黃縣大泲水出焉經福山而招遠而萊陽至于平度卽墨之間而合其流三百餘里自東而南直趨膠州之麻灣口明世議海運者之道也若漢志所云南至臨沂者非臨沂也乃計斤也漢之計斤在今膠州卽墨之境蓋以字形相近而譌考東萊之水未有古於泲水者亦未有大于泲水者不應見遺于史豈知其爲泲水之譌也 錢氏新校地理志治水卽今泲河也大泲河源出黃縣東南廬山南流經萊陽縣西合小姑河小姑河出萊州府城東南馬鞍山東南流合大泲河經膠州東入海大泲河古曰姑小泲河古曰尤所謂姑尤是也今山無陽邱之目水

有兩泲之稱疑治字卽泲字之譌至臨沂當作至計斤漢之計斤正今膠州卽墨之境泲河入海之道也

有鹽官

金史地理志萊州卽墨縣有曲裏鹽場 車平

隋書地理志牟平有牟山 元和志今登州牟平縣本漢縣以在牟山之陽其地夷坦故曰牟平又文登縣亦漢牟平縣地 寰宇記牟平故城在今登州蓬萊縣東南九十里 大清一統志牟平故城在今登州府黃縣東南十五里馬嶺山 按王子侯表牟平共侯漢武帝元朔四年以齊孝王子封卽此

莽曰望利

東牟 元和志東牟故城在今登州文登縣西北十里 大清一統志東牟故城在今登州府文登縣西北 按王子侯表高后六年封齊悼惠王子興居爲東牟侯卽此

有鐵官

寰宇記鐵官山在牟平城百里鋼鐵之處猶有漢置鐵官 名勝志鐵官山在文登縣西一百四十里漢嘗於此置官鑄冶遺跡尙存 大清一統志鐵官山在今寧海州西南四十里漢鐵官鑄冶處

鹽官

明統志登州土產鹽 莽曰弘德

幟

說文幟布出東萊从巾弦聲 晉書地道記及續志並作幟 廣韻作幟縣名在東萊幟布名師古曰音堅 唐書地理志登州土貢寶布

寰宇記幟故城在今黃縣西南二十五里 集韻幟布出幟縣 方輿紀要幟城在今膠州黃縣南一百二十里晉惠帝時東萊幟令劉伯根反自稱幟公幽州都督王浚討之卽此 山東通志幟城在今登州府蓬萊縣西接黃縣界 大清一統志幟縣故城在今登州府黃縣西南

有百支萊王祠

按晉書地道記王作君

有鹽官

寰宇記育黎故城在今登州文登縣西南一百二十里濼港水側其地良沃故以爲名 齊乘育黎故城在寧海州西北八十里漢縣後漢省入牟平 寰宇通志育黎城在今寧海州東南 大清一統志育黎故城在今登州府寧海州界府東一百二十里

昌陽

應劭曰昌水所出 永初山水記昌陽縣有昌水 後書琅邪孝王傳注昌陽今萊州縣也故城在聞登縣西南 元和志今萊州昌陽縣本漢舊縣在昌水之陽故名 寰宇記昌陽故城在今文登縣西南三十里 肇域記萊陽縣東南二十餘里有昌陽城漢縣也 大清一統志

昌陽故城在今登州府萊陽縣東南二十五里
昌山南山在文登縣西南十里昌水出焉其水
西南流逕萊陽縣東南四十里名水口河又名
昌陽水合五龍河南入海 水道提綱昌水河
出萊陽東南境昌山合四水爲五龍河入于海
按王子侯表成帝封泗水戾王子霸爲昌陽
侯卽此

有鹽官莽曰夙敬亭

不夜

解道彪齊地記不夜在陽庭城東南古有日夜
出見于東萊故萊子立此城以不夜爲名 元
和志不夜故城在登州文登縣東北八十五里
海濱 寰宇記不夜城卽春秋時萊子所置邑
以日出于東故以不夜爲名在今文登縣東北
八十里 大清一統志今登州府文登縣治卽
漢不夜縣也

有成山日祠

史記封禪書八神七曰日主祠成山成山斗入
海最居齊東北隅以迎日出云 本書郊祀志
宣帝時祠盛山于不夜 史記始皇本紀二十
八年過黃腫窮成山二十九年東遊登成山
本書武帝紀大始三年春二月幸琅邪禮日成
山如淳曰祭日于成山也 括地志成山在萊
州文登縣東北一百八十里 齊乘成山在文
登縣東北一百五十里古不夜城側旁多椒島
海艘經此失風多覆海道極險處也 大清一
統志日主祠在成山之陽 日知錄寰宇記秦
始皇登勞盛山望蓬萊後人因謂此山一名勞

盛山誤也勞盛二山名勞卽勞山盛卽成山封
禪書七曰日主祠成山成山斗入海漢書作盛
山古字通用齊之東徧環以大海海岸之山莫
大于勞成二山故始皇登之始皇紀令入海者
齋捕魚具而自以連弩候大魚至射之自琅邪
北至榮成山弗見至之罘見巨魚射殺一魚正
義曰榮成山卽成山也按史記及前代地理書
並無榮成山向疑其文在琅邪之下成山之上
必勞字之訛後見王充論衡引此正作勞成山
乃知昔人傳寫之誤唐時諸君未之詳考遂使
勞山并盛之名成山冒榮之號耳 方輿紀要
勞山在今膠州卽墨縣東南六十里二山相連
東濱大海其高大者曰大勞差小者曰小勞周
圍八十里高二十五里勞亦作嶗或誤爲牢又
誤爲勞盛山勞盛蓋二山盛卽盛山也秦始皇
登勞盛山望蓬萊蓋登此二山耳又史記始皇
自琅邪北至榮成山榮成又勞成之所誤也蓋
海岸之山莫大于成山勞山故往往並言之耳
莽曰夙夜

當利

按王莽傳有夙夜連率韓博獻勇士巨無霸據
本志夙夜卽不夜而莽置連率則莽嘗分東萊
之不夜爲郡矣

史記孝武紀以衛長公主妻爨大更名其邑曰
當利 寰宇記當利故城在今萊州西南三十
六里 肇域記掖縣西南四十里有當利城漢
縣也 水經膠水又北過當利縣西北入于海
大清一統志當利故城在今萊州府掖縣西

南

有鹽官莽曰東萊亭

盧鄉

伏琛齊記盧鄉城東南有大豁口與小豁口相
峙中通驛路 後書琅邪孝王傳注盧鄉故城
在今昌陽縣西北 寰宇記盧鄉故城在今萊
州膠水縣西北五十里 肇域記平度州西北
五十里有盧鄉城漢縣也 大清一統志盧鄉
故城在今登州府萊陽縣西南四十里萊州府
平度州西北 按恩澤侯表平帝元始五年封
陳鳳爲盧鄉侯卽此

陽樂

十三州志陽樂城在當利縣東北二十里 寰
宇記其地蓋在今萊州西南二十里內 肇域
記掖縣北四十里有陽樂城漢縣也 大清一
統志陽樂廢縣在今萊州府掖縣西南

侯國

王子侯表陽樂侯獲成帝建始二年以膠東頃
王子封

莽曰延樂

陽石

王子侯表成帝鴻嘉四年封膠東共王子慶爲
陽石侯 五行志陽石公主坐巫蠱死 十三
州志當利縣東有陽石城 寰宇記陽石城在
掖縣南當利故城東 大清一統志陽石廢縣
在今萊州府掖縣南 漢書顏注拾遺五行志
陽石公主師古以爲北海之縣字亦作羊非也
據地志東萊有陽石縣是矣北海羊石侯國也

如何合而一之

莽曰識命

徐鄉

齊乘徐鄉城漢縣蓋以徐福求仙為名故城在今黃縣境內 大清一統志徐鄉故城在今登州府黃縣西南五十里 按王子侯表成帝封膠東共王子炂為徐鄉侯注曰齊而志屬東萊據王莽傳始建國元年四月徐鄉侯劉快起兵討莽不克死炂即快蓋表誤也

漢書地理志補注卷三十五

琅邪郡

玉篇瑯琊郡名正作琅邪 後書光武紀注郡有琅邪山故名故城在今海州胸山縣東北 方輿紀要琅邪郡今兗州府東境沂州青州府南境莒州萊州府南境膠州一帶皆是其地 大清一統志琅邪山在今諸城縣東南一百五十里亦曰琅邪臺漢置琅邪郡以此取名 段氏說文注尋周時琅邪之名未知何解許君以其字从邑傅合郡名為釋耳九經字樣云郎邪郡名郎良也邪道也以地居鄒魯人有善道故為郡名今經典玉旁作良者譌未知其說所出 古書絕無作郎者且琅邪齊地非鄒魯地邪古書用為妄正字又用為助辭如乾坤其易之門邪乾坤其易之繩邪今人文字邪為疑辭也為決辭古人多不分別如子張問十世可知也當作邪字是也 按漢琅邪郡今山東沂州府之藍山沂水日照三縣及莒州青州府之臨朐安邱諸城三縣萊州府之高密即墨二縣及膠州登州府之萊陽縣又江南海州之贛榆縣皆其地

秦置

史記始皇本紀二十六年置琅邪郡 地理志稽疑琅邪故屬秦郡楚漢之際屬齊國高后七年為琅邪國文帝元年復屬齊國景帝後以支郡收

莽曰填夷

師古曰填音竹人反

屬徐州

晉書地理志徐州按禹貢海岱及淮之地舜十二牧則其一也於周入青州之域春秋元命包云天氏流為徐州蓋取舒緩之義或云因徐邱以立名秦兼天下以置泗水薛琅邪三郡楚漢之際分置東陽郡漢又分置東海郡改泗水為沛改薛為魯分沛置楚國以東陽屬吳國景帝改吳為江都武帝分沛東陽置臨淮郡改江都為廣陵及置十三州以其地為徐州

有鐵官縣五十一

東武不其海曲贛榆朱虛諸梧成靈門姑幕虛水臨原琅邪被鉅餅邾等段黔陬雲計斤稻皋虞平昌長廣橫東莞魏其昌茲鄉箕棹高廣高鄉柔即來麗武鄉伊鄉新山高陽昆山參封折泉博石房山慎鄉駟望安邱高陵臨安石山東武

功臣侯表東武貞侯郭蒙高帝六年封 水經濰水又東北過東武縣西注云縣因崗為城城周三十里 括地志漢東武故城即今密州諸城縣 隋志高密郡諸城縣舊曰東武開皇十八年改 元和志今密州郭下諸城縣漢東武縣屬琅邪郡樂府章所謂東武吟者也 肇城記諸城縣有南北二城漢所築東武縣城也有四門秦琅邪郡治此漢初以封諸侯王而東武縣為附郭北城後魏永安二年分東武為膠州所築隋開皇五年更為密州城但有東西二門撤東武北垣而合之 大清一統志東武故城即今青州府諸城縣治

莽曰祥善
不其

本書武帝紀太始四年夏四月幸不其如淳曰
不其山名因以爲縣其音基 又恩澤侯表高
后元年封呂種爲不其侯 又何武傳爲大司
空封汜鄉侯汜鄉在琅邪不其 後書皇后紀
注不其縣故城在今萊州卽墨縣西南 寰宇
記不其山在今卽墨縣東南四十五里故城在
縣西南二十七里約周十餘里 方輿紀要不
其山在今膠州卽墨縣東南四十里漢末逢萌
隱此又後漢鄭康成亦教授于山下又名馴虎
山後漢童恢爲不其令有伏虎之異也 山東
通志不其城在今卽墨縣西南二十七里 大
清一統志不其故城在今萊州府卽墨縣西南
縣志云今名不其社 按續郡國志作不期非
是伏湛封不其侯不作期也

有太一僊人祠九所

寰宇記中山祠在今卽墨縣東南五里漢志云
不其山有太一仙人祠九所此其一也 新校
地理志交門宮亦其一也武帝太初四年起
及明堂武帝所起

寰宇記女姑山在今卽墨縣西南三十八里其
山北舊有古墓老傳云此爲明堂卽漢志云武
帝所起者

海曲

本書王莽傳天鳳四年琅邪女子呂母起兵攻
海曲殺其宰 袁宏後漢紀琅邪呂母結衆爲
子報仇殺縣長起兵於海曲赤眉皆其黨今有

呂母固 續志劉昭注補博物記云海曲太公
呂望所出今有東呂鄉 水經注涓水北逕襄
鄉城東漢分諸縣之東爲海曲故城俗謂此
城爲東諸城 後書劉盆子傳注海曲縣故城
在今密州莒縣東 元和志漢海曲縣在今密
州莒縣東一百六十里地有東莒鄉東呂里太
公望所出也 齊乘日照縣在莒州東南一百
五十里海濱十里蓋漢海曲縣地 大清一統
志海曲故城在今沂州府日照縣西府志云在
縣西十里 地理志稽疑海曲當作海西東京
初年劉永封董憲之地東海亦有此縣今流俗
本大抵譌爲海曲

有鹽官
大清一統志濤浴鎮在日照縣東南四十里舊
志云明設鹽課司于此

春秋昭十九年齊伐莒莒子奔紀鄆杜注紀鄆
二地名東海贛榆縣東北有故紀城 史記田
儋傳田橫入海居島中正義曰海州東海縣有
島山去岸八十里 水經注游水又東北逕贛
榆縣北東側巨海有秦始皇碑在山上去海一
百五十步游水至加其上三丈去則三尺又東
北逕紀鄆故城南又東北入于海 師古曰贛
音紺榆音踰 晉書音義贛音咸 後書劉永
傳注贛榆縣今海州東海縣也贛音貢 通典
海州東海縣本秦末田橫所保鬱州亦曰郁州
漢贛榆縣是 元和志贛榆故城一名鹽倉城
在今東海縣東北三十里 寰宇記贛榆故城

在今海州東海縣東北五十里青山之陰 又
云田橫島在今卽墨縣東北百里其島四面環
海去岸二十五里可居千餘家又云田橫國在
今東海縣東北六十一里 輿地廣記東海縣
治鬱洲四面環海卽田橫所保也有郁州山一
名蒼梧山俗傳此山在蒼梧徒來上有南方株
木 寰宇通志漢贛榆城在淮安府廢東海縣
北五十里遺址尙存田橫國在今贛榆縣東北
八十里小鬲山壘石爲城周回二百四十步高
一百七十步孤峯峙秀俯臨深溪惟東隅可通
人行 大清一統志贛榆故城在今海州贛榆
縣東北

朱虛
王子侯表高后二年封齊悼惠王子章爲朱虛
侯 水經注巨洋水北流逕朱虛縣故城西十
三州志曰丹朱遊故虛故云朱虛朱猶丹猶
邱也 括地志朱虛故城在青州臨朐縣東六
十里 大清一統志朱虛故城在今青州府臨
朐縣東舊志云今縣東北廟山社有遺址土人
猶呼爲城頭

凡山丹水所出東北至壽光
屬北海郡
入海

史記五帝本記黃帝東至于海登丸山徐廣曰
丸一作凡裴駰曰按地理志丸山在琅邪朱虛
縣索隱曰凡音扶嚴反 竹書紀年堯放丹朱
于丹水 水經注地理風俗記曰丹山在西南
丹水所出東入海丹水猶由朱虛邱阜矣故言

朱虛城西有長坂遠峻名為破車峴城東北二十里有丹山世謂之凡山縣在西南非山也丹凡字相類皆從字變也丹水有二源各導一山世謂之東丹西丹水也西丹自穴山北流逕劇縣故城東東丹水注之出方山山有三水一水即東丹水也北逕縣合西丹水而亂流又東北逕瀋澗澗北澋水入之謂之魚合口又東北逕望臺東北注海 括地志丸山即凡山亦即丹山在青州臨朐縣界朱虛故縣西北二十里丹水出焉 史記正義地理志惟有凡山蓋凡山九山惟一山耳郊祀志云禪丸山師古云在朱虛亦與括地志合明一山也 東萊大事記軒轅征不道東至海登丸山或譌為凡山俗謂之丹山西丹河白狼河皆源于此 齊乘凡山在臨朐東北三十里一名丹山又名堯山下帶長阪曰破車峴東西二丹水出焉西丹出丹山在臨朐縣東北三十里東丹出方山在丹山東北二水皆分流至西樂廢城西北乃相通通名為丹河北入于海 今水經丹河有二東丹河源出昌樂縣東南二十里方山西丹河源出臨朐縣丹山二水皆北流至昌樂歷城西合流至壽光縣界入于海 大清一統志紀山在今昌樂縣西南五十里接臨朐縣界即古丹山西丹水發源于此 又云丹水有二源一出昌樂縣南方山為東丹河一出臨朐縣東北丹山為西丹河俱東北流經昌樂縣西北至昌樂故城西合流又東北經壽光縣東入濰縣界 水道提綱大丹河即西丹水出臨朐縣東北之丹山東

北流經昌樂縣西北小丹河自南來會小丹河即東丹水出昌樂縣南之方山北流經縣城西而北與大丹河合又東北入瀾河 東泰山 夏官職方青州山鎮曰沂山鄭注一名東泰山 史記封禪書公玉帶曰岐伯令黃帝封東泰山禪丸山天子既令設祠具至東泰山東泰山卑小不稱其聲乃令祠官祠禮之而不封禪焉 鄭志朱虛縣有小泰山公玉帶曰岐伯令黃帝封東泰山即此山也 臣瓚曰東泰山在琅邪朱虛界中即小泰山是也 元和志沂山在今沂水縣北一百二十四里即東泰山是也 齊乘沂山在臨朐縣南一百里即公玉帶請漢武所封之東太山也漢志謂卑小不足稱其聲者蓋沂山遠望之則高壓羣山綠坡麓曼衍八九十里以漸而升逮至其巔則失其峻極耳 大清一統志沂山在臨朐縣南九十里與沂州府沂水縣接界亦曰東泰山按鄭康成周禮注沂山為沂水所出今沂水實出沂山縣雕崖山其流北去此山尚五十餘里蓋本二山也自隋唐以來始混以此為沂山耳 水道提綱沂山在臨朐縣南即所稱東太山也為東省諸山之祖東自穆陵關蜿蜒而西數十里其西麓為沭水之源又西為沂水之源南即沂水縣北境北麓則巨洋水所出也 汶水所出東至安邱 屬本郡

說文汶水出琅邪朱虛東太山東入濰从水文聲 水經汶水出朱虛縣太山北過其縣東又北過淳于縣西又東北入于濰注云汶水出朱虛縣小太山伏琛晏謨並言水出縣東南嶧山山在小太山東者也自縣東北逕嶧城北又東逕安邱縣故城北其兩川交會之處則在淳于城東北也 齊乘沂山絕頂有瀑布泉懸百丈崖而下即汶水也齊有三汶入濟之汶入濰之汶見漢書入沂之汶見水經此則入濰之汶也 禹貢錐指會彥和云汶水有二出萊蕪縣原山入濟者徐州之汶也出朱虛縣太山入濰者青州之汶也渭接原山北接淄川延袤跨青徐二州之境汶雖徐水其導源處猶為青城故青之貢道書浮于汶云 大清一統志汶水源出臨朐縣南沂山瀑布泉東流經縣東南六十里又東入安邱縣界經縣城北三里又東北入濰水 水道提綱東汶河源出沂山東北谷東流近穆陵關折而東北流又折而東流至安邱縣西南境經縣城西北與濰水會此汶之別源也 按顏氏云前言汶水出萊蕪入濟今此又言出朱虛入濰將桑欽所說有異或者有二汶水乎此讀水經注不熟也據水經明有兩汶水一出萊蕪縣原山入濟即禹貢之汶水也一出朱虛縣東太山入濰所謂東汶水也又有入沂之汶水見酈注沂水篇中顏氏何荒謬至此 有三山五帝祠 師古曰五帝祠在濰水之上 寰宇記沂山東北四里有五壇是宋武帝伐燕立壇以祭五帝

諸處

春秋莊二十九年城諸及防杜注諸魯邑今城陽諸縣 又文十二年城諸及鄆 本書武帝紀征和二年諸邑公主坐巫蠱死師古曰諸邑琅邪縣也以封公主故謂之邑 水經注濰水又東北逕諸縣故城西 後書安帝紀注諸縣故城在今密州諸縣西南 元和志隋開皇十八年改東武縣為諸城縣取縣西三十里漢故諸縣城為名 大清一統志諸縣故城在今青州府諸城縣西南三十里府志云在石臺山東北二里濰河南岸

莽曰諸并梧城

春秋莊元年齊師遷紀邢部部杜注邢部紀邑在東莞朱虛縣東南 說文部東海縣故紀侯之邑也从邑吾聲 水經注汶水自朱虛縣東北逕梧城北地理風俗記曰朱虛縣東四十里有部城亭故縣也 寰宇記部城在青州安邱縣西南六十里梧山中 肇域記梧山四面險絕其上寬平約數百畝有古城遺址即漢梧城縣也 大清一統志部城故城在今青州府安邱縣西南梧山北亦作梧又作梧梧山在縣西南六十里 按梧城即春秋紀國之部邑故隋初于此置部城縣後廢

靈門

郡國縣道記靈門縣在今密州莒縣西南六十里當沂水縣東北一百里 寰宇記靈門故城

在今沂州沂水縣西北一百里 大清一統志靈門故城舊志云在今沂州府莒州北一百二十里今曰石埠城 有高桑山 師古曰桑即柘字 大清一統志高柘山在今莒州西北接沂山齊乘以為即巨平山者誤 漢書考異或曰桑乃原之譌 按寰宇記本作高原山

壺山

沂水所出東北入濰 說文沂水出琅邪靈門壺山東北入濰从水吾聲 水經注濰水又北逕平昌縣故城東又北

沂水注之水出沂山世謂之巨平山其水謂之沂汶東北流逕姑幕縣故城東又東北至平昌縣故城北又東北注于濰水 師古曰沂音吾 齊乘沂水今名南清河 肇域記巨平山在高柘山西四十里 大清一統志壺山亦在莒州北即水經注之沂山聲近而譌也 沂水亦名清河自莒州流入青州府諸城縣界東北流至安邱縣東南四十里景芝鎮東入濰水 水道提綱大沂河出室泉村東南東流至景從鎮南折而東北入濰小沂河出安邱縣南境楊埠之東東北流亦入濰

姑幕

水經注沂水東北逕姑幕縣故城東縣有五色土王者封建諸侯隨方授之 寰宇記姑幕城在今密州莒縣東北一百六十里 大清一統志姑幕故城在今青州府諸城縣西北五十里都尉治或曰薄姑

按薄姑即蒲姑其地在今博興縣東北與諸城縣南北相距五百餘里續志注地形志元和志寰宇記齊乘明統志諸書並同惟通典謂在密州莒縣東北蓋由班志而誤也 莽曰季睦 如淳曰盧音墟

侯國

王子侯表盧水康侯禹武帝元鼎元年以城陽頃王子封

臨原

寰宇記臨原故城在今臨朐縣東輔唐縣之北 大清一統志臨原故城在青州府臨朐縣東

侯國

按王子侯表有臨原侯始昌武帝元朔二年以菑川懿王子封注云臨原似分臨原地置臨原侯國也據本志琅邪郡只有臨原注云侯國無所謂臨原者史表亦作臨原則象為原之譌審矣 莽曰填夷亭

琅邪越王句踐嘗治此起館臺

管子齊桓公將東游南至琅邪 竹書紀年貞定王元年越徙都琅邪 吳越春秋越王句踐二十五年徙都琅邪立觀臺周七里以望東海

孟子齊景公曰遵海而南放于琅邪 戰國策蘇秦說齊王曰齊南有太山東有琅邪 史記始皇紀二十八年南登琅邪大樂之留三月乃徙黔首三萬戶於琅邪臺下復十二歲作琅

邪臺立石頌德 又三十七年北至琅邪 本書武帝紀元封五年東巡北至琅邪並海 又

太始三年復幸琅邪 山海經琅邪臺在渤海

間琅邪之東郭注琅邪臨海邊有山嶮嶢特起狀如高臺此即琅邪臺也 水經注琅邪本山名越王句踐之故國秦始皇滅齊以為郡城即

始皇之所築也 括地志密州諸城縣東南一百七十里有琅邪臺越王句踐觀臺也 史記

索隱海畔有山形如臺在琅邪故曰琅邪臺 史記正義琅邪山在密州東南一百三十里琅

邪臺在山上 元和志琅邪山在諸城縣東南一百四十里 寰宇記琅邪故城在今諸城縣

東南一百六十里東枕大海 方輿紀要琅邪山三面皆浸于海惟西南通陸 大清一統志

琅邪故城在青州府諸城縣東南一百五十里琅邪山下

有四時祠

史記封禪書八神八曰四時祠琅邪琅邪在齊東方蓋歲之所始 本書郊祀志宣帝時祠四

時于琅邪

師古曰音廢 十三州志朱虛縣東十三里有校亭故漢縣也 寰宇記校縣故城在今臨城

縣東九十里 齊乘膠州西南七十里有被胸漢侯國俗曰肥城廢音之轉也 大清一統志

廢被縣在今萊州府膠州西南縣志亦謂之木馬城 按關駟樂史竝以被為校一在朱虛東

一在臨胸東同一地也而所在各異于氏以為

膠州西南七十里是矣然城陽王子似不應封在膠州存以俟考

侯國

王子侯表校靖侯雲武帝元狩元年以城陽頃王子封 按校為被之譌無疑而索隱以為非是舛矣

莽曰被同

此四字舊在柎縣下誤今改正

如淳曰音巨 續志水經注並作柎 方輿紀要柎城在今膠州高密縣南三十里舊志謂在

膠州西南九十里是也今縣西南三十里有柎城河出縣南五十里王子山流入九穴泊蓋因

故城而名 大清一統志柎縣故城在今萊州府膠州西南柎艾水今在州南其城又在黔陬

之南當在今州西南界 寰宇記謂在高密縣西南二十里疑誤

柎艾水東入海 舊志作根艾水誤 水經注柎艾水出柎縣西

南柎艾山即齊記所謂黔艾山也東北流逕柎縣故城西世謂之王城又謂是水為洋洋水又

東北入海 大清一統志艾山在膠州西南三十五里州志云艾山東西各五里許兩山對立

俗名東西右耳柎艾水在膠州南亦名洋河義門讀書記根艾水水經注作柎艾水在膠州

南得名縣西南有柎艾山知根當作柎也或刻作相即柎之誤 漢書考異以水經注考之即

柎艾水也根乃柎之譌俗本水經注并作手旁

更謬

春秋莊元年齊師遷紀邢郟杜注邢紀邑在東莞臨胸縣東南 史表作餅 如淳曰音瓶

應劭曰邢一作駢臨胸有伯氏駢邑 括地志邢城在青州臨胸縣東南三十里 寰宇記

餅城在安邱縣西南與郟城相近 山東通志餅城在今安邱縣南 大清一統志餅縣故城

在今青州府臨胸縣東北亦作邢又作駢侯國 王子侯表餅敬侯成武帝元狩元年以菑川靖

王子封

說文邢琅邪縣从邑夫聲 水經注膠水逕扶縣故城西漢文元年封呂平為侯國 師古曰

音夫又音扶 山東通志邢縣在膠州西南境膠水之東 大清一統志廢邢縣在今萊州府

膠州西南 膠水東至平度 屬東萊郡

入海

水經膠水出黔陬縣膠山北過其縣西又北過夷安縣東又北過當利縣西北入于海注云齊

記曰膠水出五弩山蓋膠山之殊名也北流逕邢縣故城西又北逕平度縣歷土山入于海

齊乘膠水出膠州西南一百二十里鐵檄山北經高密平度昌邑界入海 今水經膠水源出

膠州西南鐵檄山過密州五弩山鹵水入焉又

北過高密縣注瀦澤與張奴水合由澤北入新河逕平度州昌邑縣界入海 大清一統志膠水源出今膠州之膠山北流至高密縣東平度州西昌邑縣東掖縣西又北至海倉口入海 皇朝通志膠河有二北膠河源出膠州西北經高密縣東入百脈湖有分水嶺北水來會北流有藥石河自平度州來會又西北至昌樂縣東又北入于海南膠河出高密縣分水嶺南東流有白沙河自平度州來會折東南經膠州北有大沽河合小沽河來會又南入于海 水道提綱膠水源出膠州西南境鐵嶺山亦曰膠山北流經高密縣東入百脈湖其北連山即分水嶺也嶺北有水北流爲北膠河折而西北又折而南經平度州城東又經州西境又西北至昌樂縣東境新河橋之西北入海曰膠河口南膠河自分水嶺南東流承白沙河水又折而東南經膠州北境會大沽河小沽河又南至州東入于海膠河由一嶺間隔南北分流入海人嘗欲鑿嶺通運功訖不就

莽曰純德

零段

師古曰零音許于反段音工下反

侯國

王子侯表虛葭康侯澤武帝元狩元年以城陽頃王子封 按虛葭即零段史表又作零般皆傳寫之誤

黔陬故介國也

春秋僖二十九年介葛盧來杜注介東夷國也

在城陽零段縣 袁山松曰零段縣有介亭水經注膠水又北逕零段縣故城西晏謨伏琛並云縣有東西二城相去四十里 後書淳于恭傳注零段縣之山也零段故城在今密州諸城縣東北 郡國縣道記零段秦所置在高密郡東北古介葛盧國也後移于膠水西相去二十里俗名故城爲東陬而此城爲西陬 師古曰陬音子侯反 晉書音義黔其廉反又音琴 隋志高密郡膠西縣舊曰零段開皇十六年改 寰宇記東陬城在諸城縣東北一百十里故介國也後移于膠水西去故城三十里時人謂之西黔城在諸城東北九十五里膠水西齊乘零段山名也後漢淳于恭客隱琅邪零段山則縣乃因山以名也 大清一統志零段故城在今萊州府膠州西南介亭在膠州南七十里

雲侯國

王子侯表雲夷侯信武帝元朔四年以齊孝王子封

計斤莒子始起此

左傳襄二十四年齊崔杼伐莒侵介根杜注介根莒邑今城陽黔陬縣東北計基城是也如淳曰斤音基 水經注游水左逕琅邪計斤縣故城西莒子始起此後徙莒故世謂此爲南莒也 師古曰計斤即計基左氏傳所謂介根也語音有輕重耳 大清一統志計斤故城在今萊州府膠州 漢書考異據續志及劉昭所引左氏之介根證之則後漢時此縣并入黔陬矣

漢書顏注拾遺按計斤縣杜預謂之計基城寰宇記云即左傳所謂介根城皆音之轉耳 按莒己姓子爵武王初封茲輿期于計爲莒國都介根今萊州府膠州西南五里有介根城漢置計斤縣即此寰宇記謂計斤故城在高密縣東南者誤也

後徙莒

大清一統志莒城在今江南海州贛榆縣西舊志云在縣西十五里今爲莒城鎮 按莒即今山東沂州府莒州接江南海州界莒子初都介根不知何年徙此戰國時楚簡王滅莒地入于齊爲莒邑齊潛王走莒即此

有鹽官

寰宇記漢稻縣故城舊地理書皆失其所在其在今高密縣西南故濰水堰之側昔漢朝于此立堰造塘溉稻田數千頃縣因以爲名 齊乘高密西南濰水堰側土人呼爲趙貞女防南有高隄即稻城遺跡春秋稱琅邪之稻自漢有塘堰蓄濰水以溉稻因名其城旁有稻田萬頃斷水造魚梁歲收億萬號萬疋梁今其遺跡鞠爲榛莽矣 大清一統志稻縣故城在今萊州府高密縣西南舊志云在縣西南五十里

侯國

王子侯表稻夷侯定武帝元光四年以齊孝王子封

泉虞

寰宇記泉虞故城在即墨縣東北五十里 大

清一統志皋虞故城在今萊州府即墨縣東北縣志云今名皋虞社

侯國

王子侯表皋虞煬侯建武帝元鼎元年以膠東康王子封

莽曰盈廬

平昌

王子侯表文帝四年封齊悼惠王子卬為平昌侯 水經注濰水又北逕平昌縣故城東荆水

注之水出縣南荆山阜東北流逕平昌縣故城東城東南有臺臺下有井與荆水通昔常有龍

出入于其中故世亦謂之龍臺城荆水又東北流注于濰水又北活水注之 又云活水又東

北逕平昌縣故城北又東北注于濰水 寰宇記平昌故城在今密州安邱縣南六十里 山

東通志平昌城在諸城縣東北六十里柴溝東南 大清一統志平昌故城在今青州府安邱縣南

長廣

寰宇記長廣故城在今萊陽縣東六十里 大清一統志長廣故城在今登州府萊陽縣東

有萊山萊王祠

史記封禪書六日月主祠之萊山章昭曰在東萊長廣縣 隋志東萊郡膠水縣舊曰長廣仁壽元年改

奚養澤在西秦地圖曰劇清地幽州藪

夏官職方幽州澤藪曰奚養鄭注奚養在萊陽杜子春讀奚為奚 晉書地道記奚養澤在北

海桓縣西 元和志奚養澤在今萊州昌陽縣西北四十里 齊乘高密縣有都濼者水經注謂之夷安潭秦地圖謂之劇清地 大清一統

志奚養澤在今萊陽縣東五十里 地理志稽疑職方之澤惟此溼沒

有鹽官

橫

寰宇記橫縣故城在廬山之北廬水之側 肇域記諸城縣東南四十五里有廬山山北有漢

橫縣故城 大清一統志橫縣故城在今青州府諸城縣東南四十里

故山久台水所出東南至東武屬本郡

入濰

水經注濰水又北右合廬水廬水即久台水也水出琅邪橫縣故山在東武縣故城東南世謂之廬山也其水西北流逕昌縣故城西又東

北流逕東武縣故城東西北入濰 師古曰台音怡蘇軾超然臺記其東則廬山秦人廬敖之所從遁也 方輿紀要廬水源出廬山北流入

濰一名台水近志訛為久台水廬山在諸城縣東南四十五里以秦博士廬敖隱處而名其北

即廢橫縣也 大清一統志廬山在諸城縣東南三十里本名故廬水舊名久台水北流入

濰 殿板漢書考證名台水當依水經注作久台水久名字形相近而誤耳 水經注釋按漢

志云橫故山名台水所出橫句故山名句台水所出句以山本名橫山縣因山以受氏亦曰橫

耳然其山又名廬山故台水亦曰廬水道元依漢志以立文乃曰橫縣故山可謂疏鹵之至後人不察遂致久台名台之錯出耳 又云周禮

職方兗州其浸盧維班固僅志禹貢之維水而盧水無聞師古以為在濟北盧縣而泰山之盧

又無廬水也全謝山欲以城陽盧縣之廬川水當之竊謂不如用琅邪橫縣之台水本出廬山

曰廬水東南至東武入濰見于地理志以此當職方之浸庶為可據也

莽曰分邱

東莞

春秋文十二年季孫行父帥師城諸及鄆杜注鄆莒魯所爭者城陽姑幕縣南有員亭員即鄆也 又襄十二年季孫宿帥師救台遂入鄆杜

注鄆莒邑 又昭元年季孫宿伐莒取鄆 王子侯表武帝元朔二年封城陽共王子吉為東

莞侯 孟康曰東莞故鄆邑今鄆亭是也 水經注沂水又東南逕東莞縣故城西與小沂水

合小沂水出黃孤山西南流逕其城北西南注于沂 師古曰莞音官 晉書書義莞音丸

元和志今沂州沂水縣本漢東莞縣即春秋莒魯所爭之鄆邑也城陽姑幕縣南有員亭即鄆

也俗變其字耳 寰宇記沂水縣在沂州西北二百里本漢東莞縣地 肇域記沂水縣西北

有古城漢之東莞縣也 大清一統志東莞故城即今沂州府沂水縣治舊志云有故城在今

縣西北二十里 按春秋時魯有兩鄆昭公所居者為西鄆在東平莒魯所爭者為東鄆在此

文十二年季孫城鄆時鄆方屬魯後入于莒襄十二年雖入鄆而未能有之至昭元年伐莒取鄆始屬魯矣杜注云今有員亭員即鄆也古鄆員聲同通用

術水南至下邳

屬東海郡

入泗過郡三

過琅邪城陽東海三郡

行七百一十里青州繕

夏官職方青州其浸沂流鄭注沫出東莞鄒司農流或作洙 說文流水出琅邪東莞有州浸

水經流水出東莞縣西北山東南過其縣東

又東南過莒縣東又南過陽都縣東入于沂注

云流水出東莞縣大弁山與小泰山連麓而異

名也東南逕其縣東又東逕東海厚邱縣西南

出左會新渠逕宿豫縣注泗水 師古曰術水

即流水也音同經典釋文流音述李音餘戍反

元和志流水俗名漣水出沂山東麓逕大峴

山峴水入焉 大清一統志流水源出沂水縣

北東南流經莒州東又西南流經蘭山縣東又

南經郯城縣東又東南流入江南流陽縣界分

為二派下流入海 水道提綱沈河即古流水

亦曰術水源出沂水縣南西北之沂山東南流

凡二百數十里經莒州城東又南入江南贛榆

縣西北界又西南經郯州東境流陽縣西北境

至司吾驛南折而東流至縣西分為二派並入

于海

魏其

方輿紀要魏其城在今沂州南 大清一統志魏其故城在今沂州府蘭山縣南 新校地理志魏者巍也以山之高氏縣也

侯國

王子侯表魏其煬侯昌武帝元鼎元年以膠東

康王子封 按功臣侯表高帝六年封周定考

景三年封寶嬰並即此

莽曰清泉

昌

水經注盧水又西北逕昌縣故城西 肇域記

諸城縣東北二十里有昌城漢琅邪屬縣也

山東通志昌城在諸城縣東北三十五里昌城

社 大清一統志昌縣故城在今青州府諸城

縣東北 按王子侯表有昌侯差武帝元狩元

年以城陽頃王子封即此而水經注以為信都

之昌城誤矣又有昌鄉侯憲膠東頃王子又昌

鄉侯旦東平煬王子並即此昌縣也

有環山祠

茲鄉

春秋昭五年莒牟夷以防茲來奔杜注茲莒邑

城陽姑幕縣東北有茲亭 大清一統志茲鄉

故城在今青州府諸城縣西北

侯國

王子侯表茲鄉孝侯宏宣帝甘露四年以城陽

荒王子封 按表又有祝茲侯延年膠東康王

子注曰琅邪據本志琅邪無祝茲而有茲鄉注

云侯國疑即此地索隱謂盧江之松茲亦作祝

茲竊意膠東王子所封當以琅邪為是齊乘云

即墨縣東有祝茲城二漢並無此縣蓋鄉聚之名取為國號如平津博陸之類耳餘詳盧江松茲縣下

箕

寰宇記箕山在今密州莒縣北八十里箕縣蓋

因山以為名今故城在縣東北一百餘里其山

在濰水之西 齊乘箕城在莒州東北一百里

箕屋山下濰水出此 大清一統志箕城在今

沂州府莒州西北九十里

侯國

王子侯表箕侯文宣帝甘露四年以城陽荒

王子封

禹貢濰水

舊作維水誤

北至都昌

屬北海郡

入海過郡三

過琅邪高密北海三郡

行五百二十里兖州窺也

禹貢濰淄其道 夏官職方兖州其浸盧濰鄭

注濰出琅邪箕縣 左傳襄十八年晉師東侵

及濰杜注濰水在東莞東北至北海都昌縣入

海 又昭十二年中行穆子曰有酒如淮有肉

如坻劉綽曰淮當作濰 史記淮陰侯傳龍且

與信夾濰水而陳信使人決壅囊水大至龍且

軍不得渡遂殺龍且 說文濰水出琅邪箕屋

山東入海从水維聲 水經濰水出琅邪箕縣

濰山東北過東武縣西又北過平昌縣東高密

縣西淳于縣東又東北過都昌縣東又東北入于海注云許慎呂忱並云濰水出箕屋山淮南

子曰濰水出覆舟山蓋廣異名也東北逕其縣故城西又西折泉水注之又東北逕諸縣故城

西東武城縣西 元和志濰山在密州莒縣東北八十三里濰水所出 日知錄濰字或省水

作維或省系作淮又或从心作惟總是一字古人之文或省或借其旁並從鳥佳之佳則一後

人誤讀為淮沂其父之淮而呼此水為淮河失之矣 今水經濰水源自莒州西北九十里箕

屋山自密州諸城縣界流入高密縣境逕昌邑濰縣界東北入海 大清一統志濰水源自莒

州東北東流入青州府諸城縣界逕縣北五里折而北逕萊州府高密縣界又北逕安邱縣東

又北逕萊州府昌邑縣界入海 地理今釋濰水出今山東青州府莒州西北九十里箕屋山

即濰山也土人名為淮河東流經諸城縣西折而北至萊州府昌邑縣東北五十里入海 水

道提綱濰水俗曰淮河又曰東淮河源出莒州北境之箕屋山東北流又東南流至諸城縣西

山麓又東又折而東北經濰縣城北又西北有大涿河小涿河來注之又北逕安邱縣東有東

汶河來會又西北經濰縣東又北至昌邑縣東南又東北入海曰淮河口 又云地志中濰亦

作維亦作惟亦作淮實皆維字耳今俗猶稱此水為東淮河知自漢已然矣水經注引此志總

曰入濰是也 按說文濰水出琅邪箕屋山謂出琅邪箕縣之屋山耳非山名箕屋也諸地志

皆誤

神 說文作神 應劭曰音神 集韻作神 寰宇記神縣蓋即古向城在莒縣南七十三里 大

清一統志神縣故城在今沂州府莒州南亦曰向城本春秋時向國隱公二年莒人入向即此

夜頭水南至海 寰宇記輿地志云向水南至海夜頭向水蓋異名也舊地志書皆失其所在今莒縣南七十里

故向城春秋時向邑即神縣也與折泉境相近 大清一統志夜頭水在莒州南

莽曰識命 高廣 寰宇記高廣漢縣其地蓋在今密州莒縣南界已無迹可考

侯國 王子侯表高廣節侯勳宣帝甘露四年以城陽

荒王子封 高鄉 寰宇記故高鄉城在今密州莒縣東南七十三

里晉永嘉後城廢疑即今十字路城 方輿紀要高鄉城在今莒州東南七十里 大清一統

志高鄉故城在今沂州府莒州南 侯國 王子侯表高鄉節侯休宣帝甘露四年以城陽

惠王子封 柔侯國 按王子侯表有棗原侯山宣帝甘露四年以城

陽荒王子封注曰琅邪據本志琅邪無棗縣則棗為柔之譌無疑

即來侯國 王子侯表即來節侯倭宣帝甘露四年以城陽

荒王子封 莽曰盛陸 宋祁曰陸當作陸 麗 表作麗茲

侯國 王子侯表麗茲共侯賜成帝建始二年以高密

頃王子封 武鄉侯國 王子侯表武鄉侯慶成帝建始二年以高密頃

王子封 莽曰順理 宋祁曰理當作里 伊鄉侯國 王子侯表伊鄉頃侯遷元帝永光三年以城陽

戴王子封 新山 寰宇記新山漢縣其地當在今密州莒縣界

侯國 功臣侯表新山侯稱忠元帝永光四年封 高陽 寰宇記高陽城在今高密縣西北三十四里

齊乘今有高陽村 大清一統志高陽故城在今萊州府高密縣西北

侯國

恩澤侯表高陽薛宣成帝鴻嘉元年封

昆山

寰宇記昆山漢縣其地當在今莒州界 齊乘

昆山城在莒州南今無迹可考 肇城記諸城

縣西南六十里有昆山城漢縣也在昆山之西

大清一統志昆山故城在今青州府諸城縣

西南六十里昆山西七里縣以此山名也

侯國

王子侯表昆山節侯光元帝初元元年以城陽

荒王子封

參封侯國

王子侯表參封侯嗣元帝永光三年以城陽戴

王子封

折泉

寰宇記折泉故縣在今莒州東北分流山之北

大清一統志折泉故城在今青州府諸城縣

西南七十里

侯國

王子侯表折泉節侯根元帝初元元年以城陽

荒王子封

折泉水北至箕

屬本郡舊作莫誤

入濰

水經注折泉水出折泉縣北松山東南流逕縣

東又東北流至箕縣北入于濰 寰宇記折泉

水舊地理書並失其所在蓋今莒縣東北分流

山之北有涓水源其涓水即古折泉水也 大

清一統志松山即分流山在今諸城縣西南六

十里折泉水在縣西南七十里自分流山西發

源流至沂州府莒州境入濰 殿板漢書考證

齊召南曰漢無莫縣水經注引此文曰至箕縣

北入濰然則莫字係箕字之訛也

博石侯國

王子侯表博石頃侯淵元帝初元元年以城陽

荒王子封

房山侯國

王子侯表房山侯勇元帝初元元年以城陽荒

王子封

慎鄉侯國

按王子侯表有順陽侯共成帝建始二年以膠

東頃王子封錢獻之以爲即此縣

馴望侯國

功臣侯表馴望忠侯洽廣元帝陽嘉元年封

莽曰洽鄉

師古曰洽音零

安邱

大清一統志漢有二安邱屬北海者故城在今

縣西南屬琅邪者故城在今縣東南

侯國

王子侯表安邱侯常成帝鴻嘉元年以高密頃

王子封

莽曰寧鄉

高陵

史記項羽本紀宋義使於齊道遇齊使者高陵

君顯晉灼曰高陵縣名屬琅邪

侯國

恩澤侯表高陵共侯翟方進成帝永始二年封

莽曰蒲陸

臨安侯國

王子侯表臨安侯閔成帝永始二年以膠東共

王子封

莽曰誠信

石山侯國

王子侯表石山節侯玄元帝永光三年以城陽

戴王子封

漢書地理志補注卷三十六

東海郡

左傳季札聞齊音曰表東海者其太公乎 戰

國策齊湣王謂張儀曰齊僻陋隱居東海之上

方輿紀要東海郡秦薛郡地今兗州府東南

至南直邳州以至東海是其地 按漢東海郡

今山東沂州府之蘭山郟城費三縣兗州府之

泗水滕嶧三縣又江蘇徐州府之宿遷及邳州

高帝置

地理志稽疑東海故秦郡楚漢之際改名郟郡

屬楚國高帝五年屬漢復故仍屬楚國景帝二

年復故 又云前志于泗水國曰故東海郡于

東海郡曰高帝置則似秦之東海非漢之東海

也而實不然秦東海治郟見陳勝傳漢東海亦

治郟豈有二乎泗水乃分置之國耳然前志尚

存秦東海之目續志則竟去之故胡梅圃謂秦

無東海按秦東海之名不特見陳勝傳亦見周

勃傳安得云無顧宛溪亦仍其謬 又云郟郡

即秦東海郡楚漢之間改名漢復曰東海見高

紀以封楚王劉賈父曰郟非秦郡足正應劭之

誤然不知即秦之東海也治郟故改名曰郟

秦漢郡國考高帝紀六年以楊郡薛郡郟郡立

弟交為楚王楚王交傳郟郡作東海應劭曰東

海秦郟郡酈元沂水注云郟縣東海郡治秦始

皇以為郟郡漢高帝二年更從今名史記陳涉

世家陵人秦嘉等皆將兵圍東海守慶于郟是

時未有東海郡史家以今名追書之而秦有郟

郡郟治郟是其證據也又絳侯世家籍已死因
東定楚地泗水東海郡此改郟郡為東海郡之
始

莽曰沂平

後書劉盆子傳赤眉與王莽沂平大尹戰注云

莽改東海郡曰沂平

屬徐州縣三十八

郟蘭陵襄賁下邳良成平曲戚胸開陽費利成

海曲蘭祺繪南成山鄉建鄉即邱祝其臨沂厚

邱容邱東安合鄉承建陽曲陽司吾于鄉曲平

郟故國少昊後盈姓

春秋襄七年郟子來朝 又定三年仲孫何忌

及郟子盟於拔傳作盟于郟杜注郟即拔也

又定四年公及齊侯平莒及郟 本書史丹傳

封武陽侯食東海郟之武彊聚 城家記郟城

在沂流二水之間城周十餘里西南去邳州八

十里 應劭曰郟音談 水經注沂水又南逕

郟縣西縣故郟國也 元和志故郟城在今泗

州下邳縣東北一百五十里古郟子國孔子問

鳥官于郟子即此地 寰宇記古郟城在今淮

陽軍下邳縣東北一百五十里故郟子國城也

宋滅郟以為縣 通志氏族略郟姓子爵或

曰贏姓少昊之後 寰宇通志郟在淮安府邳

州城北五十里 方輿紀要郟城在今山東沂

州郟城縣西南百里江南邳州東北八十里

大清一統志沂州府郟城縣春秋郟子國漢置

郟縣舊志云有故城社在縣西二十里又古縣

社在縣西南三十里皆其遺址

蘭陵

史記荀卿傳荀卿適楚春申君以為蘭陵令因

家蘭陵 本書五行志惠帝二年有兩龍見于

蘭陵廷東里溫陵井中師古曰蘭陵縣之廷東

里也溫陵人姓名 孟康曰次室亭魯伯是

晉書地道記蘭陵故魯次室邑列女傳有漆室

之女或作次室 十三州志蘭陵故魯次室邑

其後楚取之改為蘭陵縣 史記正義今沂州

承縣有蘭陵山漢縣晉置蘭陵郡別理承城非

此矣 元和志蘭陵故城在今沂州承縣東六

十里荀卿為蘭陵令即此 九域志沂州承縣

有蘭陵鎮 困學記聞荀卿為蘭陵令在漢屬

東海郡今沂州承縣誠齋延陵懷古有蘭陵令

一章蓋誤以南蘭陵為楚之蘭陵也古靈詩亦

誤 齊乘古蘭陵城在沂東南六十里 大清

一統志蘭陵故城在今兗州府嶧縣東五十里

莽曰蘭東

荀子說齊相曰楚人則有襄賁開陽以臨吾左

本書周勃傳沛公拜勃為襄賁令 應劭曰

賁音肥 水經注沂水又東逕襄賁縣東魯連

子稱陸子謂齊湣王曰魯費之衆臣甲舍于襄

賁 後書祭彤傳注襄賁故城在今沂州臨沂

縣南 隋志東海郡漣水縣舊曰襄賁開皇初

改 齊乘襄賁城與鍾離城相對俗訛作鑿城

方輿紀要今淮安府安東縣襄賁縣地

大清一統志襄賁故城在今沂州府蘭山縣西

南一百二十里 按王子侯表有鱣侯應武帝元狩元年以城陽頃王子封注曰襄賁則鱣當是襄賁縣之鄉名也

莽曰章信

下邳

竹書紀年商外壬元年姚人邳人叛 左傳昭

元年趙孟曰商有姚邳杜注二國商諸侯邳今下邳縣 又定元年薛宰曰薛祖奚仲遷于邳

史記田齊世家威王封鄒忌于下邳號曰成

侯 本書高帝紀漢王五年即帝位曰義帝無

後齊王韓信習楚風俗徙爲楚王王淮北都下

邳 又張良傳良嘗間從客步游下邳圯上

應劭曰邳在薛其後徙此故曰下 臣瓚曰有

上邳故曰下邳也 水經沂水又南過下邳縣

西南入于河注云沂水于下邳縣北西流分爲

二水一水于城北西南入泗一水逕城東屈從

縣南亦注泗謂之小沂水水上有橋徐泗間以

爲圯張子房遇黃石公于圯上即此處也戴延

之西征記云縣有沂水自城戶西南注泗別下

迴城南亦注泗 水經注泗水又東南逕下邳

縣故城西南流沂水流注焉漢徒王韓信

爲楚王都此後乃縣之縣爲沂泗之會又有武

原水注之 史記正義邳被悲反下邳泗水縣

也 晉書音義邳符悲反 元和志今泗州下

邳縣本夏時邳國後屬薛左傳薛之祖奚仲遷

于邳是也春秋并于宋戰國時屬楚後屬齊至

秦曰下邳縣漢因之 九域志下邳在徐州東

一百八十里 輿地廣記今淮陽軍下邳縣夏

時奚仲自薛徙此秦末爲東陽郡治秦嘉其邑人也縣屬沂泗之會 大清一統志下邳故城在今徐州府邳州東舊志云在州東三里

葛嶧山在西古文以爲嶧陽

禹貢嶧陽孤桐 說文葛嶧山在東海下邳縣

續郡國志下邳有葛嶧山本嶧陽山 劉昭

注補嶧陽山出名桐伏滔北征記曰今檠根往

往而存 西征記下邳城西五里有葛山即禹

貢所謂嶧陽山也 水經注泗水歷下邳縣逕

葛嶧山東即奚仲所遷之邳嶧也 元和志嶧

陽山在今泗水下邳縣西六里 寰宇記嶧陽

山在今淮陽軍下邳縣西六里禹貢嶧陽孤桐

即此 寰宇通志葛嶧山在淮安府邳州治西

北今名距山以其與沂水相距也 焦氏筆乘

在鄒縣者爲鄒嶧在邳州者爲葛嶧 禹貢錐

指林少穎云嶧山即詩所謂保奭嶧非也漢

志東海下邳縣葛嶧山在西古文以爲嶧陽魯

國驪縣故邾國嶧山在北嶧釋古字通今兗州

府鄒縣東南有嶧山一名邾釋亦曰鄒嶧此即

奭釋之釋左傳邾文公卜遷于釋史記秦始皇

刻石頌功德者也水經注泗水歷下邳縣逕葛

嶧山東即奚仲所遷之邳釋元和志謂之嶧陽

山此乃禹貢之嶧陽漢志極其分明林氏混而

一之大謬蔡傳主葛嶧是也 尚書地理今釋

嶧陽一名葛嶧山在今江南淮安府邳州西南

俗爲距山以與沂水相距也 山東通志葛嶧

山在今嶧縣東南十五里縣以此得名也但禹

貢所云嶧陽孤桐確係鄒嶧山蓋鄒嶧山無土

壤故孤桐爲可貴觀王氏詩傳臯釋二山皆徐

州地釋與嶧同則嶧陽之爲鄒釋無妨于徐州

之貢也不知孔穎達何故必欲以葛嶧當之豈

以滕嶧爲徐而鄒泗爲魯耶不知鄒泗皆徐域

也保有臯釋遂荒宅此明徵矣或以鄒嶧山

多石而葛嶧山多土桐非土不生則王氏之解

高人一等矣 大清一統志葛嶧山在今江南

邳州西北六里山東嶧縣東南十五里嶧縣以

此得名亦名釋陽山今名柱子山承水繞其下

又云按禹貢孔疏以嶧陽爲葛嶧蔡傳因之

其說本後漢書注考宋儒以前未有以鄒嶧爲

嶧陽者獨王應麟詩傳有是說或非無見姑存

之以俟考

有鐵官

續郡國志下邳縣有鐵

莽曰閭儉

良成

後漢作良城 左傳昭十三年晉侯會吳子于

良杜注下邳有良成縣 又哀十四年楚伐吳

陳侯使公孫貞子弔焉及良而卒杜注良吳地

水經沂水又南過良成縣西 後書明帝紀

注良成故城在今泗水下邳縣北 寰宇記良

成故城在今邳縣北六十里 大清一統志良

成故城在今徐州府邳縣北

侯國

王子侯表良成頃侯文德昭帝始元五年以魯

安王子封 莽曰承翰

平曲

寰宇記平曲故城在今胸山縣界 大清一統志平曲故城在今海州沭陽縣東北 新校地理志郡有二平曲縣疑亦一地而分兩縣也當時分封侯國有此例

莽曰平端

戚

本書高帝紀秦泗州守壯兵敗于薛走至戚鄭氏曰音憂戚之戚如淳曰音將毒反師古曰讀如本字 又曹參傳遷為戚公師古曰為戚縣之令 又功臣侯表戚圍侯李必高祖十二年封 史記索隱鄭注德包並如字讀李登音干笠反 括地志沂州臨沂縣有漢戚縣故城 大清一統志戚縣故城在今兗州府滕縣南七十里府志云城周四里

胸

史記淮陰侯傳項王亡將鍾離昧家在伊廬徐廣曰東海胸縣有伊廬鄉 水經注游水歷胸縣與沭水合又逕胸山西山側有胸縣故城 後書光武紀注胸縣故城在今海州胸山縣西南胸音其于反 廣韻作胸 續通典胸故城在今胸山縣西九十里 寰宇記通志胸山在淮安府海州治南上有雙峯如削俗呼為馬耳峯 旁有龍潭水極清冽大旱不涸其東北嶺名石棚山又名錦巖 大清一統志胸縣故城在今海州南胸山在州南四里秦置胸縣以此 按王子侯表有臨胸夷侯奴武帝元朔二年以菑川懿王子封注云東海據本志有兩臨胸縣一

屬東萊一屬齊郡而屬東海者乃胸縣無臨胸疑傳寫誤增又有枸侯買武帝元狩元年以城陽頃王子封注云東海則枸當為胸之譌也 秦始皇立石海上以為東門闕

史記始皇本紀三十五年立石東海上胸界中以為秦東門 博物記胸縣東北海邊植石秦所立之東門也 寰宇記植石廟在今胸山縣北四里史記始皇立石東海上胸界中以為秦東門今門石猶有傾倒為數段者在廟北百許步尙可識 水經注釋闕觀也說文云門觀也蓋古象魏之制秦皇立石海上狀如宮門之闕也據始皇紀無闕字

有鐵官

續郡國志胸縣有鐵開陽故鄆國

春秋昭十八年邾人入郟杜注鄆國今琅邪開陽縣林注邾小國妘姓禹之後 左傳昭十九年宋公伐邾盡歸鄆俘 春秋哀三年季孫斯叔孫州仇帥師城啓陽杜注啓陽今琅邪開陽縣 荀子說齊相曰楚人則有襄賁開陽以臨吾左 漢官儀洛陽城門東第一門始成夜有一柱來止樓上開陽縣上言南門下一柱飛去即洛陽城門柱也 說文鄆妘姓國讀如規渠 水經注沂水又南逕開陽縣故城東縣故鄆國也 師古曰鄆音禹 寰宇記鄆國祝融之後妘姓 輿地廣記漢開陽故城在今臨沂縣南 齊乘開陽城今曰鄆城在沂州北十五里 本作啓陽避漢景帝諱改為開陽 大清一統

志開陽故城在今沂州府蘭山縣北舊志云有古城社在沂州東北十五里即古開陽也 莽曰厭虜 師古曰厭音一涉反

費故魯季氏邑

左傳隱八年鄭伯請釋太山之祀而祀周公以太山之祊易許田三月鄭伯使宛來歸祊不祀太山也杜注祊鄭祀太山之邑在琅邪費縣東南 僖元年公賜季友汶陽之田及費 論語公山弗擾以費畔 孔安國書傳祊魯東郊地名即魯卿季氏之費邑地也 水經注治水又東南逕費縣故城南說文云沂水出費縣東西入泗字林亦言是矣斯水東南所注者沂水在西不得言東南趨也皆為謬矣故世俗謂此水為小沂水 元和志今沂州費縣古費國也後為季氏邑漢為縣 大清一統志費縣故城在今沂州府費縣西北二十里春秋魯季氏邑其外城即古祊邑也 按費在魯隱公時為大夫費伯之食邑即元年帥師城郟之費伯也二年司空無駭入極費庠夫勝之庠夫即費伯自僖公賜于季友遂為季氏私邑襄七年城費昭十二年南蒯以費叛並即此或曰費伯之費讀如讀曰祊者有別然先儒無此說也據路史如字讀者乃滑國之費在今河南緱氏縣 又按功臣侯表有費侯陳賀高帝六年封索隱以為即東海之費縣而師古云音扶味反非季氏邑但不言其所在而此處則曰音祊顧寧人曰南武

城卽費也存以俟考 又按尙書費誓魯世家作盼誓說文作柴誓徐廣曰一作鮮又作彌世本又作弗劉向說苑又作鄴然魯世家于季氏之邑亦皆作鄴所未審也

都尉治莽曰順從

利成 續志作利城 水經注游水自胸縣又北逕利成縣故城東故利鄉也漢武帝元朔四年封城陽共王子嬰爲侯國 又云武陽溝水東出倉山山上有鹽官城卽利成也 寰宇記利成故城在今海州懷仁縣西六十里 九域志沂州臨沂縣有利成鎮 方輿紀要利成故城在今海州贛榆縣西六十里 山東通志利成城在蘭山縣東一百里蒼山之南、大清一統志利成故城在今沂州府蘭山縣東百里其城因山爲基接江南贛榆縣界

莽曰流泉 海西

舊作海曲誤 十三州志海西縣在開陽東百三十里 胡三省通鑑注功臣侯表海西侯李廣利地志屬東海郡琅邪亦有之然今流俗本皆誤作海曲 大清一統志海曲當作海西廢縣在今海州南舊志云在州南一百二十里 漢書考異曲當作西續志廣陵郡海西縣故屬東海宋志臨淮郡海西縣前漢屬東海後漢晉屬廣陵是也

莽曰東海亭 蘭祺侯國

王子侯表蘭旗侯臨朝昭帝始元五年以魯安王子封旗乃祺之謚

莽曰溥睦 續故國禹後

春秋僖十四年鄆子來朝杜注鄆國今琅邪縣 又襄六年莒人滅鄆杜注鄆小國今琅邪縣 又昭四年取鄆杜注鄆莒邑 荀子世問篇繒邱之封人見楚相孫叔敖楊倞注繒與鄆同鄆邱故國地理志屬東海 史記吳太伯世家敗齊師於艾陵遂至繒 又蘄歛傳略地東至繒 又貨殖傳胸繒以北其俗齊 說文鄆妣姓國在東海从邑曾聲 寰宇記繒故城在今兗州府嶧縣東八十里 大清一統志繒縣南成

春秋襄十九年城武城杜注太山南武城縣 左陽傳哀八年吳師克東陽劉昭曰太山南成縣有東陽城 又哀十四年司馬牛卒于魯郭門之外阮氏葬諸邱與杜注太山南城縣西北有輿城錄其卒葬所在愍賢者失所也 史記田齊世家吾臣有檀子者使守南城則楚人不敢爲寇 後書劉盆子傳注南城縣有南城山因以爲名也 元和志南城縣城在今沂州費縣南九十里 一統志南武城故城在今沂州府費縣西南九十里 顧炎武曰史記仲尼弟子傳曾參南武城人澹臺滅明武城人同一武城而曾子獨加南字南武城故城在今費縣西

南八十里石門山下正義曰地理志定襄清河並有武城故此加南春秋襄十九年城武城杜注云今太山南武城縣然漢書太山無南武城而有南成屬東海郡續漢志作南城屬太山郡至晉始爲南武城此後人之所以疑也程大昌澹臺祠友教堂記曰武城有四左馮翊太山清河定襄皆以名縣而清河特曰東武城者以其與定襄皆隸趙且定襄在西故也若子游之所宰其實魯邑而東武城者魯之北也故漢儒又加南以別之史遷之傳曾參曰南武城人者創引京相璠曰今太山南武城縣有澹臺子羽家縣人也可見武城之卽爲南武城也孟子言曾子居武城有越寇新序則云魯人攻鄆曾子辭于鄆君戰國策甘茂亦言曾子處費則曾子所居之武城費邑也哀八年傳吳伐我子洩率故道險從武城又曰吳師克東陽而進舍于五梧

續漢志云南城有東陽城引此爲證又可見南城之卽爲武城也南城之名見于史記齊威王曰吾臣有檀子者使守南城則楚人不敢爲寇漢書但作南成王符潛夫論云鄙畢之山南城之家章懷注南城曾子父所葬在今沂州費縣西南此又南成之卽爲南城而在費之證也

侯國

王子侯表南城節侯貞武帝元朔四年以城陽共王子封 按城當作成城陽王子分封當屬東海無疑若南城則屬豫章矣疑遠本志南成曰侯國可證

山鄉 侯國

王子侯表山鄉節侯綰宣帝甘露四年以魯共

王子封

建鄉

侯國

王子侯表建鄉釐侯康成帝陽朔四年以魯頃

王子封

即邱

春秋桓五年齊侯鄭伯如紀城祝邱 又莊四

年夫人姜氏享齊侯於祝邱杜注祝邱魯地

孟康曰即邱故祝邱 續志即邱春秋曰祝邱

水經注沫水又南逕即邱縣故春秋之祝邱

也闕駟曰即祝魯之音蓋字承讀變矣 又云

游水又左逕即邱縣故城西 後書吳良傳注

即邱故城在今沂州臨沂縣東南 輿地廣記

漢即邱縣故城在今臨沂縣東南 路史祝邱

祝融氏之後臨沂東南五十里即邱城是也

齊乘即邱城在今州東南五十里 一統志即

邱故城在今沂州府蘭山縣東南

莽曰就信

祝其

春秋定十年公會齊侯于夾谷左傳公會齊侯

于祝其實夾谷杜注夾谷齊地即祝其也服虔

曰地有二名 史記周本紀武王封黃帝之後

于祝服虔曰即祝其 續志祝其春秋時夾谷

地 太康三年地記故祝其城在郊東九十里

水經注游水自羽山又北逕祝其縣故城西

縣東有夾口浦 寰宇記故祝其城在今海州

懷仁縣南四十二里平地 一統志祝其故城

在今海州贛榆縣南舊志云在縣西五十里夾

谷山西南五十里 顧炎武曰杜預解及服虔

注史記皆云在東海祝其縣劉昭杜佑並引之

遂謂夾谷山在今贛榆縣西五十里按贛榆在

春秋為莒地與齊魯之都相去各五百里何

必若此之遠金史云淄川有夾谷山一統志云

夾谷山在淄川縣西南舊名祝其山其陽即齊

魯會盟處萌水發源于此水經注盟水出般陽

縣西南甲山是以甲山為夾谷也而萊蕪縣志

則又云夾谷在縣南三十里接新泰界未知何

據然齊魯之境正在萊蕪東至淄川則已入齊

地百餘里二說俱通考水經注云萊蕪縣城在

萊蕪谷當路阻絕兩山開道由南北門舊說云

齊靈公滅萊萊民播流此谷邑落荒蕪故曰萊

蕪禹貢所謂萊夷也夾谷之會齊侯使萊人以

兵劫魯侯宣尼稱夷不亂華是也是則會于此

地故得有萊人非召之東萊千里之外也不可

因祝其之名而遠求之海上矣 顧棟高曰祝

其故城在今江南海州贛榆縣西五里即春秋

時夾谷漢為縣其地北至曲阜魯都有三百餘

里而齊更在魯北齊強魯弱豈能屈駕至魯之

南境而與會魯又何苦越其國都而會齊于國

之南鄙耶舊說以濟南府淄川縣西南三十里

有夾山上有夾谷臺為齊魯會盟處猶以兩君

相會不應去齊若此之近去魯若此之遠而以

泰安府萊蕪縣夾谷峪為萊兵劫魯侯處庶幾

近之若海州贛榆則斷無是理也

禹貢羽山在南嶽所殤

禹貢蒙羽其藝正義引本志羽山在東海祝其

縣南 舜典殤絳于羽山孔傳羽山東夷在海

中 郭璞南山經注今東海祝其縣西南有羽

山即絳所殤處計其道理不相應似非也 左

傳昭七年子產曰昔堯殤絳于羽山其神化為

黃熊以入于羽淵杜注羽山在東海祝其縣西

南 博物記東北獨居山西南有淵水即羽泉

也俗謂此山為懲父山 水經注游水又北歷

羽山西舜殤絳于此 隋書地理志胸山縣有

羽山 寰宇通志在海州贛榆縣西北八十里

山出五色雉羽因名去山百步有羽潭一名羽

池絳化為黃熊入于羽淵即此 續志祝其有

羽山劉昭注殤絳之山 括地志羽山在沂州

臨沂縣界 元和志羽山在今密州胸山縣西

北一百里書曰殤絳于羽山即此也 寰宇記

羽山在今胸山縣西北九十里高四里周回八

里羽潭去山一百步一名羽池 一統志羽山

在今海州西北 胡渭曰祝其縣南有羽山杜

預左傳注亦云在祝其縣西南縣之故城在今

贛榆縣界而隋志胸山縣有羽山元和志云羽

山在胸山縣西北一百里又云在臨沂縣東南

一百十里與胸山縣分界胸山今海州臨沂今

沂州也近志郯城縣東北亦有羽山接贛榆界

齊乘云羽山在胸山縣東北九十里亦屬沂州

在沂州東南百二十里時郯城未復故在州境

也諸說不同要之此山在沂州之東南海州之

西北贛榆之西南郟城之東北實一山跨四州縣之境也明統志云在贛榆縣西北八十里則誤矣說者皆以此山爲舜殛鯀處山下有羽潭卽左傳所謂羽淵者也愚謂此地太近非荒服放流之宅書孔傳云羽山東夷在海中今登州府蓬萊縣有羽山寰宇記云在東南十五里卽殛鯀處有鯀城在縣南六十里以近殛鯀之地而名此與孔傳謂在海中者合當從之齊乘九目山東北二十里有危山又北卽羽山蓬萊新志云在縣東南三十里禹貢之羽在徐域舜典之羽在青域不可以無辨 閻若據曰登州古萊夷地三面距海故謂之海中殛鯀于此正荒服所謂二百里流者也

莽曰猶亭

臨沂 後漢屬琅邪國 水經注沂水又南逕臨沂縣故城東有治水注之俗謂之小沂水 魏書地形志卽邱縣有臨沂城 元和志今沂州臨沂縣本漢舊縣也東臨沂水故名之一統志臨沂故城在今沂州府蘭山縣北舊志云有臨沂社在沂州北五十里故縣治此

厚邱

水經注沫水又南逕厚邱縣分爲二瀆西南出今無水世謂之枯沫 通典今海州沭陽縣漢厚邱縣地有沫水沫音述 寰宇記厚邱故城在沭陽縣北六十里郟城東一百里 九域志沭陽縣有厚邱鎮 一統志厚邱故城在今海州沭陽縣北舊志云厚邱鎮在縣西北四十里

卽故縣也 名勝志厚邱城在今淮安府沭陽縣北六十里 按恩澤侯表高樂侯師丹坐漏洩免更爲義陽侯注曰東海據本志東海無義陽縣而本傳謂以東海之厚邱爲國 莽曰祝其亭

容邱

侯國

王子侯表容邱戴侯方山昭帝始元五年以魯安王子封 祠水東南至下邳入泗

東安

水經注泗水南逕東安縣故城東而南合時密水水出時密山東流逕東安城南又東南流入于沂 寰宇記東安故城在今海州朐山縣西八十三里 寰宇通志漢東安縣在淮安府海州西八十里 山東通志東安城在沂水縣南五十里 一統志東安故城在今海州西 按城陽國亦有東安縣

侯國

王子侯表東安孝侯強宣帝甘露四年以魯孝王子封 莽曰業亭

合鄉

春秋襄十九年取邾田自鄒水杜注鄒水出東海合鄉縣西南經魯國至高平湖陸縣入泗 又哀二年伐邾取鄒東田 水經注鄒水出東

海合鄉縣西南流入邾 續志作合城 劉芳徐州記合鄉卽古之互鄉孔子所謂難與言者 元和志合鄉故城在滕縣東二十三里卽論語所謂互鄉是也 寰宇記合鄉故城在今徐州沛縣界卽古互鄉之地 一統志合鄉故城在今兗州府滕縣東

承

莽曰合聚

應劭曰音證 廣韻承縣名在沂州匡衡所居常證切又音承 後書劉永傳注音時證反 元和志今沂州承縣本漢縣春秋時鄆國也以西北有承水故名 續志作承 隋志彭城郡

蘭陵縣舊曰承大業初改 寰宇記承治水出縣西北方山之東王莽改承縣爲承治故水有此名今又譌爲承治 齊乘嶧州城西北小城古承縣城也承水溉田千餘頃旁多美竹人賴其利全活 肇城記嶧縣西北一里有故承城

漢縣也廣韻承音拯作承者非 一統志承縣故城在今兗州府嶧縣西北一里漢置縣以承水所經而名承水在縣西今名承治河東流至縣東南五十里會洳河入運河 按王子侯表魯孝王子當楚孝王孫闔先後皆封承鄉侯並卽此

建陽

後書劉永傳注建陽縣故城在今沂州承縣北 一統志建陽故城在今兗州府嶧縣西

侯國

莽曰承治 建陽 後書劉永傳注建陽縣故城在今沂州承縣北 一統志建陽故城在今兗州府嶧縣西

王子侯表建陽節侯咸宜帝甘露四年以魯孝

王子封

莽曰建力

曲陽

應劭曰在淮曲之陽 後書泗水王傳注曲陽

縣故城在今海州朐山縣西南 寰宇記曲陽

故城在今朐山縣西南一百十里 一統志曲

陽故城在今海州西南

莽曰從陽

司吾

左傳昭二十七年公子燭庸奔鍾吾杜注鍾吾

小國 又三十年吳執鍾吾子 水經注橫溝

水逕司吾山東 又沫水故瀆又逕司吾縣故

城西 寰宇記司吾故城在今宿遷縣西北十

里司吾故鄉是也即古鍾吾子國吳滅之漢為

縣 一統志司吾故城在今徐州府宿遷縣北

舊志云有司吾鎮在縣北六十里峒嶧山在縣

北七十里一名司吾山又名司鎮山俗謂峒嶧

山漢置司吾縣以為此山名也 方輿紀要同

嶧山在宿遷縣北七十里上有石洞泉流不渴

同嶧鎮在同嶧山下 按通鑑後漢孔祐二年

敗唐兵于同嶧鎮胡梅圃注同達賁反又從董

反此誤也同為司字之譌同嶧即司吾也後人

增加山旁胡氏遂讀為崆同之同疏略甚矣今

徐州府宿遷縣西北有司吾鄉即春秋之鍾吾

國漢司吾縣也

莽曰息吾

于鄉

錢坫曰泗水國有于縣此則其縣之鄉也

侯國

王子侯表于鄉節侯定元帝永光三年以泗水

勤王子封

曲平

舊故作平曲誤 齊召南曰縣邑同名者皆異

郡故或加東西等字以別之東海一郡而平曲

二縣同名殊不可曉以莽所更名一名平端一

曰端平推之或者第二平曲是曲平乎 全祖

望曰按水經注誤引曲平作西平苟非曲平何

以成此誤乎此亦可證第二平曲之當為曲平

也 趙一清曰按後漢書萬修傳永初七年鄧

太后紹封修曾孫豐為曲平亭侯則第二曲平

之為曲平非無證也

侯國

王子侯表曲平節侯會宣帝本始元年以廣陵

厲王子封 按功臣侯表曲平共侯周堅孝景

後元元年封又曲平侯公孫渾邪孝景六年封

並即此

莽曰端平

都陽

春秋閔二年齊人遷陽杜注陽國名 應劭曰

都陽即春秋齊人遷陽是 錢大昕曰按城陽

國陽都縣注亦引應劭曰齊人遷陽故陽國是

二注似有一誤然都陽侯音本城陽戴王之子

或當日即割陽都鄉為侯國本非兩地乎 錢

坫曰城陽國有陽都縣在今沂州府沂水縣西

南後漢書注云都陽在承縣南則此亦在今嶧

縣西南矣疑兩存之可也

侯國

王子侯表都陽節侯音元帝永光三年以城陽

戴王子封

陰平

後書袁安傳注陰平故城在今沂州承縣西南

寰宇記陰平故城在今海州沭陽縣西北六

十里 肇城記嶧縣西南三十里有陰平城漢

縣 一統志陰平故城在今江南海州沭陽縣

西北十四里山東兗州府嶧縣西南三十里

侯國

王子侯表陰平釐侯回成帝陽朔二年以楚孝

王子封

都鄉

左傳文九年城郟杜注下城南有郟城 師古

曰郟音吾又音魚 一統志郟鄉故城在今兗

州府泗水縣東南

侯國

王子侯表郟鄉侯閔成帝陽朔四年以魯頃王

子封

武陽

按恩澤侯表成帝鴻嘉元年封史丹為武陽侯

據本傳云食東海郡之武彊聚則武陽亦今郟

縣地也

侯國

功臣侯表武陽侯蕭則文帝後元二年以何孫

遺弟紹封

莽曰弘亭

新陽

侯國

王子侯表新陽頃侯永成帝鴻嘉二年以魯頃王子封 按本志汝南東海並有新陽而屬東海者為侯國又係魯王子則東海是也

莽曰博聚

建陵

括地志建陵故縣在沂州承縣界 寰宇記建陵山在今海州沐陽縣西北一百五里縣以此名其山南北狹長有陵阜故名 地形志建陵縣有建陵山 肇城記嶧縣西四十五里有建陵城在白茅山之陽 一統志建陵故城在今海州沐陽縣西北一百里建陵山下 方輿紀要建陵城在淮安府沐陽縣西北古鄰國地亦曰中城後屬魯左傳成九年城中城杜預曰建陵縣西南有中城是也漢置建陵縣于此建陵山在縣西北百里與山東郟城縣接壤

侯國

王子侯表建陵靖侯遂宣帝甘露四年以魯孝王子封 按恩澤侯表高后八年封寺人張釋功臣侯表孝景六年封衛綰皆為建陵侯並即此

莽曰付亭

昌慮

春秋莊五年鄆黎子來朝杜注附庸國也東海昌慮縣東北有倪城 又僖七年小邾子來朝杜注邾之別封故曰小邾 按倪本附庸進爵為子即

小邾也後六世為楚所滅 又昭三十一年邾黑肱以濫來奔杜注濫邾邑今東海昌慮縣 師古

曰慮音慮 後書光紀注昌慮古邾國之濫邑也左傳邾黑肱以濫來奔即此 寰宇記濫城在滕縣東南五十九里 一統志昌慮故城在今兗州府滕縣東南六十里春秋邾濫邑也府志云城周十里有子城

侯國

侯國

王子侯表昌慮康侯弘宣帝甘露四年以魯孝王子封注曰太山而本志屬東海

莽曰慮聚

都平

侯國

王子侯表都平愛侯邱宣帝甘露四年以城陽荒王子封

漢書地理志補注卷三十七

臨淮郡

通典漢臨淮郡城在今泗州下邳縣 方輿紀要臨淮郡本楚國地今鳳陽府泗州以東揚州府之北境皆是或曰臨淮郡楚漢間東陽郡也後屬于楚郡廢 按漢臨淮郡今江蘇徐州府之宿遷睢寧二縣淮安府之山陽鹽城清和安東四縣揚州府之甘泉縣及泰州江寧府之六合縣又安徽泗州之盱眙天長二縣皆其地 武帝元狩六年置

武帝元狩六年置

地理志稽疑臨淮郡故屬東陽郡楚漢之際屬楚國高帝五年屬漢仍屬楚國六年屬荆國十二年屬吳國景帝四年屬江都國武帝元狩二年屬廣陵郡六年分置郡仍屬廣陵國宣帝五年屬四年復故 漢書考異晉志漢武帝分沛東陽置臨淮郡東陽楚漢之際所置郡也漢初屬吳國 又云諸郡國皆書屬某州惟臨淮武都隴西金城天水武威張掖酒泉敦煌安定北地九真河間廣陽留川膠東高密泗水六安失書按臨淮泗水當屬徐州留川膠東高密當屬青州河間廣陽當屬冀州北地當屬朔方六安當屬揚州九真當屬交州武都以下九郡當屬涼州 漢書商榷地志郡國一百三言所屬者凡七十九不言所屬者凡二十四詳考之其不言者皆疎漏非有義例也即如臨淮郡不言何屬而其上文琅邪東海二郡皆云屬徐州則臨淮之屬徐州無疑以此推之則其餘郡國之不言者皆疎漏可知且其所屬有冀兗青徐揚荊豫

幽并益交司隸而獨無雍州改名之涼州亦皆疎漏耳

莽曰淮平

後書侯霸傳初為王莽淮平大尹

縣二十九

徐取慮淮浦盱眙猶僮射陽開陽贅其高山睢陵鹽濱淮陰淮陵下相富陵東陽播旌西平高平開陵昌陽廣平蘭陽襄平海陵輿堂邑樂陵

徐故國盈姓

春秋莊二十九年公會宋人齊人伐徐杜注徐國在下邳縣東南 史記黥布傳與楚戰徐僮問索隱曰臨淮有徐縣僮縣 水經濟水又東南過徐縣北 水經注淮水又東逕徐縣南歷澗水注之 又云斬水又東南流入徐縣絕歷澗又東逕大徐縣故城南又東流注于淮 元和志今泗州郭下臨淮縣及徐城縣並漢徐縣地 寰宇記徐城周十二里徐偃王權造故名 薄薄城今呼為故都城 括地志泗州徐城縣西四十里有大徐城即古徐國也 方輿紀要徐城廢縣在泗州西北五十里 大清一統志徐縣故城在舊泗州城西北州志云在州東北八十里 漢書舉正盈當作嬴左傳徐贏是也 春秋地理考實徐于周初為徐戎周穆王時徐偃僭稱王穆王滅之別封其系以祀伯繫故春秋時尚有徐也 至春秋時徐子章禹為楚所滅 左傳昭三十年吳子伐徐防山以水之滅徐徐

子章禹奔楚楚城夷以處之 伏滔北征記徐縣北有大家即徐君墓為延陵解劍之處 劉奉世曰為吳所滅非楚也誤

取慮

師古曰取音趨又音秋慮音慮 史記索隱秋

閭二音取又音子夷反 十三州志取讀如星

分陝訾慮若公羊邾婁之婁 按左傳釋文引

如淳說取音陝訾之陝慮音邾婁之婁 集韻

入聲三燭部云取取慮縣名然則作入聲矣

史記陳涉世家取慮人鄭布同起兵圍東海

水經注睢水又東逕取慮縣故城北 後書楚

王英傳注取慮故城在今泗州下邳縣西南

寰宇記取慮故城在今虹縣北一百二十里

大清一統志取慮故城在今徐州府睢寧縣西

南鳳陽府虹縣北

淮浦

應劭曰淮涯也 水經淮水又東至廣陵淮浦

縣入于海注云城側臨淮濱故受此名 禹貢

錐指安東縣在淮安府東北六十里本漢淮浦

縣淮水去縣二里海在縣東五十餘里自鹽城

縣東北經山陽縣東折而西北為淮水入海之

口其北岸則安東也縣志云自縣西三十里顏

家河渡直下過縣南東流五十里又東北過雲

梯關折旋入海 尚書後案費誓云徂茲淮夷

徐戎並與又詩常武曰率彼淮浦省此徐土又

曰截彼淮浦王師之所左傳僖十三年曰淮夷

病杞此皆淮北之夷在徐州之域者也漢臨淮

郡有淮浦縣今為淮安府安東縣淮水從此入海也 大清一統志淮浦故城在今淮安府安東縣西安東即唐漣水縣元和志通典皆以漣水為漢去猶縣地去猶為今宿遷縣相去二百餘里中隔泗陽凌縣其境不得到此以漢志及水經注考之今縣之為淮浦無疑矣

游水北入海

水經注淮水于淮浦縣枝分北為游水歷胸縣

與沫水合又北至贛榆縣入海爾雅曰淮別為

游游水亦枝稱者也 寰宇記漣水縣北漣水

西自沭陽縣界分流南入縣界在沭陽名漣水

入縣界名北漣水南流四十九里與南漣水合

流 大清一統志漣河在今安東縣北源出碩

護湖分為三日中漣東漣西漣即古游水也

按封禪書有游水發根晉灼曰游水在淮浦發

根人姓名是也師古以游水為姓發根為名誤

莽曰淮敬

盱眙

史記續志並作盱台 應昭曰音吁怡 鄭玄

曰音煦怡 韋昭曰音吁夷 史記正義吁况

于反盱以之反 集韻通作盱眙 史記項羽

本紀項梁乃求楚懷王孫民間立以為楚懷王

從民所望也陳嬰為楚上柱國封五縣與懷王

都盱台 王子侯表盱眙侯蒙之武帝元朔元

年以江都易王子封 阮勝之南齊州記盱眙

山在盱眙縣東四十里縣蓋因山以名也盱眙

本吳善道地秦置縣許慎曰張目為盱舉目為

盱眙居山上可以遠眺故曰盱眙 水經注淮

水又東歷客山逕盱眙縣故城南 通鑑地理
通釋盱眙山名在縣東南四十里一名馬鞍山
古謂之客山 寰宇記義帝祠在盱眙縣東一
里臺子山上 大清一統志盱眙故城在今泗
州盱眙縣東北縣志云在縣東北盱眙山之麓盱
眙山在縣東四十里 按春秋襄五年會吳于
善道杜注闕公穀並作善稻范寧曰善稻吳地
亦不言所在惟南兗州記以盱眙爲卽吳善道
地未審其確存以俟考
都尉治莽曰武匡
水經注作匡武

夬猶

說文作夬猶云夬高氣也从口九聲臨淮有夬
猶縣 集韻作夬隋 師古曰夬音仇 水經
注泗水又逕宿豫城之西又逕其城南今城在
泗水之中也 通典泗州漣水縣漢夬猶縣也
元和志今泗州宿遷縣本春秋時宋人遷宿
之地至漢爲夬猶縣又漣水縣亦夬猶縣地沐
水俗名漣水西南自海州沐陽縣流入漣水縣
寰宇記淮陽軍宿遷縣春秋時鍾吾子之國
亦宿國所遷之地南附于宋東逼于魯遂內遷
其人而更封其君也漢爲夬猶縣晉爲宿豫縣
唐時以犯代宗諱改曰宿遷 通雅漢之夬猶
今泗州也後沒于湖 大清一統志夬猶故城
在今徐州府宿遷縣東南
莽曰秉義

七校水經注水經注泗水篇云泗水又東南逕
宿豫城之西又逕其城南故下邳之宿留縣也

王莽更名曰康義按水經注引漢志有爲今書
所無者或是闕文然亦有絕非闕文而出于鄗
氏之妄者西京無下邳郡下邳東海郡之屬縣
耳安得下邳郡有宿留縣乎本無此縣又何以
云王莽更名之曰康義乎 水經注釋宿豫故
城在今邳州宿遷縣東南漢臨淮郡夬猶縣之
境也東漢省晉義熙中置宿豫縣班志夬猶縣
下云莽曰秉義康秉字形相似道元引之蓋實
宿豫卽夬猶也而不著夬猶之名是其疎漏之
過如以爲造作無端則太甚矣

潼

舊作潼誤 本書匡衡傳封潼之東安鄉 水
經注淮水又東至嶮石山潼水注之水首受潼
縣西南潼陂東南流入淮 又云睢水又東與
潼水故瀆會故瀆上承潼縣西南潼陂東北流
逕潼縣故城北又東北逕睢陵縣下會睢水
又云蘄水又東南逕潼縣南 後書沛獻王傳
注潼縣故城在今泗州宿遷縣西南 通典漢
潼縣故城在今泗州宿遷縣西南 元和志潼
山在靈璧縣東北七十里潼水出焉潼陂亦名
萬安湖在虹縣北五里周四十里 寰宇記潼
故城在今虹縣東北七十里 一統志潼縣故
城在今泗州東北秦縣漢書灌嬰攻下相以南
潼取慮是也縣志云有潼都城在縣北一百二
十里潼河在今睢寧縣東南自鳳陽府虹縣流
入下流卽桃源宿遷二縣之白洋河也 地理
志稽疑宜依水經注作潼蓋縣以潼水得名也
莽曰成信

志稽疑宜依水經注作潼蓋縣以潼水得名也
莽曰成信

射陽

應劭曰縣在射水之陽 水經注中瀆水自廣
陵出山陽白馬湖逕山陽城西卽射陽縣之故
城也又東謂之山陽浦又東入淮謂之山陽口
後書臧洪傳注射陽故城在今楚州安宜縣
東 史記正義射音食夜反 通典今楚州所
理山陽縣漢射陽縣也 元和志今楚州戰國
時屬楚秦屬九江郡漢爲射陽縣之地 舊唐
書地理志山陽東南有射陽湖 寰宇記射陽
湖在今楚州山陽縣東南八十里漢書廣陵王
胥有罪其相勝之奏奪王射陽卽此與鹽城寶
應三縣分湖爲界纒回三百里 文獻通考楚
州春秋時屬吳吳將伐齊自廣陵掘江通淮卽
此也 方輿紀要淮安府山陽縣本漢射陽縣
地晉義熙中置縣爲山陽郡治以境內有山陽
津而名山陽瀆在府城東卽古邗溝也射陽故
城在鹽城縣西九十里西征記曰吳王濞反于
廣陵射陽侯率衆至山陽拒之卽此 江南通
志吳于故廣陵城東南築邗城城下掘深溝東
北至射陽湖西北至末口末口在楚州山陽而
射陽湖亦在楚州 大清一統志射陽故城在
今淮安府山陽縣城東南射陽湖在縣東南七
十里與鹽城阜寧寶應分界周三百里卽古射
陽也 按功臣侯表有射陽侯劉纒高祖六年
封師古曰卽項伯也射字或作貫者後人所改
莽曰監淮亭
開陽
按東海亦有此縣

莽曰監淮亭
開陽
按東海亦有此縣

贅其

外戚侯表高后四年封呂勝為贅其侯 師古曰贅音之銳反 方輿紀要贅其城在今泗州

肝胎縣西

高山

應劭曰高山在東

睢陵

師古曰睢音雖 水經注睢水又東逕睢陵縣

故城北又東與潼水故潼會 後書陶謙傳注

睢陵縣在下邳縣東南 輿地廣記漢睢陵故

城在淮陽軍下邳縣 輿地紀勝睢陵縣在今

肝胎軍招信縣南六十里 寰宇通志漢睢陵

縣在今淮安府邳州治東南 大清一統志睢

陵故城在今泗州盱眙縣西縣志云在縣西五

十里 按史記王子侯表武帝元朔元年封江

都易王子定國為睢陵侯漢表作淮陵據本志

淮陵睢陵二縣並屬臨淮而水經注則以定國

所封為睢陵也

莽曰睢陸

鹽漬

阮勝之南兖州記縣有鹽亭一百二十三所縣

人以煎鹽為業略不耕種擅利巨海用致饒沃

公私商運充實四遠輻輳往來恆以千計此吳

淩所以國富兵強而抗衡漢室也 通典楚州

鹽城縣本漢鹽漬縣 寰宇通志鹽城監在鹽

城縣南即古鹽亭為歷代海岸煎鹽之所南唐

改為監本朝置鹽課司 大清一統志鹽漬故

城在今淮安府鹽城縣西北

有鐵官

淮陰

史記淮陰侯傳嘗數從其下鄉南昌亭長寄食

張晏曰下鄉鄉名屬淮陰劉昭曰下鄉有南昌

亭韓信寄食處 本書周亞夫傳鄧都尉曰吏

輕兵絕淮泗口塞吳饒道 水經淮水又東北

至下邳淮陰縣西泗水從西北來流注之又東

過淮陰縣北中瀆水出白馬湖東北注之注云

淮泗之會即角城也左右兩川翼夾二水決入

之所所謂泗口淮水右岸即淮陰也又東逕淮

陰縣故城北縣有中瀆水首受江中瀆水又東

謂之山陽浦又東入淮謂之山陽口 又云淮

陰城北臨淮水城東有兩家西漂母冢東韓信

母冢 史記正義淮陰今楚州淮陰縣 寰宇

通志淮陰縣在今淮安府城西四十里秦置

方輿紀要淮陰城在淮安府西北四十里秦縣

楚漢間嘗為東陽郡治漢為淮陰縣韓信以楚

王改封淮陰侯是也 大清一統志淮陰故城

在今淮安府清河縣東南縣志云在東南五里

莽曰嘉信

淮陵

通典漢淮陵縣故城在今泗州下邳縣東南又

濠州招義縣亦漢淮陵縣地 寰宇記淮陵故

城在今泗州招信縣西北二十五里 大清一

統志淮陵故城在今泗州盱眙縣西北縣志云

在縣西北八十五里

莽曰淮陸

下相

史記項羽本紀下相人 本書功臣侯表高祖

十二年封冷耳為下相侯 應劭曰相水名出

沛國沛國有相縣其水下流又置縣故名下相

也 北征記下邳西南有石崇四文碑云項羽

井在下相城 水經注睢水又東南流逕下相

縣故城南應劭曰相水出沛國相縣故此加下

然則相水又是睢水之別名也東南流入于泗

謂之睢口 又云泗水又東南逕下相縣故城

東又東南得睢水口 括地志下相故城在泗

州宿豫縣西北七十里秦縣也 寰宇通志下

相城在今淮安府邳州城西南一名項城相傳

項羽所生之處 大清一統志下相故城在今

徐州府宿遷縣西舊志云下相社在縣西七里

又有項王故城在運河西三里項羽在舊縣

治北一里

莽曰從德

富陵

史記荆燕世家高祖十一年鯨布反東擊荆

王劉賈與戰不勝走富陵為布軍所殺 括地

志富陵故城在楚州盱眙縣東北六十里 大

清一統志富陵故城在今泗州盱眙縣東北

莽曰櫻虜

師古曰櫻音朔 漢書考異考說文廣韻俱無

櫻字以師古音推之當是櫻之譌也集韻四覺

部有櫻字知北宋本已譌

東陽

史記項羽本紀聞陳嬰已下東陽使使與連和

括地志東陽故城在楚州盱眙縣東七十里

秦東陽縣城也 通典秦東陽縣城在盱眙縣南陳嬰爲東陽令史即此 寰宇記東陽故城周回約十餘里 輿地紀勝秦東陽城在今盱眙縣東七十五里 大清一統志東陽故城在今泗州天長縣西北秦置縣志云在縣西北七十里故址尙在俗謂之屈城 按功臣侯表東陽武侯張相如高帝十一年封索隱曰臨淮是也寰宇記以爲清河之東陽者誤

播旌

續志作潘旌 集韻下平聲八戈部作潘旌

張晏曰陳嬰母播旌人墓在播旌 史記索隱

播旌是邑聚之名後爲縣屬臨淮

莽曰著信

西平

按恩澤侯表有西平安侯于定國注曰臨淮而水經注以爲汝南據本志臨淮汝南並有西平

縣而皆不云侯國所未審也

莽曰永聚

高平

史記孝武紀元鼎四年詔曰朕臨天下二十有八年天若遺朕土而大通焉其以二千戶封地

士將軍樂大爲樂通侯韋昭曰言樂大能通天

意故封之樂通樂通在臨淮高平縣也 水經

注洙水又南至高平縣南入于泗水西有茅鄉

大城東去高平三十里京相璠曰今高平縣西

三十里有故茅鄉城者也 大清一統志高平

故城在今泗州北

侯國

恩澤侯表高平戴侯王逢時元帝河平二年封

按恩澤侯表又有高平憲侯魏相王子侯表

有高平侯喜並即此

莽曰成邱

開陵侯國

功臣侯表開陵侯建成武帝元封元年封

莽曰成鄉

昌陽侯國

王子侯表昌陽侯霸成帝永始二年以泗水戾

王子封

廣平侯國

王子侯表廣平侯德元帝建始四年以廣陵

孝王子封 按功臣侯表有廣平敬侯薛歐高

祖六年封亦即此

莽曰平寧

蘭陵

新校地理志東海亦有蘭陵當亦一地而爲二

縣也

侯國

王子侯表蘭陵節侯宜元帝建始五年以廣陵

孝王子封

莽曰建節

襄平侯國

王子侯表襄平侯豐元帝永光五年以廣陵厲

王子封

按功臣侯表高祖八年封紀通爲襄

平侯索隱曰臨淮是也而水經注以爲遼東之

襄平誤矣

莽曰相平

海陵

春秋哀十二年公會衛侯宋皇瑗于鄆杜注鄆

發陽也廣陵海陵縣南東有發蘇亭 戰國楚

策蘇秦說威王曰楚地東有海陽吳補注云盧

莊用曰海陽在廣陵今揚州海陵縣 本書枚

乘傳上書吳王曰轉粟西鄉不如海陵之倉臣

瓚曰海陵縣名也有吳太倉 輿地紀勝以其

地傍海而高故曰海陵 方輿紀要今揚州府

泰興縣泰州如皋縣通州海門縣並漢海陵縣

地 大清一統志海陵廢縣即今揚州府泰州

治 又云按後漢志無海陵而不詳省入何縣

據沈約志但云三國時廢則是後漢時其縣故

存而志脫誤也又三國吳志呂岱傳廣陵海陵

人爲郡縣吏避亂南渡詣孫權則是漢末海陵

未廢即沈約志所云晉太康二年復立者亦未

可信至晉志廣陵所統縣有海陽而無海陵以

前漢志海陵有江海會祠及晉志祠在海陽推

之知海陽即海陵耳

有江海會祠

禹貢錐指江海會者謂江入海處也 大清一

統志江海神祠在今通州狼山上歲以七月十

九日致祭

莽曰亭間

輿

大清一統志輿縣故城在今揚州府甘泉縣西

四十五里 新校地理志按晉書徐寧傳寧爲

輿縣令時廷尉桓彝去職之廣陵尋親舊還遇

風停浦中上岸見一廡署云是輿縣彝造之據

此則與海陵當相近

莽曰美德堂邑

左傳襄十四年楚子囊師于棠以伐吳 又昭

二十年伍奢長子棠君尚杜注棠君奢之長子尚為棠邑大夫 史記刺客傳專諸吳堂邑人

本書功臣侯表高祖六年封陳嬰為堂邑侯 說文鄧地名从邑臺聲 續郡國志堂邑春

秋時曰棠 玉篇鄧鄧二邑同續漢書廣陵鄧邑也 通典今揚州六合縣楚棠邑伍尚為棠

邑大夫即此 寰宇記六合古堂邑晉立堂邑郡 九域志真州六合縣楚之棠邑也 大清

一統志堂邑故城在今江寧府六合縣北有鐵官

續郡國志堂邑縣有鐵 樂陵侯國

恩澤侯表樂陵安侯史高宣帝地節四年封 按本志臨淮平原並有樂陵縣而屬臨淮者曰

侯國

漢書地理志補注卷三十八

會稽郡

本書嚴助傳武帝賜書曰會稽東接於海南近 諸越北枕大江 元和志越王無疆為楚所滅

楚以其地併吳立為會稽郡 國語補音會古 外反稽古兮反 方輿紀要會稽郡今蘇松常

鎮諸府及浙江境內州郡皆是 皇朝文獻通 考周官職方以會稽為揚州山鎮漢代因之以

立郡今之浙東浙西皆古會稽郡地也 按漢 會稽郡今江蘇蘇州府之吳崑山二縣常州府

之武進無錫宜興三縣鎮江府之丹徒丹陽二 縣又浙江紹興府之山陰蕭山諸暨餘姚上虞

嵎六縣杭州府之錢塘富陽餘杭三縣寧波府 之鄞慈溪奉化三縣嘉興府之嘉興平湖二縣

金華府之義烏縣衢州府之龍游縣湖州府之 烏程縣暨溫台處三府又福建全省皆其地

秦置 史記始皇本紀二十五年王翦定荆江南地降 越君置會稽郡 寰宇記秦滅楚以越併入吳

立會稽郡

高帝六年為荆國

本書高帝紀六年以故東陽郡鄞郡吳郡五十 一縣立劉賈為荆王 史記案隱劉賈為荆王

乃王吳地在淮東也姚察按虞喜云總言吳別 言荆者以山命國也今西南有荆山在陽羨界

賈封吳地而號荆王指取此義 地理志稽疑 吳郡楚漢之間分會稽置見高紀以封荆王劉 原父曰鄞吳疑皆地名非郡名殊不然也灌嬰

傳擊吳郡長于吳下虜其守因定吳會稽豫章

則明是會稽之外別有吳郡不可以會稽即為 吳也功臣表亦曰周聚擊英布定吳郡然則前

志所云江都廣陵二王得鄞不得吳明是二郡 名也厚齋曰吳郡楚漢之間所置是也顧亭林

力主無吳郡之說愚不謂然何焯曰會稽治吳 故稱吳猶之東海治郟故稱郟其說亦似然觀

灌嬰傳則會稽與吳非一郡明矣故高紀與吳 鴻傳稱三郡者據後并省言之也伍被傳稱四

郡則據當時分置言之也四郡者東陽鄞會稽 吳也梅圃以豫章當之不知豫章屬淮南不屬

鴻而鴻之豫章乃鄞郡之譌也 十二年更名吳

本書高帝紀十二年封沛侯劉濞為吳王 水 經注順帝永建中陽羨令周嘉上書以縣遠赴

會至難求得分置遂以浙江西為吳東為會稽 漢高帝十二年亦吳也後分為三世號三吳吳

郡吳與會稽也 景帝四年屬江都

會稽典錄會稽太守濮陽興問門下書佐朱育 曰吾聞秦始皇二十五年以吳越地為會稽郡

治吳漢封諸侯王以何年復為郡而分治于此 育對曰劉賈為荆王為英布所殺又以劉濞為

吳王景帝四年濞反誅乃復為郡治于吳元鼎 五年除東越因其地為治并屬于此而立東

郡都尉後徙章安陽朔元年又徙治鄞或有寇 害復徙句章漢永建四年劉府君上書浙江之

北以為吳郡會稽還治山陰 三劉刊誤劉敞

曰景帝四年封江都王得鄆郡而不得吳名曰江都然則會稽不得云屬江都 輿地紀勝紹興舊圖經云吳王濞敗後復爲江都國江都王有罪國除乃更爲郡按漢志會稽郡景帝四年屬江都劉貢父云江都王得鄆郡而不得吳則會稽不得云屬江都也吳朱育以強記稱其對濮陽與亦云吳王濞敗後爲郡治于吳亦不及屬江都事但晏公類要八云吳王濞反誅復爲會稽郡後復屬江都國武帝元狩二年更爲郡觀晏公所記與貢父朱育所記不同考晉志云景帝四年封王子非爲江都王併得鄆會稽郡沈約宋志云會稽郡漢初屬吳國吳王濞反敗屬江都國與貢父所注亦不同沈約吳郡人去漢不遠必有所據漢志注亦云景帝四年屬江都當從晉志及宋志曰屬江都國 秦漢郡國考按武帝建元三年遣嚴助發會稽兵救東甌會稽守欲拒法不爲發嚴助朱買臣相繼爲會稽太守並當易王非及子建王江都時謂景帝四年屬江都志之羨文也 新校地理志景帝三年濞反國亡以其地屬江都易王非也至武帝元狩二年非子王建坐謀反自殺始爲郡史記五宗世家云非以孝景前二年爲汝南王二歲徙爲江都王治吳故國

屬揚州縣二十六

吳曲阿烏傷毗陵餘暨陽羨諸暨無錫山陰丹徒餘姚婁上虞海鹽剡由拳大末烏程句章餘杭鄞錢塘鄞富春冶回浦
吳故國周太伯所邑

史記吳太伯世家太伯奔荊蠻自號句吳及武王克殷求太伯仲雍之後得周章周章已君吳因而封之 春秋世族譜吳姬姓周太王之子太伯仲雍之後太伯無子而卒仲雍嗣之武王封其曾孫周章于吳爲吳子 吳越春秋太伯起城周三里二百步外郭三百餘里在西北隅名曰故城闔閭元年造大城周回二十七里又築小城周十里 又云闔閭使伍子胥相土嘗水造築大城周四十七里陸門水門各八 越絕書吳大城闔閭所造周四十七里二百一十步二尺 皇覽吳縣北梅里聚去城十里 釋名句者夷俗之發聲吳虞也封太伯于此以虞其志也 杜預左傳注吳國今吳郡 世本諸樊始自梅里徙吳 續志注補無錫縣東皇山太伯舊宅井猶存 董覽吳地記太伯築城于梅里平墟 陸廣徵吳地記壽夢始別築城爲宮室于平門西二里周敬王六年闔閭始使子胥築大城亦曰闔閭城 史記正義荆王劉賈都吳蘇州闔閭城也 史記灌嬰傳渡江破吳郡長吳下得吳守遂定吳豫章會稽郡案隱曰下有郡守此長卽令也如淳以爲雒長非是 本書梅福傳其後人有見福于會稽者變名姓爲吳市門卒 通典今蘇州所理吳縣漢舊縣春秋吳國之都也 元和志吳本闔閭所都秦置縣屬會稽郡故項羽擊殺會稽假守通而云遂舉吳中兵是會稽治吳縣也 寰宇記太伯初適吳築城在平門外太伯至王僚二十三王都之今常州無錫縣東南四十里有吳太伯城

是也闔閭始築吳郡城都之今蘇州城是也 城邑考蘇州府城卽闔閭故城周敬王六年吳闔閭時子胥謀國相土嘗水象天法地以築大城周回四十二里三十步小城八里二百六十步開陸門八以象天之八風水門八以法地之八卦其名皆子胥所制東曰婁西曰閭曰胥南曰盤曰蛇北曰齊曰平 大清一統志吳城卽今蘇州府治 江南通志按此自太伯始號句吳至王僚二十三世所都皆在吳縣地不自闔閭城吳都始後漢郡國志乃云無錫縣東皇山太伯舊宅井猶存臣昭以爲卽宅爲置廟不如皇覽所說句吳之號創自太伯周章肇封實始武王無錫吳地非吳國也吳國則今吳縣是已劉昭以一時聞見駁繆襲等參撰之書易班氏不刊之注且三讓遺跡吳民所共敬敬傳聞異辭隱桓之世爲遠吳郡救山累代褒崇常熟梅里亦有傳疑何必無錫便爲確證諸書悉祖劉說今斷從班志 又云按通典無錫太伯始居此梁劉昭補後漢郡國志始有無錫爲句吳之說張守節史記正義又以系本諸樊徙吳之文遂云太伯居梅里在無錫諸樊南徙吳今蘇州也自周章至壽夢十七世君吳矣乃云諸樊徙吳卽無錫亦非吳此可據乎張氏復遷就其說以無錫爲句吳蘇爲吳顏師古曰吳言句者夷之發聲猶言於越耳司馬貞史記索隱曰系本云孰姑徙句吳貞實吳人不聞別有城邑謂名句吳系本或難依信杜氏未經詳考竟沿訛至今又按吳越春秋云太伯築城周三里二

百步外郭三百餘里寰宇記云太伯築城在平門外今無錫縣東南四十里太伯城是也平門吳大城之北水門此謂吳太伯外城西北界在無錫可矣又張氏云梅里在無錫東南六十里今縣志云三十里古今遠隔蓋附會多矣

具區澤在西揚州數古文以為震澤

禹貢震澤底定孔傳震澤即吳南太湖 夏官職方揚州澤藪曰具區五湖在吳南賈疏吳南郡名依地理志南江在吳南震澤在西通而言之亦得在吳南具區即震澤一也 爾雅十藪吳越之間有具區郭注今吳縣南太湖即震澤是也 左傳哀元年吳王夫差敗越于夫椒杜注吳郡吳縣西南太湖中椒山 又哀十七年越伐吳吳子禦之笠澤 越語句踐之地西至于姑蔑韋注姑蔑今太湖是也 又云敗吳于圍韋注圍笠澤也 又云王果與師伐吳戰于五湖不勝韋注五湖今太湖也五湖者胥湖蠡湖洮湖滬湖就太湖而五實一湖也方圓五百里 越絕書太湖周三萬六千頃 史記河渠書于吳則通三江五湖 虞翻川瀆記太湖東通松江南通雲溪西通荊谿北通滬湖東連韭溪凡有五道故名五湖 張勃吳錄太湖周五百里故名五湖 郭璞山海經注具區今吳縣西南太湖也尚書謂之震澤 水經注南江東注于具區謂之五湖口五湖謂長塘湖太湖射湖黃湖滬湖也尚書謂之震澤爾雅以為具區方員五百里 郭景純江賦曰注五湖以漫漭蓋言江水經緯五湖而苞注太湖也是以國語

曰越伐吳戰于五湖又云范蠡滅吳返至五湖而辭越斯乃太湖之兼攝通稱也 史記正義五湖者菱湖游湖莫湖胥湖皆太湖東岸五灣 顏真卿石柱記太湖四萬八千頃 元和志太湖在今蘇州吳縣西南五十里禹貢謂之震澤周禮謂之具區湖中有山曰洞庭山

新唐書地理志太湖占蘇常湖宜四州之境吳郡圖經續記太湖吐洩江海所容者大故以太名 義輿記太湖射湖胥湖陽湖洮湖是為五湖 地理通釋太湖在吳縣西南五十里太史公上姑蘇望五湖太湖周五百里故曰五湖 今水經太湖禹貢曰震澤職方曰具區縱廣三百八十三里周三萬六千頃跨湖宜蘇常四郡距湖州府城北二十八里蘇州府城西南三十里常州府城東南一百里連武進無錫宜興三縣界其上流自西南而來者為苕溪西北來者為荊溪苕溪有二一出杭州天目山由於潛臨安東流過餘杭縣治南經錢塘縣境東北流至湖州府治東南入于霅溪一出湖州天目山至安吉州合獨松嶺溪水東流經府城南為霅溪至府城東南與杭州若苕溪會北流注于太湖 荆溪在金壇縣北源出右荆州城流入常州界宜興縣荆南山上通蕪湖下注震澤震澤分流入于海其東北流者經吳縣東同運河為吳江至蘇州府城東播為婁江至崑山縣東南六里為新洋江至太倉州東為劉家沙入于海其東南流者過三泖一名華亭谷水在松江府城西南三十六里以近山涇圓者曰圓泖近泖橋

闕者曰大泖自泖而上縈繞百餘里曰長泖經松江府城北七十二里為松陵江一名吳淞江經華亭西南入于黃浦黃浦在松江府城東南一十八里又東北流至上海縣入于海 禹貢長箋按職方具區即禹貢震澤孔氏書傳鄭氏周禮注所云在吳南者是也但以爲即五湖則未然職方氏諸州皆有澤藪不應揚州水國反獨無之而與浸同處孔鄭所云吳南者漢吳縣治之南也吳縣治之南爲今吳江至嘉興一帶禹時懷襄未平三吳一壑具區當于其地求之若五湖即今太湖自環吳縣境之西北豈可合之爲一哉具區之源當與太湖俱來若霅而水草所鍾淺而易溢太湖水西來氾濫則澤水奔騰震蕩自底定之後始可陂障沮洳數百里民仰其利故爾雅謂之藪職方謂之澤藪而五湖則別之曰浸迨乎日久填淤生殖漸繁遂成沃壤漢後諸儒求其地而不得遂合五湖而一之正義又曲爲之說豈知三代以前固有澤浸不同者哉吾意今吳越之交凡濱湖而沃衍者皆古震澤地特世代荒遠川隰更移故其蹟不可詳耳抑非獨此也爾雅周禮所載諸州澤藪如陽紆豨養大陵甫田焦穫等今皆變爲原陸不能定其所在蓋川浸通流終古不改藪澤稀水最易淤淤歷數千年而湮沒不可考無足怪者奚獨具區爲然耶 禹貢雖指周禮揚州浸曰五湖據國語史記吳越春秋則即是太湖諸家之說雖名稱各殊道里互別然皆在太湖上下二三百里之間惟李善以洞庭彭蠡震澤集

闕者曰大泖自泖而上縈繞百餘里曰長泖經松江府城北七十二里為松陵江一名吳淞江經華亭西南入于黃浦黃浦在松江府城東南一十八里又東北流至上海縣入于海 禹貢長箋按職方具區即禹貢震澤孔氏書傳鄭氏周禮注所云在吳南者是也但以爲即五湖則未然職方氏諸州皆有澤藪不應揚州水國反獨無之而與浸同處孔鄭所云吳南者漢吳縣治之南也吳縣治之南爲今吳江至嘉興一帶禹時懷襄未平三吳一壑具區當于其地求之若五湖即今太湖自環吳縣境之西北豈可合之爲一哉具區之源當與太湖俱來若霅而水草所鍾淺而易溢太湖水西來氾濫則澤水奔騰震蕩自底定之後始可陂障沮洳數百里民仰其利故爾雅謂之藪職方謂之澤藪而五湖則別之曰浸迨乎日久填淤生殖漸繁遂成沃壤漢後諸儒求其地而不得遂合五湖而一之正義又曲爲之說豈知三代以前固有澤浸不同者哉吾意今吳越之交凡濱湖而沃衍者皆古震澤地特世代荒遠川隰更移故其蹟不可詳耳抑非獨此也爾雅周禮所載諸州澤藪如陽紆豨養大陵甫田焦穫等今皆變爲原陸不能定其所在蓋川浸通流終古不改藪澤稀水最易淤淤歷數千年而湮沒不可考無足怪者奚獨具區爲然耶 禹貢雖指周禮揚州浸曰五湖據國語史記吳越春秋則即是太湖諸家之說雖名稱各殊道里互別然皆在太湖上下二三百里之間惟李善以洞庭彭蠡震澤集

湖鑑湖爲五湖司馬貞以具區洮瀉彭蠡青草爲五湖夫洞庭青草在荆域而以爲五湖之一則顯與職方相背矣 又云具區五湖明是兩處而孔傳謂太湖名震澤正義爲之辭曰徐州浸藪各異而揚州浸藪同處論其水謂之浸指其澤謂之藪此說非也葉少蘊云凡言藪者皆人所資以爲利故曰藪以富得民而浸則但水之所鍾也揚州之藪爲震澤今平望八赤震澤之間 平望八赤震澤皆市鎮名水瀾漫而極淺其蒲魚蓮芡之利人所資者甚廣亦可隄而爲田與太湖異所以謂之澤藪然積潦暴至無以洩之則溢而爲害所以謂之震澤黃子鴻申其義曰今土人自包山以西謂之西太湖水始淵深自莫釐武山以東謂之南湖水極灘淺蓋即古之震澤止以上流相通後人遂混爲之太湖誤矣予按此辨周官之藪浸極其明晰蓋自莫釐武山以東至平望八赤之間松江左右笠澤之地皆古具區禹貢謂之震澤者也班志云在吳西亦未當 尙書地理今釋震澤即太湖介于江南浙江之間今江南蘇州府吳江二縣常州府之武進無錫宜興三縣浙江湖州府之烏程長興二縣皆其所分隸也 水道提綱太湖即古震澤亦名具區又名笠澤又名五湖環江浙二省之交蘇常湖三府十三縣地湖中山最大者曰兩洞庭其南近湖州府城名小雷山西南近長興名大雷山也其東近蘇州府城曰林屋即包山曰莫釐山曰靈巖山曰天平山曰穹窿山其南曰胥口兩洞庭東西相望水光接天

支港無數 按呂氏春秋云吳之具區淮南子云越之具區高誘注具區在吳越之間其說蓋本之爾雅第其區震澤五湖太湖或合或分迄無定論據職方揚州云其浸五湖與具區並列不應一水而互見其名況藪與浸異不得混而爲一然舍太湖而別求具區所在測望地形終無實驗知舊說未可廢矣且五湖爲揚州之浸而地志不書益可知其區之卽爲五湖矣左傳哀十七年越伐吳吳子禦之笠澤杜無注而史記仲尼弟子傳及越絕書並作戰于五湖索隱云左傳稱笠澤卽謂震澤此亦可見五湖卽具區之證

南江在南東入海揚州川

禹貢三江既入震澤底定 夏官職方揚州其川三江 按三江之說紛如聚訟予獨以班氏之說爲長主班說者極多予獨以近時嘉定錢氏之辯爲暢因備錄于此以俟明者 錢唐三江辨其上篇曰禹貢之三江職方之三江也班孟堅地理志謂南江在吳縣南入海北江在毗陵縣北入海中江出蕪湖縣西南東至陽羨入海皆揚州川此釋職方也卽釋禹貢矣卽鄭康成注尙書始別爲之說曰左合漢爲北江右會彭蠡爲南江岷江居其中爲中江若然則自夏口以北者北江也湖口以南者南江也夏口以至湖口者中江也而自湖口以下惟有一江以禹貢導水經文質之于漢曰東匯澤爲彭蠡東爲北江入于海于江曰東迤北會于匯東爲中江入于海則自湖口而下分爲三江殆不如康

成之說矣揆孟堅所言江過湖口實分爲三而以行南道者爲南江行北道者爲北江行中道者爲中江合乎禹貢導水之經誠不易之論也考之水經河水自沙羨縣北南入于江合流至居巢縣南東至石城縣分爲二其一東北流過牛渚毗陵以入海者爲北江自石城東入貴口至餘姚入海者爲南江自丹陽蕪湖縣東至會稽陽羨入海者爲中江具載河水經文及附記中皆與孟堅合惟孟堅謂南江從吳縣南入海耳然孟堅又謂石城分江水首受江東至餘姚入海鄞道元引桑欽地理志亦謂江水自石城東出經吳國南爲南江蓋餘姚入海之江卽吳縣南入海之江也餘姚吳縣之間爲由拳海鹽烏程餘杭錢塘諸縣南江由之入海固在吳國之南國後爲縣是以孟堅志南江入海處既系之餘姚又系之吳縣也水經附記不詳中江所繇而今尙有其迹自楊行密築五堰江流始絕永樂時設三壩則陸行者十八里矣然自銀林以西鄧步以東其流固在也可知二江雖自石城蕪湖分行而同會具區故鄞道元以南江卽合于浙江浦陽江之谷水而成淳毗陵志以荆溪爲中江惟北江自從昆海入海耳此足以證三江之實有其三非如康成之合爲一江也且二家之是非愚請以左氏內外傳折之吳語云吳王夫差起師伐越越王句踐起師逆之江卽內傳哀公元年之敗越于夫椒也又曰越王句踐乃率中軍泝江以襲吳入其郛卽經書十二年於越入吳也又曰吳王軍于江北越王軍于

江南卽內傳十七年越子伐吳也十七年之內傳以爲笠澤而外傳以爲江則笠澤卽江矣其元年十二年之外傳以爲江者亦卽此江矣韋昭曰江吳江也又曰江松江去吳五十里是已笠澤也吳江也松江也實出自具區之一江左氏謂之江則中江之自陽羨入海明矣是故今之松江卽古之中江也若夫外傳之名南江爲江也則伍員范蠡之言三江舉之矣員謂吳越之國三江環之蠡謂吳與越爭三江五湖之利以二國在江湖間也許慎謂江水東至會稽山陰爲浙江關駟謂江水至會稽與浙江合鄞道元謂南江于海鹽縣秦望山東出爲澈浦其枝分歷烏程餘杭二縣與浙江合浙江于餘暨東合浦陽江自秦望分派東至餘姚又爲江此南江與浙江浦陽分合之迹也越語言句踐之地南至于句無北至于禦兒東至于鄞西至于姑蔑韋昭以爲今諸暨嘉興鄞縣太末之地然則中江以南爲越中江以北爲吳而南北二江分行二國王都之北是爲三江環之而二國之必爭其利不待言矣韋昭以松江錢塘浦陽爲三江然錢塘何江乎卽浙江也浙江從餘姚入海南江既先後合于浦陽浙江則止一江耳烏得而二之是故今之錢塘江卽古之南江也可知孟堅之說與左氏內外傳合而康成則否卽二家之是非判然矣宗康成者曰漢志所謂中江南江皆吳通江于湖之道耳不得爲禹貢之三江然我聞吳嘗溝通江淮矣不聞其溝通江湖也說者皆援史記河渠書爲據不知史記固言

通渠三江五湖未嘗謂通江于湖也今江湖之間枝渠相通者甚多安知非吳人所爲而可以爲卽此二江乎使吳果通此二江曷爲記無明文若在左氏所云掘深溝于商魯之間北屬之沂西屬之濟也況二江上流內傳亦有可考者襄公三年楚子重伐吳克鳩茲杜預謂在丹陽蕪湖縣東劉昭據以注郡國志蕪湖中江在西之文是楚克吳中江以東邑也哀公十五年楚子西子期伐吳至于桐汭杜預謂宣城廣德縣西南有桐水此卽鄞道元所謂南江逕宣城之臨城縣南又東與桐水合者是楚又越南江而東矣此必二江當吳楚之交故楚之伐吳皆越二江足以明非吳人始爲之也地志曰高淳之中江爲胥溪謂伍員伐楚時所鑿此附會之說耳內傳定公四年蔡侯吳子唐侯伐楚舍舟于淮汭自豫章與楚夾漢不聞由胥溪也其地有五牙山卽魏氏春秋所謂烏邪山者而今謂之伍員山此名中江爲胥溪之所由來矣然則江漢既合後之分而爲三也孰從辨之曰漢源于北故以北江屬之江源于南故以中江南江屬之江漢各爲瀆故各自入海所謂江漢朝宗也使合而爲一漢安得有入海處耶曰孟堅于瀨氏道何以言江水至江都入海曰北江中江禹貢雖分屬江漢已同謂之江矣孟堅烏得不謂之大江以北江爲江可也以爲無南江中江不可也如此而已矣江既有三禹貢何以僅書其二曰北江固宜書書中江者舉中以見南也言中江而南江見言南江而中江不見故舉中焉

耳曰康成之說經學之宗也子奈何非之曰予豈不宗康成顧質之經傳而不合故不敢從焉耳禹貢三江之注不復見于職方安知非康成已自悟其失歟然則予之不從康成未必非康成之意也郭景純庾仲初何如曰景純之說孟堅之說也孟堅志其地景純述其名仲初則一隅之見耳我無取焉其下篇曰予既考定禹貢三江以班固之說爲確不可易因思此說也孔穎達尙書正義已用之而蔡氏集傳之所用者則庾仲初之說卽穎達所謂今南人以大江不入震澤震澤之東別有松江等三江者也予考仲初所云東江者卽漢志之南江從吳縣南至餘姚者也其云松江者卽漢志之中江從陽羨入海者也惟舍北江不數而顧數婁江爲失之水經注亦言松江自湖東北流經七十里江水奇分謂之三江口則仲初所言尙未大謬而不得爲禹貢之三江者禹貢導源于彭蠡仲初導源于震澤所起不同故也夫導源于彭蠡者上流之三江也導源于震澤者下流之三江也下流之三江係東吳一隅上流之三江係揚州全城禹之導江漢以入海也爲一隅耶爲全城耶此易知也仲初之意謂三江入海然後震澤底定若三江必悉出于震澤而揚州之患亦無大于震澤之不定者則偵矣夫揚州之患不在震澤而在江漢震澤偏處下流其爲患小江漢則遠自雍梁數千里之外由荆入揚其匯爲彭蠡也適當揚之上流揚州之境所以盪爲洪波有陸沈之嘆者由江漢不能朝宗反挾彭蠡之水

奔涌四出不可禁制故也豈止一震澤之未定也哉禹疏爲北江導江漢之水使之安瀾入海上流鬱怒激薄之勢網其大半矣又必導二江以入震澤者洪水方割之日江漢挾彭蠡東行北江不能盡泄也而二江所行爲漢丹陽宛陵會稽諸郡之地又多長山峻嶺飛流湍湍數日霖潦衆水交赴若是者安歸乎歸于震澤耳北江雖通不能泄而去之也禹瀾爲二渠輸之震澤復使分道入海上以泄北江不盡泄之江漢下以泄北江不及泄之衆水有北江以攝一州有二江以安數郡如是而揚州之患息矣夫使揚州之患僅在震澤則疏其下流可也然亦必上流無江漢無江漢則雍梁之水何以泄江漢者所以泄雍梁之水三江者又所以泄江漢之水禹之疏三江不自上流而安自哉後世北江尙存而二江廢矣其廢之也以其爲東吳患雖然何患耶患在海口不通耳非以二江入震澤而爲患也今使北江之海口不通能不爲患乎則使二江之海口常通詎必其能爲患乎且二江不入震澤非特無利于東也適遺患乎西何者以丹陽宛陵諸郡之水不能盡泄之北江也泄而溪澗迂迴不能旦夕去也是故微特北江不可無即二江亦不可廢後世之廢二江毋乃爲仲初所誤歟夫以三江爲出自下流則上流可棄矣甚矣仲初之妄也

莽曰秦德

曲阿故雲陽

越絕書曲阿爲雲陽縣 太康三年地記曲阿

本名雲陽秦時望氣者云有王氣始皇使鑿之以敗其勢截其直道使之阿曲故曰曲阿 後書包咸傳注曲阿今潤州縣 通典今潤州丹陽縣古雲陽也秦始皇改曰曲阿漢因之漢丹陽郡所領之丹陽縣非今縣也 大清一統志曲阿故城即今鎮江府丹陽縣治 又云按漢丹陽郡治宛陵今寧國府所領有丹陽縣亦謂之小丹陽在今太平府當塗縣界晉宋以後丹陽郡治建康即今江寧府至唐天寶初始改曲阿爲丹陽祇取故名耳說者遂以漢晉之丹陽混入誤矣

莽曰風美 烏傷

劉敬叔異苑東陽顏烏以純孝著聞後有羣鳥銜鼓集顏所居之村烏口皆傷一境以爲顏至孝故致慈烏銜鼓欲令孝聲遠聞因子鼓處立縣而名爲烏傷 水經注穀水又東逕烏傷縣之雲黃山又與吳寧谿水合水出吳寧縣下逕烏傷縣入穀謂之烏傷谿水 元和志今婺州金華義烏永康東陽蘭溪武義浦陽七縣之地皆漢烏傷縣也 名勝志烏傷縣唐武德七年改名義烏今縣東四里有顏烏墓墓東三步有故墳高一丈五尺方四十丈即烏父母墓也烏傷溪去烏墓一里 大清一統志烏傷故城即今金華府義烏縣治

莽曰烏孝

毗陵季札所居

左傳襄三十一年趙文子問曰延州來季子其

果立乎杜注季札邑本封延陵後復封州來故曰延州來 公羊傳襄二十九年季子去之延陵終身不入吳國 史記吳世家季札封于延陵故號曰延陵季子 越絕書淹君城其城三重周回十五里即古毗陵城也 又云毗陵縣南城在荒連上湖中冢者季子冢也名延陵墟 皇覽延陵季子冢在毗陵縣暨陽鄉至今吏民皆祀之 太康三年地記毗陵故延陵邑季札所居 宋書州郡志本名延陵漢改曰毗陵後書彭修傳注毗陵今常州晉陵縣也 通典今常州晉陵縣本春秋時延陵漢改爲毗陵 元和志季札墓在晉陵縣北七十里申浦之西即古延陵之境也 輿地紀勝今潤州亦有延陵鎮蓋晉分曲阿之延陵鄉立縣而隋改丹陽亦曰延陵非古之延陵也 大清一統志晉陵故城即今常州府武進縣治

北江在北東入海揚州州 禹貢東匯澤爲彭蠡東爲北江入于海 詳見前吳縣下

莽曰毗壇 餘暨

越絕書餘暨西施之所出 世本吳熟哉始居蕃離宋忠注熟哉仲雍字蕃離今吳之餘暨縣 應劭曰餘暨吳王闔閭弟夫槩之所邑 水經注浙江又逕永興縣南縣在會稽東北一百二十里漢末童謠云天子當興東南三餘之間 故孫權改餘暨曰永興縣 師古曰暨音既下

諸暨同 元和志今越州蕭山縣本日餘暨

大清一統志餘暨故城在今紹興府蕭山縣西
按永興故漢之餘暨縣與餘姚餘杭而為三
故曰三餘也

蕭山

寰宇記蕭山在蕭山縣西一里又名西山有林
泉之勝唐以此名縣 大清一統志蕭山在蕭
山縣治西舊志云一名蕭然山

潘水所出東入海

劉昭注補引魏都賦注作潛水劉良注作瀛水
皆潘字之譌 水經注潘水即浦陽江之別名
自外無水以應之 師古曰潘音甫元反 今
水經浦陽江源出金華府浦江縣西六十里深
鼻山經浦江縣界北流抵富陽入于浙江 方
輿紀要浦陽江源出金華府浦江縣西六十里
深鼻山謝惠連詩云朝發浦陽納暮宿浙江涓
言相近也水經注浦陽江導源烏傷東連諸暨
與泄溪合今江水經浦江縣南東流入紹興府
諸暨縣界自源徂流凡百二十里始通舟楫經
縣南折而北流縣境諸水皆流入焉北經山陰
縣南分為二支一西北經蕭山縣東南三十里
之臨浦又北折而東經府西五十里之錢清鎮
名錢清江又東入于海是錢清江即浦陽江也
一自山陰縣東南分為小舜江又東與嵯縣剡
溪之下流合經府東九十二里之曹娥廟而為
曹娥江又北至上虞縣西北五里之龍山下又
西北折以入于海是曹娥江亦浦陽江分流所
匯也 又云錢清江在紹興府西北四十五里
浦陽江之下流也自金華府浦江縣流入諸暨

縣界謂之浣江又匯流至府西南百里之紀家
匯繞府境謂之錢清江又西北至蕭山縣境復
折而東北經錢清鎮入于海今亦謂之西小江
水道提綱浦陽江源出浦江縣西境之深鼻
山曰東溪東南流又一源出縣南之五路嶺曰
南溪東北流至縣城南合而東稍北五十里有
一水南自義烏西北之戚村橋北流來會又東
北流經諸暨縣南曰上西江又東北至了口有
上東江東南自東陽界合諸溪水來會曰浣江
又北經縣城南又東北分為二派一東北流曰
下東江又西北至三港口一西北流曰下西江
又北至三港口復合曰大江其分凡七十里復
合也又西北流臨浦鎮西古道東至錢清者已
塞今自臨浦又西北流入浙江源流三百餘里
越城入舊稱西小江 七校水經注浦陽江發
源義烏分子諸暨是為曹娥錢清二口其自義
烏山南出者道由蒿壩所謂東小江也下流始
為曹娥其自山北出者道由義橋所謂西小江
也下流始為錢清考浦陽之名漢時所未有故
班志不錄然志于浦陽東道之水則曰柯水而
係之上虞即曹娥也西道之水則有潘水而係
之餘暨即錢清也續志有潘水而失柯水至章
昭始以浦陽為三江之一六朝時合曹娥錢清
二江總曰浦陽故謝康樂山居賦所云皆指曹
娥而南史爭戰之地則皆在錢清歷唐五代作
志乘者尚無曹娥錢清之名故九域志以曹娥
鎮屬會稽錢清鎮屬山陰可證也道元注水經
以上虞江稱曹娥而錢清則否是知曹娥為浦

陽江經流無疑矣觀南史浦陽江南北各有埭
司以稽察行旅胡梅圃曰浦陽江南津埭即今
之梁湖堰北津埭即今之曹娥堰與西陵埭柳
浦埭稱四埭六朝官制班班足與水道相證明
蓋浦陽之水東行者當從堰未與之日直自餘
姚達于句章之境非猶夫今之曹娥也道元言
之不明遂啓後人之疑耳 按今之錢清江即
古潘水也在山陰縣西北四十五里上流即浦
陽江一名豐江自金華府浦江縣流入諸暨縣
界東北流合諸溪澗水為上西江又與東江合
謂之浣江又東北分為二其正流為下東江其
西為下西江分流七十餘里復合又北流二十
里繞紹興府境始謂之錢清江西北流至蕭山
縣南又東北至蕭山縣東復入山陰縣界經錢
清鎮以入于海

莽曰餘衍

史記高祖紀封劉賈為荆王王淮東 本書功
臣侯表陽羨定侯靈常高帝十二年封 虞喜
志林賈封吳地而號荆王者以山命國也今吳
郡西南有荆山在陽羨界 太康三年地記陽
羨縣本名荆谿 輿地志吳越間謂荆為楚秦
以子楚改為陽羨 後書許荆傳注陽羨故城
在今常州義興縣南 隋志毗陵郡義興縣舊
曰陽羨平陳後改 元和志今常州義興縣本
漢陽羨縣故城在荆谿南 寰宇記陽羨故城
在今常州宜興縣南一名蝦虎城荆谿在縣南
二十步漢志云中江首受蕪湖東至陽羨入海

卽此谿也 大情一統志陽羨故城在今常州府宜興縣南五里

諸暨

越語句踐之地南至句無韋注今諸暨有句無亭 水經注浙江又東合浦陽江江水導源烏傷縣又東逕諸暨縣臨對江流江南有射堂縣北帶烏山故越地也先名上諸暨亦曰句無矣 元和志今越州諸暨縣秦舊縣也界內有暨浦諸山因以爲名 國語補音暨音記晏殊類要諸暨縣本越王允常之所居也 大清一統志諸暨故城卽今紹興府諸暨縣治 莽曰疏虜 無錫

史記吳太伯世家太伯之奔荆蠻自號句吳宋忠曰句吳太伯所居地名索隱曰顏師古注漢書以吳言句者夷語發聲猶言於越耳此言自號句吳當如顏解不聞別有城邑名句吳也正義曰太伯奔吳所居城在蘇州北五十里常州無錫縣界梅里村其城及家見存 皇覽太伯冢在吳縣北梅里聚去城十里 陽羨風土記武王既封周章于吳又封章少子贊于無錫爲安陽侯 本書功臣侯表無錫侯多軍武帝元封元年以東越將軍降封 劉昭注補無錫縣東皇山有太伯冢民世修敬焉去墓十里卽舊宅井猶存 通典今常州無錫縣漢舊縣史記曰太伯始居吳卽此地也東南三十里有太伯城地曰梅里鄉亦曰梅里村城東五里有皇山一名鴻山自太伯至闔閭二十三君俱都此

元和志今常州無錫縣漢舊縣也東三十九里有梅里山吳太伯葬處 史記正義太伯居梅里在常州無錫去東南六十里至十九世孫壽

夢居之號句吳諸樊南徙吳至光使子胥築閻闔城都之今蘇州也 方輿紀要錫山在無錫縣西五里與惠山連麓而別爲一峯相傳縣之主山也周秦間山產鉛錫古語云有錫爭無錫寧漢因以無錫名縣 大清一統志無錫故城卽今常州府無錫縣治 有歷山 毗陵志歷山在無錫縣西北三十里 春申君歲祠以牛

春申君歲祠以牛

史記春申君傳城故吳墟以自爲都邑 越絕書無錫縣西龍尾陵道春申君初封吳所造劉昭曰今現在自是山名非築陵道 輿地志楚考烈王封春申君以淮北一十三城後以其地邊齊請以爲郡更以江東故吳邑封之今歷山下春申君祠去城三里古道通黃城 通典無錫縣亦楚春申君之邑 寰宇通志黃城在常州府無錫縣治西十二里俗呼爲黃斗城楚封春申君黃歇于此 漢書舉正按輿地紀勝引此文春申君下有祠字又歲祠作歲祀 莽曰有錫 山陰

水經注浙江又北逕山陰縣西呂氏春秋云越王之棲于會稽也有酒投江民飲其流而戰氣自倍所投卽浙江也許慎晉灼並言江水至山陰爲浙江 通典今越州山陰縣漢舊縣越絕

書曰句踐小城山陰是也 元和志今越州會稽山陰二縣並秦舊縣 寰宇記越州山陰縣本漢舊縣置在會稽山北龜山上故有山陰之稱 會稽三賦注蠡城范蠡所築會稽治山陰

以來此城卽爲郡城 寰宇通志秦置縣曰山陰以邑在會稽山之陰故也 方輿紀要山陰城卽今紹興府城舊有子城吳越春秋句踐築小城周三里七十步一圓三方陸門四水門一又有大城亦曰羅城越絕書山陰大城范蠡所築周二十里有奇陸門三水門三後漢爲會稽郡治 大清一統志山陰故城卽今紹興府治

按續志云會稽郡秦置本治吳立吳郡乃移

山陰然則水經注謂山陰縣秦會稽郡治者誤也 會稽山在南山有禹冢禹并揚州山

會稽山在南山有禹冢禹并揚州山

夏官職方揚州山鎮曰會稽鄭注會稽在山陰爾雅釋地東南之美者有會稽之竹箭焉 左傳哀元年吳入越越子以甲楯五千保于會稽杜注會稽山也在會稽山陰縣南 魯語吳伐越墮會稽獲骨焉節專車 越語越王句踐棲于會稽之上韋注會稽山名在今山陰縣南七里 管子禹封泰山禪會稽 墨子禹葬會稽衣裘三領桐棺三寸 呂氏春秋禹葬會稽不煩人徒 山海經會稽之山四方郭注會稽山今在會稽郡山陰縣南 吳越春秋禹巡行天下還越會稽修治國之道因以會稽名山

越絕書禹到大越上苗山大會稽爵有德封有功因更名苗山曰會稽山病死葬葦棺穿塘深

二尺上無瀉泄下無邸水壇高三尺土階三等周方一畝 史記夏本紀禹會諸侯江南計功而崩因葬焉命曰會稽會稽者會計也 又始皇本紀三十七年上會稽祭大禹望于南海而立石刻頌秦德 本書司馬遷傳二十而南游江淮上會稽探禹穴張晏曰禹巡狩至會稽而崩因葬焉上有孔穴民間云禹入此穴 皇覽禹冢在山陰縣會稽山上會稽山本名苗山在山陰縣南去縣七里 孔靈符會稽記會稽山在縣東南其上石狀如覆釜禹夢玄衣蒼水使者卻倚覆釜之上是也今禹廟在下秦始皇嘗配食此廟 水經注會稽之山古防山也亦謂之茅山亦曰棟山棟猶鎮也周禮所謂揚以之鎮矣山上有禹冢又有禹井 括地志禹陵在越州會稽縣南十三里廟在縣東南十一里 會稽三賦注禹陵在會稽山之東有隴隱若劍背西向而下有定石石之右是為禹廟背湖而南向禹廟之西中峯下有禹寺寺之後疑是葬處祠後有遺井謂禹所穿鑿故名 又云賀知章纂山記曰禹穴黃帝號為宛委穴亦明陽明之府于此藏書焉大禹始于此穴得書復于此穴藏書然舊經諸書皆以禹穴繫之會稽宛委山里人以陽明洞外飛來石下為禹穴今則流傳失真已不可考矣 大清一統志會稽山在今紹興府會稽縣東南十三里府志云大禹陵在山西北五里

越王句踐本國

吳越春秋少康恐禹迹宗廟祭祀之絕乃封其

庶子于越號曰無餘 史記越世家越王句踐其先禹之苗裔帝少康之庶子封于會稽以奉禹祀 春秋世俗譜越姬姓其先夏后少康之庶子封于會稽自號於越於者夷言發聲也濱在南海不與中國通後二十餘世至允常始伐吳子句踐是為越王 賀循會稽記少康少子號曰於越越國之稱始此 水經注夏后少康封少子杼以奉禹祀世歷殷周至于允常列于春秋允常卒句踐稱王都于會稽吳越春秋所謂越王都埤中在諸暨北界山陰康樂里有地名邑中者是 大清一統志越王城在今會稽縣東南一十里會稽山上舊志云秦縣治此有靈文園

本書外戚傳高祖薄姬文帝母也父吳人生薄姬而死山陰因葬焉文帝尊為靈文侯會稽郡置園邑三百家奉守寢廟 後書鄭弘傳注引謝承書曰弘少為靈文鄉番夫 史記索隱顧氏按家墓記薄父家在會稽縣西北檇山上今猶有兆城檇音莊洽反

丹徒

左傳襄二十八年齊慶封奔吳吳句餘予之朱方杜注朱方吳邑 又昭四年楚靈王使屈申圍朱方克之 史記絳侯世家吳王濞棄其軍而與壯士數千人亡走保于江南丹徒 南徐州記秦時望氣者言其地有天子氣始皇使赭衣徒三千人鑿京峴山以敗其勢故名丹徒 又云吳王濞葬丹徒縣南其地名相唐 太康三年地記吳王濞反走丹徒越人殺之于此城

宋書州郡志丹徒縣本名朱方後名谷陽秦曰丹徒 括地志丹徒故城在今潤州丹徒縣東南十八里吳王濞冢在縣東練辟聚北今入于江 元和志今潤州郭下丹徒縣本吳朱方地後改谷陽秦又改丹徒又常州武進縣亦丹徒地吳大帝所改 大清一統志丹徒故城在今鎮江府丹徒縣東南新志云即今丹徒鎮土人稱為舊縣

餘姚

孝經援神契舜生於姚墟 帝王世紀舜母名握登生舜于姚墟因姓姚氏 周處風土記舜東夷之人生姚邱故姓姚氏此是支庶所封故曰餘姚 水經注餘姚縣城南臨江津北背巨海夫子所謂滄海浩浩萬里之淵者也縣西去會稽一百四十里因其句餘山以名縣 元和志越州餘姚縣本漢舊縣舜後支庶所封之地舜姚姓故曰餘姚 大清一統志餘姚故城即今紹興府餘姚縣治 按括地志姚墟在雷澤縣東十三里唐之雷澤即漢之成陽今山東曹州府之濮州也此處疑出附會

婁

通典今蘇州崑山縣漢婁縣地因吳之婁門為名 元和志今蘇州崑山縣本秦漢婁縣其城乃吳子壽夢所築 吳郡志婁縣今謂之崑山縣縣東北三里有婁縣村蓋故縣治所也 大清一統志婁縣故城在今蘇州府崑山縣東北又太倉州亦漢婁縣地 按續郡國志吳郡十二城有安縣無婁縣蓋說婁為安耳校書者不

能是正疑有脫漏又增婁於無錫之後并改十二城爲十三城盧熊蘇州府志遂謂東漢省錢塘而增安縣又謂建安中孫權以安縣屬屯田典農校尉當在無錫以西然沈約志初無是說知盧說之臆造也

有南武城闔閭所起以候越

越絕書婁北武城去縣三十里今爲鄉 王鏊

姑蘇志崑山縣有武城村在朱塘鄉三四保

大清一統志南武城在今崑山縣西北

莽曰婁治

上虞

秦康三年地記舜避丹朱于此故以名縣百官

從之故縣北有百官橋或曰禹與諸侯會事訖

因相虞樂故曰上虞二說不同未知孰是 水

經注浦陽江水又東逕上虞縣南縣本鹽都尉

治也地名虞賓亦謂是水爲上虞江 後書度

尙傳注上虞故城在今越州餘姚縣西有虞山

在縣東 史記正義餘姚縣西七十里有漢上

虞故縣會稽舊記云舜上虞人去虞三十里有

姚邱卽舜所生也 元和志今越州上虞縣故

城西枕上虞江在縣西二十八里 大清一

統志上虞故城在今紹興府上虞縣西北府志

云在縣西北四十里百官市

有仇亭

水經注仇亭在縣東北一十里

柯水東入海

水經注柯水疑卽上虞江也又東北逕永興縣

東與浙江合謂之浦陽江 名勝志上虞江源

自剡溪來東折而北至曹娥廟前名曹娥江又

北至龍山下名舜江又西北折入于海 方輿

紀要曹娥江在紹興府東北十二里剡溪之下

流也自嵯縣流入界東折而北至曹娥廟前又

北至上虞縣龍山下名舜江又西北折入于海

亦謂之東小江 又云上虞江在紹興府上虞

縣西三十里卽曹娥江也自會稽縣東經縣西

南東山下曰琵琶圻亦曰琵琶洲曹娥廟當其

處西去府城七十五里乃運河渡口也又經縣

西四十里蔡山東麓曰蔡山渡又北至龍山亦

謂之舜江又西北折入于海 水道提綱曹娥

江卽古剡溪源出天台及東陽經新昌西北爲

三溪至嵯縣南而西港來會曰剡溪稍東折東

北經浦口又北流經清風嶺嶧浦三界過東山

至嶧壩東南爲曹娥江又名上虞江北稍西經

梁湖及百官鎮西又東北會夏蓋湖水至瀝海

所西入海此水越人稱曰東小江源流四百餘

里 地理志稽疑柯水當卽今之曹娥江張元

汴謂卽山陰柯橋之水謬甚 按柯水卽今曹

娥江上流曰剡溪自嵯縣北流入會稽縣界曰

曹娥江又北入上虞縣界亦名上虞江經龍山

下亦曰舜江又西北至三江口入海

莽曰會稽

海鹽故武原鄉有鹽官

越絕書吳伐越道逢大風匹馬啼嗥因名馬嗥

城今海鹽縣卽馬嗥城也亦名禦越城 秦康

三年地記吳有鹽官縣漢海鹽縣也 續郡國

志劉昭注補按今計借簿縣之故治順帝時陷

而爲湖今謂爲當湖大旱湖竭城郭之處尙可

識也 水經注吳王濞煮海爲鹽于此東出五

十里有武原鄉故越地也秦于其地置海鹽縣

後縣淪爲柘湖又徙治武原鄉改曰武原縣安

帝時武原之地又淪爲湖今之當湖也後乃移

此 通典今蘇州海鹽縣本名武原鄉秦以爲

海鹽縣 元和志今蘇州海鹽縣本秦縣漢因

之又杭州鹽官縣亦海鹽地 寰宇記今秀州

海鹽縣本吳縣武原鄉秦置縣漢因之按吳郡

記云海濱廣斥鹽田相望卽海鹽與鹽官之地

同也 九域志秀州海鹽縣有鹽監一鹽場三

地理通釋漢鹽官在東南者不多會稽纔一

廣陵有之遺利猶在民也 大清一統志海鹽

故城在今江南松江府華亭縣南六十五里浙

江嘉興府平湖縣東南當湖在平湖縣東門外

周四十餘里一名鸚鵡湖俗呼東湖卽後漢時

海鹽縣陷處鹽官故城卽今杭州府海寧州治

本亦海鹽縣地

莽曰展武

師古音上冉反 晉書音義上檢反又羊檢反

集韻時染切 方以智音閃 水經注浦陽

江水又東流南屈又東迴北轉逕剡縣東縣開

東門向江江廣二百餘步自昔者舊相傳縣不

得開南門開南門則有賊盜江水翼縣轉注故

有東渡西渡焉 元和志今越州剡縣漢舊縣

也故城在今縣理西南十二里剡溪出縣西南

北流入上虞縣界爲上虞江 白居易沃州記

東南山水越爲首刻爲面始皇東游使人鑿此山以洩王氣今山南刻坑是也 方輿勝覽刻溪在今嵯縣南一百五十步一名戴溪 方輿紀要刻山在今紹興府嵯縣西北支隴環十數里水流山下爲剡溪縣城蓋跨山臨溪云 大清一統志剡縣故城在今紹興府嵯縣西南刻山在縣治後刻水在縣南

莽曰盡忠
由拳

師古曰拳音權 搜神記秦始皇東巡望氣者云五百年後江東有天子氣始皇乃令囚徒十萬人掘汙其地表以惡名曰囚拳後改爲由拳 神異傳由拳縣本秦時長水縣也始皇時縣有童謠城門有血陷城爲湖有老嫗聞之告于門將門將俟嫗去後殺犬以血塗門忽大水至縣遂淪陷爲谷因曰長水城水爲谷水 水經注谷水出吳小湖逕由拳縣故城下吳記曰谷中有城故由拳縣治也始皇惡其勢王表以汙名改曰囚拳亦曰由拳即春秋之檣李城也 後書張武傳注由拳故城在今蘇州嘉興縣南 元和志今蘇州嘉興縣本春秋時長水縣秦爲由拳縣漢因之 寰宇記故由拳縣在今秀州嘉興縣南五里秦始皇見其山上出王氣使諸囚合死者來鑿此山其囚倦並逃走因號爲囚倦山遂置囚倦縣後人語訛便名爲由拳山其處出好藤紙 九域志馬塘堰圖經云秦始皇三十七年東游至此改長水縣爲由拳縣遇水爲堰以厭水市之謠其隄既立斬馬以祭之

因名 輿地紀勝由拳縣本名長水縣初土人謠曰水市出天子始皇東游過此見人乘舟水中交易應其謠遂改爲由拳 大清一統志由拳故城在今嘉興府嘉興縣南 柴辟故就李禦吳越戰地

師古曰辟讀曰壁 春秋定十四年於越敗吳于檣李杜注吳郡嘉興縣南有醉李城 吳語越大夫種曰吾用禦兒臨之章昭注禦兒越北鄙在今嘉興言吳邊兵若至吾以禦兒之兵臨敵之也禦兒在吳越界今爲鄉也 越語句踐之地北至於禦兒章昭注禦兒今嘉興語兒鄉是也越絕書語兒鄉故越界名曰就李吳疆城地以爲戰地至于柴辟亭 又云女陽亭者句踐入臣于吳夫人從道產女此亭養女于就李鄉句踐勝吳更名女陽更就李爲女兒鄉 史記東越傳樓船將軍率錢塘終古斬徇北將軍爲禦兒侯孟康曰禦兒越中地也今吳南亭是師古曰漢書禦作語或作籀或作籟其音同 應劭曰柴辟古之檣李也 賈逵曰檣李越地 水經注浙江又東逕禦兒鄉又東逕柴辟南舊吳越戰地備候于此故謂之辟塞是以越絕稱吳故從柴辟辟塞渡會稽臻山陰是也 史記正義禦字今作語語兒鄉在蘇州嘉興縣南七十里臨官道也 通典檣李故城在今嘉興縣南三十七里 又云禦兒爲吳越分境之所 方輿紀要語溪在今嘉興府崇德縣治東南一里其地有語兒鄉語本作禦國語所謂北至禦兒也 大清一統志檣李城在今嘉興府

秀水縣西南七十里柴辟亭在石門縣東南 按吳越春秋吳王夫差增越封西至于醉李則與闔閭戰時醉李猶爲吳地也醉李即檣李本志作就李聲相同古通用禦兒鄉在今石門縣亦嘉興所分之地後訛作語又作女遂多所附會耳

大末

孟康曰大音如闔反 陸德明曰大音泰 段玉裁曰古人大字多有讀作入聲者今惟有會稽大末縣獨存古語耳 左傳哀十三年越伐吳王孫彌庸見姑蔑之旗杜注姑蔑越地今東陽大末縣 國語句踐之地西至于姑蔑 水經注縣是越之西鄙春秋姑蔑之地也秦以爲縣 後書任延傳注大末今婺州龍邱縣也東觀記曰秦時改爲大末 元和志今衢州信安常山龍邱須江盈川五縣並春秋姑蔑之地漢之大末縣也又處州遂昌縣亦大末地 九域志東陽記云姑蔑城在穀水南三里 方輿紀要龍邱山在今衢州府龍游縣東四十里有九石特秀亦曰九峯山以狀若芙蓉亦名芙蓉山 大清一統志大末故城即今衢州府龍游縣治姑蔑城在縣北 穀水東北至錢唐

屬本郡

入江

水經注穀水源西出大末縣 元和志穀水在衢州須江縣東南一里 九域志衢州常山龍游二縣並有穀水穀溪源在龍游 方輿勝覽

穀溪出西安合江山常山二縣之水 寰宇通志穀溪在衢州府龍游縣北五里漢志大末有穀水唐置穀州以此 方輿紀要衢江在衢州府城西源出仙霞嶺經江山縣東又北流至城西南合信安溪曰雙港口經城西又遶出城北東流至城東十五里鷄鳴山下合定陽溪亦曰衢港亦曰信安江即古穀水也 又云穀溪在龍游縣北五里衢江匯信安定陽諸溪流入縣界經縣西南三十里一名盈川溪至縣北名穀溪唐初置穀州以此 大清一統志衢江即古穀水也源出衢州府江山縣仙霞嶺流經西安龍游二縣北又東北入金華府湯溪縣西北又北入蘭溪縣經縣西南爲金臺灘又至蘭陰山下與婺港合統名曰蘭溪又名穀水以水文類羅穀岸多蘭莖故名蘭溪又北流四十餘里入嚴州府建德縣舊志謂入東陽江當是指婺港也 新校地理志穀水今曰穀溪在龍游縣北五里即信安江也下流東注與東陽江合歷嚴杭二府入于海 按元和志寰宇記方輿勝覽並作穀水太平御覽引輿地志云其水波瀾交錯狀如羅穀之文因以爲名水經注漸江水篇引此文亦作穀故唐置穀州而新舊唐志文獻通考方輿紀要並作穀非是

莽曰未治
烏程

越絕書秦始皇至會稽徙於越之人于烏程三吳土地記秦始皇時有程林烏巾二家善釀酒因改菰城縣爲烏程縣今有程氏橋烏亭

元和志今湖州烏程長城武康德清四縣秦漢烏程縣地 寰宇記故菰城在湖州南二十五里楚春申君立菰城縣秦改爲烏程縣 大清一統志故菰城在今湖州府南二十五里舊志謂之下菰城有內城外城故址猶存

有歐陽亭
師古曰歐音烏侯反 寰宇記丹山在烏程縣東二十里一名烏山一名歐餘山一名歐亭山 大清一統志歐陽亭在今烏程縣東昇山 舊志云昔越王無疆之子蹄封于烏程歐餘山之陽爲歐陽亭侯子孫因以爲氏

句章
左傳哀二十二年越滅吳請使吳王居甬東杜注甬東越地會稽句章縣東海中洲也 吳語寡人其達于甬句東章注甬江句句章也甬句東今句章東海口外洲也 越語句踐之地南至于句無章注今句章縣是也 山海經句餘之山無草木多金玉郭注山在餘姚之南句章之北故二縣因以爲名 史記東越傳天子遣橫海將軍韓說出句章正義曰句章故城在越州鄞縣南一百里 十三州志句踐滅吳因大城之章靈功以示子孫故曰句章秦乃置縣 後書順帝紀注句章故城在今明州鄞縣西一百里 國語補音句音九具反按內傳釋文如淳并章氏並音拘 會稽三賦注句章縣名秦漢以來屬會稽郡今之寧波府鄞慈溪地也 輿地紀勝古句章城在今鄞縣南六十里 胡三省通鑑釋文辨誤句章之句漢書無音

陸氏釋文音九具反如淳章昭皆音拘惟史炤通鑑釋文音鈞無所據 方輿紀要句章城在今寧波府慈溪縣西南三十五里城山渡春秋時越句踐所築也 大清一統志句章故城在今寧波府慈溪縣界舊志云在今縣西南三十五里城山渡東又鄞縣南小谿鎮亦有句章故城乃晉時因孫恩之亂所改築句餘山在慈谿縣西南四十里餘姚縣南一百里即四明山也

渠水東入海
水經注浦陽江邊有查浦浦東行二百餘里與句章接界浦裏有六里有五百家並夾浦居列門向水甚有良田有青谿餘洪谿大發谿小發谿江上有六谿六谿列旣入江 地理志稽疑渠水即水經注六谿之水也凡言渠水必皆以人力爲之句章之渠水亦是居民苦江湖之斥鹵而引山溪之水爲渠以利田溉是即所謂渠水者矣蓋六谿皆篔簹谿之支流篔簹入浦陽而此六谿者瀦而爲渠遂獨擅句章之望雖于前記無明文然舍此六谿更無水以當之矣 又云句章之渠水鄞鄞間無述之者乾道圖經以來皆不及也 新校地理志今上虞江自上虞縣西北支流分出東逕臨山衛南慈溪縣南又東入海疑卽此也

餘杭

孟康曰杭音行伍之行 廣韻餘邱縣名在吳興 史記始皇本紀三十七年至錢唐臨浙江水波惡乃西百二十里從狹中渡徐廣曰蓋在

餘杭也顧夷曰餘杭者秦始皇至會稽經此立為縣 劉昭注補始皇所過乃在錢唐富春不近餘杭之界 山謙之吳興記秦始皇三十七年將上會稽塗出此地因立為縣捨舟航于此仍以爲名 水經注浙江逕餘杭縣左合餘杭大谿又東逕餘杭故縣南新縣北 元和志今杭州餘杭縣本吳地漢以爲縣又臨安縣亦餘杭地 西谿叢語許志仁云秦始皇捨舟於餘杭不從舟而從木以詩一葦杭之義 方輿紀要餘杭城在今杭州府餘杭縣若溪南秦漢故縣治也 名勝志縣舊治在若溪南後漢靈帝嘉平二年徙于溪北相仍至今 大清一統志餘杭故城即今杭州府餘杭縣治縣志云舊城在若溪南 莽曰進睦

水經注作淮睦 義門讀書記宋本是淮睦 按南史陳天嘉二年詔沈恪留異于東陽異敗恪于下淮恪退還錢唐異以兵戍下淮及建德以備江路下淮在今嚴州府桐廬縣東與富陽接壤舊爲江流扼要處其地正在此此淮睦之所由名也

鄞 師古曰音牛斤反 後書順帝紀注音銀 晉書音義音牛巾反 越語句踐之地東至于鄞 韋注今鄞縣是也 吳越春秋縣有赤堇山故加邑爲鄞 會稽典錄陽朔元年徙東部都尉治鄞或有寇害復徙句章 越絕書赤堇之山破而出錫若耶之溪澗而出銅 後書順帝紀

注鄞故城在今明州鄞縣東南 元和志今明州奉化象山二縣台州寧海縣並漢鄞縣地 寰宇記故鄞城在今鄞縣南故白杜里 輿地廣記漢鄞縣故城在今縣東南 方輿紀要鄞城在寧波府奉化縣東五十里舊志云夏時有董子國以赤堇山爲名堇草名也加邑爲鄞讀若銀即越之鄞邑矣 大清一統志鄞縣故城在今寧波府奉化縣東鄞城山在縣東五十里古鄞城在其下舊志云即赤堇山相傳歐陽治子造劍處國策破赤堇而取錫即此山有草曰赤堇縣以此名而加邑焉 有鎮亭

輿地廣記奉化縣本漢鄞縣地縣西有鎮亭山 大清一統志鎮亭山在今奉化縣西南一百里縣志云山極高大南自天台西連四明綿互數十里 有結埼亭

說文結蚌也漢律會稽郡獻結醬 師古曰結音結蚌也長一寸廣二分有一小蟹在其腹中 埼曲岸也其中多結故以名亭埼音鉅依反 晉書音義結巨乙反埼音祁 南越志璣結長寸餘大者長二三寸腹中有蟹子如榆莢合體 其生俱爲結取食 大清一統志結埼山在今奉化縣東南五十五里以近古結埼亭而名舊有結埼寨 東南有天門水入海 名勝志埼江在寧波府城東北二里即甬江也南接奉化江西接慈谿江同會于定海之大波

東入于海 今水經鄞江其源有二一自奉化合它山之水流經奉化縣北四十里爲奉化江一自上虞縣太平山經餘姚縣治南名姚江歷慈谿縣境東流俱至寧波府城東三港口會名鄞江東流至定海縣治爲大波江入于海 方輿紀要奉化江在今奉化縣北二十里其源自嵎縣六詔諸嶺流入界亦謂之剡溪亦曰剡源溪至縣西四十里公堂山又數十里壘爲九曲諸溪澗水皆附入焉又東北至縣北二十里之江口縣境東南諸溪水悉流灌焉又北至縣北四十里之坊橋而合鄞江亦曰北渡江疑卽班固所謂天門水也 大清一統志鄞江在今鄞縣東北二里即甬江也奉化江自南來慈溪江自西來俱至縣東三港口合流而東入鎮海縣界爲大波江經縣城南至縣東入海曰大波口卽春秋所謂甬東也 皇朝通志甬江卽鄞江有二源南源曰姚江出餘姚縣西南經上虞縣南又經慈溪縣南有藍溪文溪諸水來會有二壩分爲南港東港北源曰奉化江出奉化縣西南經縣城東南有東刻溪來會北流分二支北支與慈溪二壩下流會至寧波府城南與南支合又東北與姚江之南港東港先後並會經鎮海縣南又東入于海 水道提綱寧波府甬江卽鄞江有南北二源北源曰姚江亦曰舜江出餘姚縣西北八十里之太平山西北流至上虞縣南乃東北出經餘姚縣城新城中間而東又東經慈谿縣南曰前江其南有大西小西二壩東南有南港東港與奉化江會南源曰

奉化江亦曰北渡江亦曰東剡溪源出奉化縣西南連山蘇木嶺東北流經縣城東南而北分爲二派北派與慈溪二壩下流會又東至府城南南派復合又東北至城東北與姚江之南港會又東北與東港會經鎮海縣城南即大小狹江總匯也 又東一里至招寶山前又前曰蛟門入於海 地理志稽疑天門水疑即今奉化江在奉化縣北四十五里其上游曰剡溪源出紹興府嵊縣界東北流凡九曲至縣西屈曲繞縣東西北三面合鎮亭水名奉化江亦名北渡江其流始盛又東北入鄞縣合鄞江亦名甬江俱至縣東三江口合流而東入鎮海縣界爲大狹江東入海 水經注釋天門水即奉化縣之廣平湖及大溪是也而水經注無聞焉

有越天門山

真誥天門在鄞縣之南寧海之北半亞於海輿地廣記象山縣本漢鄞縣地有東門山即漢志所謂越天門山也 輿地紀勝天門山在寧海縣北六十里 名勝志天門山一名屨樓門宋志作引頭門 大清一統志天門山在今奉化縣南接象山縣界府志云在奉化縣南六十里象山縣南一百二十里海中兩峯對峙其狀若門高二百丈周二十五里明初昌國衛置此

錢唐

史記始皇本紀三十七年至錢唐臨浙江 水經注浙江又東北流至錢唐縣穀水入焉穀水又東入錢唐縣而左入浙江浙江又東逕靈隱

山山下有錢唐故縣浙江逕其南錢唐記曰防海大塘在縣東一里許郡議曹華信家議立此塘以防海水始開募有能致一斛土者即與錢一千旬月之間來者雲集塘未成而不復取于是載土石者皆棄而去塘以之成故名錢塘焉 後書朱雋傳注錢唐今杭州縣也 通典今杭州所理錢唐縣本漢舊縣 元和志劉道真錢唐記云昔邑境逼近近江流縣理靈隱山下今餘址猶存 演繁露世說注錢唐記云昔有沈姓而令其縣者將築塘患土不給用設詭曰有致土一畚者以錢一畚易之土既大集遂諉曰今不復須矣土人皆棄土而去因取此土以築塘岸故名錢塘非也漢書地理志會稽郡有錢唐縣其名已久矣地名因俗傳而誤如此者甚多 義門讀書記錢唐自秦有此名以唐爲塘乃俗字耳 又云吳郡圖經續記曰漢順帝永建四年分會稽爲吳郡以浙江中流爲界故餘杭富春皆屬吳郡但前書有錢唐靈帝時來雋封錢唐侯而今續志無之按戴就傳揚州刺史歐陽參收就於錢唐獄明當時未嘗并省蓋闕文也 大清一統志錢唐故城在今杭州府錢塘縣西 又云按靈隱山下並無錢塘之跡亦萬無可作縣治之理漢志于錢唐西部都尉治下係以武林山武林水所出蓋言都尉治在錢塘非謂錢塘治在武林山也劉道真作錢塘記誤以漢志武林山三字連上都尉治作句因有縣治在靈隱山下之說水經注復沿其誤至今俱莫能定通志所云錢塘舊縣有四其實止有三

也 又云錢唐係秦縣至唐時始名錢塘漢後諸史地理州郡志中所載甚明方輿紀要謂唐以唐爲國號因加土爲塘是也水經注所引錢塘記乃紀築塘之始與縣之得名及改名無涉 水經注釋按武林水因武林山泉瀆而爲湖舊湖水通江後人築塘以隔江湖泉與錢通用王莽改錢唐爲泉亭闕駟曰山出錢水可證也故湖曰錢湖江曰錢江皆以一塘分限得名華信築塘與錢之事蓋出于傳記之悠謬耳 浙江通志錢塘舊治有四一在靈山麓一在錢湖門外皆漢魏時治也一在錢塘門內今爲教場地唐縣治也一在紀家橋華嚴寺故址宋縣治也

西部都尉治

漢書商權按越絕書云漢文帝前九年會稽并故鄞郡太守治故鄞都尉治山陰前十六年太守治吳郡都尉治錢唐則似會稽止一都尉下文回浦南部都尉治疑後來增設但前漢既有西部亦宜有東部金石錄載永平八年會稽東部都尉路君闕銘吳志張紘亦爲會稽東部都尉而後漢循吏伍延傳嘗爲會稽西部都尉則後漢固東西並設志稱建武六年省諸部都尉既經省并不應後漢所有前漢反無疑此志有脫漏也 按本志會稽但有西南兩部都尉而無東部據趙氏金石錄有永平八年所造會稽東部都尉路君闕銘在未分吳郡之前然則班氏蓋略之也至建安時以張紘爲會稽東部都尉又全琮父柔因董卓之亂棄官歸詔書就拜

會稽東部都尉見琮傳又孫策定江東以芮良為會稽東部都尉見潘濬傳注並載吳志則後漢時亦未嘗省并也

武林山武林水所出東入海行八百三十里

史記東越傳樓船將軍楊僕出武林 十三州志武林山出錢水東入海 水經注錢唐縣南

江側有明聖湖父老傳言湖有金牛古見之神化不測湖取名焉 輿地紀勝西湖在杭州西

周回三十里其源出武林泉山川秀發景物華麗樓觀參差映帶左右為天下之勝 方輿勝覽武林山在錢塘舊治之北半里今為錢塘門

裏太乙宮道院土阜是也 寰宇通志武林山在杭州府城西南十五里亦曰靈隱亦曰靈苑

亦曰仙居武林水即今西湖也 方輿紀要靈隱山在杭州府西十二里本名武林山相傳漢

時錢唐縣蓋治於山麓 西湖志西湖即古明聖湖三面環山溪谷諸水匯而為湖周三十里

以在郡西故名西湖一名錢唐湖亦名上湖又有外湖裏湖後湖之稱 大清一統志按漢志

錢唐縣有武林山水經注元和志寰宇記諸書皆止稱靈隱而不詳武林葉紹翁四朝聞見錄

謂武林即靈隱自後多主其說或以城內小阜今名祖山者為武林非是淳祐志斷之云漢志

明載武林山武林水所出決非城內之山可知水道提綱西湖在杭州府城西周三十里南

西北皆山疑即古武林水不與江通為游觀勝地其水引貫城而東出灌海寧縣田 地理志

稽疑武林山即靈隱山在今錢塘縣治西五里

武林水東入海則是截錢塘江而東趨竄藉以達于海不然不得云東入也計其里數不及二百何云八百三十里耶 水經注釋按說文有漸江又有浙江云江水東至山陰為浙江則黟縣之漸江至錢塘乃有浙名班志有漸江無浙江漸江下但云東入海不計道里之數至錢塘武林水亦云東入海行八百三十里補此一句以見漸江之即浙江也武林水既入于江則是合江流而東入于海推本源流所行恰有此數亦非孟堅誤記也武林水即錢水今杭人所謂西湖者是

莽曰泉亭 鄧

孟康曰音質 後書順帝紀注音茂 晉書音義莫侯反 後書順帝紀注鄧今越州縣也

元和志今明州鄞縣隋平陳省入句章 十道四番志鄞山在鄞縣東以海商持海物貿易於此故以名鄞遂以名縣而加邑焉 寰宇記漢

鄞縣居鄞山之陰 名勝志按陸雲集云秦始皇南巡會稽留鄞縣三十餘日是鄞縣已置自秦矣 方輿紀要鄞山在今寧波府東三十六

里或云即府東四十里之阿育王山 大清一統志鄞縣故城在今寧波府鄞縣東府志云在縣東三十里一名官奴城相傳漢光武嘗賞田

奴為鄞令故名鄞山在縣東三十里 莽曰海治

富春 水經注浙江又東北入富陽縣故富春也又東

富春

北逕富陽縣南 後書嚴光傳注富陽本漢富春縣避晉簡文帝鄭太后諱改曰富陽 元和志今杭州富陽縣本漢富春縣又新城縣亦富春地又睦州建德桐廬分水壽昌四縣並富春地 名勝志富春山在嚴州府桐廬縣西一名嚴陵山富春江自桐廬經縣界入錢塘蓋浙江之源也 大清一統志富陽故城在今杭州府富陽縣治西北隅

莽曰誅歲 治

本書孝惠紀三年立閩越王搖為東海王應劭曰東海在吳郡東南濱海師古曰即今泉州是其地 又嚴助傳閩王以八月舉兵于治蘇林

曰治南山名今名東治 又閩粵傳漢五年復立無諸為閩粵王王閩中故地都治師古曰治地名即候官縣是也 會稽典錄元鼎五年除

東越因其地為治縣并屬會稽郡 荀悅漢紀武帝平閩越以其地險阻數反覆終為後世

患因遷其民于江淮間而虛其地後復為治縣屬會稽郡 續郡國志奉安故治閩越地光武

更名 太康三年地記漢武帝名為東治後改為東侯官 宋書州郡志建安太守本閩越秦

立為閩中郡漢武帝世閩越反滅之徙其民于江淮間虛其地後有遁逃山谷者頗出立為治

縣屬會稽司馬彪云章安是故治然則臨海亦治地也吳錄云閩越王治鑄地故曰安閩王治

此不應偏以受名蓋句踐治鑄之所故謂之治平閩中有山名滿疑滿山之鑄鑄劍為湛鑄也

後分治地爲會稽東南二郡都尉東部臨海是也南部建安是也 通典今温州永嘉縣漢治縣地後漢改爲章安後又以章安東甌鄉爲永寧縣初漢惠帝立越東海王搖于東甌即此又建州建安縣福州閩縣並漢治縣地 元和志按治即今台州章安故縣是也後漢改爲東侯官吳於此立曲船都尉主謫徙之人作船於此 輿地廣記漢誅閩越徙其民以空其地有遁逃山谷者後頗出焉乃立爲治縣以越王句踐治鑄之所也 大清一統志治縣故城在今福州府閩縣東北治山之麓 皇朝文獻通考按今福建全省皆漢時會稽郡治縣地惟漳州府之浦漳詔安二縣兼有南海郡揭陽縣地大約當日海濱斥鹵生齒未繁統屬之治縣而已

回浦

後書徐登傳注章安本名回浦光武改爲章安故城在今台州臨海縣東南 元和志今温州永嘉安國橫陽樂城四縣台州臨海唐興黃巖樂安四縣處州松陽縣並漢回浦縣之地 輿地紀勝章安城在今臨海縣東一百一十五里本漢回浦縣 大清一統志漢回浦縣後漢曰章安故城在今台州府臨海縣東南一百一十五里 義門讀書記郡國志云章安故治閩越地光武更名劉昭注引晉太康記曰本鄞縣南之回浦鄉章帝章和元年立未詳按前書有回浦縣南部都尉治注家不就前書核其沿革而泛引地記以爲鄉名何也 又云通鑑注引隸釋云當云章安故回浦章帝更名東侯官治故閩

越地光武更名于文乃足此郡之末有東部侯國四字卻是衍文侯與侯相近而南部所治故文有錯亂 南部都尉治 輿地紀勝台州臨海郡通典以爲秦屬會稽而元和志以爲屬閩中按元和志于台州下書云秦并天下置閩中郡漢立南部都尉是元和志以爲在秦州屬閩中郡在漢則屬會稽郡意者秦并天下盡取甌閩之地置閩中郡漢封東越王以王其地及武帝平東越盡徙其民江淮間而閩中郡不復再置第置治縣以撫其遺民治縣既隸于會稽而回浦亦爲會稽之屬邑則是東越之亡而閩中郡地已并入會稽郡與元和志之說相應漢既不置閩中郡而以秦閩中故地置爲治縣及回浦縣并屬會稽郡故秦三十六郡之中既有會稽又有閩中漢志但有會稽而無閩中此元和志所書所以有秦漢之異也 又云元和志云南部都尉本漢之回浦鄉分立爲縣詳其文即是立南部都尉之時并分回浦鄉爲回浦縣也 新校地理志太平御覽引此作東部輿地記云永嘉郡本會稽東部地則作東爲是

漢書地理志補注卷三十九 丹揚郡

徐廣史記音義江南者丹揚也秦郡 括地志丹揚郡故在潤州江寧縣東南五里秦兼并天下以爲鄣郡也 晉書地理志丹揚山多赤柳在丹揚縣西也 輿地紀勝姑孰志云丹陽自晉宋以後史書雜用陽揚二字按江南地志漢丹陽郡北有赭山丹赤故名丹陽晉地理志注云丹陽山多赤柳故爲丹揚二說皆通又寰宇記池州石埭下引顧野王輿地志云陵陽縣晉太康時以杜皇后諱陽遂改爲南陵縣則陽字恐避杜皇后諱改易偏旁亦未可知今姑兩存之又蕪陽縣亦以太康元年改爲蕪春休陽縣晉武平吳改爲休寧則丹陽之改爲丹揚信矣 方輿記要太平府蕪湖縣東北五里有赭山其山丹赤漢丹揚郡蓋以是山而名 又云丹揚郡秦鄣郡也今應天太平寧國徽州池州諸府及廣德州又浙江之湖州嚴州府境皆是其境 漢書商權丹揚郡揚字从手其屬縣丹陽則从自而南監本俱作陽晉志或作揚或作陽紛紛不一而屬縣則作揚且注云丹揚山多赤柳在西也然則縣名从木甚明而郡亦當以此得名凡从手自疑皆傳寫誤也 按漢丹揚郡今安徽寧國府之宣城涇南陵旌德太平五縣太平府之當塗蕪湖繁昌三縣池州府之貴池石埭二縣徽州府之歙黟二縣廣德州州治又江蘇江寧府之上元江寧二縣鎮江府之溧陽縣又浙江杭州府之於潛縣皆其地

故鄆郡屬江都武帝元封二年更名丹陽

三劉刊誤敵曰秦分三十六郡無鄆郡鄆郡之置又不知何帝按吳王濞傳王三郡謂會稽豫章故鄆也廣陵國注云易王非厲王胥并得鄆郡而不得吳然則吳與鄆皆非郡明矣實說武帝以故鄆地為丹陽郡後人追書吳地故云三郡此注但當云故鄆屬江都武帝置丹陽郡不知傳寫誤故若此或班氏亦自誤也又故鄆地名自有故耳又以其似言故物遂益郡字皆非也地理志稽疑丹陽故屬秦會稽郡楚漢之間分置鄆郡屬楚國高帝五年屬漢仍屬楚國六年屬荆國十二年屬吳國景帝四年屬江都國武帝元狩二年為郡六年屬廣陵國元封二年更名郡仍屬廣陵國宣帝五鳳四年復故成帝鴻嘉二年分丹陽之黟縣為廣德國其郡如故四年復屬于郡平帝元始二年復為國其郡如故又云鄆郡楚漢之間分會稽置漢因之見高紀以封荆王後改丹陽諸志誤以為秦置者也又云丹陽在秦亦屬會稽楚漢之際分為鄆郡前志續志皆誤以鄆為秦三十六郡之一而不復知會稽之舊統丹陽漢書考異劉原父謂秦三十六郡無鄆郡疑鄆非郡名武帝以故鄆地為丹揚郡志但云故鄆屬江都以此是譏班氏之誤此真警說也志云故梁故淮南故齊故楚皆謂諸侯王國鄆非國名何以得稱故鄆乎秦無鄆郡而楚漢之際則有高帝紀以故東陽郡鄆郡吳郡五十三縣立荆王是高帝之世有鄆郡矣若縣名有故鄆此猶河南

之故市涿郡之故安當時或別有取義豈可援以為鄆非郡之證借如劉說但當云故屬江都何必又云故鄆而下文更名丹揚之語更不可通矣秦漢郡國考按志于廣陵云江都易王非廣陵厲王胥皆都此并得鄆郡而不得吳此不言屬廣陵者厲王胥以元狩六年王廣陵至元封二年鄆郡已更名丹陽則其地已入于漢計屬廣陵僅八年耳故志但云屬江都新校地理志當云景帝三年屬江都武帝元狩二年更名丹陽舊本無景帝三年四字元狩作元封考江都王建以元狩二年自殺國除非元封也當依州郡志改正

屬揚州有銅官

本書吳王濞傳吳有鄆郡銅山濞招致亡命者鑄錢又食貨志吳東有海鹽章山之銅鹽鐵論丹鄆有金銅之山括地志銅山今宣州及潤州句容縣皆有之並屬鄆也元和志赤金山在當塗縣北十里出好銅與金類唐書地理志宣州貢銀銅器有鉛坑池州貢鐵有鉛坑寰宇記銅陵縣自漢以來皆烹銅鐵輿地紀勝銅山在繁昌縣東南五十里出好銅古所謂丹陽銅是也明統志銅鐵鉛錫皆銅陵縣出方輿紀要銅山在湖州府西南九十五里銅峴山古稱吳采鄆山之銅是也又銅官山在武康縣西北十五里世傳吳王采銅于此山下有二坑曰銅井大清一統志冶山在六合縣東北五十里產銅鐵相傳吳王濞鑄錢于此坑冶之跡尚存

縣十七

宛陵於誓江乘春穀秣陵故鄆句容涇丹陽石城胡孰陵陽蕪湖黟溧陽歙宣城宛陵

元和志漢丹陽郡理宛陵縣又云今宣州宣城寧國二縣並漢宛陵縣地方輿勝覽宛溪在宣城縣東百步源出嶧陽山西北流三十里至城南匯為響潭過城東與句溪合大清一統志宛陵故城即今寧國府宣城縣治宛溪在宣城縣東門外源出縣東南嶧山東北流三十里為九曲河折而西濼迴繞城東為宛溪又西北接當塗縣界又西合青弋江出蕪湖入大江彭澤聚在西南

大清一統志彭澤聚在今宣城縣西南清水西北至蕪湖

屬本郡

入江 元和志青弋水在宣州西五十九里寰宇通志清弋江在寧國府宣城縣西五十里源出涇縣及池州石埭合眾流出宛陵入於江大清一統志青弋江即清水也源出池州府石埭縣之舒溪及太平縣黃山合流入涇縣西南又北入宣城縣界涇縣西六十里與南陵縣分界下流入蕪湖縣界入江其流入南陵縣者在縣東北四十里與宣城縣分界亦至蕪湖縣界入江水道提綱魯陽江即青弋江有三源東南源曰梅溪河出旌德縣南南源曰小溪河出太平縣南西南源曰陽溪河出石埭縣西北三源皆

在黃山之北合而西流經蕪湖縣城南折而西北流經魯港鎮之東北入江 漢書考異說文冷水出丹陽宛陵西北入江从水令聲此清水疑是冷水之譌或以清冷音義相近別有清水之名乎 水經注釋應劭以冷道縣之冷水爲出丹陽宛陵縣西北入江而臣瓚非之師古曰瓚說是冷水見說文即漢志宛陵縣下之清水今謂之清弋江豈可以冷谿目之乎 段氏說文注說文冷水即班氏之清水應劭于零陵冷道下注引說文此條則應氏未知清冷異名同實也冷水即今宣城縣西六十里之清弋江也 莽曰無宛

於晉

續志作於潛 吳越春秋秦徒大越馬語之人置之晉 吳錄於晉縣西有晉山蓋因山以立名也 十三州志晉讀爲潛俗出好布 吳興記潛山一名百丈山相傳堯時洪水此山潛水中不沒者百丈因名 水經注紫谿水出於晉縣西百丈山即潛山也 師古曰晉音潛 元和志今杭州於潛縣本漢舊縣舊字晉無水後漢始加水焉又唐山縣亦於晉地 方輿紀要百丈山在今杭州府昌化縣西三十里高一千五百丈延袤二十里一名潛山 大清一統志於晉故城在今杭州府於潛縣治北

江乘

史記始皇紀三十七年自會稽還過吳從江乘渡 山謙之南徐州記京江禹貢北江春秋分朔輒有大濤至江乘北激赤岸尤更迅猛 括

地志江乘故城在今潤州句容縣北六十里地名琅邪鄉 胡三省通鑑注江乘縣秦屬鄣郡 方輿紀要江乘城在今江寧府東北七十里 本秦縣屬鄣郡 大清一統志江乘故城在今江寧府句容縣北秦置

莽曰相武 春穀

元和志今宣州南陵縣本漢春穀縣地故城在今縣西一百五十里 名勝志南陵縣西百里有鵲頭鎮鎮中有鵲尾洲又五十里有漢春穀故城 方輿紀要春穀城在今蕪湖縣西南 大清一統志春穀廢縣在今太平府繁昌縣西北

秣陵

王子侯表秣陵終侯繹武帝元朔元年以江都易王子封 吳錄張紘言于孫權曰秣陵楚武王所置名爲金陵秦始皇時望氣者云金陵有王者氣故掘斷連岡改名秣陵 續志劉昭注補其地本名金陵秦始皇改 宋書州郡志秣陵縣本治去京邑六十里今故治村是也 通典今潤州江寧縣本名金陵秦始皇改爲秣陵 漢丹陽縣在此 元和志今潤州上元縣本金陵地秦始皇時望氣者云五百年後金陵有都邑之氣故始皇東游以厭之改其地曰秣陵 北山以絕其勢其故縣在今縣東南四里 建康實錄秣陵城在故臺城南八里 寰宇記故秣陵縣城在今昇州江寧縣南五十五里秣陵橋東北 九域志江寧縣有秣陵鎮又有金陵

鎮 寰宇通志秣陵城有二一爲秦縣在今應天府城東南五十里秣陵鎮一爲晉縣太康中分淮水南爲秣陵則在城南小長干巷內 方輿紀要秣陵城在今江寧府東南五十里秦縣屬鄣郡 大清一統志秣陵故城在今江寧縣東南秦置

莽曰宣亭 故鄣

越絕書文帝前九年會稽并故鄣郡太守治故鄣郡尉治山陰前十六年太守治吳郡都尉治錢塘考武元狩二年故鄣爲丹陽郡 韋昭國語注鄣郡今故鄣也 劉昭續志注補故鄣秦鄣郡所治 師古曰鄣音章 括地志秦兼天下置鄣郡今湖州長城縣西南八十里故鄣城是也 通典湖州長城縣西八十里有鄣郡故城即秦鄣郡縣城也今號爲府頭是 元和志今湖州安吉縣宣州廣德縣並漢故鄣縣地 寰宇記鄣郡故城即秦時鄣郡城今俗號府頭是也在今湖州長興縣西南八十里 又云今廣德軍廣德縣本秦鄣郡之地漢以爲故鄣縣 胡氏通鑑注故鄣縣漢屬丹揚郡其地本秦鄣郡所治故曰故鄣 寰宇通志故鄣城在湖州長興縣西南一百二十里秦滅楚置鄣郡於此 潛邱劄記秦鄣郡治鄣縣漢以郡去而名其縣曰故鄣丹揚郡所領 大清一統志故鄣舊城在今廣德州治東北

莽曰候望 句容

王子侯表句容哀侯黨武帝元光六年以長沙定王子封 真誥句曲地肺土良水清謂之華陽洞天 南徐州記茅山形如已字亦名已山所謂金陵地肺也 師古曰句讀為章句之句後漢書涇縣近句曲山山有所容故名 通典今潤州句容縣漢舊縣有茅山一名句曲山言山形如句字之曲縣名取其義 九域志句容故城在今江寧府東九十里 名勝志茅山在今句容縣東南四十五里三峯相接周回三十里本名句曲其形如句字三曲也道書稱為第一福金壇華陽第八洞天 大清一統志句容故城即今江寧府句容縣治

涇

韋昭曰涇水出蕪湖 後書明帝紀注涇縣今宣州縣故城在縣東南有涇水出蕪湖因水立名 元和志今宣州涇縣本漢舊縣因涇水以為名 大清一統志涇縣故城在今寧國府涇縣西又旌德太平二縣亦漢涇縣地涇水在縣南源出徽州府績溪縣徽嶺山名曰徽水北流入旌德縣界又經縣南折至縣東北又北流入涇縣界名曰涇水亦謂之藤溪

丹陽

史記始皇紀三十七年東巡過丹陽至錢唐 晉書地理志丹陽縣丹陽山多赤柳在西也 括地志丹陽城在江寧縣東南十五里 通典丹陽城在太平府東北八十里與應天府接界今為丹陽鎮 宋祁曰丹陽當作丹楊 九域志太平州當塗縣有丹陽鎮 景定建康志

丹陽縣亦曰小丹陽在江寧縣橫山鄉陶吳鎮西南十里與當塗縣接界 熊克鎮江志漢丹陽郡治宛陵晉丹陽郡治秣陵而漢晉丹陽縣在建康之西所謂丹陽山多赤柳是也此鎮江之丹陽縣非漢晉之丹陽縣也故通典云漢丹陽郡所領之丹陽縣非今之丹陽也 方輿紀要丹陽城在江寧府西南五十里又西南至太平府八十五里本秦縣漢仍之 義門讀書記據晉志則陽當从木傍 大清一統志丹陽故城在今太平府當塗縣東 按王子侯表丹陽哀侯敢武帝元朔元年以江都易王子封注曰蕪湖則是時丹陽尚未置縣也凡本表如此者甚多

楚之先熊繹所封十八世文王徙郢

水經注江水又東逕秣歸縣城北城北對丹陽城楚子熊繹始封丹陽之所都也地理志以為吳之丹陽尋吳楚悠隔縵縵荆山無容遠在吳境是為非也 野客叢書熊繹所封在南郡秣歸之丹陽漢志乃以宛陵之丹陽為楚所封誤矣 輿地紀勝荆之丹陽乃在今歸州非江南也漢志所書非是 日知錄按史記楚世家成王封熊繹于楚居丹陽徐廣曰在南郡枝江縣漢志以為即丹陽郡之丹陽縣大謬 通雅楚熊繹始封丹陽則在今歸州秣歸非後楚文王徙都江陵府枝江縣亦曰丹陽漢于宛陵置丹陽郡隋于昇州置丹陽郡唐於京口置丹陽郡其地不一而西漢志乃以曲阿之丹陽為楚所封誤矣 義門讀書記按左傳子革曰熊繹僻

在荆山則云在枝江者近之非此丹陽也班氏蓋誤 漢書舉正史記封熊繹于楚居丹陽正義引括地志丹陽在歸州非吳之丹陽也漢志誤 春秋大事表史記周成王封熊繹于楚居丹陽章懷太子曰丹陽在秣歸東南又枝江亦名丹陽者不知楚何時所遷通典曰楚初都丹陽為今秣歸後徙枝江亦曰丹陽蓋諸侯遷都嘗仍舊名故有兩丹陽後世猶因之班氏地理志謂楚封在丹陽郡丹陽縣者大謬 漢書顏注拾遺史記楚世家云當周成王之時舉文武勤勞之後嗣而封熊繹於楚蠻封以子男之田姓芊氏居丹陽徐廣謂丹陽在南郡枝江縣是也漢志之失道元駁之可謂班固諍友以師古之博辨楚世家之文寧不知之乃噤不吐一詞後人所以有佞臣之誚也 大清一統志此吳地之丹陽也漢置丹陽郡於宛陵而此為丹陽縣因有小丹陽之名吳移丹陽郡治建鄴相沿至陳無遷改也若楚始封之丹陽一在枝江一在秣歸與此相距皆數千里班志於此丹陽注為熊繹所都而陳宣帝詔亦曰迹熊繹之遺封誤矣

石城

寰宇記池州貴池縣本漢石城縣地 大清一統志石城故城在今池州府貴池縣西 志云在縣西七十里地名鐵店亦曰茶埠潭以東西兩石山夾河如城而名 分水首受江東至餘姚屬會稽郡

入海

水經注江水自石城分爲南江東與貴池長水合又東逕宣城臨城縣南又東逕安吳縣又東逕寧國縣南又東逕故鄣縣南安吉縣北又東北爲長瀆歷湖口又東至會稽餘姚縣東入于海 尚書後案班氏謂分江水出石城俱漢石城廢縣今在貴池縣西七十里已無復斯水信如首受江之說餘姚乃在浙江東岸又中隔寧國廣德湖州諸境皆重巒疊嶂此水安得越而東過至餘姚以入海此當闕疑 大清一統志古分江水在貴池縣西今澗考隋唐後諸志無及分江水者近人因此詆孟堅道元之妄然言之鑿鑿必非無據今其道雖湮未可輕訾也

過郡二

過丹陽會稽二郡

行千二百里

胡孰

王子侯表胡孰頃侯胥行武帝元朔元年以江都易王子封

元和志胡孰故縣在今潤州舊江寧縣東南七十里上元縣東南亦七十里胡孰水在縣南二里城因此名 九域志上元縣有胡孰鎮 建康志胡孰故城今在上元縣丹陽鄉去縣五十里淮水北古城猶存 方輿紀要胡孰城在今上元縣東四十五里淮水之北 大清一統志胡孰故城在今江寧府上元縣東南續志作湖熟 宋祁曰胡當作姑

陵陽

王子侯表陵陽侯嘉平帝元始元年以東平思王孫封 輿地志陵陽縣以陵陽山得名晉太康二年以杜皇后諱陽改爲南陵 水經注旋谿水出陵陽山下逕陵陽縣西昔銓縣人陵陽子明釣得白龍處後三年龍迎子明上陵陽山故縣取名焉 渚官舊事奉操云楚成王剖卞和之璞封和爲陵陽侯卽此 元和志陵陽山在今宣州涇縣西南一百三十里高千餘丈陵陽子明得仙處 寰宇記陵陽縣城在今石埭縣東北三里陵陽山去縣北三里高三百五十丈廣二十五里 寰宇通志陵陽山在池州府石埭縣治北山自西北逕運而來三峯連互東接宣州其西二峯乃仙人竇子明所居之地

方輿紀要陵陽廢縣在今池州府青陽縣南六十里今爲陵陽鎮 大清一統志陵陽故城在今池州府石埭縣東北陵陽山在縣北五里 桑欽言淮水出東南北入大江 水經注東溪水出南里山北逕陵陽縣東卽欽所謂淮水也 大清一統志淮水在今寧國府南陵縣南縣志云亦名小淮河入繁昌縣 地理志稽疑按水經注沔水篇亦引桑欽此語今宣城人呼爲小淮水乃東壩之上游也 新校地理志淮水卽今大通河也原曰五谿河出青陽縣南山北流經縣城西南西北至大通鎮南入江志于廬江郡云淮水出又云廬江水出陵陽東南北入江互證者以桑氏以廬江水爲淮水也

蕪湖

後書安帝紀注蕪湖縣故城在今宣州當塗縣東南 元和志蕪湖水側漢末嘗置蕪湖縣

宣城圖經蕪湖山在縣西南山因湖以名之漢時于湖側置蕪湖縣以其地卑畜水濘深而生蕪藻故因以名縣 寰宇記蕪湖長七里 陸遊入蜀記蕪湖卽于湖 方輿勝覽蕪湖在當塗縣西南八十里源出丹陽湖 大清一統志蕪湖故城在今太平府蕪湖縣東府志云在縣東三十里或謂之于湖城周十九里遺址略存 中江出西南東至陽羨 屬會稽郡

入海揚州川

禹貢東迤北會于匯東爲中江入于海 元和志蕪湖水在當塗縣西南八十里源出丹陽湖北流入于大江 輿地紀勝水經云中江在丹陽蕪湖縣東南至會稽陽羨入海今縣河東達黃池入三湖至銀林止所謂中江東至陽羨卽此是也蘇常承此江下流常病漂沒後築銀林五堰以窒之自是中江不復東而宣歙諸水皆由蕪湖西達大江矣 大清一統志蕪湖在蕪湖縣東南十五里漢志中江一名天成湖廣一百八十頃由荆沼港入長河 又云古中江在今蕪湖縣南東通高淳縣界亦名蕪湖水今謂之長河卽丹陽湖南股也舊自縣東經高淳溧水至宜興入海自五壩築而其水乃不復東 宣歙諸水皆由此經縣西以達江故漢志云由西而東元和志則云由東而西也 段氏說文注此禹貢職方三江之一也今蕪湖河東接太

平府南之黃池河又東接溧水縣之固城丹陽石臼諸湖未築東壩以前諸湖匯長蕩湖而入太湖而入于海此正古中江之道今則壩西諸水俱西流入江與古絕異矣 按此即禹貢三

黟

玉篇都杏切丹陽有黟縣 廣韻黟縣名屬歙州黟同 師古曰音伊字本作黟 水經注縣居黟山之陽故氏之 通典今歙州黟縣漢舊縣黟音伊今屬徽州府 元和志今歙州黟縣本漢舊縣理在歙州因以為名說文黟字从黑傍多後傳誤遂寫黟字又祁門縣本漢黟縣之南境 舊唐書地理志黟音同黟縣南石墨嶺出石墨故也 歙縣圖經新安貢柿心黑木故以名縣 寰宇記黟韋昭音伊或从幼二字相似蓋傳寫之誤舊城在今縣東五里 九域志黟縣在歙州西一百五十三里 南畿志黟縣本秦舊縣屬鄣郡以縣有黟山故名 大清一統志黟縣故城在今徽州府黟縣東縣南有墨嶺出石墨縣以此得名 漢書發伏說文黟字从黑从多後誤作黟字師古正其字誤可耳若从幼不得有伊音

漸江水出南蠻夷中東入海 又云江說文漸水出丹揚黟南蠻中東入海

水東至會稽山陰為浙江 吳越春秋勾踐入吳羣臣送至浙江之上望見大越山川重秀天地再清 海內東經浙江出三天子都在蠻東入海郭注今錢塘浙江是也蠻即歙也浙音折 虞喜志林今錢塘江口浙江正居江中潮水投山下折而曲故名浙江 水經漸江水出三天子都北過餘杭東入於海注云漸江山海經謂之浙江地理志云水出黟縣南蠻夷中北逕其縣南又北歷黟山 唐六典浙江水有三源一出歙州一出衢州一出婺州歷陸杭越三州界入海 史記索隱韋注云浙江在今錢塘音折獄之折晉灼音逝非也蓋其流曲折莊子所謂澗河即其水也澗浙聲相近 元和志浙江源自歙州界東北流經界石山又東北經州城北又東北流入于海 盧肇曰浙者折也取潮水出海屈折倒流也 宋祁曰武陵有漸水東入沈疑此無漸水漸字當作浙 羅願新安志率山在休寧縣東南四十里高五十七切周二十一里率水出焉寰宇記引山海經浙江出三天子都在率東蓋此山也漢志云漸江出一縣南率山東入海唐盧潘引此以解山海經率山今漢志率山乃作蠻中不可曉 通鑑地理通釋浙江在臨安府錢塘縣南十二里越州蕭山縣西二十五里莊子云澗河蓋取其曲折為名也 歙縣圖經北黟山在縣西北一百六十八里高一千一百七十丈豐樂水出焉舊名黃山天寶六年敕改按江南諸山之大者有天台天目而天目近連浙江天台俯瞰滄海江海者實

以地下為百川所歸然歙州則江之上游而海之濫觴也今計歙州之平地已合與兩山齊矣況其山又有摩天戛石之高此則浙江東西宣歙池饒江州等山並是此山之支脈明矣 方輿勝覽浙江之口山居江中潮水投山十折而曲故名浙江海潮之盛莫過于浙江以其去海至近而江流不足以敵之耳 寰宇通志大障山在徽州府績溪縣東六十里舊名天子障山秦立鄣郡取此又名土山浙水出焉 今水經浙江其源有二一出徽州婺源縣北七十里浙源山名浙溪又名漸溪東流經休寧縣南率水入之至徽州名徽溪揚之水入焉為灘三百六十至淳安縣南為新安江又東軒軒溪從北來注之又東壽昌溪從南來注之經建德縣界至嚴州府城南合衢水一出衢州金溪北注文溪南來會于衢州府城西二里名信安溪環城西北東流入龍游縣界號盈川溪又東經蘭溪縣東陽水入之又東至嚴州府城南與歙江合又東至富春山為富春江又東至桐廬桐江北來注之又東浦陽江南來注之又東至杭州府城東三里為錢塘江又東錢清曹娥二江入之又東而入于海 又云錢清江在紹興府城西五十五里曹娥江在紹興府城東南七十里二江並入于浙江三水所會在紹興府城北三十里謂之三江海口 通雅水經有漸江山海經有澗江莊子曰制河秦始皇至錢塘臨澗江吳越春秋曰越王至浙江之上望見大越山川重秀天地再清漸與浙澗異文耳避暑錄話曰桑欽

水經兩浙獨略欽北人未嘗至東南但取山海經爲證耳山海經三天子都在彭澤安得至此今錢塘江乃江北之流雖自彭澤來蓋衆江所會不應獨取此一水爲名漸卽濶乎按水經曰浙江出三天子都注云山海經謂之浙江地理志水出丹陽黟縣注云浙江水出南蠻夷中而郭璞注山海經曰浙江出新安黟縣南蠻東入海今錢塘浙江是也黟卽歙也今始分爲二縣三天子都今率山卽張公山也右水下饒州彭蠡左水注浙浙江南有博江江有靈鼓成帝鴻嘉中封廣德國浙江經遂安縣有四十七瀨而合桐溪又合於潛縣北之天目山水過杭入海葉少蘊不知三天子都爲徽州率山故誤謂自彭澤來耳方輿紀要大鄣山在績溪縣東六十里高五百三十仞周一百五十里祥符圖經云卽三天子鄣山山海經鄣爲都水經因之秦置鄣郡以此山而名也郭璞云三天子鄣山在新安歙縣東今謂之玉山浙水出其旁大清一統志浙水卽浙江水源出婺源縣北浙源山東流經梅溪口又東經祁門縣東南之李源仍入婺源縣東北境三十里至浮溪口受祁門之浮溪水又三十里受祁門之上璜水又東經休寧縣西七十里之江潭務又東南合五城水汶水至縣東南三十五里與吉陽水會曰率口是爲屯溪又東四十里經歙縣東南十五里之歙浦口與練溪水合謂之新安江又東南四十里爲深渡又五十里爲街口渡東南流入浙江淳安縣界水經浙江水出三天子都注山海

經謂之浙江也地理志云水出丹陽黟縣南蠻中北經其縣又北歷黟山又北逕歙縣東與一小溪合又東北經建德縣南寰宇記漸溪水出浙嶺下至休寧縣西一百十里又從揚之水下抵深渡名曰八十里苦溪其中亂石磯磯洪灘斗折雖三峽惡溪不足方其險岡經自浙江桐廬以上抵歙浦皆曰新安江中有灘三百六十婺源縣志浙有三源一出望仙巖流至梅溪口一出馮村過石門至梅溪口合流東二十里至流口一出高湖尖流出大連小連經汪村過桑園潭出彭沔坑口又二十里至流口合流入休寧縣界一名漸溪此浙水正源也自郭璞以障山在歙東元和志謂浙江出休寧橫鄣山方輿勝覽謂浙有四源其說紛紛要當以山經地志爲正縣志所云浙水三源卽通志之率水二源舊志以率山爲卽古三天子鄣其說良是又云率山在今徽州府婺源縣西北一百二十里一名大鄣山又名張公山脈由五嶺而北重岡複嶺周百餘里高千四百餘仞東北界休寧西北界祁門西界江西之浮梁舊志云按山海經三天子障在閩西海北海又廬浙二水皆出三天子都亦曰天子鄣漢志浙江水出黟縣南蠻中唐時盧潘解山海經引漢志以南蠻中爲縣南率山始有率山之名文獻通考浙水發源張公始有張公之名今按東至回覺二嶺南至望仙巖岡嶺相接實爲一山蓋皆古三天子都之地按三天子都諸說不一以水源核之則惟率山水分陰陽其陰水東流爲浙東南至海寧入

海其陽水南流爲廬西南至彭蠡入湖與山海經及水經合郭璞謂卽歙東之三王山酈道元謂卽尋陽之廬山顧野王謂卽永康之縉雲山明吳時憲又謂黃山爲天子都匡廬率山大障山爲其東南西三障皆非也又云大鄣山在績溪縣東六十里周一百五十里山海經三天子鄣山郭璞注在今新安歙縣東謂之三王山浙江出其邊寰宇記一名玉山在縣東南八十里吳越于此分界舊志謂唐盧潘以丹陽舊名鄣郡由此山實與故鄣不遠也按三天子都廬浙二源考之爲婺源之山無疑其以爲績溪之山者則後人誤據郭璞山海經注之訛文也璞既云今在新安歙縣東謂之三王山浙江出其邊又云浙江出新安黟縣南蠻中東入海一謂在歙一謂在黟又似黟卽爲歙璞必不若是背謬且璞自云三王山浙江出其邊又云浙江出黟縣是歙縣東三字爲黟縣南訛文而三王山亦在黟不在歙可知也今之浙江雖繞績溪之東而上源歙休婺二三百里之水出自婺源並非發源于績溪績溪之山並無廬水西入彭蠡可以與山海經廬江出三天子都之文相亂耶皇朝通志浙水有南北二源北源徽州亦曰新安江出徽州府歙縣西北與黟縣界之黃山至府城西南有東界河自績溪縣來會又南有南港河自黟縣經休寧縣合婺源縣之率山水來會入浙江巖州府界南流經淳安縣南又南有龍溪自遂安縣來會經建德縣西有艾溪自壽昌縣來會經嚴州府治建德縣南源來會

南源又有二一曰衢港一曰婺港衢港亦曰信安江源出開化縣北二支合流經縣東南流經常山縣西北至衢州府城西有文溪自江山縣南仙霞嶺來會經龍游縣北有笋簞溪自壽昌縣桃溪自遂昌縣來會又東北有湯溪縣水來會又東北至蘭溪縣南婺港來會婺港水亦曰東陽江出東陽縣東之大盆山西流有小溪來會經縣城北又西經義烏縣城南有荆浦溪來會又西有慈航溪來會至金華府城南有梅溪亦曰縉雲水自縉雲縣東北合好溪水經永康武義縣合諸水來會西流分二派南支先入衢港北支至蘭溪縣南與衢港會北流至嚴州府城東南與新安江合二江既合北流過七里瀨經桐廬縣東南有桐溪水自於潛昌化經縣界來會至富陽縣界有新城縣溪水來會又東北有湖溪自浦江縣經富陽縣界來會至縣城南有篠嶺水來會折北流東岸經蕭山縣境有浦陽江即浣江自浦江義烏諸暨山陰縣境合諸水來會入錢塘縣南境折東北流至杭州府城東南南岸即蕭山縣境又東北經蕭山縣北境又東北至龜山與北岸海寧州境之赭山相對如門入於海 水道提綱浙江之源有三一曰新安江或謂之徽港班志謂之漸江水源出徽州府西北一百二十里之黟山即今黃山也經府南東流至竹節磯而入嚴州府淳安縣界經縣南東流六十里合遂安縣境之水又東九十里而經府城南合東陽江此浙江西出之源也一曰東陽江或謂之婺港水經謂之吳寧溪

源出金華府東陽縣東南一百三十里之大盆山經縣南境而為畫溪西入義烏縣界而為烏傷溪至府城東合于南溪又西南至蘭溪縣西南六里合信安江此浙江東南別出之源也一曰信安江或謂之衢港亦謂之穀水源出衢州府開化縣東北六十里之百際嶺經縣城東謂之金溪又東南入常山縣境而為金川至縣城東合江山縣文溪水又東南經府城北而江山縣南仙霞嶺北諸溪谷之水皆流合焉又至府城東十五里合定陽溪又東北經龍游縣北四里而為盈川溪亦曰穀溪又東北經湯溪縣北境又東北經金華府蘭谿縣城西而與東陽江合流此浙江西南別出之源也二江既合東北流百餘里至嚴州府城東南二里而與新安江合三源同流東過桐廬縣或謂之桐江又東北入杭州府富陽縣界而為富春江經縣城南又東經府城南而謂之錢塘江東北流入海寧縣界南岸則為紹興府蕭山縣界夾岸有山南曰龜北曰赭二山相對謂之海門又東則錢清曹娥之水並匯於紹興府北而為三江海口此浙江源流之大略也 段氏說文注地志說文水經皆曰漸江水酈氏注則曰浙江蓋水經以後無稱漸江者其前則山海經吳越春秋史記皆曰浙江山海經有出於漢人者漢人之書地志說文為謹嚴據說文浙字下云江至會稽山陰為浙江謂岷江也曰漸江水出丹陽黟南蠻中東入海謂今錢塘江也分別畫然蓋浙江者岷江之委漸江者錢塘江源流之總稱二水古于

山陰相合故可統命名之曰浙江後世水道絕不相通而錢塘江猶冒浙江之名失其本號耳 義門讀書記按羅願新安志蠻夷中蠻中乃率山之誤仍衍夷字 地理志稽疑盧潘引志文作浙江出黟縣南率山東入海見困學紀聞 漢書考異宋祁曰漸字當作浙字按水經本作浙江水子京亦失考 萬希槐校困學紀聞水經漸江水出三天子都注云山海經謂之浙江也地理志云水出丹陽黟縣南蠻中今考御覽六十五引地理志作南率中率俗作蠻蓋因字形相近而誤

成帝鴻嘉二年為廣德王國 諸侯王表鴻嘉二年封中山憲王孫雲客為廣德王三年無子國除平帝元始二年復以故廣德國立倫為王四年薨居攝元年赤嗣王莽篡位貶為公明年廢 水經注鴻嘉二年以為廣德國封中山憲王孫雲客王於此

莽曰愬虜 溧陽

史記伍子胥傳未至吳而疾止中道乞食張勃曰子胥乞食處在丹揚溧陽縣 又范曄傳伍子胥至於陵水索隱曰劉氏云陵水即溧水陵溧聲相近 本書王子侯表建昭元年封梁敬王子欽為溧陽侯 說文溧水出丹陽溧陽从水栗聲 應劭曰溧水所出南湖也 師古曰溧音栗 元和志今宣州溧陽縣本漢舊縣以在溧水之陽為名又溧水縣亦溧陽地 祥符圖經溧水承丹陽湖東入長蕩州丹陽湖即應

劭所云南湖也 建康志溧水一名瀨水東流為永陽江江上有渚曰瀨渚即子胥乞食投金處故又名投金瀨東流為瀨溪入長蕩湖 又云固城春秋時吳瀨渚縣溧陽縣治在焉紹興中得後漢溧陽校官碑于固城湖旁故知為漢縣治 名勝志溧水即瀨水吳音訛為溧溧陽之名本此溧山今在高淳縣界溧水出其下南流入江溧水縣自溧陽而分高淳縣又自溧水而分 又云溧陽本秦縣楚漢之際江淮之間有東陽郡溧陽屬焉 方輿紀要溧水在今溧陽縣北四十里即永陽江也 大清一統志溧陽故城在今鎮江府溧陽縣西北舊志云在縣西北四十五里今猶謂之舊縣村 又云按溧水故道即今胥溪河其西限于五堰東壩故不與石臼固城諸湖接然自蕪湖東至太湖中間隔絕僅銀林十七八里故道仍在若曹山水及舊縣江乃入溧水之別支不可即以為古溧水之正源也 地理志稽疑溧水即今之丹陽高淳石臼諸湖也 段氏說文注張鐵曰溧水即永陽江之上源大江之水南會于此江上有渚曰瀨渚又謂之陵水范曄說秦昭王子胥出昭關至陵水是也自瀨渚東流為瀨溪鄉民誤曰瀨溪入長蕩湖又分流東行為吳王漕蓋五代時楊行密漕運所經也自東壩築而丹陽湖之水不復入於溧水永陽江之源流亦滋晦矣

歙

說文鄴地名从邑翕聲臣錯曰今作歙縣也山海經三天子鄴山在閩西海北郭注在歙縣

東今謂之玉山浙江出其邊 水經注浙江又北逕歙縣東 師古曰音攝 晉書晉義失輒反 元和志今歙州歙縣休寧婺源績溪四縣又睦州遂安清溪二縣並漢歙縣地 寰宇記歙縣有水口名歙因為縣名 南畿志歙縣秦置屬鄣郡以縣南有歙浦故名 大清一統志歙縣舊城即今徽州府治又休寧婺源績溪三縣並漢歙縣地 又云大鄣山在今徽州府績溪縣東六十里周百五十里為邑鎮山舊志云唐歙州刺史盧潘以丹陽舊名鄣郡由此山實與故鄣不遠也

都尉治

輿地紀勝漢武帝改故鄣郡為丹陽郡而丹陽郡尉分治于歙黟歙二縣皆屬焉

宣城

通典今宣州南陵縣漢宣城縣也故城在東寰宇記宣州宣城縣本漢舊縣按郡國志云故縣地名青弋 大清一統志宣城故城在今寧國府南陵縣東四十里青弋江上漢置後漢省建安三年孫策平定宣城以東二十年孫權使蔣欽屯宣城皆即故城也自隋改宛陵縣為宣城而故城遂廢

漢書地理志補注卷四十 豫章郡

水經注豫章郡春秋屬楚即令尹子蕩師于豫章者也秦以為廬江南部漢高祖六年始命灌嬰以為豫章郡治南昌城即灌嬰所築也城之南門曰松陽門門內有樟樹高七丈五尺大二十五圍枝葉扶疎垂蔭數畝應劭漢官儀曰豫章樟樹生庭中故以名郡矣 方輿紀要按漢紀景帝初議削吳豫章會稽郡則豫章為吳地或曰南境屬長沙也 大清一統志按左傳昭公六年楚子蕩帥師伐吳師于豫章又定公四年吳子舍舟于淮汭自豫章與楚師夾漢杜預注豫章漢東江北地名據此則古豫章地在淮南北之界漢始移其名于江南 地理志稽疑豫章郡楚漢之間分廬江置漢因之見灌嬰傳亦見英布傳水經注曰豫章本秦廬江南部地蓋秦之九江郡治廬江也然則項氏先分廬江而豫章又自廬江而分也 又云吳漢傳中之豫章皆鄣郡之說章昭言之甚詳胡梅圃乃曰豫章分鄣郡置甚哉其妄也 春秋大事表左傳豫章凡六見其地極廣蓋豫章係寬大之語自江西之饒州南康二府西抵九江府之德化盡鄣郡之境隔江為江南安慶府之宿松北接潁毫廬壽西接光黃皆為楚之豫章地跨大江南北以及淮南蓋鳳陽以西壽霍光固之境皆近淮壩為吳楚當日交兵處今日但以江西為豫章乃漢豫章非春秋時豫章地也秦滅楚置九江郡漢分九江置豫章郡乃遙取春秋之

豫章為名如會稽本在浙東而秦漢之會稽郡則盡浙西之境也 按漢豫章郡今江西南昌府之南昌縣及寧州饒州府之鄱陽餘干二縣南康府之建昌縣九江府之德化德安湖口三縣建昌府之南城縣臨江府之清江縣吉安府之廬陵安福二縣瑞州府之高安縣袁州府之宜春縣贛州府之贛寧都二縣南安府之南康縣皆其地

高帝置

地理志稽疑豫章故屬秦九江郡楚漢之際分置郡屬九江國高帝五年因之屬淮南國文帝六年復為郡十六年復屬淮南國武帝元狩元年復故

莽曰九江屬揚州縣十八

南昌廬陵彭澤鄱陽歷陵餘干柴桑艾贛新淦南城建成宜春海昏鄱陽南壘安平

南昌

王子侯表南昌侯字河間惠王子 梅福傳補南昌尉 水經注贛水又北逕南昌故城西縣即郡治也 又云盱水逕南昌縣南注贛水

豫章記江淮惟此縣及吳臨湘三縣是也 通典今洪州所理南昌縣及豐城縣並漢南昌縣地 寰宇記南昌山在今南昌縣西三十五里高二丈周回三百里 大清一統志南昌

故城在今南昌府南昌縣東 按南昌自漢迄五代皆縣名也唐乾元中始置南昌軍尋廢至南唐乃置南昌府王子安南昌故郡一語與歷代地理志不符不知何所據也

莽曰宜善 廬陵

水經贛水又西北過廬陵縣西注云十三州志稱廬水西出長沙安復縣東至廬陵入湖漢水也 元和志今吉州廬陵永新太和三縣並漢廬陵縣地 寰宇記廬陵故城在今縣南一里太和縣北三十里 大清一統志廬陵故城在今吉安府廬陵縣南

莽曰桓亭 彭澤

水經贛水又北過彭澤縣西 元和志今江州彭澤縣本漢舊縣故城在今都昌縣北四十五里晉陶潛為令理此城 寰宇記彭澤城在都昌縣西北二十里 大清一統志彭澤故城在今九江府湖口縣東三十里縣志云今為彭澤鄉故縣里 方氏通雅古彭澤縣在今湖口縣東三十里漢置晉隋因之凡彭蠡而北大孤而東皆其地也唐武德五年改彭澤為涪州遷于涪山下至今湖口九都號五柳鄉八都號彭澤鄉有三學寺祀淵明有洗墨池玩月臺吳草廬為記南唐始析五柳彭澤二鄉之地為湖口縣今以小姑山之彭澤縣為淵明解綬之地則非矣

禹貢彭蠡澤在西

禹貢彭蠡既豬 又云東匯澤為彭蠡 史記吳起傳昔三苗左洞庭右彭蠡 水經沔水自江夏沙羨縣北南入于江與江合流又東過彭蠡澤注云尚書禹貢匯澤也鄭玄曰匯回也漢

與江關轉東成其澤矣 括地志彭蠡湖在江州潯陽縣東南六十里 唐六典彭蠡湖一名宮亭湖俗謂之鄱陽湖在南康軍星子縣南江州彭澤縣西 蕭該漢書音義彭蠡古作彭麗 今水經彭蠡湖一名鄱陽湖一名宮亭湖在九江府城東南四十里闊四十里長三百里經南康府東南西接南昌東抵饒州納贛野鄱饒袁修諸水北流入于江 禹貢錐指彭蠡澤後稱彭蠡湖在今江西南昌府城東北一百五十里饒州府城西四十里南康府城東五里九江府城東南九十里周回四百五十里浸四郡之境亦曰鄱陽湖以中有鄱陽山而名俗因號在都昌者為東鄱湖在南昌者為西鄱湖又隨地異名在星子縣東南接南昌界者曰宮亭湖在都昌縣西南者曰揚瀾湖又北曰左里湖在餘干縣西北者曰擔石湖輿程記云自湖口縣入彭蠡湖經大孤山至南康府一百二十里又二百五十里至南昌府自縣而東南渡湖抵饒州凡三百七十里鄱陽山本名力士山亦名石印山東南去鄱陽縣一百五十里漢為歷陵縣地湖中又有康郎山在餘干縣北八十里為風帆之表幟春夏時湖水浩蕩無涯及乎霜降水涸則贛川如帶而已此水自昔有南江之稱鄭康成說三江云右會彭蠡為南江南史王僧辯傳陳霸先自嶺南起兵討侯景出南江行至潯口湖三省云贛水謂之南江是也 大清一統志鄱陽湖在今南昌府新建縣東北跨南昌饒州南康九江四府之境長三百里闊四十里即

古彭蠡也一名宮亭湖隋時以接鄱陽山故又名鄱陽湖水道提綱鄱陽湖匯章貢諸水為巨浸互南昌饒州南康九江四府南昌新建建昌德安星子德化湖口都昌鄱陽餘干十縣之境東西廣四五十里至百里南北長三百里形如葫蘆中為細腰即南康星子之東南都昌之西北也南曰宮亭湖族亭湖北曰落星湖曰左蠡湖實一水也

鄱陽

孟康曰鄱音婆 韋昭曰鄱音蒲何反 後書雷義傳注鄱陽縣城在今饒州鄱陽縣東 括地志饒州鄱陽縣春秋時為楚東境秦為番縣屬九江郡 元和志今饒州郭下鄱陽縣本秦置漢因之以在鄱水之北故名又浮梁縣亦鄱陽地 寰宇記鄱陽縣本秦番縣也即漢番君吳芮所居之城在彭蠡湖東鄱水之北 大清一統志鄱陽故城在今饒州府鄱陽縣東舊志云在縣東六十里今名故縣鎮鄱陽山在縣西北一百十五里鄱陽湖中 按左傳定六年吳伐楚取番番即鄱陽春秋時鄱地極大不止今一縣也寰宇記引本志云番陽屬豫章郡後漢加邑作鄱則知今鄱字乃後人從續志所增高帝紀番君吳芮陳涉傳番盜英布並引蘇林注云豫章番陽縣此尚從舊本作番未改也

武陽鄉右十餘里有黃金采

史記東越傳閩越王弟餘善發兵距漢入白沙武林索隱曰今豫章北二百里接鄱陽界地名白沙沙東南八十里有武陽亭亭東南三十里

地名武林今當閩越入京之道 又貨殖傳豫章出黃金然董董物之所有取之不足以更費更價也 王隱晉書鄱陽樂安出黃金鑿土十餘丈披沙中所得者大如豆小如粟米 水經注武陽鄉地有黃金采 師古曰采者謂採取金之處 通典鄱陽郡貢金十兩 方輿紀要武陽城在饒州府東五十里 大清一統志鄱陽縣志云古武陽亭在今縣東五十里鄱水西入湖漢

水經注鄱水出鄱陽縣東西逕其縣南又西流注于贛 寰宇記浮梁樂平餘干等三縣水合為鄱江經郡城南又過都昌縣入彭蠡湖 今水經鄱江源出浮梁縣東北一百四十里榔木山下西流百里至浮梁縣南為昌江又西樂安江來注之下流經饒州府城南門外為鄱江環城流至西北復分為二俱入于彭蠡湖 方輿紀要鄱江在今饒州府城南門外其上源一自江南婺源縣匯諸山谿水流經德興樂平二縣界一自江南祁門縣會諸山谿水流經浮梁縣界入鄱陽縣境復會流而西至城東門又經城南而廣信以西之水皆流會焉環城流至西北復分為二俱入鄱陽湖一名雙港水 大清一統志鄱江在鄱陽縣南一名長港樂安江自東南來昌江自東北來又分二支名雙港分流入鄱陽湖 皇朝通志鄱江即古番水源出安徽婺源縣北西南流入江西界經德興縣北又經樂平縣東有大谿自婺源德興縣來會至饒州府治鄱陽縣東南有餘水自萬年縣來會又北

有昌江自祁門黟縣經浮梁縣來會又西南有西湖水來會入鄱陽湖 水道提綱鄱江即古鄱水有二源一曰婺河一曰大共水婺源河源出徽州府婺源縣北之大廣山西南流經縣城東南曰婺河又西南入江西界經德興縣北又西南經樂平縣東曰樂安江又西經樂平縣城南又西南折西北至饒州府治鄱陽縣東南會祁門來之昌江大共水源出徽州府祁門縣縣北之大共山南流經縣東北又西經縣城南又西南曰南河又西南入江西界經浮梁縣東北又西南經城東南又西過界牌鋪南曰昌江又西南經府東北又西至府城東南而婺河自東南來會二河既合曰鄱江西經府城南又西南入鄱陽湖源流七百里亦豫章十川之一也 新校地理志鄱水合婺河也源出婺源縣北大廣山 莽曰鄉亭 歷陵

通典今江州潯陽縣有蒲塘驛即漢歷陵縣也 王莽改為蒲亭 寰宇記歷陵縣今江州德安縣也即蒲塘置 方輿紀要歷陵城即今九江府德安縣治春秋時為楚之東鄙名蒲塘 大清一統志歷陵故城在今九江府德安縣東 傳易山傳易川在南古文以為傳淺原 禹貢過九江至于敷淺原孔傳敷淺原一名傅陽山 師古曰傳讀曰敷易古陽字 通典蒲塘驛前有敷淺原西數十里有博陽山 史記集解傳淺原一名博陽山古字博敷皆通

用 寰宇記傳易山在德安縣南十三里敷淺水常流不絕色頗清冷其源接遂昌縣及鄂州永興界屈曲餘二百里方至縣 朱子九江彭蠡辨說者以敷淺原為漢歷陵縣之傳陽山在今江州德安縣為山甚小而卑不足以有所表見而其全體正脈遂起而為廬阜則甚高且大以盡乎大江彭蠡之交而所以識夫衡山東過一支之所極者惟是乃為宜耳 蔡氏書傳敷淺原今江州德安縣傳陽山也晁氏以為在鄱陽者非是晁氏以鄱陽有傳陽山又有歷陵山為應地志歷陵縣之名然鄱陽漢舊縣地不應又為歷陵縣山名偶同不足據也江州德安雖為近之然所謂敷淺原者其山甚小而卑亦未見其為在所表見者惟廬阜在大江彭蠡之交最高且大宜所當紀志者而皆無考據恐山川之名古今或異而傳者未必得其真也 禹貢雖指古文以歷陵之傳陽山為敷淺原當有所本今欲知山在何處必先明縣在何境通典云江州潯陽縣有蒲塘驛即漢歷陵縣也驛前有敷淺原原西數十里有傳陽山予按唐武德八年于潯陽縣置蒲塘驛後改為場五代時楊吳升為德安縣今治故驛也杜佑以驛為漢歷陵縣不知何據豈因王莽改歷陵曰蒲亭而遂以蒲塘附會邪黃子鴻嘗為之辨曰漢志豫章郡領歷陵縣晉志歷陵與餘汗鄒陽俱割屬鄱陽郡而柴桑則屬武昌郡不應歷陵反出柴桑之西也因謂晁氏以歷陵在鄱陽者為是且曰吳志歷陵有石印山即今饒州府之鄱陽山亦歷

陵在鄱陽之一證也今按鄱陽山在鄱陽縣西北一百五十里鄱陽湖中亦名石印山鄱陽縣故城在今府城東六十里三國吳至隋皆為鄱陽郡治唐移于今所然則府城西當即為故歷陵地敷淺原蓋在鄱湖之西落星之畔也說文原高平之野人所登原固有山體故謂之傳陽山杜氏析山與原為二處非也 又云朱子之意以廬阜為敷淺原然此山高峻似不可名之曰原金吉甫云敷古文作傳傳陽山在廬阜之西南則是敷淺原之陽也蓋廬山雖高而其中原田連亙人民奠居所以有敷淺原之名是亦善解矣然原田連亙要不過山中高平之地耳若此者不一而足安得舉體而名之曰原王耕野云敷淺原恐非廬山高平曰原而又名敷淺則必平曠之地不為高山可知近朱長孺亦云傳陽山漢志得之古文可據也朱子疑卑小不足表識釋敷淺之名正不當求之高大蓋傳陽在古本高平之地後人名之為山耳導江漢之山至大別敷淺原而即止者以江漢至此合流赴海不煩殫力隨刊況導水合舉源流可以互見豈必求之山脈盡處邪此說是也按水經注引孫放廬山賦曰尋陽郡南有廬山臨彭蠡之澤接平敞之原是廬山下固有平原也廬山盤基廣大其陽必有平敞之原但曠衍無奇選勝者所不道而志家又因仍舊說不能詳考指言其狀耳以此求之庶不失朱子之意而又不即以高山為平原犯學者之所疑準諸地望揆諸經旨視晁氏為少優云 大清一統志傳陽山

在今德安縣南十二里博陽川在今德安縣治南一名敷淺水 又云按朱子九江彭蠡辨以廬山為敷淺原語類云德安縣敷陽山正在廬山之西南故謂之敷陽非以其地即為敷淺原也蔡沈金履祥夏允彝皆宗其說晁氏則謂在鄱陽界今以都無確據且從舊說 水道提綱博陽水出德安縣西南樟樹坳東北經城南又東與東北來之廬山水及諸溪會 莽曰蒲亭 餘汗 應劭曰汗音干 集韻餘汗通作餘干 淮南人間訓始皇使尉屠睢為五軍南征一軍結餘干之水通典今饒州餘干縣漢餘汗縣汗音干越王句踐之西界所謂干越也 元和志今饒州餘干縣本漢餘汗縣淮南王曰田子餘汗是也縣因餘汗之水為名隋開皇九年去水存干名曰餘干又樂平縣及信州弋陽縣並漢餘汗縣地 方輿勝覽餘汗山一名羊角山兩峯面面相向狀如羊角天氣清明望見廬山 名勝志廣信府玉山縣東南二里有下干溪東五里有上干溪二水合流經餘干縣而與衢之常山接溪源乾淺秋冬不通舟船故一名乾溪自信而衢不可舟行而間以陸運者此而已矣 大清一統志餘汗故城在今饒州府餘干縣東北餘汗山在縣東門外一名冠山一名羊角山 殿板漢書考證齊召南曰嚴助傳必先田餘干界中章昭曰餘干越邑非也餘干即志所謂餘汗屬豫章郡非越邑也越人先于餘干縣接界

之地治田耳 春秋大事表江西饒州府爲越之西界寰宇記云餘干縣西南有於越渡漢淮南王安獻議曰越人欲爲變必先田餘汗界中蓋今餘汗縣以東連廣信一府皆漢餘汗地國語止稱越地西至于姑蔑姑蔑爲今浙江衢州府龍游縣由衢至饒中尙隔廣信府饒爲越楚分界廣信之弋陽貴溪二縣本餘汗縣地也餘汗卽於越爲越之餘國語所稱殊未盡 漢書發伏漢書貨殖傳嘗猶戎狄之與於越不相入矣韋昭注云於越今餘干縣越之別名也則知汗干古字通非至隋始去水也

餘水在北至鄒陽

入湖漢

水經注餘水東出餘汗縣北至鄒陽縣注贛水

寰宇記餘汗水自信州貴溪縣流入 明統

志餘水在餘干縣治前會縣之東南諸溪餘水故名以其三道而入又名三餘或曰吳楚越之餘水也故名三餘 方輿紀要餘水在餘干縣

治南亦名市湖中有越水餘水縣境諸水之總名也北通鄱江南連龍窟河 大清一統志餘

水在餘干縣南卽今馮田西津諸水也縣志云卽安仁港水之支流 水道提綱餘水出萬年

縣東北仙鶴山西南流經縣城東南又西北經城西南又西北至餘干縣城西北有二溪合而

南經城之西折而東經其南遂東北七十里來會卽餘水爲豫章十川之一者也又北流而婺

河自東來會

莽曰治干 柴桑

山海經柴桑之山其上多銀其下多碧 周景式廬山記柴桑彭澤之交古三苗國也 通典

今江州潯陽縣有楚城驛卽舊柴桑縣 隋志

九江郡潯城縣舊曰柴桑大業初改 元和志

柴桑故城在今江州潯陽縣西南二十里 寰

宇記柴桑山近栗里原陶潛此中人 胡三省

通鑑注劉宋昇明初尋陽時治柴桑今江州德

化縣西南九十里柴桑山是也 方輿紀要

柴桑城在今九江府南九十里 江西通志九

江府東北渡江五十里爲桑落洲昔江水泛漲

有桑流至此洲自植焉柴桑之名或本諸此

大清一統志柴桑故城在今九江府德化縣西

南柴桑山在縣西南九十里漢以此名縣

莽曰九江亭

艾

左傳哀二十年吳會子慶忌居于艾杜注艾

吳邑豫章有艾縣 後書桓帝紀注艾縣故城

在今洪州建昌縣 寰宇記分寧縣有古艾城

彭蠡也 輿地紀勝脩水在今分寧縣西六十

里東南流經舊縣云脩水出豫章西北其源

自艾城東北流六百三十八里至海昏又東流

一百二十里入彭蠡湖 方輿勝覽脩水在隆

興府分寧縣西六十里 大清一統志脩水源

出南昌府寧州西東北流過州南經武寧縣界

又東入南康府建昌縣西南又東流一百二十

里合上僚水入章江注于彭蠡以其脩遠故曰

脩土人呼爲西河亦名脩江 皇朝通志脩水

出寧州西南與湖南界之幕阜山東北流有南

樓嶺水來會又東北有武寧縣水來會經武寧

縣東南又經建昌縣東南有靖安縣之長谿奉

新安義縣之馮水來會分數派會贛江支渠入

鄱陽湖 水道提綱脩水亦曰脩河亦曰西河

源出寧州西南與湖廣界之幕阜山兩源合而

南流又東南又東北折西北又東北至州西南

又經州城東南又東北經武寧縣城南折東南

至建昌縣城南分爲二派並東北入鄱陽湖源

行六百六十里莽曰治翰

贛

如淳曰音咸 廣韻潯縣名亦作贛 集韻潯

水名出豫章或作贛潯濱 通鑑釋文辨誤贛

縣如淳音咸師古音古暗反劉向音古濫反獨

廣韻作古送切史炤釋文從之誤也贛縣當章

貢二水之會故合章貢二字爲贛字若音古送

切則是指貢水爲縣名而遺章水矣 通典今

贛

贛

贛

贛

贛

贛

贛

贛

贛

贛

虔州所理贛縣有章水貢水合流故曰贛又虔化縣亦漢贛縣地 元和志虔州贛縣貢水西南自南康縣來章水東南自零都縣來二水至州北合而為一謂之贛水因為縣名 寰宇記漢高六年使灌嬰略定江南為贛縣立城以防趙佗今州西南益漿溪故城是也貢水西北流至贛縣東北與章水合章水從南康縣東北流合西扶良熱等水流三十里入贛縣郭與貢水合為贛水從縣北一百九十二里入吉州泰和縣界 方輿紀要贛城即今贛州府城 大清一統志贛縣故城在今贛州府贛縣西南 地理志稽疑按章貢圖經曰東江發源于汀州界之新樂山逕零都而會于章水西江導源于大庾縣之聶都山與貢水會二水合而為贛則劉氏之言未可非也

豫章水出西南北大江

海內東經聶都之山贛水出焉東北流注于江 水經贛水出豫章南壑縣西北過贛縣東又西北過廬陵縣西又東北過石陽縣西又東北過漢平縣南又東北過新淦縣西又北過南昌縣西又北過彭澤縣西北入于江注云山海經曰贛水出聶都山東北流注于江入彭澤西班固稱南壑縣彭水所發東入湖漢水庾仲初謂大庾嶠水北入豫章注于江地理志曰豫章水出贛縣西南而北入江蓋控引衆流總成一川雖稱謂有殊言歸一水矣雷次宗云以此水為其地名雖十川均流而此源最遠故獨受名焉劉澄之曰縣東南有章水西有貢水縣治二水

之間二水合贛字因以名縣劉氏專以字說水而不知失其實矣豫章水導源東北流逕南壑縣北贛川石阻水急行難傾波委注六十餘里又北逕贛縣東右會湖漢水又西北逕贛縣東西入豫章水也 輿地廣記贛縣有贛水東源出零都曰湖漢水西源出南壑曰彭水二水皆北流合于贛縣總為豫章水北流入大江 輿地紀勝按章貢舊志云貢水即東江漢志名彭水章水即西江漢志名湖漢水贛水蓋章貢二水之會也據此則章貢志以貢水為東江至自零都而元和志乃以為貢水發源大庾似指西水章貢志以章水為西江導源于南康之大庾而元和志乃以為章水東南來自零都似指東水是貢水今為東江而元和志以為西江章水今為西江而元和志以為東江其名混亂然考諸漢志亦有所因漢志零都有湖漢水南壑有彭水元和志既指章水為湖漢水而漢志湖漢水載于零都之下則必以章水來自零都勢必指以為東水元和志又指貢水為彭水而漢志彭水載于南壑之下今南壑鎮尚隸南安軍則必以貢水來自南安勢必指以為西水二者名字之差皆因漢志有湖漢水彭水之名而後人強合于章貢二水以致相亂若以湖漢為貢水以彭水為章水則與章貢志合矣 方輿勝覽東江發源于汀州界之新樂山經零都會于章水西江導源于南安大庾縣之聶都山與貢水會而為贛在州治後北流一百八十里至萬安縣界由萬安而上為灘十有八怪石如精鐵突

兀廉隅錯峙波面自贛水而上信豐寧都俱有石磧險阻視十八灘故俚俗以為上下三百里贛石也 今水經贛江源自章貢而來貢水源出汀州新樂山西南流經瑞金南入會昌北瀨水入之又西北流至零都虔化水零水入之又西北流激水北來入之又西北流三江水南來入之 三江水在龍南縣後乃桃水瀨水瀨水之會流經信豐入于章又西北至贛州府城東為貢水環城而北與章水合章水源出南安府大庾縣西南一百三十里聶都山東流至南安府城南為贛江經南康縣治東北流猶水從西來注之至贛州府城西為章江環城而北與貢水合名為贛江北流一百里凡二十四灘怪石多險至萬安縣折而東流遂水西來注之過泰和縣東雲亭江東來注之北流至吉安府城東南禾水東流來注之又達吉安府城東吉水來注之又北流經峽江縣東至臨江府城南五里為清江袁江水東流來注之又東北流入南昌府豐城縣南豐水來注之又東北流至南浦折而北流至南昌府城西南蜀江來注之又達南昌府城西為章江又奉新江東流來注之章江又北流入于彭蠡湖 方輿紀要贛水在贛州府城北其上源為章貢二水貢水一名東江源出福建長汀縣新路嶺西經瑞金會昌及零都南北諸川悉匯入焉又西北至贛州府城東環城而北會于章水章水一名西江源出南安府聶都山一云出湖廣郴州黃岑山自宜章縣東流經崇義大庾縣及南康縣境亦會支川而東達府城西環

城而北會于貢水自此名贛水又北流三百里至吉安府 又云豫水在南安府南康縣西南上源即涼熱水流至縣之南壩口入章江所謂豫章水也 禹貢錐指漢志豫章郡贛縣下云豫章水出西南北入大江雩都縣下云湖漢水東至彭蠡入江又鄱陽縣有鄱水餘汗縣有餘水艾縣有修水南城縣有盱水建成縣有蜀水宜春縣有南水南野縣有彭水又長沙國安成縣有廬水皆入湖漢水湖漢水與豫章水源異而流同故志並云入江水經注則湖漢豫章總謂之贛水劉澄之謂贛縣東南有章水西有貢水二水合贛字因以名縣鄺元非之然後世皆宗其說以豫章爲章水湖漢爲貢水二水合流爲贛也 大清一統志章水源出南安府崇義縣聶都山東流過府東又東經南康縣南折東北入贛州府贛縣界即古贛水亦即豫章水亦名南江又名橫江 又云貢水源出福建汀州府西六十里新樂嶺西流經江西贛州府瑞金會昌等郡三縣又西入贛縣界與章水合一名東江又名會昌江即古湖漢水也 又云贛水在今贛州府贛縣北章貢二水於此合流謂之贛江又北流三百里入吉安府南萬安縣界又東北六十里經泰和縣東又東北八十里經廬陵縣南又西四十五里經吉水縣西又東北入臨江府經峽江縣南又東北經新淦縣西又北流入清江縣界至縣北合袁水又北入南昌府豐城縣界經縣西又北經南昌縣界又北經新建縣界又北注鄱陽湖 皇朝通志章水源出

湖南郴州桂陽縣東東流入江西南安府界經崇義縣西北又經上猶縣西南又經南康縣北至贛州府治贛縣西南有池江自安南府大庾縣經南康合諸水來會至贛州府西北貢水來會貢水即古湖漢水源出福建汀州府長汀縣西北西流入江西瑞金縣界經會昌縣東北有雁門水自長寧縣來會又西北有梅村江自安遠縣來會經雩都縣東南有梅川水自寧都州合石城雩都縣諸水來會西流有澗河合潏江水自興國縣來會又南有桃江自信豐縣合龍南縣定南廳諸水來會經贛州府東北與章水會曰贛江 又云贛江自贛州府城東北經萬安縣東南有皂江自贛縣來會又西北有遂江自龍泉縣來會經泰和縣西南有牛吼江自永寧縣來會又東北有雲亭江自興國縣來會至吉安府廬陵縣東南有廬水自安福縣合永興永新諸水來會經吉水縣西南有恩江自永豐縣來會經峽江縣東南新淦縣西南有象江泥江自永豐縣來會至臨江府清江縣東南有秀江即袁江自新喻縣合萍鄉宜春分宜縣諸水來會經豐城縣西又北分爲二支一東北有盱江支津自建昌撫州二府境來會一西北流會瑞州府之錦江水至南昌府西南合流又北支渠無數連絡交錯入于鄱陽湖 水道提綱章水源出湖南郴州桂陽縣東之孤山三源合而東流爲章水東入江西南安府界東北流至崇義縣西北又東經縣城北折東南經上猶縣西南又東經縣南又東北經南康縣北又東南至

贛州府治贛縣西南之潭口東有池江合南安府諸水來會又東南折而北經府城西北貢江自城東來會 又云貢水即古湖漢水源出福建汀州府長汀縣西北山兩源合而西流曰萬安溪又西入江西瑞金縣東界至縣南稍西有數水來注之水勢始盛又西南經會昌縣東北又西經縣西北又西北至雩都縣東南又西南有梅川水合諸水來會水勢益盛經縣城南而西而南凡合數水又西至崆峒山東麓折北流經府城東而北與章江會曰贛江 又云章貢合而爲贛江自府城東北流折西北又北至萬安縣東南又西北至縣城南又北經城西而北折東北至泰和縣西南又東北經縣城東南又折而西北至吉安府治廬陵縣東南又北經府城東又東北至吉水縣城西南又北經縣城西而北又東北經峽江縣城東南又東至新淦縣西南又北經縣城西北折東北至臨江府治清江縣東南合袁江盱江錦江東北流至南昌府城西南江流甚盛支渠無數連絡交錯畢入鄱陽湖 按元和志以自東來者爲章水自西來者爲貢水寰宇記始以東爲貢水西爲章水至今仍之二水會于贛州府城北而爲贛水即豫章水也水經注以豫章湖漢二水總爲贛水極是

新淦

本書淮南王傳前時南海王反先臣使將軍簡忌將兵擊之以其軍降處之上淦應劭曰新淦淦水所出西入湖漢淦水上流曰上淦也 說

文淦水入船中也一曰泥也 水經贛水又東北過新淦縣西注云牽水又東逕新淦縣而注于豫章水湖漢及贛並通稱也又淦水出其縣下注于贛水 師古曰淦音泔又音古含反

通典淦沾濫反 元和志今吉州新淦縣本漢舊縣縣有淦水因以為名 寰宇記縣南有紫淦水因以為名廢城在今縣一百二十里 集韻去聲五十三勸部瀦水名在豫章通作淦又云淦水入船中也或作泔 輿地紀勝紫淦山在臨江軍城東四十里淦水經其下相映作金紫色縣以是得名 通雅淦音甘去聲又姑南切新淦屬臨江府南越地名漢書嚴助傳處之七淦是也 方輿紀要新淦故城在今臨江府東六十里淦水在府南三十里新淦縣以此得名 大清一統志新淦故城在今臨江府清江縣東北府志云在清江鎮即今樟樹鎮也淦水源出縣東南離嶺經紫淦山出洋湖至清江鎮會蛇溪水入贛江漢新淦縣以此名也

都尉治

寰宇通志漢豫章都尉城在今臨江府治東三十里 名勝志臨江府清江縣有清江鎮鎮北有漢都尉城 清江縣志漢豫章都尉城在今縣東北三十里即清江鎮也

莽曰偶亭

南城

元和志今撫州南城南豐臨川三縣並漢南城縣地 寰宇記南城縣東臨盱水漢高帝六年命灌嬰立豫章郡其年分豫章南境立南城縣

以其在郡城之南也 方輿紀要今建昌府附郭南城縣本漢縣以在豫章郡城之南而名 大清一統志南城故城在今南城縣東南 盱水西北至南昌 屬本郡

師古曰盱音香于反 水經注盱水出南城縣西北流逕南昌縣南西注贛水 寰宇記盱水在今南城縣東二百一十步源出南當山西北沿流至臨川縣石門改名汝水 寰宇通志盱水在建昌府廣昌縣南一百二十里南當山之

上血木嶺之下 今水經盱江源出建昌府廣昌縣血木嶺流六十里為盱水又二十里為巴溪又八十里至廣昌縣前又三十里入南豐縣境東北流百餘里至建昌府城東南冰壺水東來入之又東北流二百餘里入撫州府境為汝水流經金谿縣南曲折行百餘里至撫州城東抱城西北西寧水注之入南昌界過豐城縣東北流至南昌府城東南三十五里又東北入于彭蠡湖 方輿紀要盱月初出也江清且潔故名盱江在今建昌府城東一名建昌江源出廣昌縣南血木嶺流六十里為盱水又三十里為巴溪又十五里為小勳溪又七十里至廣昌縣前二十里入南豐縣界東北流百餘里至府城東南會新城縣飛猿諸水又東北折而西二百餘里入撫州境至臨川縣石門亦名汝水下流注於贛水 大清一統志盱江一名建昌江源出建昌府廣昌縣南血木嶺東北流繞廣昌南

豐二縣南又東北過南城縣東轉西北入撫州府臨江縣又過南昌府南昌縣東又北入新建縣界入鄱陽湖 又云汝水在今撫州府臨川縣東即古盱水也自建昌府南城縣北流入府境經金谿縣西石門山一名石門水又北入臨川縣界為汝水合宜黃崇仁二縣水西北入南昌府界 又云武陽水在今南昌府南昌縣東自撫州府臨川縣流入又北逕新建縣界入東鄱湖亦名撫河即古盱水也縣志云武陽在縣東三十五里源出盱江自臨川北流逕此號武陽渡一名辟邪渡又北入宮亭湖 皇朝通志盱江即古盱水亦曰臨川江源出廣昌縣有三支合流經城南又經南豐縣西南北流經建昌府南城縣東南有新城縣之黎水來會西流有金谿縣水來會又北經撫州府城東有臨水自崇仁縣東北合宜黃縣水來會又西北分支一西流經豐城縣東至南昌府城西南一北流經進賢縣西南新建縣東北又分二派與西流一派並入鄱陽湖 水道提綱盱江即古盱水亦曰臨川江亦曰汝水亦曰東江源出廣昌縣南界血木嶺東北流經縣城南又東北至南豐縣西南繞東南又北至建昌府治南城縣南又北經府城東自此而北曰東江折西北又北曰汝水又北經撫州府城東又西北岐為二派一西流一北流北流者又岐為二派一北流一東北流皆北入鄱陽湖

建成

續志作建城 王子侯表建成侯拾武帝元朔

四年以長沙定王子封 雷次宗豫章記高帝六年置建城縣隸豫章以城廂建城邑故曰建城 通典今筠州高安縣本漢建城縣 寰宇記今筠州州城即漢之建城縣 大清一統志建城故城即今瑞州府高安縣治

蜀水東至南昌

屬本郡

入湖漢

水經注濁水出康樂縣又東逕望蔡縣又東逕建城縣又南至南昌縣東流入于贛水 寰宇記蜀水在今筠州高安縣北三里源出縣內小界山東流五百九十里入南昌縣與章水合 輿地紀勝蜀水出高安縣入豫章江 今水經蜀江一名筠江源出袁州府萬載縣龍河渡流至上高凌江合新昌藤江歷瑞州府城南而東匯于南昌之象潭入于章江 方輿紀要蜀江在今瑞州府治北源出袁州府萬載縣龍河渡流至上高縣凌江口合新昌縣鹽溪歷郡城中而東出匯于南昌之象潭而入章江亦曰錦江 大清一統志蜀水在今南昌府新建縣西南一名筠河又名瑞河又名錦江又名龍江自瑞州府高安縣流入合于章江縣志云水在縣西南六十里至縣境象牙潭入章江 又云蜀江在瑞州府治北一名蜀水亦曰錦江源出袁州府萬載縣東流至上高縣凌江口合新昌縣鹽溪又東經縣南入高安縣界歷郡城中而東出又東至新建縣界入章江 又云龍江在袁州府萬載縣北五里即古蜀水也亦作濁水

皇朝通志瑞州府錦江即蜀水也一名筠河又名瑞河源出萬載縣西北東流經上高縣西北有藤江自新昌縣合臨江諸水來會經高安縣西有鳳嶺水龍口水來會至南昌府新建縣西南會贛水入鄱陽湖 水道提綱瑞州錦江即古蜀水源出萬載縣西北與湖南界之大圍山雲峯洞東南流又東流曰龍江經縣城北又東折東北曰楊木江又東經上高縣西北又東南經縣城西南折東北又北曰蜀江折東流至府治高安縣西又東至府西南又東曰錦江又東北至南昌府治新建縣西南會章江而東北經南昌府城西又東北入鄱陽湖蜀水即筠水為豫章十川之一源流行六百餘里

莽曰多聚

宜春

晉書地道記縣出美酒隨歲舉上貢刺史親計吏 元和志今袁州郭下宜春縣本漢舊縣其城灌嬰所築又新喻萍鄉二縣並宜春地 新唐書地理志宜春泉釀酒入貢 寰宇記縣側有暖泉從地湧出夏冷冬暖清澄若鏡瑩媚如春飲之宜人故以名縣在治西四里即宜春水也 方輿勝覽宜春水宜釀酒王烈記云宜春醇耐隨歲入貢 大清一統志宜春故城即今袁州府宜春縣治 按王子侯表宜春侯成武帝元光六年以長沙定王子封據本志汝南豫章並有宜春縣則長沙王子封邑當在豫章水經注亦以豫章之宜春為劉成國 南水東至新淦

屬本郡

入湖漢

水經注牽水西出宜春縣又東逕吳平縣又東逕新淦縣而注于豫章水亦名秀水 隋書地理志宜春有淦水 九域志宜春縣有袁江輿地紀勝淦水發源自袁州入新喻縣名袁江即漢志宜春縣之南水也 方輿紀要秀江在袁州府城北亦曰袁江亦曰淦水水源出萍鄉縣羅霄山東流經府西十五里為稠江至城下為秀江下流三百里經分宜新喻至臨江府合大江 大清一統志袁江源出袁州府萍鄉縣羅霄山東北流入宜春縣北又東逕分宜縣南又東入臨江府新喻縣界又東至清江縣合章江古名南水亦名牽水又名淦水又名秀江 水道提綱袁江曰秀江即古南水為豫章十川之一源自萍鄉縣東南之羅霄山羅霄水出焉分流為二派其西北流者入湖南醴陵縣界入洞庭湖其北流者即秀水也西北流又折東北經縣東境又東北至袁州府城西西北折東南經分宜縣城西南又東南至新喻縣界曰淦河東經縣城南又東折東北至清江縣東北入贛江源流行六百餘里

莽曰脩曉

海昏

水經注繚水導源建昌縣東逕新吳縣又逕海昏縣謂之上繚水又謂之海昏江東北逕昌邑城而東出豫章大江謂之慨口昔漢昌邑王之封海昏也每乘流東望輒憤慨而還世因名焉

續志劉昭注補海昏縣有昌邑城 師古曰海昏即昌邑王賀所封 通典今洪州建昌縣漢曰海昏昌邑王廢後遷于此故城現在 元和志今洪州新吳建昌武寧分寧四縣並漢海昏縣地故城在建昌東三里 明統志昌邑城在建昌縣北六十里漢廢昌邑王為海昏侯即其處 大清一統志海昏故城即今南康府建昌縣治縣志云在蘆潭東北二里許 按線水即脩水也

莽曰宜生 零都

師古曰零音于 晉書音義零況于反 元和志今虔州零都縣漢初所置因零都水為名又安遠縣亦零都地 寰宇記零都本南海揭陽縣地漢高六年使灌嬰防趙佗所立在郡城東四里地名東溪零山在縣北三十里零水源出于此 方輿紀要零山在零都縣北三十五里高聳干霄蓋古望祭之山也零水出其下縣因以名其水西南流入貢水 大清一統志零都故城在今贛州府零都縣東北又縣東南亦有零都故城乃唐初所遷也 水道提綱零水出零都縣北零山西南流經城東注於梅江又南會貢江

湖漢水東至彭蠡 澤名在彭澤屬本郡 入江行九百八十里

水經注湖漢水出零都縣導源西北流逕金雞石又西北逕贛縣東西入豫章水 大清一統

志漢時豫章之水湖漢為大故地理志于此水下獨曰東北入江其彭廬盱諸水皆云入湖漢豫章水雖亦云北入大江然不言諸水入此亦不詳其里數疑當時尚未知二水之源異流同姑並著之而專以湖漢為經流也自水經注以豫章水為正源而湖漢之名遂隱

鄒陽

史記黥布傳番陽人殺布茲鄉民田舍師古曰鄒陽縣之鄉也 鄒陽記鄒陽縣漢高帝六年置 水經注贛水又北逕鄒陽縣餘水注之鄒音口堯反 玉篇鄒苦么切豫章郡有鄒陽縣 寰宇記廢鄒陽縣在今鄒陽縣西北一百二十里 大清一統志鄒陽故城在今饒州府鄒陽縣西北

莽曰豫章

南壘

史記南越傳尉佗移檄告橫浦關索隱曰按南康記云南野縣大庾嶺三十里至橫浦有秦時關其下謂之塞上 又云樓船將軍楊僕出豫章下橫浦 淮南人間訓始皇使尉屠睢將五軍一軍守南壘之嶠 元和志今虔州南康縣本漢灌嬰所置南壘縣也又信豐大庾二縣亦南壘縣地 九域志南安軍南康縣有南壘鎮地理通釋大庾嶺在南安軍大庾縣西南二十里一名塞上嶺即五嶺之一漢時呂嘉反漢軍伐之監軍庾姓者築城于此故謂之大庾嶺 方輿紀要今南安府附郭大庾縣即漢南壘縣地相傳武帝時遣將軍庾勝討南越築城于

此因有大庾之名 又云大庾嶺在江西南安府南二十五里廣東南雄府北六十里磅礴高聳為五嶺之一水經注云連溪山即大庾嶺也秦始皇三十三年以謫徒五十萬戍五嶺大庾其第一塞之嶺也其山延袤二百里上有橫浦關趙佗欲據越移檄告橫浦關武帝時楊僕出豫章下橫浦蓋踰嶺而南也曰橫浦者以郡城臨章江自西流東橫繞南峯而名 又云梅關在大庾嶺上兩崖壁立道出其中最為高險即秦時橫浦關也南康記云大庾嶺橫浦有秦時關唐宋以來謂之梅關 大清一統志南壘故城在今南安府南康縣西南章岸南壘水在縣西北一名桃水入章江 又云橫浦關在今廣東南雄府保昌縣西北大庾嶺在保昌縣北其曰梅嶺祇以多梅之故或謂以梅銷得名殆未足據

彭水東入湖漢

寰宇記益漿水古曰彭水在南康縣西五百九十里東流合西符水至南壘口合涼熱水 明統志益漿水源出湖廣桂陽縣東四十里益漿鎮會北勝水橫水禮信水料水稍水流逕上猶縣前下入南壘水 今水經猶水源出湖廣郴州桂陽縣東北一十七里孤山其水屈曲北流一百五十里入江西南安府界流經上猶縣治南為猶水東流至南康縣界入于章 大清一統志上猶江舊名益漿水即古之彭水也源出湖南郴州桂陽縣東四十里益漿鎮東流入江西南安府經崇義縣北又東經上猶縣南合猶

水爲上猶江亦名縣前水又東至南康縣東北界會章江

安平

續郡國志平都故安平 元和志今吉州安福縣本漢安平縣 寰宇記安平故城在今安福縣南一百步 方輿紀要安平故城在今安福縣東南六十里 大清一統志安平故城在今吉安府安福縣東南

侯國

王子侯表安平侯習元帝初元元年以長沙孝

王子封

莽曰安寧

漢書地理志補注卷四十一

桂陽郡

應劭曰桂水所出東北入湘 水經注未水東肥水南有桂陽郡故城 後書桓帝紀注桂陽郡在桂水之陽今連州縣張浮休南遷錄古桂陽郡在湘之東南五六百里其地皆山谷實嶺之北麓也 方輿紀要桂陽郡今湖廣郴州及桂陽州又廣東連州皆是其地 按漢桂陽郡今湖南郴州之永興縣桂陽州之臨武藍山二縣衡州府之耒陽縣又廣東韶州府之曲江英德二縣連州之陽山縣皆其地

高帝置

水經注桂陽郡漢高帝二年分長沙置 寰宇通志漢分秦長沙南境立桂陽郡以在桂水之陽也 方輿紀要桂陽郡秦長沙郡地漢初屬長沙國文帝後七年爲郡 地理志稽疑桂陽故屬秦長沙郡義帝所都高帝二年分置五年屬長沙國景帝後以邊郡收時南粵閩粵未平故桂陽廬江豫章會稽皆爲邊史記所謂南邊也

莽曰南平屬荊州有鐵官

宋祁曰邵本作金官 續郡國志耒陽縣有鐵

寰宇通志今辰州府瀘溪辰溪溁浦三縣出

鐵 大清一統志今郴州及宜章永興桂陽縣

出鐵

縣十一

郴臨武便南平耒陽桂陽陽山曲江含洄瀆陽陰山

郴

如淳曰音緜 師古曰郴緜二字並音丑林反

水經注黃水出郴縣西黃岑山東北流注于耒水謂之郴口郴桂陽郡治也 括地志黃岑山在郴州城南郴水所出 元和志今郴州郭下郴縣本漢舊縣又義章義昌平陽資興四縣並漢郴縣地 說文繫傳衡陽郴縣在郴水之側 輿地紀勝郴侯山在郴縣漢昭帝四年封楚王孫暢爲郴侯因名 方輿勝覽漢郴縣即今桂陽軍平陽縣黃岑山在今郴州郴縣南三十六里即五嶺之一或云即騎田嶺郴水過郡城一里始勝舟又北行四十五里至鯉園步江口合東江始爲大郴江入耒水方有水程 今

水經郴江源發郴州城南三十六里黃岑山北流經郴州城東爲郴江下流耒水入之經永興縣至郴口棲鳳水入之經衡州府耒陽縣界歷府城北至耒口入于湘 大清一統志郴縣故城即今郴州治郴江在州東發源黃岑山北流經郴江口會東江合程江水由便江至郴口入耒水一名黃水一名郴水 水道提綱郴江出郴州南境之黃岑山北流經州城東南又北經城東又東北與耒水會以下總曰郴江

耒山耒水所出西至湘南

屬長沙國

入湖

師古曰耒音卽內反 水經耒水出桂陽郴縣

南山又北過其縣之西又北過便縣之西又西北過耒陽縣之東又北過鄒縣東北入于湘注

云未水發源出汝城縣東烏龍白騎山西北流逕其縣北又北逕其縣西無出南山之理亦不得北過其縣西也 水經注未水西北至臨承縣而右注湘水謂之未口 輿地紀勝未山在今郴州桂陽縣南十里四面孤絕 方輿勝覽

未水在耒陽縣一名歷水中有大歷方容百斛今水經未水出桂陽縣南五里未山西流資與水入之又西流八十里水勢險惡北入郴水

方輿紀要未山在今郴州桂陽縣南五里四面孤絕未水出于此西北流合資與水又西北會郴水下流注于湘 大清一統志耒江源出郴州桂陽縣南未山西北流入興寧縣界又西北入本州界又北入永興縣界又北入衡州府

耒陽縣東南又北至衡陽縣東北未河口又西北入湘一名日華水 水道提綱未水即郴江也郴水與未水合總名未水出桂陽縣南山有二源皆在山的北一東流一西流合而西北流經縣城西又西北折東北又西北經興寧縣南又

西北至郴州東北之郴江口郴江自南來會又北折而東北至永興縣東南又西北經永興縣城西又北至耒陽縣之西南折而東北又折西北經衡陽縣東南又西北與湘江會此水源流曲折七百餘里

項羽所立義帝都此 史記項羽本紀項王使人徒義帝曰古之帝者地方千里必居上游乃使使徒義帝長沙郴縣趣義帝行陰令衡山臨江王擊殺之江中 水經注郴縣城項羽遷義帝所築縣南有義帝冢

內有石虎土人因呼為白虎郡 方輿勝覽義帝陵在今郴州城內明倫坊 莽曰宣風

後書和帝紀臨武縣接南海 水經注武谿水出臨武縣西北桐柏山東南流右會漆水亂流東南逕臨武縣西謂之武谿縣側臨武谿東因曰臨武 元和志今郴州臨武縣本漢舊縣南

臨武谿水因以為名 九域志武谿水經臨武縣治南縣因以名俗稱姥婆城 方輿勝覽漢臨武縣今屬桂陽軍 方輿紀要臨武城在今桂陽州臨武縣東五十里武水出縣之西山

東南流至府城東南而合于瀆水 大清一統志臨武故城在今桂陽州臨武縣東武谿水古名虎谿又名瀧水唐改為武谿又名武陽溪自臨武縣西經郴州宜章縣入乳源縣西北又東經樂昌縣西又東南入曲江縣界合東江 按

史記樊噲傳漢王賜爵為列侯號臨武侯正義曰即桂陽臨武縣考戰國秦時之際趙亦有臨武君未必遠取桂陽之臨武也

漆水 舊作秦水誤 東南至瀆陽 屬本郡 入瀆 舊作入匯誤 行七百里

海內東經肄水出臨武西南而注于海郭注肄如肄習之肄漆水之別名也 說文漆水出桂陽臨武縣入瀆從水秦聲臣鑑曰今人以此字為澮洧之澮 水經漆水出桂陽臨武縣南繞

城西北屈東流東至曲江縣安昂邑東屈西南流過瀆陽縣出瀆浦關與桂水合南入于海注云漆水導源臨武縣西南北流逕縣西而北與武谿合武谿水南入重山在曲江縣界謂之瀧

中瀧水南逕曲江縣東號北瀧水水左即東谿口亦名東江又名始興水東江又西注于北江謂之東江口漆水自此有始興大江之名南逕瀆陽縣西又西南歷瀆陽峽出峽則瀆水注之又西南滙水入焉又西南至中宿縣 大清一

統志漆水一名肄水即今始興大江也源出桂陽州臨武縣華陰山東流經郴州宜章縣流入乳源縣西北又經英德縣東又西南入廣州府

清遠縣界按水經以漆水為經流尋源既遠又合武溪東江諸水故謂之始興大江以別于東江後人混漆于瀆即以始興水為瀆水乃并東而混之且謂瀆武二水抱城回曲因名曲江無

論道元以曲為山岡之名非江流回曲之謂即以水道考之漆水自北而南合武水先逕曲江縣東然後南逕瀆陽縣西又西南出瀆陽峽而後瀆水注之安得曲江縣遂有瀆武抱城之說

元和志于瀆陽縣云漆水一名始興大江北自韶州曲江縣界流入是漆由曲江而及瀆陽與瀆水為二與水經合乃于曲江縣又云瀆水在縣東一里漢征南越下瀆水即此則語屬牽合

始以湊水本在縣東而訛也又寰宇記云湊水源從虔州信豐縣分流西合大庾嶺銀岡水入瀆陽縣界至韶州合始興樂昌水入海通志則以出信豐者爲昌水又謂瀆水源出庚嶺始皆因水經注東溪連溪源出南康旣混始與大江于東江遂混東江爲瀆水而發源亦混矣明統志謂曲江至英德縣又名始興江通志又謂瀆水源出清遠縣之湊源山按英德本瀆陽縣地而清遠卽漢之中宿縣又在英德下流紛紜繆戾愈辨愈舛矣 漢書考異秦水卽說文之湊水也 雁蓋漚字之訛師古讀爲胡賄反失之遠矣 按湊水說文以出桂陽臨武者當之而水經注汝水篇亦有出平輿之洧水若其出鄭地所謂湊洧之水者說文作澮其音如湊其字不作湊也水經及酈注亦並作澮其混不知何時蓋毛詩外傳國語孟子史漢諸書凡言洧澮之水者皆改爲湊形聲俱變實不可解不有水經注人又以說文爲異字矣

莽曰大武便

索隱音鞭 水經末水又北過便縣之西 元和志今郴州高亭縣本漢便縣 大清一統志便縣故城卽今郴州永興縣治 按功臣侯表便頃侯吳淺孝惠元年以父長沙王功封據表注以爲南郡之編縣索隱曰縣屬桂陽則當从水經注爲是

莽曰便屏南平

說文澗水出桂陽南平西入營道 水經鍾水出桂陽南平縣都山注云都山卽都龐之嶠五嶺之第三嶺也鍾水卽嶠水 元和志今郴州藍山縣本漢南平縣 輿地紀勝南平故城在今桂陽軍藍山縣東五里 大清一統志南平故城在今桂陽州藍山縣東縣志云今縣東南平鄉是

未陽

說文邾今桂陽郡陽縣从邑未聲臣鍇曰按字書縣有未水下入郴也 水經未水又西北過未陽縣之東注云未陽舊縣也蓋因水以制名東傍未水水東肥南有郡故城 師古曰縣在未水之陽也 隋志衡山郡涿陰縣舊曰未陽平陳後改 元和志今衡州未陽縣本秦舊縣因未水在縣東爲名又常寧縣亦未陽地 寰宇通志未陽縣故城在今衡州府未陽縣鷺山口 大清一統志未陽故城在今衡州府未陽縣東北四十五里 春山春水所出北至鄒屬長沙國

入湖

水經注春水上承春陵縣西北潭山又北迤新寧縣東又西北流注于湘水 方輿勝覽春陵山在寧遠縣東北七十五里五山相接山勢秀拔春陵水出焉 明統志春水源出春陵山東南流經桂陽州藍山縣界下流入湘 今水經春水源出道州寧遠縣東北七十五里春陵山東流逕桂陽州藍山縣界又東流至桂陽州北

三十里歸水入之又北至常寧縣界入于湘 大清一統志春陵山在今永州府寧遠縣東北接新田縣界春水在今永州府新田縣南東流入桂陽州名衡塘水合藍山縣歸水循州境西下十八灘合桂水至衡州府常寧縣爲焦源河經道遙山東又自縣東北折而西經盟山及風仙山北入湘 水道提綱春陵水源出新田縣西北與寧遠界之春陵山俗曰烏江源也東南流經縣城西南又東南至石口與歸水會歸水卽舜水源出九疑山東北流經嘉禾縣城南又東北至石口東與春陵水合入于湘

過郡二

過桂陽長沙二郡 行七百八十里莽曰南平亭桂陽

本書南粵傳元鼎四年遣使諭南粵衛尉路博德屯桂陽待使者 應劭曰桂陽桂水所出東北入湘 裴氏廣州記五嶺一名桂陽 水經注桂水出桂陽縣北界山北東逕南平縣而東北流屆鍾亭右會鍾水通爲桂水也 通典今連州所理桂陽縣漢舊縣以其在桂水之陽爲名 元和志今連州桂陽連山二縣並漢桂陽縣地 輿地廣記連州桂陽縣漢屬桂陽郡所謂小桂也 方輿勝覽桂水在桂陽縣西南方輿紀要桂陽山在連州西北二十八里縣名桂陽以此其山與九疑對峙凡數百里 大清一統志桂陽故城卽今廣東連州治桂水在郴州西四十里源出桂陽州藍山縣南東北流逕

嘉禾縣又東北入州界合春水入涇水

舊作匯水誤

南至四會

屬南海郡

入鬱

舊作入鬱林誤 史記南越傳尉佗移檄告涇谿關索隱曰鄒氏劉氏本涇並作涇漢書作涇而姚察云史記作匯今本有涇涇及匯不同蓋出隨見輒改故也 本書武帝紀元鼎五年秋遣伏波將軍路博德出桂陽下涇水 說文涇水出桂陽縣盧聚山涇浦關為桂水从水匡聲

海內東經涇水出桂陽西北山東南注肄水

徐廣史記音義涇水一名涇水出桂陽通四

會亦曰涇水又曰桂水皆別名也 水經涇水

出桂陽縣盧聚東南過合涇縣南出涇浦關為

桂水注云涇水出桂陽縣西北上驛山盧溪為

盧溪水東南流逕桂陽縣故城涇水又東南逕

陽山縣東南又經合涇縣左合翁水又東南在

合陶水又經合涇縣西又南出涇浦關為桂水

右合涇水謂之涇口 方輿紀要涇水出湖廣

寧遠縣九疑山流入廣州府界經連州陽山縣

東西南流經州城東又折而東南入韶州府英

德縣界又南流入廣州府清遠縣境至縣東南

與涇水合亦曰滄水亦曰涇水亦曰洗水其合

涇水之處亦曰涇口亦曰洗口漢時路博德引

兵下涇水即此 大清一統志涇水一名涇水

一名洗水一名桂水又名盧水源出連州西北

東南流經陽山縣南又東南流入韶州府英德縣界經縣西北四十二里又西南流入涇水

水道提綱涇水古所謂涇水也源出連山縣西南境東流經縣城南又東北至連州西南又東

經州城南又東南至連山縣北境又南經縣城

西南又東南至英德縣南而東與涇江合源流

五百餘里 漢書考異匯字是涇字之誤水經

注可證鬱下不當有林字鬱林郡廣鬱縣下首

受夜郎豚水東至四會入海此涇水亦至四會

入鬱也 按宋祁云景本無林字是舊時本無

林字也

過郡二

過桂陽南海二郡

行九百里

陽山

史記南越傳尉佗移檄告陽山關絕道自守索

隱曰姚氏云桂陽有陽山縣今此縣上流百餘

里有騎田嶺當是陽山關 應劭曰今陰山也

宋書州郡志陽山本漢舊縣後漢曰陰山吳始

興郡無此縣當是晉後立 水經注涇水南逕

陽山縣故城西又逕陽山縣南縣故合涇縣之

桃鄉也 又云涇水又西北過陰山縣南本陽

山縣也縣東北猶有陽山故城即長沙孝王子

宗之邑也 師古曰下有陰山應說非也

通典今衡州湘潭縣漢陽山縣有南嶽衡山

元和志今連州陽山縣本漢舊縣為南越置關

之邑故其關在縣西北四十里茂溪口漢破南

越遂以為縣韓愈送區册序陽山天下之窮處

也 九域志日出先照故名陽山 方輿紀要

陽山故城在今連州陽山縣南新唐書志陽山

縣有秦涇溪關郡國志陽山縣理涇水之南即

其故墟 又云陽山關在陽山縣北當騎田嶺

路秦始皇二十六年既定南越遂于此置關姚

氏曰縣去騎田嶺不過百餘里嶺即郴州之黃

岑山也 大清一統志陽山故城在今連州陽

山縣東關在縣西北涇水上縣志云陽山鎮在

縣南二里即漢故縣 漢書顏注拾遺桂陽郡

陽山陰山皆云侯國而後漢省并陽山入陰山

故應氏云然師古規之過矣 新校地理志縣

在九疑山之陽故得稱

侯國

王子侯表陽山節侯宗元帝初元元年以長沙

孝王子封

曲江

盛宏之荊州記始興郡有東州江發源南康大

庾嶠下南流西轉與北江合 水經注縣昔號

曲紅曲紅山名也東連岡是矣 又云曲江縣

東傍瀧谿谿水在左即東谿口也水出江州南

康縣界石閭山西流而與連水合連水南流注

于東谿東谿亦名東江又名始興水又西逕始

興縣南又西入曲江縣又西與利水合利水南

注東江東江又西注于北江謂之東江口 元

和志今韶州郭下曲江縣本漢舊縣江流回曲

因為名又樂昌仁化二縣亦曲江地 輿地

紀勝涇水武水合而曲抱州城故曰曲江 方

輿紀要涇水南至韶州府東南武水流合焉二

水相合謂之相江其水抱城回曲故曰曲江又流經城東亦曰東江也 大清一統志曲江故城在今韶州府曲江縣西 又云東江一名始興水一名湘江以晉置湘州故也在今曲江縣東縣之所以名江及湊水有始興大江之名者本以江東八縣合流之故江源出今南安府之南康縣而與大庾嶺之澗水合流自寰宇記以湊水出虔州之信豐東合大庾嶺銀岡水流至韶州于是東江之迹晦而湊水并奪湊水之名矣 曾鞏曰熙寧八年予從知韶州王之林求得漢桂陽太守周府君碑其碑陰曲江字皆作曲紅而蒼江江夏字亦作紅蓋古字通用 洪适隸釋周府君碑陰宰曲紅者一人貫紅曲者十六人漢綏民校尉熊君碑亦同而兩漢書皆作曲江諸家地理書皆云水流屈曲故曰曲江惟水經注云縣昔號曲紅山之名也女工大功皆同用紅字未知鄺氏何所據也 趙明誠金石錄周府君碑陰題名凡三十一人姓氏具存自縣長區社而下凡十七人皆書爲曲紅則是當時縣名曲紅無可疑者不知兩漢書皆作曲江何也 葉奕苞經鋤堂雜誌洪氏跋周際碑陰以兩漢書有曲江無曲紅水經注以曲紅爲山名不知何據按漢綏民校尉熊君碑亦云桂陽曲紅灌陽長則鄺氏之說似爲可信 水經注釋寰宇記梓州射洪縣下引李膺記云婁僕灘東有射江土人語誤以江爲洪則知曲江之爲曲紅亦是音同之故 莽曰除虜

含滙

師古曰滙音匡 通典元和志並作滄滙 應劭曰滙水所出東北入沅 水經滙水自陽山縣東南過含滙縣注云應劭謂滙水東北入沅臣瓚注漢書謂沅在武陵去滙遠又隔水不得入沅也 後書衛胤傳注含滙故城在今廣州含滙縣東 元和志今廣州含滙縣本漢舊縣以縣界滙水爲名其漢時故城在今縣東四里 方輿紀要含滙廢縣在今英德縣西七十五里 大清一統志含滙故城在今韶州府英德縣西 按滙水即桂陽縣下誤作滙水者也集韻滙本作滙隸省作滙亦有作滙者蓋因避太祖諱缺筆作滙而誤作滙耳

瀆陽

鄭德讀瀆爲檉 孟康讀爲貞 蘇林音檉柱之檉 師古曰音丈庚反又音瀆 本書武帝紀元鼎五年遣樓船將軍楊僕出豫章下瀆水 說文瀆水出南海龍川西入溱从水貞聲 水經注溱水南逕瀆陽縣西縣東有瀆石山廣圓三十里溱水又西南歷瀆陽峽左則瀆水注之水出南海龍川縣西逕瀆陽縣南又注溱水 元和志今廣州瀆陽縣本漢舊縣在瀆水之陽因名瀆山在縣北四十里瀆水所出又韶州翁源縣亦瀆陽之地 方輿勝覽瀆山在今英德府瀆陽縣北四十里尉佗爲城於此真陽峽在真陽縣東南十五里崖壁千仞 今水經瀆水亦名北江源出大庾嶺流經南雄府城南又名保水始興縣在其東北杜安水西流來合之

又西南流凌江水來合之又西合朔水逕韶州府仁化縣治南會瀆水入之又逕韶州府城東黎谿入之又南流合武水爲曲江下流至英德縣西一十五里兩山對峙夾水號瀆陽峽又合翁溪逕廣州府溱水合焉至南海縣西入于西江 方輿紀要瀆陽廢縣即今韶州府英德縣治瀆水出南雄府北大庾嶺東南流經府城南又西經始興縣西而入韶州府界經府城東武水流注之亦曰曲江亦曰相江亦曰始興江又南流經英德縣西出瀆陽峽入廣州府清遠縣界經縣東又南流會溱水又南流經三水縣西至府西北三十餘里逶迤而下會于西江漢伐南越樓船將軍楊僕出豫章下瀆水是也 大清一統志瀆陽故城在今韶州府英德縣東瀆水發源惠州府龍川縣經連平州流經韶州府翁源縣南又東流經英德縣東南入溱水自元和志有瀆水在曲江縣東一里之說輿地紀勝有溱水亦名瀆水避仁宗嫌名改爲真水之說而瀆與溱始混寰宇記又有瀆水源從虔州信豐縣分流西合大庾嶺銀岡水入瀆陽縣界至韶州之說而瀆與東江又混考元和志所據漢書征南越出虔州而至龍川則下瀆水矣寰宇記所謂瀆水源出信豐者乃誤因水經注文道元云東溪水出始興東江州南康縣界石閣山晉之南康縣則唐宋之信豐縣也道元又云西流與連水合水出南康縣涼熱山連谿山即大庾嶺則寰宇記所謂西合大庾嶺水者也不

知出信豐者乃是東谿亦名東江亦曰始興水而與龍川之瀆水無與若韶州瀆水經行之道則斷從翁源縣始後人既知此為古瀆水仍牽于元和寰宇之說不得已加南字以別之誤矣

皇朝通志北江即瀆水出南雄府保昌縣北之梅嶺曰大庾河至府東北有保水合昌水來會西南流經始興縣東北有始興溪合諸水來會又西南有錦江自仁化縣來會經韶州府治曲江縣東北有樂昌縣水即湊水自湖南宜章縣合諸水來會又西南有漢溪自乳源縣來會

宣溪自陽山縣來會經英德縣東南有翁江自翁源縣來會又西南有滙水自陽山縣合連山縣連州諸水來會經清遠縣西分為二派一支曰綏江經三水縣分一支與西江支津會又東北至廣州府城西會西江正支東流有花縣水從化縣水來會又分二派東派會從化水于石門南為巨浸分支津會東江正支於府城西南

會西江及東江水又南入于海 水道提綱北江即古瀆水源出南雄府治保昌縣有三源北源出縣北曰大庾河東南流東北源曰保水出縣東北西南流東南源曰昌水出縣東北流並合于府東北水勢頗盛俗曰瀆江西南流至府城東北折而西經城南又西南經始興縣東北又西過縣北又西南經韶州府治曲江縣東北又西南經府城東南又南經英德縣北又南經縣城東南又西南合滙水即湊水也水勢大盛南流入清遠縣北境又西南經縣城東南又西至縣南又西南分為二派又合又分至廣州

府城西南會西江東江又南入于海 莽曰碁武 水經注作碁武 陰山

水經湘水又東北過陰山縣西泚水從東南來注之 又云泚水又西北過陰山縣南注云縣本陽山縣也縣東北猶有陽山故城形家言其勢王故塹山壘谷改曰陰山泚水又西北逕其縣東又西北入于湘 元和志今衡州衡山縣本漢陰山縣以縣東一百二十里有陰山也方輿紀要陰山城在今長沙府攸縣西北六十里 大清一統志陰山廢縣在今連州陽山縣北 按水經注云陰山本陽山縣縣東北猶有陽山故城形家言其勢王故塹山埋谷改曰陰山今據本志桂陽郡有陽山縣又有陰山縣皆云侯國至續志有陰山無陽山故應仲遠謂陽山今陰山而顏氏以應說為非殆未之詳考耳

宋志云陰山故舊縣屬桂陽吳湘東郡有此疑是吳所立沈約所云亦非孫吳所立是湘東郡而廢桂陽之陰山縣隸之故晉志湘東郡有陰山縣陰山縣未嘗廢省何容復立乎

侯國 漢書考異據水經注云陽山故長沙孝王子宗之邑以其勢王改曰陰山是陰山即陽山之改名矣志於陽山陰山兩縣下並云侯國則鄙注似未可據侯表亦未見有封陰山者當闕以俟考

漢書地理志補注卷四十二 武陵郡高帝置 史記蘇秦傳說楚威王曰西有黔中巫郡正義曰今朗州楚黔中郡漢更名武陵 後書南蠻傳秦昭王使白起伐楚略取蠻夷始置黔中郡漢興改為武陵 武陵先賢傳潘京世長為郡主簿太守趙偉甚器之問京貴郡何以名武陵京答曰鄙郡本名義陵在辰陽縣界與夷相接數為所破光武時移治東山之上遂易號傳曰止戈為武詩云高平曰陵于是名焉 劉昭續志注補前書本名武陵不知潘氏此對何所據而出 水經注秦昭襄王二十七年使司馬錯以隴蜀軍攻楚楚割漢北與秦至三十年秦又取楚巫黔及江南地以為黔中郡漢高祖五年割黔中故治為武陵郡 括地志秦黔中故城在今辰州沅陵縣西二十里 元和志秦黔中郡所理在辰州西二十里漢改黔中為武陵郡即今辰州溆浦縣 輿地紀勝武陵其地故郢之裔邑與夜郎諸夷錯 吳師道補注國策黔中今黔辰施沅等州 方輿紀要武陵郡秦黔中郡地今常德府辰州府之境是其地 地理志稽疑黔中郡故楚置秦昭王三十年因之漢之武陵郡也前志闕按楚世家秦本紀六國年表皆載之不知何以班氏不及至續志始補入之考國策及史記其時楚尚有新城郡巫郡秦省新城蓋并入漢中省巫蓋并入黔中水經注謂割黔中置武陵郡亦非也漢改其名非割也 按漢武陵郡今湖南常德府之武陵縣辰州

侯國 漢書考異據水經注云陽山故長沙孝王子宗之邑以其勢王改曰陰山是陰山即陽山之改名矣志於陽山陰山兩縣下並云侯國則鄙注似未可據侯表亦未見有封陰山者當闕以俟考

漢書地理志補注卷四十二 武陵郡高帝置 史記蘇秦傳說楚威王曰西有黔中巫郡正義曰今朗州楚黔中郡漢更名武陵 後書南蠻傳秦昭王使白起伐楚略取蠻夷始置黔中郡漢興改為武陵 武陵先賢傳潘京世長為郡主簿太守趙偉甚器之問京貴郡何以名武陵京答曰鄙郡本名義陵在辰陽縣界與夷相接數為所破光武時移治東山之上遂易號傳曰止戈為武詩云高平曰陵于是名焉 劉昭續志注補前書本名武陵不知潘氏此對何所據而出 水經注秦昭襄王二十七年使司馬錯以隴蜀軍攻楚楚割漢北與秦至三十年秦又取楚巫黔及江南地以為黔中郡漢高祖五年割黔中故治為武陵郡 括地志秦黔中故城在今辰州沅陵縣西二十里 元和志秦黔中郡所理在辰州西二十里漢改黔中為武陵郡即今辰州溆浦縣 輿地紀勝武陵其地故郢之裔邑與夜郎諸夷錯 吳師道補注國策黔中今黔辰施沅等州 方輿紀要武陵郡秦黔中郡地今常德府辰州府之境是其地 地理志稽疑黔中郡故楚置秦昭王三十年因之漢之武陵郡也前志闕按楚世家秦本紀六國年表皆載之不知何以班氏不及至續志始補入之考國策及史記其時楚尚有新城郡巫郡秦省新城蓋并入漢中省巫蓋并入黔中水經注謂割黔中置武陵郡亦非也漢改其名非割也 按漢武陵郡今湖南常德府之武陵縣辰州

漢書地理志補注卷四十二 武陵郡高帝置 史記蘇秦傳說楚威王曰西有黔中巫郡正義曰今朗州楚黔中郡漢更名武陵 後書南蠻傳秦昭王使白起伐楚略取蠻夷始置黔中郡漢興改為武陵 武陵先賢傳潘京世長為郡主簿太守趙偉甚器之問京貴郡何以名武陵京答曰鄙郡本名義陵在辰陽縣界與夷相接數為所破光武時移治東山之上遂易號傳曰止戈為武詩云高平曰陵于是名焉 劉昭續志注補前書本名武陵不知潘氏此對何所據而出 水經注秦昭襄王二十七年使司馬錯以隴蜀軍攻楚楚割漢北與秦至三十年秦又取楚巫黔及江南地以為黔中郡漢高祖五年割黔中故治為武陵郡 括地志秦黔中故城在今辰州沅陵縣西二十里 元和志秦黔中郡所理在辰州西二十里漢改黔中為武陵郡即今辰州溆浦縣 輿地紀勝武陵其地故郢之裔邑與夜郎諸夷錯 吳師道補注國策黔中今黔辰施沅等州 方輿紀要武陵郡秦黔中郡地今常德府辰州府之境是其地 地理志稽疑黔中郡故楚置秦昭王三十年因之漢之武陵郡也前志闕按楚世家秦本紀六國年表皆載之不知何以班氏不及至續志始補入之考國策及史記其時楚尚有新城郡巫郡秦省新城蓋并入漢中省巫蓋并入黔中水經注謂割黔中置武陵郡亦非也漢改其名非割也 按漢武陵郡今湖南常德府之武陵縣辰州

漢書地理志補注卷四十二 武陵郡高帝置 史記蘇秦傳說楚威王曰西有黔中巫郡正義曰今朗州楚黔中郡漢更名武陵 後書南蠻傳秦昭王使白起伐楚略取蠻夷始置黔中郡漢興改為武陵 武陵先賢傳潘京世長為郡主簿太守趙偉甚器之問京貴郡何以名武陵京答曰鄙郡本名義陵在辰陽縣界與夷相接數為所破光武時移治東山之上遂易號傳曰止戈為武詩云高平曰陵于是名焉 劉昭續志注補前書本名武陵不知潘氏此對何所據而出 水經注秦昭襄王二十七年使司馬錯以隴蜀軍攻楚楚割漢北與秦至三十年秦又取楚巫黔及江南地以為黔中郡漢高祖五年割黔中故治為武陵郡 括地志秦黔中故城在今辰州沅陵縣西二十里 元和志秦黔中郡所理在辰州西二十里漢改黔中為武陵郡即今辰州溆浦縣 輿地紀勝武陵其地故郢之裔邑與夜郎諸夷錯 吳師道補注國策黔中今黔辰施沅等州 方輿紀要武陵郡秦黔中郡地今常德府辰州府之境是其地 地理志稽疑黔中郡故楚置秦昭王三十年因之漢之武陵郡也前志闕按楚世家秦本紀六國年表皆載之不知何以班氏不及至續志始補入之考國策及史記其時楚尚有新城郡巫郡秦省新城蓋并入漢中省巫蓋并入黔中水經注謂割黔中置武陵郡亦非也漢改其名非割也 按漢武陵郡今湖南常德府之武陵縣辰州

漢書地理志補注卷四十二 武陵郡高帝置 史記蘇秦傳說楚威王曰西有黔中巫郡正義曰今朗州楚黔中郡漢更名武陵 後書南蠻傳秦昭王使白起伐楚略取蠻夷始置黔中郡漢興改為武陵 武陵先賢傳潘京世長為郡主簿太守趙偉甚器之問京貴郡何以名武陵京答曰鄙郡本名義陵在辰陽縣界與夷相接數為所破光武時移治東山之上遂易號傳曰止戈為武詩云高平曰陵于是名焉 劉昭續志注補前書本名武陵不知潘氏此對何所據而出 水經注秦昭襄王二十七年使司馬錯以隴蜀軍攻楚楚割漢北與秦至三十年秦又取楚巫黔及江南地以為黔中郡漢高祖五年割黔中故治為武陵郡 括地志秦黔中故城在今辰州沅陵縣西二十里 元和志秦黔中郡所理在辰州西二十里漢改黔中為武陵郡即今辰州溆浦縣 輿地紀勝武陵其地故郢之裔邑與夜郎諸夷錯 吳師道補注國策黔中今黔辰施沅等州 方輿紀要武陵郡秦黔中郡地今常德府辰州府之境是其地 地理志稽疑黔中郡故楚置秦昭王三十年因之漢之武陵郡也前志闕按楚世家秦本紀六國年表皆載之不知何以班氏不及至續志始補入之考國策及史記其時楚尚有新城郡巫郡秦省新城蓋并入漢中省巫蓋并入黔中水經注謂割黔中置武陵郡亦非也漢改其名非割也 按漢武陵郡今湖南常德府之武陵縣辰州

府之沅陵辰溪溆浦三縣沅州府之黔陽縣永順府之永順保靖二縣澧州之慈利縣又湖北荊州府之公安縣宜昌府之長陽縣皆其地

莽曰建平屬荊州縣十三

索孱陵臨沅沅陵鐔成無陽遷陵辰陽西陽義陵俱山零陽充

索

如淳曰音繩索之索 續郡國志漢壽故索陽嘉三年更名 水經注漢壽縣治索城即索縣之故城也順帝陽嘉中改從今名 元和志朗州龍陽縣本漢索縣地 方輿紀要漢武陵郡治索縣後漢陽嘉三年更名漢壽故城在今常德府武陵縣東四十里名漢壽鄉 大清一統志索縣故城在今常德府武陵縣東北六十里 漸水東入沅

水經注澧水出漢壽縣西陽山南流東折逕其縣南闕駟以爲輿水所出東入沅而是水又東歷諸湖方南注沅亦是漸水也水所入之處謂之鼎口 方輿勝覽武陵縣有水名鼎口中多魚 大清一統志漸水在縣北源出梁山流入龍陽縣西北入沅水一名澧水一名鼎水亦謂之烏江 常德府志漸水源出梁山西麓靈泉寺側石罅中東北歷諸湖而出鼎港

孱陵

應劭曰孱音踐 師古曰音仕連反 劉賢音仕顏反 晉書音義音士限反 水經注江水又逕南平郡孱陵縣之孱鄉城北縣治故城劉備孫夫人更修之其城背油向澤江水又東右

合油口又東逕公安縣北縣有油水 後書南蠻傳注孱陵故城在今荊州公安縣西南 通典今荊州公安縣岳州華容縣豐州安鄉縣並漢孱陵縣地 九域志江陵府公安邱有孱陵鎮 名勝志孱陵漢高帝五年置遺址在今荊州府公安縣西南二十五里 大清一統志孱陵故城在今荊州府公安縣南

莽曰孱陸

臨沅

師古曰沅音元 應劭曰沅水出牂柯入于江 水經注沅水又東歷臨沅縣西又東逕臨沅縣南縣南臨沅水因以爲名 後書光武紀注臨沅縣故城在今朔州武陵縣 方輿紀要臨沅城在今常德府治東一名張若城地記云秦昭王三十年使白起伐楚起定黔中留其將張若守之若因築此城以拒楚城西又有司馬錯城與張若城相距二里同時所築 大清一統志臨沅故城在今常德府武陵縣西沅水在縣南今謂之沅江自辰州府沅陵縣東流入桃源縣界又東入武陵縣界又東入龍陽縣界又東入沅江縣界入洞庭湖

莽曰監沅

沅陵

功臣侯表沅陵頃侯吳陽高后元年以父長沙王功封 水經注沅水又東逕沅陵縣西有武溪源水石上有盤瓠跡又東逕沅陵縣北城北枕沅水又東逕沅陵縣故城北移縣治之舊城置都尉府因岡傍阿勢盡川陸臨沅對西二

川之交會也 又云酉水又東注沅陵縣北又東南注沅水闕駟謂之受水其水所決入名曰酉口 通典今辰州瀘溪縣有武谿水縣西有武山武陵紀云高可萬仞上有石窟有一石如狗形云是盤瓠漢沅陵縣地也 元和志今辰州郭下沅陵縣本漢舊縣又盧溪縣亦沅陵地 又云今溪州漢屬武陵郡爲沅陵遷陵二縣之地 方輿紀要今辰州府郭沅陵縣即漢縣 大清一統志沅陵故城在今辰州府沅陵縣西南

莽曰沅陸

潭成

應劭曰潭音淫 孟康音譚 郭璞音尋 師古曰孟音是 淮南人間訓始皇使尉屠睢發卒五十萬爲五軍一軍塞潭城之嶺高誘注潭城在武陵西南接鬱林郡 水經注無陽縣故潭成也晉義熙中改從今名 通典今欽州朗溪縣本漢潭成縣地有沅溪水 方輿紀要潭成廢縣在今沅州黔陽縣西 大清一統志潭成故城在今沅州府黔陽縣西南 康谷水南入海

水經浪水出武陵潭成縣北界沅水谷 按

康谷水當即水經之浪水

玉山潭水所出東至阿林

屬鬱林郡

入鬱

說文潭水出武陵潭成玉山東入鬱從水覃聲 水經注潭水出武陵郡潭成縣玉山東流逕

鬱林即潭中縣又逕中留縣東阿陵縣西右入鬱水 寰宇記潭江出黃水縣西北當麗山方輿紀要福祿江源出貴州黎平府古州長官司西南南流入廣西柳州府懷遠縣境遠縣西歷融縣東謂之融江亦名潭江又東南經柳州縣東至府城西而名柳江泝其源而言之亦曰黔江從其流而名之亦曰潯江也 大清一統志柳江上流即貴州黎平府福祿江自永從縣界流入柳州府懷遠縣西北名古州江亦謂之大江即古潭水也又南入融縣東為融江又經柳城縣西與龍江會曰合浦環繞縣南名潭江亦名柳江又經府城南又東南經象州西名象江又南入思恩府賓州潯州府武宣縣界按通志柳江有二一來自古坭一來自慶遠經柳城縣合流至郡古坭山在懷遠縣北潯水所出下流入融江此即從貴州永從縣來一支水也柳城西南有龍江自慶遠府流來本古周水下流入潭江此即從慶遠來一支水也 皇朝通志柳江出貴州永從縣西生苗山中入縣西界曰福祿江入廣西懷遠縣境東南流有水自永從縣西南境來會又東南分二派至懷遠縣北而合經融縣東北曰融江經羅城縣東北至柳城縣西北有龍江自慶遠府會貴州獨山州荔波縣水及南丹州河池州思恩宜山忻城天河諸縣水來會曰柳江至柳州府馬平縣西南有洛清江自雜容縣合永福縣諸水來會經象州北而南有都泥江即兩盤江來會 水道提綱柳江出貴州永從縣西生苗山中東南流入縣西

界曰福祿江又東南入廣西界經懷遠縣西北融縣東北曰融江又經羅城縣東北柳城縣西北入柳江又經柳州府城象州城至天孟山西南紅水河自來賓縣來會俗曰都泥江也 段氏說文注潭水即今福祿江源出苗地東南至今貴州黎平府西為古州江東至永從縣南合彩江為福祿江入廣西界至柳城縣為柳江又東南經象州至潯州府城北曰潯江此為廣西之右江亦曰北江合廣西左江亦曰南江即所謂入鬱也唐始置潯州以北潯江為名潯江即古潭水古二字同音因改其字耳今人以上流為柳江下流為潯江漢人統曰潭下流亦曰溜潭與溜實一水也 按潭當作鐔縣所名也宋景文亦云 過郡二 過武陵鬱林二郡 行七百二十里 無陽無水首受故且蘭 屬牂柯郡 南入沅行八百九十里 水經注沅水東逕無陽縣對無水因以氏焉無水出故且蘭南流至無陽故縣又東南入沅謂之無口 又云沅水東南流逕無陽故縣南 元和志今欽州龍標縣本漢無陽縣地縣在無水之陽故名 輿地紀勝沅州盧陽縣本漢無陽縣地澧水在其界巫無澧舞澧一水而五名聲之變耳 方輿紀要清江在今貴州思州府東即舞水也經鎮遠府境曰鎮洋江流至府

西三十里曰在溪以泉水所瀦也又東經城南曰界溪至府東二十里曰平溪流入湖廣沅州境注于沅江 又云鎮陽江在今貴州鎮遠府治南一名鎮南江又名澧溪志以為五溪之一也亦曰鎮遠河受興隆黃平諸水過府城而東流三百餘里入于沅江 大清一統志無水自貴州思州府玉屏縣東流二十里至掛榜灘入沅州府界又東流一百七十里至郡城西又經城南折而東南流至黔陽縣城西入沅水一曰巫水亦曰澧水又曰舞水一作澧水武陵五溪之一也 又云西門河在今貴州平越府黃平州西即澧溪之源漢志所謂無水也一名鎮南江又名鎮陽江流入鎮遠府城南又東北入思州府城東名清江合府境諸水流入玉屏縣界謂之平江又東入湖南沅州府境注于沅江 水道提綱武溪即澧溪有數源名稱不一其最遠者出貴州銅仁府北界印江縣東南界烏羅司南山東南流又折而東北共百餘里入湖南界經乾州衛西又東北有烏巢江自西南來會水勢始盛又東南又東北流經瀘溪城南東入沅江 遷陵 水經注延江水又東南入遷陵縣 又云沅水又東逕遷陵故縣界與西鄉溪合即延江之支津更始之下流也謂之西鄉溪口又東逕遷陵縣故城北 元和志今溪州三亭縣本漢遷陵縣 方輿紀要遷陵城在今四川西陽宣撫司東南接湖廣辰州府界 大清一統志遷陵故

城在今永順府保靖縣東

莽曰遷陸

辰陽

屈原九章朝發枉渚兮夕宿辰陽王逸注辰陽

地名 水經注沅水又東逕辰陽縣東南合辰

水辰水逕縣北舊治在辰水之陽故取名焉

後書宋均傳注辰陽今辰州辰溪縣 通典今

辰州辰溪縣漢曰辰陽縣即武溪之一 元和

志今辰州辰溪縣本漢辰陽縣以在辰水之陽

也故城在縣東 大清一統志辰陽故城在今

辰州府辰溪縣西

三山谷辰水所出南入沅

水經注辰水出辰陽縣三山谷東南流獨母水

注之又逕其縣北右會沅水名之為辰溪口武

陵有五溪謂雄溪構溪無溪酉溪辰溪其一焉

為夾溪悉是蠻獠所居故謂此蠻為五溪蠻也

九域志麻陽縣有辰水 今水經辰水在辰

州府東源出府城東二百四十里三崕山南流

入沅 方輿紀要辰水源自三崕山南流至辰

溪縣界入沅江一名辰溪即禹貢九江之一也

大清一統志九龍山在銅仁府城西烏羅司

西南六十里一名梵淨山俗名飯甑山又名月

鏡山即古之三山谷辰水源出九龍山東流經

府城西南名銅仁江又東南入辰州府鳳凰營

及麻陽縣界又東北流辰溪縣西南入沅武陵

五溪之一也亦名辰溪一名錦水又名錦江以

此水經古錦州故謂之錦水沅陵縣東亦有辰

水南流入沅與此水名同實異 水道提綱麻

陽河即古辰水有數源最遠者出貴州銅仁府

西北界曰順溪南流合諸水經府城南又東入

湖南麻陽縣界又東南經縣城南折而北經城

東又東北至辰溪縣城西南入沅江

行七百里莽曰會亭

酉陽

水經注酉水東逕酉陽故縣南縣故酉陵也

元和志今黔州彭水黔江洪杜三縣本漢酉陽

縣地 又云今思州在楚為黔中地秦拔之置

郡自漢至吳並為武陵郡酉陽縣地 晏殊類

要酉陽故城在今沅陵縣西 名勝志酉陽城

在今沅陵縣城西即黔中郡故城基也 方輿

紀要酉陽城在今湖廣辰州府沅陵縣西北一

百二十里酉陽山在四川酉陽宣撫司西北一

百八十里接重慶府黔江縣界 大清一統志

酉陽故城在今永順府永順縣南 漢書正誤

按下充縣下云酉原山酉水所出南至沅陵入

沅酉水入沅不入湘西陽乃酉水所經非所出

之地應劭以為酉水所出東入湘誤也

義陵

常林義陵記項羽殺義帝武陵人縞素哭于招

屈亭高祖聞而義之故曰義陵 水經注縣治

序溪其城劉備往秭歸馬良率諸蠻所築也所

治序溪最為沃壤 通典今辰州澧浦縣本漢

義陵縣 元和志漢改黔中為武陵郡移理義

陵即今辰州澧浦縣也 大清一統志義陵廢

縣在今辰州府澧浦縣南三里龍堆隴 按功

臣侯表義陵侯吳鄂高祖九年以長沙王柱國

封即此徐廣云一作義陽司馬貞遂謂義陽縣

在汝南誤矣

郟梁山序水所出西入沅

水經注序水出武陵郡義陵縣郟梁山西北流

逕義陵縣又西北入于沅序與澧通 輿地廣

記澧溪水出郟梁山楚詞所謂入澧浦而逕迴

兮迷不知吾之所如即此水也 今水經澧水

有二源一出龍潭在澧浦縣南一百二十里當

黔陽界有溪東流至巡檢司前匯而為潭龍潭

之水由地中行者二里出而南流六十里郟梁

之水自東而始入桶溪之水又六十里一源出

龍灣在縣東二十里自頓家山出匯而為潭二

水至縣前為雙龍江經縣西三十里下流入于

沅江 方輿紀要澧水在今澧浦縣西三十里

一名澧溪又名澧川楚詞所謂澧浦也 大清

一統志郟梁山在今澧浦縣東南一百五十里

今名頓家山接寶慶府邵陽縣界縣志云頓家

山遠近賃茶者多佃于此故茶以澧浦名澧水

在澧浦縣南古名序水序亦作敘亦名序溪又

名雙龍江亦曰澧川源出頓家山西北流入辰

溪縣南界江口入沅 水道提綱雙龍江即澧

水有二源南源曰龍潭潭出龍潭司南山東源

曰龍灣河出畚刀界北並西北流數十里而合

又北流至澧浦縣城南折而西六十里為小江

口又西三十里為大江口與沅江會

郟曰建平

郟山 孟康曰假音恆出藥草恆山 晉書音義假恆

懇反 水經注夷水又東逕假山縣故城南縣
卽山以爲名也孟康曰音恆出藥草恆山今世
以銀爲音也南一里卽清江東注矣 寰宇記

故假山縣城在今峽州長陽縣西六十五里假
山在今峽州遠安縣境 方輿紀要假山城在
夷陵州長陽縣西六十五里地名同昌市假音
銀 大清一統志假山城在今湖北宜昌府

長陽縣西假山在縣西北八十里 漢書正誤
據水經注恆山二字乃酈注之文謂孟康音恆
今則音銀也恆山二字疑編書者因讀水經注
而誤增 按說文玉篇廣韻皆有恆字無恆字

然兩漢志及晉宋齊舊唐志并水經注並作假
則作恆者非也又有作狼者又因狼字而誤
又按太平御覽九百九十二藥部有恆山引廣
雅曰恆山蜀漆也又引永嘉記曰恆山出松陽

永寧縣又引本草經曰恆山一名元草味苦寒
又引吳氏本草曰蜀漆葉一名恆山是恆山卽
蜀漆之別名也

零陽
水經注澧水又東合零溪水源南出零陽之山
歷溪北注於澧水澧水又東逕零陽縣南 通
典今澧州所理澧陽縣本漢零陽縣地有崇山

卽放驢兜之所又慈利石門二縣亦零陽縣地
又溪州大鄉三亭二縣亦漢零陽縣地 元和
志今澧州所理卽漢武陵郡之零陽縣地以在
零水之北故名 荊州圖經零陽縣以界內有
零谿水爲名 大清一統志零陽故城在今澧
州慈利縣東 漢志正誤按水經澧水過零陽

縣北注云零溪水源出零陽之山歷溪北注於
澧水零水入澧不入湘應劭謂零陽縣零水所
出東南入湘者誤也

充
元和志充縣故城在今澧州崇義縣東北一里
大清一統志充縣故城在今澧州慈利縣西
二百四十里
西原山西水所出南至沅陵

屬本郡
入沅行千二百里
水經注西水導源益州巴郡臨江縣故武陵之
充縣西源山東南流逕無陽故縣南又東逕遷

陵縣故城北又東逕西陽故縣南又東逕沅陵
縣北又南注沅水關駟謂之受水其水所決入
名曰西口 今水經西水源出四川西陽經辰
州府城西南五里東入于沅 方輿紀要西水

源出西陽宣撫司界東流入辰州府境經府西
三里入沅水一名西溪亦禹貢九江之一也漢
志謂出充縣西源山蓋西水別流非卽此水也
大清一統志西水源出永順府永順縣西北

南流經縣西南又東南流入辰州府沅陵縣西
北合會溪入沅一名西溪又名北河 水道提
綱北河有數源並出四川湖廣貴州三省交界

之地東流入湖南永順府西界曰北河又東經
保靖縣城北又東南經辰州府城西南入沅江
卽古之西水也其水行五百餘里
歷山澧水所出東至下雋
屬長沙國

入沅
師古曰澧音禮 史記作醴 禹貢又東至于
澧 楚詞捐余佩于澧浦 又沅有芷兮澧有
蘭 鄭康成曰經言過言會者水也言至者或

山或澤也澧宜山澤之名 水經澧水出武陵
充縣西歷山東過其縣南又東過零陽縣北又
東過唐縣北又東至長沙下雋縣西北東入

于江注云澧水自充縣東流茹水溫泉水臨零
溪水九渡水注之又東逕零陽縣澧陽縣澧陽
縣入作唐縣又東逕南安縣與赤沙湖水會又

東南注于沅曰澧口蓋其支瀆耳又東至長沙
下雋縣西北東入于江澧水流注洞庭湖俗謂
之澧江口也 岳陽風土記據水經注澧水會

于沅然後入湖今澧水注于洞庭謂之澧口沅
水注于洞庭謂之鼎江口豈歲月之久遂遷變
至此耶 史記索隱孔安國馬融王肅皆以澧

爲水名當得其實又虞喜志林以醴是江沅之
別流而醴字作澧也 通鑑地理通釋澧水出
慈利縣歷山東至辰州沅陵縣入沅注于洞庭

方輿紀要澧水出岳州府澧州慈利縣西三
千里之歷山經縣北又東逕石門縣南至州城
南謂之蘭江又東經安鄉縣華容縣南而入洞
庭湖 尙書地理今釋澧水出今湖廣永定衛
西歷山至岳州府安鄉縣南會赤沙河入洞庭
湖 大清一統志歷山在今澧州永定縣西北
澧水源出于此東北流逕慈利縣又東北流逕
石門縣又東南流逕安福縣北又東北流逕州
南又東南流逕安鄉縣又東流入岳州府華容

縣南入洞庭湖 皇朝通志澧水有三源一源

出湖南桑植縣境一源出永順府西北大山一

源出桑植縣之太平鎮合流經安福縣西南又

東南經永定縣南東流經慈利縣西有九溪河

自施南府東境宣恩縣長樂縣之霧江經安

福縣來會東流有鐵水河自長樂縣來會經石

門縣南又東經澧州城南分為二派一東北流

有大江支津自江陵縣西南合三江湖諸水自

公安縣來會一支東南流合石門縣之道溪水

東流又分數支至安鄉縣西北羣流並合有從

河自常德府武陵縣來會又東分為二派一東

南流入洞庭湖一東北流合公安縣東北之白

蓮湖水至華容縣西南境入洞庭湖 水道提

綱澧水有二源南源曰上洞河出永順府治西

北境大山北源曰兩家河出太平鎮舊建城北

山兩源會于桑植縣城南又東南至安福縣城

西北折而西南又東經永定縣南南岸即天門

山也又東北有天堂寺前水來注之自此曰澧

江河東北流至慈利縣城西九谿河自西北來

會又東北經石門縣城南又東經澧州城南新

渡之北又東分為二派一東北流一東南流至

安鄉縣西北之西台瓦羣流畢合又南經安鄉

城西折而南又東分為二派並入洞庭湖 按

沅澧不相通為洞庭湖所隔也

過郡二

過武陵長沙二郡

行一千二百里

漢書地理志補注卷四十三

零陵郡武帝元鼎六年置

史記五帝紀舜南巡狩崩于蒼梧之野葬于江

南九疑是為零陵 水經注零陵郡治故楚地

漢武帝元鼎六年分桂陽置太史公曰舜葬九

疑實惟零陵郡取名焉 後書安帝紀注零陵

郡今永州也 方輿紀要零陵郡秦長沙郡地

漢初屬長沙國武帝元鼎六年置今永州府至

廣西全州是其境 地理志稽疑零陵乃長沙

桂陽之分郡而晉志以為新開安矣 漢書考

異當云故屬長沙 按漢零陵郡今湖南永州

府之零陵寧遠二縣及道州寶慶府之新寧縣

及武岡州衡州府之衡陽縣又廣西桂林府之

臨桂縣及全州皆其地

葬曰九疑屬荊州縣十

零陵營道始安夫夷營浦都梁冷道泉陵洮陽

鍾武

零陵

本書五行志哀帝建平三年零陵有樹僵地三

月樹卒自立故處 又藝文志縱橫家秦零陵

令信一篇難秦相李斯 元和志今永州灌陽

縣本漢零陵縣地 舊唐書地理志零陵故城

在湘源縣南七十八里 輿地廣記零陵城在

今清湘縣南 大清一統志零陵故城在今桂

林府全州北三十里州志云地名梅潭有舊城

址濠塹尚存俗稱改州

陽海山湘水所出北至鄰

屬長沙國

入江

海內東經陽朔山湘水出舜葬東南陬西環之

入洞庭下郭注環繞也今湘水出零陵營道縣

陽朔山入江洞庭地穴也在長沙巴陵今吳縣

南太湖中有包山下有洞庭穴道潛行水底無

所不通號為地脈 應劭曰湘水出零山 續

郡國志零陵陽朔山湘水出 水經湘水出零

陵始安縣陽海山東北過零陵縣東注云陽海

山即陽朔山也應劭曰湘出零山蓋山之殊名

也山在始安縣北故零陵之南部也湘灘同源

分為二水南為灘水北則湘川東北過零陵縣

東越城嶠水注之又逕零陵縣南又東北逕觀

陽縣東與觀水合又東北逕洮陽縣東又東北

逕泉陵縣西 羅含湘中記有營水洩水雍水

祁水宜水春水蒸水洙水末水淥水連水澗水

瀉水汨水資水皆注湘湘水至清雖深五六丈

見底了了湘水之出于陽朔則觴為之舟至洞

庭日月若出于其中也 元和志陽朔山在

全義縣東南八十里即零陵山也湘水出此

寰宇記陽海山在郡城北一百七十里屬興安

縣一名陽朔山其山自永州零陵縣西迤邐岡

嶺連互不絕此山即湘灘二水之源 地理通

釋湘水出全州清湘縣陽朔山東入洞庭北至

衡州衡陽縣入江太史公浮沅湘即此 明統

志湘江流至湖口與瀟水合水至清雖十丈見

底中有穴名大澗每春夏漲數百步外皆奔

入穴中有聲如雷 今水經湘江源出廣西興

安縣海陽山下西北流至分水嶺分為二派曰

澗水流而南曰湘水流而北合越城嶠水至全州又合洮灌二水經東安縣盧江來注之至永州府城西南承水來入之又東北入永州府界至湘口與瀟水合曰瀟湘經永州府城北一十里又東經祁陽西北祁水東流來注之經常寧縣西春陵水從東來注之至衡州府城東與蒸水合曰蒸湘至衡州府城東北郴江來注之又東流入長沙界至于陵江口攸水西流來注之又北瀉水從東注之又北漣水東流來注之又北過長沙府西瀾水從東來注之又北瀉水從西南來注之又北過湘陰縣汨水西流來注之又北至沅江縣與沅水合曰沅湘會衆流以達于洞庭 方輿紀要海陽山在今桂林府興安縣南九十里本名陽海山谷曰湘灘二水皆出于此陽朔山在陽朔縣北隋置陽朔縣以此湘灘二水不出此山也 又云湘水在興安縣南海陽山其初出處曰靈渠流五里分爲二派流而南者爲瀨水流而北者曰湘水離離也言達湘而南湘相也言有所合也湘水東北流入衡州府境又東北流入長沙府境過湘陰縣西又北而達青草湖注于洞庭湖 又云湖嶺之間湘水貫之無出湘之右者凡水皆會焉自全州至永州北與瀟水合曰瀟湘歷祁陽合桂陽諸水至衡州北與承水合是爲蒸湘經湘陰入洞庭與沅水合又曰沅湘此卽三湘也 大清一統志陽海山在興安縣南九十里據後漢志及水經注皆以陽海山爲陽朔山而應劭及元和志又以爲零陵山蓋陽朔卽陽海之殊名非

今陽朔縣之陽朔山也零陵乃漢時陽朔山所在之郡應劭蓋謂湘出零陵郡之山非陽朔外又別有零陵之稱也 又云湘水自廣西全州流至黃沙河入永州府東安縣境一百七十里至石期市入零陵縣境又東北七十里至湘口合瀟水北流一百四十里入祁陽縣境又東北入衡州府常寧縣西北界又東北入衡陽縣又東北入衡山縣東界又北入長沙府湘潭縣界又北流四十里至善化縣境又七十里至長沙縣境一百里入湘陰縣境又四十里至湘陰縣南門繞西門又一百三十里合于青草湖 皇朝通志湘水源出廣西桂林府興安縣南曰海陽江北流分爲二復合有六洞山水自湖南城步縣來會又東北始名湘江經全州城南有羅水自湖南新寧縣界來會有灌水自灌陽縣來會又東北入湖南界經東安縣東南有右江來會經永州府治零陵縣西北有瀟水自道州合永明江華寧遠三縣諸水名曰泥江經府城西來會北流經祁陽縣西有盧洪江自東安縣禾新田桂陽州來會經衡州府治衡陽縣東南有蒸水來會北流有郴江自耒陽縣合桂東桂陽與寧郴州永興諸水來會經衡山縣南有沅水合攸水自酃縣茶陵州攸縣及安仁縣之小江來會又北有水自衡山來會又東北有淶江合泗汾河自醴陵瀏陽合江西之萍鄉萬載縣諸水來會經湘潭縣東南有漣水自湘鄉縣來會經長沙府治善化縣西南有瀏陽河自瀏陽

縣來會稍北有黃泥江自東北來會又北有瀨河自寧鄉縣來會又北有資江自益陽縣合武岡州新寧邵陽新化安化諸縣水分支經湘陰縣沅陵縣先後入洞庭湖其正支東流來會經湘陰縣西南有汨水自平江縣合諸水分流來會湘水分二派復合入洞庭湖 水道提綱湘水源出廣西桂林興安縣南之陽海山東北流合諸水至全州城南曰湘江又合諸水東北流曰合江又東北入湖南界經東安縣東南折東北至永州府治零陵縣西北有瀟水曰泥江自府城西北來會水始盛大故稱湘江也又北流至祁陽縣西南又東北至常寧縣北又北經衡州府衡陽縣東折西北至東江江又北有郴江來會曰耒口又北至衡山縣有洙水合攸水來會曰茶陵又北有淶江合泗汾河會江西萍鄉諸水來注之又北至湘潭縣又北有茶園水來會又北有涓水來注之又北有漣水來注之又北至長沙府善化縣西南又東北經府城西南又東北有瀏陽河來注之曰瀏口又西北資江合諸水來會曰喬口又東北流至湘陰縣西南折東北有汨水合諸水來注之曰汨羅口又東北至磊山洲分爲二派又北復合入洞庭湖曰湖口自源至此行二千餘里 過郡二行二千五百三十里 過零陵長沙二郡 又有離水東南至廣信 屬蒼梧郡 入鬱

舊作入鬱林誤

行九百八十里

本書武帝紀元鼎五年秋遣歸義越侯嚴為戈船將軍出零陵下離水徐廣曰離水在零陵通廣信 水經離水亦出陽海山南過蒼梧荔浦縣又南至廣信縣入于鬱水注云離水與湘水出一山而分源也湘離之間陸地廣百餘步謂之始安嶠即越城嶠也嶠水南流注于離名曰始安水又南逕始安縣東又東南流入熙平縣又西逕平樂縣左合平樂谿水又合瀨水上有離水關又南至廣信入于鬱 元和志桂江一名離水經臨桂縣東去縣十步楊僕平南越出零陵下離水即謂此也 柳開湘離二水說二水本一水也自陽海山西北流至縣東五里分水嶺始分為南北二水蓋昔人以二水相離故命之曰相離後人又加水云 方輿勝覽離水合東川以至梧灘瀧三百六十至昭而中分自昭而上至靜江不甚險惡自昭而下至梧多銳石灘高而水湍急 今水經離江源出廣西桂林府海陽山流五里分為二北為湘水南為離水離江至臨川縣東北銀江入之東南流至桂林府城南陽江入之又南合相思江又南經平樂府城南又合荔水至梧州府城西入于廣江 方輿紀要離江與湘江同源出桂林府與安縣陽海山東北流至興安縣北醜為二流離水則從靈渠南出繞桂林府城南而南流今自靈川縣而南亦曰靈江又曰融江入桂林界亦曰桂江亦曰始安江又經陽朔縣東而入平樂府

界亦名府江自平樂而南經昭平縣西以入于梧州界至梧州之西北仍曰桂江亦曰離江南流過府城西合于左右二江謂之三江口 大清一統志離江源出桂林府興安縣陽海山至漢潭與衆流匯乃分湘離二流南流為離水南由靈渠經靈川縣東北會象水南注府城繞城東北流名桂江又南經陽朔縣東入平樂府城南名府江又南經昭平縣東又南入梧州府蒼梧縣西北入大江 皇朝通志桂江即離水源出廣西桂林府興安縣南北流至縣東南為分湘離灑折西南有銀江自靈川縣北境來會經縣東南至府治臨桂縣北分而復合有馬溪來會西南流有相思江合永寧州永福義寧縣諸水來會經陽朔縣東北有縣溪來會經平樂府北有龍江自恭城縣來會又南有荔水自荔浦合修仁縣之修江來會經永安州東北又經昭平縣北有金芝巖東水來會又東南有蒼梧縣水來會至梧州府城西黔江鬱江來會東流至廣州府會瀆江龍川江入于海 水道提綱桂江即古離水亦曰離江與湘水同源而分流南北者也源出桂林府興安縣南之海陽山北流曰海陽江至縣東南遂北為分湘離灑其東北經全州至湖南北入洞庭湖者湘江也離江自分湘離灑北流十餘里經縣城東北折而西抱城北而西南流經靈川縣城東南又西南經府治臨桂縣北境分為二派復合于城東南流二十里會馬溪相思江又東南折西南經陽朔縣東北折東南經縣城東北又經平樂府北又南

至府城西北會龍江又南經府城西南荔水東北來注之又東南經永安府東北又南經昭平縣北又南經縣城東南又南經梧州府城西而潯州府所合之黔江鬱江並自西南來會東流經城南又東入廣東界東南至廣州府會瀆江龍川而入南海 地理志稽疑離水一名瀨水乃泮柯江之下流分鬱水豚水諸川入于交州復至中土歷三十六灘而為離水本無關於湘水其引湘水而通之者秦史祿連漕之故也故湘離所以通專在於靈渠水經不知遂謂湘離同源其實非也

營道

水經注營水又西逕營道縣馮水注之馮水又逕營道縣西右注營水營水又西北屈逕營道縣西 通典今道州所理營道縣漢舊縣有營山因以為名 輿地廣記營水出舊冷道縣西流逕九疑山下又西經營道縣又折而東北經營浦縣又東北注于湘 方輿勝覽營道山在今道州西四十五里其始名曰營陽又曰南營又曰洪道 方輿紀要營水在今道州城西源出營山繞流六十里與江華縣之池水合又與瀟水會同入湘水 大清一統志營道故城在今永州府寧遠縣西營水在縣南 又云營水自道州以上今謂之沅水自道州以下今謂之瀟水 又云瀟湘雖自古並稱然漢志水經俱無瀟水之名唐柳宗元愚溪詩序始稱瀟水 上然不詳其源流宋祝穆始稱瀟水出九疑山今細考之惟道州北出瀟山者為瀟水其下流

皆營水故道也至穆所謂出九疑山者乃水經注之冷水北合都溪以入營者也蔣本厚零陵山水志云瀟水有三支一支出江華一支出永明一支出濂溪惟出濂溪者猶為近之出江華者乃以沱水為瀟水出永明者乃以掩水為瀟水蓋後人以營水所經統謂之瀟水而遂不知有營水矣

九疑山在兩

史記五帝紀舜南巡狩崩于蒼梧之野葬于江南九疑是為零陵 又始皇紀三十七年十一月行至雲夢望祀虞舜于九疑山 本書武帝紀元封五年冬行南巡狩至于盛唐望祀虞舜于九疑應劭曰舜葬蒼梧九疑山名今在零陵營道文穎曰九疑山半在蒼梧半在零陵師古曰嶷音疑其山九峯形勢相似故云九嶷山 淮南人間訓始皇使尉屠陸發卒五十萬為五軍一軍守九疑之塞 又云九疑之南陸事寡而水事多 說文九嶷山舜所葬在零陵營道縣海內南經蒼梧之山帝舜葬于陽丹朱葬于陰郭注蒼梧山即九疑山也禮記亦云舜葬蒼梧之野竹書亦曰后稷放帝朱于丹水 皇覽舜冢在零陵營浦縣九疑山 韋昭國語注舜葬九疑其山體水旋其邱故壅漢水使旋石柳以象之也 荊州記九疑山盤基數郡之界連峯接岫競秀爭高含霞卷霧分天隔日 湘中記九疑山在營道縣九山相似行疑惑故曰九疑 營陽郡記九疑山下有舜祠故老相傳舜登九疑 水經注營水出營陽冷道縣南營

山西流逕九疑山下盤基蒼梧之野峯秀數郡之間羅巖九舉各導一谿岫壑負阻異嶺同勢遊者疑焉故曰九疑山大舜窆其陽商均葬其陰山南有舜廟山之東北冷道縣界又有舜廟縣南有舜碑 括地志九疑山在永州唐興縣東南一百里 元結九疑山記山方二千餘里四州各近一隅世稱九桐峯以望而疑之謂之九疑通作疑 寰宇記帝舜陵亦名永陵自古禁樵採置守陵戶 方輿勝覽九疑山在今道州寧遠縣南六十里亦名蒼梧山 方輿紀要九疑山在永州府道州寧遠縣南六十里衡郡志云山在衡州府桂陽州藍山縣西南五十里蓋山接衡水之界也 大清一統志帝舜陵在今寧遠縣東南 莽曰九疑亭

始安

裴氏廣州記五嶺一名始安 水經注湘灘之間陸地廣百餘步謂之始安嶠即越城嶠也嶠水南流注灘謂之始安水 元和志今桂州臨桂全義靈川陽朔永福理定慕化七縣皆漢始安縣地 寰宇通志今桂林府臨桂縣本漢始安縣地始安嶺在府城西一里圖冊云秦時開五嶺此其一也 大清一統志始安故城即今廣西桂林府治

夫夷

王子侯表夫夷敬侯義武帝元朔五年以長沙定王子封 宋書州郡志扶縣漢舊縣曰夫夷今云扶者疑是避桓溫父諱去夷文不可為縣

名故為扶云 水經資水東北過夫夷縣注云夫水出縣西南零陵縣界少延山東北流逕扶縣南本零陵之夫夷縣也 後書第五倫傳注夫夷故城在今邵州武岡縣東北 寰宇通志夫夷故城在今武岡州城東北二百四十里夫夷水在新寧縣南源出廣西全州界流入境至邵陽會資水 大清一統志夫夷故城在今寶慶府新寧縣東北縣東七里有石幕巖巨石覆空如幕綿互里許夫夷水經其下 水道提綱羅江即古夫夷水源出新寧縣南與廣西界之羅江巖北流折東北經縣城南又東北又北折東北曲流一百五十里會資水

營浦

營陽郡記營浦縣南三里餘有舜南巡止宿處今立廟 水經注營水又東北逕營浦縣南吳營陽郡治也 元和志今道州弘道縣本漢營浦縣 方輿紀要營浦廢縣在今道州永明縣西 大清一統志營浦故城在今永州府道州北舊志云在州北營陽鄉地名大漢 都梁

盛宏之荊州記縣西有小山山上有渟水既清且淺其中悉生蘭草俗謂蘭為都梁山因為號縣受名焉 通典今邵州武岡縣本漢都梁縣地 元和志都梁山在武岡縣東北一百三十里 輿地紀勝都梁故城在郡城東五里 方輿勝覽今武岡山東五十里有漢都梁故城都梁水出縣西南百里與邵水合 寰宇通志都梁故城在寶慶府武岡州城東五里都梁水

出州城西南會夫夷水入洞庭 方輿紀要都梁山在武岡州西百里山極高聳泉流環繞漢以此山名縣都梁水出焉東北流合夫夷水資水 大清一統志都梁故城在今寶慶府武岡州東北

侯國 王子侯表都梁敬侯遂武帝元朔五年以長沙定王子封

路山資水所出東北至益陽 屬長沙國

入沅

水經資水出零陵都梁縣路山東北過夫夷縣又東北過邵陵縣之北又東北過益陽縣北又東與沅水合于湖中東北入于江也注云資水出武陵郡無陽縣界唐糾山蓋路山之別名也謂之大溪水東北逕武岡縣南建興縣南又逕都梁縣南邵陵縣南臨大溪謂之邵陵水又東北出益陽縣逕流山峽名爲茱萸江蓋水之變名也又東逕益陽縣北又東北入洞庭湖所入之處謂之益陽江口 今水經資江有二源一出澱浦與靖州綏寧之澗谷間一出廣西全州界經新寧縣南爲夫夷水至武岡合流東下又都梁水出武岡州城西南來注之經寶慶府城北邵水入之資江自寶慶過祁陽縣北經安化縣西凡五百餘里至益陽縣南過沅江縣入于洞庭湖 方輿紀要資水出靖州興寧縣東南唐糾山東北流經寶慶府武岡州與邵水會或邵江謂之北流入長沙府安化縣境又東北出

二十五史補編 漢書地理志補注

益陽縣南寧鄉縣北而入常德府沅江縣注洞庭湖 大清一統志唐糾山在寶慶府武岡州西南一百里接靖州綏寧縣界一名路山資水今名資江源出唐糾山東北流逕邵陽縣又北流入新化縣又北流入長沙府安化縣西北名邵河又東北經益陽縣南曰益陽江又東北至常德府沅江縣界入洞庭湖其支流又自沅江縣東流至湘陰縣界入湘 水道提綱資水即都梁水源出武岡州西南東流稍北經州城南又東北又東南又東曰紫陽江經寶慶府治邵陽縣西南境有羅江合諸溪水來會水勢始盛又東北經府城北流數十里有五十三灘邵水自城東來會又有四十八灘又東折而北又折而西又西北經新化縣城東北又西北折而東北經安化縣西又東北至縣東北又東經益陽縣西曰資江又東至益陽縣南分爲二派又折爲數支或入洞庭湖或入湘江源流約千七百里 過郡二 過零陵長沙二郡 行千八百里 冷道 師古曰冷音零 按說文竹部箒字下引作冷道又樂工稱伶人左傳亦作冷蓋冷伶古字通 應劭曰冷水出丹陽宛陵西北入江巨瓊曰宛陵在豫章北界相去三千里又隔諸水不得從下迤至冷道而復入江也 水經注都谿水西北流逕冷道縣北與冷水合冷水南出九疑

山北流逕冷道西南縣指冷溪以爲名又北流注都谿水又西北入營水 通典今道州延唐縣漢冷道縣屬零陵郡有春陵鄉元帝徙于南陽郡蔡陽鄉 元和志今道州延唐縣本漢冷道縣地漢景帝時零陵文學于冷道舜祠下得玉瑄是也冷水今名暹水源出九疑山 寰宇記今道州寧遠縣本漢冷道縣地故城在縣東四十里 大清一統志冷道故城在今永州府寧遠縣東冷水在縣南一名冷道水今謂之瀟水 莽曰冷陵 泉陵 王隱晉書泉陵縣北部東五里有鼻墟象所封也 水經湘水又東北過泉陵縣西 水經注營水又西北逕泉陵縣西零陵郡治也 後書章帝紀注泉陵故城在今永州零陵縣北 元和志今永州零陵縣本漢泉陵縣地又祁陽灌陽二縣亦泉陵地 舊唐書地理志泉陵故城在今永州北二里 大清一統志泉陵故城在今永州府零陵縣北 侯國 王子侯表衆陵侯節侯賢武帝元朔五年以長沙定王子封 按王莽傳有泉陵侯劉慶上書令莽行天子事師古曰王子侯表衆陵侯節侯即此泉陵也此傳及翟義傳並云泉陵地理志泉陵屬零陵郡而表作衆陵誤也 莽曰溲閭 水經注作溲潤

第三〇九頁 開明書店製版

洮陽

如淳曰洮音韜 索隱曰音滔又音道 王子侯表洮陽靖侯狩燕武帝元朔五年以長沙定王子封 水經湘水又東北過洮陽縣東 水經注洮水出洮陽縣西南文山東北逕其縣南縣即洮水以立稱矣其水東流注于湘水 後書章帝紀注洮陽故城在今永州湘源縣西北元和志今永州湘源縣本漢洮陽縣地 寰宇記漢洮陽縣在湘江之西岸 輿地廣記洮陽故城在今清湘縣西北 方輿勝覽洮水在今全州清湘縣北五十里出文山南流入湘江水北為陽故漢置縣以洮陽名 胡氏通鑑注漢高追英布于洮水南即此 方輿紀要洮陽廢縣在今全州北三十五里漢置縣以洮水經其南而名洮水在州西十里源出文山舊志云山下出泉噴激有聲因名 大清一統志洮陽故城在今桂林府全州北州志云在州北三十五里地名改州灘

鍾武

應劭曰永建三年更名重安 水經湘水又東北過重安縣東承水從東南來注之注云承水出重安縣西邵陵縣界邪蓋山東北流至重安縣又東北逕重安縣南漢長沙頃王子度邑也故零陵之鍾武縣武水入焉水出鍾武縣西南表山東流至鍾武縣故城南又東北流至重安縣注于承水 晏殊類要鍾武故城在衡陽縣西八十里 大清一統志鍾武故城在今衡州

府衡陽縣西南按水經注武水東流至鍾武縣故城南又東北流至重安縣是後漢時已徙縣治重安尚存鍾武之東北今其地不可考 莽曰鍾桓

漢書地理志補注卷四十四 漢中郡

楊子法言漢創業山南發跡三秦注山南即漢中也 後書光武紀注漢中郡故城在今梁州南鄭縣東南 史記索隱其地在秦南山之南楚之西北漢水之北故曰漢中 輿地紀勝古漢中郡城在今南鄭縣東二里許即秦厲公所築 方輿紀要漢中郡秦郡也今陝西漢中府及湖廣鄖陽府是其地 按漢漢中郡今陝西漢中府之南鄭褒城城固沔西縣興安府之洵陽白河二縣又湖北鄖陽府之房竹山竹谿鄖西四縣皆其地

秦置

史記秦本紀惠文王後十三年攻楚漢中取地六百里置漢中郡 華陽國志周赧王二年秦惠文王置漢中郡因水以為名也 晉書地理志益州按禹貢及舜十二牧俱為梁州之域周合梁于雍則又為雍州之地春秋元命包云參伐流為益州益之為言阨也言其所在之地險阨也亦曰疆壤益大故以名焉始秦惠王滅蜀置蜀郡漢高祖六年分蜀置廣漢凡四郡武帝開西南夷更置四郡凡八郡遂置益州統焉 輿地紀勝通鑑目錄于楚懷王之十七年書曰秦取我漢中郡則郡已置于楚非始于秦也 大清一統志漢中郡春秋時為蜀地戰國初秦楚之境後屬秦置漢中郡漢初為漢國後仍為漢中郡 地理志稽疑漢中郡故楚置秦惠文王後十三年因之漢高帝元年所建國

莽曰新成

後書馬援傳初為王莽新成大尹

屬益州

本書西南夷傳注孟康曰莽改益州為庸部

按莽傳有庸部牧史熊又後書廉范傳父丹王

莽時為大司馬庸部牧 十七史商榷自漢中

郡以下諸郡皆屬益州莽既逐郡改其名班氏

並注明而莽又改益州為庸部見後書公孫述

傳及廉范傳注班氏又略而不載何也

縣十二

西城旬陽南鄭褒中房陵安陽成固沔陽錫武

陵上庸長利

西城

水經注漢水又東逕西城縣故城南魏文帝改

為魏興郡治此 後書光武紀注西城今金州

縣也 又隗囂傳注西城縣一名始昌城在今

秦州上邽縣西南 寰宇記今金州西城平利

石泉三縣並漢西城縣地其故城在今金州西

北四里漢江之北西城山之東即曹魏之魏興

郡故城也當谷口路南與州城相對 郭允蹈

蜀鑑西城即今金州上庸郡西城縣 輿地紀

勝今金州即漢中郡之西城縣西城山在州北

五里 方輿勝覽西城山在今荊州北五里與

牛山相接 方輿紀要西城廢縣在今漢中府

興安州西南三里 大清一統志西城故城在

今興安府西北按漢志所列第一縣不皆為郡

治漢中郡雖首列西城而當時自治南鄭水經

注寰宇記諸書甚明自胡三省始謂前漢郡治

西城諸志從之其實非是

旬陽

戰國策蘇秦說楚威王曰楚北有陜塞郇陽

本書鄜商傳別將攻旬關西定漢中師古曰漢

中旬水上之關也今在洵陽縣 史記正義旬

關在金州 寰宇記金州洵陽縣本漢舊縣在

洵水之陽去州東一百二十里 地理通釋蘇

秦所謂郇陽即洵陽也郇旬洵三字通徐廣以

為順陽索隱以為新陽皆非也 大清一統志

旬陽故城在今興安府洵陽縣北旬關在縣東

北山旬水所出南入沔

山海經軒轅之邱洵水出焉南流注于黑水

又云洵山洵水出焉南流注于關澤 漢中志

洵陽縣洵水所出 水經注漢水自西城縣故

城南又東合洵水北出旬山東南流逕旬陽

縣南又東南注于漢謂之旬口 隋書地理志

洵陽縣有洵水 元和志洵水出洵陽山北去

縣一百五十步 長安志洵河源出長安萬年

縣界秦嶺下南流經鎮安縣西入洵陽 方輿

紀要洵水出商州鎮安縣南洵山有直水枝流

會焉東流至洵陽縣東南入于漢水 大清一

統志洵水在今商州鎮安縣西自西安府長安

縣界流入又南入興安府洵陽縣界 水道提

綱洵河源出鄠縣東南豹林谷南流合三小水

又東南經兩山間三百餘里至兩河闕南有鎮

安縣水自北來會又東南流經洵陽縣東境折

而南經縣城東北又東南入漢此水源流五百

餘里在陝中入漢巨川惟黑龍江及此水也

南鄭

史記秦本紀躁公二年南鄭反 又惠公十三

年伐蜀取南鄭 又厲共公二十六年城南鄭

本書高帝紀項羽更立沛公為漢王王巴蜀

漢中四十一縣都南鄭 華陽國志南鄭城秦

厲公所築 水經沔水又東過南鄭縣南注云

縣故襄之附庸也周顯王之世蜀有衰漢之地

至六國楚人兼之懷王衰弱秦略取焉周赧王

二年秦惠王置漢中郡因水名也耆舊傳云南

鄭之號始于鄭桓公桓公死于犬戎其民南奔

故以南鄭為稱即漢中郡治也漢高祖入關項

羽封為漢王蕭何曰天漢美名也遂都此大城

周迴四十二里城內有小城南憑津流北結環

雉金墉漆井皆漢所修築地沃川險魏武方之

雞肋曰釋騏驎而不更焉皇皇而更求水南即

漢陰城相承言呂后所居也 後書公孫述傳

注南鄭今梁州縣也故城在今縣東北 元和

志今興元府郭下南鄭縣本漢舊縣 又云漢

中郡自漢以還多理南鄭 大清一統志南鄭

故城在今漢中府南鄭縣東

旱山池水所出東北入漢

詩旱麓篇毛傳旱山名也旱山在梁州之境與

漢廣相近故取以興焉 華陽國志南鄭縣有

池水從旱山來 水經注漢水右合池水水出

旱山山下有祠列石十二不辨其由蓋社主之

流池即沱字也俗謂之獠子水夾澗諸田散流

左注漢水 寰宇記旱山在今興元府南鄭縣

西南二十里周地圖記云牛頭戴旱山晦家中

乾穀莫相貸傍有石牛十二頭一云五頭蓋秦惠王所造以給蜀者下有石池多葦菜即池水之源也 輿地紀勝畢山一名岬山在廉水縣西南十五里老子水一名老子溪即鄜道元所謂獠子水也 大清一統志旱山在南鄭縣西南府志云在縣南六十五里也水在縣南俗譌為老渚河

褒中

國語周幽王伐有褒褒人以褒姒女焉 本書高帝紀張良辭歸韓漢王送至褒中因說漢王燒絕棧道以備諸侯盜兵亦示項羽無東意師古曰褒中即今梁州之褒縣舊曰褒中言居褒谷之中隋室諱忠改為褒內 水經注褒水又南逕褒縣故城東褒中縣也本褒國矣漢昭帝元鳳六年置 括地志褒國在梁州褒城縣北五十里南山中 後書安帝紀注褒中今梁州褒城縣 元和志今興元府褒城縣本漢褒中縣古褒國也當斜谷大路 又云褒國在縣東二百步褒谷山在縣北五里褒斜道一名石牛道張良令漢王燒絕棧道即此道也 輿地紀勝褒水出太白山由鳳州梁泉南流入斜谷下褒宇即山河堰也本蕭何所築舊稱蕭何堰後乃語訛為山河 方輿紀要古褒國城在今褒城縣東三里略馳坪中有褒奴井 大清一統志褒中故城在今漢中府褒城縣東南褒水在褒城縣東自鳳縣界入又南入漢

都尉治漢陽郡

元和志漢陽關在褒中縣北九十里漢都尉治

房陵

也 寰宇記漢陽關在褒城縣西北漢所立

左傳文十一年楚子伐麇成大心敗麇帥于防渚杜注防渚麇地 淮南子秦滅趙流趙王遷于房陵思故鄉作為山水之謳聞之者莫不流涕 華陽國志秦始皇以其地四塞險固徙呂不韋舍人萬家于房陵 水經注堵水東歷新城郡故漢中之房陵縣也 廣韻房即春秋時防渚也秦為房陵縣 括地志房陵即今房州房陵縣古楚漢中郡地是巴蜀之境 通典今房州房陵永清二縣並漢房陵縣地房陵即春秋時麇國地所謂防渚者也 元和志今房州古麇國之地左傳楚敗麇帥于防渚關駟以為防陵即春秋時防渚州之得名蓋自此也漢立房陵縣今州所理即漢舊縣 新唐書宰相世系表舜封堯之子丹朱于房丹朱生陵以國為氏 寰宇記房州房陵縣本漢舊縣初為防宇漢改為房以陵為名古麇庸二國之地也其城四面有三十四山三十五溪 方輿勝覽房山在今房州房陵縣西南四十三里其山四面有石室似房因名 方輿紀要房陵城即今鄖陽府房縣治春秋時為麇國秦始皇徙趙王遷房陵後呂不韋之家亦徙焉漢時宗室大臣有罪者亦多徙于此 大清一統志房陵故城即今鄖陽府房縣治

入沔

屬南郡

淮山淮水所出東至中廬

續志劉昭注補房陵縣有維山維水所出東入瀘 華陽國志亦作維山維水 按此水今無考

又有筑水東至筑陽

屬南陽郡

亦入沔

左傳桓十二年楚師分涉于彭杜氏釋例彭水出新城魏昌縣東北至南鄉筑陽縣入漢 水經注筑水出梁城新城郡魏昌縣界縣以黃初中分房陵立其水東流逕筑陽縣故城南又東注于沔謂之筑口 師古曰筑音逐 元和志筑水出今房陵縣西北葉山經縣北二里 寰宇記今筑水在房州理北東流經永清縣南又東北流至襄州穀城縣南又東北方注于江漢 方輿勝覽筑山在今房陵縣筑水出此 方輿紀要筑水源自竹山縣之竹山亦謂之筑江又名南視河東流入房縣界經廢昌魏縣北又東過房縣北又東入穀城縣境亦謂之彭水 大清一統志筑水源自鄖陽府房縣西東流入保康縣又東北流入襄陽府經穀城縣東南入于漢府志云筑口在穀城縣東二十里 按續志房陵縣有筑水即彭水也故魏昌縣在今湖北鄖陽府房縣西南

東山沮水所出東至鄧

屬南郡

入江行七百里

淮南地形訓沮出荆山 說文沮水出漢中房陵東入江从水且聲臣錯云王粲所謂倚曲沮

之長洲 水經沮水出漢中房陵縣東山東南過臨沮縣界又東南過枝江縣東南入于江注云沮水出東汾陽郡沮陽縣西北景山即荆山首也 元和志沮水出今永清縣西南景山東南入于漢永清本房陵所分也 方輿紀要沮水出鄖陽府房縣西南二百里之景山東南流經襄陽府南境又南經荊州府遠安縣東而入荆門州界至當陽縣北又東南合于漳水至荊州府枝江縣入大江 大清一統志沮水源自鄖陽府房縣東流入保康縣界又東南流入襄陽府南漳縣界一名睢水今名大市河又東南流入荊州府遠安縣又南入安陸府當陽縣界合漳水南至荊州府江陵縣西入江 水道提綱沮水源出房縣南境之景山東南流至保康縣西北會白巖河板倉河又西北復折而東北經雞子口東俗曰南河又東北經穀城縣城南又東入漢源流曲折行五百里 按沮水本

雖左傳定四年吳敗楚破郢楚子出涉睢又襄六年楚子所謂江漢睢漳者也後作沮又訛爲沮今襄陽以南睢水所過之處名曰沮中襄陽記沮中在上黃界去襄陽一百五十里魏將有夷王梅敷兄弟部曲萬餘屯此分布在中廬宜城西山鄖沔二谷中土地平曠宜桑麻有水陸良田蓋沮中者沔南之膏腴沃壤也故三國時吳魏于此力事耳

安陽

水經沔水又東過魏興安陽縣注云安陽縣故隸漢中魏分漢中立魏興郡安陽隸焉 通典

今洋州黃金縣漢安陽縣地故黃金城在縣西北八十里又金州安康縣亦安陽縣地 寰宇記洋州真符縣金州漢陰縣並漢安陽縣地其故城在今漢陰縣西二十四里敖口東十里漢江之北 一統志安陽故城據漢志水經注當在今漢中府城固縣東沈約志魏收志及寰宇記皆與二書不合

志稽疑史記沔水既道鄭康成尚書注曰水自漢出爲潛是潛潛固爾雅之潛也漢志漢中郡安陽縣鸞谷水師古曰音潛其字亦或從水而不卽以爲尚書之潛何哉及讀鄭注有曰安陽之潛尾入漢耳首不自漢出也此言了然乃知潛潛字通而潛水亦不可以當禹貢之潛也尚書後案鸞谷乃谷名水名由谷而不得直名潛水 按禹貢荆梁二州並云沔潛既道而本志于漢中郡安陽縣云鸞谷水出西南北入漢是潛水尾入漢耳非自漢出也鄭康成以西漢水爲潛郭景純鄜道元皆宗之此專指梁州之潛而言也

鸞谷水出西南北入漢 水經沔水又東過安陽縣南潛水出自旱山北注之注云潛水出西南而東北入漢 又云潛水自漢中南鄭縣東南旱山北至沔陽縣南入于沔注云潛水即黃水也黃水右岸有悅歸館潛水歷其北北至沔陽合沔爲三水口也 師古曰鸞音潛其字亦或從水 史記索隱潛水亦作潛水潛水出漢中安陽縣西北入漢 禹貢錐指漢志漢中安陽縣有鸞谷水出西南北入漢正義曰鄭云安陽之潛尾入漢耳首不於漢出也今按水經作潛水曰漢水東過魏興安陽縣南潛水出自旱山北注之鄭說良是潛潛鸞潛古字或通用而其水之所出則不可以無辨史記索隱因夏本紀潛作潛遂以安陽之潛水當之蔡傳亦因漢志以爲言非也 大清一統志潛水在今漢中府城固縣南漢志作鸞谷水顏師古注鸞音潛其字亦或從水禹貢沔潛史記作潛古字通用也或以此爲卽禹貢之潛非是 水道提綱漢水又東經洋縣城南又東北八十里潛水自北來注之潛水出鐵台河源之東南山東南流百數十里南入漢 地理

左谷水出北南入漢 水經注左谷水出安陽縣西而東北入漢左谷水卽壻水也北發聽山東南流入漢水 寰宇記壻水在城固縣東九里 九域志洋州興道縣有壻水鎮 輿地紀勝壻水在興道縣西三十二里源出扶風界秦嶺西東流入漢 大清一統志壻水源出南鄭縣西北東流經城固縣北入漢水亦曰左谷水又謂之聽水 水道提綱漢水又東經城固縣城東北有水自西北東南流經城東北來會疑卽古壻水亦名智水

成固

水經沔水又東過成固縣南 水經注漢水又東逕小成固縣南州治大成固移縣于北故曰小成固 又云壻水又東南逕大成固城北城乘高勢北臨壻水城北有韓信臺高十餘丈高祖拜信處也 又云壻水東北流逕成固南城

北城在山上或言韓信始立或言張良創築未知定所制矣 括地志城固故城在今梁州成固縣東六里 四夷縣道紀城固縣在今縣東六里故北城又有南城故謂此為北城 通典今洋州西鄉興道洋源三縣並漢成固縣地 元和志今興元府城固縣本漢舊縣故城在今縣東六里相傳韓信所築 寰宇記城固漢舊縣有南北二城相對 方輿紀要成固舊城在今城固縣東八里舊有南北二城北城漢縣治也南城蜀將劉封所築 大清一統志成固故城在今漢中府城固縣西北

沔陽

應劭曰沔水出武都東南入江 如淳曰北方人謂漢水為沔水 師古曰漢上曰沔沔音莫踐反又音彌善反 水經注沔水又東逕沔陽縣故城南漢祖在漢中蕭何所築也其城南臨漢水北帶通遠右對定軍山諸葛亮遺令葬此 寰宇記沔陽故城在今梁州西八十四里西縣東南十六里 方輿紀要沔陽城在今漢中府沔縣東南十里 大清一統志沔陽故城在今漢中府沔縣東南以在沔水之陽而名 方以智通雅漢中有沔陽城非今之沔陽州也沔陽州屬承天府

有鐵官

續志沔陽縣有鐵 輿地紀勝鐵山在西縣北五里多鐵礦 大清一統志鐵山在今沔縣北

錫

續志作錫 左傳文十一年潘崇伐麋至于錫

穴杜注錫穴麋地 應劭曰音陽 續郡國志錫有錫春秋時曰錫穴 水經注漢水又東逕錫縣故城北為白石灘縣故春秋之錫穴地也 經典釋文錫音羊或作錫星曆反 元和志今均州鄖鄉縣本漢錫縣古麋國之地 寰宇記今豐利界東魏興故城即古錫縣 大清一統志錫縣故城在今興安府白河縣東

武陵

寰宇記古上庸城在今廢上庸縣東四十里武陵故城是也 方輿紀要武陵城在今鄖陽府竹山縣西五十里 大清一統志武陵故城在今鄖陽府竹溪縣東

上庸

書牧誓庸蜀羌髳微盧彭濮人孔傳庸在江漢之南 左傳文十六年楚大饑庸人率羣蠻以叛楚杜注庸今上庸縣屬楚之小國 國策甘茂謂秦王曰張儀南取上庸 史記秦本紀昭襄王三年與楚上庸 又三十四年與魏韓上庸地 又楚世家當周夷王之時熊渠甚得江漢間民和乃與兵伐庸 本書武帝紀元鼎元年濟東王彭離有罪廢徙上庸 又宣帝紀本始四年廣州王吉有罪廢遷上庸自殺 說文作鄖云南夷國也 續志上庸本庸國 水經注上庸故庸國也其城三面際水 括地志房州竹山縣本漢上庸縣古之庸國昔周武王伐紂庸蠻在焉 通典今房州上庸竹山二縣並漢上庸縣地 大清一統志上庸故城在今鄖

陽府竹山縣東南上庸山在竹山縣西南四十里上庸水源出上庸山南流入堵水

長利

水經注漢水又東逕長利谷南入谷有長利故城舊縣也縣故黎也即長利之鄖鄉矣李奇以為黎子國 元和志今均州豐利縣本漢長利縣之地理在長利川故以為名 寰宇記今商州上津縣本漢長利縣地長利水亦名仙水而北自豐陽縣界流入 輿地廣記今金州平利縣本漢長利縣 方輿紀要長利城在鄖陽府西北二百里 大清一統志長利故城在今鄖陽府鄖西縣西 按長利縣東京省并錫縣故續志無之晉太康五年始立為鄖縣縣然據三國蜀志劉封申儀俱封員鄉侯則其時雖未立縣而已為侯邑矣

有鄖關

說文鄖漢南之國从邑員聲漢中有鄖關 史記貨殖傳南陽西通武關鄖關 師古曰鄖音云 困學記聞正義云地理志宛西通武關而無鄖關鄖當為洵水上有關在金山洵陽縣 愚按漢志漢中郡長利縣有鄖關長利今商州上津縣武關在商洛縣正義蓋失之 名勝志地理志云長利縣有鄖關李奇以為黎子國今郡城東北有黎子關乃沿黎子之名 方輿紀要鄖關在鄖陽府西 大清一統志黎子山在鄖縣東北七十里有關

漢書地理志補注卷四十五

廣漢郡高帝置

蜀都賦三蜀之豪時往時來劉逵注三蜀本一

蜀高帝分置廣漢武帝又分置犍爲故稱三蜀

華陽國志漢高帝六年分巴郡置廣漢郡管

縣六 又云廣漢郡本治繩鄉永初二年移治

涪後治雒城 水經注洛水逕雒縣故城南廣

漢郡治也漢高帝之爲漢王也發巴渝之士北

定三秦六年乃分巴蜀置廣漢郡于乘鄉後漢

安帝永初五年移治涪城後治雒縣 後書光

武紀注廣漢郡今益州雒縣也 方輿紀要廣

漢郡本蜀郡地高帝分置今灌川州及成都府

之緜州漢州與保寧府之劍州皆是其地 按

漢廣漢郡今四川成都府之新都什邡二縣及

漢州灌川府之三臺遂寧二縣保寧府之昭化

縣龍安府之平武縣緜州之德陽梓潼二縣又

甘肅階州之文縣皆其地 又按華陽國志緜

鄉水經注作乘鄉繩乘字同音假借用耳

莽曰就都

按王莽傳有就都大尹馮英

屬益州有工官

本書貢禹傳有三工官如淳曰一在廣漢

縣十三

梓潼汁方涪雒緜竹廣漢葭明鄴新都甸氏道

白水剛氏道陰平道

梓潼

華陽國志梓潼縣漢孝武元鼎元年置以縣東倚梓林西枕潼水因爲名 水經注梓潼故

廣漢郡也 後書桓帝紀注梓潼今始州縣也

師古曰潼音童 元和志今劍州梓潼普安

黃安永歸陰平武連臨津七縣並漢梓潼縣地

方輿勝覽今隆慶府在漢屬廣漢郡之梓潼

縣 大清一統志梓潼故縣即今緜州梓潼縣

治建安二十二年先主分廣漢置梓潼郡治梓

潼縣

五婦山

華陽國志秦惠王許嫁五女子于蜀蜀遣五丁迎

之還到梓潼見一大蛇入穴中五丁拽蛇山崩

壓殺五人及五女而山分爲五嶺蜀王傷之因

命曰五婦塚山上爲望婦塚 水經注五婦山

又曰五婦塚 寰宇記五婦山在今梓潼縣北

十二里高四百二十丈 大清一統志五婦山

在今梓潼縣北

馳水所出南入涪

屬本郡

行五百五十里

說文潼水出廣漢梓潼北界南入墊江 應劭

曰梓潼潼水所出南入墊江 水經梓潼水出

梓潼縣北界西南入于涪注云馳水一曰五婦

水亦曰潼水南流逕縣西又逕涪城東又南入

涪水謂之五婦水口 元和志梓潼縣梓潼水

一名馳水北自陰平縣界流入 又云射洪縣

有梓潼水一名馳水與涪江合忽如箭奔射涪

江口蜀人謂水口曰洪因名射洪 又云陰平

縣有岐江水下流即梓潼水也 寰宇記潼江在梓潼縣西南四里源出陰平縣馬關山至五

婦山西七曲山下名潼水 方輿勝覽潼江水

在梓潼縣西四里源出陰平馬關山蜀志夏禹

於泥陳山伐梓樹神化爲童子故其水曰潼水

大清一統志梓潼水源出龍安府平武縣山

溪東南流入綿州梓潼縣又南入潼川府界鹽

亭縣南又南經射洪縣東入涪江古名馳水亦

曰岐江潼江瀾江射江又曰白馬河又曰馬關

水 水道提綱梓潼水即射江亦曰瀾江源出

白支河源之東南劍州西北五子山之西大山

南流山中百里折東南流六十里又西南經梓

潼縣城西又東南流曰梓潼河折而南至鹽亭

縣西北又東南經鹽亭縣西南又南至射洪東

南之獨坐山入涪江

莽曰子同

按本書王莽傳自言定命于子同孟康曰梓潼

縣也莽曰蓋因梓潼人哀章作銅匱獻符瑞莽

始篡位也

汁方

應劭曰汁音十 如淳音什 按史表作汁加

漢表作汁防晉齊二志又作什方說文續志水

經注並作什邡集韻又作什又作邡 華陽國

志李冰道雒通山水或出瀑口逕什邡縣 元

和志今漢州什邡縣本漢舊縣高祖封雍齒爲

什邡侯即此俗名雍齒城在今縣南四十步

大清一統志汁方故城在今成都府什邡縣南

莽曰美信

涪 華陽國志涪縣去成都三百五十里水通於巴

為蜀東北之要 水經注涪水自東安郡南又東南流逕涪縣西有涪水注之 師古曰涪音浮 通典今涪州郡城即漢涪城縣東也 元和志今涪州所管八縣及梓州涪城縣並漢涪縣地 又云今涪州理城漢涪縣城東據天池西臨涪水為蜀東北之要衝 大清一統志涪縣故城在今涪州東南 按漢涪縣在今涪州東南而潼州府志又謂在鄭縣西北蓋壤地相接也

有屏亭

華陽國志涪縣有屏山屏水其源有金銀鑛民得採之 水經注涪縣有屏水出屏山其水歷屏亭而下注涪水 寰宇記今羅江縣北二里有屏亭廟有碑磨滅屏亭之字 存尙方輿紀要涪水在綿州東五里源出梓潼縣界之屏山流經綿州東三十里又西南入于涪水 大清一統志涪山在綿州北三里涪水在州東涪亭在德陽縣 水道提綱涪江又南折而東經縣竹北境有東河自東北來注之東河即古涪水莽曰統陸

雒

後書陳寵傳注雒縣故城在今益州雒縣南 通典今漢州所理雒縣本漢舊縣 大清一統志雒縣廢縣在今成都府漢州北 章山雒水所出南至新都谷

屬本郡

入涪

中山經岷山之首曰女兒之山洛水出焉東注

于江華陽國志李冰導雒通山雒水出瀑口什邡與郫別江會新都大渡皆灌溉稻田 李膺益州記雒水出漢州什邡縣之雒通山東合縣江注牛郫縣 水經江水又東過江陽縣南雒水從東過廣魏雒縣南東南注之注云雒水出雒縣漳山亦言出梓潼縣柏山流逕什邡縣又南逕雒縣故城南又南逕新都縣與縣水合又與涪水合亦謂之郫江也又言是涪水呂忱曰一曰涪然此二水俱與雒會矣 元和志雒通山在什邡縣西三十九里雒水在雒縣東一里 寰宇記涪江水在什邡縣東北十八里源出縣北洛通山李膺以此水為雒水云即石亭水蓋是雒水支流 方輿紀要章山在漢州什邡縣西北六十里一名雒通山又名章雒山亦曰楊村山上有風火二洞雒水出于此經州東南會涪水又會綿水三水合流亦謂之郫江又南歷金堂峽為金堂河又東南歷簡州為牛鞞水又東經資縣為資江又東南經內江縣為中江又東南至瀘州城東而合于大江 大清一統志洛通山在今什邡縣西北雒水源出縣西北東南流逕德陽縣漢州至水又南經金堂縣東合綿涪諸水又南經簡州一名牛鞞水又東南經資陽縣資州為資江又東南經內江富順隆昌三縣至瀘州入大江雒江七名隨境而異而中江為其通稱 水道提綱雒水源出什邡縣西北之章山亦曰雒通山東南流經縣南境俗曰鴨牛河又東南會綿水總名雁水 按四川通志章山在什邡縣西雒道山在縣西北則是

二山矣俟考 又按左思蜀都賦云浸以綿洛即謂此雒水劉淵林注謂在上雒桐柏山謬矣據山海經凡有三洛水一出白於山今甘肅安化至陝西同州入河之洛雍州浸也一出譚舉山今自陝西商州至河南入河之雒豫州浸也一即此洛在四川入江李冰之所導也 有工官

方輿紀要銅官山在漢州東二十里前代鑄錢之處也 莽曰吾雒

縣竹

李膺孟州記石子頭二十里即故縣竹縣諸葛瞻埋人脚戰處也 水經注涪水又東南逕縣竹縣北又南與州金堂水會 後書公孫述傳注縣竹今益州縣也故城在今縣東 元和志今漢州縣竹縣本漢舊縣故城在縣東五十里又德陽縣亦縣竹地 寰宇記縣竹故城在今漢州德陽縣北三十五里 寰宇通志縣竹縣在漢州西二十五里漢置以其地竹性柔級可為網綆因以名縣 大清一統志縣竹故城在今綿州德陽縣北 紫巖山

紫巖山

元和志紫巖山在今綿竹縣西北三十里 方輿勝覽紫巖山在縣竹縣去無為山十里皆西北勝絕處 名勝志紫巖山極高大亦名綿竹山 方輿紀要紫巖山與武都山相接紫巖在今縣竹縣西北

縣水所出東至新都

屬本郡

北入雒

蜀都賦浸以縣洛注云縣水在紫巖縣出紫巖

山 水經注縣水西出縣竹縣 元和志縣水

出紫巖山蜀都賦浸以縣洛謂此水也 寰宇

記縣水在今漢州紫巖縣東北三十里當縣之

紫巖山 遊蜀記縣州在縣郡有汧江所染鄉

紅于此水濯後益鮮故人之所重縣出紫巖縣

西北東南流入德陽縣界又南入溪州界 方

輿勝覽縣水在今雒東三十里灌田頗廣 方

輿紀要縣水源出紫巖縣紫巖山東北流復折

而南入漢州界又南經新都縣北入雒水 大

清一統志縣水今名縣陽河 水道提綱縣水

源出紫巖縣西北紫巖山東南流經縣北境一

百八十餘里至德陽縣東北境折南流經縣東

至漢州東境凡一百七十里折西南流與西北

來之雒水會而南曰雁水

都尉治

廣漢

本書成帝紀鴻嘉三年廣漢男子鄭躬等盜庫

兵 水經涪水南至小廣魏與梓潼合注云小

廣魏即廣漢縣也 又云梓潼水又西南至小

廣魏南入于墊江注云亦言涪水至此入漢又

謂之為內水也 元和志今梓州通泉鹽亭二

縣並漢廣漢縣地又遂州亦廣漢地 寰宇記

今武信軍蓬溪青石二縣並漢廣漢縣地 輿

地廣記今遂寧府小溪縣本漢廣漢縣地 輿

地紀勝廣漢故城在今鹽亭縣東北十五里又

有隋廣漢城在通泉縣北三十里 方輿紀要

廣漢廢縣在今射洪縣東南百里 大清一統

志廣漢故城在今潼川府遂寧縣東北 按水

經注漾水篇及羌水涪水梓潼水諸篇經文俱

作廣魏胡梅欄謂廣魏者故廣漢也蓋曹氏改

名漢後人續經此其一證然何紀瞻又據顧寧

人之說謂魏書崔浩傳浩工書人多託寫急就

章必稱馮代強以示不敢犯國史于馮代強下

注曰疑按急就篇有馮漢強魏初國號曰代故

改漢強為代強鄧道元以廣漢為廣魏即此例

也據此則非由曹氏改名矣

莽曰廣信

葭明

續志晉志並作葭萌 應劭曰音家旨 師古

曰明音萌 晉書晉義上音加下亡行反 錢

大昕曰古音明如萌 史記貨殖傳秦破趙遷

其民諸遷虜少有餘財爭與吏求近處處葭明

水經漾水又東南至葭萌與東北羌水合

華陽國志蜀王封其弟于漢中號曰苴侯因命

之邑曰葭萌苴王與巴王為好巴與蜀為讎故

蜀王怒伐苴苴奔巴求救于秦秦遣張儀伐蜀

滅之因滅巴 括地志苴侯都葭萌在今利州

益昌縣五十里 通典梁州金牛縣巴州清化

縣集州大牟縣並漢葭萌縣地 元和志今興

元府金牛三泉二縣利州縣谷益昌葭萌嵐山

四縣劍州劍門縣並漢葭萌縣地 寰宇記今

利州縣谷葭萌平蜀昭化四縣並漢葭萌縣地

又巴州其章清化二縣集州嘉川縣興元府三

泉縣亦漢之葭萌縣也 寧國圖經時人呼葭

明為小益州以成都為大益州也 大清一統

志葭明廢縣在今保寧府昭化縣南 水道提

綱黃沙江源出摩天嶺南流百餘里會二水又

南折東南百里受二小水又東經劍閣山北又

東至昭化縣城北入白水江即古葭明水也

按葭明縣即漢建安二十五年昭烈帝改為漢

壽者今為四川保寧府廣元縣

鄴

華陽國志鄴縣蓋取鄴江為名 師古曰音妻

又音于私反 後書王渙傳注鄴縣故城在今

梓州鄴縣西南 元和志今梓州郭下鄴縣本

漢舊縣因鄴江水為名也又射洪飛鳥銅山三

縣亦鄴縣地 寰宇記鄴縣在今縣南九里臨

江鄴王城基址見存鄴江水源出元武縣東南

流入銅山縣界 續通典故鄴城在今射洪縣

南九十里臨江一名鄴王城蓋以鄴江名也

輿地紀勝漢鄴縣城在今潼川府飛鳥縣北三

十里鄴江源出銅山縣赤岸溪流經飛鳥會衆

流入長江 方輿勝覽鄴江在鄴縣西南源出

潼川府銅山縣赤岸溪 方輿紀要廢鄴縣即

今潼川府治鄴江在州西南源自中江縣銅官

山會衆流繞牛山山下又東南經射洪縣至遂

寧縣界而合于涪江其合處謂之鄴口 大清

一統志鄴縣故城在今潼川府三臺縣南鄴江

水自中江縣界發源東流經縣南至蓬溪縣入

涪江 水道提綱鄴江有三源合而東南流入

涪江涪江自此亦折向東也

新都

益州記蜀有三都謂成都廣都新都也 水經注洛水又南逕新都縣與綿水合 又云金堂水新都縣東南流入涪 後漢第五訪傳注新都故城在今益州新都縣東 通典今益州新都縣漢舊縣故城在今縣東又簡州金水縣亦漢新都縣地有銅官山漢文帝以賜鄧通鑄錢 寰宇記今益州靈池縣本漢新都縣地 輿地紀勝故新都縣去今金堂縣西十五里在今新都縣之東 方輿勝覽今懷安軍金水金堂二縣即漢新都縣也 方輿紀要新都舊城在今新都縣東二里法正依劉璋爲新都令即此 大清一統志新都故城在今成都府新都縣東府志云在縣東二里

甸氏道

李奇曰甸音賸 師古曰音食證反 十七史商榷按甸古讀爲乘又或音儼 大清一統志甸氏故道在今階州文縣西 白水出徼外東至葭明

入漢

海內東經白水出蜀而東南注江注云色微白濁今在梓潼白水縣源從臨洮西傾山來經沓中東流過陰平至漢壽縣入潛 宋書州郡志白水自西傾至陰平界氏居水上者爲白水氏 水經注白水出臨洮縣西南西傾山水色白濁東南流逕建陽郡東又東南逕白水縣故城東又南逕興武城東又東南於吐費城南注漢

水 寰宇記白水在文州城外五十步源從故

松州赤磨嶺流下扶州故萬泉縣東至曲水縣界 禹貢錐指白水自洮州衛流經文縣平武劍州至昭化縣東入西漢水此即禹貢之桓水西傾之戎所因以來的也 大清一統志白水自徼外流入陝西階州文縣南又東南流入四川保寧府昭化縣界 按此即今之白水江本志誤指爲禹貢之桓水者也詳見蜀郡下 又按凡言徼外者皆謂去其郡縣之境不甚遠如廣漢郡甸氏道之白水剛氏道之涪水蜀郡旄牛之鮮水若水湍氏道之江水汶江之澗水越巂郡遂久之繩水青蛉之僕水益州郡嵩唐之周水來唯之勞水牂柯郡西隨之麗水皆是張揖曰徼者塞也以木柵水爲蠻夷界也

過郡二

過武都廣漢二郡

行九百五十里莽曰致治 白水

續志劉昭注補山海經曰白水出蜀而東南入江郭璞曰今在縣 水經漾水又東南至廣魏白水縣西 又云羌水又東南至廣魏白水縣西 又云羌水又東南至廣魏白水縣與漢水合 水經注白水又東南逕白水縣故城東即白水郡治也 元和志今利州縣谷縣本漢白水縣白水一名羌水經縣西一里 九域志昭化縣有白水鎮 大清一統志白水故城在今保寧府昭化縣西北白水自陝西階州文縣流入縣西北又東南合嘉陵江

剛氏道

大清一統志古剛氏道在今龍安府平武縣東按剛氏爲涪水所出今涪水實出府西則府境爲故剛氏道無疑元和志通典惑于鄧艾傳之說遂以龍州爲漢魏無人之地後人又以府爲漢陰平縣地皆誤 涪水出徼外南至墊江 屬巴郡

入漢

說文涪水出廣漢剛氏道徼外南入漢從水音聲 字林涪水一曰湍水 水經注涪水出廣漢屬國剛氏道徼外東南流入墊江亦謂之內水逕涪縣西又東南與建始水合南流入于涪 又東南逕江油戍北又東南逕南安郡南又西逕五城縣爲五城水又西至成都入于江 方輿紀要涪江出松潘衛北九十里之小分水嶺東南流至綿州城東南亦謂之綿水又歷羅江縣東北亦謂之羅江水又東南至合州城東南與嘉陵江合又東南入于岷江 大清一統志涪江源出松潘廳北小分水嶺東南流至龍安府城南又東南經江油縣東又西南經彰明縣東又南入綿州東又東南入潼川府界經府城東又東南經射洪縣東蓬溪縣西遂寧縣東入重慶府合州界至州城東南與漢渠諸水合流即內江也 皇朝通志涪江出松潘廳東北之小分水嶺東南流經龍安府治平武縣西北有白馬河來會又南經江油縣東南又經彰明縣分流經城之左右而合有小江河即康讓水來

會又南有石板河自石泉縣合諸水來會經綿州東南有茶坪河自安縣來會又東南經潼川府三臺縣西北有中江水自中江縣來會經射洪縣北有唐橋溪來會又東有梓潼水自鹽亭縣來會又南有鄰江來會折東南有馬桑溪自蓬溪縣來會經遂寧縣東又南流有關箭溪合樂至縣水安居場水來會經合州西南有立石河自永川壁山銅梁縣來會又東嘉陵江合渠河來會東南流至重慶府治巴縣西北折東流入于大江 水道提綱涪水出松潘衛東稍北之小分水嶺東南流注平武縣西北又南經龍安府城西南折東南經古城南始曰涪江又東南至舊州東折西南經江油縣東南又西南至彰明縣又南折而東經綿州北又東南至三臺縣西北射洪縣北遂寧縣東又東北至合州西北折而南經州城西南嘉陵江合渠河自東北來會其源流幾及千里又東北至重慶府巴縣西北經府城北稍東入大江

過廣漢巴二郡

陰平道

水經注白水又東南逕陰平道故城南又東逕陰平大城北蓋其渠帥自故城徙居也 元和志今文州曲水縣本漢陰平道 通典文州故氏羌之境漢開西南夷置陰平道廣漢郡 方輿勝覽鄧艾所出古陰平道在今文州直西五里平地其地與江油爲鄰唐吐蕃之難徙于高地號曰文臺 方輿紀要陰平道入蜀之間道

也漢武開西南夷置陰平道屬廣漢郡設北部都尉治此以其地隔礙雍梁實爲險塞也即今階州文縣是矣諸葛武侯既定陰平北至武都謂全蜀之防當在于此其後鍾鄧入寇姜維請備陰平橋頭以防未然後主不從遂及于難 又云陰平橋在今文縣東跨白水上即所謂陰平橋頭也 大清一統志陰平故城在今階州文縣西北 北部都尉治 按後漢安帝永初三年分廣漢蠻夷置廣漢屬國都尉治此蓋爲秦蜀出入門戶也 莽曰摧虜

漢書地理志補注卷四十六 蜀郡

華陽國志蜀之先肇于人皇至黃帝爲子昌意娶蜀山氏女生子帝嚳因封其支子于蜀世爲侯伯武王伐紂蜀與焉 史記索隱蜀西南夷舊有君長其後有杜宇自立爲王號曰望帝 方輿紀要蜀郡秦郡也今成都府龍安府及邛雅二州是其地 按漢蜀郡今四川成都府之成都華陽雙流新繁郫五縣及崇慶州雅州府之雅安榮經清溪三縣及天全州茂州保汝川二縣邛州州治松潘廳皆其地

秦置

史記秦本紀昭襄王六年蜀侯煇反司馬錯定蜀 又云惠文王後九年司馬錯伐蜀滅之 水經注秦惠王二十七年遣張儀與司馬錯等滅蜀遂置蜀郡 元和志秦惠王八年滅蜀封公子通爲蜀侯于成都置蜀郡以張若爲守因蜀山以爲郡名也 地理通釋蜀始見于牧誓 秦惠王伐蜀有其地 地理志稽疑蜀郡故蜀國秦惠文王後十四年因之水經注以爲二十七年蓋連前十三年數之也高帝始建國三郡之一武帝元鼎六年以笮都地置沈黎郡天漢四年省入蜀郡西部又以冉駹地置汶山郡宣帝地節三年省入蜀郡北部 按本書武帝紀元鼎八年定西南夷以爲武都郡柯越嶲沈黎汶山五郡考汶山郡宣帝地節三年省并蜀郡惟沈黎郡紀志不合何時省并據後書西南夷傳云祚都夷者武帝所開以爲祚都縣元鼎六

年以爲沈黎郡至天漢四年并蜀爲西部置兩都尉一居旄牛主徼外夷一居青衣主漢人此可補本紀之闕

有小江入并行千九百八十里

宋祁曰南本改并作關亦未允

禹貢桓水出蜀山西南行羌中入南海

禹貢西傾因桓是來 孔氏正義據地理志所云則初發西傾未有水也不知南行幾里始得桓水

水經桓水出蜀郡岷山西南行羌中入于南海注云禹貢岷嶓既藝沱潛既道蔡蒙旅

平和夷底績鄭玄曰和上夷所居之地也和讀曰桓地理志曰桓水出蜀郡岷山西南行羌中

者也尙書又曰西傾因桓是來馬融王肅云西治傾山惟因桓水是來言無他道也予按經據

書岷山西傾俱有桓水桓水出西傾山更無別流所導者惟斯水耳浮于潛漢而遠江河故晉

地道記曰梁州南至桓水西底黑水東限捍關今漢中巴郡汶山蜀郡漢嘉江陽朱提涪陵陰

平廣漢新都梓潼犍爲武都上庸魏興新城皆古梁州之地自桓水以南爲夷書所謂和夷底

績也然所可當者惟斯水與江耳桓水蓋二水之別名爲兩江之通稱矣鄭玄注尙書言織皮

謂西戎之國西傾雍州之山雍戎二野之間人

有事于京師者道當由此州而來桓是隴坂名

其道盤桓旋曲而上故名曰桓是今其下民謂

是阪曲爲盤也斯乃玄之別致恐乖尙書因桓之義非浮潛入渭之文予考校諸書緝綜川流沿注之緒自西傾至葭萌入于西漢卽鄭玄之

所謂潛水者也自西漢溯流而屈于晉壽界沮漾枝津南歷岡穴迤邐而接漢沿此入漾書所謂浮潛而逾沔矣歷漢川至南鄭縣屬于褒水

溯褒暨于衙嶺之南溪水支灌于斜川屈于武功而北達于渭水此乃水陸之相關川流之所

逕復不乖禹貢入渭之宗實符尙書亂河之義也 方輿紀要墊江水卽隋文之白水郭景純

曰自西傾山東南流入漢而至墊江故段國沙州記以爲墊江水卽禹貢之桓水 禹貢雖指

漢志蜀郡下桓水別是一水行羌中入南海不復經中國班氏指爲禹貢之桓水何其謬也

鄺道元云岷山西傾俱有桓水此亦爲班孔作調人耳桓字古有和音鄭康成讀和夷之和曰桓

謂水上卽夷所居晉地道記云梁州之地自桓水以南爲夷書所謂和夷底績也依鄭說其所

指者當爲漢之洩水唐之大渡河而謂此水卽西傾所因之桓水大非鄭既破和爲桓其子因

桓是來則又云桓是隴坂名其道盤桓旋曲而上故名曰桓支離舛錯殊不可通 地理今釋

桓水一名白水出今陝西岷州衛東南分水嶺至四川保寧府昭化縣東入西漢水 水道提

綱白水江卽古桓水亦曰墊江源出邊外洮源東南之西傾山源曰裴雜搭拉泉澤十數泓湧

成二渠東南流入陝西邊經武都關東南西固所南與白龍江會水勢始盛又東南清江自邊

外來會又東南至階州西南又東經州城南又東南經文縣東俗曰黑水江又東南入四川界

經昭化縣北又東南有黃沙江合諸水來會合

于嘉陵江 尙書後案地志于蜀山繫郡下不繫縣下蓋徼外山也元和志茂州通化縣本漢廣柔縣地蜀山在縣東北六里漢廣柔故城在今威州西唐通化縣今無可考大約在今茂州

之保縣及威州界內蜀山在此爲桓水所自出則與瀚氏道徼外山水所出之岷山相連鄺注

云岷山西傾俱有桓水岷山桓水卽蜀山桓水也 新校地理志水經桓水出岷山岷山卽蜀

山也據此則桓水與江同源矣禹貢和夷底績鄭康成曰和讀爲桓桓夷者近桓水之夷也據

此則是唐之吐蕃今之西藏矣然則桓水卽大金沙江歟 札樸南詔傳云夷語山陂陀爲和

按開元末南詔逐河蠻取大和城貞元十年章泉敗吐蕃克峨和城施浪詔居直和城施各皮

據石和城西爨有龍和城南詔碑石和子邱遷邱皆羌夷稱和之證 按禹貢桓水卽廣漢郡

甸氏道之白水亦卽墊江水蜀郡之桓水自別是一水入南海者孟堅以當禹貢之桓水實誤

莽曰導江 按王莽以公孫述爲導江卒卽蜀郡太守也

屬益州 水經注地理風俗記曰華陽黑水惟梁州漢武

帝元朔二年改梁州曰益州以新啓犍爲牂柯越嶲州之疆壤益廣故稱益云初治廣漢之維

縣後乃徙此 縣十五

成都鄠繁廣都臨邛青衣江原嚴道縣旄旄牛

徙瀚氏道汶江廣柔蠶陵

成都

史記河渠書秦昭王時蜀守李冰鑿離堆避沫水之害穿二江成都之中此渠皆可行舟有餘則用灌浸百姓享其利注云任預益州記曰二江者郫江流江也 華陽國志秦惠王二十七年張儀與張若城成都周回十二里高七丈縣本治赤里街若徙置少城內府舍市肆與咸陽同制 蜀地圖記武帝元鼎二年太城立九門少城立九門故有十八郭門之稱 水經注江水又東逕成都縣縣以漢武帝元鼎二年立縣有二江雙流郡下故揚子雲蜀都賦曰兩江珥其前也風俗通曰秦昭王使李冰為蜀守開成都兩江溉田萬頃按成都故城即今縣治蜀王開明故都也秦置成都縣舊有大城小城羅城羊馬城 括地志二江合於成都城之東南岸曲有合江亭 元和志今成都府郭下成都縣本南夷蜀侯之所理也秦定蜀因築城而郡縣之自秦漢至國初以來前後移徙十餘度所理不離郡郭 南部新書蜀中傳張儀築成都城依龜行路築之 寰宇記二江合流亦名錦江蜀人以水濯錦鮮明也 元豐成都志二江舊皆從府西入城自唐高駉築羅城遂從西北作廩棗偃塞故瀆更鑿新渠導外江繞城西而北內江繞城西而南下流仍合于舊瀆舊瀆者合江亭也 山堂雜論外江內江之名前後凡三見大江為外水涪為內水此不易者也瀘水入雜為外江流江入江為內江此自成都府言之也郫江對大江而言則大江為南江郫為北江

對流江而言則流江又為外江郫為內江此自成都一城言之也流江實兼內外之稱各因所指立名似相雜而實不相溷也 方輿勝覽成都蓋取史記所謂三年成都之義 胡三省通鑑注成都以太城少城二城皆秦張儀所築儀既築太城後一年又築少城太城成都子城也少城惟西南北三壁東即太城之西墉秦置蜀郡漢因之 方輿紀要郫江在府城南十里大江之支流也亦曰汶江自灌縣分流經郫縣歷府城西折而南又東合于流江亦謂之內江又名石犀渠相傳李冰導江穿渠作石犀者以厭水因名流江在府城北亦自大江分流由灌縣東北經新繁縣又東過府城北折而南至府東南十餘里合于郫江一名外江又名清遠江以合于郫江通謂之二江 大清一統志成成都故城即今成都府成都華陽二縣治郫江自灌縣分大江東流經郫縣北又東入成都縣界繞城北而南與錦江合錦江即流江也自郫縣西分流至府城東南合郫江折西南入彭山縣界舊統名為二江亦曰都江 水道提綱成都府城環以沱江自北而東南者曰外江一名清遠江自北而經城西又東經城南者曰內江亦名石犀渠皆西北從郫江而分者也至城南內外二渠復合而西南流有新開河北自郫縣之南溫江縣之北東南流來會又西南流百餘里入大江 又云自灌縣瀘口支流分三道東南流其經郫縣北者即郫江亦曰北江俗曰由于河至府城西北依城而東而南即外江也其經郫縣

南溫江縣北至犀浦南而東經府城西而東南者即內江俗曰走馬河也其由郫江西南而東經溫江城北而東南至府之南境會內外江而西南者新開河也 按封禪書江水祠蜀括地志江陵祠在益州成都縣南八里蓋秦并天下祀江于蜀漢初因之至宣帝始改祀于江都耳

有工官

本書禹貢傳有三工官如淳曰一在蜀郡成都晉灼曰舊時蜀郡工官作金馬書刀布刀

郫

蜀王本紀望帝治岷山下邑曰郫積百餘歲益州記杜宇名蒲卑都于此秦因以郫名邑至今不改 本書楊雄傳遡江上處嶧山之陽曰郫 華陽國志張儀與張若城郫城周回七里高六丈上置觀樓射闌與成都同制 又云李冰壅江作壩穿郫江檢江別支流雙過郡下成都記郫縣出大竹土人截為筒盛酒謂之郫筒酒 水經注江水又東北逕郫縣下 師古曰音疲 晉書晉義音皮 後書臧宮傳注郫縣故城在今益州郫縣北 元和志今成都府郫縣本郫邑蜀望帝所治也秦滅蜀因而縣之不改故郫城在今縣北五十步又溫江縣及彭州導江縣並漢郫縣地 集韻郫縣名在蜀或作鞞 輿地紀勝成都記云魚鳧治在導江縣則導江古魚鳧之國也 胡三省通鑑注郫即古卑邑古魚鳧氏治也為蜀王杜宇所都秦相張儀始築城置郫縣漢因之 大清一統志郫

縣故城在今成都府郫縣北
禹貢江沱在西東入大江

禹貢岷山導江東別爲沱孔傳江東南流沱東行爾雅釋水江爲沱李巡曰江水溢出爲沱郭璞注沱水自蜀郡都安縣湔山與江別而東流河圖括地象新繁縣有繁江首受郫江即禹貢江沱也任預益州記郫江者大江之支也亦曰涪江亦曰湔水在蜀與雒水合水經注江水歷都安縣李冰作大堰于此益州記曰江至都安堰其右檢其左其正流遂東師古曰沱音徒何反括地志新繁縣有繁江首受郫江即禹貢江沱也唐書地理志武后時彭州長史決唐昌沱江鑿川派流合壩口琅岐水溉九隴唐昌田宋史河渠志阜江支流迤北曰都江口置大堰疏北流爲三曰外應溉導江新繁達于金堂東北曰三石洞溉導江九隴崇寧蒙陽達于漢之雒東南曰馬騎溉導江崇寧郫江成都華陽元史河渠志南江北江皆自都江堰東行北舊無江李冰所鑿自離堆又東至三石洞灑爲二渠其一自上馬騎東流過郫入于成都古謂之內江今府河是也其一自三石洞北流過將軍橋又北過四石洞折而東流過新繁入于新都古謂之外江此冰所穿二江也方輿紀要沱江在郫縣西北十五里即李冰所鑿大江別出處非禹貢江沱也自彭縣流經縣界入華陽縣境即流江之上源成都人謂之外江也禹貢雖指自漢以來皆以郫江爲沱水流江爲大江水經所敘江水自都安至成

都者考其源委皆流江也然流江實非大江江原縣鄒水近世謂之大卑江者則岷江之正流也而班氏以爲首受江故鄭康成云沱之類鄒與郫俱爲沱而流江于是乎爲大江矣推尋事理李冰所穿之二江一是流江乃冰所創造一是郫江即禹貢之沱時必淤淺冰復從而濬之遂并數爲二江茲二江者或稱內江外江或稱南江北江彼此參錯未知誰是其湔水不經成都縣界元史河渠志以郫湔爲冰所穿之二江大謬又云今郫縣江沱亦名郫江在成都府郫縣北地理志今釋江沱在梁州者則今四川成都府郫縣沱江是江在縣北六里一名郫江至瀘州入大江至其上流爲成都府灌縣蔡傳所謂永康軍導江縣也四川通志大江經灌縣西三十三里分爲二派其一東南經崇慶州至新津者今謂之南江其一東循灌城者今謂之北江即禹貢江沱也北江又分爲三派其一東南經溫江過府城南入新津合大江者爲流江其一自灌縣寶瓶口直東入五斗口東北經新繁過府城北折而南合流江者謂之郫江其一自寶瓶口東北穿三泊洞又東北經新繁新都至漢州入雒者爲湔水大清一統志沱江自灌縣南分大江東流經崇寧縣南郫縣北又東經新繁縣南成都縣北又東經新都金堂二縣南又東合湔水按宋史所謂外應即沱江也三石洞即湔水也馬騎即流江也舊志謂江沱始于禹貢水經注以爲開明所鑿寰宇記又專歸之李冰皆誤其言固是然禹跡難尋今所稱

沱江者大抵皆後世所開以溉田約略傳其舊名耳水道提綱江至灌縣曰都江分爲二派其南流者正派也其東流經郫縣新繁成都新都金堂南經簡州資陽資縣富順至瀘州復入大江者沱江也沱江會北來綿維諸水而南入江曰中水是首受江尾入江也水經注釋按漢志郫縣下云禹貢江沱在西東入大江顧宛溪云世或以成都內江外江爲沱水夫二江爲李冰所引非禹貢之沱也宛溪之說誠然且梁荆之沱有三蜀郡之汶江也郫也南郡之枝江也汶江枝江俱無禹貢字而郫獨有之何哉史記河渠書蜀守李冰鑿離離辟沫水之害穿二江成都之中注引任預益州記云二江者郫江流江也華陽國志曰李冰壅江作壩穿江檢江別支流雙過郡下檢江即流江水穿一江而爲二則冰以前無支流可知何得以郫江爲沱耶胡肅明則主郫江云推尋事理李冰所穿之二江一是流江乃冰所創造一是郫江即禹貢之沱時必淤淺冰復從而濬之遂并數爲二江夫既云二江皆冰所穿則何以獨檢江爲冰之創始而郫江僅加疏濬耶此欲詭譎班志郫縣下禹貢二字而不覺言之出于胸臆不可從也尚書後案郭氏爾雅注云沱水自蜀郡都安縣湔山與江別而東流今成都府灌縣東有都安故城此即漢志江沱後人謂之郫江郫水出自山源而下流爲李冰所穿後人因其引此江與大江東雙過郡下遂目爲二江而皆以爲冰所穿其實冰所穿惟郫江也此江起今灌縣西南

至雙流縣北岸合流江所行不過三百餘里源流短狹又與沱自江出之義不合也 按蜀中水自李冰穿二江之後已變禹舊跡其源無可復考志以爲禹貢江沱鄭康成久駁之矣

繁

華陽國志繁縣在蜀郡北九十里 後書臧宮傳注繁江名因以爲縣故城在今益州新繁縣北 括地志繁江水受郫江禹貢曰岷山導江東別爲沱源出益州新繁縣 元和志漢繁縣因繁江以爲名後周改爲新繁 元統志漢故繁城在今九隴縣東四十里 大清一統志漢繁縣故城在今成都府新繁縣東北府志云在今縣北二十里

廣都

華陽國志廣都縣在蜀郡西三十里漢武帝元朔二年置有漁田鹽井之饒 楊雄蜀本紀蜀王本治廣都之樊鄉後徙成都 任豫益州記縣有望川源鑿石二十里引取郫江水灌廣都田云後漢所穿鑿者 水經注江水又東逕廣都縣江北則左對繁田文翁又穿湔渎以灌溉繁田一千七百頃 後書岑彭傳注廣都縣故城在今益州成都縣東南 隋志蜀郡雙流縣舊曰廣都仁壽元年改 元和志今成都府廣都縣本漢舊縣又華陽靈池雙流三縣亦廣都地又陵州貴平縣亦成都之東南地 寰宇記益州雙流縣本漢廣都縣地 大清一統志廣都故城有二一在今華陽縣東南漢置自隋改縣曰雙流而此城廢一在今雙流縣東南唐析

雙流所置並屬成都府 又云按隋志元和志俱謂雙流即漢廣都據章懷注參考岑彭吳漢傳漢縣當在府東南江北岸但不知徙置在何時耳寰宇記續通典謂唐縣在漢縣南十餘里則漢縣又當在雙流縣界明統志謂漢城在唐縣北十五里晉城在縣北十五里未知何據 莽曰就都亭

臨邛

史記貨殖傳卓氏曰吾聞汶山之下沃野下有蹲鴟至死不饑乃求遠遷致之臨邛程鄭山東遷虜也富埒卓氏俱居臨邛 華陽國志秦張儀與張若城臨邛周回六里高五丈在蜀郡西南二百里 水經注江水又逕臨邛縣公孫述爲導江卒正治此 水經注沱水又東逕臨邛縣邛水注之 元和志今邛州臨邛安仁依政臨溪火井蒲江諸縣並漢臨邛縣地 舊唐書地理志邛州依政縣秦蒲江縣漢曰臨邛 方輿紀要臨邛廢縣今邛州治王莽改蜀郡太守爲導江卒正治臨邛公孫述因以篡竊者也 大清一統志臨邛故城即今邛州治州志云在州南五里 僕千水東至武陽 屬犍爲郡

入江

華陽國志臨邛有布僕水自布僕來合文井江水經注江水又與文井江會李冰所導也自臨邛縣東逕江源縣與布僕水合布僕水出旄牛道又東至武陽天杜山下入江 方輿勝覽

布僕在臨邛縣出獠界來合火井 元統志白水水自邛州依政縣流入經天杜山下入江即僕千水也 寰宇通志布僕水在嘉定州邛縣西八十里發源自獠界即古之濮也 大清一統志文井江在今成都府新井縣南自邛州流入大江即古僕千水也今名南河布僕水在州西南八十里自天全土司界流入合南河 按布僕水即僕千水文井江本作火井江即火井也 過郡二行五百一十里 按過蜀犍爲二郡

有鐵官 徐廣曰臨邛出鐵 華陽國志臨邛有古石山有石鑛大如蒜子火燒合之成流支鐵甚剛因置鐵官有鐵祖廟 元和志今邛州臨溪縣東十九里有孤石山山有鐵鑛歷代因置鐵官焉 唐書地理志臨邛有鐵臨溪縣有鐵官 九域志惠民局在邛州南六十里咸平四年置鑄鐵錢

鹽官

華陽國志漢地節中穿臨邛蒲江鹽井二十所增置鹽鐵官 蜀都賦注火井在臨邛縣西南火井鹽井也欲出其火先以家火投之須臾許隆隆如雷聲爛出通天光耀十里以笥盛之接其光而無炭也取井火還煮井水一斛水得四五斗鹽家火煮不過二三斗鹽耳 博物志臨邛有火井縱廣五尺深二三丈在縣南百里昔人以竹木投之取火後人以家燭火投井中火

即滅絕不復燃 水經注臨邛縣有火井鹽水
昏夜之時光與上照 元和志今鹽井距蒲江
縣二十里 舊唐書地理志蒲江火井有鹽
寰宇記靜邊井在火井縣西四十里出鹽 元
史食貨志邛州有二鹽井宋時地震鹽水湧溢
州民願作什器煮鹽而輸課於官詔四川鹽運
司主之今廢

莽曰監邛
青衣

史記彭越傳上赦以為庶人傳致蜀青衣 應
劭曰青衣順帝更名漢嘉 續志漢嘉故青衣
陽嘉二年改 華陽國志高后六年開青衣天
漢四年罷沈黎郡置兩郡都尉一治旄牛主外
羌一治青衣主漢民 水經注青衣縣故青衣
羌國也竹書紀年梁惠成王十年瑕陽人自秦
導岷山青衣水來歸漢武帝分沈黎郡置西
都尉治青衣主漢民公孫述之有蜀也青衣不
服世祖嘉之建武十九年以為郡安帝延光元
年置蜀郡屬國都尉青衣王子心慕漢制上求
內附順帝陽嘉二年改曰漢嘉嘉得此良臣也
大清一統志後漢漢嘉故城在今雅州府雅
安縣北本漢青衣縣

禹貢蒙山谿

禹貢蒙旅平正義蒙山在蜀郡青衣縣蔡山
不知所在 南齊書劉俊傳蒙山近青衣水南
去南安二百里 水經注沫水出岷山西東流
過漢嘉郡南流衝一高山其上合下開沫水
逕其間即蒙山也瀕崖水脈漂疾歷代為患蜀

都太守李冰發卒鑿平瀾崖通正水路 括地
志蒙山在嚴道縣南十里 元和志蒙山在雅
州嚴道縣南十里今每歲貢茶為蜀之最 寰
宇記蒙山在名山縣西七十里北連羅繩山南
接嚴道縣山頂全受陽氣其茶芳香茶譜言山
有五嶺出中頂上青峯者所謂蒙頂茶也唐天
寶六年改名始陽山 方輿勝覽禹貢梁州之
山有四岷嶓蒙西山皆岷北山皆嶓南山皆
蒙峨嶓在禹貢則蒙山之首云 方輿紀要蔡
山在雅州東五里禹貢蒙旅平即此蔡山也
巖巒高聳為州之望東十里有地名旅平鄉大
禹旅祭處俗呼為落平蒙山在名山縣西十五
里有五峯禹貢蒙旅平即此蔡山也 地理
今釋蔡山葉少蘊謂即周公山在今四川雅州
東五里蒙山在今雅州名山縣西五里接雅州
及蘆山縣界 大清一統志蒙山跨雅安名山
蘆山三縣及邛州之境
大渡水東南至南安
屬犍為郡
入瀾

蜀都賦注沫水出汶山之西東流過漢壽縣南
流有高山上下開水經其中曰沫水 水經
沫水出廣柔徼外東南過旄牛縣北又東至越
嶺靈道縣出蒙山南東北與青衣水合東入于
江青衣水出青衣縣西蒙山東與沫水合至犍
為南安縣入于江注云青衣縣有蒙山沫水逕
其間青衣水亦發于此東逕其縣與沫水會合
為一川自下通謂之為青衣水又東逕平鄉謂

之平鄉江又東逕峨眉山又東流注于大江
元和志青衣水一名平羌水經洪雅縣南一里
又逕夾江縣南又逕龍游縣南又浮圖水一名
車廬水經蘆山縣西南五里又羅帶水經縣東
五十步又平羌水經嚴道縣東二里 寰宇記
浮圖水從生羌界來經嚴道入洪雅縣界亦曰
青衣水又大渡水亦從生羌界來流入浮圖水
又云龍游縣在大江之西即青衣水合江之
所青衣水灌衣即青故名 又云大渡河一名
沫水在通望縣南十五里自吐番逕雅州諸部
落至黎州東流入縣界 方輿勝覽青衣水以
縣名一曰蒙水以山名又曰大渡以縣名又曰
雅江以州名 又云大渡河于黎州為南邊要
害之地唐時大渡之戍一不守則黎雅邛嘉成
都皆擾建隆三年王全斌平蜀以圖上議者欲
因兵威復越嶲藝祖以玉斧畫此河曰外此吾
不有也于是為黎之極邊曩時河道廣平可通
漕舟自玉斧畫河之後河之中流忽陷下五六
十丈河流至此澎湃如瀑從空而落春撞怒號
波濤洶湧船筏不通名為噎口殆天設險以限
蠻夷也 地理通釋大渡河一名羊江山源出
鐵豹嶺其嶺即岷山羊膊嶺之異名也 明統
志青衣水源出蘆山東南流至雅州界合沫水
又大渡水在蘆山縣北四十里邛縣蘆山往來
必渡此水故名大渡東南流入南安縣界 又
云大渡河一名陽江源出吐蕃經黎州城南九
十里東注嘉定入于江 方輿紀要青衣水出
雅州蘆山縣東九里之蘆山由雅州西境東北

流逕名山縣南而入洪雅縣界歷眉州之丹稜縣東南流逕州南又歷青神縣東南而入嘉定州夾江縣界又東至州西而合于陽江即大渡河也又東入于大江舊志云沫水亦出廬山合于青衣故青衣兼有沫水之稱而大渡河下流曰陽江亦名沫水則沫水又青衣大渡之通稱矣又云大渡河出雅州西北生羌界一名沫水史記司馬相如除邊關益斥西至沫若水此即沫水也流經雅州廬山縣北又西南流逕黎州所西折而東南經越巂衛北境東流入嘉定州界歷峨眉縣南至州城東南而入于大江禹貢錐指青衣水自廬山縣北東流入雅州與沫水合沫水自威州徼外東南流經天全六番招討司西北又東南經廬山至雅州東青衣水注之又東經洪雅夾江峨眉至嘉定州會泅水入大江二水本異源酈道元云蒙山即大渡水據下流合處言之耳四川通志龍門河源出天全司北九天山大川冷真三處曰魚喜河南流七十里至廬山縣城南又四十里至雅州界俗名雅河又云大渡河在黎大所東穿野夷界出中鎮入峨眉縣土人又名中鎮河經縣西南一百四十里凡一百二十里入嘉定州界爲陽江至州西南合青衣水又東北流十五里至州東南合岷江大清一統志青衣江自雅州府天全州及廬山縣發源至縣南合流又東南逕府北又東南入嘉定府經洪野縣南又東南經夾江縣西南又東南經府城西合大渡水入江名平羌水又名洪雅江即古大渡水也又

云大渡河源出吐番自鐵口野夷流入與雅州府清溪縣接界又東逕鬼皮落野夷入峨眉縣界水勢浩大烟瘴特甚又云大渡河自茂州西南徼外發源經打箭鑪界流入與越巂廳分界又東入峨眉縣界即古泅水也又云陽江即大渡河自夷界流入經嘉定府峨眉縣南界又東逕樂山縣界至府城西南合青衣水入江又云按水經青衣水出青衣縣漢青衣縣爲今雅安廬山地武帝罷沈黎郡置兩都尉一治旄牛一治青衣是水由今廬山歷雅安西境北入洪雅界又東南入夾江又東至樂山縣西合于陽江即大渡河下流也又云按輿圖大渡河源發自茂州西南徼外大小金川司界經邛州大邑縣之西北有數道合流西南流過上下魚通砦西打箭鑪東界經瀘定橋沈邊土司界凡六百餘里而至清溪縣西又南百餘里折而東流逕越巂廳北界清溪縣南界又東入峨眉縣界又云按輿圖青衣江上源有東西二派西派出自天全州北界木坪土司有四水會流東南至廬山縣南即水經之沫水元和志之浮圖水舊志之魚喜河也東北出自廬山縣東北邛州西界伏牛山旁有三水會流而南經縣東至城南與西派合即水經之青衣水元和志之羅帶水寰宇記明統志之大渡水舊志所謂龍門河一派在邛州九子山發源者也二水會于縣城之南又會西來之和水又南會榮經縣之榮經水折而東經府城北又轉東入洪雅縣界自廬山以北曰龍門河縣以南曰多功河雅州

以下曰青衣江隨地異名實卽一水也據漢志本以青衣水爲大渡水水經注則以旄牛徼外之鮮水爲大渡水唐宋以後又以泅水爲大渡水而青衣縣所出止名爲青衣水矣究當以漢志爲正水道提綱陽江即大渡河源自灌縣西南境大邑縣邛州西北境霧中圓覺牛心三山以西諸山數水西南流經小金川司大金川司南北合數小水至上下魚通曰大渡河又南折而西有瀘河自打箭鑪來會瀘河源出西南大雪山三池泉水匯而北流又東北至大岡北與大渡河會折而東南又西南受諸水又東南有越巂河自西南來會越巂河源出越巂衛南山北流經衛東又合諸水又東北會大渡河大渡河又東南流經峨眉縣西南合諸水又東北至嘉定府西南有青衣江自西北來會青衣江源出廬山縣東廬山今日伏牛山數水合西南經縣東又折而南經飛仙閣至雅州府西境合榮經水榮經水出榮經縣東南瓦屋山二源合而西北流至城東北曰周公水俗曰長濱河青衣江既會榮經水東流逕雅州府城北又東南逕名山縣南有百丈山及蒙山水來注之又東南至洪雅縣南又南至夾江縣西又東南始名青衣江經峨眉縣東又東南有三岷水自西北合而來會三岷水有三源合而曰羅目江又東會青衣江青衣江又東南經嘉定府西境而陽江自西南來會陽江即大渡河也既會青衣江于城西又東流逕城南東至烏尤山下入大江按大渡河自北而西而東而東北曲行凡一千

五百里 段玉裁說文注漢志青衣縣下有
大渡水而無青衣水蓋今之青衣水班所謂大渡
水也今之大渡河班所謂澱水也凡水以互受
而名亂舉如是矣且地理志不言沫水但言大
渡水入澱澱水至南安入江水經華陽國志張
揖注漢書皆云沫水與青衣水合入江然則諸
家云沫水與青衣水合者即班志之大渡水與
澱水合也

江原

隋志蜀郡晉原縣舊曰江原後周改名焉 元
和志今蜀州晉原青城唐興三縣及邛州大邑
縣並漢江原縣地 名勝志今成都府崇慶州
在漢曰江原以江水所由也莽改曰邛原以與
臨邛近也州東三十里有江原鎮即漢縣治所
大清一統志江原廢縣在今成都府崇慶州

東南

鄒水首受江南至武陽
屬犍爲郡

入江

說文鄒蜀江原地从邑壽聲 應劭曰鄒音壽
鄭康成尙書注地理志蜀都郫縣汶江及漢
中安陽皆有沱水潛水其尾入江漢耳首不于
此出也江原有鄒江首受江南至武陽入江豈
沱之類歟 水經注江水東別爲沱歷都安縣
又逕臨邛縣又逕江原縣鄒江水出焉水出江
原縣首受大江東南流至武陽縣注于江江水
又與文井江會文井水又東逕江原縣濱文
井江江上有長隄隄跨四十里有朱亭亭有南

青城山山上有嘉穀山下有蹲鴟即芋也食之
不饑 元和志鄒江一名阜江蓋鄒音轉爲阜
耳 寰宇記鄒江一名阜里水自青城縣南流
逕溫江縣入江原縣界 方輿紀要鄒江在崇
慶州北五十里自廢青城縣東南流經州境又
東入溫江縣界入于阜江 禹貢錐指江原縣
鄒水近世謂之大阜江者岷山之正流而班氏
以爲首受江故康成云沱之類 成都府志大
阜江本岷江正流自離堆鑿後始以流江爲正
流而以此爲南江 大清一統志按自漢以來
皆以李冰所鑿經成都者爲大江其南流者曰
鄒水轉謂之入江漢志云江原縣鄒水首受江
南至武陽入江是也元和志以鄒江即阜江與
溫分爲二又與流江互稱大江寰宇記訛稱鄒
爲鄒其源流皆未明晰宋元以來始專以阜江
爲正源近時南流數道有金馬洋馬白馬諸名
而阜江之名又混以今考之江水自汶川縣經
灌縣俗呼沫江經縣城西東南流東分爲沱江
稍南分一支入崇慶州界其流又分二派一經
州東爲白馬河一經州西爲西河即沫江也江
水又東南東分爲油子走馬二河即成都之二
江也其南分者曰洋馬河亦入崇慶州界江水
又東南至溫江縣西爲金馬河南流入新津縣
金馬河之東又分一支歷溫江縣南雙流縣西
爲楊柳河楊柳河之東又分一支經雙流縣城
西數派分流皆會于新津東北又南入眉州彭
山縣界與成都之二江會舊志或以白馬河爲
阜江或以洋馬河爲鄒江按諸派中惟金馬河

在溫江縣西與元和志合新津縣志云岷江正
派曰金馬河自溫江縣東南流經雙流縣西又
二十里經縣北界又南二十里合洋馬河西河
至縣東門界外又合南河又五十里入彭山縣
界據此當以金馬河爲阜江正流也 地理志
稽疑汶江縣之沱爲開明所鑿鄒縣之沱是滿
崩江李冰所堰皆非禹迹也顧祖禹嘗疑之而
不能指沱之所在豈益州無沱水乎予謂江水
篇都安縣下注云鄒江水出焉武陽縣下注云
鄒江水入焉鄒江出江入江與沱義合胡東樵
亦云江原縣鄒江水近世謂之大阜江者岷江
之正流而班氏以爲首受江故鄭康成云沱之
類以此當禹貢梁州之沱或庶幾焉

莽曰邛原

嚴道

本書文帝紀六年冬淮南王長謀反廢遷嚴道
死 又倭幸傳賜鄧通蜀嚴道銅山得自鑄錢
蜀本紀許由之友嚴儔所隱故名 華陽國
志秦始皇滅楚徙嚴王之族以實其地因名嚴
道後往往徙罪人于此 南齊書劉俊傳蒙山
南有故掘銅坑即漢文帝所賜鄧通銅山也
括地志今雅州所理嚴道縣秦昭王相嚴君疾
封于此故縣有是稱 元和志今雅州嚴道百
丈名山廬山榮經五縣並漢嚴道縣地 又云
銅山在榮經縣北三里即文帝賜鄧通者後以
山假與卓王孫歲取千疋今出銅鑛 方輿紀
要嚴道廢縣即今雅州治嚴道山在州南五里
銅山在榮經縣東北三十里 大清一統志嚴

道故城卽今雅州府榮經縣治

邛來山邛水所出東入青衣

本書王尊傳先是王陽爲益州刺史行部至邛
嶲九折坂歎曰奉先人遺體柰何數乘此險及
尊爲刺史至坂叱其馭曰王陽爲孝子王尊爲
忠臣 中山經來山水出焉東流注于大江

郭注邛來山今在漢嘉嚴道縣南江水所自出
也 華陽國志雅州邛嶲山本名邛笮山故邛
人笮人界也山巖阻險回曲九折乃至山上凝

冰夏結冬則劇寒 水經注青衣水又東邛水
注之水出漢嘉嚴道邛來山東至蜀郡臨邛邛
縣東入青衣水 又云嶲山卽邛來山南有九

折坂 元和志邛來山在今榮經縣西五十里
山出竹高節實中堪爲杖名邛竹因山以爲名
也邛來水東流經縣北三里 寰宇記榮經水

在榮經縣東一里出嚴道青山下入縣界 方
輿勝覽邛嶲山在今黎州北本名邛笮乃邛人
笮人界也邛人自蜀入度此山故名邛嶲又有

邛嶲關距州七十里 明統志榮經水在榮經
縣北曰榮水南曰經水出瓦屋山榮水出相公
嶺又長潰江在州城東二里一名邛水其源自

邛來山噴湧流出繞城東北入平羌江又周公
水在州東四里其源自瓦屋山流經周公山因
名 名勝志張騫自河源歸來得高節竹植于

邛山故名邛來其山自沈黎直走千里至臨邛
還抱爲鎮山圖經云山曰邛來浸曰邛水民曰
邛民毛曰邛竹矣 大清一統志邛來山在今

榮經縣西南邛水卽榮經水自榮經縣東南發

源至縣西北會流又北至雅安縣西入青衣按

輿圖榮經縣西南近青溪縣界有五水並發至
縣西會流卽榮水也經水源自縣東南瓦屋山
西北流經縣東至城北與榮水會流總名榮經

水又正北流至雅安縣西會西來之一水折東
流入青衣江蓋榮水卽明統志所謂長潰江經
水卽周公水既會之後未嘗復分至府西卽入

青衣亦不經其東境舊志名稱紛錯與今水道
多不合 水道提綱榮經水出榮經縣東南瓦
屋山二源合而西北流曰周公水卽經水也至

城東北有水西南自黎大所北山三源東北流
合經城西與西北來之榮水會而東北合焉俗
曰長潰河入青衣江

有木官 蜀都賦注引作橘官 元和志雅州貢落雁木
莽曰治嚴 縣廐

應劭曰廐音斯 華陽國志縣廐縣故屬汶山
郡 元和志今茂州汶川縣本漢縣廐縣地廐
音夷北至茂州一百里 名勝志今崇慶州汶

川縣漢之縣廐縣地釋名虎有角曰廐行水中
以地有此獸故名 大清一統志梁汶川故城
卽漢縣廐縣在今茂州保縣南

玉壘山 蜀都賦包玉壘而爲宇劉涓子注玉壘山名在
成都西北汶山界在後故曰宇也 華陽國志

玉壘山出碧玉 郭璞江賦玉壘作東壁之標
元和志玉壘山在今彭州導江縣西北二十

九里茂州汶川縣東北四里 輿地紀勝今永

康軍城外有玉壘關 方輿勝覽玉壘山在今
茂州汶川縣東四里永康軍道江縣西北二十
九里 方輿紀要玉壘山在灌縣西北三十里

大清一統志玉壘山在今成都府灌縣西北
茂州保縣治 瀘水所出東南至江陽

屬犍爲郡 入江 說文瀘水出蜀郡縣廐玉壘山東南入江从水
前聲 應劭曰瀘音子千反 華陽國志杜宇

稱帝于蜀其相開明決玉壘以除水害卽瀘江
也其後文翁穿瀘江口溉灌繁田千七百頃
水經注瀘水出縣道縣玉壘山呂枕云一曰半

澗水也下注江蜀相開明所鑿 方輿紀要瀘
水在灌縣西南三十三里亦曰都江亦曰瀘壩
江卽古之離堆也經崇寧彭縣新繁新都至漢

州南會于雒水 大清一統志清白江自灌縣
南分沱江東流經崇寧縣北又東逕彭縣南新
繁縣北又東逕新都金堂二縣北至漢州東南

折而南流與雒水沱水會入簡州界自彭縣以
西俗名渡船河彭縣以東曰清白江自金堂縣
以下曰中江卽古瀘水也 又云按縣瀘諸

水皆會于中江俗以沱爲前江雒爲後江瀘爲
中江蓋本之漢志以瀘爲正流元和志云中江
在金堂縣東北一里是也水經注則以雒爲正

流土俗稱爲雁江則又以漢州之沱西犀金雁
二水爲正流要之中江所合之水甚多不必專

主一水也

過郡三行千七百九十里

按過蜀犍爲二郡三字疑誤

旄牛

周書牧誓庸蜀羌髳微盧彭濮人 後漢書西

羌傳羌無弋爰劍子孫各自爲種或爲犛牛種

越嶲羌是也 華陽國志旄牛縣旄地也在邛

峽山表邛人自蜀入度此山甚險難南人毒之

故名旄 水經注沫水東南逕旄牛縣北 元

和志今黎州漢源通望二縣並漢旄牛縣地

寰宇記通望縣有故旄牛城俗呼爲牛頭城語

訛也 輿地紀勝旄牛山在廬山北其山最高

四時積雪 方輿紀要旄牛廢縣在雅州榮經

縣西 大清一統志旄牛故城在今雅州府清

溪縣南周初有蠻人從武王伐紂後爲羌地漢

初置縣于此 段玉裁說文今四川雅州府清

溪縣大相嶺之外有地名旄牛產旄牛而清谿

縣南抵寧遠府西抵打箭爐古西南夷之地皆

產旄牛郭璞注山海經云背邠及胡尾皆有長

毛者小角其體純黑土俗用爲菜其尾腊之可

爲拂子 按續志亦作旄牛無道字水經注作

旄牛道誤也

鮮水出微外南入若水

按鮮水即今西海也詳見金城郡臨羌縣

若水亦出微外南至大祚

屬越嶲郡

入繩

史記五帝紀黃帝二子其二曰昌意降居若水

又司馬相如傳相如略定西南夷除邊關西

至沫若水故乃關沫若 山海經南海之內黑

水青水之間有木名曰若木若水出焉 水經

若水出蜀郡旄牛微外東南至故關爲若水南

過越嶲邛都縣西直南至會無縣淹水東南流

注之又東北至犍爲朱提縣西瀘江水注之又

東北至犍道縣入于江 水經注若水沿流間

關蜀土東南流鮮水注之一名州江大渡水出

微外至旄牛道南流入于若水據司馬相如傳

是若水故有關也 元和志瀘水在瀘縣西一

百十二里諸葛亮五月渡瀘即此水也水峻急

而多石土人以牛皮作船而渡一人勝七八人

明統志打沖河在打沖千戶所治西蠻名黑

惠江又名納夷江源出吐蕃下流合金沙江

方輿紀要瀘水出黎州所西微外其源曰若水

下流曰瀘水流經建昌行都司南又南逕會川

衛西而入金沙江其水深廣多瘴癘夏月尤甚

故諸葛武侯以五月渡瀘爲艱 禹貢錐指若

水在今建昌衛俗名打沖河自冕山營西微外

東南流至會西鹽井營東南與雲南金沙江合

鹽井營東南即漢大祚縣界繩若合流處若爲

建昌衛西之打沖河繩則姚安府北之金沙江

也 地理今釋打沖河出自西番界東峴崙東

南百里二源同發名查褚必拉蒙古謂之七察

兒哈那平地水泉數十泓沮洳沸散若列星

匯而南流有支河十二道左右流入之至占對

按撫司入四川界南流東折繞鹽井營之東北

若水源出西番經寧遠府冕寧縣西界折東流

經西昌縣西南又轉南經鹽源縣東又南至會

理州西合金沙江亦名瀘水俗名打沖河 又

云瀘水即古若水俗名打沖河上流曰鴉龍江

源出西番東南流逕寧遠府西昌縣鹽源會理

州與金沙江合又東北經雲南之東川昭通二

府至敘州府合岷江 又云按若水上流今名

鴉龍江發源西番界巴延喀喇山東南流千餘

里至鹽源縣西北有打沖小河自西流入焉自

下始名打沖河折東流二百里又折南流三百

餘里會金沙江自此以下今皆謂之金沙江又

按水經注瀘水在朱提界武侯渡瀘在其地蓋

即今之金沙江今打沖河在蜀西南微非入滇

必經之道自唐宋以來始專以若水爲瀘水然

元和志又云嶺州西至東瀘水二百里南至瀘

渡四百五十里蓋以若水在金沙江東北故別

之爲東瀘渡在二水合流之下是猶以金沙江

爲瀘水之正派也明統志以孫水爲瀘水尤誤

又云鴉龍江在今雅州府打箭爐西南二百

八十里與裡塘分界自番界流入南經瞻對喇

滾二土司境又南入雲南中甸及寧遠府冕寧

縣界即古若水也

過郡二

按過蜀越嶲二郡

行千六百里

劉奉世曰里數蓋誤

史記大宛傳天子發間使出驄出再出徙出耶

夔 又西南夷傳自嶺以東北君長以什數徙
祚都最大服虔曰徙祚都二國名李奇曰徙音
斯 本書司馬相如傳西夷邛笮冉駹斯榆之
君皆請爲臣妾 韋昭曰徙縣在蜀祚縣在越
嶺 華陽國志徙縣出丹砂雄雌黃空青青碧
輿地廣記今周公山始陽鎮本漢徙縣屬蜀
郡晉曰徙陽屬漢嘉郡西魏曰始陽唐以爲鎮
輿地紀勝始陽鎮在今蘆山縣西四十里路
通西羌卽漢時徙縣也 方輿紀要廢徙縣在
雅州南 大清一統志徙縣廢縣在今雅州府
天全州東 按史記曰徙漢書曰斯榆皆卽此
蓋斯徙聲相近古字通用蜀志張嶷傳有斯都
耆帥李冰殺越嶲太守龔祿亦卽此

湍氏道

史記將相年表孝惠三年蜀湍氏反擊之 水
經注江水東經氏道縣北縣本秦始皇置晉改
爲昇遷縣也 師古曰湍音子先反氏音丁奚
反 名勝志今成都府溫江縣後魏時始立在
漢曰湍氏道 方輿紀要湍氏廢縣在今茂州
西北 大清一統志古湍氏道在今松潘廳西
北

禹貢嶠山在西徼外江水所出東南至江都
屬廣陵郡
入海

禹貢岷山導江 又岷山之陽至于衡山 又
岷嶓旣藝 史記封禪書自華以西名山七一
曰瀘山蜀之汶山也 本書成帝紀元延三年
蜀郡岷山崩壅江三日江水竭 說文山部嶓

山在蜀湍氏西徼外水部江水出蜀湍氏徼外
嶓山入海 中山經岷山江水出焉東北流注
于海郭注岷山今在汶山郡廣陽縣西一名瀘
山大江所出 荀子江出汶山其源可以濫觴
河圖括地象岷山之精上爲井絡帝以會昌
神以建福故書曰岷山導江泉流深遠盛爲四
瀘之首 三國蜀志秦宓曰蜀有汶阜之山江
出其腹 華陽國志岷山一名沃焦山其跗曰
羊膊江水所出 任預益州記大江泉源卽今
所聞始發羊膊嶺下緣崖散漫小大百數殆未
濫觴東南下百里至白馬嶺而歷天彭關亦謂
之天彭谷 李膺益州記羊膊嶺水分二派一
東南流爲大江一西南流爲大渡河 水經注
岷山在蜀郡氏道縣卽瀘山也又謂之汶阜山
在徼外江水所導秦昭王以李冰爲蜀守冰見
氏道縣有天彭山兩山相對形如闕謂之天彭
門亦曰天彭關江水自此已上至徼弱所謂發
源濫觴者也 隋地理志汶山郡左封縣有汶
山 十道志劍南道名山曰岷山 括地志岷
山在益樂縣南連綿至蜀幾二千里 通典甘
松嶺江水所發源 寰宇記羊膊山在平康縣
山下有二神湫大江始發之所 范成大吳船
錄江源自西戎中來由岷山澗壑中出而合于
都江今世所云止自中國言耳 集韻嶓或作
慙岷嶓汶 陸游入蜀記嘗登岷山欲窮江源
而不可得蓋自蜀郡之西大山廣谷谿澗起伏
西南走蠻箐中皆岷山也則江所從來遠矣
輿地廣記汶山在茂州汶山縣西北俗謂之鐵

豹嶺禹之導江發跡于此汝古作岷字 地理
通釋大渡河一名羊山江源出鐵豹嶺卽羊
膊之異名也 金履祥尙書注岷山數百峯大
西山爲最大雪山三峯闔其後冬夏如爛銀一
谷名鐵豹嶺者有西岳廟廟下名羊膊石江水
正源也其西南分一源又爲大渡河矣 方輿
紀要岷山在成都府茂州西北五百里徼外地
名列鶴村一名鐵豹嶺一名沃焦山其跗曰羊
膊江水所出其山直上六十里嶺最高者遇大
雪開泮俯見成都杜光庭曰岷山連峯接岫千
里不絕劉昫曰岷山連嶺而西不知紀極陸游
曰嘗登岷山欲窮江源而不可得蓋自蜀境之
西大山廣谷谿澗起伏西南走蠻箐中皆岷也
則江所從來遠矣 又云岷山盤回千里重崖
蔽虧江源其間旋繞隱見莫測其端不若漢源
之顯易也近代有創爲迂誕之說者謂江源亦
出岷嶓好事者復爲之附會以實其說陋矣
又云今自四川松茂以北接陝西洮岷之境羣
山錯雜其間之水皆奔湊而南合爲大江然則
江源本無正流禹貢以岷山表識之而江源可
以依據此聖經之文所以爲不可易歟 禹貢
雖指岷山最大志家各就其所言之觀漢志云
山在徼外則固不可以湍氏一縣限之矣大抵
岷山北起于溢樂實跨古雍州之境而南則訖
于青城綿地千餘里與太行伯仲或專指在松
潘亦非篤論然大江所出則必直氏道西徼外
者也 又云岷山廣遠而江水所出必有定處
近世無能窮其源者據漢志言江水出湍氏道

西徼外則當以酈注所引任預益州記爲正自晉以下說江源者皆云出羊膊嶺與益州記同羊膊嶺一名鐵豹嶺計益州記江水發源自羊膊嶺東南下二百餘里至西陵又南下二百四十里至汶山故郡即今茂州是也然則江源在茂州之西北去州四百四十餘里亦可謂遠矣而范至能陸務觀乃云江源出西戎不可窮極蓋以唐人言江源自松州甘松嶺始而當時又有謂羊膊嶺在茂州列鵝村者其地太近故爲是說非謂江源更在羊膊之外也近志因江源記云岷江發源于臨洮木塔山頂分東西流南流八百里經甘松嶺又南經漳臘堡西其水漸大復經鐮刀灣達松潘下水關臨洮今陝西洮州衛也在松潘之東北江源果發此則又自東北而來與氏道西徼外之岷山相去懸絕爲此說者蓋因隋志云岷山在臨洮郡臨洮縣括地志云岷山在岷州溢樂縣見有一水自木塔山東入江者遂以爲江水發源彼中明與漢相背無稽之言不可從也 地理今釋岷山跨古雍梁二州自陝西鞏昌府岷山衛以西大山重谷谿衍起伏西南走蠻箐中直抵四川成都府之西境凡茂州之雪嶺灌縣之青城皆其支脈而導江之處則在今松潘衛北西番界之浪架嶺漢志所云在湍氏道西徼外是也 又云江水源出今四川松潘衛北西番界有三支正支自浪架嶺南流東支自弓楨口至漳臘營合正支西支自殺虎塘至黃勝合正支南經茂州威州汶川縣以至灌縣灘堆岐爲數十股滂沱南

下左抱成都府西環崇慶州衆流以次會于新津縣南又南行逕眉州嘉定州至敘州府東南合金沙江折而東北流至重慶府嘉陵江涪江自北來合流入之又東北逕夔州府巫山縣入湖廣界東流至彝陵州東南流至枝江縣又東流至荊州府折而南流至石首縣又東流至監利縣又南流至岳州府折而東北流至武昌府與漢江合又東流至黃州又東南入江西界至湖口縣與贛江合又東北入江南界逕江寧府至揚州府通州入海 大清一統志岷山在今松潘廳西北一作汶山大江自徼外流入南逕廳城又南經疊溪營西又南入茂州界一名汶江亦曰岷江俗名潘州河按輿圖今江源在黃勝關外西北有東西二派在東者出岡出山東南曲流百里許在西者出那哥多母精山東南流二百餘里合流又百里許入黃勝關岡出即舊志所名滴漏那哥即浪架也二山之北又各有一派出岡出山者名多拉崑都崑出那哥山者名多母打秃崑都崑皆西北流數百里合流匯衆山溪水入黃河即舊志之出竈溝元史河源附錄所名乞兒馬出二水也 又云舊志云岷江亦曰汶江亦曰都江亦曰外水其在州郡城邑間者往往隨地立名而都江外水則岷江之通稱也 又云金沙江古名麗水一名神川一名犂牛河番名木魯烏蘇東北流九百餘里至那木唐龍山北轉東南流八百餘里入喀木境名布拉楚河又南流少西八百餘里至巴塘西六十里名巴楚河又轉東南流六百餘里至

雲南麗江府界爲金沙江自麗江府雪山之北折而東南經永北武定二府至四川會川衛西南入四川界與打冲河合折東北經東川府西馬湖府南至敘州府與川江合自發源起至入內地流四千餘里受大水數十小水無數源深流急沿江烟瘴最多以江出沙金故名唐書南蠻傳貞元五年南詔異牟尋大破吐蕃號難磨濱犂牛河土多黃金又地理志渡西月河二百里至列驛明統志金沙江古名麗水源出吐蕃界犂石下名犂水訛犂爲麗經巨津通安保山三州按犂石者以其石如牛也其水因之得名故有犂牛之稱舊志謂此即古若水不知若水即今鴉龍江其下流名打冲河非金沙江也或謂此即繩水按水經注若水逕越嶲大柰縣入繩繩水出徼外山海經曰巴逐之山繩水出焉東南流分爲二水其一水支流東出逕廣桑縣東流注于江其一水南逕旄牛道至大笮與若水合自下亦通謂之繩水矣今金沙江下流正與打冲河合其說似之唐樊綽以麗水爲禹貢之黑水與瀾若江合入南海程大昌疑其源流狹小不足以合雍梁二州疆境然今金沙江自與大江合不入南海非黑水也明僧宗泐望河源詩自記云河源出自抹必力赤巴山番人呼黃河爲沫處犂牛爲必力處赤巴者分界也其山西南所出之水則流入犂牛河東北之水是爲河源今自黃河源至金沙江源僅三百六十餘里中隔巴顏喀喇山河源在山之東金沙

江源在山之西南宗泐之言與今頗合必力處即布賴楚聲相近也又徐宏祖溯江記源云禹貢言岷山導江乃汎濫中國之始非發源也中國入河之水爲省五入江之水爲省十一計其吐納江倍于河按其發源河自岷崙之北江亦自岷崙之南非江源短而河源長也宏祖蓋以金沙江爲大江之正源前人已言之第非出于周覽故其言雖是而未能條析凡水之源必以遠且大者爲主而近者小者附之金沙江自發源歷雲南至敘州府行七千里始與岷江合較岷江之源遠三四倍大亦倍之昔人守禹貢岷山導江之文不敢別有異辭然岷山特導江所始非即江源猶導河積石非即河源也以今考之江凡三源最遠而大者莫如金沙其次則鴉龍又其次則岷江三源金沙最西中爲鴉龍東爲岷江鴉龍江流至四川會川衛西先合金沙江金沙江流至敘州府又與岷江合斯爲大江也 又云鴉龍江在西藏裡塘城東二百四十里源出裡塘城西北八百餘里巴顏喀喇山番名齊齊爾哈納河東南流五百餘里兩旁十餘水注之至麻穆巴顏喀喇山下有水名麻穆齊齊爾哈納河西南流與此水會又流百餘里東有年尼茫起山所出之謝楚河西有澤塞岡嶺所出之鄂宜楚爾古河二水分流入此名尼雅克楚河又南流三百餘里至四川打箭爐占對安撫司西名鴉龍江又三百餘里至四川鹽井衛西北界名打冲河折東流一百五十餘里又折而南二百餘里會金沙江今以此江爲邊

界江之東屬四川打箭爐地江之西爲番地皇朝通志大江源出四川松潘廳邊外之岷山羊膊嶺有二源合流入邊界黃勝關內至漳臘營有一水來會逕廳東南有茂州鐵豹嶺水來會又東南經茂州城西北又西南經保縣西北汝川縣西又東南經灌縣西北有納凹河三江口河來會又東南曰灌口曰滿江分爲二派一支東流爲沱江經郫縣新繁成都新都金堂南經簡州資陽資州富順至瀘州復合于江一支正南流又分二派經崇慶州而合又東南有自溫江縣分出之水來會經新津縣東北又南流有自崇慶州分出之水合大邑邛州蒲江諸水來會又東南有沱江支渠環成都府城西流來會又南經彭山縣東眉州城東又西南有仁壽縣水來會又南經青神縣東南有新磨河自丹稜縣來會又南有金牛河自來江來會又南出于重山至嘉定府東北有尼溪自井研縣竹公谿自樂山縣來會至府西南有陽江即大渡河自灌縣大邑縣經美諾阿爾古境又南會打箭爐之瀘河又東南會越巒廳河經峩眉縣西南會青衣江入于大江青衣江由蘆山縣經雅州府西會榮經縣水經名山縣南洪雅縣南夾江縣西峩眉縣東會三峩水至嘉定府西合陽江以入于大江大江東南流至犍爲縣北又東南經敘州府北又東南有金沙江來會此禹貢之岷山江源也 又云金沙江即古麗水亦曰繩水曰犁牛河出西藏衛地之犁石山東北流有喀七烏蘭水來會又東北有拜都河來會又東

南會諸水無數行二千餘里入喀木境名布賴楚河又東南千餘里名巴楚河又東南六百餘里入雲南麗江府西北邊界折東北始名金沙江有無量河合里楚河自永北廳來會又南有漾共江自鶴慶州來會又東逕賓川州北有三道河答旦河來會經姚州北有泡江自雲南縣來會經大姚縣北又東北有大羅河自永北廳來會又東有鴉龍江自北來會鴉龍江即古若水又名打冲河源出西番裏塘城西北山中曰雜楚河東南流合諸水無數行千三百餘里至打箭爐邊外始名鴉龍江南入四川瞻對土司界又東南有一水亦名打冲河即古瀘水自雲南順寧府來會東流有鹽井河來會東南流經永昌府西南境有安寧河自冕寧縣合諸水來會折西南入金沙江金沙江又東南流東北爲四川界西南爲雲南界有大姚河自姚州來會經武定州西北有龍川江自鎮南州經楚雄府定遠廣通縣合諸水來會經武定州北有武定州水四川會理州水並來會又東北有普渡河自雲南府治昆明縣之滇池匯呈貢縣晉寧州昆陽州諸水北流會安寧州富民縣及武定州祿勸縣諸水來會東北入東川府界有玉虹河會通河自會理州來會又東北有小江自尋甸州來會又東北有以禮河自東川府來會又東北有雲南貴州界上水來會經昭通府西北有馬湖水來會又東又橫江自昭通府經四川筠連慶符二縣來會又東北經敘州府城東會岷江此大江之西南源也 水道提綱大江源出

四川松藩衛邊外西番地之岷江羊膊嶺有二源北源曰岡出阿林水從東麓東南流南源曰那哥多母精阿林水從南麓南流二百餘里而合又東流折而東南入邊界黃勝關至漳臘營西又南逕松藩衛東受諸水折西南經茂州城西北威州城西北經保縣西南汶川縣西又東南至灌縣西北合數水江流益盛又東折而南曰灌口經縣城西曰湔江下曰都江即古離堆

地江至此分為二派支渠縱橫其南者正流也其東流者沱江也正流南二十里又分二派至成都府城南復合又南逕彭山縣東茂州城東青神縣東南又西南至嘉定府東北又東南至犍爲縣北宜賓縣西北敘州府城北又東南金沙江合鴉龍江諸水自馬湖府來會江流大盛矣 又云大江源出岷山自邊外地綿數千里禹貢導江之岷山亦曰汶江今四川松藩衛西北也又有北源岷山在陝西岷州衛南源又有二岷山一在茂州一在灌縣皆不如據漢志湔氏道即在今松藩者爲是 尙書後案漢湔氏道唐爲松州嘉誠縣廣德初陷吐蕃宋亦未復仍爲吐蕃地今爲龍安府松潘廳在府西三百里成都府西北七百里岷山又在廳西北二百二十里山有大分水嶺即古羊膊嶺江源所出也 按岷山本志作嶧說文作嶧省作岷漢人隸書皆作汶據史記引禹貢岷嶧既藝及岷山之陽岷山導江皆作汶蓋古字通用也今所引諸書或作岷或作汶並從本原

過郡七

禹貢錐指按今江水所過于漢爲蜀郡犍爲巴郡南郡長沙江夏豫章廬江丹陽會稽廣陵凡十郡一國而志云過郡七蓋江都在江北據北岸言之故不數南岸之長沙豫章丹陽會稽也 按徐鍇所引作過郡九行七千二百六十里過郡九者蜀郡犍爲巴郡長沙江夏廬江丹陽廣陵國也 行二千六百六十里

禹貢錐指以尙書纂言所載易氏之說考之江自松藩至秦州行七千九百六十里自秦州至海門入海又四百里通計得八千三百餘里志云二千六百六十里其誤無疑二當作八或是七而先儒釋漢書者曾無一語駁正豈近世傳寫之譌而古本不若是歟 殿板漢書考證齊召南曰按里數大誤江爲南紀巨川自蜀至海即以地形東西直計亦五六千里況水道紆曲乎所謂過郡七七其上不有脫文則字誤也 且湘也漢也沅也皆入江之支水也漢由西縣東南至江州入江曰行二千七百六十里湘由零陵北至鄱縣入江沅由故且蘭至益陽入江並曰行二千五百三十里以岷江之遠從西塞蟠折巴蜀襟帶荆揚其里數乃僅與沅湘相埒反不如漢水之長乎此爲轉寫脫誤灼然易曉 又按宋本施牛下班氏自注鮮水若水云云之外有劉奉世曰里數蓋誤八字夫鮮若源出徽外里數難以測量疑此八字當注此條之下 新校地理志江水自松藩入境至太倉共得七千九百餘里然則此二千應作七千也字誤

汶江

戰國策蘇代約燕王曰秦告楚曰蜀地之甲乘船浮于汶乘夏水而下江五日而至郢 史記西南夷傳自筰以東北君長以什數冉駹最大水經注漢元鼎六年以冉駹地置汶山郡治汶江縣地節三年郡廢屬蜀郡 華陽國志汶江道澼水驪水出焉多冰寒盛夏凝凍不釋 元和志今茂州汶山縣本漢汶江縣地汶江城在縣北三里 大清一統志汶江故城在今茂州北 按續志華陽國志水經注並作汶江道縣有蠻夷謂之道今本漢書脫道字耳

澼水

舊作澼水誤 出徼外南至南安 屬犍爲郡 東入江

說文澼水出蜀汶江徼外東南入江从水我聲 水經注澼水出徼外逕汶江道呂枕曰澼水出蜀許慎以爲澼水也从水我聲南至南安入大澼水大澼水又東入江 禹貢錐指禹貢和夷底績按水經注引鄭說云和夷和上夷所居之地和水即澼水和澼聲相近字從而變地志云青衣縣禹貢蒙山路大澼水東南至南安入澼澼水出汶江縣徼外南至南安東入江澼乃澼字之誤和夷者澼水南之夷也班固爲大澼入澼道元謂澼入大澼然澼水源長當以漢志爲正道元敘澼水甚略自漢志誤澼作澼而師古曰音哉世遂不知有澼水且不知澼水之所

在徒以其下流與南安之沫水號爲大渡者合而入江因目泚水曰大渡河耳 大清一統志漢志云大渡水東南至南安入泚泚水南至南安東入江泚乃泚之譌南安今嘉定府江水沫水與青衣水會流處沫水經峨眉縣故謂之泚也 漢書考異按說文泚水出蜀汶江微外別無泚字水經注泚水出微外逕汶江道南至南安入大渡水又東入江亦作泚不作泚志作泚者傳寫之譌然廣韻十六哈部有泚字注云水名出蜀則沿譌實始于唐矣 按泚字見于說文所引本志亦作泚水即禹貢之和夷也和泚同音故酈氏引說文以正之而後世俗本漢書多作泚師古即音哉真堪發粲

過郡三行三四十里
過蜀越嶺爲三郡

江沱在西南東入江
禹貢沱潛既道孔傳沱潛發源此州入荊州禹貢汶山導江東別爲沱 水經注江水經汶江道汶水出微外岷山西玉輪坂下而南行又東逕汶江縣而東注于大江又東別爲沱開明之所鑿也郭景純所謂玉壘作東別之標者也縣即汶山郡治渡江有笮橋 九域志保寧縣有沱江 方輿勝覽玉輪江在汶川縣北三里 元統志沱水自廢悉州經威州界至汶川合大江 禹貢錐指江沱自古有之華陽國志云七國時杜宇稱帝于蜀號望帝其相開明決玉壘山以除水害帝遂禪位于開明此說出揚雄蜀王本紀故漢志云汶江縣有江沱在西南東

入江夫既爲七國時開明所鑿則非禹貢之江沱亦不待辨而自明矣 又云漢志蜀郡汶江縣又有江沱近志以威州玉輪江當之玉輪江即汶水也水出岷江西玉輪坂下非首受江者不可謂沱漢志所言蓋即縣屬縣開明之所鑿郭璞云玉壘作東別之標者也開明蜀王杜宇之相七國時人始鑿前古未有也 大清一統志沱江源出雜谷廳界花崖山東南流經廳北又東南至茂州保縣西北入大江 按今汶江江沱在成都府新繁縣西北禹貢汶山導江東沱別爲沱說者以爲此水其實非禹跡之舊矣

廣柔

蜀王本紀禹本汶山郡廣柔縣人生于石紐帝王世紀廣柔縣有石紐鄉禹所生也 華陽國志縣有石紐鄉禹所生處夷人共營之地方百里不敢居牧有過逃其野中捕之者不敢追云畏神禹能藏三年不爲人得則其原之云禹神靈祐之也 元和志廣柔故縣在今茂州汶川縣西七十二里禹本汶山廣柔人有石紐邑禹所生處今其地名列兒畔 輿地廣記綿州石泉縣本漢廣柔縣地唐屬茂州者石紐山禹之所生也 大清一統志廣柔故城在今茂州汶川縣西北

蠶陵

成都記蠶陵即古蠶叢氏之國蠶叢氏蜀君也 元和志蠶崖關在今彭州導江縣西北四十里其處江山險絕鑿崖通道有如蠶食因以

爲名漢于此置蠶陵縣後廢今翼州當州靖州恭州四州之地並漢之蠶陵縣也 後書安帝紀注蠶陵縣故城在今翼州翼水縣西有蠶陵山因以爲名 舊唐書地理志蠶陵故城在今衛山縣西有蠶陵山 路史國名紀彭之邊縣有蠶崖 明統志蠶陵故城在今壘溪所城北三里 方輿紀要蠶陵山在今壘溪所城西北漢因以名縣 大清一統志蠶陵廢縣在今松潘廳壘溪營西蠶陵山在營北蠶崖關在今成都府灌縣西北

莽曰步昌

漢書地理志補注卷四十七
犍爲郡

說文犍作犍 集韻犍或作犍 隸釋凡漢碑皆作犍爲 應劭曰故夜郎國 後書安帝紀注犍爲郡故城在今眉州隆山縣西北 元和志犍爲故城在今眉州彭山縣西北五里 方輿紀要犍爲郡今敘州府瀘州及嘉定府眉州皆其地 按漢犍爲郡今四川敘州府之宜賓慶符珙屏山四縣成都府之簡州嘉定府之夾江縣東川府之會津縣眉州之彭山縣瀘州之合江縣資州之資陽縣皆其地

武帝建元六年開

史記西南夷傳建元六年拜番陽令唐蒙中郎將從巴蜀笮關入見夜郎侯諭以威德夜郎旁小邑皆貪漢繒帛以爲漢道險終不能有也乃且聽蒙約還報乃以爲犍爲郡 華陽國志漢高帝六年分巴郡置廣漢郡孝武又割巴蜀二郡置犍爲郡故世本曰分巴割蜀以成犍廣元和志今戎州故犍國也而秦軍破滇通五尺道至漢武帝建元六年通西南夷自犍道抵牂柯鑿石開道二千餘里置犍爲郡

莽曰西順屬益州縣十二

犍道江陽武陽南安資中犍牛犍南廣漢陽郡

犍道

本書王莽傳犍道以南山險高深 禮王制屏之遠方西方曰犍 說文犍犍爲蠻夷也从人棘聲 應劭曰故犍侯國也音溝北反 高誘

淮南子注犍音匍匐之匍 服虔曰舊京師有犍婢 華陽國志犍爲郡初治犍縣元光五年

移治南廣孝昭元年改治犍道 又云犍道縣在南安東四百里距郡百里治馬湖江會水通越嶲舊本有犍人有荔枝薑蒟濱江有兵蘭李冰燒之崖五色赤白映水玄黃魚從楚來至此而止畏崖映水也 水經江水又東南過犍道縣北若水淹水合從西來注之注云縣本犍人所居地理風俗記曰犍子夷中最仁有仁道故字從人秦紀所謂僮犍之富者也其邑高后六年城之武帝感相如之言使縣令南通犍道費功無成唐蒙南入斬之乃鑿石開閣以通南中迄于建寧二千餘里山道廣丈餘深三四丈其鑿鑿之跡猶存縣有蜀王兵蘭江中崖峻阻險不可穿鑿李冰乃積薪燒之其故處懸巖猶有赤白玄黃五色照水焉 又云若水又東北至犍道縣入于江注云若水至犍道縣又謂之馬湖江繩水瀘水孫水淹水大渡水隨決入而納通稱是以諸書錄紀記羣水或言入若或言注繩亦或言至犍道入江正是異水沿注通爲一律更無別川可以當之 史記正義今益州南戎州北臨大江古犍國也 通典今戎州犍道開邊歸順三縣並漢犍道縣地 元史地理志唐戎州治犍道在蜀江之西三江口 大清一統志犍道故城即今敘州府宜賓縣治舊志云犍道縣故址有三漢址在府西南中方鄉一即今治唐太宗時所移一在江北謂之舊州城唐會昌中所移也

莽曰犍治
江陽

華陽國志治江維會于方山蘭祠江中有大闕小闕 蜀都賦注沱潛既道從江陽縣南流至漢嘉縣入大穴中通剛山下因南潛出今名復出水是也 水經注江水又東過江陽縣南維水從維縣南東南注之綿水至江陽方山下入江謂之綿水口亦曰中水江陽縣枕帶雙流據江維之會也 隨志瀘川郡瀘川縣舊曰江陽大業初改 元和志今瀘州瀘川綿水江安富義四縣及營州公井縣並漢江陽縣地 大清一統志江陽故城即今瀘州治眉州彭山縣東十五里亦有江陽故城乃晉宋時僑置非漢縣也 地理志稽疑沈炳堃曰漢志綿水入維維水入瀾瀾水入江蓋以瀾爲主也故曰瀾水東南至江陽入江水水經注以維爲主維水合綿水綿水合瀾水故以江陽爲江維之會也 按功臣侯表有江陽侯蘇息景帝六年以趙相封史表作蘇嘉水經注以爲卽此

武陽

揚雄蜀記秦惠王遣張儀司馬錯伐蜀王開明拒戰不利退走武陽獲之 華陽國志漢太初四年益州刺史任安城武陽後遂爲郡治 水經江水又東南過犍爲武陽縣與鄒江合青衣水沫水從西南來合而注之注云縣故大夜郎國漢武帝開道置以爲縣建元六年置郡光武謂之士大夫郡有鄒江入焉 通典今嘉州綏山縣漢武陽縣故城在今縣東又陵州井研

始建二縣及眉州彭山縣亦漢武陽縣地 元和志昭帝時犍爲郡自犍道移理武陽今眉州彭山西北五里有犍爲故城猶歷歷可考 又云今獎州本漢武陽縣地又蜀州新津縣亦武陽地又眉州通義彭山二縣亦並武陽縣之南境陵州仁壽籍縣始建并研四縣並武陽縣之東境 後書光武紀注武陽故城在今眉州隆山東 寰宇記武陽故城在今眉州彭山縣東北十五里相傳秦惠王時張儀所築 方輿紀要武陽城在彭山縣東十里相傳蜀國故城也 大清一統志武陽故城在今眉州彭山縣東十里

有鐵官

元和志鐵山在今陵州始建縣東南七十里其山出鐵最剛利諸葛亮取爲器 新唐書地理志新津縣有鐵 輿地紀勝鐵山在并研縣東北六十里周地圖云縣界首有鐵山周封宇文度爲鐵山侯卽此其山出鐵極剛利 莽曰戡成

南安

蜀都賦注縣臨大江岸邊山嶺相連經益州郡有道廣四五丈深或百丈壑鑿之跡今存昔唐蒙所造 水經注江水又東南逕南安縣西有熊耳峽連山競險接嶺爭高懸澗有灘名壘坻亦曰鹽澗李冰所平也縣治青衣江衿帶二水矣卽蜀王開明故治也 元和志今嘉州龍游夾江綏山羅目峨眉玉津平羌犍爲八縣並漢南安縣地又戎州義賓縣眉州青神縣榮州旭

川資官應靈三縣並南安地 寰宇記今眉州青神縣本漢南安縣地 輿地紀勝今榮州卽漢犍爲郡南安縣地 方輿勝覽今嘉定府紹熙府並漢犍爲郡南安縣地 大清一統志南安廢縣在今嘉定府夾江縣西北二十里 按本書倭幸傳鄧通蜀郡南安人據志南安屬犍爲不屬蜀郡犍爲武帝所置漢初蓋屬蜀郡也 又按功臣侯表有安南嚴侯宣虎高帝六年封安隱曰屬犍爲建安亦有此縣考是時二方俱未開安得以後世地名釋開國之封域乎蓋必別有其地而今不可考矣

有鹽官

元和志今戎州義賓縣東北十三里有秋溪鹽井又榮州亦有鹽井 輿地紀勝應靈水在應靈縣北三里其源出隆州入嘉州四路江口合蜀江如榮德威遠資官三縣各有水而不通舟船又榮德之鹽色微赤資官之鹽色純黑又非舟楫所載惟靈應之鹽純白而商賈最衆以其水通流朝夕般運不愛寶以資用度國家之利也

鐵官

元和志今榮州旭川縣有鐵山在縣北四十里 又云榮州貢利鐵 寰宇記鐵山在資官縣北一百里其山出鐵 九域志豐遠監在嘉州北五十步景德二年置鑄鐵錢 大清一統志鐵山在今嘉定府榮縣北與威遠縣接界其山出鐵 按南齊書州郡志犍爲郡有冶官縣蓋以縣有鐵山出鐵置冶而名也元和志云資官

縣舊名冶官隋後誤以冶爲咨也而通典及新舊唐志又誤咨爲資則去本字又愈遠矣寰宇記乃云晉義熙中置資官縣舊作咨字誤是反以元和志爲非矣謬甚

資中

水經注雒水合縣水瀟水又東逕資中縣又逕漢安縣謂之綿水自上諸縣成以灌漑故語曰縣維爲沒沃也 後書岑彭傳注其地在今資州資陽縣 元和志今資州盤石資陽內江丹山銀山龍水清溪月山八縣又榮州和義威遠二縣並漢資中縣地 輿地紀勝今資州卽漢犍爲郡之資中縣地資水在資陽縣西從簡州平泉縣界流入 方輿勝覽今昌州大足昌元永川三縣並漢資中縣之東境 四川通志中江自簡州流入資陽縣爲資江亦曰珠江 方輿紀要今資陽縣西南三里有資山東一里有資溪 大清一統志資中故城在今資州資陽縣資陽圖經云漢資陽城在今縣北臨中江水今壤無餘址 又云中江自成都府簡州流入資陽縣東南逕州界爲資江又東南入敘州府富順縣界爲牛鞞水卽綿瀟雒諸水下流也 水道提綱資陽縣有資溪亦名資江

符

本書西南夷傳武帝建元六年以唐蒙爲中郎將將千人從巴符關入見夜郎侯多同 華陽國志符縣在江陽縣東二百里武帝元鼎二年置治安樂水會東接巴蜀樂城南通平羌暨縣水經江水又東過符縣北趨部水從符關東

北注之注云縣故巴夷之地也治安樂水會水源南通寧州平夷郡暨縣北逕安樂縣界之東又逕符縣下北入江 元和志今瀘州合江縣本漢符縣地 大清一統志廢符縣在今瀘州合江縣西

溫水南至暨屬牂柯郡

入黠水黠水亦南至暨入江

說文溫水出犍為符南入黠水從水盂聲 水經注溫水一曰煖水出犍為符縣而南入黠水黠水亦出符縣南與溫水會闕謂之闕水俱南入暨水暨水于其縣而東注于延江水 師古曰黠音紀炎反 晉書音義其炎反 地理志稽疑以水經注考之蓋溫入黠黠入延延入沅以入江也 新校地理志涪陵今之涪州延江今之涪江也其上源曰黔江俗曰烏江黔與黠字同音稱烏者亦以黔義通之 段氏說文注水經之延江水于江水條曰枳縣西注江于延江條曰至沅陵縣入于沅酈氏有一水枝分之說漢志云黠水至暨入江暨非入江之地疑今本漢志有奪字也

莽曰符信牛鞞

孟康曰鞞音婢 廣韻鞞府移切音卑牛鞞縣名在蜀 師古曰音必爾反 華陽國志牛鞞縣去犍為郡三百里武帝元鼎二年置有陽明鹽井即牛鞞井也 水經注雒水合縣水湍水又逕牛鞞縣為牛鞞水縣以漢武帝元封二年

置 隋志蜀郡陽安縣舊曰牛鞞西魏改名焉 元和志今簡州陽安平泉二縣並漢牛鞞縣地又漢州金堂縣亦漢牛鞞縣地中江水即牛鞞水也在金堂縣東北一里 輿地紀勝今簡州所治陽安縣及懷安軍金堂縣並漢牛鞞縣也 大清一統志今成都府簡州漢牛鞞縣也 按華陽國志漢元鼎二年置水經注則謂元封二年置宋志蜀郡有鞞縣齊志蜀郡有牛鞞縣元和志以為李雄據蜀因茲荒廢南齊于此置牛鞞戍彼此互異不可考矣 又云中江在今簡州城東即湍雒諸水下流自金堂縣東南流入又南入資州資陽縣界一名牛鞞水亦名雁水 水道提綱沱江自焦沙尾東南流八十餘里折西南流一百二十里至簡州東北有赤沙河自西北合二水來注之即絳水亦名牛鞞水

南廣

華陽國志南廣縣漢武帝太初元年置 元和志今協州本夜郎國即漢犍為郡之南廣縣又戎州南溪亦南廣縣地 蜀鑑南廣今敘州南溪縣 方輿紀要南廣城在敘州府南溪縣南或曰漢治在縣西南境 大清一統志南廣故城在今敘州府珙縣西南 汾關山符黑水所出北至犍道 屬本郡

入江

水經注符黑水出寧州南廣縣導源汾關山北流有大涉水注之大涉水亦出南廣縣北流注符黑水又北逕犍道入江謂之南廣口 元和

志南廣水在開邊縣西北一里 寰宇記黑水出胡藍生獠界東北流入蜀江唐天寶六年改為皂水 方輿勝覽華陽黑水惟梁州今出南寧州南廣縣汾關山北至犍道縣入江 寰宇通志黑水在敘州府城東南十五里即南廣溪諸書皆謂此水即禹貢之黑水按禹導黑水至于三危南流入于南海非入于江也今此水自西南夷界流至南廣洞入于江其說非是 方輿紀要黑水在敘州府東南十五里自西南夷界流逕南廣又北入于江一名南廣溪即今慶符縣之南廣水也 大清一統志南廣水源出雲南昭通府鎮雄山箐流經四川敘州府筠連高二縣界又北逕慶符縣西又東北至宜賓縣東入于江即古符黑水也 水道提綱納溪俗曰清水河原出四川永寧衛有兩源合而東北流至衛東南與貴州界水合曲折二百餘里至納溪縣南折西北流入江 地理志稽疑符黑水謂符縣之黑水也 新校地理志符黑水今曰清水河

又有大涉水北至符

屬本郡

入江

水經江水過符縣北鰓部水從符關東北注之注云符縣治安樂水會水源南通寧州平夷郡暨縣北逕安樂縣界之東又逕符縣下北入江其鰓部水或是水之殊目也 寰宇記安樂溪水從牂柯生獠界來流八十里與汶江合 輿地廣記瀘州合江縣本漢符縣地縣有安樂山

安樂溪漢志南廣有大涉水北至符入江卽此水也 大清一統志安樂溪在今瀘州合江縣東自仁懷縣流入今名小江卽古大涉水也亦曰鱷部水 水道提綱赤水河出鎮雄土府西北山東北流經府北曰綿陽河折東南入貴州界經永寧縣南又東北入四川界經仁懷縣西南合江縣東又北入大江此水曲折行受數小水幾及千里 新校地理志大涉水今名赤水河

過郡三行八百四十里

按二水無過郡之理本志云未解

漢陽

輿地廣記今長寧軍蓋漢犍爲郡之漢陽縣地輿地紀勝嘉定二年陞安夷寨爲縣名曰安寧屬長寧軍本漢之漢陽縣地 方輿紀要漢陽廢縣在今慶符縣西南漢陽山在縣北八十里或云漢縣治此山之側 大清一統志漢陽故縣在今敘州府慶符縣南漢陽山在縣北八十里 新校地理志似今西陽州彭縣地

都尉治山關谷

師古曰關音他合反

漢水所出東至營

屬牂柯郡

入延

水經延江水出犍爲南廣縣又東至牂柯營縣東屈北流至巴郡涪陵縣注更始水又東南至武陽西陽縣入于酉水 水經注漢水出犍爲漢陽道山關谷東至營邑入延江水 新校地

理志延卽延江水 按本志續志及晉志之朱提郡並有漢陽縣皆無道字又營是縣非邑也未審酈氏何所據

莽曰新通

郿郿

水經存水出犍爲存郿縣東南至鬱林定周縣爲周水又東北至潭中縣注于潭 集韻郿郿縣名在犍爲或從水作游 師古曰郿音莫亞反 元和志今戎州歸順縣本漢郿郿縣地 晉書晉義驢亡嫁反 方輿紀要郿郿廢縣在今敘州府西南舊志云今府西北一百六十里有郿郿灘疑近舊縣治 按晉書地理志作存郿水經亦作存據說文本無郿字則存字是也 郿今玉篇廣韻俱譌爲郿廣韻并兩載郿郿郿二縣尤誤又今本說文亦作郿郿想亦傳寫之譌

莽曰屏郿

師古曰屏音仕連反

朱提

應劭曰朱提山在西南 蘇林曰朱音銖提音時北方人名七曰匙 後書滇王傳注朱音殊提音匙 水經若水又東北至犍爲朱提縣西瀘江水注之注云朱提山名也縣以氏焉在郡南千八百許里有瀘津東去縣八十里水廣六七百步深十數丈多瘴氣鮮有行者水出金沙越人收以爲黃金又有珠光穴出明珠又有琥珀珊瑚黃白青珠也 元和志今曲州本漢夜郎國地漢武帝于此置朱提縣屬犍爲郡 明

統志朱提山在敘州府西南五十里 大清一統志今敘州府屏山縣卽漢犍道朱提二縣朱提山在今宜賓縣西南去府太近當非漢時故山但取故縣爲名耳

山出銀

本書食貨志王莽時朱提銀重八兩爲一流直一千五百八十他銀一流直千是爲銀貨 諸葛亮書漢加之朱提銀采之不足以自食 南中志朱提舊有銀窟數處 方輿紀要朱提山在敘州府西五十里連綿高聳上侵霄漢舊常產銀所謂朱提銀也

堂琅

晉志宋志並作堂琅 華陽國志堂琅縣因山爲名 南中志朱提縣西南二百里有堂琅山多毒草盛夏之月飛鳥過之不能得去縣蓋置于山下 水經注朱提郡西南二百里得所縮堂琅縣西北行上高山羊腸纒屈八十餘里或攀木而升或繩索相牽而上緣涉者若將階天南中諸郡以爲至險 大清一統志堂琅廢縣在東川府會澤縣境堂琅山在縣北一百五十里 按續志無堂琅縣而宋志云後漢屬朱提郡非是

漢書地理志補注卷四十八
越嶲郡

應劭曰越嶲郡故邛都國也有嶺水言越此水以章休盛也 孟康曰嶺音髓本邛都 服虔曰今蜀郡北部都尉所治本笮都也 水經注越嶲水即緇若矣似隨水地而更名 永蜀郡傳越嶲郡在建寧西北七百里治邛都縣自建寧高山相連至川中平地東西南北八千餘里 師古曰嶺音先藥反 後書光武紀注越嶲郡本邛都也嶺水名因越嶲水而置郡故以名焉 通典嶺州故邛都國謂之西南夷漢武開之置越嶲郡有越水嶺水焉 元和志郡有越水嶺水皆出深羌界言越嶲者以彰威德也郡在黎州徼外 集韻越嶲郡名或作嶺 方輿紀要越嶲郡今建昌行都司是其地 大清一統志云嶺山在今寧遠府越嶲衛西南嶺水出其下州郡得名以此 水經注釋按西南夷傳作嶺嶺如揚粵南粵之粵亦作越水經注若水篇云漢兵自越嶺水伐之以爲越嶲郡是矣何必如應氏之強生支節乎 四史發伏越亦水名越水嶺水皆出西羌界南歷本郡故名越嶲應說誤 段氏說文注今四川語言讀嶺如西上聲佩觸謂字作嶺與嶺不同者謬說也同字異音耳 按漢越嶲郡今四川寧遠府西昌冕寧鹽源三縣及會理州越嶲廳雅州府之蘆山縣又雲南楚雄府之大姚縣皆其地 武帝元鼎六年開 華陽國志司馬相如開犍道通南中置越嶲郡

莽曰集嶺屬益州縣十五

邛都遂久靈關道臺登定存會無笮秦大笮姑復三絳蘇示關卑水灣街青蛤

邛都

史記西南夷傳自滇以北君長以什數邛都最大 臣瓚邛山名生竹高節可作杖 水經注若水又南逕越嶲邛都縣西漢武帝開邛笮所置 師古曰今之邛州本其地 後漢書注邛都故城在今越嶲縣東南 元和志今嶺州越嶲西瀘二縣並漢邛都縣地 方輿紀要邛都廢縣在今打冲河千戶所西北 大清一統志邛都廢縣在今寧遠府西昌縣東南

南山出銅 徐廣曰邛都出銅 方輿紀要南山在今寧番指揮司南五里山勢屹然南向舊產白銅漢志邛都南山出銅即此山矣 大清一統志今冕寧縣出銅 有邛池澤

南中志縣東南數里有水名邛河縱廣二十里深百餘丈有魚長一二丈頭特大遙視如戴鐵釜狀 華陽國志邛河有嶺嶺山又有溫水穴冬夏常熱 李膺益州記邛河土人謂之陷河 後書邛都夷傳邛都夷者武帝所關以爲邛都縣無幾而地陷爲汗澤因名爲邛河池南人以爲邛河 元和志陷河在越嶲縣東南十里 大清一統志邛河在今西昌縣東南按輿圖今縣南有熱水塘即此 遂久

水經淹水出越嶲遂久縣徼外注云呂忱曰淹水一名復水 水經注若水又南逕遂久縣青蛤水入焉 又云葉榆水自不韋縣南逕遂久縣東 名勝志金沙江在今大理府賓川州東北一百二十里即若水也漢遂久縣在其東北古稱爲白門言入白果國之門也 後書邛都夷傳注遂久故縣在今靡州界 方輿紀要遂久廢縣在今建昌指揮司西南 大清一統志遂久廢縣在今寧遠府鹽源縣西 繩水出徼外東至犍道 屬犍爲郡 入江

山海經巴遂之山繩水出焉東南流分爲二水 一水枝流東出逕廣柔道東流注于江 一水南逕旄牛道至大柞與若水合自下亦通謂之爲繩水矣 寰宇記馬湖江從戎州西南流出東郭與蜀江合 方輿勝覽馬湖江至平夷司合石門江又至三江口合蜀江 禹貢錐指金沙江源出吐蕃界至共龍山犛牛石下南流漸廣本名犛水後訛爲麗水東南流經麗江府北又東經姚安府北合打冲河又東合瀘水又東經會州營南又東至東川府西折而東北逕烏蒙府西北又東北經馬湖府南又東經敘州府南而北入大江 大清一統志金沙江源出吐蕃界自舊巨津川流入雲南麗江府境環府境三面流入廢寶山州境繞而南入鶴慶州界又南流而東折入大理府界即古若水也又名神川經賓川州東北又東流入楚雄府姚州界又東

經大姚縣北又東折而南流府境諸水皆流入焉又東流入武定州元謀縣境又流入州北界又東達四川寧遠府會理州南會打冲河又東入雲南東川府界經會澤縣西又東北入昭通府界經恩安縣西北又東北入四川敘州府界即古之繩水也自此又名馬湖江東北經蠻夷平夷二土司南又東北逕屏山縣南又東北經府城南又東與大江會本古繩若二水下流又名瀘水 又云金沙江即古繩水其流最遠漢志亦云若水入繩自水經注不能悉其源流附繩水于若水舊志遂以繩若二水爲一以金沙江即古麗水亦曰繩水亦曰犂牛河番名水魯烏蘇岷江最上源也出西藏衛地之巴薩通拉木山東麓山形高大類乳牛即古犂石山也東北流折而東南又西南折而東南至麗江府界已二千四百餘里自雪山北折而南經鶴慶州東又南折而東經永北廳南姚安府北又折而東而南北經會川南武定北東川西又折而北至馬湖南又折而東北至敘州府城東與岷江會又二千五百餘里源遠流長所受大水數十小水無數雖灘多險石舟楫難行其爲大江上源無疑也

過郡二行千四百里

過越嶲健爲二郡

靈關道

本書司馬相如傳通靈山道張揖曰鑿開靈山道置靈道縣 蜀都賦廓靈關以爲門劉涓林

注靈關山名在城都西南漢嘉郡界在前故曰門也 華陽國志蜀王杜宇以靈關爲後戶

水經注沫水又東至越嶲靈道縣出蒙山南靈道縣一名靈關道 元和志靈關鎮在蘆山縣西北六十里靈山下關外即夷獠界、方輿紀要臨關舊名靈關在雅州蘆山縣西北六十里即漢越嶲郡之靈關道也明正統初以其外臨董下韓胡改曰臨關 大清一統志靈關在今雅州蘆山縣西北接天全州界即古靈關道也 又云按今縣界南去越嶲甚遠且中隔沈黎旄牛之地不應越嶲所統之縣反出沈黎之北疑此別一靈關乃漢後所置也

臺登

應劭曰今日臺高 三國蜀志張嶷傳臺登縣去越嶲郡三百餘里 華陽國志臺登縣山有磐石禹貢厥賦磐是也 元和志嶺州臺登縣本漢舊縣有奴諾水本名繩水流入瀘水在縣西北七百里自羌戎界流入 方輿紀要臺登廢縣在建昌指揮司北一百二十里其地有瀘沽峽巡司即臺登縣故治 大清一統志臺登廢縣在今寧遠府冕寧縣東 孫水南至會無

屬本郡 入若

本書司馬相如傳橋縣水以通邛笮張揖曰縣水出臺登縣師古曰於孫水上作橋也 華陽國志孫水一曰白沙江山有砮火燒成鐵 水經注孫水出臺高縣即臺登縣也一名白沙江

南流逕邛都邛縣又南至會無入若水 元和志長河水本名孫水出今臺登縣西北胡浪山下 蜀鑑孫水本名長河水又名沙水出嵩州

臺登縣 名勝志孫水在今大理府賓川州東北界金沙之別流也 方輿紀要孫水在司北一名長河源出西番界南流經寧番衛東流入境會於瀘水瀘水即若水也 大清一統志孫水自冕寧縣北發源南流經縣東又南經西昌縣西又南經會理州西合若水一名長河又名安寧河 行七百五十里 定祚

說文祚越嶲縣名見史記从艸作聲 文穎曰即祚都沈黎郡治此 徐廣曰祚作昨 韋昭曰音昨 華陽國志縣在郡西三百餘里本摩沙夷所居 水經注祚夷也汶山曰夷南中曰昆彌蜀曰邛漢嘉越嶲曰祚皆夷種也 師古曰祚音才各反 通典今嶺州昆明縣本漢定祚縣地 方輿紀要定祚廢縣在今鹽井衛指揮治南 大清一統志定祚廢縣在今寧遠府鹽源縣南 按祚與笮同竹索也夷人于大江水上置籐橋謂之笮定祚大笮笮秦皆是近水置笮橋處从艸从竹一也或作笮或作笮皆通

出鹽

華陽國志定祚縣有鹽坑北沙河是積薪以齊水灌而後焚之成白鹽漢末夷等皆錮之 元和志去縣三百里出鹽鐵夷皆用之蜀將張嶷殺其豪帥遂獲鹽鐵之利 又云鹽井在今縣

城中 方輿紀要鹽井在衛治東有黑白二井

漢志定祚出鹽元因以置閭鹽縣今黑鹽井鹽

課司置於此 大清一統志今鹽源縣出鹽

步北澤在南

大清一統志今步北澤在鹽源縣東

都尉治

服虔曰今蜀郡北部都尉治本簿部也

會無

華陽國志會無故漢人邑也今有漢人家冢不

閉戶其穴多珠人不可取之不祥有天馬河

馬日行千里縣有天馬祠初民家馬牧山下或

產駿駒云天馬子也今有天馬徑厥迹存焉河

中有銅胎今祠以羊可取也 水經注若水又

南經會無縣縣有駿馬河水出縣東高山山有

天馬徑河中有貝子胎銅 元和志今嵩州會

無縣本漢縣方輿紀要會無廢縣在今會州衛

指揮司治西 大清一統志會無廢縣即今寧

遠府會理州治

東山出碧

華陽國志山出青碧 蜀都賦注碧石生越嶲

郡會無縣可作箭鏃 異苑越嶲會無縣天馬

河畔有洞河中有碧珠若不祭祀取之不祥

大清一統志葛砧山在州東南八里上產石青

有四色又土白山在州東南三十里上產石碌

有三色漢志會無縣東山出碧即此

祚秦

續志作祚秦

大祚

水經注若水又南逕大祚縣入繩 又云繩水

至大祚與若水合自下亦通謂之繩水 大清

一統志大祚廢縣在今寧遠府冕寧縣西乃繩

若二水合流處也

姑復

宋志作古復 水經淹水又東過姑復縣南東

入于若水 水經注繩水又逕姑復縣北對三

絳縣淹水注之 又云葉榆水又逕姑復縣西

與淹水合 師古曰復音扶目反 方輿紀要

姑復廢縣在今會州衛指揮司治南王莽時越

嶺姑復夷人大牟叛即此 新校地理志姑復

縣地應在今金沙江之南以復水得名復水即

淹水也

臨池澤在南

晉書地理志姑復縣臨池澤在南 水經注淹

水逕姑復縣臨池澤 按本志于姑復縣云臨

池澤在南又青蛉縣云臨池澤在北澤即澤也

二縣地界以此而分顧宛溪云姑復廢縣在四

川會川衛南沈約志雲南有東西二姑復縣即

漢姑復縣青蛉廢縣在雲南姚州大姚縣北

三絳

續志作三絳 華陽國志三絳亦曰小會無道

通寧州渡瀘即青蛉縣有長谷石時坪中有石

豬子母數千頭長老傳言夷昔牧豬于此一朝

豬化為石迄今夷不敢往牧 水經注繩水又

逕三絳縣西 方輿紀要三絳廢縣在今會川

衛指揮司治西一作三絳誤也 大清一統志

三絳廢縣在今寧遠府會理州東南按其地蓋

在今州東南金沙江東岸

蘇市

三國志作蘇市 師古曰市讀祇 通典今嵩

州蘇市縣本漢舊縣 元和志蘇市故城在今

舊州西北二十五里 新唐書地理志自臺登

城南九十里至蘇市縣又南八十里至嵩州

明統志禮州本漢蘇市縣在建昌衛北六十里

方輿紀要蘇市廢縣即今禮州守禦所治

大清一統志蘇市廢縣在今寧遠府西昌縣北

巨江在西北

師古曰巨古夷字 地理志稽疑巨江水經注

不載 水經注釋按漢志越嶲諸水皆與水經

注合惟蘇市縣下巨江獨無可考 新校地理

志巨江疑即今開基河 水道提綱開基河源

出雲南永寧土府南境山東北流行百里折而

北逕甲母山西麓又北至府城東南有諸水來

會又東入鴉龍江

闌

續志作闌 師古曰音蘭 錢大昕曰續志作

闌當從之若本文是闌注不應又音蘭也 華

陽國志闌縣故邛人邑治邛都城地接塞關

宋書州郡志沈黎郡領闌縣漢舊縣作闌 元

和志今嵩州邛都縣本漢闌縣地嵩山在縣西

南九里嵩水出嵩山下州郡得名因此水也

寰宇記今邛都縣漢闌縣也 方輿紀要廢闌

縣在越嶲衛指揮司治東 大清一統志廢闌

縣在今寧遠府越嶲廳北

卑水

孟康曰卑音班 華陽國志縣去郡三百餘里其水通馬湖 水經注繩水左合卑水水出卑水縣東流注馬湖江 方輿紀要卑水廢城在越巂衛指揮司東南近馬湖江 大清一統志卑水廢縣在今寧遠府會理州東北其水卽在此 新校地理志卑水疑卽今芭蕉溪東入馬湖 水道提綱馬湖西自黎州山東北流二百餘里曰芭蕉溪折東南流至中都西南又東南七十里至蠻夷司北又南逕司東南入金沙江

灣街 師古曰灣音潛又音才心反其下並同

青蛉

應劭曰青蛉水出東西入江 華陽國志青蛉縣有鹽官 水經注淹水東南至青蛉縣又云青蛉河出青蛉縣西東逕其縣下縣以字焉又東注于繩水 師古曰蛉音零 元史地理志青蛉舊縣夷名大姚堡與橋棟川相接 寰宇通志青蛉河源出姚安軍民府三窠山麓俗云大垣海子灌溉田畝民皆利之 方輿紀要青蛉廢縣在今姚州大姚縣北青蛉河在姚安府府南舊名三窠成江源出三窠山西北流至府南四十里豬爲大石湖周廣二百餘畝分爲東涵溪西涵溪灌溉田畝至府城北復合流又北至大姚縣南合于大姚河又東流入金沙江 大清一統志青蛉廢縣卽今楚雄府大姚縣治 青蛉河在姚州南 臨池灣在北

新校地理志臨池灣疑卽今之程海 方輿紀

要陳海在北勝州南四十里周八十里相傳昔本陸地有陳姓者居此一夕沈爲海或作程海水道提綱程海一源而分三道俗稱三道河在土順州東南境海腰鋪之西長四十里闊二十里南流又東南又南於巡司之東南入金沙江

僕水 華陽國志作濮水

出徼外東南至來惟

屬益州郡

入勞

水經注僕水出徼外成都西沈黎郡水從臨邛縣西布僕水來分爲二流一水入文井江一水至雲南郡青蛉縣入于僕僕水又南而東至來惟縣入勞水方輿紀要大姚河在今大姚縣北源出書架山流經縣西北合鐵索箐之水又南流至縣西南合姚州小橋村之水又東流遶縣南復東北會于青蛉河或以爲卽漢志所稱僕水也 水道提綱大姚河出姚安府南境山北流經府城東而西北流折東北至大姚縣南又東北折東南入金沙江 按此別是一僕水非臨邛之僕水也 過郡二行千八百八十里 過越巂益州二郡 則禺同山 續志及水經注皆無則字 師古曰禺音愚 有金馬碧雞

本書郊祀志或言益州有金馬碧雞之神可醮

祭而致于是遣諫大夫王褒持節求之如淳曰金形似馬碧形似雞也 後書邛都夷傳青蛉縣禺同山有碧雞金馬光景時時出見 蜀都賦金馬騁光而絕景碧雞儵忽而曜儀 太康三年記地青蛉縣出碧 水經注青蛉縣上承青蛉水有禺同山其山神有金馬碧雞光景儵忽民多見之 後漢書注禺同山在今哀州揚波縣 明統志禺同山不甚高綿亘數十里上有長亭 大清一統志金馬山在雲南府昆明縣東二十五里西對碧雞山相距五十餘里其中卽滇池也金馬神祠在金馬山麓碧雞神祠在碧雞山麓

漢書地理志補注卷四十九 益州郡

史記西南夷傳其西靡莫之屬以什數滇最大應劭曰益州郡故滇王國也 孟康曰王莽時改益州為庸部 釋名益阨也所在之地險阨也 後書光武紀注益州郡故城今昆州晉寧縣是也 史記正義昆州郡本滇國去京師五千三百七十里 方輿紀要益州郡今雲南大理等府境皆是 按漢益州郡今雲南雲南府之昆明富民二縣及晉寧安寧昆陽三州曲靖府之南寧縣及馬龍州大理府之太和雲南二縣及雲龍州臨安府之建水縣及寧州

滇江府之河陽縣永昌府之保山縣楚雄府之姚州皆其地

武帝元封二年開 本書武帝紀元封二年秋遣將軍郭昌中郎將衛廣發巴蜀兵平西南夷未服者以為益州郡後書滇王傳滇王者莊躡之後也元封二年武帝平之以其地為益州郡割牂柯越巂各數縣配之後數年復并昆明地皆以屬之 華陽國志韓說開益州

莽曰就新屬益州縣二十四 滇池雙柏同勞銅瀨連然俞元收靡穀昌秦臧邪龍味昆澤葉榆律高不韋雲南篤唐弄棟比蘇賁古母椽勝休建伶來唯

滇池 上林賦注文成顛歌文頤曰顛即滇字其縣人能作西南夷歌 如淳曰滇音顛滇馬出其國

也 崔浩曰顛後為縣屬越巂太守所理 水經注溫水又西南逕滇池縣西北 又云葉榆水自滇池澤又東北流逕滇池縣南 史記索隱靡莫夷邑名滇與同姓也 大清一統志滇池故城在今雲南府晉寧州東

大澤在西滇池澤在西北 史記西南夷傳楚威王時將軍莊躡至滇池地方三百里旁地肥饒數千里 說文滇益州池名从水真聲 後書西南夷傳此郡有池周圍二百餘里水源深廣而未更淺狹有似倒流故謂之滇池 譙周異物志滇池在建寧界有大澤水周二百里水乍深廣乍淺狹似如倒流故俗曰滇池 南中志滇池周二百五十里 水經注溫水又西南逕滇池縣澤長老傳言滇池中有神馬家馬交之則生駿駒日行五百里又北會大澤 又云葉榆水逕秦藏縣南與僕水同注滇池澤 括地志滇池澤在昆州晉寧縣西南三十里 九域志滇池周廣五百里盤龍江黃龍溪諸水之所匯池中有二島曰大小臥納下委為螳螂川 元史地理志昆明池五百餘里夏潦必冒城郭張立道為勸農使求泉源所自出洩其水得地萬頃皆為良田 雲南通志去府城西南八十里曰海口與昆陽州接界即螳螂川之口也滇池濼至此惟一河洩之若咽喉然沿海財賦歲以萬計利害由其通塞 水道提綱滇池在雲南府南自府城西迄東南至呈貢縣西南折而西南經晉寧州北又西南至昆陽州東北斜長百二十餘里東西

廣三四十里不等即古墨水亦曰昆明池也 一統志滇池在雲南府昆明縣南呈貢縣西晉寧州西北昆陽州北一名滇南澤亦曰昆明池有黑水祠

孔氏書正義地理志益州郡計在蜀郡西南三十餘里故滇王國也郡內有滇池縣縣有黑水祠止言其有祠不知水之所在鄭云今中國無也 通典按漢書地理志益州郡滇池縣有黑水祠而不計水之所在即今中國無之矣水經注銳意尋討亦不能知黑水所經之處顧野王撰輿地志以為至樊道入江其言與禹貢不同未為實錄至于孔鄭通儒莫知其所或自年代久遠遂至湮沒無以詳焉 樊綽蠻書西夷之水南流入于南海者凡四曰區江曰西洱河曰麗水曰瀾滂江皆入于南海其曰麗水者即古之黑水也三危山臨峙其上 程大昌禹貢論樊綽以麗水為黑水恐其狹小不足為雍梁二州之界其所稱西洱河者卻與漢志葉榆澤相貫廣處可二十里既足以界別二州其流又正趨南海又漢滇池即葉榆之地武帝初開滇雋時其地古有黑水舊祠夷人不知載籍必不能附而綽及道元皆謂此澤以榆葉所漬得名則其水之黑似榆葉積漬所成且其地人有在蜀之正西又東北距宕昌不遠宕昌即三苗種裔與三苗之叙于三危者又為相應其證驗莫此之明也 李元陽黑水考禹貢導黑水至於三危入于南海隴蜀之水無入于南海惟滇之瀾滂江潞江二水皆由吐蕃西北來與雍州相連

按其水皆入南海然潞江西南流蜿蜒緬中內外皆夷于梁州境若不相屬惟瀾滄由西北迤邐向東南徘徊雲南郡縣之間至交趾入海今水內皆爲漢人水外則爲夷緬禹之所導於以分別梁州界者惟瀾滄之水足以當之元史至元二年大理勸農官張立道使交趾並黑水跨雲南以至其國此亦一證隴蜀滇三方鼎立雍以黑水爲西界對西河而言也梁以黑水爲南界又對華陽而言也惟三危之山不可考耳方輿紀要漢志注犍爲郡南廣縣有汾關山黑水所出南廣廢縣即今四川叙州府之南溪縣今南溪並無黑水考漢志所稱其源流亦無與于禹貢之水孔氏引之以釋經謬矣唐史咸通中樊綽宣慰安南親見山川以麗水爲即古之黑水夫麗水乃金沙江之異名在雲南北境其下流仍合大江初非入南海之水樊綽所稱麗水者謬以瀾滄江爲麗水下流也程大昌以爲麗水狹小不足以界別雍梁二州而以西洱河葉榆澤相貫爲足當黑水之稱其言固已支離矣金履祥又誤以瀘爲黑水轉輾滋謬李元陽始益暢程氏之說而證瀾滄江爲水黑說者謂雍州西境有三危山而黑水之流今已不至其地瀾滄去南海雖近而於三危之境無闕疑以傳疑似無容強爲之說矣 禹貢錐指漢志滇池縣有黑水祠後漢志縣北有黑水祠或以爲武帝開置益州郡始立之非也使帝知郡界有黑水而立此祠則班史必知其所在而能言之矣竊謂此祠蓋彼中相承已久黑水即金沙江

東經會無縣南直滇池縣故滇王國于其北立祠祭之宜矣然金沙江與雍州無涉非禹貢所導入于南海者也 大清一統志瀾江世傳即古黑水也源出吐蕃鹿石山流入滇境首過舊蘭州故稱蘭滄又名鹿滄訛爲瀾滄又訛爲浪滄自麗江府南流入大理府雲南龍州境有蘇溪東來注之南流入永昌府經水平縣西又經羅岷山下又東南流入順寧府境與黑惠江合又經雲州東北折而南又東流入景東廳西界又南入鎮元州西北界又西南經甸寧東南又東南流入鎮元州界達車里入南海 新修一統志瀾滄江在西藏匝坐里岡城東一百里番名拉楚河有二源一源發于匝坐里岡城西北一千餘里格爾吉匝噶那山名匝楚河一源發于匝坐里岡城八百餘里巴喇克丹蘇克山名鄂穆楚河俱東南折而南至匝坐里岡城東北三百餘里又木多廟前二水合流名拉楚河又南流九百餘里至雲南塔城關西入麗江府界爲瀾滄江又流經永昌順寧蒙化景東諸府歷阿瓦國老撾地入交趾地界注于南海按後漢書顯宗始通博南山度蘭倉水蘭倉之名始于此華陽國志水經注皆不能考其源劉文徵志瀾滄江源出吐蕃噶和歌甸之鹿石山一名鹿滄江一名浪滄江亦作蘭滄水南入大理府雲龍州界其說得之蓋噶和歌甸即今匝坐里岡城地也番名拉楚亦瀾滄聲之轉也明人李元陽史乘信俱以此爲禹貢之黑水考瀾滄潞江上流相近皆發源番地入南海然瀾

滄源近未必即雍州又絕無黑水之名不如潞江之源遠而水深黑也若以潞江皆經夷地不屬梁州異于瀾滄之綿歷雲南郡縣則禹貢之流沙三危在前代時亦豈皆內地乎邊裔郡縣之界兩漢以來已多變遷豈可執今之輿地定禹貢之疆域乎且交趾自唐以前皆隸中國未聞言黑水經其地元史所謂黑水蓋後人強名未可據以爲證 又云潞江在西藏羅隆宗城東北六十里蒙古名喀烏蘇番名鄂宜爾楚縣出衛之喇薩北二百八十里有澤名布喀廣四百五十餘里其水西北流百餘里入厄爾几根池池廣一百三十餘里又東北流五十餘里入衣達池池廣一百餘里從此池轉東南流一百五十餘里入喇喀池池廣一百二十餘里從南流出名喀喇烏蘇稍東北流四百五十餘里至索克宗城南百餘里出衛地入喀木境名鄂爾宜楚轉東南二百餘里又稍東過羅隆宗城北流三百餘里折南流八百餘里經米喇隆地又二百餘里入怒夷界名怒江自怒夷界南流三百餘里入雲南麗江府界名潞江經野人界又南經永昌府及潞江安撫司境流至緬甸入南海按舊輿圖西番之西大流沙之南湧出一澤名曰嘉湖南流爲潞江以今考之嘉湖即喀喇池也蒙古名黑爲喀喇水爲烏蘇此水大于瀾滄榆葉而色深黑故名其上游出于衛地之布哈大澤淵澄黝黑又多伏流以此爲禹貢之黑水則名稱猶舊較之指瀾滄葉爲黑水者猶爲略有依據也 又云黑水祠在雲南府昆明縣

城內東南隅府志云元時載入祀典一稱大靈廟 又云張機貢貞元皆以金沙江為禹貢之黑水此水源流雖大但遠在西南荒微外去禹貢雍梁二州之境正遠謂為黑水其說難信

水道提綱瀾滄江即古蘭蒼水疑即禹貢黑水番名拉楚河有二源一出西藏喀木之匝坐里岡城西北十餘里格爾吉匝噶那山名匝楚河即古鹿石山也一出匝坐里岡城西北八百餘里巴喇克拉丹蘇克山名鄂穆楚河俱東南流折而南至匝坐里岡城東北三百餘里又木多廟前而合又南流始名拉楚河凡一千七百餘里而至雲南塔城關西入麗江府界曰瀾滄江經雲龍州西北永平縣西永昌府東順府北雲州北會漾備江又經順寧府南雲州城南車里宜慰司西北凡二千五百里入阿瓦國界又經老撾界安南國界為富良江入于海 又云雅魯藏布江即大金沙江源出藏之西界入囉喀布占國界源流共數千數百里疑即古之跋布川或指為禹貢黑水則太遠矣 按禹貢黑水有三一為雍州之黑水一為梁州之黑水一為導川之黑水正不必強合為一惟諸說紛紜自來未經論定耳雍州黑水孔氏正義引水經注謂出張掖之雞山檢今本水經實無此文或以為即今張掖縣之張掖河漢志所稱羌各水者或以為即今西寧府之大通河漢志所稱浩疊水者皆無確據梁州黑水方輿勝覽謂即漢南廣縣之符黑水禹貢雖指地理今釋又謂即今雲南之金沙江亦皆無佐證導川黑水程泰

之謂即漢志之葉榆澤而傅同叔非之李元陽謂即今雲南之瀾滄江而顧宛溪疑之張機貢貞元又謂即大金沙江而全謝山駁之善乎胡東樵之言曰夏殷之衰雍州西北境皆為戎翟所據及周室東遷舊都八百里之地悉棄以予秦秦染夷俗諸侯擯之不與中國會盟輪軒之使莫有過而問焉況三危西裔之區乎故屈原天問曰黑水玄趾三危安在蓋自戰國時此地之山川已與崑崙弱水同其渺茫僅得之傳聞而無從目驗矣秦火之後載籍淪亡漢興治尚書者不能言黑水三危之所在武帝通西域玉門陽關之外使者往來數十輩不聞涉大川而西有可以當古之黑水者故班志張掖酒泉敦煌郡下並無其文司馬彪亦無可言至酈道元注水經魏王泰撰括地志並不能知黑水所經之處此杜氏所以年代久遠或至堙湮之說也蓋黑水源流自屈原已不能知而況伏生輩乎自古文尚書家已不能知而況班固司馬彪酈道元魏王泰諸人乎至若樊綽程大昌金履祥李元陽等紛紛辨論如繫風捕影了無所得徒獻笑于後人而已

雙柏

水經注僕水又逕寧州建寧郡歷雙柏縣即水入焉

同勞

新校地理志西南夷傳滇王其衆數萬人其旁東北勞深靡莫皆同姓相仗勞即此也又為勞水所經之地

銅瀨

續志作同類 談虜山迷水所出東至談臺 屬牂柯郡 入温 晉書地道記銅虜山米水所出 水經注迷水出銅瀨縣談虜山東逕談臺縣右注温水 按談虜山地道記作銅虜山迷水地道作米水字聲相近通用然山與水今皆無可考矣

連然

元和志連然即古滇國螳螂川地 寰宇通志安寧州在雲南府城西南八十里漢為連然縣又名螳螂川 大清一統志連然故城在今雲南府安寧州 有鹽官

俞元

華陽國志俞元縣在河中州上 水經注俞元縣治龍池州周四十七里 明統志俞元縣漢元封中置 大清一統志俞元廢縣在今激江府附郭河陽縣 池在兩

明統志撫仙湖一名羅迦湖又名青魚戲月河周三百餘里玉筍山撫其上宛如仙人故名即

漢志俞元縣之南池也尾閭從東入鐵赤河南折寧州北繞宜良會盤江達于南海 大清一統志撫仙湖在河陽縣南十里

橋水所出東至母單

屬牂柯郡

入温行千九百里

水經注橋水上承俞元之南池一名河水與邪龍分浦東流逕母單縣注于温 方輿紀要鐵池河在潯江府東二十里源自曲靖府陸涼州流經宜良縣至鐵池鋪入山峽數十里會撫仙湖尾閭又東入南州謂之鐵赤河過瓦渡雙龍溪自州西南又過興寧溪下流入于盤江 雲南通志鐵赤河源自曲靖府陸涼州流經宜良縣至鐵赤鋪入山峽數十里會撫仙湖尾閭又東入路州南河 大清一統志鐵赤河在今河陽縣東二十里一名鐵池河源自雲南府宜良縣流入又東南入路南州界即漢時俞元縣之橋水也

懷山出銅

續志作裝山 華陽國志裝山在河申州上其山出銅 明統志羅藏山漢志作裝山後訛爲藏又蠻語虎柵爲羅藏昔有虎自碧溪渡滇池至此土人造柵取之故名 方輿紀要懷山今名羅藏山在府北十里 大清一統志羅藏山在河陽縣北十里 按裝山即懷山字形相近而誤

收靡

說文續志水經注並作收靡 晉志作收麻

華陽國志作升靡 李奇曰靡音麻即升麻殺毒菜所出也 華陽國志升麻縣山出好

南山臘涂水所出西北至越巂

郡名

入繩

師古曰涂音途 說文涂水出益州牧靡南山西北入繩从水余聲 水經注繩水又東涂水注之涂水出建寧郡之牧靡縣南山縣山並即草以立名山在縣東北烏甸山南五百里山生牧靡草可以解毒百卉方盛鳥多誤食鳥喙中毒必急飛往牧靡山啄牧靡以解毒也其水導源臘谷西北流越巂入繩 按水經注涂水導源臘谷蓋即南山之臘谷也則今本漢書脫谷字矣入繩說文作入繩晉志及徐鍇所引本志亦然當從之然俞元今何縣涂水今何水未審過郡二行千二十里 過益州越巂二郡 穀昌

華陽國志漢武帝遣將軍郭昌平滇中因名縣爲郭昌以威蠻人孝章時始改爲穀昌 大清一統志穀昌故城在今雲南府昆明縣北 又云班志作穀昌常璩之言恐誤又據明統志有苴蘭城謂即穀昌城據漢志故苴蘭與穀昌並載亦未必一地也 秦滅

水經注葉榆水自邪龍縣東南經秦滅縣南與僕水經注滇池澤 大清一統志秦滅故城在

今雲南府富民縣志云在府西北牛蘭山即水所出南至雙柏屬本郡

入僕行八百二十里

水經注即水出秦滅縣牛蘭山南流至雙柏縣東注僕水 按即水今無考

邪龍

水經注葉榆水又東南逕永昌邪龍縣縣以建興三年劉禪分隸雲南于不韋縣爲東北 又云僕水至邪龍縣與貪水合 名勝志今大理府太和縣漢邪龍縣地古跡志云邪龍者古羅刹國也見佛祖記漢時爲邪龍縣 方氏通雅孫愐音邪爲牽升菴曰孫愐音顛予按唐韻與汧斡雅並列疑是形之訛

味

孟康音味 水經注温水又西逕味縣縣故滇國都也劉禪建興三年分益州郡置建寧郡于此水側皆是高山山水之間悉是木耳夷居語言不同嗜欲亦異雖曰山居士差平和而無瘴毒 雲南通志今其地名三登故城遺址尙存 大清一統志味縣故城在今曲靖府附郭南寧縣西十五里舊名共範川

昆澤

水經注温水又西逕昆澤縣南 方輿紀要今雲南府昆陽州即漢昆澤縣其地在滇池之南

葉榆

本書西南夷傳孝昭始元元年益都廉頭姑繒民及殺長吏後三歲姑繒葉榆復反遣軍正王

平討破之 水經注縣故滇池葉榆之國也
師古曰葉音戈陟反 元史地理志大理路本
漢葉榆縣地 名勝志今大理府鄧州即漢
葉榆縣地 雲南通志漢葉榆縣在今大理府
治東 大清一統志葉榆廢縣在今大理府太
和縣東北

葉榆澤在東

水經益州葉榆河出其縣北界屈從縣東北流
過不韋縣東南出益州界入牂柯郡西隨縣北
為西隨水又東出進桑關過交趾卷冷縣北分
為五水絡交趾郡中至東界復合為三水東入
海 水經注縣之東有葉榆縣澤葉榆水所鍾
而為此川藪也水之西北有烏弔山 史記正

義樸澤在收靡北百餘里縣在澤西益都收靡
本葉榆王屬國也 通典西洱海一名昆瀾川
漢武帝象其形鑿池以習水戰非滇池也古有
昆瀾國亦以此名 郭松年行紀洱水源于浪
穹涉歷三郡淨瀆紫城東北自河首南盡河尾
波濤二關之間周圍百有餘里 明統志西洱
海形如人耳周三百餘里中有三島四州九曲
之勝下流合於漾備江 方輿紀要西洱河在
今大理府城東亦曰葉榆水流出浪穹縣罷谷
山流經府西北而至城東點蒼山十八川之水
皆會于此又西南流會于漾備江 大清一統
志西洱河在大理府太和縣東即葉榆水一曰
洱海一曰西洱海一曰洱水源出浪穹縣北罷
谷山匯諸溪流南經浪穹縣東又南經鄧州
東又南入太和縣界名西洱河西受點蒼山十

八川而為巨浸經縣東南西南流至合江鋪合于
漾備江經趙州西南南流入蒙化廳界 水道
提綱洱海以形似而名北自鄧州東南南經
大理府城之東又東經趙州關三四十里長一
百三十里其大與滇池不異其上源即浪穹縣
之黑水梅茨白沙三河也自趙州西北又西南
四十里經合江鋪南而西合漾備江源流凡三
百五十里自海而東北諸山水皆入金沙江自
海而東南諸山水皆入河底江亦滇省之大分
水地也

貪水首受青蛉南至邪龍

屬本郡

入僕行五百里

水經注貪水出青蛉縣上承青蛉水逕葉榆縣
又東南至邪龍縣入于僕 方輿紀要漾備江
即古之貪水源出西番境內可跋海一云出鶴
慶軍民府劍川州南五里之劍川湖亦曰漾滇
江亦曰滇溪江亦曰黑惠江流經大理府浪穹
縣西又南過府西之點蒼山後會西洱海流入
趙州西南亦曰神莊又南流經永昌府永平縣
之東境蒙化府之西境又南至順寧府東北境
南流至泮山下合于瀾滄江二水合流而入南
海 大清一統志漾備江或作漾滇江或作漾
神江一名神莊江自麗江府劍川州南流入大
理府經浪穹縣西境有上下江鶯又南流經太
和縣西趙州西南又南流入蒙化廳西又南流
入瀾滄江 皇朝通志漾滇江即古葉榆水瀾
滄之沱江自瀾滄分支東南南流經劍川州西又

東南有東劍海自麗江府合鶴慶州諸水來會
經浪穹縣西又經鄧州西南至大理府治太
和縣西北又東南有洱海自府城會浪穹鄧州
趙州諸境水西南流來會南流有雲龍州水經
永平縣來會經蒙化廳西至雲州北復與瀾滄
江會 水道提綱漾備江即瀾滄之沱江北自
小甸塘南分瀾滄一支東南流曰工江經通甸
西北劍川州西大山東麓曰白石江又經浪穹
縣西鄧州西南始曰漾備江又經大理府治
太和縣西北合江鋪西南有洱海自南來會又
經蒙化府西雲州北入瀾滄江源流共千餘里
律高

水經注溫水又東南逕律高縣南 方輿紀要

律高廢縣在今曲靖軍民府馬龍州東

西石空山出錫

續志作石室山

東南監町出銀鉛

劉淵林蜀都賦注作盤町山 水經注盤水出
律高縣南監町山東逕賁古縣南水廣百餘步
深處十丈甚有瘴氣其水北入葉榆水 師古

曰監音呼鷓反町音挺 集韻入聲二十三錫
部監山名監町山在益州

不韋

孫盛蜀世譜初秦徙呂不韋子弟宗族于蜀漢
武帝開西南夷置郡縣徙呂氏以充之因曰不
韋縣 南中志漢武置嶺南不韋二縣徙南粵

相呂嘉子孫宗族實之因名不韋以彰其先人
惡行人歌之曰漢德廣開不賓渡博南入蘭津

惡行人歌之曰漢德廣開不賓渡博南入蘭津

度瀾滄爲他人 水經注縣故九隆哀牢之國也漢明帝永平十二年置爲永昌郡治不韋縣蓋秦始皇徙呂不韋子孫於此故以不韋名縣北去葉榆六百里 又云瀘倉水又東北逕不韋縣與類水合 又云瀘津水又東逕不韋縣北而東北流兩岸皆高山數百丈廬峯最爲傑秀孤高二千餘丈水之左右馬步之逕裁通而時有瘴氣三四月經之必死五月以後差得無害故諸葛亮表言五月渡瀘并日而食非不自惜也其水又下合諸水而總其目故有瀘江之名矣 大清一統志不韋廢縣卽今永昌府附郭保山縣 永昌府志漢不韋縣相傳在鳳谿山下

雲南

南中志縣西高山相連有大泉水周旋萬步名馮河縣西北百數十里有山衆山之中特高大狀如扶風太一鬱然高峻與雲氣相連因視之不見其山固陰沍寒雖五月甚暑不熱 水經注淹水東北逕雲南縣西北注若水 元和志今姚州所管三縣並漢雲南縣之地 滇略漢武帝時彩雲見于白崖縣在其南故曰雲南 永昌郡傳雲南郡在建寧南四十五里治雲南縣亦多夷濮 方輿紀要雲南廢縣在今大理府雲南縣南 大清一統志雲南故城在今大理府雲南縣南八十里安南坡 按南中志所言卽點蒼山也在今太和縣西三里盤互百餘里 嵩唐

史記西南夷傳西自同師以東北至檇榆名爲嶴昆明徐廣曰永昌有嶴唐縣正義曰嶴音髓今澧州也 水經注嶴唐縣漢武帝置 大清一統志嶴唐廢縣在今大理府雲龍州南 周水首受微外

華陽國志作同水 新校地理志周水疑卽今潞江也又稱怒江 名勝志元以前名怒江甸本朝洪武中改置潞江長官司其曰怒者謂洶湧不平有震撼鳴濺之勢蒙氏封四瀆此其一也 方輿紀要潞江在永昌府潞江安撫司東北五十里源出吐蕃雍望甸南流經司北兩岸陟絕瘴癘甚毒夏秋之間人不敢渡本名怒江以波濤洶湧而名也滇記云諸葛武侯六擒孟獲駐兵怒江之滸卽此又東經永昌府南百里復東南流經孟定芒市界達木邦緬甸入于南海 大清一統志潞江舊名怒江以波濤洶湧而名源出吐蕃境界雍望甸自麗江府經野人界經永昌府西北境過魯庫渡口西又南爲孫足渡口又南爲猛賴渡口東南流至潞江安撫司西北爲潞江渡口又東南過司北又東南經府境又南經舊鎮安所東又南南甸河自東北來注之又西南流經芒市司之東又西南經孟定土府北又西南流入緬甸界兩岸陟絕夏秋瘴癘尤甚相傳卽禹貢黑水蒙氏僭封四瀆之一 皇朝通志潞江源出西藏衛地曰哈喇烏蘇經喀木境共行三千餘里入怒夷界曰怒江南流入雲南麗江府界曰潞江雲南西北以此水爲邊共五百餘里南流至永昌府保山縣境

南流有南甸河自灣甸土司合永昌府河及鎮康土司水來會又西南經騰越州東入阿瓦國界 水道提綱潞江疑卽禹貢黑水蒙古名哈喇烏蘇番名鄂宜爾楚源出衛地喀薩之北二百八十里四圍大山中爲平野有巨川曰布喀鄂模當大流沙之東南廣袤環曲二百三十里其水從西北流出百數十里又成一澤曰厄爾及根鄂模廣百餘里又從東北流出八十里又成一澤曰衣達鄂模廣長百餘里從此池轉東南流一百五十里爲喀喇池廣一百二十里水色深黑其地卽古雍望之嘉湖也從南流出曰哈喇烏蘇又東南流會諸小水又東北出衛地入喀木境又曲折千餘里入怒夷界始曰怒江又南三百餘里入雲南界曰怒江又南入麗江府邊境凡八百餘里經永昌府治保山縣西又東南經潞江安撫司東北又東南三百餘里入阿瓦國界 又有類水西南至不韋 屬本郡

行六百五十里

水經注類水出嶴唐縣西南流曲折又北流東至不韋縣注瀾滄水 新校地理志類水疑卽今之泚江 水道提綱泚江源曰弩弓出北大山合兩澗東南流至白地坪西百餘里又東南流合諸小水入瀾滄江源流凡五百里 弄棟

說文續志地道記並作楛棟 益州記蜀人謂嶺爲棟 新唐書南蠻傳楛棟蠻白蠻種也其

部本居樛棟縣鄙地 又云南詔外有六節度 一曰樛棟 寰宇記弄棟今姚城縣也 方輿

紀要弄棟廢縣即今姚州治舊志云縣境有蠻 曰棟蠶王莽時益州郡夷棟蠶若豆等起兵殺 郡守是也 大一統志唐姚州故城在今楚 雄府姚州北即漢所置弄棟縣也

東農山母血水出北至三絳 屬越嶲郡

南入繩行五百一十里

晉書地道記連山無血水所出 水經注若水 至會無又與母血水合水出弄棟縣東南農山 母血谷北流經三絳南北入繩 按母血水疑 即今大姚河在楚雄府大姚縣城南一里與 姚州青蛉河之水合流經縣北書案山下又東 合縣西北龍川江之水又東入金沙江

比蘇

續志作苾蘇 師古曰比音頻二反 大一 統志比蘇廢縣在今大理府雲龍州西

賁古

水經注葉榆水又逕賁古縣北東與盤江合朱 之哀反李恢追至盤江者也 師古曰賁音奔 大一統志賁古廢縣在今臨安府建水縣

東南

北采山出錫西羊山出銀鉛南烏山出錫 滇略錫則臨安者佳最上者為芭蕉葉扣之聲 如銅鐵其白如銀作器殊良

母棧

說文續志並作母棧 師古曰母讀與無同棧

音之悅反其字從木 晉書音義棧音之劣反 新校地理志母棧應今臨安府寧州地 橋水首受橋山東至中留

屬鬱林郡

水潭

晉書地道記母棧有橋水出橋山 水經注温 水又南東逕母棧縣東與南橋水合水出縣之 橋山東流梁水注之又東注于温 按鄺氏所 云與本志異者潭水即温水也因下流潭温互 受故于此同稱耳志作橋水而鄺加一南字蓋 以別于愈元之橋水也

過郡四行三千一百二十里

新校地理志因至中留入潭之義而云然也應

過益州牂柯鬱林三郡

莽曰有棧

勝休

晉書地道記作勝林 宋書州郡志作勝休 方輿紀要勝休在今臨安府

河水東至母棧

屬本郡

入橋

南中志勝休縣有大河縱廣百四十里深數十 丈 水經注梁水上承河水于俞元縣而東南

經勝休縣 新校地理志河水疑即今甸苴湖

方輿紀要甸苴湖在臨安府寧州南周百餘

里不盈不涸滇紀云有甸苴關舊置巡司于此

建伶

說文伶弄也从人令聲益州有建伶縣 應劭

曰伶音鈴 大一統志建伶故城舊志云在 雲南府城西北 來唯

水經注温水又東南逕來唯縣東而僕水右出 焉 新校地理志來唯應今開化府西地

從陞山出銅

師古曰陞音胡工反 集韻從陞山名在益州 或作阨 錢坫曰陞古陀字

勞水出徼外東至康伶

屬交趾郡

入南海

水經注僕水又東至來唯縣入勞水水出徼外 東逕其縣與僕水合東至交趾郡蘆冷縣南流 入于海 師古曰冷音零 殿板漢書考證齊

召南曰按蘆冷當作蘆冷各本俱作康冷又詳

柯郡西隨縣下康水至康冷入尙龍谿都夢縣

下壺水至康冷入尙龍谿今亦並作康冷誤也

蘆冷乃交趾之屬縣 新校地理志勞水疑即

今把邊江 水道提綱景東河源出蒙化府東

南境山中東南流至威遠州東境曰把邊江又

東南曰李仙江又東南流入安南國界 皇朝

通志李仙江即景東河出蒙化廳東南逕景東

廳北東南流有鎮沅州水來會又東南流經威

遠廳東又東南有阿墨江合諸水來會又東南

入安南國界

過郡三行三千五百六十里

過越嶲益州交趾三郡

過越嶲益州交趾三郡

漢書地理志補注卷五十
牂柯郡

管子中匡篇南至吳越巴牂柯 史記司馬相如傳南至牂柯爲徼 本書武帝紀元鼎五年發夜郎兵下牂柯江咸會番禺 又西南夷傳牂柯江廣數里出番禺城下 應劭曰牂柯郡以臨牂柯江也 華陽國志楚頃襄王時遣莊躡伐夜郎軍至且蘭極船于岸而步戰既滅夜郎以且蘭有極船牂柯處乃改其名爲牂柯 又云牂柯郡上當天井故多雨潦今有故城在郡西卽漢未伏之時所保于此 左思吳都賦吐浪牂柯 十三州志牂柯江中山名 崔浩曰牂柯繫船棧也 異物志牂柯者繫船筏也 其山在海中小而高以繫船筏也 俗人謂之越王牂柯 水經注浪水至番禺縣西分爲二其一卽鬱川東別逕番禺漢書所謂浮牂柯同會番禺蓋乘斯水而入越也 牂柯江上兩三名師古曰牂柯係船棧也 棧音弋 元和志今夷州費州並徼外蠻夷之地漢爲牂柯郡 史記正義牂柯江出南徼外東通四會至番禺入海 永昌郡傳牂柯郡在建寧東北千二百里處所險峻率皆高山所少平地 名勝志牂柯江南入廣西泗城界爲右江至潯江與左江合下番禺入南海 今水經牂柯江一名烏泥江其源有二俱出程番府一自金筑司治北爲麻綿河至府城西境爲七曲江過廬山東逕洪番方番至爲番司南爲大韋河一自上司馬橋治東北流經小程番廬番北境南流遶府城東過臥

龍司西與大韋河合爲牂柯江遶臥龍司治南又爲遶翠江過羅番大龍司治北爲回龍江南流來注之折遶大龍司東入廣西泗城州經慶遠府境遶遷江來賓縣南東流縈迴約千餘里入于右江 方輿紀要牂柯郡今遵義府以南至貴州之思南石阡等府皆是 貴州通志烏泥江源出山箐中匯諸溪澗之水其流始盛又東流北入定番州界流急水渾故曰烏江卽都泥江也又東南流入廣西慶遠府南丹州界爲右江 大清一統志牂柯江在今貴陽府定番州南一名都泥江源出州西北三十里亂山中曰濛濛經州南界地名破蚕又南入廣西泗城府界 新校地理志牂柯江卽豚水 說文作牂柯與史記同 廣韻作戕戕 佩觿作戕戕 集韻本作歌戕或省作戕亦作牂通作柯 類篇作牂阿韻會作戕 按漢牂柯郡今雲南曲靖府之通海縣及霑益羅平二州又貴州遵義府之桐梓仁懷二縣皆其地 武帝元鼎六年開 本書昭帝紀元鳳五年秋罷象郡分屬鬱林牂柯 華陽國志唐蒙斬筲王首置牂柯郡 莽曰同亭有柱蒲關 水經注郡有柱蒲關牂柯亦江中兩山名也 屬益州縣十七 故且蘭鐔封警漏臥平夷同並談指宛温母斂夜郎母單漏江西隨都夢談稟進桑句町 故且蘭 應劭曰故且蘭危侯邑也且音苴 水經注夜

郎豚水東逕牂柯郡且蘭縣謂之牂柯水水廣數里縣臨江上故且蘭侯國也一名頭蘭牂柯郡治也 師古曰且音予閭反又子余反 寰宇記故且蘭在今建安縣 寰宇通志且蘭故城與雲南府城南北相距十餘里楚莊躡王滇時所築一名穀昌城 按本志續志皆作故且蘭至晉志始去故字州郡志云且蘭今漢舊縣故且蘭是也 沅水東南至益陽 屬長沙國 楚詞沅有芷兮澧有蘭 說文沅水出牂柯故且蘭東北入江從从水元聲 山海經沅水出象郡鄧城西東注江郭注象郡卽今日南也 鄧城縣今屬武陵 荊州記沅水源出牂柯且蘭縣至郡界分爲五谿故曰五谿蠻 水經沅水出牂柯且蘭縣爲旁溝水又東至鄧城縣爲沅水又東北過臨沅縣南又東至長沙下雋縣西北入于江 水經注沅水東逕無陽縣又東逕辰陽縣南沅臨縣西又東至長沙下雋縣注洞庭湖入于江 明統志沅水源出西南番界產九肋鼈 今水經沅江源出四川播州與牂柯江隔嶺而分者也其源自黃平所爲黃平河過偏橋司治西東流處洞河入之至鎮遠府城南爲鎮洋江東流經清浪衛清江北來入之又東經平溪衛至麻陽錦江入之又逕黔澗水來注之又歷辰州府城西南五里西水入之又東辰水入之入常德府桃源縣境經府城南東流過

龍陽縣北入于洞庭湖 方輿紀要沅水出四川遵義府境班志謂出故且蘭縣東北是也近志又謂出貴州鎮遠府境今考沅水本無正源蓋郡川會流至辰州府沅州界而益大因有沅江之名沅江過沅州城南又東北流過辰州府城南常德府桃源縣南龍陽縣北至沅江縣之西南而注于洞庭湖蓋楚西南境之水莫大于沅湘矣 大清一統志沅水自貴州黎平府流入鎮遠府經天柱縣東又東北流入湖南沅州府黔陽縣界又東北入辰州府辰溪縣界又北入瀘溪縣界又東北入沅陵縣界又東北入常德府桃源縣界又東入武陵縣界又東入龍陽縣界又東入沅江縣界入洞庭湖 皇朝通志沅水即鎮陽江出貴州平越府東北經施秉縣南又逕鎮遠府城南而北又逕思州府南有思州河來會經玉屏縣西南有戶溪江自思州府來會折東南入湖南沅州府芷江縣西南界又逕黔陽縣北有清水江自貴州平越府之猪梁江都勻府之馬尾河合諸水及靖州之渠河來會既合清水江東流有竹舟江自綏寧縣合城步縣諸水來會又東北逕辰溪縣東南有雙龍江即激水自激浦縣來會又有麻陽縣河即辰水自銅仁府來會經瀘溪縣東南有武溪自乾州來會北流有藍溪自辰州府沅陵縣來會至府城西南有酉水自四川西陽州合諸水來會又東北有馬底河自沅陵縣來會又東北逕桃源縣東南又經常德府武陵縣南又東分數支經龍陽縣北而合又東北入洞庭湖 水道提

綱沅水亦曰鎮陽江亦名洪江亦名澗水出貴州平越府黃平州南金鳳山北流經州城東又東北經施秉縣南始名鎮陽江又東經鎮遠府城又東北經思州府南又東北至玉屏縣西南折東南入湖南芷江縣界又東南逕沅州府城南又西南逕黔陽縣城西北牛角鋪清水江于大口合渠河來會又東南經縣西南而東又東北辰溪縣東南之大江口西有雙龍江即激水自激浦縣來注之又西北經辰溪縣城南有麻陽河自銅仁府來注之又北至瀘溪縣城東南有武溪即澗溪自乾州城合諸水來注之又北經城東又東北麻溪自東南來注之俗曰辰河實沅江也又北至辰州府城西南有北河即酉水自四川西陽州合諸水來會又東經府城東南又東北經桃源縣城東南又東逕常德府治武陵縣西南又東經府南又東南經龍陽縣城北又東北入洞庭湖 過郡二行二千五百三十里 按顧宛溪謂詳柯武陵二郡饒獻之謂過武陵長沙二郡予謂當作過郡三謂詳柯武陵長沙也 鐔封 師古鐔音尋又音淫 晉書音義鐔音大南反 方輿紀要鐔封故城在今遵義府東南 温水東至廣鬱入鬱 水經温水出牂柯夜郎縣又東至鬱林廣鬱縣為鬱水漢時謂之牂柯江又東至領方縣與經南水合東北入于鬱 水經注温水又東南逕

鐔封縣北又逕來唯縣東而僕水右出焉 新校地理志温水今之南盤江亦曰西洋江 按温水疑即今夜郎豚水今曰南盤江亦曰西洋江者也 過郡二行五百六十里 按過牂柯鬱林二郡 說文鬱牂柯縣从邑敝聲讀如鶩雉之鶩 孟康曰音鶩 師古曰不列反又音蔽 晉書音義音必世反又必舌反 晉書地道記縣以水名也 華陽國志犍為郡武帝建元六年置時治鬱後割屬牂柯 方輿紀要廢鬱縣在曲靖軍民府陸涼州北 大清一統志鬱縣故城在今遵義府城西 不狼山鬱水所出東入沅 水經注鬱水出鬱縣西不狼山東與温水合又于縣東注延江水又與漢水合又北至涪陵 方輿紀要烏江在貴陽府北二百里源出西境內與四川遵義府分界湍流洶悍其渡處有烏江關兩境特以為險東北流經平越府餘慶縣及甕安縣西又北經石阡府西又北入思南府經府西北流入四川重慶府彭水縣界而為涪陵江或謂之鄂江或謂之湖江經縣西又東北經武隆縣治南復折而西北經涪州城東而入于大江蓋貴州東北境之大川也 大清一統志烏江自貴州大定府黔西州流入遵義府城南又經石阡府城西又東入思南府湄潭縣界又北入四川彭水縣界亦曰鬱水亦曰延江

亦曰湖江亦曰涪陵江 皇朝通志黔江即烏江出貴州威寧州東北山東北流有則底河自雲南鎮雄州來會又東南伏而復出經畢節縣南又伏二十餘里復出曰天生橋有落腳河自大定府來會又東北經黔西州有楊柳河以麥河自平遠州來會又東有三壘河自安順府合威寧州安平清鎮縣諸水來會經修文縣西北有雞公河自廣順州合諸水來會經開州西有以濟河自黔西州來會經遵義府南境有清水江自貴陽府治合龍里貴定縣諸水來會經甕安縣北有湘江自遵義府合綏陽縣諸水來會又東南有涓潭縣水甕安縣水來會經餘慶縣西北又逕石阡府西龍泉縣南又經思南府西南有清江溪來會經印江縣西北婺川縣東北折西北入四川西陽州西南界又北有南溪河自湖北施南府來會經彭水縣南有長溪自貴州婺川界來會又西北有中清河自湖北利川縣來會折西南有渡頭河自綏陽縣正安州合諸水來會又西北有大溪河自南川縣來會又北至涪州城東北入于大江 水道提綱黔江北亦曰涪江即貴州之烏江也源出威寧州東北山東南流至畢節縣南又東逕大定府南黔西州南又東北經修文縣西北開州西又東南逕遵義府南自此俗曰烏江經甕安縣北餘慶縣西北又東北經石阡府西龍泉縣南思南府西南印江縣西北婺川縣東北折西北入四川西陽州西南界又北至彭水縣南又西經武隆廢縣南又北至涪州城東北銅柱灘入大江亦曰

涪陵江此水自西而東而北源流二千三百里 按本志犍爲郡符縣下云溫水南至鷺入黠水黠水亦南至鷺入江考黔與黠字同稱烏者亦以黔義通之蓋黠水即今之黔江也 過郡二行七百三十里 過祥柯巴二郡

漏臥 本書西南夷傳成帝河平中夜郎王禹與町町王禹漏臥侯俞更舉兵相攻孟康曰漏臥夷邑名後爲縣 應劭曰故漏臥侯國 方輿紀要漏臥廢縣在今曲靖軍民府羅平州南故漏臥國也

平夷 蜀鑑漢武帝元朔三年罷西夷置平夷夜郎一都尉 大清一統志平夷廢縣在今遵義府仁懷縣西南 按三國蜀志章武元年以李恢爲庾隆都督使持節領交州刺史住平夷縣即此 又按方輿紀要謂平夷廢縣在曲靖軍民府陸涼州此唐時所改置非漢縣也

同並 應劭曰故同並侯邑並音伴 集韻竝或作並 漢書考異並伴聲相近 水經注葉榆水自滇池縣南又東逕同並縣南 方輿紀要同並城在今曲靖軍民府霽益州北

談指 續志華陽國志並作淡指 宋志作談柏 本書西南夷傳孝昭始元元年祥柯談指同並等二十四邑凡三萬餘人皆反蘇林曰談指亦西

南夷別種名南中志談指縣有不津江江有瘴氣 方輿紀要談指城在今遵義府桐梓縣西南 宛溫 師古曰宛音於元反 南中志宛溫縣北三百里有盤江廣數百步深十餘丈此江有毒氣

方輿紀要宛溫廢縣在曲靖軍民府亦佐縣東北滇紀云在縣北二百里 大清一統志元亦佐故城本漢宛溫縣地唐爲盤州地後沒于蠻號夜苴部後譌爲亦佐 按華陽國志水經注止作溫云蜀漢與古郡治此 毋斂 水經注周水自郁郅縣東南流經牧靡縣北又

疎經且蘭縣北而東南出也又東逕祥柯郡之毋斂縣折而東南與毋斂水合水首受祥柯水東逕毋斂縣爲毋斂水又東注于存水 又云祥柯水又東南逕毋斂縣西毋斂水出焉又東驪水出焉 剛水東至潭中 屬鬱林郡 入潭 水經注潭水又東南流與剛水合水西出祥柯毋斂縣東至潭中縣入潭 方輿紀要都泥江即古剛水源出貴州貴陽府定番州西北界流入廣西慶遠府南丹州及那地州北又東逕忻城縣南又東南逕賓州南爲賓水又東北逕遷江縣北又逕來賓縣南又東至武宣縣西而合于柳江 大清一統志都泥江源出思恩府遷

江縣流入柳州府來賓縣南又東流入潯州府經武宣縣西北合潭水即古剛水也

莽曰有敏夜郎

史記西南夷傳西南夷君長以什數夜郎最大應劭曰故夜郎侯邑 水經注縣故夜郎侯

國唐蒙開以為縣 史記索隱荀悅云夜郎健為屬國也韋昭云漢為縣屬牂牁按後漢書云

夜郎東接交趾其地在湖南其君長本出于竹以竹為姓也 輿地廣記按漢武帝開夜郎置

犍為郡因山立名初治犍縣其地蓋在今瀘南徽外後徙治犍道今戎州是也東漢及晉徙治

武陽今眉州彭山是也始雖因乎夜郎以置犍為然郡之北境大半本蜀舊縣如南安武陽牛

犍資中江陽犍道是也而漢志夜郎縣乃屬牂牁郡則知今嘉州非夜郎故地也夜郎蓋于今

為珍播等州人徒見嘉州號犍為郡及犍為縣遂以為本夜郎國杜佑述通典亦承誤焉 方

輿紀要夜郎城在今遵義府桐梓縣東二十里其東有且同亭成帝河平中夜郎王興等叛牂

柯太守陳立行縣至興柯江所出在今貴州省西界

豚水東至廣鬱 陳景雲曰豚水東至廣鬱下脫入鬱二字鬱林郡廣鬱縣注云鬱水首受夜郎縣豚水 輿地

廣記豚水東南至廣鬱為鬱水又東南至番禺城下入海所謂牂柯江也 皇朝通志南盤江

亦名紅水江出雲南霑益州西北逕州城南有

磨刀溪自曲靖府南寧縣來會經南寧縣境又逕陸涼州東南湖澤中西北流經宜良縣東北

又逕路南州西經激江府治河陽縣東有白龍潭水自路南州來會又東西有仙湖受江川縣

水來會經彌勒縣西寧州東北有小曲江合新興州嶧峨河西通海三縣及寧州水來會又東

南有水自彌勒縣來會經阿迷州北有蒙樂河自臨安府建水縣合石屏州之黑龍湖水來會

折西北經廣西州南境廣南府西北境又東北至廣西西隆州界有馬別河自開化府北山經

廣南府境來會又西北至羅平州東南有九龍河自羅平州合師宗縣水霑益州水平彝縣水

來會折東流有清水河自廣南府北境來會又東北有河自普安州普安縣來亦名馬別河經

南籠府境來會經泗城府西北境北盤江來會又云北盤江出雲南霑益州北境經可渡橋

受貴州威寧州水入貴州界伏流復出經安南縣北有拖長江自普安州經普安安南二縣來

會始曰盤江經永寧州西境有阿黑河合拒馬河自安南縣來會又南有馬軍河自南籠府來

會又東有寧谷河自安順府合鎮寧永寧二州水來會經南籠府東北又南入生苗界東南流

入廣西泗城府北境又東南南盤江來會 又云兩盤江既合總名曰紅水河東流經東蘭州

東北又經那地州西北經東蘭州東又東南經獠山中百餘里又東南經思恩府北安定土司

南有蘆江來會經忻城縣西南有那龍江刁江自那地州來會經遷江縣西北有清水江合上

林縣賓州諸水來會經來賓縣西南又經象州西南柳江自州西來自此而下總名曰都泥江

經武宣縣西北至潯州府治桂平縣西北境分為二派一南流一東北流皆會西南來之鬱江

自此以下總名潯江經平南縣西南有白沙江自容縣來會經藤縣西有蒙江自永安州合諸

水來會又有劍江合北流容縣岑溪三縣之水來會又東北至梧州府蒼梧縣西又東桂江自

昭平縣來會而東入廣東界 水道提綱西洋江亦曰南盤江古夜郎豚水也源出雲南廣南

府治寶寧縣西北六十里免塘之西南山東南流至府西境又東南曰西洋江又東入廣西界

經泗城府鎮安府南奉議州北田州城南上林縣西北隆安縣北永康州北南寧府治宜化縣

西而麗江自新寧州來會是曰鬱江又經永淳縣西北橫州西南貴縣南潯州府治桂平縣西

南而會盤江總曰潯江 都尉治莽曰同亭母單

水經注温水又東南逕母單縣橋水注之 師古曰母讀與無同單音丹

漏江 左思蜀都賦漏江泆流潰其阿汨若湯谷之揚

濤沛若濛汜之湧波劉淵林注漏江在建寧有

水道伏流數里復出故曰漏江 水經注葉榆水又東逕漏江縣伏流山下復出蝮口謂之漏

江諸葛亮之平南中也戰于是山之南 西隨

宋志作西隋 水經注葉榆水入牂柯郡西隨縣北爲西隨水自西隨至交趾崇山接險水路三千里

糜水西受徵外

地道記作糜水 新校地理志糜水似即今之

河底江 皇朝通志河底江出大理府南境一

源自雲南縣西北合趙州東南水蒙化廳北水

東南流一源自趙州南境經蒙化廳西而合東

南流經景東廳東北有馬龍河出鎮南州境經

楚雄府南境南安州西南境來會至元江州北

有羊溪自富民縣經羅次安寧祿豐易門新平

合廣通南安諸州縣水來會東南流至元江州

北東北流有新平縣水合嶧峨諸水來會又東

南入安南國界 水道提綱河底江有二源俱

出大理府南境東源出雲南縣西北趙州東北

之梁王山西源即蒙化水出趙州南境山中合

而東南流至磴嘉慶縣北折而東曰大厥河又

東有馬龍河自北來會又南至元江府北有諸

水合邦溪水自西來會水勢大盛西南流折東

南至元江府北曰元江又東南有清水河來注

之又東南有南充河注之又東曰河底江經阿

巴寨北又東南逕虧容甸北又東六蓬寨北又

東南逕納更司東又南有清水河自西北來又

有一水自東北來並會成三叉形又東南入安

南國界源流一千八百里凡水之不北會金沙

西會洱海瀾滄東會八達河盤江者俱匯此河

故論雲南南出之水最大者曰瀾滄曰潞江其

東至麓冷

屬交趾郡

入尙龍谿

地理志稽疑尙龍谿水經注不載

過郡二行千一百六里

過牂柯交趾二郡

都夢

壺水東南至麓冷

屬交趾郡

入尙龍谿

地理志稽疑麓冷水道並見酈注而壺水獨無

聞 新校地理志壺水似即今之烏期河 水

道提綱開化府河上源曰烏期河出府西北一

百五十里大石牙之西南山行五百餘里過三

天生橋南入安南國界

過郡二行千一百六十里

過牂柯交趾二郡

談囊

水經注溫水自夜郎縣西北流逕談囊縣與迷

水合迷水東逕談囊縣右注溫水 又云豚水

東北逕談囊縣 師古橐音工老反

進桑

續志作進乘

南部都尉治有關

水經葉榆水又東出進桑關注云進桑縣牂柯

之南部都尉治也水上有關故曰進桑關馬援

言從菴冷水道出進桑王國至益州賁古縣轉

句町

本書西南夷傳鉤町侯毋波有功立爲鉤町王

應劭曰故句町國 名勝志今雲南臨安府

古句町國漢之句町縣也 雲南通志漢句町

縣故址在今通海縣北 大清一統志句町故

城在今臨安府通海縣東北五里 按昭帝紀

及西南夷傳並作鉤町服虔曰鉤音左傳射兩

鉤之鉤應劭曰町音挺西南夷今牂柯鉤町縣

是也師古曰鉤音距于反町音大鼎反又曰音

劬挺

文象水東至增食

屬鬱林郡

入鬱

地道記作文象水

又有盧唯水

按裴松之三國志注以盧唯水爲卽瀘水

來細水伐水

水經注溫水又東逕增食縣有文象水注之其

水導源牂柯句町縣文象水與蒙水與盧唯水

來細水伐水並自縣東歷廣鬱至增食縣注于

鬱水也 按水經注尙有蒙化而志無稱

莽曰從化

漢書地理志補注卷五十一 巴郡

左傳昭九年巴濮楚鄧吾南土也 史記商君傳趙良曰五殺大夫相秦巴人致貢 山海經西南有巴國太皞生咸鳥咸鳥生乘釐乘釐生後昭是為巴人郭注為巴之始祖 華陽國志武王克殷封宗姬支庶于巴爵之以子都江州或治墊江或治平都後治閬中戰國時嘗與楚婚及七國稱王巴亦稱焉張儀伐蜀取巴王以歸分其地為三十一縣 三巴記閬縣白水東南流曲折三回如巴字故名三巴 尚書牧誓疏巴在蜀之東 春秋正義楚子與巴姬埋璧則巴國姬姓 元和志今之渝州合州並古之巴國武王伐紂巴人助焉春秋時亦為巴國秦滅之為巴郡 地理通釋古巴國今重慶黔達施忠萬開涪州南平軍渠資普昌合州廣安軍皆其地也秦取其地立巴郡 輿地紀勝北江至巴州城東南分為三流其中有小流橫貫成巴字故以為名 文獻通考巴州巴江自古集州來派于郡治之右狀如巴字又曰字江 今水經巴水源出陝西漢中府西鄉縣六十里巴山流經四川達蓬廣安三州至渠縣東為渠江又東經順慶府界流至合州治東北與嘉陵江合于渠口 方輿紀要巴江源出陝西南鄭縣南境之大巴嶺至巴州東南分為三流而中央橫貫勢若巴字流二十里合清水江又南入順慶府蓬州境下流至合州入嘉陵江亦名為字江唐李遠詩巴江學字流是也 又云通釋云

自蜀而言大江之外其水有七曰綿水曰雒水曰渝水曰涪水曰嘉陵水曰白水曰渠水七水合于江而江始大今按錦水渝水入雒而巴渠合為一水則大江之外為巨川者四而已矣其出于夷中入中國而附于江者不與焉 又云巴郡秦郡也今四川保寧府順慶府夔州府重慶府及瀘州境皆是 大清一統志按自古言巴江者不一三巴記閬白二水南流曲折三面如巴字則指嘉陵江寰宇記所謂巴江則在通江縣皆不以巴州之水為巴江也九域志始言成化縣為巴江自後遂獨以南江派水當之與古說異 又云巴江源出保寧府南江縣南北流經縣東又西南逕巴州東又東南入達州界即古宕渠水也 按漢巴郡今四川重慶府之巴縣及合州涪州保寧府之閬中南部二縣順慶府之渠南充二縣夔州府之奉節雲陽二縣西陽之彭水縣暨忠州州治皆其地

秦置

水經注秦惠王遣張儀等教苴侯于巴儀貪巴直之富因執其王以歸而置巴郡焉 地理志稽疑巴郡故巴國秦惠文王十四年置高帝始建國三郡之一

屬益州縣十一

江州臨江枳閬中墊江胸忍安漢宕渠魚復充國涪陵

江州

左傳桓九年巴子使韓服告于楚杜注巴國在巴郡江州縣 楊雄賦分川並注合于江州

華陽國志秦惠文王遣張儀滅巴城江州水經江水又東北江州縣東強水涪水漢水白水宕渠水五水流合南流注之強水即羌水宕渠水即潛水渝水也巴水出巴嶺山西南流歷巴中逕巴郡故城南西南入江庾仲雍所謂江州縣對二水口左則涪內水右則蜀外水即是水也 後書光武紀注江州縣故城在今瀘州巴縣西北 括地志巴子都江州今峽州界也 元和志今渝州所管巴縣江津萬壽南平璧山五縣並漢江州縣地又南州南川縣亦漢江州地 寰宇記江州故城在今巴縣西南 方輿紀要江州城在重慶府西相傳秦相張儀所築 大清一統志江州故城在今重慶府巴縣西

臨江

華陽國志臨江縣在枳縣東四百里東接胸忍界有鹽官 水經注江水又東逕臨江縣南 廣韻忠州本漢臨江縣 寰宇記今忠州臨江縣本漢舊縣以臨江川為名又墊江南賓桂溪三縣及萬州武寧縣並漢臨江縣地 大清一統志臨江故城即今忠州治

枳

如淳曰音徙或音抵 師古曰音之爾反 戰國策蘇代曰楚得枳而國亡 華陽國志枳縣在巴郡東四百里治涪陵水會土地确瘠 水經江水又東至枳縣西延江水從梓柯郡北流西屈注之注云江水又東歷雞鳴峽江之南岸有枳縣治涪陵水會庾仲雍所謂有別江出

武陵者也水乃延江之枝津北注逕涪陵入江故亦曰涪陵水其水南導武陵郡 四夷縣道記涪江南自黔中來由武陵縣派蜀江十五里有雞鳴峽上有枳城即漢縣也 通典今南州所理南川縣及忠州豐都縣並漢枳縣地 元和志今涪州所理城本秦枳縣城也又樂溫賓化二縣並枳縣 寰宇記豐都縣在今忠州西九十二里本漢枳縣地 輿地紀勝今涪州東溫縣唐分渝州巴縣所置巴縣亦漢枳縣地也故枳城在今巴縣東北一百十五里 胡三省通鑑注漢之涪陵今彭水也今之涪陵乃漢枳縣也史記蘇代曰楚得枳而國亡即此漢因置枳縣 大清一統志枳縣故城在今重慶府涪州西

閬中

師古曰閬音浪 華陽國志閬水迂曲逕其三面縣處其中故名巴子後治于此 水經羌水又東南過巴郡閬中縣 水經注漢水又東南過巴郡閬中縣巴西郡治也劉璋之分三巴此其一焉閬水出閬陽縣而東逕其縣南又東注漢水 後書安帝紀注縣臨閬中水因以爲名今隆州縣也 通典今閬州城即古閬中城名曰高城前臨閬水卻據連岡 又云今閬所理閬中縣又巴州恩陽縣蓬州大寅儀隴二縣並漢閬中縣地 寰宇記閬居蜀漢之半當東道要衝今郡城即古閬中城也 晏殊類要閬山四合于郡故曰閬中閬水亦曰閬江亦曰渝水亦曰巴水亦曰西漢水實一水也 輿地紀勝

閬中山在縣南三里一名錦屏山又名寶鞍山方輿紀要閬中城在保寧府東二十里秦築亦謂之張儀城亦謂之白沙鎮亦謂之白沙壩 大清一統志閬中故城在今保寧府閬中縣西閬中山在縣南閬水在縣西即嘉陵江也 彭道將池在南彭道魚池在西南 巴漢志閬中有彭池大澤名山靈臺見孔子內識 寰宇記四夷述云閬州東南有南池東西二里南北約五里又州西南十里有郭池周約五十畝 方輿勝覽南池在今閬州高祖廟旁東西四里南北八里漢志彭道將池即此是也魚池即今郭池然則此池本彭之所開 方輿紀要南池在保寧府城南即漢志彭道將池也自漢以來堰大斗小斗水溉田里人賴之唐時堰壞漸成平陸 大清一統志彭道將池在閬中縣南

墊江

說文墊从衣執聲巴郡有墊江縣 應劭曰墊音徒淡反 孟康曰墊音重疊之疊 何氏讀書記墊說文作墊从衣不从土此是後人傳寫之誤 段氏說文注據應劭音徒淡反孟康音重疊之疊知漢書本不作墊江也墊江縣在今四川重慶府合州嘉陵江涪江渠江會于此入大江水如衣之重復然故以墊江爲名其字音疊淺人譌爲昏墊之墊耳 水經羌水又至墊江縣東南入于江 後書岑彭傳注墊江今忠州縣也 通典今合州所理石鏡縣 括地志蜀侯都益州巴子城在合州石鏡縣南五里故

墊江縣也 通典今合州所理石鏡縣秦漢有青石山漢時巴蜀久不決一朝密霧石裂自上及下直如引繩遂分郡界至今猶以爲界焉 元和志今合州所管石鏡新明赤水銅梁巴川六縣並漢墊江縣地 蜀鑑墊江即今合州輿地紀勝今合州即秦漢之巴郡之墊江縣也 方輿勝覽按漢晉宋志巴郡之墊江縣今爲合州之石鏡縣此乃古之墊江通典云魏恭帝始置墊江縣後周改爲魏安隋開皇十八年復爲墊江乃今忠州之墊江也 大清一統志墊江廢縣即今重慶府合州治至忠州墊江縣乃西魏所徙置漢陵江縣地也

胸忍

續志十三州志廣韻並作胸認 華陽國志胸忍縣在巴東郡西二百九十里 十三州志胸音蠢認音閩其地下溼多胸認蟲因以名縣 水經注江水又東右逕胸忍縣故城南縣治故城跨其山阪南臨大江江之南岸有方山山形方峭枕側江濱 師古曰胸音劬 廣韻胸認漢縣名在巴東郡地下溼多胸認蟲胸音蠢認音閩 後書吳漢傳注胸音劬認音忍故城在今夔州雲安縣西萬戶故城是也 又劉焉傳作胸認胸音蠢認音如尹反 通典今萬州所理南浦縣開州所理盛山縣夔州雲安縣並漢胸忍縣地 寰宇記今開州開江萬歲新浦三縣雲安軍雲安縣萬州南浦縣梁山軍梁山縣並漢胸忍縣地故城在今雲安縣萬戶城西三十一里 集韻胸或从勻作胸俗作胸非是

隋志巴東郡雲安舊曰胸忍後周改焉 邵氏聞見後錄夔州古名胸認胸音蠢又音劬認如尹反又音忍蚯蚓也至其地多此物春秋時人苦寒熱疾謂之蚯蚓瘡云 輿地紀勝胸忍

城本漢縣在萬戶城西三十里李燾記云子泊舟雲安之西三十里萬戶驛下橫石灘上土人云今驛之左右皆胸忍故縣也 大清一統志胸忍故城在今夔州府雲陽縣西 何焯曰胸忍字書作胸認胸音蠢與顏異說文有胸無胸字 洪亮吉曰東海有胸縣東萊有臨胸縣並音劬師古殆因此而誤 按說文無胸認二字新附有之注云胸認蟲名漢志有胸認縣地下多此蟲因以為名考其音當作蠢潤胸如順切認尺尹切即蚯蚓也今俗呼之為曲蠶

容毋水所出南入江 水經注江水又東得靈龜口華陽記曰胸忍縣出靈龜咸熙元年獻龜于相府言出自此溪按志云容毋水所出殆即此溪也 大清一統志湯溪水在雲陽縣東即今東讓河古之容毋水也 水道提綱東讓河曰五溪河出九龍山之南麓南流山中逕開縣東北凡二百餘里至五溪關東又東南曰東讓河又百餘里經雲陽縣城東北又東南入江 有橘官

蜀都賦注胸忍縣出橘唐書地理志夔州貢柑橘 方輿紀要雲陽縣西二十里有巴陽水驛自巴陽驛至五峯驛水道凡九十里五峯驛南有橘官堂故址 輿地紀勝李口有橘官堂記

見固陵集 大清一統志橘官堂在今雲陽縣西 鹽官 地道記入湯口四十三里有石袁以為鹽大者如升小者如拳袁之水竭鹽成 水經注湯溪水又南流歷胸忍縣翼帶鹽井一百所巴川資之以自給粒大者方寸中央隆起形如張傘故名傘子鹽有不成者亦必異于常鹽 舊唐志雲安多有鹽利自漢以來皆置官司之 寰宇記鹽泉在今萬歲縣東二十里平地 九域志雲安縣有團雲鹽井 輿地紀勝雜記云漢有廷尉扶嘉胸忍人也占吉凶多奇中常遊豐沛高祖見而奇之臨終有言曰三牛對馬嶺不出貴人出鹽井既沒之後鹽井溢焉 方輿勝覽白鹽山在夔州城東十七里崖壁五十餘里其色炳耀狀若白鹽 大清一統志漢胸忍縣鹽官唐置雲安監明置雲安鹽課司在今雲陽縣東北今有鹽井在縣北 按水經注鹽官下有民市二字

安漢 隋書地理志巴西郡南充縣舊曰安漢 輿地廣記今梓州南充縣本兩漢安漢縣 輿地紀勝今順慶府果州南充縣即漢巴郡之安漢縣也 明統志安漢城在順慶府城北三十五里 大清一統志安漢故城在今順慶府南充縣北

是魚池在南 按是魚池無考

莽曰安新 按以安漢為安新猶以廣漢為廣新也 本書王莽傳成命于巴宕晉灼曰巴郡宕渠縣也 華陽國志長老言宕渠蓋為古賓國今有賓城 水經注漢水又東南逕宕渠縣東又東南合宕渠水 後書吳漢傳注宕渠山名因以為縣故城在渠州流江縣東北俗名車騎城 通典今巴州化城縣及曾口其章歸仁三縣又通州所理通川縣渠州所理流江縣集州所理難江縣蓬州宕渠縣並漢宕渠縣地 寰宇記今蓬州通川永穆石鼓新寧巴渠三岡東鄉七縣又渠州流江鄰水鄰山大竹四縣又廣安軍渠江縣又巴州化城曾口二縣又蓬州良山伏虞蓬山朗池四縣又集州難江縣又壁州通江白石二縣並漢宕渠縣地又云渠州春秋時巴國秦置巴郡漢置宕渠縣即今流江縣東北七十里宕渠故城是也其城後漢車騎將軍馮緄增修俗名車騎城 又云廢漢宕渠縣在今蓬州東一百里 又云渠江源自萬頃池經巴達渠等州廣安軍界至合州東北十里與嘉陵江合 輿地勝記宕渠城在今南充縣北四十里即石狗壩城也 又云渠江在流江縣東三百步其水二源一出巴嶺一出羅吳山至永睦縣合入流江縣界 方輿勝覽宕渠山一名大青山在今渠州東五十里其山東西兩門延連相接山澗長狹有似溝渠 方輿紀要宕渠城在順慶府渠縣東北七十里應劭曰石過水為宕

順慶府渠縣東北七十里應劭曰石過水為宕

水所蓄爲渠故縣以是名宕渠山在縣東五十里一名大青山又名花果山 大清一統志宕渠故城在今順慶府渠縣東北隋書地理志有宕渠縣在今營山縣界乃梁置非漢故縣也宕渠山在渠縣東 又云通川江在遂州城南門外卽渠江一名東關水自太平縣發源西南流經東鄉縣城東又逕州城南又西南入順慶府渠縣界爲宕渠江經縣東又西南逕廣安州東又西南入重慶府合州界經州東北入嘉陵江卽宕渠水也 皇朝通志渠河爲巴水渠水二源之合名巴水出陝西西鄉縣西南之大巴山西流入四川通江縣界有洪口河自陝西界來會又西南有西河來會至巴州東南有南江水自陝西界合諸水經儀隴縣來會又東南至渠縣合渠河渠河三源俱出太平縣經東鄉縣而合逕遂州城東有澄子河自新寧縣來會又西南有青溪河自大竹縣來會至渠縣東北有巴江來會西南流有流江河自儀隴營山二縣來會經廣安州東北至合州之嘉渠口會嘉陵江以入于涪江 水道提綱渠江卽古巴水今曰渠河實巴渠二水之合也巴水出陝西西鄉縣西南之大巴山西流入四川通鄉縣東北界俗曰東河又西南經縣東南又西南至巴州東南又南至渠縣東北渠河自達州來會合流而西至渠縣城之東折西南至廣安東北又東流至合州東北之嘉渠口嘉陵江自定遠來會又西南逕州城東南涪江自西來會曰三江口合而南流至重慶府治巴縣西北又東流逕府城北

稍東入大江 又云渠河有三大源最北曰後江次曰中江次曰前江並出太平縣東北各行三百餘里至東鄉縣東南而合又西南逕遂州城東又南折西逕州城南又西南至渠縣東北與巴江會又南過渠縣城東又西南至廣安州東北曰篆江經三十六灘亦名泗水南逕州城東又東南至合州東北之嘉渠口會嘉陵江又西南逕州城東南合涪江曰三江口 符特山在西南

寰宇記今流江縣有龍驤山蓋卽古符特山也輿地紀勝圖經云龍驤山在大竹縣南三十里薩脊盤行有四足頭尾稍下如龍之驤故名 大清一統志龍驤山在今渠縣北

澗水西南入江

說文澗水出巴郡宕渠西南入江 應劭曰音潛 文類曰音岑 郭璞爾雅注有水從漢中沔陽縣南流至梓潼漢壽入大穴中通崗山下西南潛出一名沔水舊俗云卽禹貢之潛水也 水經注宕渠水卽潛水也出南鄭縣巴嶺南流謂之北水又東南流與難水合水出東北巴山西南注之又東南至宕渠縣謂之宕渠水又東南入于漢 括地志潛水一名澗水亦作泚水今名龍門水源出綿谷縣東龍門山大石穴下 元和志龍門山在利州綿谷縣東北八十二里潛水所出書曰沱潛旣道是也 寰宇記北水一名巴嶺水一名渝川水一名宕渠水源出巴嶺東南流至盤道縣合難江水 禹貢錐指梁州之潛一而已漢廣漢郡有葭萌縣蜀改

曰漢壽屬梓潼郡故郭璞云西南流至梓潼漢壽縣入大穴卽樂史所謂三泉故縣南有大寨水西流至龍門山入大石穴者也晉改漢壽曰晉壽故庾仲雍云墊江有別江出晉壽縣卽潛水太元中分晉壽置興安郡縣隋改曰綿谷唐因之故隋志云綿谷縣有龍門山元和志云潛水出綿谷縣龍門山明改曰廣元縣故近志云縣東北有龍門山潛水出焉縣名五變其地一也今縣北有龍門洞輿地紀勝曰龍門洞在綿谷縣北凡爲洞者三自朝天程入谷十五里有石洞及第二第三洞有水自第三洞發源貫通兩洞下合嘉陵江按此卽禹貢之潛水也自此以下歷昭化劍州蒼溪閬中南部蓬州南充合州至巴縣入大江禹通謂之潛後人稱爲西漢水又至唐又稱嘉陵江而潛之名遂晦其水出隴西西縣蟠冢山者自爲嘉陵江之發源下流與潛水合而潛水實不出于彼也又正義引鄭注云梁州之潛蓋漢出蟠冢東南至巴郡江州入江謂潛水出隴西蟠冢山誤由班志水經注引鄭說云漢別爲潛其穴本小積成澤流與漢合大禹自導漢疏通卽爲西漢水也故書曰沱潛旣道此勝前說西漢之水爲潛水康成故已知之不特景純也 又云水經潛水出巴郡宕渠又南出入于江注云漢水支分潛出故受其稱今爰有大穴潛水入焉通崗山下西南潛出謂之伏水或以爲古之潛水此與郭璞說同下文又引康成之言以爲證按漢宕渠故城在今順慶府渠縣界鄭元云宕渠水卽潛水出南

鄭縣巴嶺謂之北水東南流經宕渠縣謂之宕渠水又東南入于漢今渠縣之渠江源出夔州府太平縣東萬頃池自南江通江二縣界西南流至合州入嘉陵江是也此水本源不出于漢

水經注宕渠縣西北有不曹水南逕其縣下注潛水 新校地理志不曹水即今巴江也文義不順當有舛誤未敢改之

遍考近志其地亦無所謂大穴通岡山下者鄭氏援郭鄭之說以立注而不知二氏所言主漢

逸周書王會解其西魚復鼓鐘鐘牛孔晁注魚復南蠻國也 左傳文十六年庸與羣蠻叛楚

壽與宕渠無涉移彼入此舛謬殊甚且此水源

莊王伐之七遇皆北惟裨僚魚人逐之杜注裨僚魚三邑魚即魚復縣今巴東永安縣也 應

出巴嶺巴嶺在南鄭縣南百餘里綿互深遠高聳千尋冬夏積雪不消中包孤雲兩角米倉諸

劭曰復音腹 水經江水又東過魚復縣南夷水出焉注云江水又東逕魚復縣故城南縣故

山賈耽曰興元之南路通巴州中有孤雲米倉山行者必三日始達于嶺王子詔所謂孤雲兩

魚國也治白帝山因山據勢周回二百八十步北緣馬嶺接赤岬山其間平處南北相去八十

角去天一握也其險且遠如此禹必不以爲貢道潛不在宕渠無疑矣蔡傳乃據鄭注以釋經

五丈東西七十丈又東傍東漢溪即以爲隍西南臨大江關之眩目縣有夷谿即俱山清江也

而爾雅音義見于孔疏者反置若罔聞何其不知所擇耶 大清一統志宕渠縣潛水西南入

經所謂夷水出焉者也又東逕廣谿峽斯乃三峽之首也其峽自昔禹鑿以通江郭景純所謂

江不曹水出東北南入潛徐谷所謂潛水即今渠江酈道元亦云宕渠水即潛水是也乃于潛

巴東之峽夏后疏鑿者也 後書張堪傳注魚復故城即今夔州魚復縣北赤甲城是也 舊

水篇曲爲之說曰潛水即漢水支分潛出故受其稱今縣有大穴潛水入焉通岡山下西南潛

唐書地理志漢魚復縣今奉節縣北三里赤甲城是 元和志今夔州奉節縣本漢魚復縣

出謂之伏水或以爲古之潛水其說雖有與郭璞略同然璞本謂大穴在梓潼漢水去宕渠絕

寰宇記今夔州奉節縣北三十里有赤甲城即漢魚復縣也故城在縣西十五里蜀先主改爲

遠今渠江合巴達二州之水並非漢水支分其地亦無所謂大穴通岡山下者不足信可知而

永安縣今無城壁 大清一統志魚復故城在今夔州府奉節縣東北

明統志遂謂潛水在渠縣東五十里誤矣 按此非禹貢沱潛既道之潛水經安云入江酈注

江關都尉治 後書岑彭傳公孫述遣將乘枋軍下江關 華

遂援康成之言爲證蔡傳又據酈注以釋經並

陽國志巴楚相攻伐故置江關舊在赤甲城後移在江南岸對白帝城故基 水經江水又東

不曹水出東南北入瀼谷

涪陵 史記貨殖傳巴寡婦清其先得丹穴而擅其地

利數世徐廣曰涪陵出丹 華陽國志涪陵故巴郡之南鄙從枳縣南入泝舟涪水本與楚商於之地接秦司馬錯由之以取黔中後恆有都尉守之山險水灘人多戇勇皆穰蠻之民 水經注延江水北至涪陵縣分枝爲更始水入涪陵水涪陵水出縣東公孫述擊張堪於小別江卽此水也其水北至枳縣入江 師古曰涪音浮 四夷縣道記涪陵故城在蜀江之南涪江之西 通典今涪州涪陵縣本漢涪縣又武龍縣亦涪陵地 元和志黔州本漢涪陵所理晉永嘉後地沒蠻夷經二千五百五十六年至周保定四年涪陵蠻帥田思鶴以地內附因置奉州建德三年改爲黔州隋大業三年又改爲黔安郡因周隋州郡之名遂與秦漢黔中郡地犬牙難辨其秦黔中郡舊理在今辰州西二十里黔中故郡城是漢改黔中爲武陵郡移理義陵卽今辰州溱浦縣是後魏移治臨沅卽今州是今辰錦鼓獎溪澧朗施等州實參漢黔中之地而今黔中及夷費思播隔越峻嶺東有沅江水及諸溪並合東注洞庭湖西有延江水一名涪陵江自牂柯北歷播費思黔等州北注岷江以山川言之巴郡之涪陵與黔中故地炳然分矣 輿地紀勝涪陵江在黔州西北亦名更始水由涪州三百二十里入蜀江 方輿勝覽涪江自思州之上費溪發源經五十八節名灘方至黔州概自黔州概與施州江會流九十里經彭水武德二縣凡五百餘里與蜀江會于涪州之東常漠然澈底以其出于黔州又呼黔江東坡詩

合水來如電黔江綠似藍又名內江昔司馬錯泝此水南上擊奪楚黔中地 胡三省通鑑注漢涪陵地大而遠唐之夷費思播及黔府五州悉涪陵地 大清一統志涪陵故城卽今酉陽縣州西經彭水縣西又西北入重慶府涪州東卽烏江下流亦名涪陵江又名延江水 又云按水經注延江枝分爲更始水東入巴東之南浦縣又謂之西鄉水間關二百許里方得出山又二百餘里東南入遷陵縣至酉陽入酉水今施州江自湖北流入合黔江東流至辰州合酉水者爲酉陽之境內之疊溪然非黔江支流豈古今水道不同或傳聞有訛舊志謂黔江自黔州分流入黔江縣界亦名施州江經縣南又東北入湖廣施州衛界以來入之水爲分出之水 誤矣 莽曰巴亭

漢書地理志補注卷五十二 武都郡 史記西南夷傳自冉駝以東北君長以什數白馬最大 楊雄蜀記武都山精化爲女子爲蜀王妃未幾物故乃發卒之武都擔土爲冢 辛氏三秦記仇池山本名仇維其上有池故曰仇池在倉洛二谷間嘗爲水所衝激故下石而上土形如覆壺 魚豢魏略漢置武都郡排其種人分竄山谷或稱青氏或稱白氏 宋書氏胡傳仇池池地方百頃四面斗絕高平地方二千餘里羊腸蟠道三十六回山上豐水泉煮土成鹽 仇池記上有百頃池平如砥其南北有山路東西絕壁萬仞上有數萬家一人守道萬夫莫向山勢自然有樓櫓卻敵之狀東西二盤道可七里有岡阜低昂泉源交灌 水經注漢水又東南逕瞿堆西又屈逕瞿堆南絕壁峭峙孤嶮虛高望之形若覆壺其高二十餘里羊腸蟠道三十六迴開山圖謂之仇夷所謂積石嵯峨嶽岑隱阿者也有平田百頃煮土成鹽因以百頃爲名山上豐水泉所清泉涌沸潤氣上流者也漢武帝元鼎六年開以爲武都郡左右悉白馬氏矣 廣韻興州戰國時爲白馬羌之地漢置武都郡梁爲興州因武興山而名 後書光武紀注武都今武州也 又蘇不韋傳注武都郡城其地在今成州上祿縣界有仇池山東西懸絕壁立百仞 括地志隴右成州武州皆白馬氏其家族楊氏居成州仇池山上 九域志成州同谷縣有仇池山蜀鑑武都今階州同

谷武興等地舊有白馬氏據之 方輿紀要武都郡今鞏昌府之階州徽州及漢中府之寧羌州皆其地 大清一統志武都山在今綿州綿竹縣北舊志云在縣北二十里與紫巖山相接仇池山在今階州城縣西一名瞿堆又名百頃山 水道提綱仇池山在西和縣西南成縣之西北界脈自嶓冢綿互而南至成縣之西北界為壽山為青崖山西為橫水嶺又西為西和南山又西為仇池 按漢武都郡今甘肅階州之成縣秦州之徽兩當二縣又陝西漢中府之鳳略陽二縣皆其地

武帝元鼎六年置

本書武帝紀元鼎六年定西南夷以為武都牂柯越嶲沈黎汶山郡臣瓚曰茂陵書沈黎治狝都去長安三千三百三十五里領縣二十一應劭曰汶山今蜀郡嶓山本冉駝是也 後書白馬氏者武帝元鼎六年開分廣漢西部合以為武都土地險阻氏人勇難抵冒貪貨死利居于河池一名仇池方百頃四面斗絕 華陽國志武帝元鼎六年分廣漢郡為武都郡屬縣九東接梓潼西接天水北接始平 按宣帝紀地節三年省汶山郡并蜀後書西南夷傳及華陽國志並云武帝天漢四年并沈黎郡入蜀 莽曰樂平縣九

武都上祿故道河池平樂道沮嘉陵道循成道下辨道

武都

續志有道字 本書高后紀二年正月武都道

山崩 水經注武都郡治武都縣 寰宇記將利縣在今階州東二百里本漢之羌地漢置武都郡并武都縣 方輿勝覽今城在鞏昌府成縣西北或曰在故仇池城東南漢武都郡縣俱治此 大清一統志武都故城在今階州成縣西

東漢水受氏道水一名沔過江夏謂之夏水入江鄭康成曰或謂漢為沔 如淳曰北方人謂漢水為沔水 王峻漢書正誤按漢無東西之分此志武都之東漢水即禹貢嶓冢導漾東流為漢者也班氏反舍此而以隴西西縣之漢水目之至氏道之養水乃沮水也入西漢不入東漢班氏強相牽合酈道元委曲傳會蔡氏亦因之而誤胡拙明力辨其非其說詳見禹貢錐指新校地理志禹貢嶓冢導漾東流 漢本志云氏道禹貢漾水所出東至武都為漢是東漢水于氏道曰漾水于武都曰漢水也說文云漾出隴西氏道東至武都為漢漢漾也是漾漢一源志不言水所出遂迷漾水之源而後人復以為東漢水出今寧羌州者非矣

天池大澤在縣西 水經注天池大澤在西故以都為目矣 方輿紀要天池山在秦州徽縣南三十里山頂有池流為河池水 水道提綱洮州衛湫池即古天池大澤白水之源也 按天池大澤即仇池也武都故城在此 莽曰循虜

上祿

水經注漢水又東南逕上祿縣故城西修源濬導逕引北溪南總兩川單流納漢 後書黨錮傳注上祿今成州縣也 通典今成州所理上祿縣漢舊縣又長道縣亦漢上祿縣也 方輿紀要上祿廢縣在鞏昌府城縣西一百三十里 大清一統志上祿廢縣在今階州成縣西南據水經注上祿故城在仇池東南隋改倉泉為上祿在仇池北非漢故縣也

故道

史紀高祖紀漢王用韓信計從故道還襲章邯 又曹相國世家從還定三秦初攻故道 水經注渭水又與扞水合水出周道谷北逕武都故道縣之故城西縣有怒特祠神本南山大梓也其水又東北歷大散關而入渭 又云兩當水出陳倉縣大散嶺西南流入故道川謂之故道水西南逕故道城東又西南注于蜀水 括地志鳳州兩當縣本漢故道縣也在州西五十里 隋志河池郡梁泉舊曰故道後魏改元 和志漢故道縣晉永嘉後沒于氏羌後魏變文為固今鳳州梁泉兩當二縣並漢故道縣地故道水出陳倉縣之大散嶺西南流入故道川今州理即故道川也 大清一統志故道故城在今漢中府鳳縣西北接秦州兩當縣境故道山在兩當縣東南二十里下即故道水其水自鳳縣流經兩當縣南又西南經徽縣南與白江水合即今嘉陵江也 莽曰善治

河池

華陽國志河池一名仇池池方百頃 郭仲產
秦川記仇池山一名仇維山山上有池似覆壺
有瀑布水望之如舒布前志所云是縣因山爲
名也 水經注河池水出河池北谷南迤河池
成東西南入濁水 隋書地理志河池縣有河
池水 後書馬成傳注河池一名仇池今鳳州
縣也 通典今鳳州河池縣漢舊縣一名仇池
因山水爲名又武州盤隄縣亦河池地 寰宇
記鳳州河池縣本漢舊縣又階州福津縣亦河
池地 方輿紀要河池廢縣即今徽州治 大
清一統志河池故城在今秦州徽縣西舊志云
在縣西十五里河池水在縣南

泉街水南至沮入漢
水經注泉街水出河池縣東南流入沮水會于
沔 大清一統志在今甘肅秦州徽縣東南南
流入陝西漢中府略陽縣東北
行五百二十里莽曰樂平亭
平樂道

水經注平洛水出武階東北四十五里東北流
又東逕甘泉平洛成南又東入漢 魏書地形
志修成郡領平洛縣 九域志將利縣有平洛
鎮 明統志武都縣有平洛驛 大清一統志
平樂故城在今階州東北 按水經注平洛成
即今平樂道也蓋道元時其縣已廢省久矣洛
與樂古通用

沮
師古曰音千余反 後書虞翻傳注沮今興州
順政縣也音七余反 元和志異州即漢武都

郡之沮縣 方輿勝覽今沔州略陽長舉二縣
即漢武都郡之沮縣 大清一統志沮縣故城
在今漢中府界略陽縣東縣志云在縣東一百
十里沮水河側
沮水出東狼谷南至沙羨
屬江夏郡

南入江
說文沔水出武都沮縣東狼谷東南入江或曰
入夏水从水丐聲 續志沔水出沮縣東狼谷
水經沔水出武都沮縣東狼谷中注云沔水
一名沮水關駟曰以其初出沮洳然故曰沮水
縣亦受名焉導源南流泉街水注之又東南迤
沮水成又東南流注于漢曰沮口所謂沔漢者
也尚書曰嶓冢導漾東流爲漢如淳曰北方人
謂漢水爲沔水孔安國曰漾水東南流爲沔蓋
與沔合也至漢中爲漢水是互相通稱矣 通
典沔水發源于順政縣一名沮水有小丙山有
穴方圓二尺餘有水潛流穴口向丙因以爲名
左思蜀都賦所謂嘉魚出于丙穴者也 元和
志沔水一名沮水源出順政縣東北八十二里
有小谷山 方輿紀要隴東之山皆嶓冢狼谷
亦嶓冢之支裔耳今略陽縣東南有分水嶺或
以爲即狼谷 新校地理志沮水乃東漢水之
別源東狼谷在今略陽縣東北沮水經縣東合
漢云南至沙羨入江者即漢水耳郡國志云沔
水出東狼谷不言沮水是沮漢亦互稱之證
大清一統志沮水在今漢中府沔縣西自略陽
縣流入即漢水別源也

過郡五行四千里
過武都漢中南陽南郡江夏五郡
荊州川
夏官職方荊州其川江漢鄭注漢出嶓冢 地
理志稽疑武都下江東漢水不正其爲大川之
名而反以沮水當之不知沮水即東漢之支流
耳班志于沔漢漾一派最爲茫然 段氏說文
注班志以沮水爲荊州川按職方荊州之川注
漢然則班謂沮即東漢明矣
嘉陵道

水經注西漢水南入嘉陵道爲涪陵水世俗名
之爲階陵水 禹貢錐指禮縣本漢嘉陵道地
屬武都郡西漢水至此爲嘉陵水傅同叔云嘉
陵江出鳳州大散關西南嘉陵谷至興州北境
當會東漢水西東行安得越東漢而爲西漢乎
宋人以故道水爲嘉陵江大非近志皆承其謬
故道水合濁水至槃頭郡入西漢水至今猶然
何言會東漢而不會西漢耶 大清一統志後
魏階陵廢縣在今階州城縣西北即漢嘉陵道
也 又云按水經注西漢水南入嘉陵道爲嘉
陵水是古之嘉陵水爲本西漢水也九域志以
故道水爲嘉陵江或又指濁水爲嘉陵江蓋三
水皆嘉陵上流故得通稱然惟西漢爲嘉陵之
正源今西漢水別是犀牛江而故道水羣目爲
嘉陵江皆沿誤 皇朝通志嘉陵江即西漢水
出秦州西南之嶓冢山山在漢源嶓冢之西北
四百餘里非即禹貢之嶓冢也西漢水西南流
有橫水嶺水自西和縣來會折西流至禮縣東

南又西逕西和縣西北有岷峨江水來會經階州東北成縣西南有潭河來會經成縣南界略陽縣西北有黑峪江自秦州來會又東南有九龍池水自徽縣來會又南有嘉陵谷水自鳳縣

縣有下辨水 大清一統志下辨故城在今階州成縣西舊志云在縣西三十里 莽曰揚德

漢書地理志補注卷五十三 隴西郡

經兩當縣合諸水來會始名嘉陵江南流經略陽縣西又經寧羌州西北又南經四川廣元縣北界有七盤關水來會經廣元縣西昭化縣東北有白水江來會又西南有劍水自劍州來會經蒼溪縣西又逕保寧府西南有東河自寧羌州經廣元縣來會經南部縣西北蓬州西北有西河自劍州經閬中南部縣來會經南充縣東北有蠻子河自西充縣來會又東南有西溪自岳池縣來會經定遠縣東北折而南至合州東北有渠河來會又南流入于涪江 按漢嘉陵道後漢省至後魏真君四年復置始改嘉為階循成道

史記秦本紀昭王二十七年司馬錯發隴西因蜀攻楚黔中 應劭曰有隴坻在其東故曰隴西也 荀悅漢紀隴西天水安定以及北地上郡西河皆環列畿輔而宿衛之士多取給焉所謂六郡良家子也 晉書地道記漢陽有阪名隴坻亦曰隴山郡處其西故曰隴西其山堆旁崩聲聞數百里揚雄所謂響若坻頽者也 師古曰隴坻謂隴阪即今之隴山也此郡在隴之西故曰隴西坻音丁計反又音底 後書光武紀注隴西郡今渭州 方輿紀要隴西郡秦郡也今臨洮府至鞏昌府西境是其地 按漢隴西今甘肅蘭州府之渭源縣及河州狄道州鞏昌府之隴西縣及岷州暨秦州州治皆其地 秦置

水經注漢水東南逕修城道南與修水合 大清一統志修成廢縣在今漢中府略陽縣西北 按修循城成古並通用

本書高帝紀漢二年十一月雍州定八十餘縣置河上渭南中地隴西上郡 水經注隴西秦昭王二十八年置 地理志稽疑隴西秦故封也不知其置郡之年楚漢之際屬雍國高帝二年屬漢 大清一統志按地理志武帝改雍曰涼蕭望之傳亦以隴西以北安定以西八郡為涼州而隴西等十郡下缺載所屬州名以後漢志參之蓋皆涼州部也

下辨道 續志無道字 師古曰辨音步見反 史記曹參世家從還定三秦初攻下辨 華陽國志武都郡治下辨一曰武街 水逕注濁水又東逕武街城南故下辨縣治也 後書光武紀注下辨縣今成州同谷縣舊名武街城 通典同谷城一名武街城即古下辨也 元和志成州同谷縣本漢下辨道也故氏白馬王國下辨水一名甘泉在縣東北七十里 九域志成州同谷

莽曰厭戎 按後漢書蔡邕傳六世祖勳王莽初授以厭戎連率勳逃不仕 有鐵官